



~~C9326.565~~

C9326.565

**Harvard College
Library**



**FROM THE BEQUEST OF
JOHN HARVEY TREAT
OF LAWRENCE, MASS.
CLASS OF 1862**



BREVIARIUM MELDENSE.

.....
PARS AUTUMNALIS.
.....

PARISIIS. — EXCUDEBANT FIRMIN DIDOT FRATRES,
INSTITUTI REGII FRANCÆ TYPOGRAPHI,
VIA JACOB, N° 24.

BREVIARIUM MELDENSE,

ILLUSTRISSIMI AC REVERENDISSIMI IN CHRISTO PATRIS

DD. ROMANI FREDERICI
GALLARD,
EPISCOPI MELDENSIS,
AUCTORITATE,

NECNON VENERABILIS ECCLESIE MELDENSIS CAPITULI CONSENSU
EDITUM.



PARS AUTUMNALIS.



**MELDIS,
IN MAJORI SEMINARIO.**

M DCCC XXXIV.

~~C9308-54~~

C9326.565-

HARVARD COLLEGE LIBRARY

TREAT FUND

CHARTRAND COLLECTION

JUNE 8, 1928

W

DE HORA

INTER MERIDIEM ET SOLIS OCCASUM,

QUA MATUTINUM CUM LAUDIBUS PRIDIE RECITARI POTEST.

12 Januarii.....	2 1/4	21 Julii.....	3 3/4
4 Februarii.....	2 1/2	12 Augusti.....	3 1/2
22 Februarii.....	2 3/4	30 Augusti.....	3 1/4
10 Martii.....	3	16 Septembris.....	3
27 Martii.....	3 1/4	3 Octobris.....	2 3/4
13 Aprilis.....	3 1/2	20 Octobris.....	2 1/2
1 Maii.....	3 3/4	1 Novembris.....	2 1/4
22 Maii.....	4	1 Decembris.....	2

TABULA DOMINICARUM

CUJUSQUE MENSIS PRO OMNIBUS ANNIS.

	A	B	C	D	E	F	G
Januarius habens dies 31.	1	2	3	4	5	6	7
	8	9	10	11	12	13	14
	15	16	17	18	19	20	21
	22	23	24	25	26	27	28
	29	30	31				
Februarius.....	5	6	7	1	2	3	4
Martius.....	5	6	7	1	2	3	4
Aprilis.....	2	3	4	5	6	7	1
Maius.....	7	1	2	3	4	5	6
Junius.....	4	5	6	7	1	2	3
Julius.....	2	3	4	5	6	7	1
Augustus.....	6	7	1	2	3	4	5
September.....	3	4	5	6	7	1	2
October.....	1	2	3	4	5	6	7
November.....	5	6	7	1	2	3	4
December.....	3	4	5	6	7	1	2

Hæc tabula inservit ad inveniendam diem mensis in qualibet die Hebdomadæ. Litteræ in capite columnarum positæ, sunt *Dominicales* dierum quæ subtus ipsas in eisdem columnis designantur.

Indicati sunt tantum septem priores dies cujusque mensis, præter Januarium, ex quo, utpote completo, ceteris suppleatur. Quænam autem sit Littera Dominicalis pro quolibet anno, usque ad 1978 inclusive, videre est ad Tabulam Paschalem retro scriptam.

TABULA PASCHALIS USQUE AD ANNUM 1978.

ANNI DOMINI.	LITT.	PAS-	ANNI DOMINI.	LITT.	PAS-	ANNI DOMINI.	LITT.	PAS-	ANNI DOMINI.	LITT.	PAS-
	DOM.	CHN.		DOM.	CHN.		DOM.	CHN.		DOM.	CHN.
1835	d	19 A.	1871	A	9 A.	1907	e	31 M.	1943	b	25 A.
1836	c b	3 A.	1872	g f	31 M.	1908	d c	19 A.	1944	A g	9 A.
1837	A	26 M.	1873	e	13 A.	1909	b	11 A.	1945	f	1 A.
1838	g	15 A.	1874	d	5 A.	1910	A	27 M.	1946	e	21 A.
1839	f	31 M.	1875	c	28 M.	1911	g	16 A.	1947	d	6 A.
1840	e d	19 A.	1876	b A	16 A.	1912	f e	7 A.	1948	c b	28 M.
1841	c	11 A.	1877	g	1 A.	1913	d	23 M.	1949	A	17 A.
1842	b	27 M.	1878	f	21 A.	1914	e	12 A.	1950	g	9 A.
1843	A	16 A.	1879	e	13 A.	1915	b	4 A.	1951	f	25 M.
1844	g f	7 A.	1880	d c	28 M.	1916	A g	23 A.	1952	e d	13 A.
1845	d	23 M.	1881	b	17 A.	1917	f	8 A.	1953	c	5 A.
1846	d	12 A.	1882	A	9 A.	1918	e	31 M.	1954	b	18 A.
1847	c	4 A.	1883	g	25 M.	1919	d	20 A.	1955	A	10 A.
1848	b A	23 A.	1884	f e	13 A.	1920	c b	4 A.	1956	g f	1 A.
1849	g	8 A.	1885	d	5 A.	1921	A	27 M.	1957	e	21 A.
1850	f	31 M.	1886	c	25 A.	1922	g	16 A.	1958	d	6 A.
1851	e	20 A.	1887	b	10 A.	1923	f	1 A.	1959	c	29 M.
1852	d c	11 A.	1888	A g	1 A.	1924	e d	20 A.	1960	b A	17 A.
1853	b	27 M.	1889	f	21 A.	1925	c	12 A.	1961	g	2 A.
1854	A	16 A.	1890	e	6 A.	1926	b	4 A.	1962	f	22 A.
1855	g	8 A.	1891	d	29 M.	1927	A	17 A.	1963	e	14 A.
1856	f e	23 M.	1892	c b	17 A.	1928	g f	8 A.	1964	d c	29 M.
1857	d	12 A.	1893	A	2 A.	1929	e	31 M.	1965	b	18 A.
1858	c	4 A.	1894	g	25 M.	1930	d	20 A.	1966	A	10 A.
1859	b	24 A.	1895	f	14 A.	1931	c	5 A.	1967	g	26 M.
1860	A g	8 A.	1896	e d	5 A.	1932	b A	27 M.	1968	f e	14 A.
1861	f	31 M.	1897	c	18 A.	1933	g	16 A.	1969	d	6 A.
1862	e	20 A.	1898	b	10 A.	1934	f	1 A.	1970	c	29 M.
1863	d	5 A.	1899	A	2 A.	1935	e	21 A.	1971	b	11 A.
1864	c b	27 M.	1900	g f	15 A.	1936	d c	12 A.	1972	A g	2 A.
1865	A	16 A.	1901	e	7 A.	1937	b	28 M.	1973	f	22 A.
1866	g	1 A.	1902	d	30 M.	1938	A	17 A.	1974	e	24 A.
1867	f	21 A.	1903	c	12 A.	1939	g e	9 A.	1975	d	30 M.
1868	e d	12 A.	1904	b A	3 A.	1940	f e	24 M.	1976	c b	18 A.
1869	c	28 M.	1905	g	23 A.	1941	d	13 A.	1977	A	10 A.
1870	b	17 A.	1906	f	15 A.	1942	c	5 A.	1978	g	26 M.

Pro annis bissext. , duæ sunt Litteræ Dominicales ; prior inservit usque ad 24 Febr. , posterior vero a 25 Febr. usque ad finem anni.

In columnis Paschæ , M significat Martium ; A , Aprilem.

TABULA TEMPORARIA FESTORUM MOBILIIUM, JUXTA OCCURRENTIAM PASCHATIS.

OCCURRENTIA PASCHA,	DOM. POST EPIPH.	SEPTUAGESIMA.	DIES CINERUM.	ASCENSIO DOMINI.	PENTE- COSTES.	DOM. POST PENT.	DOM. I ADVEN- TUS.
22 M.	1	18—19 Jan.	4—5 Febr.	30 April.	10 Maii.	28	29 Nov.
23 M.	1	19—20 Jan.	5—6 Febr.	1 Maii.	11 Maii.	28	30 Nov.
24 M.	1	20—21 Jan.	6—7 Febr.	2 Maii.	12 Maii.	28	1 Dec.
25 M.	2	21—22 Jan.	7—8 Febr.	3 Maii.	13 Maii.	28	2 Dec.
26 M.	2	22—23 Jan.	8—9 Febr.	4 Maii.	14 Maii.	28	3 Dec.
27 M.	2	23—24 Jan.	9—10 Febr.	5 Maii.	15 Maii.	27	27 Nov.
28 M.	2	24—25 Jan.	10—11 Febr.	6 Maii.	16 Maii.	27	28 Nov.
29 M.	2	25—26 Jan.	11—12 Febr.	7 Maii.	17 Maii.	27	29 Nov.
30 M.	2	26—27 Jan.	12—13 Febr.	8 Maii.	18 Maii.	27	30 Nov.
31 M.	2	27—28 Jan.	13—14 Febr.	9 Maii.	19 Maii.	27	1 Dec.
1 A.	3	28—29 Jan.	14—15 Febr.	10 Maii.	20 Maii.	27	2 Dec.
2 A.	3	29—30 Jan.	15—16 Febr.	11 Maii.	21 Maii.	27	3 Dec.
3 A.	3	30—31 Jan.	16—17 Febr.	12 Maii.	22 Maii.	26	27 Nov.
4 A.	3	31 Jan.—1 Febr.	17—18 Febr.	13 Maii.	23 Maii.	26	28 Nov.
5 A.	3	1—2 Febr.	18—19 Febr.	14 Maii.	24 Maii.	26	29 Nov.
6 A.	3	2—3 Febr.	19—20 Febr.	15 Maii.	25 Maii.	26	30 Nov.
7 A.	3	3—4 Febr.	20—21 Febr.	16 Maii.	26 Maii.	26	1 Dec.
8 A.	4	4—5 Febr.	21—22 Febr.	17 Maii.	27 Maii.	26	2 Dec.
9 A.	4	5—6 Febr.	22—23 Febr.	18 Maii.	28 Maii.	26	3 Dec.
10 A.	4	6—7 Febr.	23—24 Febr.	19 Maii.	29 Maii.	25	27 Nov.
11 A.	4	7—8 Febr.	24—25 Febr.	20 Maii.	30 Maii.	25	28 Nov.
12 A.	4	8—9 Febr.	25—26 Febr.	21 Maii.	31 Maii.	25	29 Nov.
13 A.	4	9—10 Febr.	26—27 Febr.	22 Maii.	1 Jun.	25	30 Nov.
14 A.	4	10—11 Febr.	27—28 Febr.	23 Maii.	2 Jun.	25	1 Dec.
15 A.	5	11—12 Febr.	28—29 Febr.	24 Maii.	3 Jun.	25	2 Dec.
16 A.	5	12—13 Febr.	1 Mart.	25 Maii.	4 Jun.	25	3 Dec.
17 A.	5	13—14 Febr.	2 Mart.	26 Maii.	5 Jun.	24	27 Nov.
18 A.	5	14—15 Febr.	3 Mart.	27 Maii.	6 Jun.	24	28 Nov.
19 A.	5	15—16 Febr.	4 Mart.	28 Maii.	7 Jun.	24	29 Nov.
20 A.	5	16—17 Febr.	5 Mart.	29 Maii.	8 Jun.	24	30 Nov.
21 A.	5	17—18 Febr.	6 Mart.	30 Maii.	9 Jun.	24	1 Dec.
22 A.	6	18—19 Febr.	7 Mart.	31 Maii.	10 Jun.	24	2 Dec.
23 A.	6	19—20 Febr.	8 Mart.	1 Jun.	11 Jun.	24	3 Dec.
24 A.	6	20—21 Febr.	9 Mart.	2 Jun.	12 Jun.	23	27 Nov.
25 A.	6	21—22 Febr.	10 Mart.	3 Jun.	13 Jun.	23	28 Nov.

Secundus Numerus in columnis Septuagesimæ et Diei Cinerum, pro annis bissextilibus inservit.

In prima hujus Tabulæ columna, M significat Martium; A, Aprilem.

CALENDARIUM.



In sequenti Calendario, Numerus qui post nomen ac dignitatem Sanctorum legitur, designat annum quo quisque Sanctus obiit : c. significat circa annum : s. seculo : c. med. s. circa medium seculi : c. fin. s. circa finem seculi.

Voces albus, viridis, ruber, etc., indicant colorem in Ornamentis, juxta diem, adhibendum.

Cruciculus † aliquot Festis præpositus, indicat Officia in hoc Breviario Meldensæ primum inserta.

JANUARIUS.

DIES MENSIS.

Cal.	I	CIRCUMCISIO DOMINI, IMPOSITIO NOMINIS JESU, ET OCTAVA NATALIS EJUS. <i>Solemne-minus : Albus.</i>
IV	2	Basilii Magni, Cæsariensis in Cappadocia Episcopi et Eccl. Doct. (e 1.) <i>Semiduplex : 379. Viridis.</i>
III	3	Genovefæ, Virginis Parisiensis. <i>Duplex-minus : 512. Albus.</i>
Prid.	4	Titi, Cretensis Episcopi. <i>Semiduplex : c. 90. Commem. S. Simeonis Stylitæ, Anachoretæ, prope Antiochiam. c. 460. Viridis.</i>
Non.	5	Vigilia Epiphaniæ, <i>sine jejunio. Albus.</i>
VIII	6	EPIPHANIA DOMINI. <i>Annuale-minus, cum Octava secundi Ordinis. Albus. (Transfertur quoad Solemnitatem ut in Rubrica, 73.)</i>
VII	7	<i>De Octava Epiphaniæ. Duplex-minus : Albus.</i>
VI	8	
V	9	
IV	10	
III	11	<i>OCTAVA EPIPHANIÆ, ET BAPTISMUS DOMINI. Duplex-majus : Albus.</i>
Prid.	12	
Idib.	13	<i>Hilarii, Pictaviensis Episcopi et Eccl. Doct. (e 13.) Duplex-minus : c. 368. Viridis.</i>
XIX	14	† Aspasii, Presbyteri, Melodunensium Patroni. (e 1.) <i>Semiduplex : c. 542. Albus.</i>
XVIII	15	Fursæ (<i>Fursy.</i>), primi Latiniacensis Abbatis, et † omnium aliorum SS. Latiniacensium. <i>Duplex-minus : 650. Albus.</i>
XVII	16	Antonii, Patriarchæ Cœnobitarum. <i>Semiduplex : 356. Albus.</i>
XVI	17	

JANUARIUS.

DIES MENSIS.

XV	18	Festum Pontificatus seu Cathedralis S. Petri, qua primum Antiochiæ sedit, tum Romæ; et † omnium SS. Pontificum Romanorum. <i>Duplex-minus : Viridis.</i> <i>Prima sedes Septuagesimæ, die 18.</i>
XIV	19	Sulpitii, Bituricensis Episcopi. (e 17.) <i>Simplex : 644. Viridis.</i>
XIII	20	Sebastiani, Martyris. <i>Semiduplex : c. 288. Ruber.</i>
XII	21	Agnetis, Virg. et Mart. <i>Semiduplex : 303 vel 304. Ruber.</i>
XI	22	Vincentii, Diaconi et Mart. <i>Semiduplex : 303 vel 304. Ruber.</i>
X	23	Agili (Aile), primi Resbacensis Abbatis. (e 30 Aug.) c. 650. <i>Translatio hac die.</i> Cum SS. Philiberto, primum Resbacensi, tum Gemeticensi Abbate, (e 20 Aug.) c. 684. et † Gálterio (Gautier), e Monacho Resbacensi, S. Martini Pontisarensis Abbate. (e 8 Apr.) 1099. <i>Duplex-minus : Albus.</i>
IX	24	Timother, Ephesiini Episc. et Mart. <i>Semiduplex : 97. Ruber.</i>
VIII	25	Conversio S. Pauli Apost. <i>Duplex-minus : 30 vel 31; ex aliis, 34 vel 35. Albus.</i>
VII	26	Paulæ, Viduæ Romanæ. <i>Simplex : 404. Albus.</i>
VI	27	Joannis Chrysostomi, Constantinop. Episc. et Eccl. Doct. <i>Semiduplex : 407. Viridis.</i>
V	28	Cyrilli, Alexandrini Episc. et Eccl. Doct. <i>Semiduplex : 444. Viridis.</i>
IV	29	Francisci Salesii, Genev. Episc. (e 28 Dec.) <i>Duplex-minus : 1622. Viridis.</i>
III	30	Bathildis, Reginæ Francorum, Viduæ; Instauratrix Monasterii Calensis, et in eodem Monialis. c. 680. Cum S. † Radegunde, Virgine, eodem anno. <i>Duplex-minus : Albus.</i>
Prid.	31	Aldegundis, Virginis, primæ Malbodiensis Abbatissæ. (e 30.) <i>Simplex : 684. Albus.</i>

FEBRUARIUS.

Cal.	1	Ignatii, Antiochiæ Episc. et Mart. (e 20 Dec.) <i>Semiduplex : 107. Ruber.</i>
IV	2	PRÆSENTATIO DOMINI, ET PURIFICATIO B. M. V. <i>Solemne-majus : Albus.</i>
III	3	Blasii, Sebast. Episc. et Mart. <i>Simplex. c. 316. Ruber.</i>
Prid.	4	† Joannæ Valesiæ (Jeanne de Valois), Reginæ Franciæ, Monialium Annuntiationis Fundatricis. <i>Semiduplex : 1505. Albus.</i> <i>Prima dies Cinerum, die 4.</i>

FEBRUARIUS.

DIES MENSIS.

Non.	5	Agathæ, Catanensis Virg. et Mart. <i>Semiduplex</i> : 251. <i>Ruber.</i>
VIII	6	Amandi, Trajectensis Episc. <i>Simplex</i> : c. 679. <i>Commem.</i> S. Vedasti (<i>Vast</i>), Atrebatensis Episc. c. 539. <i>Viridis.</i>
VII	7	Romualdi, Abbatis, Instit. Ord. Camaldulensis. <i>Semiduplex</i> : c. 1027. <i>Albus.</i>
VI	8	Joannis de Matha, Presb. Ordinis SS. Trinitatis Fundatoris. (e 2 Dec.) <i>Semiduplex</i> : 1213. <i>Albus.</i>
V	9	Pauli, primi Eremitæ Thebaidis. (e 20 Jan.). <i>Simplex</i> : c. 341. <i>Albus.</i>
IV	10	Fabiani, Papæ et Mart. (e 20 Jan.) <i>Semiduplex</i> : 250. <i>Commem.</i> S. Gertrudis, Virginis. (e 17 Mart.) 659. (<i>Ejus corporis Elevatio hac die.</i>) <i>Ruber.</i>
III	11	† Severini, Nantonensis Abbat. S. Mauricii Agaun. <i>Semiduplex</i> : 507. <i>Albus.</i>
Prid.	12	Felicis, Presb. Nolani. (e 14 Jan.) <i>Simplex</i> : c. 265. <i>Albus.</i>
Idib.	13	Gilberti, Meldensis Episcopi. <i>Duplex-minus</i> : 1009. <i>Viridis.</i>
XVI	14	† Odilonis, Cluniacensis, et, ut putatur, San-Faroniani Abbatis. (e 1 Jan.) <i>Semiduplex</i> : 1048.
XV	15	Babylæ, Antiocheni Episc. et Soc. Martyrum. (e 24 Jan.) <i>Simplex</i> : c. 251. <i>Ruber.</i>
XIV	16	† Cyrilli Hierosolymitani, Episc. et Eccl. Doct. (e 18 Mart.) <i>Semiduplex</i> : c. 386. <i>Viridis.</i>
XIII	17	Quadraginta Martyrum Sebast. <i>Simplex</i> : c. 320. <i>Ruber.</i>
XII	18	Simeonis, Hierosol. Episc. et Mart. <i>Semiduplex</i> : 107. <i>Ruber.</i>
XI	19	Justini, Christianæ Religionis Apologistæ, et Martyris. (e 13 April.) <i>Semiduplex</i> : 167 vel 168. <i>Ruber.</i>
X	20	
IX	21	<i>Ultima sedes Septuagesimæ, die 21.</i> <i>In Dominicis et Feriis intra Septuagesimam, Violaceus.</i>
VIII	22	
VII	23	Eartongathæ (<i>Artongathe</i>), Farensis Virginis. <i>Simplex</i> : c. 700. <i>Albus.</i>
VI	24	MATTHIÆ, APOSTOLI. <i>Duplex-majus</i> : 1 s. <i>Ruber.</i> <i>In anno Bissextili.</i>
V	25	
	26	
IV	27	
III	28	
Prid.		¶ <i>In anno Bissextili, Februarius est dierum 29, et Festum S. Matthiæ celebratur 25 Februarii; bis dicitur Sexto Calendas, id est 24 et 25; et hac die mutatur Littera Dominicalis quæ adsumpta fuit mense Januario, ut videre est ad Tabulam Paschalem.</i>

FEBRUARIUS.

DIES MENSIS.

*Feria VI post Cineres, fit Officium de † QUINQUE
PLAGIS CHRISTI. Duplex-majus : Ruber.*

*Feria IV, VI et Sabbato post Dom. I Quadrag.
Quatuor Tempora. Cinericius vel Violaceus.*

*Feria VI post Dom. I Quadrag. fit Officium †
SS. CHRISTI FACIET, IN PASSIONE EJUS DEFORMATÆ.
Duplex-majus : Ruber.*

*Feria VI post Dom. II. Quadrag. fit Officium †
S. CRUCIS DOMINI. Duplex-majus : Ruber.*

*Feria VI post Dom. III Quadrag. fit Officium
S. CORONÆ SPINÆ. Duplex-majus : Ruber.*

*Feria VI post Dom. IV Quadrag. fit Officium †
PRETIOSI SANGUINIS CHRISTI. Duplex-majus : Ruber.*

*Feria VI post Dom. Passionis, fit Officium de †
COMPASSIONE B. M. V. Duplex-majus : Ruber.*

MARTIUS.

Cal. 1 Albin (Aubin), Andegavensis Episc. Simplex : 550.
Viridis.

VI 2

V 3

IV 4

III 5

Prid. 6

Non. 7

VIII 8

VII 9

VI 10

Ultima dies Cinerum, die 10.

*In Feriis et Dom. intra Quadrag. usque ad Dom.
Passionis, excepta unaquaque Feria VI, Violaceus
vel Cinericius.*

*A I Vesperis Dom. Passionis ad Nonam Sabbati
sancti inclusive, Ruber vel Fuscus (Brun), vel Niger
cum orisfrigiis rubris.*

*In Compassione B. M. V. ad totum Officium, et in
Cœna Domini ad Missam, solus Ruber adhibetur.*

V 11

IV 12

III 13

Prid. 14

Idib. 15

XVII 16

XVI 17

MARTIUS.

DIES MENSIS.

XV	18	
XIV	19	
XIII	20	
XII	21	
XI	22	<i>Prima sedes PASCHÆ, die 22. Annuale-majus, cum Octava primi Ordinis. Albus, et sic usque ad Vigiliam Pentecostes in omni Officio de Tempore.</i>
X	23	
IX	24	
VIII	25	ANNUNTIATIO ET INCARNATIO DOMINI. Annuale-minus : Albus.
VII	26	
VI	27	
V	28	
IV	29	
III	30	
Prid.	31	

APRILIS.

Cal.	1	
IV	2	
III	3	
Prid.	4	
Non.	5	
VIII	6	
VII	7	
VI	8	
V	9	
IV	10	
III	11	
Prid.	12	
Idib.	13	
XVIII	14	
XVII	15	
XVI	16	
XV	17	
XIV	18	
XIII	19	
XII	20	
XI	21	Francisci de Paula, Institutoris Ord. Minimorum. Semiduplex : 1507. Albus.
X	22	† Opportunæ, Virginis. Simplex : c. 770. Albus.
IX	23	Georgii, Martyris. Simplex : III vel IV s. Ruber.

APRILIS.

DIES MENSIS.

VIII	24	Autarii (<i>Autaire</i>), Laici justī, Vultiaci ad Matronam Patroni. (e 26.) <i>Simplex</i> : c. 636.
VII	25	MARCI, EVANGELISTÆ. <i>Duplex-majus</i> : c. 68. <i>Ruber</i> . <i>Ultima sedes Paschæ, die 25.</i>
VI	26	Lini * et Cleti, ** Papparum et Martyrum. <i>Semiduplex</i> : * (e 26 Nov.) 78. ** c. 91. <i>Ruber</i> .
V	27	Polycarpi, Smyrn. Episc. et Mart. (e 26 Mart.) <i>Semiduplex</i> : 169. <i>Ruber</i> . <i>Ab hac die potest evenire Triduum Rogationum, in quo abstinencia a carnibus.</i>
IV	28	Mariæ Ægyptiæ. (e 1.) <i>Semiduplex</i> : v vel vi s. <i>Violaceus</i> .
III	29	† Roberti, primi Prioris S. Aigulfi Pruviniensis, tum Molismensis Abbatis, et Institut. Ord. Cisterciensis. (e 21 Mart.) <i>Semiduplex</i> : 1108. <i>Albus</i> .
Prid.	30	† Eutropii, Santonensis Episc. et Mart. <i>Simplex</i> : III s. <i>Ruber</i> . <i>Prima sedes ASCENSIONIS DOMINI, die 30. Celebratur hoc Festum Feria V Hebdomadæ V post Pascha. Annuale-minus, cum Octava secundi Ordinis. Dies Octava, Duplex-majus : Albus.</i>

MAIUS.

Cal.	1	PHILIPPI * ET JACOBI ** (Alphæi) APOSTOLORUM. <i>Duplex-majus</i> : * post 81. ** 62. <i>Ruber</i> .
VI	2	Athanasii, Alexandrini Episc. et Eccl. Doct. <i>Semiduplex</i> : 373. <i>Viridis</i> .
V	3	INVENTIO SANCTÆ CRUCIS. <i>Duplex-majus</i> : 326. <i>Ruber</i> .
IV	4	Monicæ, Viduæ. <i>Simplex</i> : 387. <i>Commem.</i> S. Quiriaci, Episc. et Mart. ante vi s. <i>Albus</i> .
III	5	JOSEPH, SPONSI B. Mariæ VIRGINIS. <i>Solemne-minus</i> : 1 s. <i>Albus</i> .
Prid.	6	Martyrium S. Joannis Apost. et Evang. Romæ ante portam Latinam. <i>Semiduplex</i> : 95. <i>Ruber</i> .
Non.	7	† Sisetrudis et Gibitrudis, Virginum Farensum. <i>Simplex</i> : c. 650. <i>Albus</i> .
VIII	8	Valberti (<i>Valbert</i> vel <i>Gaubert</i>), tertii Luxoviensis Abbatis. (e 2.) <i>Simplex</i> : 665. <i>Albus</i> .
VII	9	Gregorii Nazianzeni, Constantinop. Episc. et Doct. <i>Semiduplex</i> : 391. <i>Viridis</i> .
VI	10	Blandini, Anachoretæ. (e 1.) <i>Simplex</i> : post 614. <i>Albus</i> . <i>Prima sedes PENTECOSTES, die 10. Annuale-majus, cum Octava primi Ordinis. Ruber.</i>

MAIUS.

DIES MENSIS.

V	11	Mamerti, Viennensis Episc. <i>Simplex</i> : c. 475. <i>Viridis</i> .
IV	12	
III	13	
Prid.	14	† Herculandis et Flodobertæ, Virginum Farensum. c. 650. <i>Simplex</i> : <i>Albus</i> .
Idib.	15	Pachomii, Tabennæ in Thebaïde Abbatis, Cœnobiticæ vitæ Institut. <i>Simplex</i> : 348 vel 349. <i>Albus</i> .
XVII	16	
XVI	17	† Joannis Nepomuceni, Canonici Pragensis in Bohemia et Mart. <i>Simplex</i> : 1383. <i>Albus</i> .
XV	18	
XIV	19	Yvonis (Yves), Trecorensis Presb. <i>Simplex</i> : 1303. <i>Albus</i> .
XIII	20	† Yvonis, Carnotensis Episc. et Doct. <i>Simplex</i> : 1115. <i>Viridis</i> .
XII	21	
XI	22	
X	23	
IX	24	Donatiani et Rogatiani, Martyrum. <i>Simplex</i> : c. 287. <i>Ruber</i> .
VIII	25	
VII	26	† Augustini, Cantuar. Episc. et Anglorum Apost. <i>Simplex</i> : 604. <i>Viridis</i> .
VI	27	Hildeverti, Meldensis Episc. <i>Duplex-minus</i> : c. 680. <i>Viridis</i> .
V	28	Germani Parisiensis Episc. 576. Cum aliis SS. Pontificibus Parisiensibus. <i>Semiduplex</i> : <i>Viridis</i> .
IV	29	
III	30	
Prid.	31	

¶ *Feria IV, VI et Sabbato Hebd. Pentecostes, Quatuor tempora. Ruber.*

Dominica I post Pentecosten, fit Officium de SS. TRINITATE. Solemne-majus. Ruber.

Feria V Hebdom. SS. Trinitatis, Festum CORPORIS CHRISTI. Annuale-minus, cum Octava secundi Ordinis. Ruber; sicque per totam Octavam. (Transfertur quoad Solemnitatem ut in Ruhr. 73.)

Die Octava Corporis Christi, † Festum SACERDOTII DOMINI. Solemne-minus. Ruber.

In aliis Dominicis post Pentecosten, et in Feriis ejusdem Temporis, Viridis.

JUNIUS.

DIES MENSIS.

Cal.	I	Marcellini, Presb. et Petri, Exorcistæ, Romæ Martyrum. (e 2.) <i>Simplex</i> : 304. <i>Ruber</i> .
IV	2	Pothini, Lugd. Episc. Blandinæ, Virginis, et Sociorum, Martyrum. <i>Semiduplex</i> : 177. <i>Ruber</i> .
III	3	Clotildis, Reginæ Francorum et Viduæ. <i>Duplex-minus</i> : post 537. <i>Albus</i> . <i>Ultima sedes Ascensionis, die 3.</i>
Prid.	4	† Lucentiæ, Virginis Pruviniensis. <i>Simplex</i> : c. fin. x s. <i>Albus</i> .
Non.	5	
VIII	6	Norberti, Magdeburgensis Episc. Instit. Ord. Præmonst. <i>Semiduplex</i> : 1134. <i>Viridis</i> .
VII	7	
VI	8	Medardi, Noviom. Episc. <i>Simplex</i> : c. 545. <i>Viridis</i> .
V	9	
IV	10	
III	11	Barnabæ, Gentium Apostoli. <i>Duplex-minus</i> : c. fin. 1 s. <i>Ruber</i> .
Prid.	12	
Idib.	13	<i>Ultima sedes Pentecostes, die 13.</i>
XVIII	14	
XVII	15	Cyrici (Cyr) et Julittæ, matris ejus, Tharsi in Cilicia Martyrum (e 16.) <i>Simplex</i> : c. 305. <i>Commem.</i> † S. Viti, (Guy), Martyris. c. 303. <i>Ruber</i> .
XVI	16	† Francisci Regis, Societ. Jesu Presb. <i>Simplex</i> : 1640. <i>Albus</i> .
XV	17	
XIV	18	† Fortunati (Fortune), Episcopi. <i>Simplex</i> : c. 569. <i>Viridis</i> .
XIII	19	Gervasii et Protasii, Martyrum. <i>Semiduplex</i> : 1 vel 11 s. <i>Ruber</i> .
XII	20	Paulini, Nolani, Episc. <i>Simplex</i> : 431. <i>Viridis</i> .
XI	21	
X	22	
IX	23	
VIII	24	NATIVITAS S. JOANNIS BAPTISTÆ. <i>Solemne-minus</i> : <i>Albus</i> .
VII	25	
VI	26	Joannis et Pauli, fratrum, Martyrum. <i>Simplex</i> : c. 363. <i>Ruber</i> .
V	27	
IV	28	Irenæi, Lugd. Episc. et Eccl. Doct. ac Soc. Mart. <i>Duplex-minus</i> . c. 202. <i>Commem.</i> Vigiliæ SS. Petri et Pauli. <i>Si hæc Vigilia occurrat extra Dominicam vel Sabbatum, Jejunium (tantum) transfertur in Sabbatum sequens; si occurrat in Dominica, Jejunium anticipatur in Sabbatum præcedens. Ruber.</i>

JUNIUS.

DIES MENSIS.

III	29	PETRI ET PAULI, APOSTOLORUM. <i>Solemne-majus</i> : c. 66. <i>Ruber</i> . (<i>Transfertur quoad Solemnitatem ut præscribitur in Rubricis, n. 73.</i>)
Prid.	30	Commemoratio S. Pauli, Apostoli. <i>Duplex-minus</i> . <i>Comm.</i> † S. Martialis, primi Lemovicensis Episcopi. <i>III s. Ruber</i> .

JULIUS.

Cal.	I	Theobaldi (<i>Thibaut</i>), Pruviniensis Presb. et Solitarii. (<i>e 30 Jun.</i>) <i>Semiduplex</i> : 1066. <i>Albus</i> .
VI	2	VISITATIO B. MARIE VIRGINIS. <i>Duplex-majus</i> : <i>Albus</i> .
V	3	
IV	4	
III	5	Gerochii, Presb. et Abbat. in diœcesi Meld. <i>Simplex</i> : <i>c. med. vel fin. VII s. Albus</i> .
Prid.	6	Thomæ, Cantuariensis Episc. et Mart. (<i>e 29 Dec.</i>) <i>Semiduplex</i> : 1170. <i>Ruber</i> .
Non.	7	Adalbergæ (<i>Aubierge</i>), Virginis, et Farenensis Abbatissæ. <i>Semiduplex</i> : <i>c. fin. VII s. Albus</i> .
		† Dominica post diem 7 hujus mensis celebratur Festum SS. CORDIS D. N. JESU CHRISTI. <i>Solemne-majus</i> : <i>Ruber</i> .
VIII	8	† Læti (<i>Lie</i>), Martyris apud Sabinos, prope Pruvinum. <i>Simplex</i> : <i>Depositio hac die, 1169. Ruber</i> .
VII	9	Ephræm, Diaconi Edesseni et Monachi. <i>Simplex</i> : <i>c. 380. Albus</i> .
VI	10	Septem Fratrum et S. Felicitatis eorum matris, Martyrum. <i>Simplex</i> : <i>c. 150. Ruber</i> .
V	11	Benedicti, Cassinensis Abbatis, Patriarchæ Occident. Monachorum. (<i>e 21 Mart.</i>) <i>Semiduplex</i> : 543. <i>Albus</i> .
IV	12	Scholasticæ, Cassinensis Virginis. <i>Simplex</i> : <i>c. 543. Transl. ejus et S. Benedicti, die 11, c. 653. Albus</i> .
III	13	† Arsenii, Romani Diaconi et Scetis Solitarii. (<i>e 19.</i>) <i>Simplex</i> : 445. <i>Albus</i> .
Prid.	14	Bonaventuræ, Albanensis Episc. et Doct. <i>Semiduplex</i> : 1274. <i>Viridis</i> .
Idib.	15	Henrici II, Imperatoris. <i>Simplex</i> : 1024. <i>Albus</i> .
XVII	16	
XVI	17	Rigomeri, Meldensis Episc. (<i>e 28 Maii.</i>) <i>Semiduplex</i> : <i>v s. Viridis</i> .
XV	18	Thomæ Aquinatis, Eccl. Doct. (<i>e 7 Mart.</i>) <i>Duplex-minus</i> : 1274. <i>Canonizatio hac die, 1333. Albus</i> .
XIV	19	† Vincentii a Paulo, Presbyteri, Congreg. Mission. Instit. (<i>e 27 Sept.</i>) <i>Duplex-minus</i> : 1660. <i>Albus</i> .
XIII	20	Symphoriani, Martyris. (<i>e 22 Aug.</i>) <i>Simplex</i> : <i>c. 179. Ruber</i> .

JULIUS.

DIES MENSIS.

XII	21	Victoris, Martyris. <i>Semiduplex</i> : 290. <i>Ruber</i> .
XI	22	Mariæ Magdalenes. <i>Duplex-minus</i> : 1 s. <i>Albus</i> .
X	23	
IX	24	
VIII	25	JACOBI (Zebedæi), APOSTOLI. <i>Duplex-majus</i> : 44. <i>Ruber</i> .
VII	26	Joachim et Annæ, parentum B. M. V. <i>Duplex-minus</i> : <i>Albus</i> .
VI	27	Eustasii, Luxov. Abbatis. (e 29 Mart.) <i>Simplex</i> : 625 vel 627. <i>Albus</i> .
V	28	Columbæ, Virg. et Mart. apud Senonas. (e 31 Dec.) <i>Simplex</i> : 258 vel 273. <i>Translatio hac die</i> , 853. <i>Ruber</i> .
IV	29	Lupi (Loup), Trecensis Episc. <i>Semiduplex</i> : 479. <i>Viridis</i> .
III	30	Ignatii Loyolæ, Presbyteri, Instit. Societ. Jesu. (e 31.) <i>Semiduplex</i> : 1556. <i>Albus</i> .
Prid.	31	Germani, Autissiodorensis Episc. <i>Semiduplex</i> : 448. <i>Viridis</i> .

AUGUSTUS.

¶ *Dominica I Augusti, celebratur Festum REVELATIONIS seu INVENTIONIS CORPORIS S. STEPHANI, PROTOMARTYRIS, ECCLESIE CATHEDRALIS MELDENSIS, ET TOTIUS DIOECESIS PATRONI. Annuale-minus* : 415. *Ruber*.

Cal.	1	Petri, Apostoli, ad Vincula. <i>Duplex-minus</i> : 44 et 65. <i>Commem. SS. septem fratrum Machabeorum, et eorum matris, Martyrum. c. 167 ante Christum natum. Ruber</i> .
IV	2	Stephani, Papæ et Mart. <i>Semiduplex</i> : 257. <i>Ruber</i> .
III	3	
Prid.	4	Dominici, Presbyteri, Instit. Ord. Prædicatorum. (e 6.) <i>Semiduplex</i> : 1221. <i>Albus</i> .
Non.	5	† Justinii, Martyris. (e 1.) <i>Simplex</i> : III s. <i>Commem. † S. Memmii, Cathalaunensis Episc. post 306. Ruber</i> .
VIII	6	TRANSFIGURATIO DOMINI. <i>Duplex-majus</i> : <i>Albus</i> .
VII	7	Xysti, Papæ et Mart. <i>Semiduplex</i> : 258. <i>Ruber</i> .
VI	8	Radegundis, Reginae Francorum, Viduæ. <i>Semiduplex</i> : 587. <i>Albus</i> .
V	9	† Romani, Martyris. <i>Simplex</i> : 258. <i>Ruber</i> .
IV	10	Laurentii, Diac. et Mart. <i>Duplex-minus</i> : 258. <i>Ruber</i> .
III	11	Aguilbertæ, Virginis, secundæ Jotrensis Abbatissæ. <i>Simplex</i> : c. 700. <i>Albus</i> .
Prid.	12	† Felicis et Felicissimi, Martyrum. <i>Semiduplex</i> : III s. <i>Ruber</i> .

AUGUSTUS.

DIES MENSIS.

Idib.	13	† Hippolyti, Presbyteri et Mart. <i>Simplex</i> : 252. <i>Ruber</i> .
XIX	14	Vigilia, cum jejunio. <i>Albus</i> .
XVIII	15	ASSUMPTIO B. MARIE VIRGINIS, ECCLESIAE CATHEDRALIS, AC TOTIUS DIOECESIS PATRONÆ. <i>Annuale-minus</i> , cum Octava tertiæ Ordinis. 1 s. <i>Albus</i> .
XVII	16	Rochi, Laici justî, apud Montem-Pessulanum. <i>Semiduplex</i> : 1327. <i>Commem.</i> Octavæ. <i>Albus</i> .
XVI	17	
XV	18	De Octava. <i>Semiduplex</i> : <i>Albus</i> .
XIV	19	
XIII	20	Bernardi, Claravall. Abb. et Eccl. Doct. <i>Duplex-minus</i> : 1158. <i>Commem.</i> Octavæ. <i>Albus</i> .
XII	21	De Octava. <i>Albus</i> .
XI	22	OCTAVA ASSUMPTIONIS B. M. V. ET † COMMEMORATIO VOTI LUDOVICI XIII. <i>Duplex-majus</i> : <i>Albus</i> .
X	23	† Joannæ Franciscæ Fremiot de Chantal, Viduæ, Instit. Monial. Visitationis S. M. (e 13 Dec.) <i>Semiduplex</i> : 1641. <i>Albus</i> .
IX	24	BARTHOLOMÆI, APOSTOLI. <i>Duplex-majus</i> : 1 s. <i>Ruber</i> .
VIII	25	LUDOVICI IX, REGIS FRANCIAE. <i>Solemne-minus</i> : 1270. <i>Albus</i> .
VII	26	Audoeni (Ouen), Rothomag. Episc. et Resbacensis Monasterii Fundatoris. (e 24.) <i>Semiduplex</i> : 683. <i>Viridis</i> .
VI	27	Cæsarii Arelatensis Episc. et Eccl. Doct. <i>Semiduplex</i> : 542. <i>Viridis</i> .
V	28	Augustini, Hipponensis Episc. et Eccl. Doct. <i>Duplex-minus</i> : 430. <i>Viridis</i> .
IV	29	Decollatio S. Joannis Baptistæ. <i>Duplex-minus</i> : <i>Ruber</i> .
III	30	† Mederici (Merry), Abbatis. <i>Simplex</i> : c. 700. <i>Albus</i> .
Prid.	31	Ebrigisili, Meldensis Episcopi. <i>Duplex-minus</i> : c. 700. <i>Viridis</i> . ¶ Dominica post diem 24 Augusti, fit Officium S. FIACRII, BRIGENSIS SOLITARIJ ET PATRONI. (e 30.) <i>Solemne-minus</i> : c. 670. <i>Albus</i> .

SEPTEMBER.

Cal.	1	Lupi (Leu), Senonensis Episc. 628. † Cum aliis omnibus SS. Episcopis Senonensibus. <i>Duplex-minus</i> : <i>Viridis</i> .
IV	2	Lazari, a Christo suscitati, et SS. Mariæ et Marthæ, sororum ejus, Christi Hospitum. <i>Duplex-minus</i> : 1 s. <i>Albus</i> .
III	3	Gregorii Magni, Papæ et Eccl. Doct. (e 12 Mart.) <i>Duplex-minus</i> : 604. <i>Ordinatio hac die</i> , 590. <i>Viridis</i> .

SEPTEMBER.

DIES MENSIS.

Prid.	4	† Aigulfi (<i>Ayoul</i>), Lirinensis Abbat. et Mart. <i>Simplex</i> : c. 675. <i>Ruber</i> .
Non.	5	
VIII	6	Chagnoaldi (<i>Cagnoald</i> vel <i>Cagnou</i>), Laudunensis Episc. <i>Semiduplex</i> : 632. <i>Viridis</i> .
VII	7	Clodoaldi (<i>Cloud</i>), Presbyteri. <i>Semiduplex</i> : 568. <i>Albus</i> .
VI	8	NATIVITAS B. MARIÆ VIRGINIS. <i>Solemne-majus</i> , cum Octava quarti Ordinis. <i>Albus</i> .
V	9	
IV	10	
III	11	De Octava. <i>Simplex</i> : <i>Albus</i> .
Prid.	12	
Idib.	13	
XVIII	14	EXALTATIO SANCTÆ CRUCIS. (<i>Imperante Constantino</i> , 326 vel 327; <i>imperante Heraclio</i> , 629). <i>Duplex-majus</i> : <i>Ruber</i> . † FERIA IV, VI et Sabbato post hoc Festum, Quatuor Tempora. <i>Violaceus</i> , quando fit de FERIA.
XVII	15	Octava Nativitatis, et † Festum S. Nominis B. Mariæ Virginis. <i>Duplex-minus</i> : <i>Albus</i> .
XVI	16	Cypriani, Carthag. Episc. Eccl. Doct. et Mart. <i>Semiduplex</i> : 258. <i>Commem.</i> S. Euphemie, Virg. et Mart. 307. <i>Ruber</i> .
XV	17	Lamberti, Traject. Episc. et Mart. <i>Simplex</i> : c. 708. <i>Ruber</i> .
XIV	18	
XIII	19	
XII	20	Dionysii Areopagitæ, primi Athenarum Episc. et Mart. <i>Simplex</i> : c. 95. <i>Ruber</i> .
XI	21	MATTHÆI, APOST. ET EVANG. <i>Duplex-majus</i> : 1 s. <i>Ruber</i> .
X	22	Mauricii, et Soc. Mart. <i>Semiduplex</i> : 286. <i>Ruber</i> .
IX	23	Theclæ, Virg. et Protomartyris, apud Iconium. <i>Simplex</i> : c. fin. 1 s. <i>Ruber</i> .
VIII	24	† Quintini (<i>Quintin</i>), Martyris castitatis, apud Turones. <i>Simplex</i> : ante 593. <i>Ruber</i> .
VII	25	Firmini, Ambian. Episc. et Mart. <i>Simplex</i> : c. 287. <i>Ruber</i> .
VI	26	Cornelii, Papæ et Mart. (e 14.) <i>Semiduplex</i> : 252. <i>Ruber</i> .
V	27	Cosmæ et Damiani, fratrum, Martyrum. <i>Simplex</i> : c. init. IV s. <i>Ruber</i> .
IV	28	
III	29	MICHAELIS ARCHANGELI, ET OMNIUM SS. ANGELORUM. <i>Solemne-minus</i> : (<i>Hoc Festum in Apulia sumpsit initium</i> , an. 493 vel 536.) <i>Albus</i> .
Prid.	30	Hieronimi, Presb. et Eccl. Doct. <i>Duplex-minus</i> : 420. <i>Albus</i> .

OCTOBER.

DIES MENSIS.

Cal.	1	Remigii, Remensis Episc. (e 30 Jan.) <i>Duplex-minus</i> : c. 533. <i>Translatio prima hac die, ante 585. Viridis.</i>
VI	2	Angelorum Custodum. <i>Duplex-minus.</i> (<i>Hoc Festum initium sumpsit an. 1608.</i>) <i>Albus.</i>
V	3	Patusii (Patus), Presb. Meld. <i>Semiduplex</i> : c. fin. VII s. <i>Albus.</i>
IV	4	Francisci Assisinatis in Umbria, Instit. Ord. Fratrum Minorum. 1226. <i>Semiduplex</i> : <i>Albus.</i>
III	5	
Prid.	6	Brunonis, Monachi, Instit. Ord. Carthusian. <i>Semiduplex</i> : 1101. <i>Albus.</i> ¶ <i>Dominica I post diem 6 hujus mensis, celebratur Festum SS. DIONYSII, PRIMI PARISIORUM EPISCOPI, MELDORUMQUE APOSTOLI, ET SOC. MARTYRUM.</i> (e 9.) <i>Solemne-majus</i> : c. 287. <i>Ruber.</i>
Non.	7	Fidis (Foi), Virg. et Mart. (e 6.) <i>Simplex</i> : c. 290. <i>Ruber.</i>
VIII	8	Leodegarii (Leger), Episc. et Mart. (e 2.) <i>Simplex</i> : 678. <i>Ruber.</i>
VII	9	
VI	10	Theodechildis seu Thendechildis (Thelchilde), primæ Jotrensis Abbatissæ. <i>Semiduplex</i> : c. 660. <i>Albus.</i>
V	11	SANCTINI (Saintin), BRIGENSIS APOST. ET PRIMI MELDENSIS EPISC. c. 353. cum S. Antonino, ejus Socio et successore. (e 30 Sept.) c. fin. IV s. <i>Solemne-minus</i> : <i>Albus.</i>
IV	12	
III	13	
Prid.	14	
Idib.	15	Theresiæ, Virginis, Instauratricis Ord. Carmelit. <i>Semiduplex</i> : 1582. <i>Albus.</i>
XVII	16	
XVI	17	
XV	18	LUCÆ, EVANGELISTÆ. <i>Duplex-majus</i> : 1 s. <i>Ruber.</i>
XIV	19	Saviniani et Potentiani, Senonensium Episc. et Soc. Mart. (e 31 Dec.) <i>Duplex-minus</i> : c. an. 186. vel II s. c. 235. vel III s. <i>Translatio hac die, 1029. Ruber.</i>
XIII	20	
XII	21	Hilarionis, Abbatis. <i>Simplex</i> : 371. <i>Commem. SS. † Ursulæ et Sodalium, Virginum et Mart. 450. Albus.</i>
XI	22	CELINÆ, MELDENSIS VIRGINIS ET PATRONÆ. <i>Semiduplex.</i> (<i>In civitate Meldensi, Solemne-minus</i>) : c. 590. <i>Albus.</i>
X	23	Perpetuæ et Felicitatis, et Soc. Martyrum. (e 7 Mart.) <i>Simplex</i> : c. 204. <i>Ruber.</i>
IX	24	† Aloysii Gonzagæ, Societ. Jesu, Clerici, et Adolescentium Patroni. (e 21 Jun.) <i>Semiduplex</i> : 1591. <i>Albus.</i>

OCTOBER.

DIES MENSIS.

VIII	25	† Crispini et Crispiniani, Martyrum. <i>Simplex</i> : 288. <i>Ruber</i> .
VII	26	
VI	27	
V	28	SIMONIS ET JUDE, APOST. <i>Duplex-majus</i> : 1 s. <i>Ruber</i> .
IV	29	FARONIS, MALDENSES EPISCOPI. <i>Duplex - majus</i> : 672. <i>Viridis</i> .
III	30	Quintini (<i>Quentin</i>), apud Viromanduos Martyris. (e 31.) <i>Simplex</i> : c. 287. <i>Ruber</i> .
Prid.	31	Vigilia cum jejunio. <i>Ruber</i> .

NOVEMBER.

Cal.	1	OMNIUM SANCTORUM. <i>Annuale-minus, cum Octava secundi Ordinis. Institut. c. 835. Ruber</i> .
IV	2	COMMEMORATIO OMNIUM FIDELIUM DEFUNCTORUM. <i>Duplex-majus</i> : <i>Institut. an. 998. Niger</i> .
III	3	De Octava. <i>Semiduplex</i> : <i>Ruber</i> .
Prid.	4	Caroli Borromæi, Mediol. Episc. et Card. (e 3.) <i>Duplex-minus</i> : 1584. <i>Commem. Omnium Sanctorum. Viridis</i> .
Non.	5	
VIII	6	De Octava Omnium SS. <i>Semiduplex</i> : <i>Ruber</i> .
VII	7	
VI	8	OCTAVA OMNIUM SS. ET VENERATIO SS. RELIQUIARUM. <i>Duplex-majus</i> : (<i>Institut. an. 1194.</i>) <i>Ruber</i> . ‡ <i>Dominica I post hanc Octavam, celebratur ANNIVERSARIUS DIES DEDICATIONIS OMNIUM ECCLESiarUM DIOECESIS. Solemne-majus</i> : <i>Albus</i> .
V	9	† Maturini, Presbyteri. (e 1.) <i>Semiduplex</i> : ante IV vel V s. <i>Albus</i> .
IV	10	Leonis Magni, Papæ et Eccl. Doct. <i>Duplex-minus</i> : c. 462. <i>Viridis</i> .
III	11	MARTINI, TURON. EPISC. <i>Duplex-majus</i> : 397. <i>Viridis</i> .
Prid.	12	† Lequii (<i>Liesne</i>), Melodunensis Presb. <i>Simplex</i> : VI s. <i>Commem. † S. Paterni, Monachi et Mart. 726. Albus</i> .
Idib.	13	Chilleni (<i>Chillen</i> vel <i>Killain</i>), Presb. Meld. <i>Semiduplex</i> : c. 670. <i>Commem. S. Brictii (Brice), Turon. Episc. 444. Albus</i> .
XVIII	14	Martini, Papæ et Mart. (e 16 Sept.) <i>Simplex</i> : 655. <i>Ruber</i> .
XVII	15	Bertilli, primæ Calensis Abbatissæ. (e 5.) <i>Semiduplex</i> : c. 700. <i>Albus</i> .
XVI	16	† Edmundi (<i>Edmo</i> vel <i>Esme</i>), Cantuariensis Episc. <i>Semiduplex</i> : 1241. <i>Viridis</i> .
XV	17	† Agnui (<i>Agnon</i>), Aurelianensis Episc. <i>Semiduplex</i> : 453. <i>Viridis</i> .

NOVEMBER.

DIES MENSIS.

XIV	18	† Aldæ (<i>Mude</i>), Virginis. <i>Simplex</i> : vi s. <i>Albus</i> .
XIII	19	Columbani, primi Luxoviensis Abbat. (e 21.) <i>Semiduplex</i> : 615. <i>Albus</i> .
XII	20	Felicitis, Anachoretæ Meldensis, in pago Vadensi, Patris Ordinis SS. Trinitatis. <i>Simplex</i> : 1212. <i>Albus</i> .
XI	21	PRÆSENTATIO B. Mariæ Virginis. <i>Duplex-majus</i> : <i>Albus</i> .
X	22	Ceciliæ Virg. et Mart. <i>Semiduplex</i> : II vel III s. <i>Ruber</i> .
IX	23	Clementis, Papæ et Mart. <i>Semiduplex</i> : 100. <i>Ruber</i> .
VIII	24	Chrysogoni et *Anastasiæ, Martyrum. (*e 25 Dec.) <i>Simplex</i> : c. 304. <i>Ruber</i> .
VII	25	Catharinæ, Virg. et Mart. <i>Simplex</i> : IV s. <i>Ruber</i> .
VI	26	† Genesii (<i>Genès</i>), Lugdun. Episc. (e 1.) <i>Simplex</i> : c. 677. <i>Viridis</i> .
V	27	<i>Prima sedes Adventus, die 27.</i> <i>In Dominicis et Feriis, Violaceus.</i>
IV	28	
III	29	Saturnini, Tolosani Episc. et Mart. <i>Simplex</i> : c. 258 vel 275. <i>Ruber</i> .
Prid.	30	ANDRÆ APOSTOLI. <i>Duplex-majus</i> : I s. <i>Ruber</i> .

DECEMBER.

Cal.	1	Eligii, Noviom. Episc. (e 30 Nov.) <i>Semiduplex</i> : 659. <i>Viridis</i> .
IV	2	
III	3	Francisci-Xaverii, Presbyteri, Indiarum Apost. <i>Duplex-minus</i> : 1552. <i>Albus</i> . <i>Ultima sedes Adventus, die 3.</i>
Prid.	4	
Non.	5	
VIII	6	Nicolai, Myrensis Episc. <i>Semiduplex</i> : c. 320. <i>Viridis</i> .
VII	7	FARÆ, MELDENSIS VIRG. PRIMÆ FARENSIS ABBATISSÆ, ET BRIGENSIS PATRONÆ. <i>Duplex-majus</i> : c. 655. <i>Albus</i> .
VI	8	CONCEPTIO B. Mariæ Virginis. <i>Solemne-minus</i> : <i>Albus</i> .
V	9	
IV	10	Ambrosii, Mediolanensis Episc. et Eccl. Doct. <i>Duplex-minus</i> : 397. <i>Viridis</i> .
III	11	
Prid.	12	† Rosæ, Virginis, primæ Villæ-Cassonis Abbatisæ (e 13.) <i>Semiduplex</i> : 1130. <i>Albus</i> .
Idib.	13	Luciæ, Syracusanæ Virg. et Mart. <i>Semiduplex</i> : 304 vel 305. <i>Ruber</i> . ¶ <i>Feria IV, VI et Sabbato post Festum S. Lucie, Quatuor Tempora (quæ semper occurrunt intra Hebd.</i>

DECEMBER.

DIES MENSIS.

		<i>III Adventus.) Feria IV, Albus; Feria VI et Sabbato, Violaceus.</i>
XIX	14	
XVIII	15	
XVII	16	
XVI	17	
XV	18	
XIV	19	
XIII	20	
XII	21	THOMÆ, APOSTOLI. <i>Duplex-majus: 1 s. Ruber.</i>
XI	22	
X	23	
IX	24	<i>Vigilia primi Ordinis cum jejunio. Albus.</i>
VIII	25	NATALE DOMINI. <i>Annuale-majus, cum Octava secundi Ordinis. Albus.</i>
VII	26	STEPHANI PROTOMARTYRIS. <i>Annuale-minus: 33. Commem. Octavæ Natalis Domini. Ruber.</i>
VI	27	JOANNIS, APOSTOLI ET EVANG. <i>Solemne-minus: 100 vel 104. Commem. Octavæ. Albus.</i>
V	28	INNOCENTII, MARTYRUM. <i>Duplex-majus: 1 s. Commem. Octavæ. Ruber.</i>
IV	29	
III	30	De Octava Natalis Domini. <i>Duplex-minus: Albus.</i>
Prid.	31	De Octava Natalis Domini. <i>Duplex-minus: Commem. S. Sylvestri, Papæ. 335. Albus.</i>

RUBRICÆ GENERALES.

DE OFFICIO IN GENERE.

1^o Officium fit vel de Feria, vel de Dominica, vel de Festo; Vigiliæ inter Ferias annumerantur, et Octavæ inter Festa.

2^o Officium dividitur in octo Horas, et Horæ in varias partes; quæ omnia videre est in Ordinario cujusque partis Breviarii, et disponere ut ibidem præscribitur, juxta speciem Officii de quo fit.

3^o Regulis in Ordinario præscriptis habentur excipienda pro variis temporibus: præcipue pro Tempore Adventus a die 15 Decembris, pro Tempore Passionis usque ad Pascha; pro toto Tempore Paschali; pro Natali Domini, ejusque Vigilia et Octava; pro Epiphania, et Officiis pro Defunctis; quæ quidem requirenda sunt in propriis locis.

DE FERIIS ET VIGILIIS.

4^o Inter Ferias, aliæ sunt communes, aliæ privilegiatæ, inter quas recensentur Vigiliæ.

5^o Feriæ communes sunt Septuagesimales, Paschales, et aliæ quæ dicuntur *per annum*. Ex cedunt cuilibet Officio occurrenti.

6^o Inter Ferias privilegiatas, aliæ excludunt Simplicia, cedunt vero Semiduplicibus et supra: videlicet Feriæ Adventus, ante diem 15 Decembris; et Vigilia SS. Petri et Pauli.

7^o Aliæ Semiduplicia et infra excludunt; nempe Feria VI post Octavam Ascensionis, Feriæ Qua-

tuor Temporum Septembris, Vigilia Assumptionis B. M. V. et Vigilia Festi Omnium SS.

8^o Aliæ excludunt Duplicia-minora et infra; nempe Feriæ Adventus post diem 15 Decembris, Vigilia Epiphaniæ, Feriæ Rogationum.

9^o Aliæ excludunt quodcumque Festum de Sancto, nisi sit Annuale; nempe Feriæ inter diem Cinerum, et Majorem-Hebdomadam.

10^o Aliæ tandem excludunt quodcumque Festum, etiam Annuale; videlicet dies Cinerum, Feriæ Majoris-Hebdomadæ, Vigiliæ Natalis Domini et Pentecostes.

11^o Exceptis Feriis quæ *per Adventum* dicuntur et Feria VI post Octavam Ascensionis, omnes Feriæ privilegiatæ habent Evangelium ad Nocturnum.

12^o Vigiliæ Assumptionis et Omnium SS., quando incidunt in Dominicam, anticipantur in Sabbatum antecedens cum suo jejunio.

13^o Officium Feriale incipit a Nocturno, et terminatur ad Completorium, nisi interveniat alterum Officium primas habens Vesperas: aliquando tamen contingit ut Officium Feriæ communis a Vesperis tantum incipiat; videlicet quando sequitur Festivitatem Simplicem.

14^o Ad Nocturnum tres Lectiones sunt de Scriptura, nisi tertia sit de Evangelio cum sua Homilia.

RUBRICÆ GENERALES.

15° Unica habetur Antiphona ad Laudes et ad Vesperas post Psalmos; quinque tamen ad Laudes Vigiliarum Festorum Annualium.

¶

DE DOMINICIS.

16° Inter Dominicas, aliæ sunt communes, aliæ sunt privilegiatæ.

17° Communes sunt omnes Dominicæ, quæ inter privilegiatas infra non numerantur: eæ admittunt Duplicia-majora et supra, exclusis inferioribus Festis.

18° Inter privilegiatas, aliæ excludunt tantum Duplicia-majora, nempe Dominicæ secunda, tertia, et quarta Adventus; necnon Dominicæ Septuagesimæ, Sexagesimæ et Quiquagesimæ.

19° Quodlibet Solemne et infra excludunt Dominicæ secunda, tertia, et quarta Quadragesimæ.

20° Dominica Passionis solum Incarnationis Domini Festum admittit.

21° Nulli tandem Festo cedunt Dominicæ prima Adventus et prima Quadragesimæ; necnon Dominicæ Palmarum, Paschæ cum sua tota Octava, Pentecostes cum sua Octava, et prima post Pentecosten quæ est SS. Trinitatis.

22° Secundis Vesperis Incarnationis Domini cedunt primæ de Dominica Palmarum; et primis ejusdem Festi cedunt secundæ de Dominica in Albis.

23° Dominicale Officium tres habet Nocturnos; in primo tres habentur Lectiones e Scriptura; in secundo, tres sunt e SS. Patribus; in tertio, duæ priores sunt e SS. Patribus, tertia autem de Evangelio cum Homilia.

Autumnalis.

DE FESTIS.

24° Festum est vel Simplex, vel Semiduplex, vel Duplex-minus, vel Duplex-majus, vel Solemne-minus, vel Solemne-majus, vel Annuale-minus, vel Annuale-majus.

25° Inter Simplicia adscribendum est Officium B. M. V. in Sabbato, quod quidem habet suum proprium locum et Rubricas.

26° Inter Annualia-minora habetur Festum primarium de S. Patrono; secundarium vulgo habetur inter Solemnia-majora, juxta consuetudinem loci.

27° Videre est in Calendario, juxta diem aut tempus, seriem et gradum Festorum de quibus fit in Breviario.

DE SIMPLICI.

28° Simplex incipit ab Officio Nocturno et terminatur ad Nocturnum inclusive. Ad Officium Nocturnum duæ priores Lectiones sunt e Scriptura, tertia autem de Festo; videlicet vel ex historia Sancti, vel e SS. Patribus. Unicam habet Antiphonam in Laudibus.

DE SEMIDUPLICI.

29° In eo differt a Simplici quod habeat utrasque Vesperas, et in eisdem quinque Antiphonas; ita et ad Laudes.

DE DUPLICI-MINORI.

30° Omnia ut in Semiduplici, excepto quod ad Officium Nocturnum prima tantum Lectio est de Scriptura, duæ posteriores de Festo.

DE DUPLICI-MAJORI.

31° Omnia ut in Duplici-mi-

★★

RUBRICÆ GENERALES.

nori, hoc addito, quod ad Officium Nocturnum tres habeat Nocturnos ut in Dominica; in secundo autem, quando fit de Sancto, Lectiones non sunt semper e SS. Patribus, sed sæpe sæpius ex ipsius historia.

32° In Duplicibus-majoribus et infra, Psalmi semper dicuntur ut in Psalterio, juxta diem Hebdomadæ in qua Festum celebratur.

DE SOLEMNI-MINORI.

33° Omnia ut in Duplici-majori, his additis: In primis Vespere et in primo Completorio, Psalmi sunt de Feria, ut in inferioribus Officiis; sunt tamen Dominicales, si tales fuerint ad Laudes et ad Horas præcedentis Officii. In ipso autem die, Psalmi sunt Dominicales ad Laudes, ad Horas minores, et ad Completorium; ad Officium vero Nocturnum et ad II Vesperas Psalmi sunt vel proprii vel Dominicales.

34° Extra Septuagesimam duplex *Alleluia* additur in fine R. R. br. Tertiæ, Sextæ et Nonæ.

DE SOLEMNI-MAJORI.

35° Omnia ut in Solemni-minori, his additis: Dicitur Responsorium in primis Vesperis ante Hymnum.

36° Invitatorium dicitur integrum post quemlibet Versiculum Psalmi *Venite*; dum e contra in omnibus supra dictis Officiis repetitur tantum a Reclamatione.

37° In utroque Completorio habentur Antiphonæ propriæ post Psalmos et post Canticum *Nunc dimittis*.

DE ANNUALI-MINORI.

38° Annuale-minus differt a

Solemni-majori modo dicendi Responsoria; etenim in Officiis Annuali inferioribus, duo priora cujusque Nocturni Responsoria non habent *Gloria Patri*, sed post Versum repetitur usque ad eundem y Reclamatio quæ designatur per Asteriscum *, et in tertio Responsorio cujusque Nocturni sicut et in Responsorio priorum Vesperarum de Solemnibus-majoribus, post Reclamationem dicitur *Gloria Patri*; et deinde repetitur usque ad y Reclamatio quæ designatur per Asteriscum *, vel per Cruciculum †. In Officiis vero Annualibus duo priora cujusque Nocturni Responsoria habent *Gloria Patri*, et Reclamationem ut supra; in ultimo autem cujusque Nocturni post *Gloria Patri*, ommissa Reclamatione, repetitur integrum Responsorium usque ad Versum.

39° Juxta hunc posteriorem modum dicitur nonum Responsorium in Officiis novem Lectionum in quibus non dicitur *Te Deum*, omisso tamen *Gloria Patri* Tempore Passionis.

DE ANNUALI-MAJORI.

40° Quodlibet Officium Annuale-majus habet Rubricas sibi speciales quas videre est in Proprio.

DE OCTAVIS.

41° Officium dierum intra Octavas incipit a Nocturno, et terminatur ad Completorium.

42° Quatuor sunt ordines Octavarum.

43° Quarti ordinis est sola Nativitas B. M. V. Dies intra hanc Octavam pertinent ad ritum Simplicis, additis Vesperis.

44° Terti ordinis sunt Octa-

RUBRICÆ GENERALES.

væ Assumptionis B. M. V., et Omnium SS. Dies intra has Octavas Semiduplicis ritum sequuntur: cedunt autem Festo Semiduplici occurrenti a Nocturno ad Nonam inclusive, totaliter vero Duplicibus et supra.

45° Secundi ordinis sunt Octavæ Natalis Domini, Epiphaniæ, Ascensionis et SS. Corporis Christi. Dies intra has Octavas Duplicis-minoris ritum sequuntur; nec nisi Duplicibus-majoribus aut supra cedunt. (*Vide excepta ad n° 61.*)

46° Dominicæ intra has Octavas Officium habent proprium.

47° Primi ordinis sunt Octavæ Paschæ et Pentecostes; quæ quidem nullum Festum admittunt. Dies intra has Octavas habent proprias Rubricas, et pertinent ad ritum Duplicis-majoris; attamen Feria secunda fit in Choro cum apparatu Solemnium-minorum.

48° Dies ipsa Octava est Duplex-minus pro Nativitate B. M. V.; Duplex-majus pro Annualibus-minoribus; et Solemne-minus pro Annualibus-majoribus.

Ab hac Rubrica excipiuntur: Octava Corporis Christi, quæ est Solemne-minus propter Festum Sacerdotii D. N. J. C. ipsi annexum; et Octava Pentecostes quæ tota cedit occurrenti Festo SS. Trinitatis.

49° Per totas Octavas Annualium, etiam in Dom. et in Festis occurrentibus, additur duplex *Alleluia* in R. R. R. br. Tertie, Sextæ et Nonæ; sic in Festis SS. Rochi, Bernardi, Caroli, etc.

DE CONCURRENTIA OFFICIORUM.

50° Dicuntur Officia concurrere, quoties secundæ Vesperæ

desinentis Officii, cum primis Vesperis alterius incipientis forent recitandæ; sed, quia id fieri non potest, unum alteri cedat necesse est. Porro hæc est regula generalis, quod Vesperæ præcedentis Officii cedere debent primis Vesperis Officii sequentis, nisi præcedens Officium sit superioris gradus.

51° Attamen Festum S. Marci, quamvis sit ejusdem gradus ac Festum SS. Jacobi et Philippi et Inventionis SS. Crucis, non habet primas Vesperas, quando transfertur post hæc Festa; propter ipsius inferiorem dignitatem.

Pariter Festum SS. Philippi et Jacobi non habet primas Vesperas, quando transfertur post Inventionem SS. Crucis; et Festum S. Joannis Baptistæ, quando celebratur Feria VI post Octavam Corporis Christi: sic tandem I Vesperæ S. Faronis cedunt II Vesp. SS. Simonis et Judæ.

DE OFFICIORUM OCCURRENTIA, TRANSLATIONE, ET COMMEMORATIONE.

52° Occurrere dicuntur Officia, quæ in eandem diem incidunt. Ex his unum, aut alterum vel omnino omittitur, vel habet Commem., vel transfertur.

53° Feriæ communes omnino omittuntur, quando alteri Officio cedunt; Feriæ privilegiatæ Evangelium habentes ad Noct. semper obtinent Commemorationem, ceteræ obtinent tantum quando cedunt Duplici-minori aut infra.

54° Omnino prætermittitur Officium Dominicæ intra Octavam Natalis Domini, et Officium Dominicæ inter Circumcisionem et Epiphaniam, quando prædicta Festa in Dominicam incidunt,

RUBRICÆ GENERALES.

pariter Officium Dominicæ intra Octavam Epiphaniæ, quando talis Dominica non intercedit.

55° Eadem regula servatur pro Dominicis, quæ supersunt post Epiphaniam et post Pentecosten, quando occurrit Septuagesima, vel Adventus.

56° In quolibet alio casu, Officium Dominicale obtinet Commemorationem, quando alteri Officio cedit.

57° Officium Simplex vel Semiduplex obtinet Commemorationem, quando cedit Officio Evangelium non habenti ad Nocturnum; nequaquam vero in aliis casibus.

58° Dies intra Octavas secundi ordinis (ritus Duplicis-min.), semper obtinet Commemorationem, quando alteri Officio cedit.

59° Idem dicendum est de quolibet alio Duplici-minori; nisi cedat Solemni-majori aut supra, vel Officio Solemnia-majora aut Annualia excludenti.

60° Attamen Festum S. Barnabæ, propter honorem ejus Apostolatus, obtinet Commemorationem in Festo SS. Trinitatis, et in diebus intra Octavam Pentecostes. Festum S. Francisci Xaverii obtinet Commemorationem in Dominica prima Adventus.

61° Quando Festum S. Barnabæ et Commemoratio S. Pauli occurrunt in Fer. intra Octavam Corporis Christi, de iis fit a Nocturno ad Nonam inclusive, cum Memoria de Octava; (et bis additur *Allel.* ad R. R. Tertiæ, Sextæ et Nonæ juxta Rubr. 49.)

62° Duplex-majus aut supra alteri Officio cedens, transfertur vel anticipatur in diem non impositam Duplici-majori vel Officio Duplex-majus excludente.

63° Commemoratio Officii alteri cedentis fit ad Landes tantum, et quidem per solam ipsius Orationem, atque modo apud Ordinarium præscripto.

64° Quando contingit plures fieri Commemorationes, semper Commemoratio Festi de quo fiet Officium, præcedit Commemorationem ejus de quo facienda tantum esset Memoria.

65° Reperiuntur in Calendario aliquot Commemorationes quibusdam Festis annexæ; quæ quidem prætermittuntur in iisdem casibus ac Simplicia et Semiduplicia.

RUBRICÆ SPECIALES PRO TEMPORE PASCHALI.

66° Semel additur *Alleluia* post Invitatorium et Antiphonas; bis autem in R. R. R. tum prolixis tum brevibus cujuslibet Officii, etiam Ferialis.

67° Ad Officium Nocturnum unicum habetur Nocturnum, ut præscribitur in Ordinario Partis Vernæ.

68° In quolibet Officio Benedictiones dicuntur ut in Ordinario adsignantur pro Tempore Paschali.

DE DOXOLOGIIIS, ET DE PRECIBUS ad opera diurna.

69° Ad Completorium, quando non dicitur Hymnus *Virgo Dei Genitrix*, dicitur eadem Doxologia quæ ad Horas minores ejusdem Officii.

70° Preces ad opera diurna quæ habentur ad Primam, omituntur tantum in diebus Ferialis; ac proinde dicuntur in Feriis intra Octavas.

APPENDIX I.

DE MODO ORATIONES TERMINANDI.

71^o Orationes incipi debent et terminari ut notatur in Ordinario: videlicet cum majori conclusione vel sub eadem conclusione cum præcedentibus. Sequentia autem servanda sunt pro majori conclusione.

Quando Oratio dirigitur ad Patrem, sic concluditur: *Per Dominum nostrum Jesum Christum Filium tuum, qui tecum vivit et regnat in unitate Spiritus sancti, Deus, per omnia secula seculorum. R. Amen.* Si ad Filium, per: *Qui vivis et regnas cum Deo Patre in unitate Spiritus sancti, Deus, per omnia secula seculorum.* Si in principio vel serie Orationis fiat mentio Filii, dicitur: *Per eundem Dominum nostrum Jesum Christum, etc.* Si in fine Orationis, dicitur: *Qui tecum vivit et regnat in unitate, etc.* Si fiat mentio Spiritus sancti, dicitur: *In unitate ejusdem Spiritus sancti, Deus, etc.* In orationibus pro Defunctis, nisi aliter notetur: *Per eum qui venturus est judicare vivos et mortuos, et seculum per ignem. R. Amen.*

APPENDIX II.

DE CELEBRATIONE EXTERNA QUORUMDAM FESTORUM.

72^o Præter Festa quæ in Dominica occurrunt, quatuor tantum cum cessatione laborum, ex præcepto celebranda sunt ipsa die in quam incidunt; videlicet: *Ascensio Domini, Assumptio B. M. V., Festum Omnium SS. et Natale Domini.*

73^o *Festum Corporis Christi, Epiphania Domini, et Festum Apostolorum SS. Petri et Pauli,* quando extra Dominicam occurrunt, transferri debent ex præcepto in Dominicam sequentem, sed quoad Solemnitatem tantum, videlicet quoad Officium cantandum in Choro; ac proinde omnes partes Officii privatim recitandi sunt de Dominica occurrente.

Si duo posteriora Festa (Epiphaniæ et SS. Apostolorum Petri et Pauli) incidunt in Fer. II, anticipatur eorum Solemnitas in Dominicam præcedentem.

¶ De Officio Patronali, videre est ad Rubricas speciales, in capite Communis Patronorum.

74^o *Præsentatio Domini et ejus Incarnatio, Nativitas B. M. V. et ipsius Conceptio* possunt quoque quoad Solemnitatem tantum in Dominicam sequentem transferri (vel anticipari in præcedentem quando incidunt in Fer. II); pro locorum scilicet opportunitate, et in quantum magis expedire judicatur, ad digniorem Festi celebrationem, et ad augendam fidelium pietatem.

75^o Hæc regula duplicem exceptionem patitur pro Incarnatione Domini. 1^o Etsi quoad totum Officium et Solemnitatem, hoc Festum possit celebrari in Dominica Passionis, quando in ipsam incidit (vid. Rubr. 20), non potest tamen Solemnitas ex alia die in eam transferri aut anticipari; ac proinde si occurrat in aliqua Feria intra Hebdomadam IV Quadragesimæ, vel intra Hebdomadam Passionis, Solemnitas nonnisi in Dominicam IV Quadragesimæ anticipari potest. 2^o Quando Incarnatio occurrit

RUBRICÆ GENERALES.

post Sabbatum ante Palmas, totum Officium transferri debet in Feriam II post Pascha; Solemnitas autem potest fieri vel in eadem Feria II, vel in Dominica

sequenti, quæ est secunda post Pascha.


N. B. Excipienda supradictis omnibus Rubricis generalibus, reperiuntur in propriis locis.

Quo more Horæ sint cantandæ aut recitandæ.

Cum Domino psalles, psallendo tu tria serves :
Sit tibi cor sursum, bene profer, respice sensum.
Auscultando cane, simul incipe, desine plane.
Sit mens sublimis, pes junctus, visus in imis.

E B. Petro Damiano.

Sit Oratio verecunda, ut erubescamus peccata nostra, et tantæ reverentiæ (divinæ) deferamus; pura, ut nihil a Deo præter ipsum quæramus : devota, ut in pinguedine spiritus eam protendamus; ampla, ut extendamus eam usque ad inimicos : sit continua, ne intermissione fiat remissior; sit pacata, ne turbulentis cogitationum fluctibus submergatur.



PSALTERIUM

DISPOSITUM PER HEBDOMADAM.

PARS AUTUMNALIS.

DOMINICA.

AD OFFICIUM NOCTURNUM.

Quomodo inchoandum et ordinandum sit Officium Nocturnum sicut et ceteræ Horæ, habetur in Ordinario Breviarii, ad calcem Psalterii.

Invitatorium. Deum, qui regeneravit nos in spem vivam per resurrectionem Jesu Christi ex mortuis; * Veníte, adorémus. *I. Petr., 1.*

Hymnus. C.

DIE diérum príncipe,
Lux e tenébris éruta:
Christus sepulcri cárcere,
Lux vera mundi, pródiit.

Et mors, et horrendum
chaos

Vocem jubentis áudiunt:
Nos surdióres, o pudor!
Deo pigébit óbsequi?

Umbris sepulta dum stupet
Natúra, lucis filii,
Surgámus, et noctem piis
Exerceámus cánticis.

Legem, prophétas, et sacro
Psalmos calentes lúmine,
Profána dum silent loca,

Autumnalis.

Divína templa pérsonent.

Cœlestis hæc vincat tuba
Cordis sopórem lánguidi,
Novique mores éxprimant
Vitam resurgentis novam.

Hoc consequémur, te duce,
Fons caritátis, o Deus,
Qui legis addis litéræ
Vitæ datórem spíritum.

Sit laus Patri, laus Fílio;
Par sit tibi laus, Spíritus,
Afflante quo mentes sacris
Lucent et ardent ignibus.

Amen.

IN I NOCTURNO.

*Asteriscus hic * notat mediationem et pausam.*

Psalmus 1.

BEATUS vir qui non ábiit in
consílio impiórum, et in via
peccatórum non stetit,* et in
cáthedra pestiléntiæ non se-
dit;

Sed in lege Dómini volun-
tas ejus,* et in lege ejus me-
ditábitur die ac nocte.

Et erit tanquam lignum

quod plantatum est secus decursus aquarum, * quod fructum suum dabit in tempore suo.

Et folium ejus non defluet; * et omnia quaecumque faciet, prosperabuntur.

Non sic impii, non sic; * sed tanquam pulvis quem projicit ventus a facie terrae.

Ideo non resurgent impii in iudicio, * neque peccatores in concilio justorum;

Quoniam novit Dominus viam justorum, * et iter impiorum peribit.

Glória Patri, et Fílio, * et Spirítui sancto :

Sicut erat in principio, et nunc, et semper, * et in secula seculorum. Amen.

Hi versus Glória et Sicut erat dicuntur in fine Psalmorum, Divisionum et Canticorum, nisi aliter notetur.

Ant. 3. a. Beátus vir qui non abiit in consilio impiorum, sed in lege Domini meditabitur die ac nocte.

Psalmus 2.

QUARE fremuerunt gentes, * et populi meditati sunt inania?

Astiterunt reges terrae, et principes convenérunt in unum * adversus Dominum, et adversus Christum ejus.

Dirumpamus vincula eorum, * et projiciamus a nobis jugum ipsorum.

Qui habitat in caelis iridebit eos, * et Dominus subsannabit eos.

Tunc loquétur ad eos in ira sua, * et in furóre suo conturbabit eos.

Ego autem constitutus sum rex ab eo super Sion montem sanctum ejus, * praedicans praeceptum ejus.

Dominus dixit ad me : * Filius meus es tu, ego hodie genui te.

Postula a me, et dabo tibi gentes hereditatem tuam, * et possessionem tuam terminos terrae.

Reges eos in virga férrea, * et tanquam vas figuli confringes eos.

Et nunc, reges, intelligite : * erudimini, qui iudicatis terram.

Servite Domino in timóre, * et exsultate ei cum tremóre :

Apprehendite disciplinam, nequando irascatur Dominus, * et pereatis de via justa.

Cum exarserit in brevi ira ejus, * beati omnes qui confidunt in eo.

Ant. 4. f. Servite Domino, et exsultate ei : apprehendite disciplinam.

Psalmus 3.

DOMINE, quid multiplicati sunt qui tribulant me? * multi insurgunt adversum me.

Multi dicunt animae meae : * Non est salus ipsi in Deo ejus.

Tu autem, Domine,ceptor meus es, * glória mea, et exaltans caput meum.

Voce mea ad Dominum

clamávi, * et exaudivit me de monte sancto suo.

Ego dormívi, et soporátus sum; * et exsurrexi, quia Dóminus suscepit me.

Non timébo mília pópuli circumdantis me: * exsurge, Dómine; salvum me fac, Deus meus.

Quóniam tu percussisti omnes adversantes mihi sine causa, * dentes peccatórum contrivisti.

Dómini est salus; * et super pópulum tuum benedictio tua.

Ant. 8. G. Dicunt ánimæ meæ: Non est salus ipsi in Deo ejus; tu autem, Dómine, susceptor meus es.

Ÿ. Memor fui nocte nóminis tui, Dómine; R. Et custodívi legem tuam. *Ps. 118.*

IN II NOCTURNO.

Psalmus 17.

DILIGAM te, Dómine, fortitúdo mea: * Dóminus firmamentum meum, et refúgium meum, et liberátor meus.

Deus meus adjutor meus, * et sperábo in eum.

Protector meus, et cornu salutis meæ, * et susceptor meus.

Laudans invocábo Dóminum; * et ab inimícis meis salvus ero.

Circumdedérunt me dolóres mortis, * et torrentes iniquitátis conturbavérunt me.

Dolóres inferni circumde-

dérunt me: * præoccupavérunt me láquei mortis.

In tribulatióne mea invocávi Dóminum, * et ad Deum meum clamávi;

Et exaudivit de templo sancto suo vocem meam; * et clamor meus in conspectu ejus, introívit in aures ejus.

Commóta est et contrémuit terra: fundamenta mónitium conturbáta sunt, et commóta sunt; * quóniam irátus est eis.

Ascendit fumus in ira ejus, et ignis a fácie ejus exarsit: * carbónes succensi sunt ab eo.

Inclinávit cœlos, et descendit: * et caligo sub pédibus ejus.

Et ascendit super Chérubim, et volávit: * volávit super pennas ventórum.

Et pósuit ténebras latibulum suum: in circúitu ejus tabernáculum ejus; * ténebrósa aqua in núbibus áeris.

Præ fulgóre in conspectu ejus nubes transiérunt, * grando, et carbónes ignis.

Et intónuit de cœlo Dóminus, et Altíssimus dedit vocem suam: * grando et carbónes ignis.

Et misit sagittas suas, et dissipávit eos: * fúlgura multiplicávit, et conturbávit eos.

Et apparuérunt fontes aquarum, * et reveláta sunt fundamenta orbis terrárum,

Ab increpatióne tua, Dómine, * ab inspiratióne spíritus iræ tuæ.

Ant. 6. F. Diligam te, Dómine, fortitúdo mea, firma-

mentum meum, et refúgium meum.

Divisio Psalmi 17.

MISIT de summo (Dóminus), et accépit me, * et assumpsit me de aquis multis.

Erípuit me de inimícis meis fortíssimis, et ab his qui odérunt me; * quóniam confortáti sunt super me.

Prævenérunt me in die afflictiónis meæ; * et factus est Dóminus protector meus.

Et eduxit me in latitúdinem : * salvum me fecit, quóniam vóluit me.

Et retríbuet mihi Dóminus secundum justítiam meam, * et secundum puritátem mánuum meárum retríbuet mihi;

Quia custodívi vias Dómini, * nec ímpie gessi a Deo meo;

Quóniam ómnia júdicia ejus in conspectu meo, * et justítias ejus non répuí a me.

Et ero immaculátus cum eo, * et observábo me ab iniquitáte mea.

Et retríbuet mihi Dóminus secundum justítiam meam, * et secundum puritátem mánuum meárum in conspectu oculórum ejus.

Cum sancto sanctus eris, * et cum viro innocente innocens eris :

Et cum electo electus eris, * et cum perverso pervertéris.

Quóniam tu pópulum húmílem salvum fácies, * et óculos superbórum humiliábis.

Quóniam tu illúminas lu-

cernam meam, Dómine : * Deus meus, illúmina ténebras meas.

Quóniam in te erípiar a tentatióne, * et in Deo meo transgredíar murum.

Ant. 4. D. Ero immaculátus cum Deo meo, et observábo me ab iniquitáte mea.

Altera divisio Psalmi 17.

DEUS meus, impollúta via ejus; elóquia Dómini igne examináta : * protector est ómnium sperántium in se.

Quóniam quis Deus præter Dóminum? * aut quis Deus præter Deum nostrum?

Deus qui præcinxit me virtúte, * et pósuit immaculátam viam meam;

Qui perfécit pedes meos tanquam cervórum, * et super excelsa státuens me;

Quí docet manus meas ad prælium : * et posuisti ut arcum æreum bráchia mea,

Et dedisti mihi protectiódinem salútis tuæ; * et dextera tua suscepit me.

Et disciplína tua correxit me in finem, * et disciplína tua ipsa me docébit.

Dilatasti gressus meos subtus me, * et non sunt infirmáta vestigia mea.

Persequar inimícos meos, et comprehendam illos, * et non convertar donec deficiant.

Confringam illos, nec póterunt stare : * cadent subtus pedes meos.

Et præcinxisti me virtúte

ad bellum; * et supplantasti insurgentes in me subtus me.

Et inimicos meos dedisti mihi dorsum, * et odientes me disperdidisti.

Clamaverunt, nec erat qui salvos faceret: * ad Dóminum, nec exaudivit eos.

Et comminuam eos ut pulverem ante faciē ventī: * ut lutum platearum delebo eos.

Erípies me de contradic-tiónibus pópuli: * constitues me in caput géntium.

Pópulus quem non cognó-vi, servívit mihi: * in audítu auris obedívit mihi.

Fílii aliéni mentíti sunt mihi: * fílii aliéni inveteráti sunt, et claudicavérunt a sé-mitis suis.

Vivít Dóminus, et bene-dictus Deus meus; * et exal-tétur Deus salútis meæ.

Deus, qui das vindictas mihi, et subdis pópulos sub me, * liberátor meus de ini-mícis meis iracundis.

Et ab insurgéntibus in me exaltábis me: * a viro iníquo erípies me.

Proptérea confitébor tibi in natióibus, Dómine; * et nómini tuo psalmum dicam.

Magníficans salútes regis ejus, * et faciēns misericór-diam Christo suo David, et sémini ejus usque in sécu-lum.

Ant. 7. a. Dextera tua sus-cépit me, Dómine; et disci-plína tua ipsa me docébit.

✠. Legem tuam, Dómine, non sum oblítus: *ñ.* Média

nocte surgébam ad confiten-dum tibi. *Ps. 118.*

IN III NOCTURNO.

Psalmus 27.

AD te, Dómine, clamábo: Deus meus, ne síleas a me; * nequando táceas a me, et as-similábor descendéntibus in lacum.

Exaudi, Dómine, vocem deprecaciónis meæ, dum oro ad te, * dum extollo manus meas ad templum sanctum tuum.

Ne simul trahas me cum peccatóribus; * et cum ope-rántibus iniquitátem ne per-das me:

Qui loquuntur pacem cum próximo suo; * mala autem in córdibus eórum.

Da illis secundum ópera eórum, * et secundum ne-quistiam adinventiónum ipsó-rum.

Secundum ópera mánuum eórum tríbue illis: * redde retributiónem eórum ipsis.

Quóniam non intellexé-runt ópera Dómini, et in ópera mánuum ejus; * dés-trues illos, et non ædificábis eos.

Benedictus Dóminus, * quóniam exaudivit vocem de-precaciónis meæ.

Dóminus adjútor meus, et protector meus: * in ipso sperávit cor meum, et adjú-tus sum.

Et reflóruit caro mea; * et ex voluntáte mea confitébor ei.

Dóminus fortitúdo plebis suæ, * et protector salvatiónum Christi sui est.

Salvum fac pópulum tuum, Dómine, et bédedic hæreditáti tuæ; * et rege eos, et extolle illos usque in æternum.

Ant. 2. D. In Deo sperávit cor meum, et adjútus sum; et ex voluntáte mea confitébor ei.

Psalmus 29.

EXALTABO te, Dómine, quóniam suscepisti me, * nec delectasti inimícos meos super me.

Dómine Deus meus, clamávi ad te, * et sanasti me.

Dómine, eduxisti ab inferno ánimam meam: * salvasti me a descendéntibus in lacum,

Psállite Dómino, sancti ejus, * et confitémini memóriæ sanctitátis ejus;

Quóniam ira in indignatióne ejus, * et vita in voluntáte ejus.

Ad vésperum demorábitur fletus, * et ad matutínum lætítia.

Ego autem dixi in abundantia mea: * Non movébor in æternum.

Dómine, in voluntáte tua * præstitisti decóri meo virtutem;

Avertisti fáciem tuam a me; * et factus sum conturbátus.

Ad te, Dómine, clamábo, * et ad Deum meum deprecabor.

Quæ utilitas in ságuine

meo, * dum descendo in corruptiómem?

Numquid confitébitur tibi pulvis, * aut annuntiábit veritatem tuam?

Audívit Dóminus, et misertus est mei: * Dóminus factus est adjutor meus.

Convertisti planctum meum in gáudium mihi: * concidisti sæcum meum, et circumdedisti me lætítia;

Ut cantet tibi glória mea, et non compungar: * Dómine Deus meus, in æternum confitébor tibi.

Ant. 1. D. Psállite Dómino, sancti ejus, et confitémini memóriæ sanctitátis ejus.

Psalmus 65.

JUBILATE Deo, omnis terra; psalmum dicite nómini ejus: * date glóriam laudi ejus.

Dícite Deo: Quam terribília sunt ópera tua, Dómine! * in multitúdine virtútis tuæ mentientur tibi inimíci tui.

Omnis terra adóret te, et psallat tibi: * psalmum dicat nómini tuo.

Veníte, et vidéte ópera Dei: * terribilis in conspectu super filios hóminum.

Qui convertit mare in áridam; in flúmine pertransibunt pede: * ibi lætábimur in ipso.

Qui dominátur in virtute sua in æternum; óculi ejus super gentes respiciunt: * qui exasperant, non exaltentur in semetipsis.

Benedícite, gentes, Deum nostrum; * et audítam fácite vocem laudis ejus.

Qui púsuit ánimam meam ad vitam, * et non dedit in commotiónem pedes meos.

Quóniam probasti nos, Deus: * igne nos examinasti, sicut examinátur argentum:

Induxisti nos in laqueum, posuisti tribulatiónes in dorso nostro: * imposuisti homines super cápita nostra.

Transivimus per ignem et aquam; * et eduxisti nos in refrigerium.

Introibo in domum tuam in holocaustis: * reddam tibi vota mea,

Quæ distinxérunt lábia mea, et locútum est os meum * in tribulatióne mea.

Holocausta medulláta offeram tibi cum incenso aréum: * offeram tibi boves cum hircis.

Veníte, audíte, et narrábo omnes qui timétis Deum, * quanta fecit ánimæ meæ.

Ad ipsum ore meo clamávi, * et exaltávi sub lingua mea.

Iniquitátem si aspexi in corde meo, * non exáudiet Dóminus.

Propterea exáudívit Deus, * et attendit voci deprecatiónis meæ.

Benedictus Deus, * qui non amóvit oratióem meam, et misericórdiam suam a me.

Ant. 5. a. Veníte, audíte, et narrábo quanta fecit ánimæ meæ.

¶ Deum exquisívi máni-

bus meis nocte, ¶. Et non sum deceptus. *Ps. 76.*

AD LAUDES.

Psalmus 62.

Deus, Deus meus, * ad te de luce vígilo.

Sitívit in te ánimá mea, quam multiplíciter tibi caro mea * in terra deserta, et invia, et inaquósa.

Sic in sancto apparui tibi, * ut vidérem virtutem tuam et glóriam tuam.

Quóniam mélior est misericórdia tua super vitas, * lábia mea laudábunt te.

Sic benedícam te in vita mea, * et in nómine tuo levábo manus meas.

Sicut ádipe et pinguédine repleátur ánimá mea, * et lábiis exsultatiónis laudábit os meum.

Si memor fui tui superstratum meum, * in matutínis meditábor in te.

Quia fuisti adjútor meus, * et in velamento alárum tuárum exsultábo.

Adhæsit ánimá mea post te; * me suscepit dextera tua.

Ipsi vero in vanum quæsiérunt ánimam meam, * introibunt in inferióra terræ:

Tradentur in manus gládi, * partes vúlpium erunt.

Rex vero latábitur in Deo, laudabuntur omnes qui jurant in eo; * quia obstructum est os loquéntium iniqua.

Ant. 8. G. Deus, Deus meus, ad te de luce vígilo: sitívit in te ánimá mea.

Psalmus 69.

DEUS, in adiutorium meum intende: * Domine, ad adiuvandum me festina.

Confundantur, et reve-reantur, * qui quaerunt animam meam.

Avertantur retrorsum, et erubescant, * qui volunt mihi mala.

Avertantur statim erubescen-tes: * qui dicunt mihi: Euge, euge.

Exsultent et laetentur in te omnes qui quaerunt te; * et dicant semper: Magnificetur Dominus, qui diligunt salutare tuum.

Ego vero egenus et pauper sum: * Deus, adjuva me.

Adjutor meus et liberator meus es tu: * Domine, ne moreris.

Ant. 1. a. Exsultent et laetentur in te, qui diligunt salutare tuum, Domine.

Psalmus 99.

JUBILATE Deo, omnis terra, * servite Domino in laetitia.

Introite in conspectu ejus, * in exultatione.

Scitote quoniam Dominus ipse est Deus: * ipse fecit nos, et non ipsi nos.

Populus ejus, et oves pascuae ejus, introite portas ejus in confessione, atria ejus in hymnis: * confitemini illi.

Laudate nomen ejus, * quoniam suavis est Dominus.

In aeternum misericordia

ejus, * et usque in generationem veritas ejus.

Ant. 5. C. Servite Domino in laetitia: scitote quoniam Dominus ipse est Deus.

Canticum trium Puerorum.

Dan. 3.

BENEDICITE, omnia opera Domini, Domino; * laudate et superexaltate eum in secula.

Benedicite, Angeli Domini, Domino: * benedicite, Caeli, Domino.

Benedicite, aquae omnes quae super caelos sunt, Domino: * benedicite, omnes Virtutes Domini, Domino.

Benedicite, sol et luna, Domino: * benedicite, stellae caeli, Domino.

Benedicite, omnis imber et ros, Domino: * benedicite, omnes spiritus Dei, Domino.

Benedicite, ignis et aestus, Domino: * benedicite, frigus et aestus, Domino.

Benedicite, rores et pruina, Domino: * benedicite, gelu et frigus, Domino.

Benedicite, glacies et nives, Domino: * benedicite, noctes et dies, Domino.

Benedicite, lux et tenebrae, Domino: * benedicite, fulgura et nubes, Domino.

Benedicat terra Dominum; * laudet et superexaltet eum in secula.

Benedicite, montes et colles, Domino: * benedicite, universa germinantia in terra, Domino.

Benedícite, fontes, Dómino: * benedícite, mária et flúmina, Dómino.

Benedícite, cete et ómnia quæ moventur in aquis, Dómino: * benedícite, omnes vólucres cœli, Dómino.

Benedícite, omnes béstia et pécora, Dómino: * benedícite, filii hóminum, Dómino.

Benedícat Israel Dóminum; * laudet et superexaltet eum in sécula.

Benedícite, sacerdótes Dómini, Dómino: * benedícite, servi Dómini, Dómino.

Benedícite, spíritus et ánimæ justórum, Dómino: * benedícite, sancti et húmiles corde, Dómino.

Benedícite, Anánia, Azária, Mísael, Dómino; * laudáte et superexaltáte eum in sécula.

Loco Glória Patri, dicitur:
Benedicámus Patrem, et Fílium, cum sancto Spíritu, * laudémus et superexaltémus eum in sécula.

Benedictus es, Dómine, in firmamento cœli; * et laudábilis, et gloriósus, et superexaltátus in sécula.

Ant. 4. E. Benedictus es, Dómine, in throno regni tui; et superlaudábilis, et superexaltátus in sécula.

Psalmus 148.

LAUDATE Dóminum de cœlis: * laudáte eum in excelsis.

Laudáte eum, omnes An-

geli ejus: * laudáte eum, omnes Virtútes ejus.

Laudáte eum, sol et luna: * laudáte eum, omnes stellæ et lumen.

Laudáte eum, cœli cœlórum; * et aquæ omnes quæ super cœlos sunt, laudent nomen Dómini;

Quia ipse dixit, et facta sunt; * ipse mandávit, et creáta sunt.

Státuit ea in æternum, et in séculum séculi: * præceptum pósuit, et non præteríbit.

Laudáte Dóminum de terra, * dracónes, et omnes abyssi;

Ignis, grando, nix, glacies, spíritus procellárum, * quæ faciunt verbum ejus;

Montes, et omnes colles; * ligna fructífera, et omnes cedri;

Béstia, et universa pécora; * serpentes, et vólucres pennátæ;

Reges terræ, et omnes pópuli; * príncipes, et omnes júdices terræ;

Júvenes et vírgines, senes cum junióribus laudent nomen Dómini, * quia exaltátum est nomen ejus solíus.

Conféssio ejus super cœlum et terram; * et exaltávit cornu pópuli sui.

Hymnus ómnibus sanctis ejus, * filiis Israel, pópulo appropinquantí sibi.

Ant. 7. d. Hymnus ómnibus sanctis ejus, filiis Israel, pópulo appropinquantí sibi.

Capitulum. Deut. 6.

AUDI, Israel: Dóminus
Deus noster, Dóminus unus
est. Dlíliges Dóminum Deum
tuum ex toto corde tuo, et
ex tota ánima tua, et ex tota
fortitúdine tua, eruntque
verba hæc in corde tuo: et
meditaberis in eis sedens in
domo tua, et ambulans in
itinere, dórmíens atque con-
surgens.

R. Deo grátias. *Sic respon-
detur in fine omnium Capitulo-
rum.*

Hymnus. C.

Ad templa nos rursus vocat
Surgentis auróre nitor,
Novasque pro læto monet
Referre grates múnere.

At victor auróram suo
Fulgóre Christus óbruit:
Huic, magna cujus pars su-
mus,

Juvat triumpho pláudere.

Quod evolútus fáscíis
Repente mundus éxstitit,
Puro renídens lúmíne,
Virtútis hoc quantæ fuit!

Quod tráditum neci Pater,
Ut sóntibus vitam daret,
Vitæ redónat Fílium,
Amóris hoc quanti fuit!

Æternus ut rerum Sator
Aspexit orbem, prótinus,
Colóre depictum suo,
Probávit excellens opus.

At lætius quanto óbtulit
Sese Patri spectáculum
Cœlestis Agni cándido
Ablátus orbis sánguine!

Cum luce nobis rédditur
Mundi renascentis decor,

Occulta per quem Núminis
Mens surgit ad magnália.

At splendor æterni Patris,
Lumenque Christus córdium,
Deum dat in se, quantus est,
Sub nube carnis cernere.

Præsta, beáta Trínitas,
Ut legis ad facem tuæ
Vitémus omne quod vetas,
Sectémur omne quod jubes.
Amen.

Y. Mane adstábo tibi, Dó-
mine, et vidébo; R. Quóniam
non Deus volens iniquitatem
tu es. Ps. 5.

*Ant. ad Benedictus et Oratio
ut in qualibet Dominica.*

*Si in Dominica occurrat Duplex-
minus, de eo fit Commemoratio;
nihil vero de Simplici aut Semidu-
plici.*

AD PRIMAM.

Psalmus 117.

CONFITEMINI Dómino, quó-
niam bonus, * quóniam in
séculum misericórdia ejus.

Dicat nunc Israel quóniam
bonus, * quóniam in séculum
misericórdia ejus.

Dicat nunc domus Aaron,
* quóniam in séculum mise-
ricórdia ejus.

Dicant nunc qui timent
Dóminum, * quóniam in sé-
culum misericórdia ejus.

De tribulatióne invocávi
Dóminum, * et exaudivit me
in latitúdine Dóminus.

Dóminus mihi adjútor, *
non timébo quid fáciat mihi
homo.

Dóminus mihi adjútor, *
et ego despiciam inimicos
meos.

Bonum est confidere in Dómino, * quam confidere in hómine.

Bonum est sperare in Dómino, * quam sperare in princípibus.

Omnes gentes circuiérunt me; * et in nómine Dómini quia ultus sum in eos.

Circumdantes circumdedérunt me; * et in nómine Dómini quia ultus sum in eos.

Circumdedérunt me sicut apes, et exarsérunt sicut ignis in spinis; * et in nómine Dómini quia ultus sum in eos.

Impulsus, eversus sum ut caderem; * et Dóminus suscepit me.

Fortitúdo mea, et laus mea Dóminus, * et factus est mihi in salutem.

Vox exultatiónis et salutis * in tabernáculis justórum.

Déxtera Dómini fecit virtutem, déxtera Dómini exaltávit me, * déxtera Dómini fecit virtutem.

Non móriar, sed vivam, * et narrábo ópera Dómini.

Castigans castigávit me Dóminus, * et morti non trádidit me.

Aperíte mihi portas justitiæ: * ingressus in eas, confitébor Dómino.

Hæc porta Dómini; * justi intrábunt in eam.

Confitébor tibi, quóniam exaudisti me, * et factus es mihi in salutem.

Lápidem quem reprobarerunt ædificantes, * hic factus est in caput ánguli.

A Dómino factum est istud,

* et est mirábile in óculis nostris.

Hæc est dies quam fecit Dóminus: * exultémus et lætémur in ea.

O Dómine, salvum me fac; o Dómine, bene prosperare: * benedictus qui venit in nómine Dómini.

Benediximus vobis de domo Dómini: * Deus Dóminus, et illuxit nobis.

Constituíte diem solemnem in condensis, * usque ad cornu altáris.

Deus meus es tu, et confitebor tibi: * Deus meus es tu, et exaltábo te.

Confitebor tibi, quóniam exaudisti me, * et factus es mihi in salutem.

Confitemini Dómino, quóniam bonus, * quóniam in séculum misericórdia ejus.

Psalmus 118.

BEATI immaculáti in via, * qui ámbulant in lege Dómini.

Beáti qui scrutantur testimónia ejus, * in toto corde exquirunt eum.

Non enim qui operantur iniquitatem, * in viis ejus ambulavérunt.

Tu mandasti * mandáta tua custodiri nimis.

Utinam dirigantur viæ meæ * ad custodiendas justificatiónes tuas!

Tunc non confundar, * cum perspéxero in ómnibus mandátis tuis.

Confitebor tibi in direc-

tióne cordis; * in eo quod didici iudicia justitiæ tuæ.

Justificatiónes tuas custodiam; * non me derelinquas usquequaque.

In quo corrigit adolescéntior viam suam? * in custodiendo sermónes tuos.

In toto corde meo exquisivi te; * ne repellas me a mandátis tuis.

In corde meo abscondi eloquia tua, * ut non peccem tibi.

Benedictus es, Dómine: * doce me justificatiónes tuas.

In lábiis meis * pronuntiavi ómnia iudicia oris tui.

In via testimoniórum tuórum delectátus sum, * sicut in ómnibus divítiis.

In mandátis tuis exercébor, * et considerábo vias tuas.

In justificatió nibus tuis meditábor, * non obliviscar sermónes tuos.

Divisio Psalmi 118.

RETRIBUE servo tuo, vivifica me; * et custodiam sermónes tuos.

Revéla óculos meos, * et considerábo mirabilia de lege tua.

Incola ego sum in terra, * non abscondas a me mandata tua.

Concupívit ánima mea consideráre justificatiónes tuas * in omni témpore.

Increpasti superbos: * maledicti qui declinant a mandátis tuis.

Aufer a me oppróbrium et contemptum; * quia testimónia tua exquisivi.

Etenim sedérunt príncipes, et adversum me loquebantur; * servus autem tuus exercebátur in justificatió nibus tuis.

Nam et testimónia tua meditatio mea est, * et consilium meum justificatiónes tuæ.

Adhæsit pavimento ánima mea: * vivifica me secundum verbum tuum.

Vias meas enuntiávi, et exaudisti me; * doce me justificatiónes tuas.

Viam justificatiónum tuarum ínstrue me; * et exercébor in mirabilibus tuis.

Dormitávit ánima mea præ tædio, * confirma me in verbis tuis.

Viam iniquitátis ámove a me, * et de lege tua miserére mei.

Viam veritátis elégi, * iudicia tua non sum oblítus.

Adhæsi testimóniis tuis, Dómine: * noli me confúndere.

Viam mandatórum tuórum cucurri, * cum dilatasti cor meum.

Ant. 1. D. In toto corde meo exquisivi te, Dómine: doce me justificatiónes tuas.

Ps. 118.

AD TERTIAM.

Ex Psalmo 118.

LEGEM pone mihi, Dómine, viam justificatiónum tuarum.

rum; * et exquiram eam semper.

Da mihi intellectum, et scrutabor legem tuam, * et custodiam illam in toto corde meo.

Deduc me in sémitam mandatorum tuorum, * quia ipsam volui.

Inclina cor meum in testimonia tua, * et non in avaritiam.

Averte oculos meos ne videant vanitatem: * in via tua vivifica me.

Statue servo tuo elóquium tuum * in timóre tuo.

Amputa oppróbrium meum quod suspicatus sum, * quia iudicia tua jucunda.

Ecce concupívi mandata tua: * in æquitáte tua vivifica me.

Et véniat super me misericórdia tua, Dómine, * salutare tuum secundum elóquium tuum.

Et respondébo exprobrantibus mihi verbum, * quia sperávi in sermónibus tuis.

Et ne áuferas de ore meo verbum veritátis usquequáque; * quia in iudíciis tuis supersperávi.

Et custodiam legem tuam semper, * in séculum, et in séculum séculi.

Et ambulábam in latitúdine, * quia mandata tua exquisívi.

Et loquébar de testimoniis tuis in conspectu regum, * et non confundébar.

Et meditábar in mandátis tuis, * quæ dilexi.

Et levávi manus meas ad mandata tua quæ dilexi, * et exercébar in justificatióibus tuis.

Divisio Psalmi 118.

MEMOR esto verbi tui servo tuo, * in quo mihi spem dedisti.

Hæc me consoláta est in humilitáte mea, * quia elóquium tuum vivificávit me.

Superbi iníque agébant usquequáque: * a lege autem tua non declinávi.

Memor fui iudiciórum tuorum a século, Dómine, * et consolátus sum.

Deféctio ténuít me * pro peccatóribus derelinquéntibus legem tuam.

Cantábiles míhi erant justificatiónes tuæ, * in loco peregrinatiónis meæ.

Memor fui nocte nóminis tui, Dómine; * et custodívi legem tuam.

Hæc facta est mihi, * quia justificatiónes tuas exquisívi.

Pórtio mea, Dómine, * dixi, custodíre legem tuam.

Deprecátus sum fáciem tuam in toto corde meo: * miserére mei secundum elóquium tuum.

Cogitávi vias meas, * et converti pedes meos in testimonia tua.

Parátus sum, et non sum turbátus, * ut custodiam mandata tua.

Funes peccatórum circumplexi sunt me; * et legem tuam non sum oblítus.

Média nocte surgébam ad

confitendum tibi * super iudicia justificatiōnis tuæ.

Párticeps ego sum ómnium timéntium te, * et custodiéntium mandáta tua.

Misericórdia tua, Dómine, plena est terra: * justificatiōnes tuas doce me.

Divisio Psalmi 118.

BONITATEM fecisti cum servo tuo, Dómine, * secundum verbum tuum.

Bonitatem, et disciplinam, et sciéntiam doce me; * quia mandátis tuis credidi.

Priusquam humiliárer, ego delíqui; * propterea eloquium tuum custodivi.

Bonus es tu; * et in bonitate tua doce me justificatiōnes tuas.

Multiplicáta est super me iniquitas superbórum; * ego autem in toto corde meo scrutábor mandáta tua.

Coagulátum est sicut lac cor eórum: * ego vero legem tuam meditátus sum.

Bonum mihi quia humiliasti me, * ut discam justificatiōnes tuas.

Bonum mihi lex oris tui * super millia auri et argenti.

Manus tuæ fecérunt me, et plasmavérunt me: * da mihi intellectum, et discam mandáta tua.

Qui timent te, vidébant me, et lætabuntur; * quia in verba tua supersperávi.

Cognóvi, Dómine, quia æquitas iudicia tua, * et in veritate tua humiliasti me.

Fiat misericórdia tua, ut consolétur me, * secundum eloquium tuum servo tuo.

Véniant mihi miseratiōnes tuæ, et vivam; * quia lex tua meditatio mea est.

Confundantur superbi, quia injuste iniquitatem fecérunt in me; * ego autem exercébor in mandátis tuis.

Convertantur mihi timentes te, * et qui novérunt testimónia tua.

Fiat cor meum immaculátum in justificatiōnibus tuis, * ut non confundar.

Ant. 6. C. Da mihi intellectum; et scrutábor legem tuam, Dómine. *Ps. 118.*

Capitulum. I. Joan. 2.

IN hoc scimus quóniam cognóvimus Deum, si mandáta ejus observémus. Qui dicit se nosse eum, et mandáta ejus non custódit, mendax est, et in hoc veritas non est: qui autem servat verbum ejus, vere in hoc caritas Dei perfecta est.

R. br. Inclína cor meum, Deus, * In testimónia tua. Inclína. *✠.* Averte óculos meos, ne vídeant vanitatem: * in via tua vivifica me, * In testimónia tua. Glória Patri. Inclína cor meum.

✠. Deduc me in sémitam mandatórum tuórum; *R.* Quia ipsam vólui. *Ps. 118.*

AD SEXTAM.

Ex Psalmo 118.

DEFECIT in salutáre tuum

ánima mea, * et in verbum tuum supersperávi.

Defecérunt óculi mei in elóquium tuum, * dicentes : Quando consoláberis me?

Quia factus sum sicut uter in pruina; * justificatiónes tuas non sum oblítus.

Quot sunt dies servi tui? * quando fácies de persecúentibus me iudícium?

Narravérunt mihi iníqui fabulatiónes; * sed non ut lex tua.

Omnia mandáta tua, véritas : * iníque persecúti sunt me, ádjuva me.

Paulo minus consummavérunt me in terra; * ego autem non derelíqui mandáta tua.

Secundum misericórdiam tuam vivifica me, * et custódiam testimónia oris tui.

In æternum, Dómine, * verbum tuum pérmanet in cœlo.

In generatióem et generatióem véritas tua : * fundasti terram, et pérmanet.

Ordinatióne tua perseverat dies; * quóniam ómnia sérviant tibi.

Nisi quod lex tua meditatio mea est, * tunc forte perissem in humilitáte mea.

In æternum non obliviscar justificatiónes tuas; * quia in ipsis vivificasti me.

Tuus sum ego, salvum me fac; * quóniam justificatiónes tuas exquisívi.

Me exspectavérunt peccátóres ut pérderent me : * testimónia tua intellexi.

Omnis consummatiónis vidi

finem : * latum mandátum tuum nimis.

Divisio Psalmi 118.

Quomodo dilexi legem tuam, Dómine! * tota die meditatio mea est.

Super inimícos meos prudentem me fecisti mandáto tuo, * quia in æternum mihi est.

Super omnes docentes me intellexi, * quia testimónia tua meditatio mea est.

Super senes intellexi, * quia mandáta tua quæsívi.

Ab omni via mala prohibui pedes meos, * ut custódiam verba tua.

A iudiciis tuis non declinavi, * quia tu legem posuisti mihi.

Quam dúlcia fáucibus meis elóquia tua! * super mel ori meo.

A mandátis tuis intellexi; * própterea odívi omnem viam iniquitátis.

Lucerna pédibus meis verbum tuum, * et lumen sémitis meis.

Jurávi et státui * custodíre iudícia justítiæ tuæ.

Humiliátus sum usquequaque, Dómine; * vivifica me secundum verbum tuum.

Voluntária oris mei benelácita fac, Dómine, * et iudícia tua doce me.

Anima mea in mánibus meis semper; * et legem tuam non sum oblítus.

Posuérunt peccátóres láqueum mihi; * et de mandátis tuis non errávi.

Hæreditate acquisivi testimónia tua in æternum, * quia exsultatio cordis mei sunt.

Inclinavi cor meum ad faciendas justificatiões tuas in æternum, * propter retributiõnem.

Divisio Psalmi 118.

INIQUOS odio habui, * et legem tuam dilexi.

Adjutor et susceptor meus es tu; * et in verbum tuum supersperavi.

Declinate a me, maligni; * et scrutabor mandata Dei mei.

Suscipe me secundum eloquium tuum, et vivam; * et non confundas me ab expectatiõe mea.

Adjuva me, et salvus ero; * et meditabor in justificatiõnibus tuis semper.

Sprevisti omnes discedentes a judiciis tuis, * quia injusta cogitatio eorum.

Prævaricantes reputavi omnes peccatores terræ; * ideo dilexi testimónia tua.

Confige timore tuo carnes meas; * a judiciis enim tuis timui.

Feci iudicium et justitiam: * non tradas me calumniantibus me.

Suscipe servum tuum in bonum; * non calumnientur me superbi.

Oculi mei defecerunt in salutare tuum, * et in eloquium justitiæ tuæ.

Fac cum servo tuo secundum misericordiam tuam, * et justificatiões tuas doce me.

Servus tuus sum ego; * da mihi intellectum, ut sciam testimónia tua.

Tempus faciendi, Domine: * dissipaverunt legem tuam.

Ideo dilexi mandata tua * super aurum et topazion.

Propterea ad omnia mandata tua dirigébar: * omnem viam iniquam odio habui.

Ant. 2. D. Inclinavi cor meum ad faciendas justificatiões tuas in æternum. *Ps. 118.*

Capitulum. I. Joan. 5.

HÆC est caritas Dei, ut mandata ejus custodiámus; et mandata ejus grávia non sunt.

¶ br. Testimónia tua intellexi, Domine: * Latum mandatum tuum nimis. Testimónia. *¶.* Omnis consummationis * vidi finem: * Latum. Glória Patri. Testimónia.

¶. Dilexi mandata tua super aurum: *¶.* Propterea ad omnia mandata tua dirigébar. *Ps. 118.*

AD NONAM.

Ex Psalmo 118.

MIRABILIA testimónia tua; * ideo scrutata est ea anima mea.

Declaratio sermonum tuorum illúminat, * et intellectum dat parvulis.

Os meum aperui, et atraxi spiritum; * quia mandata tua desiderábam.

Aspice in me, et miserere mei, * secundum iudicium diligentium nomen tuum.

Gressus meos dirige secundum elóquium tuum; * et non dominétur mei omnis injustítia.

Rédime me a calúmniis hóminum, * ut custódiam mandáta tua.

Fáciem tuam illúmina super servum tuum, * et doce me justificatiónes tuas.

Exitus aquárum deduxérunt óculi mei; * quia non custodiérunt legem tuam.

Iustus es, Dómine, * et rectum iudícium tuum.

Mandasti justítiam testimónia tua, * et veritátem tuam nimis.

Tabéscere me fecit zelus meus, * quia oblíti sunt verba tua inimíci mei.

Ignítum elóquium tuum vehementer; * et servus tuus dilexit illud.

Adolescéntulus sum ego, et contemptus: * justificatiónes tuas non sum oblítus.

Justítia tua, justítia in æternum; * et lex tua véritas.

Tribulátio et angústia invenérunt me: * mandáta tua meditátio mea est.

Æquitas testimónia tua in æternum: * intellectum da mihi, et vivam.

Divisio Psalmi 118.

CLAMÁVI in toto corde meo, exaudi me, Dómine: * justificatiónes tuas requíram.

Clamávi ad te, salvum me fac, * ut custódiam mandáta tua.

Præveni in maturitáte, et

clamávi, * quia in verba tua supersperávi.

Prævenérunt óculi mei ad te dilúculo, * ut meditárer elóquia tua.

Vocem meam audi secundum misericórdiam tuam, Dómine, * et secundum iudícium tuum vivífica me.

Appropinquavérunt persequentes me iniquitáti; * a lege autem tua longe facti sunt.

Prope es tu, Dómine; * et omnes viæ tuæ véritas.

Intío cognóvi de testimóniis tuis, * quia in æternum fundasti ea.

Vide humilitátem meam, et éripe me; * quia legem tuam non sum oblítus.

Júdica iudícium meum, et rédime me: * propter elóquium tuum vivífica me.

Longe a peccatóribus salus, * quia justificatiónes tuas non exquísierunt.

Misericórdiæ tuæ multæ, Dómine: * secundum iudícium tuum vivífica me.

Multi qui persequuntur me, et tríbulant me; * a testimóniis tuis non declinávi.

Vidi prævaricantes, et tabescébam; * quia elóquia tua non custodiérunt.

Vide quóniam mandáta tua dilexi, Dómine: * in misericórdia tua vivífica me.

Princípium verbórum tuórum, véritas: * in æternum ómnia iudícia justítiæ tuæ.

Divisio Psalmi 118.

PRINCIPES persecúti sunt me

gratis, * et a verbis tuis formidavit cor meum.

Lætabor ego super elóquia tua, * sicut qui invenit spólia multa.

Iniquitatem odio hábui, et abominátus sum; * legem autem tuam dilexi.

Sépties in die laudem dixi tibi, * super iudícia justitiæ tuæ.

Pax multa diligentibus legem tuam; * et non est illis scándalum.

Expectábam salutare tuum, Dómine, * et mandata tua dilexi.

Custodívit ánima mea testimónia tua, * et dilexit ea vehementer.

Servávi mandata tua et testimónia tua; * quia omnes viæ meæ in conspectu tuo.

Appropinquet deprecátio mea in conspectu tuo, Dómine: * juxta elóquium tuum da mihi intellectum.

Intret postulátio mea in conspectu tuo: * secundum elóquium tuum éripe me.

Eructábunt lábia mea hymnum, * cum docúeris me justificatiónes tuas.

Pronuntiábit lingua mea elóquium tuum; * quia ómnia mandata tua æquitas.

Fiat manus tua ut salvet me, * quóniam mandata tua elegi.

Concupívi salutare tuum, Dómine; * et lex tua meditátio mea est.

Vivet ánima mea, et laudábit te; * et iudícia tua adjuvábunt me.

Errávi sicut ovis quæ pérrit: * quare servum tuum, quia mandata tua non sum oblitus.

Ant. 4. E. Omnia mandata tua æquitas: pax multa diligentibus legem tuam, Dómine. *Ps.* 118.

Capitulum. I. Tim. 1.

FINIS præcepti est caritas de corde puro, et conscientia bona, et fide non ficta.

R. *br.* Omnes viæ meæ * In conspectu tuo, Dómine. Omnes. *ŷ.* Servávi mandata tua * et testimónia tua, * In conspectu. Glória. Omnes.

ŷ. Custodívit ánima mea testimónia tua, *R.* Et dilexit ea vehementer. *Ps.* 118.

AD VESPERAS.

Psalmus 109.

DIXIT Dóminus Dómino meo: * Sede a dextris meis.

Donec ponam inimicos tuos * scabellum pedum tuorum.

Virgam virtutis tuæ erit: tet Dóminus ex Sion: * dominare in medio inimicorum tuorum.

Tecum princípium in die virtutis tuæ in splendoribus sanctorum: * ex útero ante luciferum genui te.

Jurávit Dóminus, et non pœnitébit eum: * Tu es Sacerdos in æternum secundum ordinem Melchisedech.

Dóminus a dextris tuis, * confrégit in die iræ suæ reges.

Judicábit in natióibus, implebit ruínas; * conquassá-

bit capita in terra multorum.

De torrente in via bibet; *
propterea exaltabit caput.

Ant. 7. c. Dixit Dominus
Dómino meo : Sede a dextris
meis.

Psalmus 110.

CONFITEBOR tibi, Dómine,
in toto corde meo, * in con-
cilio justorum et congrega-
tione.

Magna ópera Dómini, *
exquisita in omnes voluntá-
tes ejus.

Conféssio et magnificéntia
opus ejus * et justitia ejus
manet in séculum séculi.

Memóriam fecit mirabí-
lium suorum miséricors et
miserátor Dóminus : * escam
dedit timéntibus se.

Memor erit in séculum tes-
tamenti sui : * virtutem ópe-
rum suorum annuntiábit pó-
pulo suo;

Ut det illis hæreditatem
géntium : * ópera mánuum
ejus, veritas et judícium.

Fidélia omnia mandata
ejus, confirmata in séculum
séculi, * facta in veritate et
æquitate.

Redemptionem misit pó-
pulo suo, * mandavit in æter-
num testamentum suum.

Sanctum et terribile nomen
ejus : * initium sapiéntiæ ti-
mor Dómini.

Intellectus bonus ómnibus
faciéntibus eum : * laudatio
ejus manet in séculum séculi.

Ant. 4. d. Fidélia ómnia
mandata ejus, confirmata in
séculum séculi.

Psalmus 111.

BEATUS vir qui timet Dómi-
num, * in mandátis ejus volet
nimis.

Potens in terra erit semen
ejus : * generatio rectórum
benedicétur.

Glória et divitiæ in domo
ejus ; * et justitia ejus manet
in séculum séculi.

Exortum est in ténébris lu-
men rectis ; * miséricors, et
miserátor, et justus.

Jucundus homo, qui mi-
serétur et commodat, dispó-
net sermónes suos in judício ;
* quia in æternum non com-
movébitur.

In memória æterna erit jus-
tus ; * ab auditióne mala non
timébit.

Parátum cor ejus speráre
in Dómino, confirmátum est
cor ejus ; * non commovébi-
tur, donec despiciat inimícos
suos.

Dispersit, dedit paupéri-
bus ; * justitia ejus manet in
séculum séculi ; cornu ejus
exaltábitur in glória.

Peccátor vidébit, et iras-
cétur, dentibus suis fremet,
et tabescet : * desidérium pec-
catorum peribit.

Ant. 1. f. Qui timet Dómi-
num, in mandátis ejus volet
nimis.

Psalmus 112.

LAUDATE, púeri, Dóminum ;
* laudate nomen Dómini.

Sit nomen Dómini bene-
dictum, * ex hoc nunc, et
usque in séculum.

A solis ortu usque ad occásum, * laudábile nomen Dómini.

Excelsus super omnes gentes Dóminus, * et super cœlos glória ejus.

Quis sicut Dóminus Deus noster, qui in altis hábitat, * et humília respicit in cœlo et in terra?

Súscitans a terra ínopem, * et de stércore érigens páuperem;

Ut cóllocet eum cum princípibus, * cum princípibus populi sui.

Qui habitáre facit stérilem in domo, * matrem filiórum lætantem.

Ant. 7. c. Sit nomen Dómini benedictum in sécula.

Psalmus 113.

IN éxitu Israel de Ægypto, * domus Jacob de populo bárbaro,

Facta est Judæa sanctificatio ejus, * Israel potestas ejus.

Mare vidit, et fugit: * Jordánis conversus est retrorsum.

Montes exsultavérunt ut arietes, * et colles sicut agni óvium.

Quid est tibi, mare, quòd fugisti? * et tu, Jordánis, quia conversus es retrorsum?

Montes, exsultastis sicut arietes? * et colles sicut agni óvium?

A fácie Dómini mota est terra, * a fácie Dei Jacob,

Qui convertit petram in

stagna aquárum, * et rupem in fontes aquárum.

Non nobis, Dómine, non nobis, * sed nómini tuo da glóriam super misericórdia tua et veritate tua;

Nequando dicant gentes: * Ubi est Deus eórum?

Deus autem noster in cœlo; * ómnia quæcumque vóluit, fecit.

Simulácra géntium argentum et aurum, * ópera mánuum hóminum.

Os habent, et non loquentur; * óculos habent, et non vidébunt.

Aures habent, et non áudient; * nares habent, et non odorábunt.

Manus habent, et non palápant; pedes habent, et non ambulábunt: * non clamábunt in gútture suo.

Símiles illis fiant qui fáciunt ea, * et omnes qui confídunt in eis.

Domus Israel sperávit in Dómino; * adjútor eórum et protector eórum est.

Domus Aaron sperávit in Dómino; * adjútor eórum et protector eórum est.

Qui timent Dóminum, speravérunt in Dómino; * adjútor eórum et protector eórum est.

Dóminus memor fuit nostri, * et benedixit nobis.

Benedixit dómui Israel, * benedixit dómui Aaron.

Benedixit ómnibus qui timent Dóminum, * pusillis cum majóribus.

Adjíciat Dóminus super

vos, * super vos, et super
fílios vestros.

Benedicti vos a Dómino, *
qui fecit cœlum et terram.

Cœlum cœli Dómino; *
terram autem dedit filiis hó-
minum.

Non mórtui laudábunt te,
Dómine, * neque omnes qui
descendunt in infernum.

Sed nos qui vívimus, be-
nedícimus Dómino, * ex hoc
nunc, et usque in séculum.

Ant. 1. A. Nos qui vívimus,
benedícimus Dómino.

Capitulum. Ephes. 1.

BENEDICTUS Deus, et Pater
Dómini nostri Jesu Christi,
qui benedixit nos in omni be-
nedictióne spirituáli in cœles-
tibus in Christo, sicut elégit
nos in ipso ante mundi cons-
titutíonem, ut essémus sancti
et immaculáti in conspectu
ejus in caritatē.

Hymnus. C.

O luce qui mortálibus
Lates inaccessa, Deus!
Præsente quo sancti tremunt
Nubuntque vultus Angeli:

Hic, ceu profunda cónditi
Demérgimur caligine:
Æternus at noctem suo
Fulgóre depellet dies.

Hunc nempe nobis præpa-
ras,
Nobis reservas hunc diem,
Quem vix adumbrat splén-
dida

Flammantis astri cláritas.

Moráris heu! nimis diu
Moráris, optátus dies:

Ut te fruámur, noxii
Linquenda moles córporis.

His cum solúta vínculis
Mens evolárit, o Deus,
Vidére te, laudáre te,
Amáre te non désinet.

Ad omne nos apta bonum,
Fœcunda donis Trínitas:
Fac lucis usúræ brevi
Æterna succédât dies.

Amen.

✠. In Deo laudábimur tota
die; R. Et in nómine tuo con-
fitébimur in séculum. *Ps. 43.*

AD COMPLETORIUM.

Psalmus 4.

CUM invocárem, exaudivit
me Deus justítiæ meæ: * in
tribulatíone dilatasti mihi.

Miserére mei, * et exaudi
oratióem meam.

Fílii hóminum, úsquequo
gravi corde? * ut quid dilí-
gitis vanitátem, et quæritis
mendácium?

Et scitóte quóniam mirifi-
cávit Dóminus sanctum suum:
* Dóminus exáudiet me, cum
clamávero ad eum.

Irascímini, et nolíte pec-
cáre: * quæ díctis in córdi-
bus vestris, in cubílibus ves-
tris compungímini.

Sacrificáte sacrificium jus-
títiæ, et speráte in Dómino;
* multi dicunt: Quis ostendit
nobis bona?

Signátum est super nos lu-
men vultus tui, Dómine: *
dedisti lætítiam in corde meo.

A fructu frumenti, vini, et
ólei sui, * multiplicáti sunt.

In pace in idipsum dormiam, * et requiescam.

Quóniam tu, Dómine, * singuláriter in spe constituisti me.

Psalmus 90.

QUI hábitat in adjutório Altíssimi, * in protectione Dei cœli commorabitur.

Dicet Dómino : Susceptor meus es tu, et refúgium meum : * Deus meus, sperábo in eum ;

Quóniam ipse liberávit me de láqueo venántium, * et a verbo áspero.

Scápolis suis obumbrábit tibi, * et sub pennis ejus sperábis.

Scuto circúmdabit te véritas ejus ; * non timébis a timóre nocturno,

A sagitta volante in die, a negótio perambulante in ténébris, * ab incursu, et dæmónio meridiano.

Cadent a látere tuo mille, et decem míllia a dextris tuis ; * ad te autem non appropinquábit.

Verúm tamen óculis tuis considerábis, * et retributió nem peccatórum vidébis.

Quóniam tu es, Dómine, spes mea : * Altíssimum posuisti refúgium tuum ;

Non accédet ad te malum, * et flagellum non appropinquábit tabernáculo.

Quóniam Angelis suis mandávit de te, * ut custódiant te in ómnibus viis tuis.

In mánibus portábunt te, * ne forte offendas ad lápidem pedem tuum.

Super áspidem et basiliscum ambulábis, * et conculcábis leónem et draconem.

Quóniam in me sperávit, liberábo eum : * prótegam eum, quóniam cognóvit nomen meum.

Clamábit ad me, * et ego exáudiam eum.

Cum ipso sum in tribulatióne ; * erípiam eum, et glori ficábo eum.

Longitúdine diérum replébo eum, * et ostendam illi salutáre meum.

Psalmus 133.

ECCE nunc benedicite Dóminum, * omnes servi Dómini.

Qui statis in domo Dómini, * in átriis domus Dei nostri ;

In nóctibus extóllite manus vestras in sancta, * et benedicite Dóminum.

Benedícat te Dóminus ex Sion, * qui fecit cœlum et terram.

Ant. 8. G. Scuto circúmdabit te véritas ejus ; non timébis a timóre nocturno. *Ps. 90.*

FERIA SECUNDA.

AD OFFICIUM NOCTURNUM.

Invit. Deum, qui prior dilexit nos, * Veníte, adorémus.

I. Joan. 4.

Hymnus. C.

DEI canámus glóriam, Cœlum secundo qui die

Expandit, admirabile
Mortalibus spectáculum.

Poli stupémus álveo
Stagnáre pénsiles lacus :
Hinc imbre terras fértili
Cœlestis irrórat Pater.

Quam præparas nobis,
Deus,

Est hæc imágo grátie :
Hæc røre stillans úberi
Cordis péntrat íntima.

Hanc qui fidéli cómbibunt
Aquam salúbrem pectore,
In his ad æternas domos
Miro resultat ímpetu.

Beáta gens, quam pródiga
Ditáre non cessas manu !
Amóris hæc memor tui,
Amóris et reddat vices.

Quæ nos prior sic díligis,
Tibi, beáta Trínitas,
Sit summa laus et glória
In sempiterna sécula.

Amen.

*Pro Officiis novem Lectionum
distinguuntur tres Nocturni. In
Officiis trium Lectionum, pro uni-
co Nocturno, dicantur novem
Psalmi.*

PRO I NOCTURNO.

Psalmus 103.

BENEDIC, ánima mea, Dó-
mino : * Dómine Deus meus,
magnificátus es vehementer.

Confessióem et decórem
induisti, * amictus lúmine
sicut vestimento ;

Extendens cœlum sicút pel-
lem, * qui tegis aquis supe-
rióra ejus ;

Qui ponis nubem ascensum
tuum, * qui ámbulas super
pennas ventórum ;

Qui facis ángelos tuos, spí-
ritus, * et ministros tuos, íg-
nem urentem ;

Qui fundasti terram super
stabilitátem suam : * non in-
clinábitur in séculum séculi.

Abyssus, sicut vestimen-
tum, amictus ejus * super
montes stabunt aquæ.

Ab increpatione tua fú-
gient ; * a voce tonitruí tui
formidábunt.

Ascendunt montes, et des-
cendunt campi, * in locum
quem fundasti eis.

Términum posuisti, quem
non transgredientur ; * neque
convertentur operíre terram.

Qui emittis fontes in con-
vállibus : * inter médium món-
tium pertransibunt aquæ.

Potábunt omnes béstie
agri ; * exspectábunt ónagri
in siti sua.

Super ea vólucres cœli ha-
bitábunt ; * de médio petrá-
rum dabunt voces.

Rigans montes de superió-
ribus suis ; * de fructu ópe-
rum tuórum satiábitur terra :

Prodúcens fœnum jumen-
tis, * et herbam servitúti hó-
minum.

Ut edúcas panem de terra,
* et vinum lætíficet cor hómi-
nis ;

Ut exhílalet fáciem in óleo,
* et panis cor hóminis confir-
met.

Saturabuntur ligna campi,
* et cedri Líbani quas plan-
távit.

Illic pásseres nidificábunt :
* heródií domus dux est eó-
rum.

Montes excelsi cervis, *
petra refúgium herináctis.

Fecit lunam in témpora : *
sol cognóvit occásu suum.

Posuisti ténebras, et facta
est nox; * in ipsa pertransí-
bunt omnes béstiæ silvæ:

Cátuli leónum rugiéntes, *
ut rápíant, et quærant a Deo
escam sibi.

Ortus est sol; et congregáti
sunt, * et in cubilibus suis
collocabuntur.

Exíbit homo ad opus suum,
* et ad operatióem suam us-
que ad vésperum.

Divisio Psalmi 103.

QUAM magnificáta sunt ópe-
ra tua, Dómine! * ómnia in
sapiéntia fecisti; impléta est
terra possessióe tua.

Hoc mare magnum, et spa-
tiósum mánibus: * illic reptí-
lia, quorum non est númerus,
animália pusilla cum magnis.

Illic naves pertransíbunt: *
draco iste quem formasti ad
illudendum ei.

Omnia a te expectant, * ut
des illis escam in témpore.

Dante te illis, cólligent; *
aperiente te manum tuam,
ómnia implebuntur bonitáte.

Avertente autem te faciém,
turbabuntur: * áuferes spíri-
tum eórum, et deficiént, et in
púlverem suum revertentur.

Emittes spíritum tuum, et
creabuntur; * et renovábis
faciém terræ.

Altera Divisio Psalmi 103.

SIT glória Dómini in sécu-

lum: * lætábitur Dóminus in
opéribus suis;

Qui respicit terram, et facit
eam trémere; * qui tangit
montes, et fúmigant.

Cantábo Dómino in vita
mea: * psallam Deo meo
quámdiu sum.

Jucundum sit ei elóquium
meum; * ego vero delectábor
in Dómino.

Deficiánt peccatóres a ter-
ra et iníqui, ita ut non sint:
* bénedic, ánima mea, Dó-
mino.

Ant. 4. d. Omnia in sapién-
tia fecisti, Dómine: impléta
est terra possessióe tua.

PRO II NOCTURNO.

Psalmus 104.

CONFITEMINI Dómino, et in-
vocáte nomen ejus: * annun-
tiáte inter gentes ópera ejus.

Cantáte ei, et psállite ei: *
narráte ómnia mirabília ejus.

Laudámini in nómine sanc-
to ejus: * lætétur cor quærén-
tium Dóminum.

Quærite Dóminum, et con-
firmámini; * quærite faciém
ejus semper.

Mementóte mirabílium ejus
quæ fecit, * prodígia ejus, et
judícia oris ejus,

Semen Abraham servi ejus,
* filii Jacob electi ejus.

Ipse Dóminus Deus noster;
* in universa terra judícia ejus.

Memor fuit in séculum tes-
tamenti sui; * verbi quod man-
dávít in mille generatióes,

Quod dispósuit ad Abra-

ham; * et juramenti sui ad Isaac.

Et státnit illud Jacob in præceptum, * et Israel in testamentum æternum;

Dicens: Tibi dabo terram Chánaan * funiculum hæreditátis vestræ;

Cum essent número brevi, paucíssimi, * et incolæ ejus.

Et pertransiérunt de gente in gentem, * et de regno ad pópulum álterum.

Non relíquit hóminem nocére eis, * et corrípuít pro eis reges.

Nolíte tángere christos meos, * et in prophétis meis nólite malignári.

Divisio Psalmi 104. Et

VOCAVIT (Dóminus) famem super terram, * et omne firmamentum panis contrívit.

Misit ante eos virum; * in servum venúmdatus est Joseph.

Humiliavérunt in compédibus pedes ejus; * ferrum pertransiit ánimam ejus.

Donec veníret verbum ejus, * elóquium Dómini inflammávit eum.

Misit rex, et solvit eum; * princeps populórum, et dimísit eum.

Constítuit eum dóminum domus suæ, * et príncipem omnis possessióis suæ;

Ut erudíret príncipes ejus sicut semetipsum, * et senes ejus prudéntiam docéret.

Et intrávit Israel in Ægypt-

Autumnalis.

tum; * et Jacob áccola fuit in terra Cham.

Et auxit pópulum suum vehementer, * et firmávit eum super inimícos ejus.

Convertit cor eórum, ut odírent pópulum ejus, * et dolum fácerent in servos ejus.

Altera Divisio Psalmi 104.

MISIT (Dóminus) Móysen servum suum, * Aaron quem elégit ipsum.

Pósuit in eis verba signórum suórum, * et prodigiórum in terra Cham.

Misit ténebras, et obscurávit; * et non exacerbávit sermones suos.

Convertit aquas eórum in sanguíne, * et occídít píses eórum.

Edidit terra eórum ranas * in penetrálibus regum ipsórum.

Dixit; et venit cœnomyía, et cíniphes * in ómnibus fínibus eórum.

Pósuit plúvias eórum grádinem, * ignem comburentem in terra ipsórum;

Et percussit víneas eórum, et ficúlneas eórum; * et contrívit lignum fínium eórum.

Dixit; et venit locusta et bruchus, * cujus non erat númerus:

Et comédit omne fœnum in terra eórum, * et comédit omnem fructum terræ eórum.

Et percussit omne primogénitum in terra eórum, * primítias omnis labóris eórum.

Et eduxit eos cum argento

et auro; * et non erat in tribubus eorum infirmus.

Lætata est Ægyptus in profectione eorum, * quia incubuit timor eorum super eos.

Expandit nubem in protectionem eorum, * et ignem ut luceret eis per noctem.

Petiérunt, et venit coturnix; * et pane cœli saturávit eos.

Dirúpit petram, et fluxérunt aquæ: * abiérunt in sicco flúmina;

Quóniam memor fuit verbi sancti sui, * quod hábuit ad Abraham púerum suum.

Et eduxit pópulum suum in exultatione, * et electos suos in lætítia.

Et dedit illis regiónés gén-tium: * et labóres populórum possederunt;

Ut custódiant justificatiónes ejus, * et legem ejus requírant.

Ant. 7. d. Mementóte mirabílium ejus quæ fecit, prodígia ejus, et judícia oris ejus.

PRO III NOCTURNO.

Psalmus 105.

CONFITEMINI Dómino, quóniam bonus, * quóniam in séculum misericórdia ejus.

Quis loquétur poténtias Dómini, * audítas fáciat omnes laudes ejus?

Beáti qui custódiunt judícium, * et fáciunt justítiam in omni témpore.

Memento nostri, Dómine, in beneplácito pópuli tui: * vísitá nos in salutári tuo,

Ad videndum in bonitáte electórum tuórum, ad lætandum in lætítia gentis tuæ, * ut laudéris cum hæreditáte tua.

Divisio Psalmi 105.

PECCAVIMUS cum pátribus nostris; * injuste égimus, iniquitátem fécimus.

Patres nostri in Ægypto non intellexérunt mirabília tua: * non fuérunt mémores multitudinis misericórdiæ tuæ.

Et irritavérunt ascendentes in mare, * mare Rubrum.

Et salvávit eos propter nomen suum, * ut notam fáceret poténtiam suam.

Et increpuit mare Rubrum, et exsiccátum est; * et deduxit eos in abyssis, sicut in deserto;

Et salvávit eos de manu odiéntium, * et redémit eos de manu inimíci.

Et opéruit aqua tribulantes eos: * unus ex eís non remansit.

Et credidérunt verbis ejus, * et laudavérunt laudem ejus.

Cito fecérunt, oblíti sunt óperum ejus, * et non sustinuérent consílium ejus;

Et concupiérunt concupiscéntiam in deserto, * et tentavérunt Deum in inaquóso.

Et dedit eis petitiónem ipsórum, * et misit saturitátem in ánimas eórum.

Et irritavérunt Móysen in castris, * Aaron sanctum Dómini.

Aperta est terra, et deglutívit Dathan, * et opéruit su-

per congregatióem Abiron.

Et exarsit ignis in synagoga eórum; * flamma combussit peccatóres.

Et fecerunt vítulum in Horeb, * et adoravérunt scúlptile.

Et mutavérunt glóriam suam * in similitúdinem vítuli comedentis fœnum.

Oblíti sunt Deum qui salvávit eos, * qui fecit magnália in Ægypto, mirábilia in terra Cham, terribília in mari Rubro.

Et dixit ut dispérderet eos, si non Móyses electus ejus stetisset in confractiône, in conspectu ejus, * ut avérteret iram ejus, ne dispérderet eos.

Et pro níhilo habuérunt terram desiderábilem; * non credidérunt verbo ejus.

Et murmuravérunt in tabernáculis suis; * non exaudiérunt vocem Dómini.

Et elevávit manum suam super eos, * ut prostérneret eos in deserto,

Et ut dejiceret semen eórum in natióibus, * et dispérgeret eos in regióibus.

Et initiáti sunt Beélphegor, * et comederunt sacrificia mortuórum.

Et irritavérunt eum in adinventiúnibus suis; * et multiplicáta est in eis ruína.

Et stetit Phínees, et placávit; * et cessávit quassátió.

Et reputátum est ei in justítiam, * in generatióem et generatióem usque in sempiternum.

Et irritavérunt eum ad aquas

contradictiúnis; * et vexátus est Móyses propter eos,

Quia exacerbavérunt spíritum ejus; * et distinxit in lábiis suis.

Altera divisio Psalmi 105.

NON disperdidérunt gentes, * quas dixit Dóminus illis.

Et commixti sunt inter gentes; * et didicérunt ópera eórum.

Et serviérunt scúlptílibus eórum; * et factum est illis in scándalum.

Et immolavérunt filios suos * et filias suas dæmóniis.

Et effudérunt ságuinem innocentem, * ságuinem filiórum suórum, et filiárum suárum, quas sacrificavérunt scúlptílibus Chánaan.

Et infecta est terra in sanguínibus, et contamináta est in opéribus eórum; * et fornicáti sunt in adinventiúnibus suis.

Et irátus est furóre Dóminus in pópulum suum, * et abominátus est hæreditátem suam.

Et trádedit eos in manus géntium; * et domináti sunt eórum qui odérunt eos.

Et tribulavérunt eos inimíci eórum, * et humiliáti sunt sub mánibus eórum.

Sæpe liberávit eos; * ipsi autem exacerbavérunt eum in consílio suo, et humiliáti sunt in iniquitatibus suis.

Et vidit, cum tribularentur; * et audivit oratióem eórum; Et memor fuit testamenti

sui, * et pœnsit eum secundum multitudinem misericordiæ suæ.

Et dedit eos in misericordias, * in conspectu ómnium qui cœperant eos.

Salvos nos fac, Dómine Deus noster, * et cóngrega nos de natióibus;

Ut confiteámur nómini sancto tuo, * et gloriémur in laude tua.

Benedictus Dóminus Deus Israel a século, et usque in séculum; * et dicet omnis pópulus: Fiat, fiat.

Ant. 1. a. Vísita nos in salutári tuo, Dómine, ad videndum in bonitáte electórum tuórum.

✠. Expandit nubem in protectionem eórum, ꝑ. Et ignem ut luceret eis per noctem. *Ps.* 104.

AD LAUDES.

Psalmus 91.

BONUM est confitéri Dómino, * et psállere nómini tuo, Altissime,

Ad annuntiandum mane misericórdiam tuam, * et veritatem tuam per noctem,

In decachordo psaltério, * cum cántico in cithara;

Quia delectasti me, Dómine, in factúra tua, * et in opéribus mánuum tuárum exultábo.

Quam magnificáta sunt ópera tua, Dómine! * nimis profundæ factæ sunt cogitationes tuæ.

Vir insípiens non cognóscet,

* et stultus non intélliget hæc.

Cum exorti fúerint peccatóres sicut fœnum, et apparuerint omnes qui operantur iniquitatem, * ut intéreant in séculum séculi:

Tu autem Altíssimus * in æternum, Dómine.

Quóniam ecce inimíci tui, Dómine, quóniam ecce inimíci tui peribunt, * et dispergentur omnes qui operantur iniquitatem.

Et exaltábitur sicut unicornis cornu meum, * et senectus mea in misericórdia úberi.

Et despexit óculus meus inimícos meos, * et in insurgéntibus in me malignántibus audiet auris mea.

Justus ut palma florébit, * sicut cedrus Líbani multiplicábitur.

Plantáti in domo Dómini, * in átriis domus Dei nostri florébunt.

Adhuc multiplicabuntur in senecta úberi, * et bene patientes erunt,

Ut annúntient quóniam rectus Dóminus Deus noster, * et non est iníquitas in eo.

Psalmus 135.

CONFITEMINI Dómino, quóniam bonus, * quóniam in æternum misericórdia ejus.

Confitémini Deo deórum, * quóniam in æternum misericórdia ejus.

Confitémini Dómino domínorum, * quóniam in æternum misericórdia ejus;

Qui facit mirabília magna

solus, * quóniam in æternum misericórdia ejus;

Qui fecit cœlos in intellectu, * quóniam in æternum misericórdia ejus;

Qui firmávit terram super aquas, * quóniam in æternum misericórdia ejus;

Qui fecit luminária magna, * quóniam in æternum misericórdia ejus;

Solem in potestátem diéi, * quóniam in æternum misericórdia ejus;

Lunam et stellas in potestátem noctis, * quóniam in æternum misericórdia ejus.

Divisio Psalmi 135.

(CONFITEMINI Dómino, quóniam bonus, * quóniam in æternum misericórdia ejus;)

Qui percussit Ægyptum cum primogénitis eórum, * quóniam in æternum misericórdia ejus;

Qui eduxit Israel de médio eórum, * quóniam in æternum misericórdia ejus;

In manu potenti, et bráchio excelso, * quóniam in æternum misericórdia ejus;

Qui divisit mare Rubrum in divisiónes, * quóniam in æternum misericórdia ejus;

Et eduxit Israel per médium ejus, * quóniam in æternum misericórdia ejus;

Et excussit Pharaónem et virtútem ejus in mari Rubro, * quóniam in æternum misericórdia ejus;

Qui traduxit pópulum suum per desertum, * quóniam in

æternum misericórdia ejus;

Qui percussit reges magnos, * quóniam in æternum misericórdia ejus;

Et occidit reges fortes, * quóniam in æternum misericórdia ejus;

Sehon regem Amorrhæorum, * quóniam in æternum misericórdia ejus;

Et Og regem Basan, * quóniam in æternum misericórdia ejus;

Et dedit terram eórum hæreditátem, * quóniam in æternum misericórdia ejus;

Hæreditátem Israel servo suo, * quóniam in æternum misericórdia ejus;

Quia in humilitáte nostra memor fuit nostri, * quóniam in æternum misericórdia ejus;

Et redémit nos ab inimícis nostris, * quóniam in æternum misericórdia ejus.

Qui dat escam omni carni, * quóniam in æternum misericórdia ejus.

Confitémini Deo cœli, * quóniam in æternum misericórdia ejus.

Confitémini Dómino dominórum, * quóniam in æternum misericórdia ejus.

In Feriis,

Canticum Moysi. Exod. 15.

CANTEMUS Dómino; glorióse enim magnificátus est, * equum et ascensórem dejécit in mare.

Fortitúdo mea et laus mea Dóminus, * et factus est mihi in salútem.

Iste Deus meus, et glorificábo eum; * Deus patris mei, et exaltábo eum.

Dóminus quasi vir pugnátor; * Omnípotens, nomen ejus.

Currus Pharaónis et exercitum ejus projéxit in mare; * electi principes ejus submersi sunt in mari Rubro.

Abyssí operuérunt eos; * descendérunt in profundum quasi lapis.

Déxtera tua, Dómine, magnificáta est in fortitúdine; * déxtera tua, Dómine, percussit inimicum.

Et in multítudine glóriæ tuæ deposuisti adversários tuos, * misisti iram tuam quæ devorávit eos sicut stipulam.

Et in spíritu furóris tui congregátæ sunt aquæ; * stetit unda fluens, congregátæ sunt abyssí in médio mari.

Dixit inimicus: Pérsequar, et comprehendam; * dívidam spólia, implébitur ánima mea:

Evaginábo gládium meum, * interficiet eos manus mea.

Flavit spíritus tuus, et opéruit eos mare; * submersi sunt quasi plumbum in aquis vehémentibus.

Quis símilis tui in fórtibus, Dómine? * quis símilis tui, magníficus in sanctitáte, terribilis, atque laudábilis, fáciens mirabilia?

Extendisti manum tuam, * et devorávit eos terra.

Dux fuisti in misericórdia tua pópulo quem redemisti, * et portasti eum in fortitúdine

tua ad habitáculum sanctum tuum.

Ascendérunt pópuli, et irátí sunt; * dolóres obtinuérunt habitatóres Philísthiim.

Tunc conturbátí sunt príncipes Edom; robustos Moab obtínuit tremor; * obriguérunt omnes habitatóres Chánaan.

Irruat super eos formído et pavor: * in magnitúdine bráchii tui fiant immóbiles quasi lapis;

Donec pertránseat pópulus tuus, Dómine, * donec pertránseat pópulus tuus iste quem possedisti.

Introdúces eos, et plantábis in monte hæreditátis tuæ, * firmíssimo habitáculo tuo quod operátus es, Domine, Sanctuárium tuum, Dómine, * quod firmavérunt manus tuæ.

Dóminus regnábit * in æternum et ultra.

Psalmus 134.

LAUDATE nomen Dómini; * laudáte, servi, Dóminum.

Qui statis in domo Dómini; * in átriis domus Dei nostri,

Laudáte Dóminum, quia bonus Dóminus; * psállite nómini ejus, quóniam suáve;

Quóniam Jacob elégit sibi Dóminus, * Israel in possessionem sibi.

Quia ego cognóvi quod magnus est Dóminus, * et Deus noster præ ómnibus diis.

Omnia quæcumque vóluit, Dóminus fecit, * in cælo, in

terra, in mari, et in ómnibus abyssis.

Edúcens nubes ab extrémis terræ, * fúlgura in plúviam fecit;

Qui producít ventos de thesauris suis; * qui percussit primogénita Ægypti ab hómine usque ad pecus.

Et misit signa et prodígia in médio tui, Ægypte, * in Pharaónem, et in omnes servos ejus;

Qui percussit gentes multas, * et occídit reges fortes,

Sehon regem Amorrhæórum, et Og regem Basan, * et ómnia regna Chánaan.

Et dedit terram eórum hæreditátem, * hæreditátem Israel pópulo suo.

Dómine, nomen tuum in æternum: * Dómine, memoriale tuum in generatióem et generatióem;

Quia judicábit Dóminus pópulum suum, * et in servis suis deprecábitur.

Simulácula géntium argentum et aurum, * ópera mánuum hóminum.

Os habent, et non loquuntur: * óculos habent, et non vidébunt:

Aures habent, et non audient; * neque enim est spíritus in ore ipsórum.

Símiles illis fiant qui faciunt ea, * et omnes qui confidunt in eis.

Domus Israel, benedicite Dómino: * domus Aaron, benedicite Dómino:

Domus Levi, benedicite.

Dómino: * qui timétis Dóminum, benedicite Dómino.

Benedictus Dóminus ex Sion, * qui hábitat in Jerúsalem.

Ant. 1. g. Laudáte Dóminum, psállite nómini ejus, quóniam elégit Israel in possessionem sibi. *Ps.* 134.

Capitulum. Prov. 8.

Ego diligentes me diligo; et qui mane vigílant ad me, invénient me.

Hymnus. C.

NIL láudibus nostris eges, Sed filios amas, Pater; Multaque cœlestem prece Vis provocári grátiam.

Tui profunda cónsili Noctis canat siléntium: Tuæ jubar cleméntiæ Splendor diéi prædicat.

Tantis minor miráculis Mens óbstupet, vox déficit: Tacére sed totis nequit Amor medullis æstuans.

Erumpat ergo: te memor Clamet parentem, qui mala Præséntis ævi mítigas, Spondes futúri præmia.

Huc vota tendunt córdium; Infirma sed tardat caro: Quæ ducit ad te, da sequi, Dux ipse, Jesu, sémitam.

Amen.

✠. Repléti sumus mane misericórdia tua, Dómine, *R.* Et exultávimus, et delectáti sumus. *Ps.* 89.

Ad Benedictus. *Ant.* 6. F. Deus, qui dives est in misericórdia, propter nímiā cari-

tátem suam qua dilexit nos, et cum essémus mórtui peccáti, convivificávit nos in Christo. *Ephes. 2.*

Oratio. Sacr. Leon.

DEUS, qui nos prior dilexisti, tuam nobis grátiam largíre propítius; ut, quia in multis offendimus, tua caritas abundet in nobis, per quam peccáta mundantur; Per Dóminum.

Deinde fiunt Suffragia de S. Cruce et de omnibus SS. ut in Ordinario; et sic in aliis Feriis.

AD PRIMAM.

Psalmus 8.

DOMINE Dóminus noster, * quam admirábile est nomen tuum in universa terra!

Quóniam eleváta est magnificéntia tua * super cœlos.

Ex ore infántium et lacténtium perfecisti laudem propter inimícos tuos, * ut destrúas inimícum et ultórem.

Quóniam vidébo cœlos tuos, ópera digítorum tuórum; * lunam et stellas, quæ tu fundasti:

Quid est homo, quod memor es ejus? * aut fílius hóminis, quóniam vísitas eum?

Minuisti eum paulo minus ab Angelis, glória et honóre coronasti eum, * et constituisti eum super ópera mánuum tuárum.

Omnia subjecisti sub pédibus ejus, * oves et boves universas, insuper et pécora campi,

Vólucres cœli, * et pisces maris qui perámbulant sémitas maris.

Dómine Dóminus noster, * quam admirábile est nomen tuum in universa terra!

Psalmus 76.

VOCE mea ad Dóminum clamávi; * voce mea ad Deum, et intendit mihi.

In die tribulatiónis meæ Deum exquisívi, mánibus meis nocte contra eum; * et non sum deceptus.

Rénuit consolári ánima mea: * memor fui Dei, et delectátus sum, et exercitátus sum; et defécit spíritus meus.

Anticipavérunt vigílias óculi mei; * turbátus sum, et non sum locútus.

Cogitávi dies antíquos; * et annos æternos in mente hábui.

Et meditátus sum nocte cum corde meo; * et exercitábar, et scopébam spíritum meum.

Numquid in æternum prójiciet Deus? * aut non appónet ut complacítior sit adhuc?

Aut in finem misericórdiam suam abscindet, * a generatióne in generatióne?

Aut obliviscétur miseréri Deus? * aut continébit in ira sua misericórdias suas?

Et dixi: Nunc cœpi: * hæc mutatio dexteræ Excelsi.

Divisio Psalmi 76.

MEMOR fui óperum Dómi-

ni, * quia memor ero ab initio mirabilium tuorum;

Et meditabor in omnibus operibus tuis, * et in adinventiōibus tuis exercébor.

Deus, in sancto via tua; * quis Deus magnus sicut Deus noster?

Tu es Deus qui facis mirabilia, * notam fecisti in populis virtutem tuam:

Redemisti in brachio tuo populum tuum, * filios Jacob et Joseph.

Viderunt te aquæ, Deus, viderunt te aquæ, et timuerunt; * et turbatæ sunt abyssi.

Multitudo sonitus aquarum, * vocem dederunt nubes.

Etenim sagittæ tuæ trans-eunt; * vox tonitruī tui in rota.

Illuxerunt coruscationes tuæ orbi terræ; * commota est et contrémuit terra.

In mari via tua, et semitæ tuæ in aquis multis; * et vestigia tua non cognoscuntur.

Deduxisti sicut oves populum tuum * in manu Moysi et Aaron.

Ant. 8. G. Quid est homo, Dómine, quod memor es ejus? aut filius hominis, quóniam vísitas eum? *Ps. 8.*

AD TERTIAM.

Psalmus 24.

Ad te, Dómine, levávi animam meam; * Deus meus, in te confido, non erubescam.

Neque irrideant me inimici mei; * etenim universi qui

sústinent te, non confundentur.

Confundantur omnes iniqua agentes * supervacue.

Vias tuas, Dómine, demonstra mihi, * et semitas tuas edoce me.

Dírige me in veritate tua, et doce me; * quia tu es Deus salvátor meus, et te sustinui tota die.

Reminiscere miseratiōnum tuarum, Dómine, * et misericordiārum tuarum quæ a sæculo sunt.

Delicta juventutis meæ * et ignorántias meas ne memínaris.

Secundum misericórdiam tuam memento mei tu, * propter bonitatem tuam, Dómine.

Dulcis et rectus Dóminus; * propter hoc legem dabit delinquentibus in via:

Díriget mansuétos in iudicio, * docébit mites vias suas.

Universæ viæ Dómini, misericórdia et veritas, * requiréntibus testamentum ejus et testimónia ejus.

Propter nomen tuum, Dómine, propitiáberis peccato meo; * multum est enim.

Divisio Psalmi 24.

Quis est homo qui timet Dóminum? * legem státuit ei in via quam elégit.

Anima ejus in bonis demorábitur, * et semen ejus hæreditábit terram.

Firmamentum est Dóminus timentibus eum; * et testa-

mentum ipsius, ut manifestetur illis.

Oculi mei semper ad Dóminum, * quóniam ipse evellet de láqueo pedes meos.

Réspice in me, et miserere mei, * quia únicus et pauper sum ego.

Tribulatiónes cordis mei multiplicatæ sunt: * de necessitatibus meis érué me.

Vide humilitatem meam, et labórem meum, * et dimitte universa delicta mea:

Réspice inimicos meos, quóniam multiplicati sunt, * et odio iniquo odérunt me:

Custódi ánimam meam et érué me; * non erubescam, quóniam sperávi in te.

Innocentes et recti adhæsérunt mihi, * quia sustínui te.

Líbera, Deus, Israel * ex ómnibus tribulatió nibus suis.

Psalmus 95.

CANTATE Domino cánticum novum; * cantáte Dómino, omnis terra.

Cantáte Dómino, et benedicite nómini ejus, * annuntiáte de die in diem salutare ejus:

Annuntiáte inter gentes glóriam ejus, * in ómnibus pópulis mirabilia ejus;

Quóniam magnus Dóminus, et laudábilis nimis; * terríbilis est super omnes deos.

Quóniam omnes dii géntium dæmónia; * Dóminus autem cœlos fecit.

Conféssio et pulchritúdo in conspectu ejus; * sanctimónia

et magnificéntia in sanctificatióne ejus.

Afferte Dómino, pátriæ géntium, afferte Dómino glóriam et honórem: * afferte Dómino glóriam nómini ejus.

Tóllite hóstias, et introste in átria ejus: * adoráte Dóminum in átrio sancto ejus.

Commovéatur a fácie ejus universa terra; * dícite in géntibus quia Dóminus regnavit.

Etenim correxit órber terræ, qui non commovébitur: * judicábit pópulos in æquitáte.

Lætentur cœli, et exsultet terra; commovéatur mare et plenitúdo ejus: * gaudébunt campi, et ómnia quæ in eis sunt.

Tunc exsultábunt ómnia lígna silvárum a fácie Dómini, quia venit, * quóniam venit judicáre terram.

Judicábit orbem terræ in æquitáte, * et pópulos in veritate sua.

Ant. 7. c. Tóllite hóstias, et adoráte Dóminum; étenim correxit orbem terræ. *Ps. 95.*

Capitulum. Ephes. 5.

ESTOTE imitatóres Dei, sicut filii caríssimi; et ambuláte in dilectiόne, sicut et Christus dilexit nos, et trádedit semetipsum pro nobis oblatiόnem, et hóstiam Deo in odórem suavitátis.

R. br. Quid retríbuam Dómino, * Pro ómnibus quæ retríbuit mihi? Quid retríbuam. *ŷ.* Vota mea Dómino reddam * coram omni pópulo ejus, *

Pro ómnibus. Glória Patri.
Quid retribuam?

†. Tibi, Dómine, sacrificábo hóstiam laudis, R. Et nomen Dómini invocábo. *Ps.* 115.

AD SEXTAM.

Psalmus 46.

OMNES gentes, pláudite má-nibus: * jubiláte Deo in voce exsultatiónis;

Quóniam Dóminus excelsus, terríbilis: * Rex magnus super omnem terram.

Subjécit pópulos nobis, * et gentes sub pédibus nostris.

Elégit nobis hæreditátem suam, * spéciem Jacob quam dilexit.

Ascendit Deus in júbilo, * et Dóminus in voce tubæ.

Psállite Deo nostro, psállite; * psállite Regi nostro, psállite.

Quóniam rex omnis terræ Deus, * psállite sapienter.

Regnabit Deus super gentes: * Deus sedet super sedem sanctam suam.

Príncipes populórum congregáti sunt cum Deo Abraham; * quóniam dii fortes terræ vehementer eleváti sunt.

Psalmus 97.

CANTATE Dómino cánticum novum, * quia mirabília fecit.

Salvávít sibi dextera ejus, * et bráchium sanctum ejus.

Notum fecit Dóminus salutare suum; * in conspectu géntium revelávit justítiam suam.

Recordátus est misericórdiæ suæ, * et veritátis suæ dómui Israel.

Vidérunt omnes términi terræ * salutare Dei nostri.

Jubiláte Deo, omnis terra: * cantáte, et exsultáte, et psállite.

Psállite Dómino in cíthara, * in cíthara, et voce psalmi, In tubis ductílibus, et voce tubæ córneæ: * jubiláte in conspectu regis Dómini.

Moveátur mare, et plenitúdo ejus; * orbis terrárum, et qui hábitant in eo.

Flúmina plaudent manu, simul montes exsultábunt a conspectu Dómini, * quóniam venit judicáre terram.

Judicábit orbem terrárum in justítia, * et pópulos in æquitáte.

Psalmus 98.

DOMINUS regnávít, irascantur pópuli; * qui sedet super Chérubim, moveátur terra.

Dóminus in Sion magnus, * et excelsus super omnes pópulos.

Confiteantur nómini tuo magno, quóniam terribile et sanctum est; * et honor regis judícium díligit.

Tu parasti directiões: * judícium et justítiam in Jacob tu fecisti.

Exaltáte Dóminum Deum nostrum, et adoráte scabellum pedum ejus; * quóniam sanctum est.

Móyses et Aaron in sacerdotibus ejus, * et Sámuel in-

ter eos qui invocant nomen ejus.

Invocabant Dóminum, et ipse exaudiébat eos: * in columna nubis loquebátur ad eos.

Custodiébant testimónia ejus, * et præceptum quod dedit illis.

Dómine Deus noster, tu exaudiébas eos: * Deus, tu propítius fuisti eis, et ulciscens in omnes adinventiões eórum.

Exaltáte Dóminum Deum nostrum, et adoráte in monte sancto ejus; * quóniam sanctus Dóminus Deus noster.

Ant. 6. F. Elégit nobis hæreditatem suam quam dilexit Dóminus. Ps. 46.

Capitulum. Rom. 8.

SPIRITUS testimónium reddit spirítui nostro, quod sumus filii Dei. Si autem filii, et hærédes; hærédes quidem Dei, cohærédes autem Christi.

R. br. Confiteantur Dómino * Misericórdiæ ejus. Confiteantur. *✠.* Et mirabília ejus * filiis hóminum: * Misericórdiæ. Glória Patri. Confiteantur. *Ps. 106.*

✠. Quómodo miserétur pater filiórum, *R.* Misertus est Dóminus timéntibus se. *Ps. 102.*

AD NONAM.

Psalmus 52.

DIXIT insípiens in corde suo: * Non est Deus.

Corrupti sunt et abominá-

biles facti sunt in iniquitatibus: * non est qui fáciat bonum.

Deus de cælo prospexit super filios hóminum, * ut vídeat si est intélligens, aut requírens Deum.

Omnes declinavérunt, simul inútiles facti sunt: * non est qui fáciat bonum, non est usque ad unum.

Nonne scient omnes qui operantur iniquitatem, * qui dévorant plebem meam ut cibum panis?

Deum non invocavérunt: * illic trepidavérunt timóre, ubi non erat timor.

Quóniam Deus dissipávit ossa eórum qui homínibus placent: * confúsi sunt, quóniam Deus sprevit eos.

Quis dabit ex Sion salutáre Israel? * cum convérterit Deus captivitatem plebis suæ, exultábit Jacob, et lætábitur Israel.

Psalmus 72.

QUAM bonus Israel Deus * his qui recto sunt corde!

Mei autem pene moti sunt pedes, * pene effúsi sunt gressus mei;

Quia zelávi super iníquos, * pacem peccatórum videns.

Quia non est respectus mortis eórum, * et firmamentum in plaga eórum.

In labóre hóminum non sunt, * et cum homínibus non flagellabuntur.

Ideo tenuit eos superbia; * operti sunt iniquitate et impietate sua.

Pródiit quasi ex ádipe iní-
quitas eórum; * transiérunt
in affectum cordis.

Cogitavérunt et locúti sunt
nequitiam: * iniquitátem in
excelso locúti sunt.

Posuérunt in cælum os
suum, * et lingua eórum trans-
ívit in terra.

Ideo convertétur pópulus
meus hic; * et dies pleni inve-
nientur in eis.

Et dixerunt: Quómodo scit
Deus? * et, Si est sciéntia in
Excelso?

Ecce ipsi peccatóres, et
abundantes in século, * ob-
tinuérunt divítias.

Et dixi: Ergo sine causa
justificávi cor meum, * et lavi
inter innocentes manus meas;

Et fui flagellátus tota die,
* et castigatio mea in matu-
tínis.

Si dicébam: Narrábo sic,
* ecce natióem filiórum tuó-
rum reprohávi.

Existimábam ut cognósce-
rem hoc: * labor est ante me:

Donec intrem in sanctuá-
rium Dei, * et intélligam in
novíssimis eórum.

Verúmtamen propter do-
los posuisti eis; * deiecisti
eos, dum allevarentur.

Quómodo facti sunt in de-
solatióne! * súbito defecé-
runt; periérunt propter ini-
quitátem suam.

Velut sómniū surgén-
tium, Dómine, * in civitáte
tua imáginem ipsórum ad ní-
hilum rédiges;

Quia inflammátum est cor
meum, et renes mei commu-

táti sunt; * et ego ad níhilum
redactus sum, et nescívi.

Ut jumentum factus sum
apud te, * et ego semper te-
cum.

Divisio Psalmi 72.

TENUISTI (Dómine) manum
dexteram meam, et in volun-
táte tua deduxisti me; * et
cum glória suscepisti me.

Quid enim mihi est in cœ-
lo? * et a te quid volui super
terram?

Defécit caro mea, et cor
meum; * Deus cordis mei, et
pars mea Deus in æternum.

Quia ecce qui elongant se
a te, peribunt; * perdidisti
omnes qui fornicantur abs te.

Mihi autem adhærere Deo
bonum est, * pónere in Dó-
mino Deo spem meam;

Ut annúntiem omnes præ-
dicatiónes tuas * in portis fí-
liæ Sion.

Ant. 7. ç. In voluntáte tua
deduxisti me, Dómine, et cum
glória suscepisti me. *Ps. 72.*

Capitulum. II. Thess. I.

DIGNETUR VOS vocatióne sua
Deus noster, et ímpleat om-
nem voluntátem bonitátis, et
opus fidei in virtúte; ut cla-
rificétur nomen Dómini nos-
tri Jesu Christi in vobis, et
vos in illo.

R. br. Doce me fácere vo-
luntátem tuam; * Quia Deus
meus es tu. Doce. *ŷ.* Spíritus
tuus bonus * dedúcet me; *
Quia. Glória Patri. Doce. *Ps.*
142.

†. In Deo salutāre meum,
et glória mea: ꝑ. Deus auxili-
lii mei; et spes mea in Deo
est. *Ps.* 61.

AD VESPERAS.

Psalmus 114.

DILEXI, * quóniam exáu-
diet Dóminus vocem oratió-
nis meæ.

Quia inclināvit aurem suam
mihi, * et in diēbus meis in-
vocābo.

Circumdederunt me doló-
res mortis, * et perícula in-
ferni invenērunt me.

Tribulatiónem et dolórem
inveni, * et nomen Dómini
invocāvi.

O Dómine, libera ánimam
meam: * miséricors Dóminus,
et justus, et Deus noster mi-
serétur.

Custódiens párvulos Dómi-
nus; * humiliátus sum, et li-
berāvit me.

Convértere, ánima mea, in
réquiem tuam; * quia Dómi-
nus benefécit tibi;

Quia erípuit ánimam meam
de morte, * óculos meos a lá-
crymis, pedes meos a lapsu.

Placébo Dómino * in regio-
ne vivórum.

Psalmus 120.

LEVAVI óculos meos in mon-
tes, * unde véniet auxiliū
mihi.

Auxiliū meum a Dómino,
* qui fecit cælum et terram.

Non det in commotiónem
pedem tuum, * neque dormi-
tet qui custódit te.

Ecce non dormitábit neque
dórmiet, qui custódit Israel.

Dóminus custódit te, Dó-
minus protectio tua * super
manum dexteram tuam.

Per diem sol non uret te, *
neque luna per noctem.

Dóminus custódit te ab om-
ni malo: * custódiat ánimam
tuam Dóminus.

Dóminus custódiat intrói-
tum tuum et éxitum tuum, *
ex hoc nunc, et usque in sé-
culum.

Psalmus 123.

NISI quia Dóminus erat in
nobis, dicat nunc Israel; *
nisi quia Dóminus erat in no-
bis,

Cum exsúrgerent hómines
in nos, * forte vivos deglutis-
sent nos.

Cum irascerétur furor eó-
rum in nos, * fórsitan aqua
absorbisset nos.

Torrentem pertransívit áni-
ma nostra, * fórsitan per-
transisset ánima nostra aquam
intolerábilem.

Benedictus Dóminus, * qui
non dedit nos in captiόnem
déntibus eórum.

Anima nostra sicut passer
erepta est * de láqueo venán-
tium.

Láqueus contrítus est; * et
nos liberáti sumus.

Adjutórium nostrum in nó-
mine Dómini, * qui fecit cæ-
lum et terram.

Psalmus 125.

In convertendo Dóminus

captivitatem Sion, * facti sumus sicut consolati.

Tunc replétum est gaudio os nostrum, * et lingua nostra exultatione.

Tunc dicent inter gentes: * Magnificávit Dóminus fácere cum eis.

Magnificávit Dóminus fácere nobiscum: * facti sumus lætantes.

Converte, Dómine, captivitatem nostram, * sicut torrens in austro.

Qui sémant in lácrymis, * in exultatione metent.

Euntes ibant et flebant, * mittentes sémina sua.

Venientes autem vénient cum exultatione, * portantes manípulos suos.

Psalmus 136.

SUPER flúmina Babylónis illic sédimus, * et flévimus cum recordarémur Sion.

In salícibus in médio ejus, * suspéndimus órgana nostra;

Quia illic interrogáverunt nos, qui captívos duxérunt nos, * verba cantiónum;

Et qui abduxérunt nos: * Hymnum cantáte nobis de canticis Sion.

Quómodo cantábimus canticum Dómini * in terra aliena?

Si oblítus fúero tui, Jerúsalem, * oblivióni detur dextera mea.

Adhæreat lingua mea fáucibus meis, * si non memínero tui;

Si non proposúero Jerú-

salem * in principio lætitiæ meæ.

Memor esto, Dómine, filiórurum Edom, * in die Jerúsalem;

Qui dicunt: Exinaníte, exinaníte * usque ad fundamentum in ea.

Fília Babylónis mísera; * beátus qui retríbuet tibi retributíonem tuam, quam retribuisti nobis.

Beátus qui tenébit, * et alídet párvulos tuos ad petram.

Ant. 6. F. Adhæreat lingua mea fáucibus meis, si non proposúero Jerúsalem in principio lætitiæ meæ. *Ps. 136.*

Capitulum. I. Petr. 1.

NUNC non vidéntes, créditis: credentes autem, exultábitis lætítia inenarrábili et glórificáta; reportantes finem fidei vestræ, salútem animárum.

Hymnus. C.

JACTAMUR heu quot flúctibus! Spes una de cœlis nitet: Illuc et ora tóllimus, Et mítimus suspéria.

Tu vota præcurris, Pater, Magnamque protendis manum:

Jam fulta tanto róbore Surgit potens infirmitas.

Quæsæva nos premunt mala Vinces, malis poténtior: Te nostra duræ séntiet Mens servitútis víndicem.

Quin vile corpus Fílii Fulgóre donábis tui: At illa venális patet Multo labóre glória.

Felix labor quem récreas
 Tam spléndida rerum vice!
 Fletu quis æternum brevi
 Neget pacisci gáudium?

Sit laus Patri, laus Filio;
 Utrumque qui nectis, Deus,
 Utrique compar, sit tibi
 Laus sempiterna, Spíritus.
 Amen.

Ÿ. Ad te, Dómine, clamávi
 tota die: ñ. Lætífica ánimam
 servi tui. *Ps.* 85.

Ad Magnificat. Ant. 5. C.
 Magnificat ánima mea Dómi-
 num, et exultávit spíritus
 meus in Deo salutári meo.
Luc. 1.

AD COMPLETORIUM.

Psalmus 6.

DOMINE, ne in furóre tuo
 árguas me, * neque in ira tua
 corripias me.

Miserére mei, Dómine, quón-
 iam infirmus sum: * sana
 me, Dómine, quóniam con-
 turbáta sunt ossa mea.

Et ánima mea turbáta est
 valde; * sed tu, Dómine, ús-
 quequo?

Convértere, Dómine, et
 éripe ánimam meam: * salvum
 me fac propter misericórdiam
 tuam;

Quóniam non est in morte,
 qui memor sit tui: * in infer-
 no autem quis confitébitur
 tibi?

Laborávi in gémitu meo,
 lavábo per síngulas noctes lec-
 tum meum, * lácrymis meis
 stratum meum rigábo.

Turbátus est a furóre ócu-

lus meus; * inveterávi inter
 omnes inimícos meos.

Discédite a me, omnes qui
 operámini iniquitátem; * quón-
 iam exaudivit Dóminus vo-
 cem fletus mei.

Exaudivit Dóminus depre-
 catiónem meam: * Dóminus
 oratiónem meam suscepit.

Erubescant et conturben-
 tur vehementer omnes inimíci
 mei: * convertantur et eru-
 bescant valde velóciter.

Psalmus 7.

DOMINE Deus meus, in te
 sperávi: * salvum me fac ex
 ómnibus persequéntibus me,
 et libera me.

Nequando rápiat ut leo áni-
 mam meam, * dum non est
 qui rédimat, neque qui sal-
 vum fáciat.

Dómine Deus meus, si feci
 istud; * si est iníquitas in má-
 nibus meis;

Si réddidi retribuéntibus
 mihi mala, * decídám mérito
 ab inimicis meis inánis:

Persequátur inimícus áni-
 mam meam, et comprehen-
 dat, et conculcet in terra vi-
 tam meam, * et glóriam meam
 in pulverem dedúcat.

Exsurge, Dómine, in ira
 tua, * et exaltáre in sínibus
 inimicórum meórum.

Et exsurge, Dómine Deus
 meus, * in præcepto quod
 mandasti.

Et synagóga populórum
 circúmdabit te; * et propter
 hanc in altum regrédere.

Dóminus júdicat pópulos:

* júdica me, Dómine, secundum justítiam meam, et secundum innocentiam meam super me.

Consumétur nequítia peccatórum; * et díriges justum, scrutans corda et renes, Deus.

Justum adjutórium meum a Dómino, * qui salvos facit rectos corde.

Divisio Psalmi 7.

DEUS judex justus, fortis et pátiens, * numquid iráscitur per síngulos dies?

Nisi conversi fuéritis, gládium suum vibrábit : * arcum suum tetendit, et parávit illum :

Et in eo parávit vasa mortis; * sagittas suas ardéntibus effécit.

Ecce partúriit injustítiam; concépit dolórem, * et péperit iniquitátem.

Lacum apéruit, et effódit eum; * et incidit in foveam quam fecit.

Convertétur dolor ejus in caput ejus; * et in vérticem ipsíus iníquitas ejus descendet.

Confitébor Dómino secundum justítiam ejus, * et psálam nómini Dómini altíssimi.

Ant. 2. D. Justum adjutórium meum a Dómino, qui salvos facit rectos corde. *Ps. 7.*

FERIA TERTIA.

AD OFFICIUM NOCTURNUM.

Invit. Deum pacis et dilec-

tiónis, * Veníte, adorémus.
II. Cor. 13.

Hymnus. C.

JUBES : et, in præceps aquis
Repente confluéntibus,
Prodit sub auras húmidis
Exúta velis Arida.

Hanc tu colendam qui tuis,
Pater, dedisti filiis,
Quos orbis unus cóntinet,
Fac una jungat caritas.

Nunc exulámus; sed tuam
Mox congregábis in domum
Te Patre dignos, qui pio
Amóre fratres víxerint.

At, qui malignis ártibus
Linguisque lædunt próximum
A te repelles : hoc genus
Cœlestis aula non capit.

En ipsa tellus ímprobos
Dudum labórans sústinet,
Ardetque non suæ jugo
Corruptiónis éximi.

Adoptiónem nos quoque
Efflagitámus íntegram,
Cui nos sacráto Spíritus
Prædestinávit pignore.

Æterna laus et glória
Uni sit et trino Deo,
Diffúsa per quem córdibus
Fraterna regnat caritas.

Amen.

PRO I NOCTURNO.

Psalmus 14.

DÓMINE, quis habitábit in
tabernáculo tuo? * aut quis
requiescet in monte sancto
tuo?

Qui ingréditur sine mácula,
* et operátur justítiam;

Qui lóquitur veritátem in

corde suo; * qui non egit dolum in lingua sua.

Nec fecit próximo suo malum, * et opprobrium non accepit adversus próximos suos.

Ad nihilum deductus est in conspectu ejus malignus; * timentes autem Dóminum glorificat.

Qui jurat próximo suo, et non decipit; * qui pecuniam suam non dedit ad usúram, et múnera super innocentem non accepit.

Qui facit hæc, * non móvêbitur in æternum.

Psalmus 18.

CORLI enarrant glóriam Dei, * et ópera mánuum ejus annúntiat firmamentum.

Dies diéi eructat verbum, * et nox nocti índicat sciéntiam.

Non sunt loquélæ, neque sermónes, * quorum non audiantur voces eórum.

In omnem terram exívit sonus eórum, et in fines orbis terræ verba eórum: * in sole pósuit tabernáculum suum;

Et ipse tanquam sponsus procédens de thálamo suo, * exultávit ut gigas ad currendam viam.

A summo cœlo egréssio ejus, et occursus ejus usque ad summum ejus: * nec est qui se abscondat a calóre ejus.

Divisio Psalmi 18.

LEX Dómini immaculáta, convertens ánimas: * testi-

mónium Dómini fidéle, sapiéntiam præstans párvulis.

Justítiæ Dómini rectæ, lætificantes corda: * præceptum Dómini lúcidum, illúminans óculos.

Timor Dómini sanctus, pérmanens in séculum séculi: * judícia Dómini vera, justificáta in semetipsa.

Desiderabilia super aurum et lápidem pretiósum multum, * et dulcióra super mel et favum.

Etenim servus tuus custódit ea: * in custodiendis illis retribútio multa.

Delicta quis intélligit? * ab occultis meis munda me, et ab aliénis parce servo tuo.

Si mei non fúerint domínati, * tunc immaculátus ero, et emundábor a delicto máximo.

Et erunt ut compláceant elóquia oris mei, * et meditátio cordis mei in conspectu tuo semper.

Dómine, adjútor meus, * et redemptor meus.

Ant. 7. d. Quis requiescet in monte sancto tuo, Dómine? qui operátur justítiam, nec fecit próximo suo malum.

Ps. 14.

PRO II NOCTURNO.

Psalmus 71.

DEUS, judícium tuum regida, * et justítiam tuam filio regis;

Judicáre pópulum tuum in justítia, * et páuperes tuos in judício.

Suscipiant montes pacem
pópulo, * et colles justítiam.

Judicábit páuperes pópuli,
et salvos faciet filios páupe-
rum, * et humiliábit calum-
niatórem.

Et permanébit cum sole et
ante lunam, * in generatióne
et generatióne.

Descendet sicut plúvia in
vellus, * et sicut stillicidia
stillántia super terram.

Oriétur in diébus ejus jus-
títia, et abundántia pacis, *
donec auferátur luna.

Et dominábitur a mari us-
que ad mare, * et a flúmine
usque ad términos orbis ter-
rarum.

Coram illo prócident Æ-
thíopes, * et inimíci ejus ter-
ram lingent.

Divisio Psalmi 71.

REGES Tharsis et ínsulæ mú-
nera offerent; * reges Arabum
et Saba dona addúcent.

Et adorábunt eum omnes
reges terræ: * omnes gentes
sérvient ei;

Quia liberábit páuperem a
potente, * et páuperem cui
non erat adjútor.

Parcet páuperi et ínopi, *
et ánimas páuperum salvas
faciet.

Ex usúris et iniquitáte ré-
dimet ánimas eórum; * et ho-
norábile nomen eórum coram
illo.

Et vivet, et dábitur ei de
auro Arábiæ, et adorábunt
de ipso semper: * tota die
benedicent ei.

Et erit firmamentum in ter-
ra in summis móntium, su-
perextollétur super Líbanum
fructus ejus; * et florébunt
de civitáte sicut fœnum terræ.

Sit nomen ejus benedictum
in sécula: * ante solem pér-
manet nomen ejus.

Et benedicentur in ipso
omnes tribus terræ: * omnes
gentes magnificábunt eum.

Benedictus Dóminus Deus
Israel, * qui facit mirabília
solus.

Et benedictum nomen ma-
jestátis ejus in æternum; * et
replébitur majestáte ejus om-
nis terra: fiat, fiat.

Psalmus 100.

MISERICORDIAM et judícium
* cantábo tibi, Dómine.

Psallam, et intélligam in
via immaculáta, * quando vé-
nies ad me.

Perambulábam in innocén-
tia cordis mei, * in médio
domus meæ.

Non proponébam ante ócu-
los meos rem injustam: * fa-
cientes prævaricatiónes odívi.

Non adhæsit mihi cor pra-
vum: * declinantem a me ma-
lignum non cognoscébam.

Detrahentem secréto pró-
ximo suo, * hunc persequé-
bar.

Superbo óculo, et insatiá-
bili corde, * cum hoc non
edébam.

Oculi mei ad fidéles terræ,
ut sédeant mecum: * ámbu-
lans in via immaculáta, hic
mihi ministrábat.

Non habitabit in médio domus meæ, qui facit supérbiam: * qui lóquitur iníqua, non direxit in conspectu oculórum meórum.

In matutíno interficiébam omnes peccatóres terræ, * ut disperderem de civitáte Dómini omnes operantes iniquitátem.

Ant. 5. a. Non proponébam ante óculos meos rem injustam: detrahentem secréto próximo suo, hunc persequébar. *Ps. 100.*

PRO III NOCTURNO.

Psalmus 106.

CONFITEMINI Dómino, quóniam bonus, * quóniam in séculum misericórdia ejus.

Dicant qui redempti sunt a Dómino, * quos redémit de manu inimíci;

Et de regiónibus congregávit eos, * a solis ortu et occásu, ab aquilóne et mari.

Erravérunt in solitúdine, in inaquóso: * viam civitátis habitáculi non invenérunt.

Esurientes, et sitientes; * ánima eórum in ipsis defécit.

Et clamavérunt ad Dóminum, cum tribularentur; * et de necessitatibus eórum erípuit eos.

Et deduxit eos in viam rectam, * ut irent in civitátem habitatiónis.

Confiteantur Dómino misericórdiæ ejus, * et mirabília ejus filiis hóminum;

Quia satiávit ánimam iná-

nem, * et ánimam esurientem satiávit bonis.

Sedentes in ténebris et umbra mortis, * vinctos in mendicitáte et ferro;

Quia exacerbavérunt elóquia Dei, * et consílium Altíssimi irritavérunt.

Et humiliátum est in labóribus cor eórum: * infirmáti sunt, nec fuit qui adjuváret.

Et clamavérunt ad Dóminum, cum tribularentur; * et de necessitatibus eórum liberávit eos.

Et eduxit eos de ténebris et umbra mortis, * et víncula eórum dirúpit.

Divisio Psalmi 106.

CONFITEANTUR Dómino misericórdiæ ejus, * et mirabília ejus filiis hóminum;

Quia contrívit portas æreas, * et vectes férreos confrégit.

Suscépit eos de via iniquitátis eórum: * propter injustítias enim suas humiliáti sunt.

Omnem escam abomináta est ánima eórum; * et appropinquavérunt usque ad portas mortis.

Et clamavérunt ad Dóminum, cum tribularentur; * et de necessitatibus eórum liberávit eos.

Misit verbum suum, et sanávit eos; * et erípuit eos de interitióibus eórum.

Confiteantur Dómino misericórdiæ ejus, * et mirabília ejus filiis hóminum.

Et sacrificent sacrificium

laudis, * et annúntient ópera ejus in exsultatíone.

Qui descendunt mare in návibus, * facientes operatió-
nem in aquis multis;

Ipsi vidérunt ópera Dómini,
* et mirabília ejus in profundo.

Dixit: et stetit spíritus pro-
cellæ; * et exaltáti sunt fluctus ejus.

Ascendunt usque ad cœlos,
et descendunt usque ad abys-
sos; * ánima eórum in malis
tabescébat.

Turbáti sunt, et moti sunt
sicut ébrius; * et omnis sa-
piéntia eórum devoráta est.

Et clamavérunt ad Domi-
num, cum tribularentur; *
et de necessitatibus eórum
eduxit eos.

Et státuit procellam ejus in
auram, * et siluérent fluctus
ejus.

Et lætáti sunt quia silué-
runt: * et deduxit eos in por-
tum voluntátis eórum.

Altera divisio Psalmi 106.

CONFITEANTUR Dómino mi-
sericórdiæ ejus, * et mirabília
ejus filiis hóminum.

Et exaltent eum in ecclésia
plebis, * et in cáthedra senió-
rum laudent eum.

Pósuit flúmina in desertum,
* et éxitus aquárum in sitim:

Terram fructíferam in sal-
suginem, * a malítia inhabi-
tántium in ea.

Pósuit desertum in stagna
aquárum, * et terram sine
aqua in éxitus aquárum;

Et collocávit illic esurien-

tes: * et constituérunt civitá-
tem habitatiónis;

Et seminavérunt agros, et
plantavérunt véneas; * et fe-
cérunt fructum nativitátis.

Et benedixit eis, et multi-
plicáti sunt nimis; * et ju-
menta eórum non minorávit.

Et pauci facti sunt, * et ve-
xáti sunt a tribulatióne ma-
lórum, et dolóre.

Effúsa est contemptio super
príncipes; * et erráre fecit eos
in invio, et non in via.

Et adjúvit páuperem de inó-
pia, * et pósuit sicut oves fa-
mílias.

Vidébunt recti, et lætabun-
tur; * et omnis iníquitas op-
pilábit os suum.

Quis sápiens, et custódi-
et hæc? * et intélliget misericór-
dias Dómini?

Ant. 6. F. Adjúvit Dóminus
páuperem de inópia: vidé-
bunt recti, et lætabuntur.

✠. Exortum est in ténebris
lumen rectis: R. Miséricors,
et miserátor, et justus. *Ps. 111.*

AD LAUDES.

Psalmus 23.

DOMINI est terra, et pleni-
túdo ejus: * orbis terrárum,
et universi qui hábitant in eo:

Quia ipse super mária fun-
dávít eum, * et super flúmina
præparávit eum.

Quis ascendet in montem
Dómini? * aut quis stabit in
loco sancto ejus?

Innocens mánibus et mun-
do corde, * qui non accépit
in vano ánimam suam, nec

jurávit in dolo próxímo suo.

Hic accípiet benedictiónem a Dómino, * et misericórdiam a Deo salutári suo.

Hæc est generatio quæréntium eum, * quæréntium faciém Dei Jacob.

Attóllite portas, príncipes, vestras; et elevámini, portæ æternáles: * et introibit Rex glóriæ.

Quis est iste Rex glóriæ? * Dóminus fortis et potens, Dóminus potens in prælio.

Attóllite portas, príncipes, vestras; et elevámini, portæ æternáles: * et introibit Rex glóriæ.

Quis est iste Rex glóriæ? * Dóminus virtútum ipse est Rex glóriæ.

Psalmus 84.

BENEDIXISTI, Dómine, terram tuam, * avertisti captivitátem Jacob.

Remisisti iniquitátem plebis tuæ, * operuisti ómnia peccáta eórum.

Mitigasti omnem iram tuam, * avertisti ab ira indignationis tuæ.

Converte nos, Deus salutáris noster, * et averte iram tuam a nobis.

Numquid in æternum irascéris nobis? * aut extends iram tuam a generatióne in generatióne?

Deus, tu conversus vivificábis nos; * et plebs tua lætábitur in te.

Ostende nobis, Dómine,

misericórdiam tuam, * et salutáre tuum da nobis.

Audiam quid loquátur in me Dóminus Deus; * quóniam loquétur pacem in plebem suam,

Et super sanctos suos, * et in eos qui convertuntur ad cor.

Verúmtamen prope timentes eum salutáre ipsius, * ut inhabitet glória in terra nostra.

Misericórdia et véritas obviavérunt sibi: * justítia et pax osculatæ sunt.

Véritas de terra orta est, * et justítia de cælo prospexit.

Etenim Dóminus dabit benignitátem; * et terra nostra dabit fructum suum.

Justítia ante eum ambulábit, * et ponet in via gressus suos.

Psalmus 96.

DOMINUS regnávit, exsultet terra, * lætentur ínsulæ multæ.

Nubes et caligo in circúitu ejus: * justítia et iudícium correctio sedis ejus.

Ignis ante ipsum præcedet, * et inflammábit in circúitu inimícos ejus.

Illuxérunt fúlgura ejus orbi terræ: * vidit, et commóta est terra.

Montes sicut cera fluxérunt a fácie Dómini; * a fácie Dómini omnis terra.

Annuntiavérunt cæli justítiam ejus; * et vidérunt omnes pópuli glóriam ejus.

Confundantur omnes qui adórant sculptília, * et qui glorianantur in simulácris suis.

Adoráte eum, * omnes Angeli ejus.

Audívit, et lætáta est Sion: * et exsultavérunt fíliæ Judæ propter júdicia tua, Dómine; Quóniam tu Dóminus altíssimus super omnem terram: * nimis exaltátus es super omnes deos.

Qui dilígitis Dóminum, odíte malum: * custódit Dóminus ánimas sanctórum suórum; de manu peccatóris liberábit eos.

Lux orta est justo, * et rectis corde lætítia.

Lætámini, justí, in Dómino, * et confitémini memóriæ sanctificatiónis ejus.

In Feriis,

Canticum Ezechiae. Is. 38.

Ego dixi: In dimídio dierum meórum vadam ad portas inferi: * quæsiví residuum annórum meórum.

Dixi: Non vidébo Dóminum Deum in terra vivéntium: * non aspiciam hóminem ultra, et habitatórem quiétis.

Generátio mea abláta est, et convolúta est a me, * quasi tabernáculum pastórum.

Præcisa est, velut a texente, vita mea; dum adhuc ordírer, succídit me: * de mane usque ad vésperam fínies me.

Sperábam usque ad mane; quasi leo sic contrívit ómnia ossa mea: * de mane usque ad vésperam fínies me.

Sicut pullus hirúndinis sic clamábo, * meditabor ut columba.

Attenuáti sunt óculi mei, suspicientes in excelsum: * Dómine, vimpátior, responde pro me.

Quid dicam, aut quid respondébit mihi, * cum ipse fécerit?

Recogitábo tibi omnes annos meos * in amaritúdine animæ meæ.

Dómine, si sic vívitur, et in talibus vita spíritus mei, * corrípies me, et vivificábis me.

Ecce in pace amaritúdo mea amaríssima: * tu autem eruisti ánimam meam, ut non períret.

Projecisti post tergum tuum * ómnia peccáta mea.

Quia non infernus confitébitur tibi, neque mors laudábit te: * non expectábunt, qui descendunt in lacum, veritátem tuam.

Vivens, vivens ipse confitébitur tibi, sicut et ego hódie: * pater filiis notam fáciat veritátem tuam.

Dómine, salvum me fac; * et psalmos nostros cantábitis cunctis diébus vitæ nostræ in domo Dómini.

Psalmus 150.

LAUDATE Dóminum in sanctis ejus: * laudáte eum in firmamento virtútis ejus.

Laudáte eum in virtútibus ejus: * laudáte eum secundum multitudínem magnitúdinis ejus.

Laudáte eum in sono tubæ: * laudáte eum in psaltério et cíthara.

Laudáte eum in tympano

et choro: * laudáte eum in chordis et órgano.

Laudáte eum in cymbalis benesonántibus; laudáte eum in cymbalis jubilationis: * omnis spíritus laudet Dóminum.

Ant. 1. D. Laudáte Dóminum in sanctis ejus: laudáte eum secundum multitudínem magnitudínis ejus. *Ps. 150.*

Capitulum. I. Joan. 2.

MANDATUM novum scribo vobis, quod verum est et in Christo, et in vobis; quia ténebræ transiérunt, et verum lumen jam lucet. Qui dicit se in luce esse, et fratrem suum odit, in ténebris est usque adhuc. Qui díligit fratrem suum, in lúmine manet, et scándalum in eo non est.

Hymnus. C.

TE príncipem summo, Deus,
Jubes amóre díligi:

Tibi secundum prótinus
Jubes amári próximum.

Amóre fundátam tuo
Communióne respice,
Qua corpus unum plúrimi,
Unum cor, una mens sumus.

Illam fides et véritas
Amábili stipant choro:
Oblíquus hinc livor procul
Et litis ardor éxulant.

Tu, pacis auctor, mútuos
Astringe nexus: da, Pater,
Gaudére fratrum gáudiis,
Da condolére flétibus.

Æterna laus et glória
Uni sit et trino Deo,
Qui moris uníus sacra

Nos pacis in domo locat.
Amen.

†. Deus in médio civitátis suæ non commovébitur: *R.* Adjuvábít eam mane dilúculo. *Ps. 45.*

Ad Benedictus. Ant. 7. a. Diléctio malum non operátur; plenitúdo ergo legis est diléctio. *Rom. 13.*

Oratio. Sacr. Leon.

DEUS, qui sacra legis ómnia constitúta in tua et próximi dilectióne posuisti; da nobis horum propítius efficiéntiam mandatórum; Per Dóminum.

AD PRIMAM.

Psalmus 34.

JUDICA, Dómine, nocentes me: * expugna impugnantes me.

Apprehende arma et scutum, * et exsurge in adjutórium mihi.

Effunde frámeam, et con-clúde adversus eos qui persequuntur me; * dic ánimæ meæ: Salus tua ego sum.

Confundantur et reve-reantur*quærentes ánimam meam.

Avertantur retrorsum, * et confundantur cogitantes mihi mala.

Fiant tanquam pulvis ante fáciem venti, * et ángelus Dómini coarctans eos.

Fiat via illórum ténebræ et lúbricum, * et ángelus Dómini pérsequens eos;

Quóniam gratis abscondérunt mihi intéritum láquei

sui, * supervacue exprobraverunt animam meam.

Veniat illi láqueus quem ignorat; et captio quam abscondit, apprehendat eum; * et in láqueum cadat in ipsum.

Anima autem mea exsultabit in Dómino, * et delectabitur super salutári suo.

Omnia ossa mea dicent: * Dómine, quis similis tibi?

Erípiens inopem de manu fortíorum ejus, * egénium et páuperem a diripiéntibus eum.

Divisio Psalmi 34.

SURGENTES testes iníqui, * quæ ignorábam interrogábant me.

Retribuébant mihi mala pro bonis, * sterilitatem animæ meæ.

Ego autem, cum mihi molesti essent, * induébar cilício.

Humiliábam in jejúnio animam meam, * et oratio mea in sinu meo convertétur.

Quasi próximum, et quasi fratrem nostrum, sic complacébam: * quasi lugens et contristátus, sic humiliábar.

Et adversum me lætátisunt, et convenérunt: * congregata sunt super me flagella, et ignorávi.

Dissipáti sunt, nec compuncti; tentavérunt me, subsannavérunt me subsannatione: * frenduérunt super me déntibus suis.

Dómine, quando respícies? * restítue animam meam a

Autumnalis.

malignitate eórum, a leónibus únicam meam.

Confitébor tibi in ecclésia magna: * in pópulo gravi laudábo te.

Non supergáudeant mihi qui adversantur mihi iníque, * qui odérunt me gratis, et annuunt óculis.

Quóniam mihi quidem pacífice loquebantur; * et in iracúndia terræ loquentes, dolos cogitabant.

Et dilatavérunt super me os suum; * dixerunt: Euge, euge, vidérunt óculi nostri.

Vidisti, Dómine, ne síleas: * Dómine, ne discédas a me.

Altera divisio Psalmi 34.

EXSURGE, et intende iudício meo, * Deus meus et Dóminus meus, in causam meam.

Júdica me secundum justítiam tuam, Dómine Deus meus; * et non supergáudeant mihi.

Non dicant in córdibus suis: Euge, euge, animæ nostræ; * nec dicant: Devorávimus eum.

Erubescant et reveantur simul, * qui gratulantur malis meis.

Induantur confusióne et reveréntia, * qui magna loquantur super me.

Exsultent et lætentur qui volunt justítiam meam; * et dicant semper: Magnificétur Dóminus, qui volunt pacem servi ejus.

Et lingua mea meditabitur

justítiam tuam, * tota die laudem tuam.

Ant. 2. D. Cum mihi molesti essent, quasi próximum, et quasi fratrem nostrum, sic complacébam.

AD TERTIAM.

Psalmus 25.

JUDICA me, Dómine, quóniam ego in innocentia mea ingressus sum; * et in Dómino sperans, non infirmabor.

Proba me, Dómine, et tenta me: * ure renes meos et cor meum;

Quóniam misericórdia tua ante óculos meos est, * et complacui in veritate tua.

Non sedi cum concílio vanitátis, * et cum iniqua geréntibus non introibo.

Odívi ecclésiám malignántium, * et cum ímpiis non sedébo.

Lavábo inter innocentes manus meas * et circúmdabo altáre tuum, Dómine;

Ut áudiam vocem laudis, * et enarrem universa mirabília tua.

Dómine, dilexi decórem domus tuæ, * et locum habitatiónis glóriæ tuæ.

Ne perdas cum ímpiis, Deus, ánimam meam, * et cum viris sánguinem vitam meam,

In quorum mánibus iniquitátes sunt: * dextera eórum repléta est munéribus.

Ego autem in innocentia mea ingressus sum: * rédime me, et miserére mei.

Pes meus stetit in directo: * in ecclésiis benedicam te, Dómine.

Psalmus 49.

DEUS deórum Dóminus locútus est; * et vocávit terram a solis ortu usque ad occásusum.

Ex Sion * species decóris ejus.

Deus manifeste véniet; * Deus noster, et non silébit.

Ignis in conspectu ejus exardescet, * et in circúitu ejus tempestas válida.

Advocábit cœlum desursum, et terram, * discernere pópulum suum.

Congregáte illi sanctos ejus, * qui ordinant testamentum ejus super sacrificia.

Et annuntiábunt cœli justítiam ejus, * quóniam Deus judex est.

Audi, pópulus meus, et loquar; Israel, et testificabor tibi: * Deus, Deus tuus ego sum.

Non in sacrificiis tuis árguam te; * holocausta autem tua in conspectu meo sunt semper.

Non accípiam de domo tua vítulos, * neque de grégibus tuis hircos;

Quóniam meæ sunt omnes feræ silvárum, * jumenta in móntibus et boves.

Cognóvi ómnia volatília cœli; * et pulchritúdo agri mecum est.

Si esuríero, non dicam tibi; * meus est enim orbis terræ, et plenitúdo ejus.

Numquid manducábo carnes taurórum? * aut sánguinem hircórum potábo?

Immola Deo sacrificium laudis, * et redde Altissimo vota tua.

Et ínvoça me in die tribulatiónis; * éruam te, et honorificábis me.

Divisio Psalmi 49.

PECATORI autem dixit Deus: * Quare tu enarras justítias meas, et assúmis testamentum meum per os tuum?

Tu vero odisti disciplínam, * et projecisti sermónes meos retrorsum.

Si vidébas furem, currébas cum eo, * et cum adúlteris portiónem tuam ponébas.

Os tuum abundávit malítia, * et lingua tua concinnábat dolos.

Sedens adversus fratrem tuum loquebáris, et adversus filium matris tuæ ponébas scándalum: * hæc fecisti, et tácui.

Existimasti iníque quod ero tui símilis: * árguam te, et státuam contra fáciem tuam.

Intelligite hæc, qui obliviscimini Deum; * nequando rápiat, et non sit qui erípiat.

Sacrificium laudis honorificábit me; * et illic iter, quo ostendam illi salutáre Dei.

Ant. 1. f. Cum ímpiis non sedébo: inter innocentes circúmdabo altáre tuum, Dómine. *Ps. 25.*

Capitulum. Eccli. 35.

SACRIFICIUM salutáre est at-téndere mandátis, et discé-dere ab omni iniquitáte: et propitiatiónem litáre sacrificii super injustítias, et deprecátio pro peccátis, recédere ab injustítia.

R. br. Quis ascendet in montem Dómini, * Stabit in loco sancto ejus? Quis ascendet? *Y.* Innocens mánibus * et mundo corde, * Stabit in loco sancto ejus. Glória Patri. Quis ascendet. *Ps. 23.*

Y. Congregáte Dómino sanctos ejus, *R.* Qui órduant testamentum ejus super sacrificia. *Ps. 49.*

AD SEXTAM.

Psalmus 36.

NOLI æmulári in malignántibus, * neque zeláveris facientes iniquitátem.

Quóniam tanquam fœnum velóeiter arescent, * et quemádmodum ólera herbárum cito decident.

Spera in Dómino, et fac bonitátem; * et inhábita terram, et pascéris in divítiis ejus.

Delectáre in Dómino, * et dabit tibi petitiónes cordis tui.

Revéla Dómino viam tuam, et spera in eo; * et ipse faciet.

Et edúcet quasi lumen justítiam tuam, et judícium tuum tanquam merídiem: * súbditus esto Dómino, et ora eum.

Noli æmulári in eo qui prosperátur in via sua, * in hómine faciente injustítias.

Désine ab ira, et derelinque furórem: * noli æmulári, ut malignéris;

Quóniam qui malignantur, exterminabuntur: * sustinentes autem Dóminum, ipsi hæreditábunt terram.

Et adhuc pusillum, et non erit peccátor; * et quæres locum ejus, et non invénies.

Mansuétí autem hæreditábunt terram, * et delectabuntur in multítudine pacis.

Observábit peccátor justum, * et stridebit super eum déntibus suis.

Dóminus autem irridébit eum; * quóniam próspicit quod véniet dies ejus.

Gládium evaginavérunt peccátóres; * intendérunt arcum suum,

Ut dejícient páuperem et ínopem, * ut trucident rectos corde.

Gládus eórum intret in corda ipsórum, * et arcus eórum confringátur.

Mélius est módicum justo, * super divítias peccátórum multas.

Quóniam bráchia peccátórum conterentur: * confirmat autem justos Dóminus,

Divisio Psalmi 36.

NOVIT Dóminus dies immaculatórum; * et hæreditas eórum in æternum erit.

Non confundentur in témpore malo, et in diébus fa-

mis saturabuntur; * quia peccátóres peribunt.

Inimíci vero Dómini, mox ut honorificáti fúerint et exaltáti, * deficientes, quemádmódum fumus, deficient.

Mutuábitur peccátor, et non solvet; * justus autem miserétur, et tríbuet.

Quia benedicentes ei hæreditábunt terram; * maledicentes autem ei disperibunt.

Apud Dóminum gressus hóminis dirigentur, * et viam ejus volet.

Cum ceciderit, non collidétur; * quia Dóminus supponit manum suam.

Júnior fui, étenim sénui; * et non vidi justum derelictum, nec semen ejus quærens panem.

Tota die miserétur et cómmodat; * et semen illíus in benedictióne erit.

Declína a malo, et fac bonum; * et inhabita in séculum séculi.

Quia Dóminus amat judícium, et non derelinquet sanctos suos: * in æternum conservabuntur.

Injusti puniuntur; * et semen impiórum peribit.

Justi autem hæreditábunt terram, * et inhabitábunt in séculum séculi super eam.

Altera divisio Psalmi 36.

Os justí meditábitur sapiéntiam, * et lingua ejus loquétur judícium.

Lex Dei ejus in corde ip-

síus; * et non supplantabuntur gressus ejus.

Considerat peccátor justum, * et quærit mortificáre eum.

Dóminus autem non derelinquet eum in manibus ejus, * nec damnábit eum, cum judicábitur illi.

Exspecta Dóminum, et custódi viam ejus; et exaltábit te, ut hæreditáte cápias terram: * cum perierint peccatóres, vidébis.

Vidi ímpium superexaltatum, * et elevátum sicut cedros Líbani.

Et transívi, et ecce non erat; * et quæsívi eum, et non est inventus locus ejus.

Custódi innocentiam, et vide æquitátem; * quóniam sunt reliquiæ hómini pacífico.

Injusti autem disperíbunt simul; * reliquiæ impiórum interíbunt.

Salus autem justórum a Dómino; * et protector eórum in témpore tribulatiónis.

Et adjuvábít eos Dóminus, et liberábit eos; * et éruet eos a peccatóribus, et salvábit eos, quia speravérunt in eo.

Ant. 4. c. Justus tota die miserétur, et cómmodat; et semen illíus in benedictiône erit.

Capitulum. I. Joan. 3.

QUI habúerit substantiam hujus mundi, et víderit fratrem suum necessitátem habére, et cláuserit viscera sua ab eo; quómodo caritas Dei manet in eo? Fílioli mei, non

diligámus verbo, neque lingua, sed ópere et veritáte.

R. *br.* Jucundus homo * Qui miserétur et cómmodat. Jucundus. *ŷ.* In æternum * non commovébitur, * Qui miserétur. Glória Patri. Jucundus.

ŷ. Dispersit, dedit paupéribus: *R.* Justítia ejus manet in séculum séculi. *Ps.* III.

AD NONAM.

Psalmus 108.

DEUS, laudem meam ne tacúeris; * quia os peccatóris, et os dolósi super me apertum est.

Locúti sunt adversum me lingua dolósa, et sermónibus ódii circumdedérunt me, * et expugnávérunt me gratis.

Pro eo ut me diligerent, detrahébant mihi; * ego autem orábam.

Et posuérunt adversum me mala pro bonis, * et ódium pro dilectiône mea.

Divisio Psalmi 108.

CONSTRUE (Dómine) super eum peccatórem; * et diábolus stet a dextris ejus.

Cùm judicátur, éxeat condemnátus; * et orátio ejus fiat in peccátum.

Fiant dies ejus pauci; * et episcopátum ejus accípiat alter.

Fiant filii ejus órphani, * et uxor ejus vídua.

Nutantes transferantur filii ejus, et mendícent, * et ejiciantur de habitatió nibus suis.

Scrutétur foenerátor omnem substantíam ejus; * et dirípiant aliéni labóres ejus.

Non sit illi adjútor, * nec sit qui misereátur pupillis ejus.

Fiant nati ejus in intéritum: * in generatióne una deleátur nomen ejus.

In memóriam rédeat iniquitas patrum ejus in conspectu Dómini; * et peccátum matris ejus non deleátur.

Fiant contra Dóminum semper: * et dispéreat de terra memória eórum;

Pro eo quòd non est recordátus fácere misericórdiam, * et persecútus est hóminem inopem et mendícum, et compunctum corde mortificáre.

Et dilexit maledictiόνem, et véniet ei; * et nóluit benedictiόνem, et elongábitur ab eo.

Et induit maledictiόνem sicut vestimentum; * et intrávit sicut aqua in interióra ejus, et sicut óleum in óssibus ejus.

Fiat ei sicut vestimentum quo operítur, * et sicut zona qua semper præcingitur.

Hoc opus eórum qui détrahunt mihi apud Dóminum, * et qui loquuntur mala adversus ánimam meam.

Et tu, Dómine, Dómine, fac mecum propter nomen tuum; * quia suávis est misericórdia tua.

Altera divisio Psalmi 108.

LIBERA me, quia egénus et pauper ego sum, * et cor meum conturbátum est intra me.

Sicut umbra, cum declínat,

ablátus sum; * et excussus sum sicut locustæ.

Génua mea infirmáta sunt a jejúnio, * et caro mea immutáta est propter óleum.

Et ego factus sum opprobrium illis: * vidérunt me, et movérunt cápita sua.

Adjuva me, Dómine Deus meus: * saluum me fac secundum misericórdiam tuam.

Et sciant quia manus tua hæc; * et tu, Dómine, fecisti eam.

Maledícant illi, et tu benedíces: * qui insurgunt in me, confundantur; servus autem tuus lætábitur.

Induantur, qui détrahunt mihi, pudóre; * et operiantur sicut diplóide confusióne sua.

Confitébor Dómino nimis in ore meo, * et in médio multórum laudábo eum.

Quia ádstitit a dextris páuperis, * ut salvam fáceret a persequéntibus ánimam meam.

Ant. 7. b. Pro eo ut me diligerent, detrahébant mihi; ego autem orábam.

Capitulum. Rom. 12.

NOLITE esse prudentes apud vosmetipsos, nulli malum pro malo reddentes, providentes bona non tantum coram Deo, sed étiam coram ómnibus homínibus. Si fieri potest, quod ex vobis est, cum ómnibus homínibus pacem habentes.

R. br. Audiam quid loquátur in me * Dóminus Deus.

Audiam. *ψ*. Loquétur pacem
* in plebem suam * Dóminus
Deus. Glória Patri. Audiam
quid loquátur. *Ps.* 84.

ψ. Cum his qui odérunt
pacem *R*. Eram pacíficus.
Ps. 119.

AD VESPERAS.

Psalmus 119.

AD Dóminum, cum tribu-
lärer, clamávi; * et exaudivit
me.

Dómine, líbera ánimam
meam a lábiis iníquis, * et
a lingua dolósa.

Quid detur tibi, aut quid
apponátur tibi * ad linguam
dolósam?

Sagittæ potentis acútæ, *
cum carbónibus desolatóriis.

Heu mihi, quia incolátus
meus prolongátus est! habi-
távi cum habitántibus Cedar;
* multum íncola fuit ánima
mea.

Cum his qui odérunt pa-
cem, eram pacíficus: * cum
loquébar illis, impugnábant
me gratis.

Psalmus 121.

LETATUS sum in his quæ
dicta sunt mihi: * In domum
Dómini íbimus.

Stantes erant pedes nostri
* in átriis tuis, Jerúsalem.

Jerúsalem quæ ædificátur
ut civitas, * cujus participatio
ejus in idipsum.

Illuc enim ascenderunt tri-
bus, tribus Dómini; * testi-
mónium Israel, ad confiten-
dum nómini Dómini.

Quia illic sederunt sedes
in iudício, * sedes super do-
mum David.

Rogáte quæ ad pacem sunt
Jerúsalem; * et abundantia
diligéntibus te.

Fiat pax in virtúte tua, *
et abundantia in túrribus tuis.

Propter fratres meos et
próximos meos, * loquébar
pacem de te.

Propter domum Dómini
Dei nostri, * quæsívi bona tibi.

Psalmus 132.

ECCE quam bonum, et quam
jucundum * habitáre fratres
in unum!

Sicut unguentum in cápite,
* quod descendit in barbam,
barbam Aaron;

Quod descendit in oram
vestimenti ejus; * sicut ros
Hermon, qui descendit in
montem Sion;

Quóniam illic mandávit Dó-
minus benedictiónem, * et vi-
tam usque in séculum.

Psalmus 140.

DOMINE, clamávi ad te,
exaudi me; * intende voci
meæ, cum clamávero ad te.

Dirigátur orátio mea sicut
incensum in conspectu tuo:
* elevátio mánuum meárum,
sacrificium vespertinum.

Pone, Domine, custódiám
ori meo, * et óstium circum-
stántiæ lábiis meis.

Non declínes cor meum in
verba malítiæ, * ad excusan-
das excusatiónes in peccátis,

Cum homínibus operánti-

bus iniquitatem; * et non communicábo cum electis eórum.

Corrípiet me justus in misericórdia, et increpábit me: * óleum autem peccatóris non impinguet caput meum;

Quóniam adhuc et oratio mea * in beneplácitis eórum.

Absorpti sunt juncti petræ júdices eórum: * áudient verba mea, quóniam potuerunt.

Sicut crassitúdo terræ erupta est super terram, * dissipáta sunt ossa nostra secus infernum.

Quia ad te, Dómine, Dómine, óculi mei; * in te sperávi, non áuferas ánimam meam.

Custódi me a láqueo quem statuérunt mihi, * et a scándalis operántium iniquitatem.

Cadent in retiáculo ejus peccatóres: * singuláriter sum ego, donec tránseam.

Psalmus 141.

VOCE mea ad Dóminum clamávi; * voce mea ad Dóminum deprecátus sum.

Effundo in conspectu ejus oratióem meam, * et tribulatióem meam ante ipsum pronúntio,

In deficiendo ex me spíritum meum; * et tu cognovisti sémitas meas.

In via hac qua ambulábam, * abscondérunt laquéum mihi.

Considerábam ad dexteram, et vidébam; * et non erat qui cognósceret me.

Périit fuga a me, * et non

est qui requírat ánimam meam.

Clamávi ad te, Dómine: * dixi: Tu es spes mea, pórtio mea in terra vivéntium.

Intende ad deprecatióem meam; * quia humiliátus sum nimis.

Líbera me a persequéntibus me, * quia confortáti sunt super me.

Educ de custódia ánimam meam, ad confitendum nómini tuo: * me exspectant justí, donec retríbuas mihi.

Ant. 6. F. Me exspectant justí, donec retríbuas mihi, Dómine. Ps. 141.

Capitulum. I. Cor. 12.

SI quid pátitur unum membrum, compatiuntur ómnia membra; sive gloriátur unum membrum, congaudent omnia membra: vos autem estis corpus Christi, et membra de membro.

Hymnus. C.

O quam juvat fratres, Deus, Unum quibus Christus caput Vitále robur súfficit, Uno movéri spíritu!

Quam dulce laudes dicere Una tibi cunctos domo, Precumque ceu facta manu, Inferre vim gratam tibi!

Hanc quisque diligat domum;

Hanc pace concors récreet: Væ dira qui spargit malus Dissensiónum sémina.

Sed damna cedunt in lucrum,

Te, Christe, diligentibus:
 Augent coronas praelia;
 Prosuntque, dum nocent,
 mali.

Vox blanda sævit tristius,
 Dum pectus incautum subit,
 Lapsuque cæco dulcibus
 Laudum venénis inficit.

Præsta, beata Trinitas,
 Ut caritate mútua
 Prosímus alter alteri,
 Regnémus et polo simul.

Amen.

✠. In Dómino laudábitur
 ánima mea: R. Audiant man-
 suéti, et lætentur. *Ps.* 33.

Ad Magnificat. *Ant.* 8. G.
 Respexit Deus humilitátem
 ancillæ suæ: ex hoc beátam
 me dicent omnes generatió-
 nes. *Luc.* 1.

AD COMPLETORIUM.

Psalmus 12.

USQUEQUO, Dómine, obli-
 visceris me in finem? * ús-
 quequo avertis fáciem tuam
 a me?

Quámdiu ponam consília
 in ánima mea, * dolórem in
 corde meo per diem?

Usquequo exaltábitur ini-
 mícus meus super me? * rés-
 pice, et exaudi me, Dómine
 Deus meus.

Illúmina óculos meos, ne
 unquam obdórmiam in mor-
 te; * nequando dicat inimicus
 meus: Præválui adversuseum.

Qui tróbulant me, exultá-
 bunt si motus fuero; * ego
 autem in misericórdia tua
 sperávi.

Exsultábit cor meum in sa-

lutári tuo: * cantábo Dómino
 qui bona tróbuít mihi, et psal-
 lam nómini Dómini altíssimi.

Psalmus 31.

BEATI quorum remissæ sunt
 iniquitátes, * et quorum tecta
 sunt peccáta.

Beátus vir cui non imputá-
 vit Dóminus peccátum, * nec
 est in spíritu ejus dolus.

Quóniam tácuí, invetera-
 vérunt ossa mea, * dum cla-
 márem tota die.

Quóniam die ac nocte gra-
 váta est super me manus tua:
 * conversus sum in ærumna
 mea, dum confígitur spina.

Delictum meum cógnitum
 tibi feci, * et injustítiam meam
 non abscondi.

Dixi: Confitébor adversum
 me injustítiam meam Dómi-
 no; * et tu remisisti impietá-
 tem peccáti mei.

Pro hac orábit ad te omnis
 sanctus * in témpore oppor-
 túno.

Verúmtamen in dilúvio
 aquárum multárum, * ad eum
 non approximábunt.

Tu es refúgium meum a tri-
 bulatióne quæ circúmdedit
 me: * exsultátió mea, érue me
 a circumdántibus me.

Intellectum tibi dabo, et
 ínstruam te in via hac qua
 gradiéris: * firmábo super te
 óculos meos.

Nolíte fieri sicut équus et
 mulus, * quibus non est in-
 tellectus.

In camo et fræno maxillas

eórum constringe, * qui non appróximant ad te.

Multa flagella peccatóris; * sperantem autem in Dómino misericórdia circúmdabit.

Lætámini in Dómino, et exsultáte, iusti; * et gloriámini, ompes recti corde.

Psalmus 78.

DEUS, venérunt gentes in hæreditátem tuam, polluéruunt templum sanctum tuum, * posuéruunt Jerúsalem in pomórum custódiam.

Posuéruunt morticina servórum tuórum escas volatilibus cœli, * carnes sanctórum tuórum béstiis terræ.

Effudérunt sánguinem eórum tanquam aquam in circúitu Jerúsalem; * et non erat qui sepelíret.

Facti sumus oppróbrium vicinis nostris; * subsannatio et illúsis his qui in circúitu nostro sunt.

Usquequo, Dómine, irascéris in finem; * accendétur velut ignis zelus tuus?

Effunde iram tuam in gentes quæ te non novérunt, * et in regna quæ nomen tuum non invocavérunt;

Quia comedérunt Jacob, * et locum ejus desolavérunt.

Ne memíneris iniquitátum nostrárum antiquárum: * cito anticipet nos misericórdiæ tuæ, quia páuperes facti sumus nimis.

Adjuva nos, Deus salutáris noster; * et propter glóriam

nóminis tui, Dómine, líbera nos.

Et propítius esto peccátis nostris * propter nomen tuum;

Ne forte dicant in géntibus: * Ubi est Deus eórum?

Et innotescat in natió nibus coram óculis nostris * últio ságuinis servórum tuórum, qui effúsus est.

Intróeat in conspectu tuo * gémitus compeditórum.

Secundum magnitúdinem brá chii tui, * pösside filios mortificatórum;

Et redde vicinis nostris séptuplum in sinu eórum impropérium ipsórum, * quod exprobravérunt tibi, Dómine.

Nos autem pópulus tuus, et oves pásquæ tuæ, * confitébimur tibi in séculum.

In generatió nem et generatió nem * annuntiá bimus laudem tuam.

Ant. 7. c. Tu remisisti impietátem peccáti mei: pro hac orábit ad te omnis sanctus.

Ps. 31.

FERIA QUARTA.

AD OFFICIUM NOCTURNUM.

Invit. Dóminum spem pópuli sui, * Veníte, adorémus.
Joel, 4.

Hymnus. C.

MIRAMUR, o Deus, tuæ Recens opus poténtiæ, Quæ scripta scintillántibus Refulget astrórum globis.

Ut sol diéi, cándida

Sic luna nocti præsidet:
Exercitu totum novo
Discriminant stellæ polum.

At ipse, cælorum decus,
Sol novit occásus suos:
Sunt certa lunæ témpora,
Statique lapsus síderum.

Jugi rotáta túrbine
Furantur et reddunt diem:
Tu semper idem, nescius
Mortálium spem fallere.

Turbáta quid mens flúctuet?

Cura paterna nos regis:
Æterna si cordi salus,
Æterna nos salus manet.
Supréma laus et glória
Uni sit et trino Deo,
Suo repóni qui jubet
Curas et angóres sinu.
Amen.

PRO 'I NOCTURNO.

Psalmus 9.

CONFITEBOR tibi, Dómine,
in toto corde meo; * narrábo
ómnia mirábilía tua.

Lætábor et exsultábo in te:
* psallam nómini tuo, Altísime,

In convertendo inimícum
meum retrorsum: * infirmabuntur,
et peribunt a facie tua.

Quóniam fecisti iudícium
meum et causam meam; *
sedisti super thronum, qui
júdicas justítiam.

Increpasti gentes, et périit
ímpius: * nomen eórum de-
lesti in æternum, et in sécu-
lum séculi.

Inimíci defecérunt frámeæ
in finem, * et civitátes eórum
destruxisti.

Périit memória eórum cum
sónitu; * et Dóminus in æter-
num pérmanet.

Parávit in iudício thronum
suum; * et ipse iudicábit or-
bem terræ in æquitáte, judi-
cábit pópulos in justítia.

Et factus est Dóminus re-
fúgium páuperi; * adjútor in
opportunitátibus, in tribula-
tíone.

Et sperent in te, qui nové-
runt nomen tuum; * quóniam
non dereliquisti quærentes te,
Dómine.

Psállite Dómino qui hábitat
in Sion: * annuntiáte inter
gentes stúdia ejus;

Quóniam requírens sángu-
inem eórum recordátus est; *
non est oblítus clamórem páu-
perum.

Divisio Psalmi 9.

MISERERE mei, Dómine: *
vide humilitátem meam de
inimícis meis,

Qui exaltas me de portis
mórtis; * ut annúntiem om-
nes laudatiónes tuas in por-
tis filíæ Sion.

Exsultábo in salutári tuo: *
infixæ sunt gentes in intéritu
quem fecérunt.

In láqueo isto quem abs-
condérunt, * comprehensus
est pes eórum.

Cognoscétur Dóminus ju-
dícia faciens: * in opéribus
mánuum suárum comprehen-
sus est peccátor.

Convertantur peccatóres in
infernum, * omnes gentes
quæ obliviscuntur Deum.

Quóniam non in finem

oblivio erit pauperis : * patientia pauperum non peribit in finem.

Exsurge, Dómine; non confortétur homo : * judicentur gentes in conspectu tuo.

Constítue, Dómine, legislatórem super eos; * ut sciant gentes quóniam hóminessunt.

Altera divisio Psalmi 9.

Ut quid, Dómine, recessisti longe? * despicias in opportunitatibus, in tribulatione?

Dum superbit ímpius, incénditur pauper : * comprehenduntur in consiliis quibus cógitant.

Quóniam laudátur peccátor in desidériis animæ suæ, * et iníquus benedíctur.

Exacerbávit Dóminum peccátor; * secundum multitudinem iræ suæ non quæret.

Non est Deus in conspectu ejus; * inquinatæ sunt viæ illius in omni témpore.

Auferuntur júdicia tua a fácie ejus : * ómnium inimicórum suórum dominábitur.

Dixit enim in corde suo : * Non movébor a generatióne in generatióne sine malo.

Cujus maledictióne os plenum est, et amaritúdine, et dolo : * sub lingua ejus labor et dolor.

Sedet in insídiis cum divítibus in occultis, * ut interficiat innocentem.

Oculi ejus in páuperem respiciunt : * insidiátur in abscondito quasi leo in spelunca sua.

Insidiátur ut rápiat páuperem; * rápere páuperem, dum attrahit eum.

In láqueo suo humiliábit eum : * inclinábit se, et cadet, cum dominátus fúerit páuperum.

Dixit enim in corde suo : Oblítus est Deus; * avertit fáciem suam, ne vídeat in finem.

Exsurge, Dómine Deus; exaltétur manus tua : * ne obliviscáris páuperum.

Propter quid irritávit ímpius Deum? * dixit enim in corde suo : Non requíret.

Vides, quóniam tu labórem et dolórem consíderas, * ut tradas eos in manus tuas.

Tibi derelictus est pauper : * órphano tu eris adjútor.

Cóntere bráchium peccatóris et maligni : * quærétur peccátum illius, et non inveniétur.

Dóminus regnábit in æternum, et in séculum séculi : * peribitis, gentes, de terra illius.

Desidérium páuperum exaudívit Dóminus : * præparatióne cordis eórum audívit auris tua;

Judicáre pupillo et húmili, * ut non appónat ultrà magnificáre se homo super terram.

Ant. 3. à. Sperent in te, qui novérunt nomen tuum; quóniam non dereliquisti quærentes te, Dómine.

PRO II NOCTURNO.

Psalmus 77.

ATTENDITE, pópule meus,

legem meam; * inclinâte aurem vestram in verba oris mei.

Apérim in parâbolis os meum; * loquar propositiones ab initio.

Quanta audívimus, et cognóvimus ea; * et patres nostri narravérunt nobis.

Non sunt occultata a filiis eórum * in generatióne áltera.

Narrantes laudes Dómini, et virtutes ejus, * et mirabilia ejus quæ fecit.

Et suscitávit testimónium in Jacob, * et legem pósuit in Israel.

Quanta mandávit pátribus nostris, nota fácere ea filiis suis, * ut cognoscat generatio áltera.

Filii qui nascentur, et exsurgent, * et narrábunt filiis suis;

Ut ponant in Deo spem suam, et non obliviscantur óperum Dei, * et mandata ejus exquirant;

Ne fiant sicut patres eórum, * generatio prava et exasperans:

Generatio quæ non diréxit cor suum, * et non est créditus cum Deo spíritus ejus.

Divisio Psalmi 77.

FILII Ephrem intendentes et mittentes arcum, * conversi sunt in die belli.

Non custodiérunt testamentum Dei, * et in lege ejus noluerunt ambulare.

Et obliti sunt benefactorum ejus, * et mirabilium ejus quæ ostendit eis.

Coram pátribus eórum fecit mirabilia in terra Ægypti, * in campo Táneos.

Interrúpit mare, et perduxit eos, * et státuit aquas quasi in utre.

Et deduxit eos in nube diéi, * et tota nocte in illuminatióne ignis.

Interrúpit petram in eremo, * et adaquávit eos velut in abyssu multa.

Et eduxit aquam de petra, * et deduxit tanquam flumina aquas.

Et apposuérun adhuc peccare ei: * in iram excitavérunt Excelsum in inaquóso.

Et tentavérunt Deum in córdibus suis, * ut péterent escas animábus suis.

Et male locúti sunt de Deo; * dixerunt: Numquid póterit Deus parare mensam in deserto?

Quóniam percussit petram, et fluxérunt aquæ, * et torrentes inundavérunt.

Numquid et panem póterit dare, * aut parare mensam pópulo suo?

Ideo audívit Dóminus, et dístulit: * et ignis accensus est in Jacob, et ira ascendit in Israel;

Quia non credidérunt in Deo, * nec speravérunt in salutári ejus.

Et mandávit núbibus désuper, * et jánuas cœli apérui.

Et pluit illis manna ad manducandum, * et panem cœli dedit eis.

Panem Angelórum mandu-

cávit homo: * cibária misit eis in abundántia.

Altera divisio Psalmi 77.

TRANSTULIT (Dóminus) Austrum de cælo: * et induxit in virtúte sua Africum.

Et pluit super eos sicut púlverem carnes, * et sicut arénam maris volatília penána.

Et ceciderunt in médio castrórum eórum, * circa tabernácula eórum.

Et manducavérunt, et saturáti sunt nimis; et desidérium eórum áttulit eis: * non sunt fraudáti a desidério suo.

Adhuc escæ eórum erant in ore ipsórum, * et ira Dei ascendit super eos.

Et occidit pingues eórum, * et electos Israel impedívit.

In omnibus his peccavérunt adhuc, * et non crediderunt in mirábilibus ejus.

Et defecerunt in vanitáte dies eórum, * et anni eórum cum festinátione.

Cùm occíderet eos, quærebant eum; * et revertebantur, et dilúculo veniebant ad eum.

Et rememoráti sunt quia Deus adjutor est eórum, * et Deus excelsus redemptor eórum est.

Et dilexérunt eum in ore suo, * et lingua sua mentíti sunt ei.

Cor autem eórum non erat rectum cum eo, * nec fidéles hábíti sunt in testamento ejus.

Ipse autem est miséricors,

et propítius fiet peccátis eórum, * et non disperdet eos.

Ant. 8. G. Filii qui nascuntur, narrábunt filiis suis, ut ponant in Deo spem suam.

PRO III NOCTURNO.

Ex Psalmo 77. Et

ABUNDAVIT (Dóminus) ut avérteret iram suam, * et non accendit omnem iram suam.

Et recordátus est quia caro sunt, * spíritus vadens, et non rédiens.

Quóties exacerbavérunt eum in deserto? * in iram concitavérunt eum in inaquóso?

Et conversi sunt, et tentavérunt Deum, * et Sanctum Israel exacerbavérunt.

Non sunt recordáti manus ejus, * die qua redémit eos de manu tribulantis:

Sicut pósuit in Ægypto signa sua, * et prodígia sua in campo Táneos.

Et convertit in ságuinem flúmina eórum, * et imbres eórum, ne bíberent.

Misit in eos cœnomyíam, et comédit eos; * et ranam, et dispédidit eos.

Et dedit ærúgini fructus eórum, * et labóres eórum locustæ.

Et occidit in grándine víneas eórum, * et moros eórum in pruína.

Et trádídít grándini jumenta eórum, * et possessionem eórum igni.

Misit in eos iram indignationis suæ; * indignationem,

et iram, et tribulationem, immisiones per angelos malos.

Viam fecit semitæ iræ suæ, non pepercit a morte animabus eorum, * et jumenta eorum in morte conclusit;

Et percussit omne primogenitum in terra Ægypti, * primitias omnis laboris eorum in tabernaculis Cham.

Divisio Psalmi 77. Et

ABSTULIT (Dóminus) sicut oves populum suum, * et perduxit eos tanquam gregem in deserto.

Et deduxit eos in spe, et non timuerunt; * et inimicos eorum operuit mare.

Et induxit eos in montem sanctificationis suæ, * montem quem acquisivit dextera ejus.

Et ejecit a facie eorum gentes; * et sorte divisit eis terram in funiculo distributionis,

Et habitare fecit in tabernaculis eorum * tribus Israel.

Et tentaverunt, et exacerbaverunt Deum excelsum; * et testimonia ejus non custodiérunt.

Et avertérunt se, et non servavérunt pactum; * quemadmodum patres eorum, conversi sunt in arcum pravum.

In iram concitavérunt eum in collibus suis, * et in sculpilibus suis ad æmulationem eum provocavérunt.

Audívit Deus, et sprexit; * et ad nihilum redégit valde Israel.

Et répulit tabernaculum Silo, * tabernaculum suum, ubi habitávit in homínibus.

Et tradidit in captivitatem virtutem eorum, * et pulchritudinem eorum in manus inimici.

Et conclusit in gládio populum suum, * et hæreditatem suam sprexit.

Júvenes eorum comédit ignis, * et vírgines eorum non sunt lamentatæ.

Sacerdotes eorum in gládio ceciderunt, * et víduæ eorum non plorabantur.

Altera divisio Psalmi 77. Et

EXCITATUS est tanquam dormiens Dóminus, * tanquam potens crapulatus a vino.

Et percussit inimicos suos in posterióra: * opprobrium sempiternum dedit illis.

Et répulit tabernaculum Joseph, * et tribum Ephraim non elégit;

Sed elégit tribum Juda, * montem Sion quem dilexit.

Et ædificávit sicut unicórnium sanctificium suum * in terra quam fundávit in sécula:

Et elégit David servum suum, * et sústulit eum de grégibus óvium.

De post foetantes accépit eum, * páscere Jacob servum suum, et Israel hæreditatem suam.

Et pavit eos in innocentia cordis sui, * et in intelléctibus mánuum suárum deduxit eos.

Ant. 7. d. Abstulit Dóminus sicut oves pópulum suum, et deduxit eos in spe.

†. Ecce non dormitábit, neque dórmiet, R. Qui custódit Israel. *Ps. 120.*

AD LAUDES.

Psalmus 5.

VERBA mea áuribus pécipere, Dómine; * intéllige clamórem meum.

Intende voci oratiónis meæ, * Rex meus et Deus meus.

Quóniam ad te orábo, Dómine, * mane exáudies vocem meam.

Mane adstábo tibi, et vidébo; * quóniam non Deus volens iniquitátem tu es.

Neque habitábit juxta te malignus, * neque permanébunt iniqui ante óculos tuos.

Odisti omnes qui operantur iniquitátem: * perdes omnes qui loquuntur mendácium.

Virum sánguinem et dolósum * abominábitur Dóminus.

Ego autem in multitúdine misericórdiæ tuæ introibo in domum tuam, * adorábo ad templum sanctum tuum in timóre tuo.

Dómine, deduc me in justítia tua: * propter inimicos meos dirige in conspectu tuo viam meam;

Quóniam non est in ore eórum véritas, * cor eórum vanum est.

Sepulcrum patens est guttur eórum, linguis suis do-

lóse agebant: * júdica illos, Deus.

Décidant a cogitatiónibus suis; secundum multitúdinem impietátum eórum expelle eos, * quóniam irritavérunt te, Dómine.

Et lætentur omnes qui sperant in te: * in æternum exultábunt, et habitábis in eis.

Et gloriabuntur in te omnes qui díligunt nomen tuum, * quóniam tu benedíces justo.

Dómine, ut scuto bonæ voluntátis tuæ * coronasti nos.

Psalmus 35.

DIXIT injustus, ut delinquat in semetipso: * non est timor Dei ante óculos ejus;

Quóniam dolóse egit in conspectu ejus, * ut inveniátur iniquitas ejus ad ódium.

Verba oris ejus iniquitas et dolus: * nóluit intellígere, ut bene ágeret.

Iniquitátem meditátus est in cubili suo: * adstitit omni viæ non bonæ; * malítiam autem non odívit.

Dómine, in cœlo misericórdia tua, * et véritas tua usque ad nubes.

Justítia tua sicut montes Dei: * júdicia tua abyssus multa.

Hómines et jumenta salvábis, Dómine; * quemádmódum multiplicasti misericórdiam tuam, Deus.

Fílii autem hóminum * in tégmine alárum tuárum sperábunt.

Inebriabuntur ab ubertáte •

domus tuæ; * et torrente voluptatis tuæ potabis eos.

Quóniam apud te est fons vitæ, * et in lumine tuo vidēbimus lumen.

Prætende misericórdiam tuam sciéntibus te, * et justitiam tuam his qui recto sunt corde.

Non véniat mihi pes superbæ, * et manus peccatoris non móveat me.

Ibi ceciderunt qui operantur iniquitatem : * expulsi sunt, nec potuerunt stare.

Psalms 64.

TR decet hymnus, Deus, in Sion; * et tibi reddetur votum in Jerúsalem.

Exaudi orationem meam : * ad te omnis caro véniet.

Verba iniquorum prævaluerunt super nos; * et impietatibus nostris tu propitiaberis.

Beatus quem elegisti, et assumpsisti : * inhabitabit in atriis tuis.

Replebimur in bonis domus tuæ : * sanctum est templum tuum, mirabile in æquitate.

Exaudi nos, Deus salutáris noster, * spes ómnium finium terræ, et in mari longe;

Præparans montes in virtute tua, accinctus potentia : * qui conturbas profundum maris, sonum fluctuum ejus.

Turbabuntur gentes, et timebunt qui habitant terminos, a signis tuis : * exitus matutini et vespere delectabis.

Visitasti terram, et inebriasti eam : * multiplicasti locupletare eam.

Flumen Dei replétum est aquis; * parasti cibum illorum, quóniam ita est præparatio ejus.

Rivos ejus inébria, multiplica genimina ejus; * in stillicidiis ejus lætabitur germenans.

Benedices coronæ anni benignitatis tuæ; * et campi tui replebuntur ubertate.

Pinguescent speciosa deserti, * et exultatione colles accingentur.

Indúti sunt ardetes óvium, et valles abundabunt frumento : * clamabunt, etenim hymnum dicent.

In Feriis,

Canticum. Isaïæ 12.

CONFITEBOR tibi, Dómine, quóniam irátus es mihi : * conversus est furor tuus, et consolátus es me.

Ecce Deus salvátor meus; * fiduciáliter agam, et non timebo.

Quia fortitúdo mea, et laus mea Dóminus, * et factus est mihi in salutem.

Hauriétis aquas in gáudio de fontibus Salvátoris; * et dicétis in die illa : Confitemini Dómino, et invocáte nomen ejus.

Notas fácite in pópulis adinventiões ejus : * mementóte quóniam excelsum est nomen ejus.

Cantáte Dómino, quóniam magnífice fecit : * annuntiáte hoc in universa terra.

Exsulta et lauda, habitatio Sion; * quia magnus in médio tui Sanctus Israel.

Psalmus 146.

LAUDATE Dóminum, quóniam bonus est psalmus : * Deo nostro sit jucunda deco-
raque laudatio.

Ædíficans Jerúsalem Dóminus, * dispersiónes Israël
congregábit;

Qui sanat contritos corde,
* et álligat contritiónes eó-
rum;

Qui númerat multitudínem
stellárum, * et ómnibus eis
nómina vocat.

Magnus Dóminus noster, et
magna virtus ejus; * et sapién-
tiæ ejus non est númerus.

Suscípiens mansuétos Dó-
minus; * humílians autem
peccatóres usque ad terram.

Præcínite Dómino in con-
fessióne : * psállite Deo nostro
in cithara;

Qui óperit cælum núbibus,
* et parat terræ plúviam;

Qui producít in móntibus
fœnum, * et herbam servitúti
hóminum;

Qui dat jumentis escam ip-
sórum, * et pullis corvórum
invocántibus eum.

Non in fortitúdine equi vo-
luntátem habébit; * nec in tí-
biis viri beneplácitum erit ei.

Beneplácitum est Dómino
super timentes eum, * et in

eis qui sperant super miseri-
córdia ejus.

Ant. 6. C. Beneplácitum est
Dómino super timentes eum,
et in eis qui sperant super mi-
sericórdia ejus. *Ps. 146.*

Capitulum. Is. 26.

IN sémita judiciórum tuo-
rum, Dómine, sustinúimus
te : nomen tuum et memo-
riále tuum in desiderio áni-
mæ. Anima mea desiderávit
te in nocte; sed et spíritu meo
in præcórdiis meis de mane
vigilábo ad te.

Hymnus. C.

PROMITTIS, et servas datam
Immóbilis fidem, Deus :
Hanc mane primo sédula
Repóscimus fidem prece.

Promittit atque decipit
Incertus et fallax homo :
Sic quassa, si incumbas super,
Arundo transfiget manum.

Beátus ergo, qui tuo
Se totus abdit in sinu :
Hac arce tutum túrbinis
Vis nulla de statu quatit.

Ne cor vacillet, óbligas
Temet sacramento, Deus :
Spes nixa tanto pignore
Æterna jam prensat bona.

Jam mente præsumens po-
lum,

Secúra sublími throno
Assistit, et cœlestium
Prælibat undas flúminum.

Fons o perennis grátiae,
Colenda semper Trínitas,
Te spem salutis únicam

Da mente tota quærere.

Amen.

Ÿ. Audíam fac mihi mane misericórdiam tuam; R. Quia in te sperávi. *Ps. 142.*

Ad Benedictus. Ant. 1. g. Jurávit Dóminus datúrum se nobis, ut sine timóre de manu inimicórum nostrórum liberáti, serviámuſ illi. *Luc. 1.*

Oratio. Sacr. Leon.

DA nobis, Dómine, quæsumus, in te tota mente confídere; quóniam sicut superbis in sua virtúte præsuméntibus semper obsistis; ita non déseris in tua misericórdia gloriantes; Per Dóminum.

AD PRIMAM.

Psalmus 30.

IN te, Dómine, sperávi, non confundar in æternum: * in justítia tua líbera me.

Inclína ad me aurem tuam: * accélera ut éruas me.

Esto mihi in Deum protectórem, et in domum refúgii, * ut salvum me fácias;

Quóniam fortitúdo mea, et refúgium meum es tu: * et p̃p̃ter nomen tuum dedúces me, et enútries me.

Educes me de láqueo hoc quem abscondérunt mihi: * quóniam tu es protector meus.

In manus tuas commendo sp̃ritum meum: * redemisti me, Dómine Deus veritátis.

Odisti observantes vanitátes supervácue; * ego autem in Dómino sperávi.

Exsultábo, et lætábor in misericórdia tua; * quóniam respexisti humilitátem meam, salvasti de necessitátibus ánimam meam.

Nec conclusisti me in má-nibus inimíci; * statuisti in loco spatióso pedes meos.

Divisio Psalmi 30.

MISERERE mei, Dómine, quóniam tribulor: * conturbátus est in ira óculus meus, ánima mea, et venter meus;

Quóniam defécit in dolóre vita mea, * et anni mei in gemítibus.

Infirmáta est in paupertáte virtus mea, * et ossa mea conturbáta sunt.

Super omnes inimícos meos factus sum oppróbrium, et vicínis meis valde; * et timor notis meis.

Qui vidébant me, * foras fugérunt a me.

Oblivióni datus sum tanquam mórtuus a corde: * factus sum tanquam vas pérditum;

Quóniam audívi vituperatiónem multórum commorántium in circúitu: * in eo dum convenírent simul adversum me, accíperere ánimam meam consiliáti sunt.

Ego autem in te sperávi, Dómine; * dixi: Deus meus es tu; in mánibus tuis sortes meæ.

Eripe me de manu inimicórum meórum, * et a persecúentibus me.

Illustra fáciem tuam super

servum tuum : * salvum me fac in misericórdia tua.

Dómine, non confundar, quóniam invocávi te, * erubescant ímpii, et deducántur in infernum.

Muta fiant lábia dolósa, * quæ loquuntur adversus justum iniquitátem, in supérbia, et in abusióne.

Altera divisio Psalmi 30.

QUAM magna multitúdo dulcédinis tuæ, Dómine, * quam abscondisti timéntibus te!

Perfecisti eis qui sperant in te, * in 'conspectu filiórum hóminum.

Abscondes eos in abscondito faciúi tuæ * a conturbatióne hóminum.

Próteges eos in tabernáculo tuo * a contradicióne linguárum.

Benedictus Dóminus, * quóniam mirificávit misericórdiam suam mihi in civitaté muníta.

Ego autem dixi in excessu mentis meæ : * Projectus sum a fácie oculórum tuórum.

Ideo exaudisti vocem oratiónis meæ, * dum clamárem ad te.

Diligite Dóminum, omnes sancti ejus; quóniam veritatem requíret Dóminus, * et retribuet abundanter faciéntibus supérbiam.

Viriliter ágite, et confortetur cor vestrum, * omnes qui sperátis in Dómino.

Ant. 8. c. Ego in Dómino

sperávi: exultábo, et lætabor in misericórdia tua.

AD TERTIAM.

Psalmus 41.

QUEMADMODUM desíderat cervus ad fontes aquárum; * ita desiderat ánima mea ad te, Deus.

Sitívit ánima mea ad Deum fortem, vivum : * quando véniam, et apparebo ante fáciem Dei?

Fuérunt mihi lácrymæ meæ panes die ac nocte, * dum dicitur mihi quotidie: Ubi est Deus tuus?

Hæc recordátus sum, et effúdi in me ánimam meam; * quóniam transíbo in locum tabernáculi admirábilis, usque ad domum Dei,

In voce exsultatiónis et confessiόnis, * sonus epulantis.

Quare tristis es, ánima mea, * et quare conturbas me?

Spera in Deo, quóniam adhuc confitébor illi: * salutáre vultus mei, et Deus meus.

Divisio Psalmi 41.

AD meipsum ánima mea conturbáta est; * propterea memor ero tui de terra Jordánis, et Hermóniim a monte módico.

Abyssus abyssum ínvocat, * in voce cataractárum tuárum.

Omnia excelsa tua, et fluctus tui * super me transiérunt.

In die mandávit Dóminus

misericórdiam suam, * et nocte cánticum ejus.

Apud me orátio Deo vitæ meæ; * dicam Deo: Susceptor meus es.

Quare oblítus es mei, et quare contristátus incédo, * dum affligit me inimícus?

Dum confringuntur ossa mea: * exprobravérunt mihi qui tribulant me inimíci mei,

Dum dicunt mihi per singulos dies: * Ubi est Deus tuus?

Quare tristis es, ánima mea? * et quare conturbas me?

Spera in Deo, quóniam adhuc confitébor illi: * salutáre vultus mei, et Deus meus.

Psalmus 42.

JUDICA me, Deus, et discerne causam meam de gente non sancta: * ab hómine iniquo et dolóso érue me;

Quia tu es, Deus, fortitúdo mea: * quare me reputasti? et quare tristis incédo, dum affligit me inimícus?

Emitte lucem tuam et veritátem tuam: * ipsa me deduxérunt, et adduxérunt in montem sanctum tuum, et in tabernácula tua.

Et introibo ad altáre Dei, * ad Deum qui lætíficat juventutem meam.

Confitébor tibi in cíthara, Deus, Deus meus: * quare tristis es, ánima mea? et quare conturbas me?

Spera in Deo, quóniam ad-

huc confitébor illi: * salutáre vultus mei, et Deus meus.

Ant. 4. A. Spera in Deo, ánima mea: salutáre vultus mei, et Deus meus. Ps. 42.

Capitulum. Rom. 15.

QUÆCUMQUE scripta sunt, ad nostram doctrínam scripta sunt; ut per patiéntiam, et consolatióem Scripturárum, spem habeámus.

R. br. Memor esto verbi tui, Dómine, * In quo mihi spem dedisti. Memor esto. *✠.* Hæc me consoláta est, * quia elóquium tuum vivificávit me, * In quo mihi spem dedisti. Glória Patri. Memor esto.

✠. Respondébo exprobrantibus mihi verbum; *R.* Quia sperávi in sermónibus tuis. *Ps. 118.*

AD SEXTAM.

Psalmus 20.

DOMINE, in virtúte tua lætábitur rex; * et super salutáre tuum exsultábit vehementer.

Desidérium cordis ejus tribuisti ei, * et voluntáte labiórum ejus non fraudasti eum;

Quóniam prævenisti eum in benedictiónibus dulcedinis, * posuisti in cápite ejus corónam de lapide pretíoso.

Vitam pétiiit a te; * et tribuisti ei longitudinem diérum in séculum, et in séculum séculi.

Magna est glória ejus in salutári tuo: * glóriam et ma-

gnum decórem impónes super eum.

Quóniam dabis eum in benedictionem in séculum séculi : * lætificábis eum in gáudio cum vultu tuo.

Quóniam rex sperat in Dómino ; * et in misericórdia Altíssimi non commovébitur.

Inveniátur manus tua ómnibus inimícis tuis : * dextera tua invéniat omnes qui te odérunt.

Pones eos ut clibanum ignis in témpore vultus tui : * Dóminus in ira sua conturbábit eos, et devorábit eos ignis.

Fructum eórum de terra perdes, * et semen eórum a filiis hóminum ;

Quóniam declinavérunt in te mala : * cogitavérunt consília, quæ non potuérunt stabilíre.

Quóniam pones eos dorsum : * in reliquiis tuis præparábis vultum eórum.

Exaltáre, Dómine, in virtúte tua : * cantábitus et psalémus virtútes tuas.

Psalmus 102.

BENEDIC, ánima mea, Dómino, * et omnia quæ intra me sunt, nómini sancto ejus.

Benedic, ánima mea, Dómino, * et noli oblivisci omnes retributiónes ejus ;

Qui propitiátur ómnibus iniquitatibus tuis ; * qui sanat omnes infirmitátes tuas ;

Qui rédimít de intéritu vitam tuam, * qui coronat te

in misericórdia et miseratió-
nibus ;

Qui replet in bonis desidé-
rium tuum : * renovábitur ut
áquilæ juvenus tua.

Fáciens misericórdias Dó-
minus, * et judícium ómni-
bus injúriam patiéntibus.

Notas fecit vias suas Móysi,
* filiis Israel voluntátes suas.

Divisio Psalmi 102.

MISERATOR et miséricors
Dóminus : * longánimis, et
multum miséricors.

Non in perpétuum irascé-
tur, * neque in æternum com-
minábitur.

Non secundum peccáta nos-
tra fecit nobis, * neque se-
cundum iniquitátes nostras
retríbuít nobis ;

Quóniam secundum altitú-
dinem cœli a terra, * corro-
borávit misericórdiam suam
super timentes se.

Quantum distat ortus ab
occidente, * longe fecit a no-
bis iniquitátes nostras.

Quómodo miserétur pater
filiórum, * misertus est Dó-
minus timéntibus se ;

Quóniam ipse cognóvit fig-
mentum nostrum : * recor-
dátus est quóniam pulvis su-
mus.

Homo, sicut fœnum dies
ejus : * tanquam flos agri sic
efflorébit ;

Quóniam spíritus pertrans-
sibit in illo, et non subsistet,
* et non cognoscet amplius
locum suum.

Misericórdia autem Dómini

ab æterno, * et usque in æternum super timentes eum:

Et iustitia illius in filios filiorum, * his qui servant testamentum ejus,

Et memores sunt mandatorum ipsius, * ad faciendum ea.

Dominus in cœlo paravit sedem suam; * et regnum ipsius omnibus dominabitur.

Benedicite Dómino, omnes Angeli ejus, potentes virtute, facientes verbum illius, * ad audiendam vocem sermonum ejus.

Benedicite Dómino, omnes virtutes ejus, * ministri ejus, qui faciunt voluntatem ejus.

Benedicite Dómino, omnia opera ejus: * in omni loco dominationis ejus, benedic, anima mea, Dómino.

Ant. 2. D. Qui sperat in Dómino, in misericordia Altissimi non commovébitur.
Ps. 20.

Capitulum. I. Joan. 2.

NUNC filii Dei sumus, et nondum apparuit quid erimus. Scimus quóniam, cum apparuerit, símiles ei érimus, quóniam vidébimus eum sícuti est. Et omnis qui habet hanc spem in eo, sanctificat se, sicut et ille sanctus est.

℟. *br.* Beátus vir, * Cujus est nomen Dómini spes ejus. Beátus vir. ✠ Et non respexit in vanitates * et insánias falsas: * Cujus est. Glória Patri. Beátus vir. *Ps. 39.*

✠. Speráte in eo, omnis congregatio pópuli: ℟. Effún-

dite coram illo corda vestra.
Ps. 61.

AD NONAM.

Psalmus 81.

DEUS stetit in synagoga deorum; * in médio autem deos dijúdicat.

Usquequo judicátis iniquitatem, * et fácies peccatorum súmitis?

Judicáte egéno et pupillo: * húmitem et páuperem justificáte.

Erípite páuperem, * et egénium de manu peccatoris liberáte.

Nesciérunt, neque intellexérunt, in ténebris ámbulant: * movebuntur ómnia fundamenta terræ.

Ego dixi: Dii estis, * et filii Excelsi omnes.

Vos autem sicut hómines moriémini, * et sicut unus de principibus cadétis.

Surge, Deus, júdica terram, * quóniam tu hæreditábis in ómnibus géntibus.

Psalmus 93.

DEUS ultiónum Dóminus, * Deus ultiónum libere egit.

Exaltáre, qui júdicas terram: * redde retributióinem superbis.

Usquequo peccatóres, Dómine, * úsquequo peccatóres gloriabuntur?

Effabuntur et loquentur iniquitatem, * loquentur omnes qui operantur injustitiam?

Pópulum tuum, Dómine,

humiliavérunt, * et hæreditatem tuam vexavérunt.

Viduam et advenam interfecerunt, * et pupillos occiderunt.

Et dixerunt: Non vidébit Dóminus, * nec intélliget Deus Jacob.

Intelligite, insipientes in pópulo; * et stulti, aliquando sápite.

Qui plantávit aurem, non áudiet? * aut qui finxit óculum, non considerat?

Qui córripit gentes, non árguet? * qui docet hóminem sciéntiam?

Dóminus scit cogitationes hóminum, * quóniam vanæ sunt.

Divisio Psalmi 93.

BEATUS homo, quem tu erudíeris, Dómine, * et de lege tua docúeris eum;

Ut mítiges ei a diébus malis, * donec fodiátur peccatóri fóvea.

Quia non repellet Dóminus plebem suam, * et hæreditatem suam non derelinquet;

Quoadusque justítia convertátur in iudícium, * et qui juxta illam omnes qui recto sunt corde.

Quis consurget mihi adversus malignantes? * aut quis stabit mecum adversus operantes iniquitatem?

Nisi quia Dóminus adjúvit me, * paulo minus habitasset in inferno ánima mea.

Si dicébam: Motus est pes meus; * misericórdia tua, Dómine, adjuvábam me.

Secundum multitudínem dolórum meórum in corde meo, * consolatiónes tuæ lætificavérunt ánimam meam.

Numquid adhæret tibi sedes iniquitátis, * qui fingis labórem in præcepto?

Captábunt in ánimam justí, * et ságuinem innocentem condemnábunt.

Et factus est mihi Dóminus in refúgium, * et Deus meus in adjutórium spei meæ.

Et reddet illis iniquitatem ipsórum; et in malítia eórum disperdet eos: * disperdet illos Dóminus Deus noster.

Ant. 8. d. Factus est mihi Dóminus in refúgium, et Deus meus in adjutórium spei meæ. *Ps. 93.*

Capitulum. Hebr. 10.

NOLITE amíttre confidéntiam vestram, quæ mágnam habet remuneratióem: patientia enim vobis necessária est; ut voluntátem Dei facientes, reportétis promissióem.

R. br. Bonum est confidere in Dómino, * Quam confidere in hómine. Bonum est. *ŷ.* Bonum est * speráre in Dómino, *, Quam. Glória. Bonum est confidere. *Ps. 117.*

ŷ. Mihi adhærere Deo bonum est, *R.* Pónere in Dómino Deo spem meam. *Ps. 72.*

AD VESPERAS.

Psalmus 122.

An te levávi óculos meos, * qui hábitas in cœlis.

Ecce, sicut óculi servórum
* in mánibus dominórum suórum,

Sicut óculi ancillæ in mánibus dómínæ suæ; * ita óculi nostri ad Dóminum Deum nostrum, donec misereátur nostri.

Miserére nostri, Dómine, miserére nostri; * quia multum repléti sumus despectiône;

Quia multum repléta est ánima nostra: * oppróbrium abundantibus, et despectio superbis.

Psalmus 124.

QUI confidunt in Dómino, sicut mons Sion: * non commovébitur in æternum, qui hábitat in Jerúsalem.

Montes in circúitu ejus, et Dóminus in circúitu pópuli sui, * ex hoc nunc, et usque in séculum;

Quia non relinquet Dóminus virgam peccatórum super sortem justórum, * ut non extendant justí ad iniquitatem manus suas.

Bénéfac, Dómine, bonis, * et rectis corde.

Declinantes autem in obligatiónes addúcet Dóminus cum operántibus iniquitatem: * pax super Israel.

Psalmus 126.

NISI Dóminus ædificáverit domum, * in vanum laboráverunt qui ædificant eam.

Nisi Dóminus custodíerit

Autumnalis.

civitátem, * frustra vígilat qui custódit eam.

Vanum est vobis ante lucem súrgere: * súrgite postquam sedéritis, qui manducátis panem doloris, cum déderit dilectis suis somnum.

Ecce hæréditas Dómini, filii; * merces, fructus ventris.

Sicut sagittæ in manu potentis, * ita filii excussórum.

Beátus vir qui implévit desiderium suum ex ipsis; * non confundétur, cum loquétur inimícis suis in porta.

Psalmus 129.

DE profundis clamávi ad te, Dómine: * Dómine, exaudi vocem meam.

Fiant aures tuæ intendente * in vocem deprecationis meæ

Si iniquitátes observáveris Dómine; * Dómine, quis sustinébit?

Quia apud te propitiatio est, * et propter legem tuam sustínui te, Dómine.

Sustínuit ánima mea in verbo ejus, * sperávit ánima mea in Dómino.

A custódia matutína usque ad noctem * speret Israel in Dómino;

Quia apud Dóminum misericórdia, * et copiósa apud eum redemptio;

Et ipse rédimet Israel * ex ómnibus iniquitátibus ejus.

Psalmus 130.

DOMINE, non est exaltátum cor meum, * neque eláti sunt óculi mei;

Neque ambulávi in magnis,
* neque in mirábilibus super
me.

Si non humíliter sentiébam,
* sed exaltávi ánimam meam;
Sicut ablactátus est super
matre sua, * ita retribútio in
ánima mea.

Speret Israel in Dómino;
* ex hoc nunc, et usque in
séculum.

Ant. 4. a. Speret Israel in
Dómino. *Ps. 130.*

Capitulum. Rom. 15.

DEUS spei répleat vos omni
gáudio et pace in credendo;
ut abundétis in spe, et virtúte.
Spíritus sancti.

Hymnus. C.

HORRES superbos, nec tuam
Das álteri laudem, Deus:
Humána nil isthinc sibi
Decerpat arrogántia.

Ingráta quippe mens tuæ
Fluenta sistit grátiae;
Trístique marcescit statim,
Ceu gramen exustum, sítí.

Ut servus in manus heri
Intenta figit lúmina;
Sic ora sacris móntibus
Non dimovémus ánxii.

Desiderátam si dare
Opem moráris; spes tamen,
Tenácis instar áncoræ,
Immóta fundat pectora.

Sit summa Patri glória:
Sit summa Nato, qui dedit
Nobis futúráe Spíritum
Hæreditátis óbsidem.

Amen.

✠. A custódia matutína us-

que ad noctem *℟*. Speret Is-
rael in Dómino. *Ps. 129.*

Ad Magnificat. Ant. 8. G.
Misericórdia ejus a progénie
in progénies tíméntibus eum.
Luc. 1.

AD COMPLETORIUM.

Psalmus 10.

IN Dómino confído: * quó-
modo dícitis ánimæ meæ:
Trásmigra in montem sicut
passer?

Quóniam ecce peccatóres
intendérunt arcum, paravé-
runt sagittas suas in pháretra,
* ut sagittent in obscúro rec-
tos corde.

Quóniam quæ perfecisti,
destruxérunt; * justus autem
quid fecit?

Dóminus in templo sancto
suo: * Dóminus in cælo sedes
ejus.

Oculi ejus in páuperem res-
píciunt: * pálpebræ ejus in-
térrugant filios hóminum.

Dóminus intérrugat justum
et ímpium; * qui autem díli-
git iniquitátem, odit ánimam
suam.

Pluet super peccatóres lá-
queos: * ignis, et sulphur, et
spíritus procellárum, pars cá-
licis eórum.

Quóniam justus Dóminus,
et justítias dilexit: * æquitá-
tem vidit vultus ejus.

Psalmus 13.

DIXIT insípiens in corde
suo: * Non est Deus.

Corrupti sunt et abominá-

biles facti sunt in stúdiis suis :
* non est qui fáciat bonum,
non est usque ad unum.

Dóminus de cœlo prospexit
super filios hóminum, * ut
videat si est intelligens, aut
requírens Deum.

Omnes declinavérunt, si-
mul inútiles facti sunt : * non
est qui fáciat bonum, non est
usque ad unum.

Sépulcrum patens est gut-
tur eórum; linguis suis dolo-
se agébant : * venénium áspi-
dum sub lábiis eórum.

Quorum os maledictióne et
amaritúdine plenum est : *
velóces pedes eórum ad effun-
dendum ságuinem.

Contrítio et infelicitas in
viis eórum, et víam pacis non
cognovérunt; * non est timor
Dei ante óculos eórum.

Nonne cognoscent omnes
qui operantur iniquitátem, *
qui dévorant plebem meam
sicut escam panis?

Dóminum non invocavé-
runt: illic trepidavérunt ti-
móre, ubi non erat timor; *
quóniam Dóminus in genera-
tione justa est.

Consílium inopis confudis-
tis, * quóniam Dóminus spes
ejus est.

Quis dabit ex Sion salutáre
Israel? * cum avérterit Dómi-
nus captivitátem plebis suæ,
exsultábit Jacob, et lætábitur
Israel.

Psalmus 15.

CONSERVA me, Dómine, *
quóniam sperávi in te.

Dixi Dómino : Deus meus
es tu, * quóniam bonórum
meórum non eges.

Sanctis qui sunt in terra
ejus, * mirificávit omnes vo-
luntátes meas in eis.

Multiplicátæ sunt infirmi-
tátes eórum; * póstea accele-
ravérunt.

Non congregábo conventí-
cula eórum de sanguínibus;
* nec memor ero nóminum
eórum per lábia mea.

Dóminus pars hæreditátis
meæ et cálicis mei : * tu es qui
restítues hæreditátem meam
mihi.

Funes cecidérunt mihi in
præcláris; * étenim hærédi-
tas mea præclára est mihi.

Benedícam Dóminum qui
tribuit mihi intellectum : *
ínsuper et usque ad noctem
increpuérunt me renes mei.

Providébam Dóminum in
conspectu meo semper; * quó-
niam a dextris est mihi, ne
commóvear.

Propter hoc lætátum est
cor meum, et exsultávit lingua
mea : * însuper et caro mea
requiescet in spe;

Quóniam non derelinques
ánimam meam in inferno, *
nec dabis sanctum tuum vi-
dere corruptiónem.

Notas mihi fecisti vias vitæ;
adimplébis me lætítia cum
vultu tuo : * delectatiónes in
dextera tua usque in finem.

Ant. 4. E. Conserva me,
Dómine, quóniam sperávi in
te. *Ps. 15.*

FERIA QUINTA.

AD OFFICIUM NOCTURNUM.

Invit. Auctorem fidei et con-
summatorem Jesum, * Veniste,
adorémus. *Hebr.* 12.

Hymnus. C.

ISDEM creati fluctibus
Pisces natant, volant aves:
Utrumque mortali genus
Paratur esca corpori.

Menti sed æternæ cibus
Debétur alter: hæc Dei
Sermone vivit; hanc fovet
Cœlestis et nutrit fides.

Quæsita Christi sanguine
Manavit in terras fides,
Et impiarum pectora
Victrix subegit gentium.

Fax illa puris cordibus
Monstrare cœlos efficax,
Æterna dignis incitat
Factis mereri præmia.

Sancti leonum, per fidem,
Mulsere rugtus; truces
Fregere regnantum minas;
Risere stridentes rogos.

Hac luce signatum, Deus,
Calcare dona tramitem,
Et caritatis úberes
Fructus eundo carpere.

Sit summa Patri gloria;
Sit summa Nato, qui fidem
Cruore fundavit suo:
Par sit tibi laus, Spíritus.

Amen.

PRO I NOCTURNO.

Psalmus 19.

EXAUDIAT te Dóminus in

die tribulationis: * próteget
te nomen Dei Jacob.

Mittat tibi auxílium de
sancto, * et de Sion tueatur te.

Memor sit omnis sacrificii
tui; * et holocaustum tuum
pingue fiat.

Tribuat tibi secundum cor
tuum, * et omne consílium
tuum confirmet.

Lætábitur in salutári tuo,
* et in nómine Dei nostri ma-
gnificábitur.

Impleat Dóminus omnes
petitiones tuas: * nunc co-
gnóvi quóniam salvum fecit
Dóminus christum suum.

Exáudiet illum de cœlo
sancto suo: * in potentátibus
salus dexteræ ejus.

Hi in curribus, et hi in
equis; * nos autem in nómine
Dómini Dei nostri invocábi-
mus.

Ipsi obligati sunt, et ceci-
derunt; * nos autem surrexi-
mus, et erecti sumus.

Dómine, salvum fac regem;
* et exaudi nos in die qua in-
vocáverimus te.

Psalmus 32.

EXSULTATE, justi, in Dómi-
no: * rectos decet collaudá-
tio.

Confitémini Dómino in cí-
thara: * in psalterio decem
chordarum psállite illi.

Cantáte ei canticum no-
vum: * bene psállite ei in vo-
ciferatione.

Quia rectum est verbum
Dómini, * et ómnia ópera ejus
in fide.

Diligít misericórdiam et júdícium : * misericórdia Dómini plena est terra.

Verbo Dómini cœli firmátí sunt ; * et spírítu oris ejus omnis virtus eórum.

Cóngregans sicut in utre aquas maris : * ponens in thesauris abyssos.

Tímeat Dóminum omnis terra : * ab eo autem commoveantur omnes inhabitantes orbem ;

Quóniam ipse dixit, et facta sunt ; * ipse mandávit, et creáta sunt.

Dóminus díssipat consília géntium ; * réprobat autem cogitationes populórum, et réprobat consília princípum.

Consílium autem Dómini in æternum manet : * cogitationes cordis ejus in generatione et generationem.

Divisio Psalmi 32.

BEATA gens, cujus est Dóminus Deus ejus : * pópulus quem elégit in hæreditatem sibi.

De cœlo respexit Dóminus, * vidit omnes filios hóminum.

De præparáto habitáculo suo * respexit super omnes qui hábitant terram ;

Qui finxit sigillátim corda eórum ; * qui intélligit ómnia ópera eórum.

Non salvátur rex per multam virtútem ; * et gigas non salvábitur in multitudine virtútis suæ.

Fallax equus ad salútem ; * in abundántia autem virtútis suæ non salvábitur.

Ecce óculi Dómini super metuentes eum, * et in eis qui sperant super misericórdia ejus ;

Ut éruat a morte ánimas eórum, * et alat eos in fame.

Anima nostra sústinet Dóminum ; * quóniam adjútor et protector noster est :

Quia in eo lætábitur cor nostrum, * et in nómine sancto ejus sperávimus.

Fiat misericórdia tua, Dómine, super nos, * quemádmódum sperávimus in te.

Ant. 3. b. Rectum est verbum Dómini, et ómnia ópera ejus in fide. *Ps. 32.*

PRO II NOCTURNO.

Psalmus 67.

EXSURGAT Deus, et dissipentur inimíci ejus ; * et fúgiant, qui odérunt eum, a fácie ejus.

Sicut déficit fumus, deficiant : * sicut fluit cera a fácie ignis, sic péreant peccatóres a fácie Dei.

Et justí epulentur, et exsultent in conspectu Dei, * et delectentur in lætítia.

Cantáte Deo, psalmum dícite nómini ejus : * iter fácite ei qui ascendit super occásus.

Dóminus nomen illi ; * exultáte in conspectu ejus.

Turbabuntur a fácie ejus, * patris orphanórum, et júdicis viduárum.

Deus in loco sancto suo ; * Deus qui inhabitáre facit unus moris in domo :

Qui edúcit vinctos in for-

titúdine, * similiter eos qui exasperant, qui hábitant in sepulcris.

Deus, * cum egredereris in conspectu pópuli tui, * cum pertransíres in deserto,

Terra mota est; * étenim cœli distillavérunt a fácie Dei Sínai, a fácie Dei Israel.

Pluviam voluntáriam segregábis, Deus, hæreditáti tuæ; * et infirmáta est, tu vero perfecisti eam.

Animália tua habitábunt in ea; * parasti in dulcédine tua páuperi, Deus.

Divisio Psalmi 67.

DOMINUS dabit verbum evangelizántibus, * virtúte multa.

Rex virtútum dilecti dilecti; * et speciéi domus dividere spólia.

Si dormiátis inter médios cleros; pennæ columbæ deargentátæ, * et posterióra dorsi ejus in pallóre auri.

Dum discernit cœlestis reges super eam, * nive dealbábuntur in Selmon.

Mons Dei, mons pinguis; * mons coagulátus, mons pinguis.

Ut quid suspicámini montes coagulátos? * mons in quo beneplácitum est Deo habitáre in eo; étenim Dóminus habitábit in finem.

Currus Dei decem míllibus múltiplex, millia lætántium: * Dóminus in eis in Sina, in sancto.

Ascendisti in altum, ce-

pisti captivitátem; * accepisti dona in homínibus:

Etenim non credentes, * inhabitáre Dóminum Deum.

Benedictus Dóminus die quotidie: * prósperum iter faciet nobis Deus salutárium nostrórum.

Deus noster, Deus salvos faciendi; * et Dómini Dómini éxitus mortis.

Verúmtamen Deus confringet cápita inimicórum suórum, * vérticem capilli perambulántium in delictis suis.

Dixit Dóminus: Ex Basan convertam, * convertam in profundum maris;

Ut intingátur pes tuus in ságuine, * lingua canum tuórum ex inimícis ab ipso.

Vidérunt ingressus tuos, Deus, * ingressus Dei mei, Regis mei qui est in sancto.

Prævenérunt príncipes conjuncti psalléntibus, * in médio juvenculárum tympanistriárum.

Altera divisio Psalmi 67.

IN ecclésiis benedícite Deo Dómino, * de fóntibus Israel.

Ibi Bénjamin adolescentulus * in mentis excessu.

Príncipes Juda, duces eórum: * príncipes Zabúlon, príncipes Néphthali.

Manda, Deus, virtúti tuæ: * confirma hoc, Deus, quod operátus es in nobis.

A templo tuo in Jerúsalem, * tibi ófferent reges múnera.

Increpa feras arúndinis; congregátio taurórum in vac-

cis populórum, * ut excludant eos qui probáti sunt argento.

Díssipa gentes quæ bella volunt : * vénient legáti ex Ægypto ; Æthiopia præveniet manus ejus Deo.

Regna terræ, cantáte Deo ; * psállite Dómino.

Psállite Deo qui ascendit super cœlum cœli * ad orientem.

Ecce dabit voci suæ vocem virtútis : * date glóriam Deo.

Super Isráel magnificéntia ejus, * et virtus ejus in núbibus.

Mirábilis Deus in sanctis suis ; Deus Israel ipse dabit virtútem et fortitúdinem plebi suæ : * benedictus Deus.

Ant. 4. A. Dóminus dabit verbum evangelizántibus : Deus Israel ipse dabit fortitúdinem plebi suæ.

PRO III NOCTURNO.

Psalmus 88.

MISERICORDIAS Dómini * in æternum cantábo.

In generatióem et generatióem * annuntiábo veritatem tuam in ore meo ;

Quóniam dixisti : In æternum misericórdia ædificábitur in cœlis, * præparábitur veritas tua in eis.

Dispósui testamentum electis meis ; * jurávi David servo meo :

Usque in æternum præparábo semen tuum ; * et ædificábo in generatióem et generatióem sedem tuam.

Confitebuntur cœli mirábí-

lia tua, Dómine ; * etenim veritatem tuam in ecclésia sanctorum.

Quóniam quis in núbibus æquábitur Dómino ? * símilis erit Deo in fíliis Dei ?

Deus, qui glori ficátur in concílio sanctorum ; * magnus et terribilis super omnes qui in circúitu ejus sunt.

Dómine Deus virtútum, quis símilis tibi ? * potens es, Dómine ; et veritas tua in circúitu tuo.

Tu domináris potestáti maris ; * motum autem flúctuum ejus tu mítigas.

Tu humiliasti sicut vulnerátum, superbum : * in bráchio virtútis tuæ dispersisti inimícos tuos.

Tui sunt cœli, et tua est terra : * orbem terræ et plenitúdinem ejus tu fundasti ;

Aquilónem et mare tu creasti : * Thabor et Hermon in nómine tuo exsultábunt.

Tuum bráchium cum poténtia : * firmétur manus tua, et exaltétur dextera tua.

Justítia et judícium præparatio sedis tuæ ; * misericórdia et veritas præcedent faciém tuam.

Divisio Psalmi 88.

BEATUS pópulus qui scit jubilationem : * Dómine, in lúmine vultus tui ambulábunt.

Et in nómine tuo exsultábunt tota die, * et in justítia tua exaltabuntur ;

Quóniam glória virtútis eorum tu es, * et in beneplá-

to tuo exaltabitur cornu nostrum.

Quia Dómini est assumptio nostra, * et Sancti Israel regis nostri.

Tunc locutus es in visione sanctis tuis, et dixisti: * Pó-sui adiutorium in potente, et exaltavi electum de plebe mea.

Inveni David servum meum, * óleo sancto meo unxi eum.

Manus enim mea auxiliabitur ei, * et brachium meum confortabit eum.

Nihil proficiet inimicus in eo, * et filius iniquitatis non apponet nocere ei.

Et concedam a facie ipsius inimicos ejus, * et odientes eum in fugam convertam.

Et veritas mea, et misericordia mea cum ipso, * et in nómine meo exaltabitur cornu ejus.

Et ponam in mari manum ejus, * et in fluminibus dexteram ejus.

Ipse invocabit me: Pater meus es tu, * Deus meus, et susceptor salutis meæ.

Et ego primogénitum ponam illum, * excelsum præ régibus terræ.

In æternum servabo illi misericordiam meam, * et testamentum meum fidele ipsi;

Et ponam in sæculum sæculi semen ejus, * et thronum ejus sicut dies cæli.

Si autem dereliquerint filii ejus legem meam, * et in iudiciis meis non ambulaverint;

Si iustitias meas profanaverint, * et mandata mea non custodierint,

Visitabo in virga iniquitates eorum, * et in verbéribus peccata eorum.

Misericordiam autem meam non dispergam ab eo, * neque nocébo in veritate mea.

Neque profanabo testamentum meum; * et quæ procedunt de lábiis meis, non fá-ciam irrita.

Altera divisio Psalmi 88.

SEMEL juravi in sancto meo, * si David mentiar:

Semen ejus in æternum manébit; * et thronus ejus sicut sol in conspectu meo,

Et sicut luna perfecta in æternum, * et testis in cælo fidélis.

Tu vero repulisti et despexisti, * distulisti Christum tuum.

Evertisti testamentum servi tui, * profanasti in terra sanctuárium ejus.

Destruxisti omnes sepes ejus, * posuisti firmamentum ejus formidinem.

Diripuerunt eum omnes transeuntes viam: * factus est opprobrium vicinis suis.

Exaltasti dexteram depri-méntium eum: * lætificasti omnes inimicos ejus.

Avertisti adiutorium gládii ejus, * et non es auxiliátus ei in bello.

Destruxisti eum ab emundatione; * et sedem ejus in terram collisisti.

Minorasti dies témporis ejus: * perfudisti eum confusione.

Usquequo, Dómine, aver-
tis in finem? * exardescet sicut
ignis ira tua?

Memoráre quæ mea sub-
stántia: * numquid enim vane
constituisti omnes filios
hóminum?

Quis est homo qui vivet, et
non vidébit mortem? * éruet
ánimam suam de manu ínferi?

Ubi sunt misericórdiæ tuæ
antiquæ, Dómine, * sicut ju-
rasti David in veritáte tua?

Memor esto, Dómine, op-
próbrii servórum tuórum, *
quod continui in sinu meo,
multárum géntium;

Quod exprobravérunt ini-
míci tui, Dómine, * quod
exprobravérunt commutatió-
nem Christi tui.

Benedictus Dóminus in
æternum: * fiat, fiat.

Ant. 8. G. Dómine, in lú-
mine vultus tui ambulábunt,
et in nómine tuo exultábunt
tota die, et in justítia tua
exaltabuntur.

¶. Ténebræ non obscura-
buntur a te, Dómine; ¶. Et
nox sicut dies illuminábitur.
Ps. 138.

AD LAUDES.

Psalmus 80.

EXSULTATE Deo adjutori nos-
tro: * jubilate Deo Jacob.

Súmíte psalmum, et date
tympanum, * psaltérium ju-
cundum cum cithara.

Buccináte in Neoméniá tu-
ba, * in insigni die solemni-
tátis vestræ;

Quia præceptum in Israel

est, * et judícium Deo Jacob.

Testimónium in Joseph pó-
suit illud, cum exíret de ter-
ra Ægypti: * linguam quam
non nóverat, audívit.

Divertit ab onéribus dor-
sum ejus: * manus ejus in có-
phino serviérunt.

In tribulatióne invocasti
me, et liberávi te: * exaudívi
te in abscondito tempestátis;
probávi te apud aquam con-
tradictiónis.

Audi, pópulus meus, et
contestabor te: * Israel, si
audieris me, non erit in te
deus recens, neque adorábis
deum aliénium.

Ego enim sum Dóminus
Deus tuus, qui eduxi te de
terra Ægypti: * diláta os
tuum, et implebo illud.

Et non audívit pópulus
meus vocem meam; * et Israel
non intendit mihi.

Et dimísi eos secundum de-
sidéria cordis eórum: * ibunt
in adinventiónibus suis.

Si pópulus meus audisset
me; * Israel si in viis meis
ambulasset,

Pro nihilo fórsitan inimi-
cos eórum humiliassem, * et
super tribulantes eos misis-
sem manum meam.

Inimíci Dómini mentíti
sunt ei; * et erit tempus eó-
rum in sécula.

Et cibávit eos ex ádipe fru-
menti; * et de petra, melle sa-
turávit eos.

Psalmus 107.

PARATUM cor meum, Deus,

parátum cor meum : * cantábo et psallam in glória mea.

Exsurge, glória mea ; exsurge, psalterium et cithara : * exurgam dilúculo.

Confitébor tibi in pópulis, Dómine, * et psallam tibi in natióibus ;

Quia magna est super cœlos misericórdia tua, * et usque ad nubes véritas tua.

Exaltáre super cœlos, Deus ; * et super omnem terram glória tua ;

Ut liberentur dilecti tui : * saluum fac dextera tua, et exaudi me.

Divisio Psalmi 107.

DEUS locútus est in sancto suo : * exultábo, et dívidam Síchimam, et convallem tabernaculórum dimétiar.

Meus est Gálaad, et meus est Manasses ; * et Ephraim suscéptio cápitis mei.

Juda rex meus : * Moab lebes spei meæ.

In Idumæam extendam calceamentum meum : * mihi Alienígenæ amíci facti sunt.

Quis dedúcet me in civitatem munitam ? * quis dedúcet me usque in Idumæam ?

Nonne tu, Deus, qui répu-listi nos ? * et non exhis, Deus, in virtútibus nostris ?

Da nobis auxílium de tribulatione, * quia vana salus hóminis.

In Deo faciémus virtútem : * et ipse ad níhilum dedúcet inimícos nostros.

In Feriis,

Canticum Annæ. I. Reg. 2.

EXSULTAVIT cor meum in Dómino, * et exaltátum est cornu meum in Deo meo.

Dilatátum est os meum super inimícos meos, * quia lætata sum in salutári tuo.

Non est sanctus, ut est Dóminus ; neque enim est álius extra te : * et non est fortis sicut Deus noster.

Nolíte multiplicáre loqui sublímia, glorientes : * recédant vétera de ore vestro ;

Quia Deus scientiárum Dóminus est, * et ipsi præparantur cogitatióes.

Arcus fórtium superátus est ; * et infirmi accincti sunt róbre.

Repléti prius pro pánibus se locavérunt ; * et famélici saturáti sunt,

Donec stérilis péperit plúrimos ; * et quæ multos habebat fílios, infirmáta est.

Dóminus mortíficat, et vivícat ; * dedúcit ad ínferos, et redúcit.

Dóminus páuperem facit, et dítat ; * humíliat et súblevat.

Súscitat de púlvere egénium, * et de stércore élevat páuperem ;

Ut sédeat cum princípibus, * et sólium glóriæ téneat.

Dómini enim sunt cárdines terræ, * et pósuit super eos orbem.

Pedes sanctórum suórum servábit, et ímpii in ténebris conticescent ; * quia non in

fortitúdine sua roborábitur vir.

Dóminum formidábunt adversáarii ejus; * et super ipsos in cœlis tonábit.

Dóminus judicábit fines terræ, et dabit impérium regi suo, * et sublimábit cornu christi sui.

Psalmus 147.

LAUDA, Jerúsalem, Dóminum: * lauda Deum tuum, Sion;

Quóniam confortávit seras portárum tuárum, * benedixit filiis tuis in te;

Qui pósuit fines tuos pacem, * et ádipe frumenti sátiat te;

Qui emittit elóquium suum terræ, * velociter currit sermo ejus;

Qui dat nivem sicut lanam, * nébulam sicut cinerem spargit;

Mittit crystallum suam sicut buccellas: * ante faciém frígoris ejus quis sustinébit?

Emittet verbum suum, et liquefaciet ea: * flabit spíritus ejus, et fluent aquæ.

Qui annúntiat verbum suum Jacob, * justítias et judícia sua Israel.

Non fecit táliter omni nátióni, * et judícia sua non manifestávit eis.

Ant. 5. a. Annúntiat Dóminus verbum suum Jacob, et judícia sua Israel: non fecit táliter omni nátióni. *Ps. 147.*

Capitulum. I. Petr. 2.

Vos genus electum, regále

sacerdotium, gens sancta, populus acquisitionis; ut virtutes annuntiétis ejus qui de tenebris vos vocávit in admirabile lumen suum.

Hymnus. C.

DIGNAS quis, o Deus, tibi Laudes rependat, qui tuo Pellis tenébras lúmíne, Salútis et monstras viam?

Tu, quam jubes, donas fidem;

Hæc cultui præest tuo;
Hæc mentis erróres fugat;
Hæc corda sursum dirigit.

Te destitúta spíritu
Nil pompa sacrórum juvat:
Secréta puri blándius
Tibi litábunt pectoris.

Vox inde cordi cónsona
Vectigal exsolvet suum,
Et ad salutem libero
Prométur ore veritas.

O, qui superbos réspuis,
Et simplices amas, Deus;
Ut crescat in nobis fides,
Cordis tumórem cómprime.

Sit summa Patri glória:
Sit summa Nato, qui fidem
Cruóre fundávit suo:
Par sit tibi laus, Spíritus.

Amen.

¶. Declaratio sermónum tuórum illúminat, r). Et intellectum dat parvulis. *Ps. 118.*

Ad Benedictus. Ant. 3. a. Deus, qui dixit de tenebris lucem splendescere, ipse iluxit in córdibus nostris ad illuminationem sciéntiæ claritátis Dei in facië Christi Jesu. *II. Cor. 4.*

Oratio. Sacr. Leon.

AUGE fidem tuam, Dómine, quæsumus, miserátus in nobis, quia pietátis tuæ subsidia non negábis, quibus in te credendi contúleris firmitatem; Per Dóminum.

AD PRIMAM.

Psalmus 66.

DEUS misereátur nostri, et benedícat nobis: * illúminet vultum suum super nos, et misereátur nostri;

Ut cognoscámus in terram viam tuam, * in ómnibus géntibus salutáre tuum.

Confiteantur tibi pópuli, Deus, * confiteantur tibi pópuli omnes.

Lætentur et exsultent gentes, quóniam júdicas pópulos in æquitáte, * et gentes in terra dirígis.

Confiteantur tibi pópuli, Deus, confiteantur tibi pópuli omnes: * terra dedit fructum suum.

Benedícat nos Deus, Deus noster, benedícat nos Deus; * et métuant eum omnes fines terræ.

Psalmus 89.

DOMINE, refúgium factus es nobis, * a generatióne in generatiónem.

Priusquam montes fíerent, aut formarétur terra et orbis; * a século et usque in séculum tu es Deus.

Ne avertas hóminem in humilitátem; * et dixisti: Convertimini, filii hóminum.

Quóniam mille anni ante óculos tuos, * tanquam dies hesternæ quæ præteríit, et custódia in nocte:

Quæ pro níhilo habentur, * eórum anni erunt.

Mane sicut herba tránseat, mane flóreat et tránseat: * véspere decídat, indúret et arescat;

Quia defécimus in ira tua, * et in furóre tuo turbáti sumus.

Posuisti iniquitátes nostras in conspectu tuo, * séculum nostrum in illuminatióne vultus tui;

Quóniam omnes dies nostri defecerunt, et in ira tua defécimus: * anni nostri sicut aránea meditabuntur.

Dies annórum nostrórum in ipsis septuaginta anni: * si autem in potentátibus octoginta anni,

Et ámplius eórum * labor et dolor.

Quóniam supervénit mansuetúdo, * et corripiémur.

Divisio Psalmi 89.

QUIS novit potestátem iræ tuæ, * et præ timóre tuo iram tuam dinumeráre?

Déxteram tuam sic notam fac, * et erudíto corde in sapiéntia.

Convértere, Dómine, úsquequo? * et deprecábilis esto super servos tuos.

Repléti sumus mane mise-

ricórdia tua; * et exultávimus, et delectáti sumus ómnibus diébus nostris.

Lætáti sumus pro diébus quibus nos humiliasti, * annis quibus vídimus mala.

Réspice in servos tuos, et in ópera tua; * et dirige filios eórum.

Et sit splendor Dómini Dei nostri super nos: et ópera mánuum nostrárum dirige super nos; * et opus mánuum nostrárum dirige.

Ant. 3. a. Illúminet Dóminus vultum suum super nos; ut cognoscámus in terra viam tuam, Dómine. *Ps. 66.*

AD TERTIAM.

Psalmus 26.

DOMINUS illuminátio mea, et salus mea; * quem timébo?

Dóminus protector vitæ meæ; * a quo trepidábo?

Dum apprópíant super me nocentes, * ut edant carnes meas.

Qui tribulant me inimíci mei, * ipsi infirmáti sunt et ceciderunt.

Si consistant adversum me castra, * non timébit cor meum.

Si exsurgat adversum me prælium, * in hoc ego sperábo.

Unam pétii a Dómino, hanc requíram, * ut inhábitem in domo Dómini ómnibus diébus vitæ meæ:

Ut vídeam voluptátem Dómini, * et vísitem templum ejus;

Quóniam abscondit me in

tabernáculo suo: * in die malórum protexit me in abscondito tabernáculi sui.

In petra exaltávit me, * et nunc exaltávit caput meum super inimícos meos.

Circuíví et immolávi in tabernáculo ejus hóstiam vociferatiónis: * cantábo, et psallum dicam Dómino.

Divisio Psalmi 26.

EXAUDI, Dómine, vocem meam qua clamávi ad te: * miserére mei, et exaudi me.

Tibi dixit cor meum: Exquisívit te fácies mea: * fáciem tuam, Dómine, requíram.

Ne avertas fáciem tuam a me: * ne declínes in ira a servo tuo.

Adjútor meus esto, ne derelinquas me, * neque despicias me, Deus salutaris meus;

Quóniam pater meus et mater mea dereliquerunt me: * Dóminus autem assumpsit me.

Legem pone mihi, Dómine, in via tua; * et dirige me in sémitam rectam propter inimícos meos.

Ne tradíderis me in ánimas tribulántium me; * quóniam insurrexérunt in me testes iníqui, et mentíta est iníquitas sibi.

Credo vidére bona Dómini * in terra vivéntium.

Expecta Dóminum, viriliter age; * et confortétur cor tuum, et sústine Dóminum.

Psalmus 83.

QUAM dilecta tabernacula tua, Dómine virtútum! * concupiscit et déficit ánima mea in átria Dómini.

Cor meum et caro mea * exsultavérunt in Deum vivum.

Etenim passer invénit sibi domum, * et turtur nidum sibi, ubi ponat pullos suos.

Altária tua, Dómine virtútum, * Rex meus et Deus meus.

Beáti qui hábitant in domo tua, Dómine! * in sécula seculórum laudábunt te.

Beátus vir cujus est auxili-
lium abs te: * ascensiónes in
corde suo dispósuit, in valle
lacrymarum, in loco quem
pósuit.

Etenim benedictiónem da-
bit legislátor, ibunt de virtúte
in virtútem: * vidébitur Deus
deórum in Sion.

Dómine Deus virtútum,
exaudi oratióem meam; *
áuribus pércipe, Deus Jacob.

Protector noster, áspice,
Deus, * et réspice in faci-
em christi tui;

Quia mélior est dies una in
átriis tuis * super millia.

Elégi abjectus esse in domo
Dei mei, * magis quam ha-
bitáre in tabernaculis pecca-
tórum;

Quia misericórdiam et ve-
ritátem diligit Deus; * grátiam
et glóriam dabit Dóminus.

Non privábit bonis eos qui
ámbulant in innocentia: *
Dómine virtútum, beátus ho-
mo qui sperat in te.

*Ant. 4. E. Credo vidére bo-
na Dómini in terra vivéntium.
Ps. 26.*

Capitulum. Hebr. 11.

Est fides sperandarum sub-
stántia rerum, argumentum
non apparentium.

R. br. Quam magna multi-
túdo dulcedinis tuæ, Dómine,
* Quam abscondisti timénti-
bus te! Quam magna. *Ÿ.* Per-
fecisti eis * qui sperant in te,
* Quam abscondisti. Glória
Patri. Quam magna. *Ps. 30.*

Ÿ. Narravérunt mihi iniqui
fabulatiónes; *R.* Sed non ut
lex tua. *Ps. 118.*

AD SEXTAM.

Psalmus 22.

DOMINUS regit me, et nihil
mihi déerit: * in loco páscuæ
ibi me collocávit.

Super aquam refectiόνis
educávit me: * ánimam meam
convertit.

Deduxit me super sémitas
justitiæ, * propter nomen
suum.

Nam et si ambulávero in
medio umbræ mortis, non ti-
mébo mala, * quóniam tu me-
cum es.

Virga tua, et báculo tuus,
* ipsa me consoláta sunt.

Parasti in conspectu meo
mensam, * adversus eós qui
tribulant me.

Impinguasti in óleo caput
meum: * et calix meus iné-
brians quam præclárus est!

Et misericórdia tua subse-

quétur me * ómnibus diébus vitæ meæ;

Et ut inhábitem in domo Dómini, * in longitudinem diérum.

Psalmus 33.

BENEDICAM Dóminum in omni témpore: * semper laus ejus in ore meo.

In Dómino laudábitur ánima mea: * áudiant mansuétí, et lætentur.

Magnificáte Dóminum mecum; * et exaltémus nomen ejus in idipsum.

Exquisívi Dóminum; et exaudivit me, * et ex ómnibus tribulatióibus meis erípuit me.

Accédite ad eum, et illuminámini; * et fácies vestræ non confundentur.

Iste pauper clamávit; et Dóminus exaudivit eum, * et de ómnibus tribulatióibus ejus salvávit eum.

Immittet ángelus Dómini in circúitu timéntium eum; * et erípiet eos.

Gustáte, et vidéte quóniam suávis est Dóminus; * beátus vir qui sperat in eo.

Timéte Dóminum, omnes sancti ejus, * quóniam non est inópia timéntibus eum.

Dívites eguérunt et esuriérunt; * inquirentes autem Dóminum non minuentur omni bono.

Divisio Psalmi 33.

VENITE, filii, audíte me: * timórem Dómini docébo vos.

Quis est homo qui vult vitam, * diligit dies vidére bonos?

Próhibe linguam tuam a malo; * et lábia tua ne loquantur dolum.

Diverte a malo, et fac bonum: * inquíre pacem, et perséquare eam.

Oculi Dómini super justos, * et aures ejus in preces eórum.

Vultus autem Dómini super facientes mala, * ut perdat de terra memóriam eórum.

Clamavérunt justí; et Dóminus exaudivit eos; * et ex ómnibus tribulatióibus eórum liberávit eos.

Juxta est Dóminus iis qui tribuláto sunt corde, * et húmiles spíritu salvábit.

Multæ tribulatióes justórum; * et de ómnibus his liberábit eos Dóminus.

Custódit Dóminus ómnia ossa eórum: * unum ex his non conterétur.

Mors peccatórum péssima; * et qui odérunt justum, delinquent.

Rédimet Dóminus ánimas servórum suórum; * et non delinquent omnes qui sperant in eo.

Ant. 8. G. Veníte, filii, audíte me: timórem Dómini docébo vos. Ps. 33.

Capitulum. Jac. 2.

SICUT corpus sine spíritu mórtuum est, ita et fides sine opéribus mórtua est.

R. br. Gressus meos dirige,

Dómine, * Secundum elóquium tuum. Gressus. ✠. Ut custódiam * mandáta tua, * Secundum. Glória Patri. Gressus meos.

✠. Bonitátem, et disciplinam, et sciéntiam doce me; *R.* Quia mandátis tuis credidi. *Ps.* 118.

AD NONAM.

Psalmus 79.

QUI regis Israel, intende; * qui dedúcis velut ovem Joseph.

Qui sedes super Chérubim, * manifestáre coram Ephraim, Bénéjamin, et Manasse.

Excita poténtiam tuam; * et veni, ut salvos fácias nos.

Deus, converte nos, et ostende faciém tuam; * et salvi érimus.

Dómine Deus virtútum, * quousque irascéris super orationem servi tui?

Cibábis nos pâne lacrymarum, * et potum dabis nobis in lacrymis in mensúra?

Posuisti nos in contradiciónem vicinis nostris; * et inimíci nostri subsannavérunt nos.

Deus virtútum, converte nos, et ostende faciém tuam; * et salvi érimus.

Divisio Psalmi 79.

(DOMINE) víneam de Ægypto transtulisti: * eiecisti gentes, et plantasti eam.

Dux itíneris fuisti in conspectu ejus: * plantasti radí-

ces ejus, et implévit terram.

Opéruit montes umbra ejus, * et arbusta ejus cedros Dei.

Extendit pálmities suos usque ad mare, * et usque ad flumen propágines ejus.

Ut quid destruxisti maceríam ejus; * et vindémiant eam omnes qui prætergrediuntur viam?

Exterminávit eam aper de silva, * et singuláris ferus depastus est eam.

Deus virtútum, convertere: * respice de cœlo, et vide, et vísitá víneam istam.

Et pèrfice eam quam plantávit dextera tua, * et super fílium hóminis quem confir-masti tibi.

Incensa igni, et suffossa: * ab increpatione vultus tui peribunt.

Fiat manus tua super virum dexterae tuae, * et super fílium hóminis quem confir-masti tibi.

Et non discédimus a te, * vivificábis nos, et nomen tuum invocábimus.

Dómine Deus virtútum, converte nos, et ostende faciém tuam; * et salvi érimus.

Psalmus 92.

DOMINUS regnávit, decórem indútus est: * indútus est Dóminus fortitúdinem, et præcinxit se.

Etenim firmávit orbem terræ, * qui non commovébitur.

Paráta sedes tua ex tuno: * a século tu es.

Elevavérunt flúmina, Dó-

mine: * elevaverunt flúmina vocem suam.

Elevaverunt flúmina fluctus suos, * a vóibus aquárum multárum.

Mirábiles elatiónes maris: * mirábilis in altis Dóminus.

Testimónia tua credibília facta sunt nimis: * domum tuam decet sanctitúdo, Dómine, in longitudinem diérum.

Ant. 1. a. Testimónia tua, Dómine, credibília facta sunt nimis. *Ps.* 92.

Capitulum. Rom. 4.

CREDENTI in eum qui iustificat ímpium, reputátur fides ejus ad justítiam, secundum propósitum grátiae Dei.

R. *br.* Salvávit eos Dóminus, * Et credidérunt verbis ejus. Salvávit. *ŷ.* Et laudavérunt * laudem ejus, * Et credidérunt. Glória Patri. Salvávit. *Ps.* 105.

ŷ. In conspectu géntium revelávit justítiam suam. *R.* Recordátus est misericórdiae suae. *Ps.* 97.

AD VESPERAS.

Psalmus 115.

CREDIDI, propter quod locútus sum; * ego autem humiliátus sum nimis.

Ego dixi in excessu meo: * Omnis homo mendax.

Quid retríbuam Dómino * pro ómnibus quæ retríbuit mihi?

Cálicem salutáris accípiam, * et nomen Dómini invocábo.

Vota mea Dómino reddam coram omni pópulo ejus: * pretiósá in conspectu Dómini mors Sanctórum ejus.

O Dómine, quia ego servus tuus; * ego servus tuus, et fílius ancillæ tuæ.

Dirupisti víncula mea; * tibi sacrificábo hóstiam laudis, et nomen Dómini invocábo.

Vota mea Dómino reddam in conspectu omnis pópuli ejus, * in átriis domus Dómini, in médio tui, Jerúsalem.

Psalmus 137.

CONFITEBOR tibi, Dómine, in toto corde meo, * quóniam audisti verba oris mei.

In conspectu Angelórum psallam tibi: * adorábo ad templum sanctum tuum,

Et confitébor nómini tuo super misericórdia tua et veritate tua; * quóniam magnificasti super omne, nomen sanctum tuum.

In quacumque die invocávero te, exaudi me: * multiplicábis in ánima mea virtútem.

Confiteantur tibi, Dómine, omnes reges terræ, * quia audierunt ómnia verba oris tui.

Et cantent in viis Dómini, * quóniam magna est glória Dómini;

Quóniam excelsus Dóminus, et humília respicit, * et alta a longe cognoscit.

Si ambulávero in médio tribulatiónis, vivificábis me: * et super iram inimicórum

meórum extendisti manum tuam, et salvum me fecit dextera tua.

Dóminus retríbuet pro me :
* Dómine, misericórdia tua in séculum : ópera mánuum tuárum ne despicias.

Psalmus 144.

EXALTABO te, Deus meus rex; * et benedícam nómini tuo in séculum, et in séculum séculi.

Per síngulos dies benedícam tibi; * et laudábo nomen tuum in séculum, et in séculum séculi.

Magnus Dóminus, et laudábilis nimis; * et magnítudinis ejus non est finis.

Generátio et generátio laudábit ópera tua, * et poténtiam tuam pronuntiábunt.

Magnificéntiam glóriæ sanctitátis tuæ loquentur, * et mirabília tua narrábunt.

Et virtútem terribílium tuórum dicent, * et magnítudinem tuam narrábunt.

Memóriam abundántiæ suavitátis tuæ eructábunt, * et justítia tua exsultábunt.

Divisio Psalmi 144.

MISERATOR et miséricors Dóminus; * pátiens, et multum miséricors.

Suávis Dóminus universis, * et miseratiónes ejus super ómnia ópera ejus.

Confiteántur tibi, Dómine, ómnia ópera tua; * et sancti tui benedícant tibi.

Glóriam regni tui dicent, * et poténtiam tuam loquentur;

Ut notam fáciant fíliis hóminum poténtiam tuam, * et glóriam magnificéntiæ regni tui.

Regnum tuum, regnum ómnium seculórum; * et domínatio tua in omni generatióne et generatióne.

Fidélis Dóminus in ómnibus verbis suis, * et sanctus in ómnibus opéribus suis.

Allevat Dóminus omnes qui córruunt, * et érigit omnes elisos.

Oculi ómnium in te sperant, Dómine; * et tu das escam illórum in témpore oportúno.

Aperis tu manum tuam, * et imple omne ánimam benedictióne.

Altera divisio Psalmi 144.

JUSTUS Dóminus in ómnibus viis suis, * et sanctus in ómnibus opéribus suis.

Prope est Dóminus ómnibus invocántibus eum, * ómnibus invocántibus eum in veritáte.

Voluntatem tíméntium se fáciat, et deprecatióne eórum exáudiet, * et salvos fáciat eos.

Custódit Dóminus omnes diligentes se, * et omnes peccatóres disperdet.

Laudatióne Dómini loquétur os meum; * et benedícat omnis caro nómini sancto ejus in séculum, et in séculum séculi.

Ant. 8. c. Prope est Dómi-

nus ómnibus invocántibus eum in veritaté. *Ps. 144.*

Capitulum. Rom. 10.

CORDE créditur ad justítiam, ore autem conféssio fit ad salútem; dicit enim Scriptúra: Omnis qui credit in illum, non confundétur. Non enim est distinctio Judæi et Græci; nam idem Dóminus ómnium, dives in omnes qui invocant illum.

Hymnus. C.

O fortis, o clemens Deus, Salútis auctor, tu fidem Nostris potenter însere Germen salútis córdibus.

Hinc omne robur dúcimus: Hæc arma nobis; hoc manus Protecta scuto, flámmea Retundet hostis spícula.

Hinc fúndimus preces tibi Sacri sub umbra nóminis, Quo nítitur spes ómnium Uno salútis pignore.

Placátus illo nómine Labántibus feres opem, Dabisque, sanctam dégener Ne vita deturpet fidem.

Sit laus Patri, laus Fílio: Par sit tibi laus, Spíritus, Infúsa per quem córdibus Relúcet imis véritas.

Amen.

✠. Os meum annuntiábit justítiam tuam, ʁ. Tota die salutáre tuum. *Ps. 70.*

Ad Magnificat. Ant. 7. G. Potens est Dóminus, et sanctum nomen ejus. *Luc. 1.*

AD COMPLETORIUM.

Psalmus 11.

SALVUM me fac, Dómine, quóniam defécit sanctus; * quóniam diminútæ sunt veritatés a filiis hóminum.

Vana locúti sunt unusquisque ad próximum suum: * lábia dolósa, in corde et corde locúti sunt.

Disperdat Dóminus universa lábia dolósa, * et linguam magníloquam;

Qui dixérunt: Linguam nostram magnificábimus, lábia nostra a nobis sunt: * quis noster Dóminus est?

Propter misériam ínopum, et gémitum páuperum, * nunc exsurgam, dicit Dóminus.

Ponam in salutári: * fiduciáliter agam in eo.

Elóquia Dómini, elóquia casta: * argentum igne examinátum, probátum terræ, purgátum séptuplum.

Tu, Dómine, servábis nos; * et custódies nos a generatióne hac in æternum.

In circúitu ímpii ámbulant: * secundum altitúdinem tuam multiplicasti filios hóminum.

Psalmus 38.

DIXI: Custódiam vias meas, * ut non delinquam in lingua mea.

Pósui ori meo custódiam, * cum consísteret peccátor adversum me.

Obmútui, et humiliátus sum, et sílui a bonis; * et dolor meus renovátus est.

Concáluit cor meum intra me, et in meditatióne mea exardescet ignis : * locútus sum in lingua mea.

Notum fac mihi, Dómine, finem meum, et númerum diérum meórum, quis est; * ut sciam quid desit mihi.

Ecce mensurábiles posuisti dies meos; * et substántia mea tanquam níhilum ante te.

Verúmtamen universa vánitas, * omnis homo vivens.

Verúmtamen in imágine pertransit homo; * sed et frustra conturbátur.

Thesaurízat, * et ignorat cui congregábit ea.

Et nunc quæ est exspectatio mea? nonne Dóminus? * et substántia mea apud te est.

Divisio Psalmi 38.

AB ómnibus iniquitatibus meis érue me : * oppróbrium insipienti dedisti me.

Obmútui, et non apérui os meum; * quóniam tu fecisti.

Amove a me plagas tuas : * a fortitúdine manus tuæ ego deféci.

In increpatiónibus propter iniquitatem corripuisti hóminem, et tabescere fecisti sicut aráneam ánimam ejus : * verúmtamen vane conturbátur omnis homo.

Exaudi oratióne meam, Dómine, et deprecatióne meam : * áuribus pécipe lácrymas meas.

Ne síleas, quóniam ádvena ego sum apud te, et peregrínus, * sicut omnes patres mei.

Remitte mihi ut refrígerer, priusquam ábeam; * et ámplius non ero.

Ant. i. f. Salvum me fac, Dómine, quóniam diminútæ sunt veritatés a filiis hóminum. Ps. 111.

FERIA SEXTA.

AD OFFICIUM NOCTURNUM.

*Invit. Dóminum adjutórem et Redemptórem nostrum, * Veníte, adorémus. Ps. 118.*

Hymnus. C.

JAM sánctius moves opus, Tecum, Deus, delíberans : Mundo recenti príncipem, Tibique præcónem paras.

Homo créatur : hunc sacro Coelestis oris hálitu Succendis, et vivam tui Spiráre das imáginem.

Ergo per omnes æquoris, Tellúris omnes et sinus Regnábit : at memor sui Deo minórem se gerat.

Suì sed ímmemor, cito Jugum rebellis éxcutit; Deo superbus nec timet Æquáre pulvis vérticem.

Hinc quanta lúctuum co-
hors

Incumbit orbi pérdito ! O Christe ! ni feras opem, Spes tota sontes déserrat.

Qui nos créavit, laus Patri; Qui nos redémit, Fílio; Cujus móvemur hálitu, Par sit tibi laus, Spíritus.

Amen.

PRO I NOCTURNO.

Psalmus 51.

QUID gloriáris in malítia,
* qui potens es in iniquitatē?

Tota die injustítiam cogitávit lingua tua : * sicut novácula acúta fecisti dolum.

Dilexisti malítiam super benignitatem, * iniquitatem magis quam loqui aequitatem.

Dilexisti ómnia verba præcipitationis, * lingua dolósa.

Propterea Deus destruet te in finem : * evellet te, et emigrábit te de tabernáculo tuo, et radicem tuam de terra vivéntium.

Vidébunt justí, et timébunt, et super eum ridébunt ; * et dicent : Ecce homo qui non pósuit Deum adjutórem suum ;

Sed sperávit in multitúdine divitiárum suárum, * et prævaluit in vanitate sua.

Ego autem sicut olíva fructífera in domo Dei : * sperávi in misericórdia Dei in ætérnum, et in séculum séculi.

Confitébor tibi in séculum, quia fecisti ; * et expectábo nomen tuum, quóniam bonum est in conspectu sanctórum tuórum.

Psalmus 54.

EXAUDI, Deus, oratióne meam, et ne despéxeris deprecationem meam : * intende mihi, et exaudi me.

Contristátus sum in exerci-

tatióne mea, * et conturbátus sum a voce inimíci, et a tribulatióne peccatóris ;

Quóniam declinavérunt in me iniquitates, * et in ira molesti erant mihi.

Cor meum conturbátum est in me, * et formído mortis cécidit super me.

Timor et tremor venérunt super me, * et contexérunt me ténebræ.

Et dixi : Quis dabit mihi pennas sicut columbæ ? * et volábo, et requiescam.

Ecce elongávi fúgiens, * et mansi in solitúdine.

Expectábam eum qui salvum me fecit a pusillanimitate spíritus, * et tempestáte.

Præcipita, Dómine, dívide linguas eórum ; * quóniam vidi iniquitatem et contradic-tiónem in civitate.

Die ac nocte circúmdabit eam super muros ejus iniquitas ; * et labor in médio ejus, et injustitia.

Et non defécit de pláteis ejus * usúra et dolus.

Quóniam si inimícus meus maledixisset mihi, * sustinuissem útique ;

Et si is qui óderat me, super me magna locútus fuisset, * abscondissem me fórsitan ab eo.

Tu vero, homo unánimis, * dux meus et notus meus ;

Qui simul mecum dulces capiébas cibos ; * in domo Dei ambulávimus cum consensu.

Véniat mors super illos, *

et descendant in infernum vi-
ventes;

Quóniam nequitiæ in ha-
bitáculis eórum, * in médio
eórum.

Ego autem ad Deum clamá-
vi; * et Dóminus salvábit me.

Divisio Psalmi 54.

VESPERE, et mane, et merí-
die narrábo et annuntiábo, *
et exáudiet vocem meam.

Rédimet in pace ánimam
meam ab his qui appropin-
quant mihi; * quóniam inter
multos erant mecum.

Exáudiet Deus, et humiliá-
bit illos, * qui est ante sécula.

Non enim est illis commu-
tatio, et non timuérunt Deum:
* extendit manum suam in re-
tribuendo.

Contaminavérunt testamen-
tum ejus, divísi sunt ab ira
vultus ejus; * et appropinquá-
vit cor illíus.

Mollíti sunt sermónes ejus
super óleum, * et ipsi sunt
jácula.

Jacta super Dóminum cu-
ram tuam, et ipse te enútriet:
* non dabit in æternum fluc-
tuatióem justo.

Tu vero, Deus, * dedúces
eos in púteum intéritus.

Viri sanguínum et dolósi
non dimidiábunt dies suos, *
ego autem sperábo in te, Dó-
mine.

Ant 7. b. Contristátus sum
in exercitatióne mea, et con-
turbátus sum; quóniam decli-
navérunt in me iniquitátes.
Ps. 54.

PRO II NOCTURNO.

Psalmus 58.

ERIPE me de inimícis meis,
Deus meus, * et ab insurgén-
tibus in me líbera me.

Eripe me de operántibus
iniquitátem, * et de viris sán-
guinum salva me;

Quia ecce cepérunt ánimam
meam: * irruérunt in me for-
tes.

Neque iníquitas mea, ne-
que peccátum meum, Dómi-
ne; * sine iniquitáte cucurri,
et direxi.

Exsurge in occursum meum,
et vide: * et tu, Dómine Deus
virtútum, Deus Israel,

Intende ad visitandas om-
nes gentes: * non misereáris
ómnibus qui operantur iní-
quitátem.

Convertentur ad vésperam;
* et famem patientur ut canes,
et circumbunt civitátem.

Ecce loquentur in ore suo,
et gládus in lábiis eórum; *
quóniam quis audívit?

Et tu, Dómine, deridébis
eos; * ad níhilum dedúces
omnes gentes.

Fortitúdinem meam ad te
custódiam, quia Deus suscep-
tor meus es: * Deus meus, mi-
sericórdia ejus præveniet me.

Divisio Psalmi 58.

DEUS ostendet mihi super
inimícos meos: * ne occidas
eos, nequando obliviscantur
pópuli mei.

Disperge illos in virtute tua,
* et depone eos, protector
meus, Dómine.

Delictum oris eorum, ser-
mónem labiówum ipsórum; *
et comprehendantur in super-
bia sua.

Et de execratione et men-
dacio annuntiabuntur in con-
summatione; * in ira consum-
mationis, et non erunt.

Et scient quia Deus domi-
nabitur Jacob, * et finium ter-
ræ.

Convertentur ad vesperam;
* et famem patientur ut canes,
et circuibunt civitatem.

Ipsi dispergentur ad man-
ducandum; * si vero non fue-
rint saturati, et murmurabunt.

Ego autem cantabo fortitu-
dinem tuam, * et exultabo
mane misericordiam tuam;

Quia factus es susceptor
meus et refugium meum * in
die tribulationis meæ.

Adjutor meus, tibi psallam,
quia Deus susceptor meus es:
* Deus meus, misericordia
mea.

Psalmus 60.

EXAUDI, Deus, deprecatio-
nem meam: * intende oratio-
ni meæ.

A finibus terræ ad te clamá-
vi, dum anxietur cor meum:
* in petra exaltasti me.

Deduxisti me, quia factus
es spes mea, * turris fortitu-
dinis a facie inimici.

Inhabitabo in tabernaculo
tuo in sæcula: * prótegar in
velamento alarum tuarum;

Quóniam tu, Deus meus,

exaudisti orationem meam, *
dedisti hæreditatem timénti-
bus nomen tuum.

Dies super dies regis adjí-
cies, * annos ejus usque in
diem generationis et genera-
tionis.

Permanet in æternum in
conspectu Dei: * misericór-
diam et veritatem ejus quis
requíret?

Sic psalmum dicam nómini
tuo in sæculum sæculi, * ut
reddam vota mea de die in
diem.

Ant. 2. D. Ab insurgéntibus
in me líbera me, Dómine;
quia irruerunt in me fortes.
Ps. 58.

PRO III NOCTURNO.

Psalmus 68.

SALVUM me fac, Deus, * quó-
niam intraverunt aquæ usque
ad animam meam.

Infixus sum in limo pro-
fundi, * et non est substantia.

Veni in altitudinem maris,
* et tempestas demersit me.

Laboravi clamans, raucæ
factæ sunt fauces meæ: * de-
fecerunt óculi mei, dum spe-
ro in Deum meum.

Multiplicati sunt super ca-
pillos capitis mei, * qui odé-
runt me gratis.

Confortati sunt qui perse-
cúti sunt me inimici mei in-
juste: * quæ non rápui, tunc
exsolvebam.

Deus, tu scis insipientiam
meam; * et delicta mea a te
non sunt abscondita.

Non erubescant in me qui

expectant te, Dómine, * Dómine virtútum.

Non confundantur super me, * qui quærent te, Deus Israel.

Quóniam propter te sustinui oppróbrium, * opéruit confusio fáciem meam.

Extráneus factus sum fratribus meis, * et peregrinus filiis matris meæ;

Quóniam zelus domus tuæ comédit me, * et oppróbria exprobrántium tibi ceciderunt super me.

Et opéruí in jejúnio ánimam meam; * et factum est in oppróbrium mihi.

Et pósui vestimentum meum cilícium: * et factus sum illis in parábolam.

Adversum me loquebantur qui sedébant in porta; * et in me psallébant qui bibébant vinum.

Ego vero orationem meam ad te, Dómine: * tempus benepláciti, Deus.

In multitúdine misericórdiæ tuæ exaudi me, * in veritate salutis tuæ.

Eripe me de luto, ut non infígar: * libera me ab iis qui odérunt me, et de profundis aquárum.

Non me demergat tempestas aquæ, neque absórbeat me profundum, * neque úrgeat super me púteus os suum.

Divisio Psalmi 68.

EXAUDI me, Dómine, quóniam benigna est misericórdia tua: * secundum multitúdi-

nem miserationum tuárum respice in me.

Et ne avertas fáciem tuam a púero tuo: * quóniam tríbulor, velóciter exaudi me.

Intende ánimæ meæ, et libera eam: * propter inimícos meos éripe me.

Tu scis improperium meum, et confusiónem meam, * et reveréntiam meam.

In conspectu tuo sunt omnes qui tríbulant me: * improperium expectávit cor meum, et misériam.

Et sustínui qui simul contristarétur, et non fuit; * et qui consolarétur, et non invéni.

Et dedérunt in escam meam fel; * et in siti mea potáverunt me acéto.

Fiat mensa eórum coram ipsis in láqueum, * et in retributiónes, et in scándalum.

Obscurentur óculi eórum, ne vídeant; * et dorsum eórum semper incurva.

Effunde super eos iram tuam; * et furor iræ tuæ comprehendat eos.

Fiat habitatio eórum deserta; * et in tabernáculis eórum non sit qui inhábitet.

Quóniam quem tu percussisti, persecúti sunt; * et super dolórem vúlnerum meórum addiderunt.

Appóne iniquitatem super iniquitatem eórum; * et non intrent in justítiam tuam.

Deleantur de libro vivéntium; * et cum justis non scribantur.

Altera divisio Psalmi 68.

EGO sum pauper et dolens: *
salus tua, Deus, suscepit me.

Laudábo nomen Dei cum
cántico, * et magnificábo eum
in laude.

Et placébit Deo super ví-
tulum novellum, * córnua
producentem et úngulas.

Vídeant páuperes, et læten-
tur: * quærite Deum, et vivet
ánima vestra;

Quóniam exaudivit páupe-
res Dóminus, * et vinctos suos
non despexit.

Laudent illum cœli et terra,
* mare, et ómnia reptília in eis.

Quóniam Deus salvam fá-
ciet Sion, * et ædificabuntur
civitátes Juda.

Et inhabitábunt ibi, * et
hæreditáte acquirant eam.

Et semenservórum ejus pos-
sidebit eam; * et qui díligunt
nomen ejus, habitábunt in ea.

Ant. 4. a. In conspectu tuo
sunt omnes qui tríbulant me:
impropérium exspectávit cor
meum, et misériam.

ʒ. Die ac nocte graváta est
super me manus tua: ʒ. Con-
versus sum in ærumna mea,
dum confígitur spina. *Ps. 31.*

AD LAUDES.

Psalmus 53.

DEUS, in nómine tuo salvum
me fac, * et in virtúte tua jú-
dica me.

Deus, exaudi oratiónem
meam: * áuribus percípe ver-
ba oris mei;

Autumnalis.

Quóniam aliéni insurrexé-
runt adversum me, et fortes
quæsiérunt ánimam meam, *
et non proposuérunt Deum
ante conspectum suum.

Ecce enim Deus ádjuvat
me; * et Dóminus susceptor
est ánimæ meæ.

Averte mala inimícis meis;
* et in veritaté tua disperde
illos.

Voluntárie sacrificábo tibi;
* et confitébor nómini tuo,
Dómine, quóniam bonum est:

Quóniam ex omni tribula-
tióné eripuisti me; * et super
inimícos meos despexit óculus
meus.

Psalmus 70.

In te, Dómine, sperávi, non
confundar in æternum: * in
justítia tua libera me, et éripe
me.

Inclína ad me aurem tuam,
* et salva me.

Esto mihi in Deum protec-
tórem, et in locum munítum,
* ut salvum me fácias;

Quóniam firmamentum me-
um * et refúgium meum es tu.

Deus meus, éripe me de
manu peccatóris, * et de ma-
nu contra legem agentis, et
iníqui;

Quóniam tu es patiéntia
mea, Dómine: * Dómine,
spes mea a juventúte mea.

In te confirmátus sum ex
útero: de ventre matris meæ
tu es protector meus; * in te
cantátio mea semper.

Tanquam prodígium factus
sum multis, * et tu adjútor
fortis.

Repleátur os meum laude,
ut cantem glóriam tuam, *
tota die magnitudinem tuam.

Ne projicias me in témpore
senectútis : * cum defecerit
virtus mea, ne derelinquas
me.

Quia dixerunt inimíci mei
mihi ; * et qui custodiébant
ánimam meam, consílium fe-
cerunt in unum,

Dicentes : Deus derelíquit
eum ; persequimini, et com-
prehéndite eum, * quia non
est qui erípiat.

Deus, ne elongerís a me :
* Deus meus, in auxílium
meum respice.

Confundantur et deficiant
detrahentes ánimæ meæ : *
operiantur confusióne et pu-
dóre qui quærunť mala mihi.

Ego autem semper sperábo,
* et adjíciam super omnem
laudem tuam.

Divisio Psalmi 70.

Os meum annuntiábit justí-
tiam tuam, * tota die salutáre
tuum.

Quóniam non cognóvi litte-
ratúram, introibo in potén-
tias Dómini : * Dómine, me-
morábor justítie tuæ solíus.

Deus, docuisti me a juven-
tute mea ; * et usque nunc
pronuntiábo mirabilia tua,

Et usque in senectam et sé-
nium : * Deus, ne derelinquas
me ;

Donec annútiem bráchium
tuum * generatióni omni quæ
ventúra est,

Poténtiam tuam et justí-

tiam tuam, Deus, usque in
altíssima quæ fecisti magná-
lia : * Deus, quis símilis tibi ?

Quantas ostendisti mihi tri-
bulatiónes multas, et malas ?
* et conversus, vivificasti me,
et de abyssis terræ íterum re-
duxisti me.

Multiplicasti magnificén-
tiam tuam ; * et conversus,
consolátus es me.

Nam et ego confitébor tibi
in vasis psalmi veritatem tuam,
Deus : * psallam tibi in cítha-
ra, Sanctus Israel.

Exsultábunt lábia mea cum
cantávero tibi : * et ánima mea,
quam redemisti.

Sed et lingua mea tota die
meditábitur justítiam tuam, *
cum confúsi et reverití fuerint
qui quærunť mala mihi.

In Feriali,

Canticum Habacuc. Cap. 3.

DOMINE, audívi auditióem
tuam, * et tímui.

Dómine, opus tuum, * in
medio annórum vivífica illud.

In medio annórum notum
facies : * cum irátus fueris,
misericórdie recordáberis.

Deus ab Austro véniet, * et
sanctus de monte Pharan.

Opéruit cœlos glória ejus, *
et laudis ejus plena est terra.

Splendor ejus ut lux erit,
córnu in mánibus ejus : * ibi
abscondita est fortitúdo ejus.

Ante faciẽm ejus ibit mors ;
* et egrediẽtur diábolus ante
pedes ejus.

Stetit, et mensus est terram :
* adspexit, et dissolvit gentes ;

et contriti sunt montes séculi.

Incurvati sunt colles mundi
* ab itinéribus æternitatis ejus.

Pro iniquitate vidi tentoria
Æthiopiæ : * turbabuntur pel-
les terræ Mádian.

Numquid in fluminibus irá-
tus es, Dómine? * aut in flu-
minibus furor tuus? vel in ma-
ri indignatio tua?

Qui ascendes super equos
tuos, * et quadrigæ tuæ salvá-
tio;

Súscitans suscitábis arcum
tuum : * juramenta tribubus
quæ locútus es.

Flúvios scindes terræ : vi-
derunt te, et doluerunt mon-
tes; * gurges aquarum tránsiit.

Dedit abyssus vocem suam :
* altitúdo manus suas levávit.

Sol et luna steterunt in ha-
bitáculo suo : * in luce sagit-
tarum tuarum ibunt, in splen-
dore fulgurantis hastæ tuæ.

In frémitu conculcábis ter-
ram : * et in furóre obstupe-
ficies gentes.

Egressus es in salutem pó-
puli tui, * in salutem cum chris-
to tuo.

Percussisti caput de domo
ímpii; * denudasti fundamen-
tum ejus usque ad collum.

Maledixisti sceptris ejus, cá-
piti bellatorum ejus, * venién-
tibus ut turbo ad dispergen-
dum me.

Exultatio eorum, * sicut
ejus qui dévorat páuperem in
abscondito.

Viam fecisti in mari equis
tuis, * in luto aquarum mul-
tarum.

Audívi, et conturbátus est

venter meus : * a voce contre-
muérunt lábia mea.

Ingrediátur putredo in ós-
ibus meis, * et subter me scá-
teat;

Ut requiescam in die tribu-
lationis, * ut ascendam ad pó-
pulum accinctum nostrum.

Ficus enim non florébit; *
et non erit germen in víneis.

Mentiétur opus olivæ; * et
arva non áfferent cibum.

Abscindétur de ovili pecus;
* et non erit armentum in præ-
sépiis.

Ego autem in Dómino gau-
debo, * et exultábo in Deo
Jesu meo.

Deus Dóminus fortitúdo
mea, * et ponet pedes meos
quasi cervorum.

Et super excelsa mea dedú-
cet me victor * in psalmis ca-
nentem.

Psalmus 145.

LAUDA, ánima mea, Dómi-
num : * laudábo Dóminum in
vita mea; psallam Deo meo
quamdiu fuero.

Nolíte confidere in princí-
pibus; * in filiis hóminum,
in quibus non est salus.

Exibit spíritus ejus, et re-
vertétur in terram suam : * in
illa die peribunt omnes cogi-
tationes eorum.

Beátus cujus Deus Jacob
adjutor ejus, spes ejus in Dó-
mino Deo ipsius, * qui fecit
cælum et terram, mare, et
omnia quæ in eis sunt.

Qui custódit veritatem in
séculum, facit judícium in-

júriam patiéntibus, * dat escam esuriéntibus.

Dóminus solvit compeditos : * Dóminus illúminat cæcos.

Dóminus érigit el̄sos : * Dóminus díligit justos.

Dóminus custódit advenas : pupillum et viduam suscipiet ; * et vias peccatórum disperdet.

Regnabit Dóminus in sécula : * Deus tuus, Sion, in generatióem et generatióem.

Ant. 4. D. Laudábo in vita mea Dóminum, qui facit júdiciu in júriam patiéntibus. Ps. 145.

Capitulum. Is. 33.

DÓMINE, miserére nostri; te enim exspectávimus: esto bráchium nostrum in mane, et salus nostra in témpore tribulatiónis.

Hymnus. C.

ULTRICIBUS NOS úndique
Dum sáucias telis, Deus,
Quis ferre, te præter, queat
Mœréntibus solátium?

Mundus facessat : nil opis
Favóre præstat fútili :
Fallácibus quin áspérat
Alitque fomentis malum.

Flagella nos terrent tua;
Non illa spem demunt tamen :
Quæ ferre nos jubes, Pater,
Fiunt medéla vúlnerum.

At ímpetus libídinum
Ferocientes cómpriime;
Hæc vera nos vexant mala,
Sanáre quæ solus potes.

Quid ergo cessas? íngruunt

Intus forisque prælia;
Hosti-ne præda mens erit
Christi redempta sáanguine?

Audis precantes : anxíæ
Spes blanda jam menti redit :
O Christe, tetros mors tua
Mortis pavóres díscutit.

Sit Trinitáti glória,
Quæ sic flagellis quos amat
Exercet, ut cleméntiæ
Rursum recordétur suæ.

Amen.

✠. Exsultábo mane miserí-
córdiam tuam; R. Quia factus
es susceptor meus in die tri-
bulatiónis. *Ps. 58.*

Ad Benedictus Ant. 8. G.
Per multas tribulatiónes oportet nos intráre in regnum Dei.
Act. 14.

Oratio. Sacr. Mozarab.

DA nobis, Christe Deus, ut sanctæ crucis tuæ veríssimi amatóres effecti, abnegantes nosmetipsos, tollámus crucem nostram et sequámur te; ut passióibus tuis in hac vita communicantes, ad æternam vitam mereámur perveníre: Qui vivis.

AD PRIMAM.

Psalmus 43.

DEUS, áuribus nostris audí-
vimus, patres nostri annun-
tiavérunt nobis opus * quod
operátus es in diébus eórum,
et in diébus antíquis.

Manus tua gentes dispér-
didit, et plantasti eos : * af-
flixisti pópulos, et expulisti
eos.

Nec enim in gládio suo posederunt terram, * et brachium eorum non salvavit eos:

Sed dextera tua, et brachium tuum, et illuminatio vultus tui; * quoniam complacuisti in eis.

Tu es ipse rex meus, et Deus meus, * qui mandas salutes Jacob.

In te inimicos nostros venilabimus cornu, * et in nomine tuo spernemus insurgentes in nobis.

Non enim in arcu meo sperabo, * et gladius meus non salvabit me.

Salvast enim nos de afflictionibus nos, * et odientes nos confudisti.

Divisio Psalmi 43.

IN Deo laudabimur tota die; * et in nomine tuo confitemur in seculum.

Nunc autem repulisti, et confudisti nos; * et non egrediéris, Deus, in virtutibus nostris.

Avertisti nos retrorsum post inimicos nostros; * et qui odérunt nos, diripiébant sibi.

Dedisti nos tanquam oves escarum, * et in gentibus dispersisti nos.

Vendidisti populum tuum sine pretio, * et non fuit multitudo in commutationibus eorum.

Posuisti nos opprobrium vicinis nostris, * subsannationem et derisum his qui sunt in circuitu nostro.

Posuisti nos in similitudinem gentibus, * commotionem capitis in populis.

Tota die verecundia mea contra me est; * et confusio faciei meae cooperuit me,

A voce exprobrantis et obloquentis, * a facie inimici et persequentis.

Hæc omnia venerunt super nos; nec obliti sumus te, * et inique non egimus in testamento tuo.

Et non recessit retro cor nostrum, * et declinasti semitas nostras a via tua;

Quoniam humiliasti nos in loco afflictionis, * et cooperuit nos umbra mortis.

Altera divisio Psalmi 43.

SI obliti sumus nomen Dei nostri, * et si expandimus manus nostras ad deum alienum:

Nonne Deus requireret ista? * ipse enim novit abscondita cordis.

Quoniam propter te mortificamur tota die, * æstimati sumus sicut oves occisionis.

Exsurge, quare obdormis, Dómine? * exsurge, et ne repellas in finem.

Quare faciem tuam avertis? * oblivisceris inopiæ nostræ et tribulationis nostræ?

Quoniam humiliata est in pulvere anima nostra, * conglutinatus est in terra venter noster.

Exsurge, Dómine, adjuva nos; * et redime nos propter nomen tuum.

Ant. 3. c. Exsurge, quare obdormis, Dómine? exsurge, et ne repellas in finem.

AD TERTIAM

Psalmus 39.

EXSPECTANS expectávi Dóminum, * et intendit mihi.

Et exaudivit preces meas; * et eduxit me de lacu miséræ, et de luto fæcis.

Et stáuit super petram pedes meos, * et direxit gressus meos.

Et immísit in os meum cánticum novum, * carmen Deo nostro.

Vidébunt multi, et timébunt; * et sperábunt in Dómino.

Beátus vir cujus est nomen Dómini spes ejus * et non respexit in vanitátes et insánias falsas.

Multa fecisti tu, Dómine Deus meus, mirabília tua; * et cogitátionibus tuis non est qui similis sit tibi.

Annuntiávi et locútus sum: * multiplicáti sunt super númerum.

Sacrificium et oblatiónem noluisti; * aures autem perfecisti mihi.

Holocaustum et pro peccáto non postulasti: * tunc dixi: Ecce vénio.

In cápite libri scriptum est de me, ut fácerem voluntátem tuam: * Deus meus, vólui, et legem tuam in médio cordis mei.

Divisio Psalmi 39.

ANNUNTIÁVI justítiam tuam

in ecclesiá magna; * ecce lábia mea non prohibébo: Dómine, tu scisti.

Justítiam tuam non abscondi in corde meo: * veritátem tuam et salutáre tuum dixi.

Non abscondi misericórdiam tuam et veritátem tuam * a consilio multo.

Tu autem, Dómine, ne longe fácias miseratiónes tuas a me: * misericórdia tua et véritas tua semper suscepérunt me.

Quóniam circumdedérunt me mala, quorum non est númerus; * comprehendérunt me iniquitátes meæ, et non pótui ut vidérem.

Multiplicátæ sunt super capillos cápitis mei; * et cor meum dereliquit me.

Compláceat tibi, Dómine, ut éruas me: * Dómine, ad adiuvandum me respice.

Confundantur et revereantur simul, qui quærant ánimam meam, * ut áuferant eam.

Convertantur retrorsum, et revereantur, * qui volunt mihi mala.

Ferant confestim confusió-nem suam, * qui dicunt mihi: Euge, euge.

Exsultent et lætentur super te omnes quærentes te; * et dicant semper: Magnificétur Dóminus, qui díligunt salutáre tuum.

Ego autem mendícus sum et pauper: * Dóminus sollicitus est mei.

Adjútor meus, et protector

meus tu es : * Deus meus, ne tardáveris.

Psalmus 57.

SI vere útique justítiam loquímmini, * recta judicáte, filii hóminum.

Etenim in corde iniquitates operámini; * in terra injustítias manus vestráe concinnant.

Alienáti sunt peccatóres a vulva, erravérunt ab útero : * locúti sunt falsa.

Furor illis secundum similitúdinem serpentis : * sicut áspidis surdæ, et obturantis aures suas;

Quæ non exáudiet vocem incantántium, * et venéfici incantantis sapienter.

Deus cónteret dentes eórum in ore ipsórum : * molas leónum confringet Dóminus.

Ad níhilum devénient tanquam aqua decurrens : * intendit arcum suum donec infirmantur.

Sicut cera quæ fluit auferentur : * supercécidit ignis et non vidérunt solem.

Priusquam intellígerent spinæ vestráe rhamnum; * sicut viventes, sic in ira absorbet eos.

Lætábitur justus cum vídearit vindictam : * manus suas lavábit in sáanguine peccatóris.

Et dicet homo : Si útique est fructus justo, * útique est Deus júdicans eos in terra.

Ant. 2. D. Circumdederunt

me mala, quorum non est número : compláceat tibi, Dómine, ut éruas me. *Ps. 39.*

Capitulum. II. Cor. 1.

SUPRA modum graváti sumus supra virtútem, ita ut tæderet nos étiam vívere. Sed ipsi in nobismetipsis responsum mortis habúimus, ut non simus fidentes in nobis, sed in Deo, qui súscitat mórtuos; qui de tantis perículis nos eripuit, et éruit; in quem sperámus quóniam et adhuc eripiet.

R. br. Custódi me, Dómine, * De manu peccatóris. Custódi me. *ŷ.* Et ab hominibus iníquis * éripe me; * De manu. *Glória. Custódi. Ps. 139.*

ŷ. Dómine, ne elongáveris auxílium tuum a me : *R.* Ad defensiónem meam conspice. *Ps. 21.*

AD SEXTAM.

Psalmus 101.

DOMINE, exaudi oratióne meam; * et clamor meus ad te véniat.

Non avertas fáciem tuam a me : * in quacumque die tribulor, inclína ad me aurem tuam.

In quacumque die invocávero te, * velóciter exaudi me; Quia defecérunt sicut fumus dies mei, * et ossa mea sicut crémium aruérunt.

Percussus sum ut fœnum, et áruit cor meum; * quia

oblitus sum comédere panem meum.

A voce gémitus mei * adhæsit os meum carni meæ.

Símilis factus sum pelicáno solitúdinis : * factus sum sicut nyctícorax in domicílio.

Vigilávi, * et factus sum sicut passer solitárius in tecto.

Tota die exprobrábant mihi inimíci mei ; * et qui laudábant me, adversum me jurábant.

Quia cínere[m] tanquam panem manducábam, * et potum meum cum fletu miscébam,

A fácie iræ et indignatiónis tuæ ; * quia élevans allisisti me.

Dies mei sicut umbra declinavérunt ; * et ego sicut fœnum árui.

Tu autem, Dómine, in æternum pérmanes ; * et memoriále tuum in generatió[n]em et generatió[n]em.

Divisio Psalmi 101.

TU exsurgens miseréberis Sion, * quia tempus miserendi ejus, quia venit tempus ;

Quóniam placuérunt servis tuis lápides ejus, * et terræ ejus miserebuntur.

Et timébunt gentes nomen tuum, Dómine, * et omnes reges terræ glóriam tuam ;

Quia ædificávit Dóminus Sion, * et vidébitur in glória sua.

Despexit in oratió[n]em humílium, * et non sprevit precem eórum.

Scribantur hæc in genera-

tió[n]e áltera : * et pópulus qui creábitur, laudábit Dóminum ;

Quia prospexit de excelso sancto suo : * Dóminus de cœlo in terram adspexit ;

Ut audíret gémitus compeditórum, * ut sólveret filios interemptórum ;

Ut annúntient in Sion nomen Dómini, * et laudem ejus in Jerúsalem,

In conveniendo pópulos in unum, et reges, * ut sérviant Dómino.

Respondit ei in via virtútis suæ : * Paucitátem diérum meórum núntia mihi.

Ne révoces me in dimídio diérum meórum : * in generatió[n]em et generatió[n]em anni tui.

Altera divisio Psalmi 101.

INITIO tu, Dómine, terram fundasti : * et ópera mánuum tuárum sunt cœli.

Ipsi períbunt ; * tu autem pérmanes :

Et omnes sicut vestimentum veterascent ; * et sicut opertórium mutábis eos, et mutabuntur.

Tu autem idem ipse es, * et anni tui non defícient.

Fílii servórum tuórum habitábunt ; * et semen eórum in séculum dirigétur.

Ant. 5. a. Potum meum cum fletu miscébam, a fácie iræ et indignatió[n]is tuæ, Dómine.

Capitulum. Hebr. 12.

VOBIS, tanquam fíliis, lóqui-

tur (Deus) dicens: Fili mi, noli negligere disciplinam Domini, neque fatigéris dum ab eo arguéris: quem enim diligit Dominus, castigat; flagellat autem omnem filium quem récipit. In disciplina persevérate.

R. br. Ego, Domine, * In flagella parátus sum. Ego. V. Et dolor meus * in conspectu meo semper: * In flagella. Glória. Ego.

V. Domine, ante te omne desidérium meum; R. Et gémitus meus a te non est absconditus. Ps. 37.

AD NONAM.

Psalmus 21.

DEUS, Deus meus, respice in me: quare me dereliquisti? * longe a salute mea verba delictorum meorum.

Deus meus, clamabo per diem, et non exáudies; * et nocte, et non ad insipientiam mihi.

Tu autem in sancto hábitas, * laus Israel.

In te speravérunt patres nostri: * speravérunt, et liberasti eos.

Ad te clamavérunt, et salvi facti sunt: * in te speravérunt, et non sunt confúsi.

Ego autem sum vermis, et non homo; * opprobrium hominum, et abjectio plebis.

Omnes videntes me, deriserunt me: * locúti sunt lábiis, et movérunt caput.

Sperávit in Domino, erípiat

eum; * salvum fáciat eum, quóniam vult eum.

Quóniam tu es qui extra-xisti me de ventre; * spes mea ab ubéribus matris meæ.

In te projectus sum ex útero: * de ventre matris meæ Deus meus es tu.

Divisio Psalmi 21.

(DEUS meus) ne discésseris a me, * quóniam tribulatio próxima est, quóniam non est qui ájjuvet.

Circumdedérunt me vítuli multi: * tauri pingues obsédérunt me.

Aperuérunt super me os suum, * sicut leo rápiens et rúgiens.

Sicut aqua effúsus sum, * et dispersa sunt ómnia ossa mea.

Factum est cor meum tanquam cera liquescens * in médio ventris mei.

Aruit tanquam testa virtus mea, et lingua mea adhæsit fáucibus meis; * et in púlverem mortis deduxisti me.

Quóniam circumdedérunt me canes multi; * concílium malignántium obsédit me.

Foderunt manus meas et pedes meos: * dinumeravérunt ómnia ossa mea.

Ipsi vero consideravérunt et inspexérunt me: * divisérunt sibi vestimenta mea, et super vestem meam misérunt sortem.

Tu autem, Domine, ne elongáveris auxílium tuum a me: * ad defensiónem meam cónspece.

Erue a frámea, Deus, ánimam meam, * et de manu canis únicam meam.

Salva me ex ore leónis, * et a córnibus unicórnium humilitátem meam.

Narrábo nomen tuum frátribus meis: * in médio ecclésiæ laudábo te.

Altera divisio Psalmi 21.

QUI timétis Dóminum, laudáte eum: * universum semen Jacob, glorificáte eum.

Tímeat eum omne semen Israel, * quóniam non sprevit nequedespexit deprecationem páuperis.

Nec avertit faciém suam a me; * et cum clamárem ad eum, exaudivit me.

Apud te laus mea in ecclésiá magna: * vota mea reddam in conspectu timéntium eum.

Edent páuperes, et saturabuntur; et laudábunt Dóminum qui requíruit eum: * vivent corda eórum in séculum séculi.

Reminiscentur et convertentur ad Dóminum * universi fines terræ.

Et adorábunt in conspectu ejus * universæ familiæ géntium.

Quóniam Dómini est regnum, * et ipse dominábitur géntium.

Manducavérunt et adoravérunt omnes pingues terræ: * in conspectu ejus cadent omnes qui descendunt in terram.

Et ánima mea illi vivet; * et semen meum sérviet ipsi.

Annuntiábitur Dómino generátio ventúra; * et annuntiábunt coeli justítiam ejus pópulo qui nascétur, quem fecit Dóminus.

Ant. 6. F. Deus meus, quare me dereliquisti? longe a salúte mea verba delictórum meórum.

Capitulum. Thren. 5.

QUARE in perpétuum obliviscéris nostri? derelinques nos in longitudine diérum? Converté nos, Dómine, ad te, et convertémur: innova dies nostros, sicut a principio.

R. br. Usquequo, Dómine, * Obliviscéris me in finem? Usquequo. *γ.* Usquequo exaltábitur * inimícus meus super me? * Obliviscéris. Glória Patri. Usquequo, Dómine. *Ps. 12.*

R. Exsurge, Dómine Deus, exaltétur manus tua: *R.* Ne obliviscáris páuperum. *Ps. 9.*

AD VESPERAS.

Psalmus 128.

SÆPE expugnávérunt me a juventúte mea, * dicat nunc Israel.

Sæpe expugnávérunt me a juventúte mea; * étenim non potuérunt mihi.

Supra dorsum meum fabricavérunt peccatóres: * prolongavérunt iniquitátem suam.

Dóminus justus * concídit cervíces peccatórum.

Confundantur et convertantur retrorsum * omnes qui odérunt Sion.

Fiant sicut fœnum tectórum, * quod, priusquam evelátur, exáruit:

De quo non implévit manum suam, qui metit; * et sinum suum, qui manípulos cólligit.

Et non dixerunt qui præteribant: Benedíctio Dómini super vos: * benedíximus vobis in nómine Dómini.

Psalmus 138.

DOMINE, probasti me, et cognovisti me: * tu cognovisti sessionem meam, et resurrectionem meam.

Intellexisti cogitationes meas de longe: * sémitam meam, et fúniculum meum investigasti.

Et omnes vias meas prævidisti, * quia non est sermo in lingua mea.

Ecce, Dómine, tu cognovisti ómnia, novíssima et antiqua: * tu formasti me, et posuisti super me manum tuam.

Mirábilis facta est sciéntia tua ex me: * confortáta est, et non pótero ad eam.

Quo ibo a spíritu tuo? * et quo a fácie tua fúgiam?

Si ascéndero in cœlum, tu illic es: si descéndero in infernum, ades:

Si sumpsero pennas meas dilúculo, * et habitávero in extrémis maris;

Etenim illuc manus tua dedúcet me, * et tenébit me dextera tua.

Et dixi: Fórsitan ténebræ conculcábunt me; * et nox il-

luminátio mea in delíciis meis.

Quia ténebræ non obscurabuntur a te; et nox sicut dies illuminábitur: * sicut ténebræ ejus, ita et lumen ejus.

Quia tu possedisti renes meos: * suscepisti me de útero matris meæ.

Divisio Psalmi 138.

CONFITEBOR tibi (Dómine), quia terribíliter magnificátus es; * mirabília ópera tua, et ánima mea cognoscit nimis.

Non est occultátum os meum a te, quod fecisti in occulto; * et substántia mea in inferioríbus terræ.

Imperfectum meum viderunt óculi tui; et in libro tuo omnes scribentur: * dies formabuntur, et nemo in eis.

Mihi autem nimis honorificáti sunt amíci tui, Deus: * nimis confortátus est princípatus eórum.

Dinumerábo eos, et super arénam multiplicabuntur: * exsurrexi, et adhuc sum tecum.

Si occíderis, Deus, peccatores: * viri sanguínum, declináte a me;

Quia dicitis in cogitatione: * Accípient in vanitáte civitates tuas.

Nonne qui odérunt te, Dómine, óderam? * et super inimícos tuos tabescébam?

Perfecto ódio óderam illos; * et inimíci facti sunt mihi.

Proba me, Deus, et scito cor meum: * intérroga me, et cognosce sémitas meas;

Et vide si via iniquitatis in me est, * et deduc me in via æterna.

Psalmus 139.

ERIPE me, Dómine, ab hómine malo: * a viro iníquo eripe me.

Qui cogitavérunt iniquitates in corde: * tota die constituébant prælia.

Acuérunt linguas suas sicut serpentis: * venénúmaspidum sub lábiis eórum.

Custódi me, Dómine, de manu peccatóris; * et ab homínibus iníquis éripe me.

Qui cogitavérunt supplantáre gressus meos; * absconderunt superbi láqueum mihi,

Et funes extendérunt in láqueum: * juxta iter scándalum posuérunt mihi.

Dixi Dómino: Deus meus es tu; * exaudi, Dómine, vocem deprecationis meæ.

Divisio Psalmi 139.

DOMINE, Dóminé, virtus salutis meæ, * obumbrasti super caput meum in die belli.

Ne tradas me, Dómine, a desiderio meo peccatóri: * cogitavérunt contra me; ne derelinquas me, ne forte exaltentur.

Caput circúitus eórum; * labor labiórum ipsórum opériet eos.

Cadent super eos carbónes: in ignem dejícies eos: * in misériis non subsistent.

Vir linguósus non dirigé-

tur in terra: * virum injustum mala cápient in intéritu.

Cognóvi quia fáciét Dóminus judícium inopis, * et vindictam páuperum.

Verúmtamen justí confitebuntur nómini tuo; * et habitábunt recti cum vultu tuo.

Ant. 7. c. Dómine, Dómine, virtus salutis meæ, ne derelinquas me. *Ps. 139.*

Capitulum. Hebr. 12.

DEPOSANTES omne pondus et circumstans nos peccátum, per patiéntiam currámus ad propósitum nobis certámen; adspicientes in auctórem fidei et consummatórem Jesum, qui, propósito sibi gáudio, sustinuit crucem, confusióne contempta.

Hymnus. C.

LUGÉTE, pacis Angeli: Mortális en ultro Deus, Culpæ gerens imáginem, Pœnam nocentum sústinét.

Amóris o miráculum! O cordis humáni stupor! Insons Deus neci datur; Pigébit et sontes pati!

Nos sempiternis crux tua, O Christe, flammis éruit: Hic ure vindex, hic seca, Parcas in æternum modo.

Caro reclámat; sed Patris Urget voluntas: nos tua Virtúte da fortes sequi, Jesu, quod exemplo doces.

Livóre sanátos tuo, Tuoque lotos sáanguine, Peccando ne novam sinas

Parare nos tibi crucem.

Qui Filium tradit, Patri,
Natoque sit laus victimæ:

Par sit tibi laus, qui sacram
Succendis aram, Spiritus.

Amen.

✠. Clamavi ad te, Domine,
tota die: ʁ. Expandi ad te
manus meas. Ps. 87.

Ad Magnificat, Ant. I. D.
Fecit Dominus potentiam in
brachio suo: dispersit super-
bos mente cordis sui. Luc. I.

AD COMPLETORIUM.

Psalmus 37.

DOMINE, ne in furóre tuo
arguas me, * neque in ira tua
corripas me;

Quóniam sagittæ tuæ in-
fixæ sunt mihi, * et confir-
masti super me manum tuam.

Non est sanitas in carne
mea a facie iræ tuæ: * non est
pax ossibus meis a facie pec-
catorum meorum.

Quóniam iniquitates meæ
supergressæ sunt caput me-
um: * et sicut onus grave gra-
vætæ sunt super me.

Putruerunt et corruptæ
sunt cicatrices meæ, * a facie
insipientiæ meæ.

Miser factus sum et curvatus
sum usque in finem: * to-
ta die contristatus ingredi-
bar.

Quóniam lumbi mei im-
pleti sunt illusionibus; * et
non est sanitas in carne mea.

Afflictus sum et humiliatus
sum nimis: * rugiebam a gé-
mitu cordis mei.

Domine, ante te omne de-

sidérium meum: * et gémitus
meus a te non est abscondi-
tus.

Cor meum conturbatum
est, dereliquit me virtus mea;
* et lumen oculorum meó-
rum, et ipsum non est me-
cum.

Divisio Psalmi 37.

AMICI mei, et próximos mei
* adversum me appropinqua-
verunt et steterunt.

Et qui juxta me erant, de
longe steterunt; * et vim fa-
ciébant qui quærebant ani-
mam meam.

Et qui inquirebant mala
mihi, locúti sunt vanitates,
* et dolos tota die medita-
bantur.

Ego autem tanquam surdus
non audiebam, * et sicut mu-
tus non apériens os suum.

Et factus sum sicut homo
non audiens, * et non habens
in ore suo redargutiones.

Quóniam in te, Domine,
speravi: * tu exaudies me,
Domine Deus meus.

Quia dixi: Nequando su-
pergaudeant mihi inimici mei;
* et, dum commoventur pe-
des mei, super me magna lo-
cúti sunt.

Quóniam ego in flagella pa-
ratus sum; * et dolor meus in
conspectu meo semper.

Quóniam iniquitatem meam
annuntiabo; * et cogitabo pro
peccato meo.

Inimici autem mei vivunt,
et confirmati sunt super me;
* et multiplicati sunt qui odé-
runt me inique.

Qui retribuunt mala pro bonis, detrahébant mihi; * quóniam sequébar bonitátem.

Ne derelinquas me, Dómine Deus meus, * ne discésseris a me.

Intende in adiutorium meum, * Dómine Deus salutis meæ.

Psalmus 55.

MISERERE mei, Deus, quóniam conculcávit me homo: * tota die impugnans tribulávit me.

Conculcavérunt me inimíci mei tota die, * quóniam multi bellantes adversum me.

Ab altitúdine diéi timébo; * ego vero in te sperábo.

In Deo laudábo sermónes meos, in Deo sperávi: * non timébo quid fáciat mihi caro.

Tota die verba mea execrabantur: * adversum me omnes cogitatiónes eórum in malum.

Inhabitábunt, et abscondent: * ipsi calcáneum meum observábunt.

Sicut sustinuérunt ánimam meam, pro nihilo salvos fáciat illos: * in ira pópulos confringes.

Deus, vitam meam annuntiávi tibi: * posuisti lácrymas meas in conspectu tuo, sicut et in promissióne tua.

Tunc convertentur inimíci mei retrorsum * in quacumque die invocávero te.

Ecce cognóvi * quóniam Deus meus es.

In Deo laudábo verbum: *

in Dómino laudábo sermónem.

In Deo sperávi: * non timébo quid fáciat mihi homo.

In me sunt, Deus, vota tua, * quæ reddam laudatiónes tibi;

Quóniam eripuisti ánimam meam de morte, et pedes meos de lapsu; * ut pláceam coram Deo in lúmine vivéntium.

Ant. 2. D. Dómine Deus meus, ne discésseris a me. Ps. 37.

SABBATO.

In Sabbatis, officium fit de B. M. V. in Sabbato, nisi occurrat Festum Semiduplex aut supra.

Invit. Hymn. Ant. Capit. R/R et V/V. inserviunt pro solo Sabbato Quatuor Temporum.

AD OFFICIUM NOCTURNUM.

*Invit. Dóminum, qui reddit justis mercédem labórum suórum, * Veníte, adorémus. Sap. 10.*

Hymnus. C.

TANDEM peractis, o Deus, Sexto diérum límite, Ponis modum labóribus, Orbique plaudis cóndito.

At dum perenni séptimam Lucem quiéti cósecras, En te reposcit dénuo Alter creatórem labor.

Te cuncta nempe prædicant; Te terra, pontus, sídera Cantu celebrant æmulo;

Peccátor unus díssonat.

Tu pectus aufer sáxeum;
Tu cárneum pectus crea:
Et caritátis úberes
Fructus canent hymnum tibi.

Hæc te juvant præcónia,
Si facta voci cónsonent:
Sic effíací fléctitur
Divína majestas prece.

Æterna laus et glória
Uni sit et trino Deo,
Qui cuncta nutu cóndidit,
Nutuque servat cóndita.
Amen.

PRO I NOCTURNO.

Psalmus 40.

BEATUS qui intélligit super
egénium et páuperem; * in die
mala liberábit eum Dóminus.

Dóminus conservet eum,
et vivíficet eum, et beátum
fáciat eum in terra, * et non
tradat eum in ánimam inimi-
córúm ejus.

Dóminus opem ferat illi
super lectum dolóris ejus: *
universum stratum ejus ver-
sasti in infirmitáte ejus.

Ego dixi: Dómine, mi-
serére mei; * sana ánimam
meam, quia peccávi tibi.

Inimíci mei dixerunt mala
mihi: * Quando moriétur, et
peribit nomen ejus?

Et si ingrediebátur ut vidé-
ret, vana loquebátur: * cor
ejus congregávit iniquitátem
sibi.

Egrediebátur foras, * et lo-
quebátur in idipsum.

Adversum me susurrábant
omnes inimíci mei: * adver-

sum me cogitábant mala mihi.

Verbum iníquum consti-
tuérunt adversum me: * num-
quid qui dormit, non adjíciet
ut resurgat?

Etenim homo pacis meæ,
in quo sperávi, qui edébat
panes mos, * magnificávit su-
per me supplantatióem.

Tu autem, Dómine, mi-
serére mei, et resúscita me;
* et retribuam eis.

In hoc cognóvi quóniam
voluisti me, * quóniam non
gaudébit inimícus meus su-
per me.

Me autem propter innocén-
tiam suscepisti, * et confir-
masti me in conspectu tuo in
æternum.

Benedictus Dóminus Deus
Israel a século, et usque in
séculum: * fiat, fiat.

Psalmus 48.

AUDITE hæc, omnes gentes:
* auribus percípите, omnes
qui habitátis orbem.

Quique terrígenæ, et filii
hóminum, * simul in unum
dives et pauper.

Os meum loquétur sapién-
tiam, * et meditatio cordis
mei prudéntiam.

Inclinábo in parábolam au-
rem meam: * apériam in psal-
térió propositionem meam.

Cur timébo in die mala? *
iníquitas calcánei mei cir-
cúmdabit me.

Qui confidunt in virtúte
sua, * et in multitudíne divi-
tiárum suárum glorianitur.

Frater non rédimít, rédi-

met homo : * non dabit Deo placationem suam,

Et pretium redemptionis animæ suæ : * et laborabit in æternum, et vivet adhuc in finem.

Non videbit interitum, * cum viderit sapientes morientes.

Simul insipiens et stultus peribunt, * et relinquent alienis divitias suas.

Et sepulcra eorum domus illorum in æternum; tabernacula eorum in progénie et progénie : * vocaverunt nomina sua in terris suis.

Et homo, cum in honore esset, non intellexit : * comparatus est jumentis insipientibus, et similis factus est illis.

Hæc via illorum scandalum ipsis; * et postea in ore suo complacébunt.

Sicut oves in inferno positi sunt : * mors depascet eos.

Et dominabuntur eorum justi in matutino; * et auxilium eorum veterascet in inferno a glória eorum.

Verumtamen Deus redimet animam meam de manu inferi, * cum accéperit me.

Divisio Psalmi 48.

NE timueris, cum dives factus fuerit homo, * et cum multiplicata fuerit glória domus ejus.

Quóniam, cum interierit, non sumet omnia; * neque descendet cum eo glória ejus.

Quia anima ejus in vita ipsius benedicetur : * confitebi-

tur tibi, cum benefeceris ei.

Introibit usque in progenies patrum suorum; * et usque in æternum non videbit lumen.

Homo, cum in honore esset, non intellexit : * comparatus est jumentis insipientibus, et similis factus est illis.

Ant. 3. a. Propter innocentiam suscepisti me, Deus; et confirmasti me in conspectu tuo in æternum. *Ps. 40.*

PRO II NOCTURNO.

Psalmus 61.

NONNE Deo subjecta erit anima mea? * ab ipso enim salutare meum.

Nam et ipse Deus meus, et salutaris meus : * susceptor meus, non movebor amplius.

Quousque irrúitis in hominem? * interficitis universi vos tanquam parieti inclinato, et maceriæ depulsæ?

Verumtamen pretium meum cogitaverunt repellere; cucurri in siti : * ore suo benedicébant, et corde suo maledicébant.

Verumtamen Deo subjecta esto, anima mea; * quóniam ab ipso patientia mea.

Quia ipse Deus meus, et Salvator meus; * adjutor meus, non emigrabo.

In Deo salutare meum, et glória mea : * Deus auxilii mei, et spes mea in Deo est.

Sperate in eo, omnis congregatio populi; effundite coram illo corda vestra : * Deus adjutor noster in æternum.

Verumtamen vani filii hominum, mendaces filii hominum in statéris, * ut decipiant ipsi de vanitate in idipsum.

Nolíte speráre in iniquitate, et rapinas nolíte concupiscere : * divitiæ si affluant, nolíte cor appónere.

Semel locútus est Deus, duo hæc audívi ; quia potestas Dei est, et tibi, Dómine, misericórdia ; * quia tu reddes unicuique juxta ópera sua.

Psalmus 63.

EXAUDI, Deus, orationem meam, cum deprecor : * a timóre inimíci éripe ánimam meam.

Protexisti me a conventu malignántium, * a multitudíne operántium iniquitatem ;

Quia exacuérunt ut gládium linguas suas : * intendérunt arcum, rem amáram, ut sagittent in occultis immaculátum.

Súbito sagittábunt eum, et non timébunt : * firmavérunt sibi sermónem nequam.

Narravérunt ut absconderent láqueos : * dixerunt : Quis vidébit eos ?

Scrutáti sunt iniquitates : * defecerunt scrutantes scrutinio.

Accédet homo ad cor altum ; * et exaltábitur Deus.

Sagittæ parvulorum factæ sunt plagæ eórum ; * et infirmatæ sunt contra eos linguæ eórum.

Conturbáti sunt omnes qui vidébant eos ; * et tímuit omnis homo.

Et annuntiavérunt ópera Dei ; * et facta ejus intellexérunt.

Lætábitur justus in Dómino, et sperábit in eo ; * et laudabuntur omnes recti corde.

Psalmus 74.

CONFITEBIMUR tibi, Deus, * confitebimur, et invocábimus nomen tuum : narrábimus mirabilia tua.

Cum accépero tempus, * ego justítias judicábo.

Liquefacta est terra, et omnes qui hábitant in ea : * ego confirmávi columnas ejus.

Dixi iníquis : Nolíte inique ágere ; * et delinquéntibus : Nolíte exaltáre cornu.

Nolíte extóllere in altum cornu vestrum : * nolíte loqui adversus Deum iniquitatem ;

Quia neque ab oriente, neque ab occidente, * neque a desertis móntibus.

Quóniam Deus judex est : * hunc humiliat, et hunc exaltat.

Quia calix in manu Dómini vini meri plenus mixto ; * et inclinávit ex hoc in hoc.

Verúmtamen fæx ejus non est exinaníta : * bibent omnes peccatóres terræ.

Ego autem annuntiábo in séculum : * cantábo Deo Jacob.

Et ómnia córnua peccatórum confringam ; * et exaltabuntur córnua justi.

Ant. 5. F. Tibi, Deus, confitebimur, et invocábimus no-

men tuum : narrábitus mira-
bília tua. *Ps.* 74.

PRO III NOCTURNO.

Psalmus 75.

NOTUS in Judæa Deus : * in
Israel magnum nomen ejus.

Et factus est in pace locus
ejus, * et habitatio ejus in Sion.

Ibi confrégit poténtias ár-
cum, * scutum, gládium, et
bellum.

Illúminans tu mirábiliter
a móntibus æternis : * turbáti
sunt omnes insipientes corde.

Dormiérunt somnum suum;
* et nihil invenérunt omnes
viri divitiárum in mánibus
suis.

Ab increpatione tua, Deus
Jacob, * dormitavérunt qui
ascendérunt equos.

Tu terríbilis es, et quis
resistet tibi? * ex tunc ira tua.

De cælo audítum fecisti ju-
dícium : * terra trémuit, et
quievit,

Cum exsúrgeret in judícium
Deus, * ut salvos fáceret om-
nes mansuétos terræ.

Quóniam cogitatio hóminis
confitébitur tibi; * et reli-
quæ cogitationis diem festum
agent tibi.

Vovéte, et réddite Dómino
Deo vestro, * omnes qui in
circúitu ejus affertis múnera.

Terríbili, et ei qui aufert
spíritum princípum; * terrí-
bili apud reges terræ.

Psalmus 82.

DEUS, quis símilis erit tibi?

* ne táceas, neque compescá-
ris, Deus;

Quóniam ecce inimíci tui
sonuérunt : * et qui odérunt
te, extulérunt caput.

Super pópulum tuum ma-
lignavérunt consílium, * et
cogitavérunt adversus sanctos
tuos.

Dixerunt : Veníte, et dis-
perdámus eos de gente; * et
non memorétur nomen Israel
ultra.

Quóniam cogitavérunt una-
nímiter : * simul adversum te
testamentum disposuérunt ta-
bernácula Idumæórum et Is-
mahelítæ,

Moab, et Agaréni, Gebal, et
Ammon, et Amalec; * Aliení-
genæ cum habitántibus Ty-
rum.

Etenim Assur venit cum
illis; * facti sunt in adjutó-
rium fíliis Lot.

Fac illis sicut Mádian, et
Sísaræ; * sicut Jabin in tor-
rente Cisson.

Disperiérunt in Endor; *
facti sunt ut stercus terræ.

Pone príncipes eórum sicut
Oreb, et Zeb, * et Zébee, et
Sálmana;

Omnes príncipes eórum, *
qui dixerunt : Hæreditáte pos-
sideámus sanctuárium Dei.

Divisio Psalmi 82.

DEUS meus, pone illos ut
rotam, * et sicut stípulam ante
faciem venti.

Sicut ignis qui combúrit
silvam, * et sicut flamma com-
búrens montes;

Ita persequeris illos in tempestate tua, * et in ira tua turbabis eos.

Imple fácies eórum ignominia; * et quærent nomen tuum, Dómine.

Erubescant et conturbentur in séculum séculi, * et confundantur, et péreant :

Et cognoscant quia nomen tibi, Dóminus; * tu solus Altíssimus in omni terra.

Ant. 6. F. Cogitatio hóminis confitébitur tibi; et reliquæ cogitationis diem festum agent tibi. *Ps. 75.*

Y. Confiteantur tibi, Dómine, ómnia ópera tua; *R.* Et sancti tui benedícant tibi. *Ps. 144.*

AD LAUDES.

Psalmus 16.

EXAUDI, Dómine, justítiam meam : * intende deprecationem meam.

Auribus pèrcipe orationem meam, * non in lábiis dolosis.

De vultu tuo júdicium meum pródeat : * óculi tui vídeant æquitates.

Probasti cor meum, et visitasti nocte : * igne me examinasti; et non est inventa in me iniquitas.

Ut non loquátur os meum ópera hóminum, * propter verba labiórum tuórum ego custodívi vias duras.

Pérfice gressus meos in sémitis tuis, * ut non moveantur vestígia mea.

Ego clamávi, quóniam exaudisti me, Deus : * inclína

aurem tuam mihi, et exaudi verba mea.

Mirífica misericórdias tuas, * qui salvos facis sperantes in te.

A resisténtibus dèxteræ tuæ custódi me, * ut pupilam óculi.

Sub umbra alárum tuárum prótege me * a fácie impiórum qui me afflixérunt.

Divisio Psalmi 16.

INIMICI mei ánimam meam circumdedérunt; ádipem suum conclusérunt : * os eórum locútum est supérbiam.

Projicientes me nunc circumdedérunt me : * óculos suos statuérunt declináre in terram.

Susceperunt me sicut leo parátus ad prædam, * et sicut cátulus leónis hábitans in abdítis.

Exsurge, Dómine, præveni eum, et supplantá eum : * éripe ánimam meam ab ímpio, frámeam tuam ab inimicis manus tuæ.

Dómine, a paucis de terra dívide eos in vita eórum : * de absconditis tuis adimplétus est venter eórum.

Saturáti sunt fíliis; * et dimiserunt reliquias suas párvulis suis.

Ego autem in justítia aparébo conspéctui tuo : * satiábor, cum apparúerit glória tua.

Psalmus 56.

MISERERE mei, Deus, mi-

serére mei; * quóniam in te confidit ánima mea.

Et in umbra alárum tuárum sperábo, * donec tránseat iníquitas.

Clamábo ad Deum altíssimum, * Deum qui benefécit mihi.

Misit de cœlo, et liberávit me : * dedit in oppróbrium concultantes me.

Misit Deus misericórdiam suam et veritátem suam; * et erípuit ánimam meam de médio catulórum leónum : dormívi conturbátus.

Fílii hóminum, dentes eórum arma et sagittæ; * et lingua eórum gládius acútus.

Exaltáresuper cœlos, Deus; * et in omnem terram glória tua.

Láqueum paravérunt pédibus meis; * et incurvavérunt ánimam meam.

Foderunt ante fáciem meam foveam; * et incidérunt in eam.

Parátum cor meum, Deus, parátum cor meum; * cantábo et psalmum dicam.

Exsurge, glória mea; exsurge, psalterium et cíthara : * exurgam dilúculo.

Confitébor tibi in pópulis, Dómine : * et psalmum dicam tibi in géntibus;

Quóniam magnificáta est usque ad cœlos misericórdia tua, * et usque ad nubes véritas tua.

Exaltáresuper cœlos, Deus; * et super omnem terram glória tua.

Canticum. Judith 16.

Dicitur in Officio B. M. V. in Sabbato et in Sabbato Quatuor Temporum.

INCIPITE Dómino in tympanis : * cantáte Dómino in cymbalis.

Modulámini illi psalmum novum : * exaltáte, et invocáte nomen ejus.

Dóminus cónterens bella : * Dóminus nomen est illi.

Qui pósuit castra sua in médio pópuli sui, * ut eríperet nos de manu ómnium inimicórum nostrórum.

Venit Assur ex móntibus ab Aquilóne, * in multitudíne fortitúdinis suæ :

Cujus multitudó obturávit torrentes, * et equi eórum cooperuérunt valles.

Dixit se incensúrum fines meos, * et júvenes meos occisúrum gládio,

Infantes meos dare in prædam, * et vírgines in captivitátem.

Dóminus autem omnípotens nócuit eum, et tradídit eum in manus féminæ, * et confodit eum.

Psalmus 116.

LAUDATE Dóminum, omnes gentes : * laudáte eum, omnes pópuli;

Quóniam confirmáta est super nos misericórdia ejus, * et véritas Dómini manet in æternum.

Ant. 2. D. Laudáte Dómi-

num, omnes pópuli; quóniam confirmáta est super nos misericórdia ejus. *Ps.* 116.

Capitulum. Colóss. 1.

NON cessámus pro vobis orantes, et postulantes ut impleámini agnitióne voluntátis Dei, in omni sapiéntia et intellectu spirítali; ut ambulétis digne Deo, per ómnia placentes, in omni ópere bono fructificantes, et crescentes in sciéntia Dei, in omni virtúte confortáti secundum poténtiam claritátis ejus.

Hymnus. C.

RERUM Créator ómnium,
Nostros labóres adjuva;
Ut casta Christi nómine
Nos vita dignos árguat.

Tu, nempe sanctus et potens,

Placére das solus tibi:
Tu legis auctor das sequi
Quod lege præmonstras iter.

Cingunt iter perícula,
Tu lúbricos firma pedes;
Et certióre férvidi
Pergémus ad metam gradu.

O meta felix, pax ubi
Et vera nos manet quies;
Ubi voluptátis sacro
Torrente potábis tuos!

Te mens, o alma Trínitas,
Anhélat ardens, te sitit:
Tua redemptis grátia
Æterna redde præmia.

Amen.

Ÿ. Deduc me, Dómine, et ingrédiar in veritáte tua: *ŷl.*
Lætétur cor meum, ut tímeat nomen tuum. *Ps.* 85.

AD PRIMAM.

Psalms 87.

DOMINE Deus salútis meæ,
* in die clamávi et nocte coram te.

Intret in conspectu tuo oratio mea: * inclína aurem tuam ad precem meam;

Quia repléta est malis ánima mea, * et vita mea inferno appropinquávit.

Æstimátus sum cum descendéntibus in lacum: * factus sum sicut homo sine adjutório, inter mórtuos liber:

Sicut vulneráti dormientes in sepulcris, quorum non es memór ámplius; * et ipsi de manu tua repulsi sunt.

Posuérunt me in lacu inférióri, * in tenebrósis, et in umbra mortis.

Super me confirmátus est furor tuus, * et omnes fluctus tuos induxisti super me.

Longe fecisti notos meos a me: * posuérunt me abominatióne sibi.

Tráditus sum, et non egrediebar: * óculi mei languérunt præ inópia.

Clamávi ad te, Dómine, tota die: * expandi ad te manus meas.

Numquid mórtuis fácies mirábília? * aut médici suscitábunt et confitebuntur tibi?

Numquid narrábit áliquis in sepulcro misericórdiam tuam, * et veritátem tuam in perditiónem?

Numquid cognoscentur in tenebris mirábília tua, * et

justítia tua in terra obliuionis?

Et ego ad te, Dómine, clamávi; * et mane orátio mea præueniet te.

Ut quid, Dómine, repellis orationem meam? * avertis faciē tuam a me?

Pauper sum ego, et in labóribus a iuventúte mea: * exaltátus autem, humiliátus sum et conturbátus.

In me transiérunt iræ tuæ; * et terróres tui conturbavérunt me.

Circumdedérunt me sicut aqua tota die; * circumdedérunt me simul.

Elongasti a me amicum et próximum, * et notos meos a miséria.

Psalmus 142.

DOMINE, exaudi orationem meam: * auribus percipe obsecrationem meam in veritate tua; exaudi me in tua justítia.

Et non intres in iudicium cum servo tuo; * quia non justificabitur in conspectu tuo omnis vivens.

Quia persecútus est inimicus animam meam: * humiliávit in terra vitam meam.

Collocávit me in obscuris sicut mórtuos séculi; * et anxíatus est super me spíritus meus: in me turbátum est cor meum.

Memor fui diérum antiquórum: meditátus sum in omnibus opéribus tuis; * in factis mánuum tuárum meditábar.

Expandi manus meas ad te: * ánima mea sicut terra sine aqua tibi.

Velóciter exaudi me, Dómine; * defécit spíritus meus.

Non avertas faciē tuam a me; * et símilis ero descendéntibus in lacum.

Audítam fac mihi mane misericórdiam tuam; * quia in te sperávi.

Notam fac mihi viam in qua ámbulem; * quia ad te levávi ánimam meam.

Divisio Psalmi 142.

ERIPE me de inimícis meis, Dómine: ad te confúgi: * doce me fácere voluntatem tuam, quia Deus meus es tu.

Spíritus tuus bonus dedúcet me in terram rectam: * propter nomen tuum, Dómine, vivificábis me in æquitáte tua.

Educes de tribulatione animam meam; * et in misericórdia tua disperdes inimícos meos.

Et perdes omnes qui tribulant animam meam; * quóniam ego servus tuus sum.

Ant. 7. d. Notam fac mihi viam in qua ámbulem; quia ad te levávi ánimam meam, Dómine. *Ps. 142.*

AD TERTIAM.

Psalmus 28.

AFFERTE Dómino, filii Dei; * afferte Dómino filios aríetum.

Afferte Dómino glóriam et

honórem; afferte Dómino glóriam nómini ejus: * adoráte Dóminum in átrio sancto ejus.

Vox Dómini super aquas; Deus majestátis intónuit: * Dóminus super aquas multas.

Vox Dómini in virtúte: * vox Dómini in magnificéntia.

Vox Dómini confringentis cedros; * et confringet Dóminus cedros Líbani;

Et commínuet eas tanquam vítulum Líbani; * et dilectus quemádmódum fílius unicór-nium.

Vox Dómini intercidentis flammam ighis: vox Dómini concutientis desertum; * et commovébit Dóminus desertum Cades.

Vox Dómini præparantis cervos, et revelábit condensa; * et in templo ejus omnes dicent glóriam.

Dóminus dilúvium inhabítare facit, * et sedébit Dóminus rex in æternum.

Dóminus virtútem pópulo suo dabit: * Dóminus benedícat pópulo suo in pace.

Psalmus 44.

ERUCTAVIT COR MEUM verbum bonum: * dico ego ópera mea regi.

Lingua mea * cálamus scribæ velóriter scribentis.

Speciósus forma præ fíliis hóminum: diffúsa est grátia in lábiis tuis; * proptérea benedixit te Deus in æternum.

Accíngere gládio tuo super femur tuum, * Potentíssime.

Spécie tua et pulchritúdine tua intende, * prospere procéde,

Et regna propter veritátem, et mansuetúdinem, et justítiam; * et dedúcet te mirábiliter délixtera tua.

Sagittæ tuæ acútæ, pópuli sub te cadent, * in corda inimicórum regis.

Sedes tua, Deus, in séculum séculi: * virga directiónis, virga regni tui.

Dilexisti justítiam, et odisti iniquitátem; * proptérea unxit te, Deus, Deus tuus, oleo lætítiæ præ consórtibus tuis.

Myrrha, et gutta, et cásia a vestimentis tuis, a dómibus ebúrneis; * ex quibus delectavérunt te fíliæ regum in honóre tuo.

Adstitit regína a dextris tuis in vestítu deauráto, * circúmdata varietáte.

Audi, fília, et vide, et inclína aurem tuam; * et obli-víscere pópulum tuum, et domum patris tui:

Et concupiscet rex decórem tuum, * quóniam ipse est Dóminus Deus tuus; et adorábunt eum.

Et fíliæ Tyri in munéribus: * vultum tuum deprecabuntur omnes dívites plebis.

Omnis glória ejus fíliæ regis ab intus: * in fímbriis aureis, circumamicta varietátibus.

Adducentur regi vírgines post eam: * próximæ ejus afferentur tibi.

Afferentur in lætítia et exsul-

tatione; * adducentur in templum regis.

Pro patribus tuis nati sunt tibi filii : * constitues eos principes super omnem terram.

Mémoires erunt nómínis tui * in omni generatióne et generatióne.

Propterea pópuli confitebuntur tibi in æternum, * et in séculum séculi.

Psalmus 149.

CANTATE Dómino cánticum novum : * laus ejus in ecclésia sanctorum.

Lætétur Israel in eo qui fecit eum; * et filii Sion exsultent in rege suo.

Laudent nomen ejus in choro : * in tympano et psalterio psallant ei;

Quia beneplácitum est Dómino in pópulo suo, * et exaltábit mansuétos in salutem.

Exsultábunt sancti in glória : * lætabuntur in cubilibus suis.

Exaltatiónes Dei in gútture eórum; * et gládii ancípites in manibus eórum,

Ad faciendam vindictam in natióibus, * increpationes in pópulis :

Ad alligandos reges eórum in compédibus, * et nobiles eórum in manibus ferreis;

Ut fáciant in eis júdicium conscriptum : * glória hæc est ómnibus sanctis ejus.

Ant. 4. a. Afferte Dómino glóriam et honórem. *Ps. 28.*

Capitulum. Coloss. 3.

OMNE quodcumque fácitis, in verbo aut in ópere, ómnia in nómine Dómini Jesu Christi; grátias agentes Deo et Patri per ipsum.

R. br. Benedícam Dóminum, * In omni témpore. Benedícam. *Ÿ.* Semper laus ejus * in ore meo, * In omni témpore. Glória Patri. Benedícam. *Ps. 33.*

Ÿ. Laudábo Dóminum in vita mea : *R.* Psallam Deo meo, quám diu fuero. *Ps. 145.*

AD SEXTAM.

Psalmus 45.

DEUS noster refúgium et virtus : * adjútor in tribulationibus quæ invenérunt nos nimis.

Propterea non timébimus, dum turbábitur terra, * et transferentur montes in cor maris.

Sonuérunt et turbátæ sunt aquæ eórum : * conturbáti sunt montes in fortitúdine ejus.

Flúminis ímpetus lætíficat civitátem Dei : * sanctificávit tabernáculum suum Altíssimus.

Deus in médio ejus; non commovébitur : * adjuvábít eam Deus mane dilúculo.

Conturbátæ sunt gentes, et inclináta sunt regna : * dedit vocem suam, mota est terra.

Dóminus virtútum nobiscum, * susceptor noster Deus Jacob.

Veníte, et vidéte ópera Dómini, quæ pósuit prodígia super terram, * áuferens bella usque ad finem terræ.

Arcum cónteret, et confringet arma, * et scuta combúret igni.

Vacáte, et vidéte quóniam ego sum Deus : * exaltábor in géntibus, et exaltábor in terra.

Dóminus virtútum nobiscum, * susceptor noster Deus Jacob.

Psalmus 47.

MAGNUS Dóminus, et laudábilis nimis, * in civitáte Dei nostri, in monte sancto ejus.

Fundátur exsultatióne universæ terræ mons Sion, * látera aquilónis, civitas Regis magni.

Deus in dómibus ejus cognoscétur, * cum suscípiet eam.

Quóniam ecce reges terræ congregáti sunt : * convenérunt in unum.

Ipsi videntes sic admiráti sunt, * conturbáti sunt, commóti sunt.

Tremor apprehendit eos : * ibi dolóres ut parturientis.

In spíritu vehementi * cónteres naves Tharsis.

Sicut audívimus, sic vídimus in civitáte Dómini virtútum, in civitáte Dei nostri : * Deus fundávit eam in æternum.

Suscépimus, Deus, misericórdiam tuam * in médio templi tui.

Autumnalis.

Secundum nomen tuum, Deus, sic et laus tua in fines terræ : * justítia plena est déxtera tua.

Lætétur mons Sion, et exsultent filíæ Judæ * propter judícia tua, Dómine.

Circúmdate Sion, et complectímini eam : * narráte in túrribus ejus.

Pónite corda vestra in virtúte ejus, et distribúite domos ejus, * ut enarrétis in progénie áltera;

Quóniam hic est Deus, Deus noster in æternum, et in séculum séculi : * ipse reget nos in sécula.

Psalmus 86.

FUNDAMENTA ejus in móntibus sanctis : * dīligit Dóminus portas Sion super ómnia tabernácula Jacob.

Gloríosa dicta sunt de te, * civitas Dei.

Memor ero Rahab et Babilónis, * sciéntium me.

Ecce Alienígenæ et Tyrus, et pópulus Æthíopum, * hi fuérunt illic.

Numquid Sion dicet : Homo, et homo natus est in ea ; * et ipse fundávit eam Altíssimus?

Dóminus narrábit in scriptúris populórum et príncipum, * horum qui fuérunt in ea.

Sicut lætántium ómnium * habitatio est in te.

Ant. 1. g. Adjútor noster Deus ; proptérea non timébimus. *Ps. 45.*

Capitulum. II. Petr. I.

SATAGITE ut per bona ópera certam vestram vocatióem et electiÓnem faciátis; hæc enim facientes, non peccábitis aliquando.

R. *br.* Quærite Dóminum, * Et confirmámini. Quærite. *Y.* Quærite * faciém ejus semper, * Et confirmámini. Glória Patri. Quærite Dóminum. *Ps.* 104.

Y. Accédite ad eum, et illuminámini; *R.* Et faciés vestræ non confundentur. *Ps.* 33.

AD NONAM.

Psalmus. 59.

DEUS, repulisti nos, et destruxisti nos: * irátus es, et misertus es nobis.

Commovisti terram, et conturbasti eam: * sana contritiÓnes ejus, quia commóta est.

Ostendisti pópulo tuo duram: * potasti nos vino compunctiÓnis.

Dedisti metuéntibus te significatiÓnem, * ut fugiant a facié arcus;

Ut liberentur dilecti tui: * salvum fac dextera tua, et exaudi me.

Deus locútus est in sancto suo: * Lætabor, et partíbor Síchimam, et convallem Tabernaculórum metíbor;

Meus est Gálaad, et meus est Manasses; * et Ephraim fortitúdo cápitis mei:

Juda rex meus, * Moab óbla spei meæ.

In Idumæam extendam calceamentum meum: * mihi Alienígenæ súbditi sunt.

Quis dedúcet me in civitátem munitam? * quis dedúcet me usque in Idumæam?

Nonne tu, Deus, qui repulisti nos? * et non egrediéris, Deus, in virtútibus nostris.

Da nobis auxiliúm de tribulatiÓne, * quia vana salus hóminis.

In Deo faciémus virtútem; * et ipse ad níhilum dedúcet tribulantes nos.

Psalmus 73.

UT quid, Deus, repulisti in finem? * irátus est furor tuus super oves páscuæ tuæ?

Memor esto congregatiÓnis tuæ, * quam possedisti ab initio.

Redemisti virgam hæreditátis tuæ: * mons Sion, in quo habitasti in eo.

Leva manus tuas in superbiis eórum in finem: * quanta malignátus est inimícus in sancto!

Et gloriáti sunt qui odérunt te, * in médio solemnitatís tuæ.

Posuérunt signa sua, signa; * et non cognóverunt, sicut in éxitu super summum.

Quasi in silva lignórum secúribus excidérunt jánuas ejus in idipsum: * in secúri et áscia dejecerunt eam.

Incendérunt igni sanctuárium tuum: * in terra polluerunt tabernáculum nóminis tui.

Dixerunt in corde suo co-

gnatio eorum simul : * Quiés-
cere faciámus omnes dies fes-
tos Dei a terra.

Signa nostra non vídimus,
jam non est prophéta ; * et
nos non cognoscet ámplius.

Divisio Psalmi 73.

USQUEQUO, Deus, imprope-
rábit inimícus ? * irrítat adver-
sárius nomen tuum in finem ?

Ut quid avertis manum
tuam et dexteram tuam * de
medio sinu tuo in finem ?

Deus autem rex noster ante
sécula, * operátus est salútem
in médio terræ.

Tu confirmasti in virtúte
tua mare ; * contribulasti cá-
pita draconum in aquis.

Tu confregisti cápita dra-
cónis : * dedisti eum escam
pópulis Æthiopum.

Tu dirupisti fontes et tor-
rentes : * tu siccasti flúvios
Ethan.

Tuus est dies, et tua est
nox : * tu fabricátus es auró-
ram et solem.

Tu fecisti omnes términos
terræ : * æstátem et ver, tu
plasmasti ea.

Memor esto hujus, inimí-
cus improperávit Dómino ; *
et pópulus insípiens incitávit
nomen tuum.

Ne tradas béstiis ánimas
confitentes tibi ; * et ánimas
páuperum tuorum ne oblivis-
cáris in finem.

Réspice in testamentum
tuum ; * quia repléti sunt, qui
obscuráti sunt terræ, dómi-
bus iniquitátum.

Ne avertátur húmilis factus
confúsus : * pauper et inops
laudábunt nomen tuum.

Exsurge, Deus, júdica cau-
sam tuam : * memor esto im-
properiórum tuórum, eórum
quæ ab insipiente sunt tota
die.

Ne obliviscáris voces inimi-
córum tuórum : * supérbia
eórum qui te odérunt, ascen-
dit semper.

*Ant. 8. c. Pauper et inops
laudábunt nomen tuum, Dó-
mine. Ps. 73.*

Capitulum. Philip. 4.

QUÆCUMQUE SUNT vera, quæ-
cumque pudíca, quæcumque
justa, quæcumque sancta,
quæcumque amabilia, quæ-
cumque bonæ famæ, si qua
virtus, si qua laus disciplínæ,
hæc cogítate.

℞. *br.* Mandasti justítiam *
Testimónia tua. Mandasti. ✕.
Et veritátem tuam * nimis, *
Testimónia tua. Glória Patri.
Mandasti.

✕. Feci júdiciu et justí-
tiam : ℞. Non tradas me ca-
lumniántibus me. *Ps. 118.*

AD VESPERAS.

*Vesperæ Sabbati nonnisi Ves-
peris alterutris Duplicis-majoris
et supra cedunt.*

Psalmus 127.

BEATI omnes qui timent Dó-
minu, * qui ámbulant in
viis ejus.

Labóres mánuum tuárum

quia manducábis, * beátus es, et bene tibi erit.

Uxor tua sicut vitis abundans * in latéribus domus tuæ.

Fílii tui sicut novellæ olivárum * in circúitu mensæ tuæ.

Ecce sic benedicétur homo, * qui timet Dóminum.

Benedícat tibi Dóminus ex Sion; * et vídeas bona Jerúsalem ómnibus diébus vitæ tuæ.

Et vídeas fílios filiórum tuórum, * pacem super Israel.

Ant. 4. D. Beáti omnes qui timent Dóminum, qui ámbulant in viis ejus.

Psalmus 131.

MEMENTO, Dómine, David, * et omnis mansuetúdinis ejus.

Sicut jurávit Dómino, * votum vovit Deo Jacob :

Si introíero in tabernáculum domus meæ, * si ascéndero in lectum strati mei :

Si dédero somnum óculis meis, * et pálpebris meis dormitiónem,

Et réquiem tempóribus meis, donec invéniam locum Dómino, * tabernáculum Deo Jacob.

Ecce audívimus eam in Ephrata : * invénimus eam in campis silvæ.

Introívimus in tabernáculum ejus : * adorábitus in loco ubi steterunt pedes ejus.

Surge, Dómine, in réquiem tuam; * tu et arca sanctificatiónis tuæ.

Sacerdótes tui induantur

justítiam, * et sancti tui exsultent.

Propter David servum tuum, * non avertas faciém Christi tui.

Ant. 1. a. Surge, Dómine, in réquiem tuam; et sancti tui exsultent.

Divisio Psalmi 131.

JURAVIT Dóminus David veritatem; et non frustrábitur eum : * De fructu ventris tui ponam super sedem tuam.

Si custodierint filii tui testamentum meum, * et testimónia mea hæc quæ docébo eos ;

Et filii eórum usque in séculum * sedébunt super sedem tuam.

Quóniam elégit Dóminus Sion : * elégit eam in habitatióne sibi.

Hæc réquies mea in séculum séculi : * hic habitábo, quóniam elégi eam.

Víduam ejus benedícens benedícam : * páuperes ejus saturábo pánibus.

Sacerdótes ejus induam salutári; * et sancti ejus exsultatióne exsultábunt.

Illuc prodúcam cornu David : * parávi lucernam Christo meo.

Inimícos ejus induam confusióne; * super ipsum autem efflorébit sanctificatió mea.

Ant. 7. c. Sion réquies mea in séculum séculi : sancti ejus exsultatióne exsultábunt.

Psalmus 143.

BENEDICTUS Dóminus Deus meus, qui docet manus meas ad prælium, * et dígitos meos ad bellum.

Misericórdia mea, et refúgium meum, * susceptor meus, et liberátor meus.

Protector meus, et in ipso sperávi : * qui subdit pópulum meum sub me.

Dómine, quid est homo, quia innotuisti ei? * aut fílius hóminis, quia réputas eum?

Homo vanitáti similis factus est : * dies ejus sicut umbra prætereunt.

Dómine, inclína cælos tuos, et descende : * tange montes, et fumigábunt.

Fúlgura coruscationem, et dissipábis eos : * emitte sagittas tuas, et conturbábis eos.

Emitte manum tuam de alto : éripe me, et libera me de aquis multis, * de manu filiórum alienórum,

Quorum os locútum est vanitatem; * et dextera eórum, dextera iniquitátis.

Ant. 2. D. Deus meus, misericórdia mea, et susceptor meus.

Divisio Psalmi 143.

Deus, cánticum novum cantábo tibi : * in psaltério de cachordo psallam tibi.

Qui das salútem régibus; * qui redemisti David servum tuum de gládio maligno, éripe me,

Et érue me de manu filió-

rum alienórum, quorum os locútum est vanitatem; * et dextera eórum, dextera iniquitátis :

Quorum filii sicut novellæ plantationes * in juventúte sua.

Filiæ eórum compósitæ, * circumornatæ ut similitúdo templi.

Promptuária eórum plena, * eructántia ex hoc in illud.

Oves eórum fœtósæ, abundantes in egréssibus suis; * boves eórum crassæ.

Non est ruína maceríæ, neque tránsitus, * neque clamor in pláteis eórum.

Beátum dixerunt pópulum cui hæc sunt : * beátus pópulus, cujus Dóminus Deus ejus.

Ant. 6. F. Beátus pópulus, cujus Dóminus Deus ejus.

Capitulum. Tit. 2.

SALVATOR noster Jesus Christus dedit semetipsum pro nobis, ut nos redímeret ab omni iniquitáte, et mundáret sibi pópulum acceptábilem, sectatórem bonórum óperum.

Hymnus. C.

SUPREME motor córdium,
Tu sanctitátis frúgibus
Justos ab orbe cóndito
Tenóre ditas pérpeti.

Hic spes, fides et caritas
Dulci cohærent vínculo :
Præsentis ævi post diem
Manébit una caritas.

O caritas! o véritas!
O lux perennis! en erit.

Post tot labóres, ut tuo
Tandem fruámur sábbato.

Hic mille per discrímína
Semen gementes spárgimus :
Illic ovante spléndidam
Gestábimus messem manu.

Tu trine, tu potens Deus,
Largíre fructus quos petis :
Mox dona, justus árbitér,
Cœlo coronábis tua. Amen.

✠. Beneplácitum est Dómi-
no in pópulo suo ; R. Et ex-
altábit mansuétos in salútem.
Ps. 149.

Ad Magníficat, Ant. 5. a.
Anima mea exsultábit in Dó-
mino, et delectábitur super
salutári suo. *Ps. 34.*

Oratio Dominicæ sequentis.

AD COMPLETORIUM.

Psalmus 50.

MISERERE mei, Deus, * se-
cundum magnam misericór-
diam tuam.

Et secundum multitudínem
miseratiónum tuárum * dele
iniquitátem meam.

Amplius lava me ab iniqui-
táte mea, * et a peccáto meo
munda me ;

Quóniam iniquitátem me-
am ego cognosco, * et peccá-
tum meum contra me est
semper.

Tibi soli peccávi, et malum
coram te feci ; * ut justificéris
in sermónibus tuis, et vincas
cum judicáris.

Ecce enim in iniquitatibus
conceptus sum, * et in pec-
cátis concépit me mater mea.

Ecce enim veritátem di-

lexisti : * incerta et occulta sa-
piéntiæ tuæ manifestasti mihi.

Asperges me hyssópo, et
mundabor : * lavábis me, et
super nivem dealbabor.

Audítui meo dabis gáudium
et lætítiam ; * et exsultábunt
ossa humiliáta.

Averte faciém tuam a pec-
cátis meis, * et omnes iniqui-
tates meas dele.

Cor mundum crea in me,
Deus ; * et spíritum rectum
innova in viscéribus meis.

Ne projícias me a fácie tua ;
* et Spíritum sanctum tuum
ne áuferas a me.

Redde mihi lætítiam salu-
táris tui ; * et spíritu princi-
páli confirma me.

Docébo iníquos vias tuas ;
* et impíi ad te convertentur.

Líbera me de sanguínibus,
Deus, Deus salútis meæ ; * et
exsultábit lingua mea justí-
tiam tuam.

Dómine, lábia mea apéries ;
* et os meum annuntiábit lau-
dem tuam.

Quóniam si voluisses sacri-
fícium, dedissem útique ; *
holocaustis non delectaberis.

Sacrificium Deo spíritus
contríbulátus : * cor contrí-
tum et humiliátum, Deus,
non despícies.

Benigne fac, Dómine, in
bona voluntáte tua Sion ; * ut
ædificentur muri Jerúsalem.

Tunc acceptábis sacrifici-
um justítiæ, oblatiões et
holocausta ; * tunc impónent
super altáre tuum vítulos.

Psalmus 85.

INCLINA, Dómine, aurem tuam, et exaudi me; * quóniam inops et pauper sum ego.

Custódi ánimam meam, quóniam sanctus sum : * sal-
vum fac servum tuum, Deus meus, sperantem in te.

Miserére mei, Dómine, quóniam ad te clamávi tota die : * lætifica ánimam servi tui, quóniam ad te, Dómine, ánimam meam levávi.

Quóniam tu, Dómine, suávis et mitis; * et multæ misericórdiæ ómnibus invocántibus te.

Auribus pèrcipe, Dómine, oratióem meam; * et intende voci deprecatiósni meæ.

In die tribulatióis meæ clamávi ad te, * quia exaudisti me.

Non est símilis tui in diis, Dómine; * et non est secundum ópera tua.

Omnes gentes, quascumque fecisti, vénient et adorábunt coram te, Dómine, * et glori-
ficábunt nomen tuum;

Quóniam magnus es tu, et fáciens mirabília; * tu es Deus solus.

Divisio Psalmi 85.

DEDUC me, Dómine, in via tua, et ingrédiar in veritate tua : * lætétur cor meum, ut timeat nomen tuum.

Confitébor tibi, Dómine Deus meus, in toto corde meo, * et glorificábo nomen tuum in æternum.

Quia misericórdia tua magna est super me, * et eruisti ánimam meam ex inferno inferióri.

Deus, iníqui insurrexérunt super me, et synagóga poténtium quæsiérunt ánimam meam; * et non proposuérunt te in conspectu suo.

Et tu, Dómine, Deus miserátor et miséricors, * pátiens, et multæ misericórdiæ, et verax.

Réspice in me, et miserére mei : * da impérium tuum púero tuo, et sal-
vum fac filium ancillæ tuæ.

Fac mecum signum in bonum, ut vídeant qui odérunt me, et confundantur; * quóniam tu, Dómine, adjuvisti me, et consolátus es me.

Ant. 8. G. Miserére mei, Dómine; quóniam ad te clamávi tota die. *Ps.* 85.

ORDINARIUM BREVIARII.

Ante Orationem, præpara animam tuam; et noli esse quasi homo qui tentat Deum. Eccli. 18.

Dómine, doce nos oráre. Luc. 11.

D. B. Episcopus concessit quadraginta dies de Indulgentiis sequentem Orationem (ad devotionem) recitantibus, ante Officium aut ante quamlibet Horam Officii, si a præcedenti separetur.

APERI, Dómine, os meum ad benedicendum nomen sanctum tuum; munda quoque cor meum ab ómnibus vanis, perversis et aliénis cogitatiónibus; intellectum illúmina, affectum inflamma; ut digne, attente, ac devóte hoc Officium recitáre váleam, et exaudíri mérear ante conspectum divínæ majestátis tuæ: Per Christum Dóminum nostrum. Amen.

Dómine Jesu, in unióne illíus divínæ intentiónis, qua ipse in terris laudes Deo Patri persolvisti, has tibi Horas persolvo.

AD OFFICIUM NOCTURNUM.

Dicitur secreto.

PATER noster, qui es in cœlis; sanctificétur nomen tuum: advéniat regnum tuum: fiat voluntas tua sicut in cœlo et in terra: panem nostrum quotidiánum da nobis hódie: et dimitte nobis débita nostra, sicut et nos dimíttimus debitoribus nostris: et ne nos indúcas in tentatiónem; sed líbera nos a malo. Amen.

AVE, Maríá, grátia plena; Dóminus tecum: benedicta tu in muliéribus, et benedictus fructus ventris tui, Jesus.

Sancta María, mater Dei, ora pro nobis peccatóribus,

nunc, et in hora mortis nostræ. Amen.

CREDO in Deum, Patrem omnipotentem, Creatórem cœli et terræ: et in Jesum Christum, Fílium ejus únicum, Dóminum nostrum, qui conceptus est de Spíritu Sancto, natus ex María Vírgine; passus sub Póntio Piláto, crucifixus, mórtuus, et sepultus; descendit ad ínferos; tértia die resurrexit a mórtuis; ascendit ad cœlos; sedet ad dexteram Dei Patris omnipotentis; inde ventúrus est judicáre vivos et mórtuos. Credo in Spíritum Sanctum, sanctam Ecclésiám catholicam, Sanctórum com-

muniónem, remissionem peccatorum, carnis resurrectionem, vitam æternam. Amen.

Deinde alta voce dicitur, pollice signando sibi os signo crucis:

✠. Dómine †, lábia mea apéries; R. Et os meum annuntiábit laudem tuam.

Tum signando se a fronte ad pectus, et a sinistro humero ad dextrum:

✠. Deus †, in adjutórium meum intende: R. Dómine, ad adjuvandum me festína. Ps. 69.

Glória Patri, et Fílio, et Spirítui Sancto; Sicut erat in principio, et nunc, et semper, et in sécula seculórum. Amen. Allelúia.

Dicitur Invitatorium, quod requirendum est vel in Psalterio, vel in Communi, vel in aliis propriis locis juxta Officium diei; et sic de omnibus partibus Officii infra designandis, quæ in præsentí Ordinario non reperiuntur.

Invitatorium semper dicitur integrum ante Psalmum Veníte, et post Glória Patri cum Sicut erat. Post quemlibet alium versum, repetitur integrum in Solemnibus-majoribus et in Annua-libus; in cæteris autem Officiis, repetitur tantum a Reclamatione quæ designatur per Asteriscum.*

Psalmus 94.

VENITE, exsultémus Dómino; jubilémus Deo salutári nostro: præoccupémus faciém ejus in confessióne, et in psalmis jubilémus ei.

Quóniam Deus magnus Dóminus, et Rex magnus super omnes deos; quóniam non repellet Dóminus plebem suam; quia in manu ejus sunt omnes fines terræ, et altitúdines móntium ipse cónspicit.

Quóniam ipsíus est mare, et ipse fecit illud, et áridam fundavérunt manus ejus: veníte, adorémus, et procidámus ante Deum: plorémus coram Dómino qui fecit nos, quia ipse est Dóminus Deus noster; nos autem pópulus ejus, et oves pásquæ ejus.

Hódie si vocem ejus audiéritis, nolíte obduráre corda vestra, sicut in exacerbatióne, secundum diem tentatiónis in deserto, ubi tentavérunt me patres vestri, probavérunt, et vidérunt ópera mea.

Quadráginta annis próximus fui generatióni huic; et dixi: Semper hi errant corde; ipsi vero non cognovérunt vias meas: quibus jurávi in ira mea: Si introíbunt in réquiem meam.

Glória Patri, et Fílio, et Spirítui Sancto; Sicut erat in principio, et nunc, et semper, et in sécula seculórum. Amen.

Sequitur Hymnus desumptus unde Invitatorium. Dicuntur novem Psalmi prout distribuuntur in Psalterio pro singulis Hebdomadæ diebus, nisi aliter notetur.

In Officiis trium Lectionum, post singulos tres Psalmos, dicitur una Antiphona. In Officiis novem Lectionum, dicitur Ant. post quemlibet Psalmum.

Post ultimam Ant. cujusque

Nocturni, dicitur Versiculus; postea incipitur submissiori voce:

Pater noster.

Continuatur secreto, et sic terminatur alta voce:

✠. Et ne nos inducas in tentationem; R. Sed libera nos a malo.

Sic dicitur Pater noster, quotiescumque intra aliquam Horam recitatur.

In singulis Nocturnis tres dicuntur Lectiones cum R. R. R. post ipsas positus.

In hac parte Breviarii, extra Dominicas, omnes Lectiones de Scriptura reperiuntur in Proprio Feriarum et Festorum.

Lector ante quamlibet Lectionem, petit Benedictionem, dicens: Jube, Domne, benedicere; quod omittit qui solus recitat. In fine cujusque Lectionis dicitur: Tu autem, Domine, miserere nostri. R. Deo grátias.

Quæ quidem omnia servanda sunt, quotiescumque non aliter notatur.

Sic autem habentur

BENEDICTIONES.

IN OFFICIIS III LECTIONUM.

IN FERIIS.

1. Deus Dómini nostri Jesu Christi, Pater glóriæ, det nobis spíritum sapiéntiæ. R. Amen. *Ephes. 1. Sic respondetur post omnes Benedictiones.*

2. Fílius Dei det nobis sensum, ut cognoscámus verum Deum. *I. Joan. 5.*

3. Spíritus veritátis dóceat nos omnem veritátem. *Joan. 16.*

In Feriis Quatuor Temporum, quando fit de Feria, tertia Benedictio est:

Fúlgeat nobis illuminátio Evangélii glóriæ Christi, qui est imágo Dei. *II. Cor. 4.*

IN FESTIS B. MARIE VIRGINIS.

1. Deus a quo missus est Angelus Gábriel ad Vírginem Mariám, mittat nobis de cœlis sapiéntiam. *Luc. 1. Sap. 6.*

2. Fílius Altíssimi, quem Virgo concépit et péperit, det nobis filios Dei fieri. *Luc. 1. Joan. 1.*

3. Spíritus sanctus, qui supervénit in Mariám, hábitet in nobis. *Luc. 1.*

IN FESTIS SANCTORUM.

1. Dóminus dóceat nos viam bonam, sciéntiam Sanctorum. *II. Par. 6. Sap. 10.*

2. Aperiantur óculi nostri, ut convertámur a ténebris ad lucem, et accipiámus sortem inter Sanctos. *Act. 26.*

3. Digni habeámur regno Dei, cum vénerit in Sanctis suis admirábilis fieri. *II. Thess. 1.*

IN OFFICIIS IX LECTIONUM.

IN I NOCTURNO

CUJUSLIBET OFFICII.

Tres Benedictiones, ut supra in Feriis.

IN II NOCTURNO.

IN DOMINICIS AC FESTIS

DOMINI.

1. Pater Dómini nostri Jesu Christi benedícat nos in om-

ni benedictione spirituáli.
Ephes. 1.

2. Sciámus supereminentem
scientiæ caritatem Christi, ut
impleámur in omnem pleni-
tudinem Dei. *Ephes. 3.*

3. Unctio quam accépimus
a Deo, máneat in nobis et dó-
ceat nos de ómnibus. *1. Joan. 2.*

IN FESTIS B. MARIE VIRG.

*Tres Benedictiones, ut supra
in Officiis trium Lectionum de B.
M. V.*

IN FESTIS SANCTORUM.

*Tres Benedictiones, ut supra
in Officiis trium Lectionum de
S. S.*

IN III NOCTURNO

CUJUSLIBET OFFICII.

1. Occurrámus omnes in
unitatem fidei, et agnitiónis
Filii Dei; ut non circumfe-
rámur omni vento doctrínæ.
Ephes. 4.

2. Deus spei répleat nos
omni gáudio et pace in cre-
dendo; ut abundemus in spe
et virtute Spíritus sancti.
Rom. 15.

3. Detur nobis sermo in
apertione oris nostri cum fi-
dúcia, notum fácere mysté-
rium Evangélii. *Ephes. 6.*

(Quando D. Episcopus Lec-
tionem lecturus est, postquam
ipse præmisit ex more: Jube,
Domne, benedícere, dignior
post ipsum dicit illi: Ora pro
nobis, Pater. Ipse autem Ponti-
fex respondet: Oro ut caritas
vestra magis ac magis abun-
det in sciéntia et omni sensu.

Philipp. 1. Chorus, R. Amen.

*Idem observatur ubi unicus est
Presbyter.)*

*Post ultimum R. dicitur, ex-
tra feriale Officium, sequens*

Hymnus.

TE Deum laudámus: * te
Dóminum confitémur.

Te æternum Patrem * om-
nis terra venerátur.

Tibi omnes Angeli, * tibi
Cœli, et universæ Potestates,
Tibi Chérubim et Séraphim
* incessábili voce proclámant:

Sanctus,
Sanctus,
Sanctus,

* Dóminus Deus Sábaoth.

Pleni sunt cœli et terra *
majestátis glóriæ tuæ.

Te gloriósus * Apostolórum
chorus,

Te Prophetárum * laudábi-
lis númerus,

Te Mártyrum candidátus *
laudat exércitus.

Te per orbem terrárum *
sancta confitétur Ecclésia,

Patrem * immensæ majesta-
tis;

Venerandum tuum verum,
* et únicum Fílium,

Sanctum quoque * Paraclé-
tum Spíritum.

Tu Rex glóriæ, * Christe.

Tu Patris * sempiternus es
Fílius.

Tu, ad liberandum suscep-
túrus hóminem, * non hor-
ruisti Vírginis úterum.

Tu, devicto mortis acúleo,
* aperuisti credéntibus regna
cœlórum.

Tu ad dexteram Dei sedes
* in glória Patris.

Judex créderis * esse ventú-
rus.

(*Ad sequentem versum, in
Choro, ad altare convertitur.*)

Te ergo, quæsumus, famu-
lis tuis súbveni, * quos pre-
tioso sángine redemisti.

Æterna fac * cum Sanctis
tuis in glória numerári.

Salvum fac pópulum tuum,
Dómine, * et bédedic hæredi-
táti tuæ;

Et rege eos, * et extolle il-
los usque in æternum.

Per singulos dies * benedí-
cimus te,

Et laudámus nomen tuum
in séculum, * et in séculum
séculi.

Dignáre, Dómine, die isto
* sine peccáto nos custodíre.

Miserére nostri, Dómine, *
miserére nostri.

Fiat misericórdia tua, Dó-
mine, super nos, * quemád-
modum sperávimus in te.

In te, Dómine, sperávi, *
non confundar in æternum.

*Dicto Te Deum, aut, si non
dicatur, post ultimum Responso-
rium, nisi continuo sequantur
Laudes, hic dicitur:*

✠. Dóminus vobiscum.

℞. Et cum spíritu tuo.

(*Non dicitur Dóminus vo-
biscum ab eo qui solus recitat,
nec ab eo qui non est Diaconus,
nec a Diacono ipso, præsentem
Sacerdote, nisi de illius licentia,
sed ab eis hujus loco dicitur:
Dómine, exaudi orationem
meam; ℞. Et clamor meus ad
te véniat.*)

Deinde dicitur: Orémus.

(*Et sic ante quamlibet Ora-
tionem, nisi aliter notetur.*)

*Post levem pausam dicitur
Oratio de Laudibus cum integra
conclusionem; et iterum,*

✠. Dóminus vobiscum; ℞.
Et cum spíritu tuo.

✠. Benedicámus Dómino;
℞. Deo grátias.

Submissa voce:

Fidélium animæ per mise-
ricórdiam Dei requiescant in
pace. ℞. Amen.

Pater noster, secreto.

*Sic terminantur Laudes, Ter-
tia, Sexta, Nona, et Vesperæ,
quando unam ex his Horis aliud
Officium non sequitur.*

*Quando Preces dicendæ sunt
ad Laudes, statim post ultimum
℞. Officii Nocturni (si ab ipso
separentur Laudes), et ante
prædictam terminationem dicun-
tur, flexis genibus, Preces infra
ad Tertiam positæ.*

AD LAUDES.

PATER et Ave, si separentur a
Nocturno.

✠. Deus, † in adjutórium.

*Dicuntur quatuor Psalmi
prout notantur in Psalterio vel
in Proprio, cum Cantico conve-
nienti, et cum quinque Antiphonis
in Semiduplicibus et supra. In
Feriis autem dicitur unica Anti-
phona, post ultimum Psalmum;
pariter et in Simplicibus, pro
quibus sumitur quarta de Lau-
dibus Officii de quo fit.*

*Deinde Capitulum, Hymnus
et ✠. Quibus dictis:*

Canticum Zachariæ. Luc. 1.

BENEDICTUS Dóminus Deus Israel; * quia visitávit, et fecit redemptiónem plebis suæ.

Et erexit cornu salutis nobis * in domo David púeri sui:

Sicut locútus est per os sanctorum, * qui a século sunt, Prophetarum ejus,

Salutem ex inimicis nostris, * et de manu omnium qui odérunt nos;

Ad faciendam misericórdiam cum patribus nostris, * et memorári testamenti sui sancti:

Jusjurandum quod jurávit ad Abraham patrem nostrum, * datúrum se nobis;

Ut sine timóre, de manu inimicorum nostrorum liberati, * serviámus illi,

In sanctitáte et justítia coram ipso * omnibus diébus nostris.

Et tu, puer, Prophéta Altissimi vocáberis; * præbis enim ante fáciem Dómini parare vias ejus,

Ad dandam sciéntiam salutis plebi ejus, * in remissionem peccatorum eorum,

Per víscera misericórdiæ Dei nostri, * in quibus visitávit nos Oriens ex alto,

Illumináre his qui in ténébris et in umbra mortis sedent, * ad dirigendos pedes nostros in viam pacis.

Glória.

Post Antiphonam, dicitur
Dóminus vobiscum.

Orémus.

Oratio propria, cum integra conclusione.

Si facienda sit aliqua Commem. fit eo loco per Orationem Officii de quo fit Commem. cum integra conclusione, et iterum præmisso Orémus. Si duæ sint, ante priorem duntaxat præmittitur Orémus, et post ultimam tantum fit integra conclusio, ad intermediam nulla.

Post ultimam Orationem dicitur: V. Dóminus vobiscum. R. Et cum spíritu tuo.

V. Benedicámus Dómino. R. Deo grátias.

IN FERIIS COMMUNIBUS.

Post Orationem diei fiunt sequentia Suffragia, juxta Rubricam supra præscriptam pro Commemorationibus.

In Oratione autem de B. M. V. et de Omnibus SS. post nomen S. Stephani, ad litteram N. additur nomen Patroni, vel præmittitur, si Patronus ille sit aliquis Angelorum, Patriarcharum, Apostolorum, vel Evangelistarum.

SUFFRAGIUM DE S. CRUCR.

Oratio. Brev. Rom.

PERPETUA NOS, quæsumus, Dómine, pace custódi, quos per lignum sanctæ Crucis redímere dignátus es.

SUFFRAGIUM DE B. M. V. ET DE OMNIBUS S. S.

Oratio. Miss. Ambr.

A CUNCTIS NOS, quæsumus, Dómine, mentis et córporis

defende periculis; et intercedente beata semper virgine Dei genitrice Maria, cum beatis Apostolis tuis Petro et Paulo, cum beato Stephano, atque beato N. et omnibus Sanctis, salutem nobis tribue benignus et pacem; ut destructis adversitatibus et erroribus universis, Ecclesia tua secura tibi serviat libertate; Per eundem Dominum nostrum Jesum Christum Filium tuum qui tecum vivit et regnat in unitate Spiritus sancti Deus, per omnia secula seculorum. R. Amen.

✠. Dominus vobiscum, R. Et cum spiritu tuo.

✠. Benedicamus Domino.
R. Deo gratias.

IN FERIIS QUATUOR TEMPORUM.

Quando fit de Feria post Ant. ad Benedictus dicuntur flexis genibus, sequentes

PRECES.

KYRIE, eléison. Christe, eléison. Kyrie, eléison.

Pater noster,

✠. Et ne nos inducas in tentationem; R. Sed libera nos a malo.

✠. Ego dixi, Domine, miserere mei; R. Sana animam meam, quia peccavi tibi. Ps. 40.

✠. Convertere, Domine, usquequo? R. Et deprecabilis esto super servos tuos. Ps. 89.

✠. Fiat misericordia tua,

Domine, super nos; R. Quem admodum speravimus in te. Ps. 32.

✠. Oremus pro Papa nostro N. R. Pascat hæreditatem Domini in innocentia cordis sui. Ps. 77.

✠. Pro Antistite nostro N. R. Dominus conservet eum, et vivificet eum. Ps. 40.

✠. Pro Clero nostro. R. Sacerdotes tui induantur iustitiam; et sancti tui exsultent. Ps. 131.

✠. Pro Universa Ecclesia. R. Memor esto congregationis tuæ, quam possedisti ab initio. Ps. 73.

✠. Pro Rege nostro N. R. Domine, saluum fac Regem, et exaudi nos in die qua invocaverimus te. Ps. 19.

✠. Pro cuncto Pópulo. R. Saluum fac Pópulum tuum, Domine, et benedic hæreditati tuæ: et rege eos, et extolle illos usque in æternum. Ps. 27.

✠. Pro Pace: R. Fiat pax in virtute tua, Jerúsalem, et abundantia in turribus tuis. Ps. 121.

✠. Pro Benefactoribus nostris. R. Reddat Dominus pro opere plenam mercédem. Ruth, 2.

✠. Pro Fratribus nostris abséntibus. R. Benefac, Domine, bonis et rectis corde. Ps. 104.

✠. Pro Infirmis, Afflictis et Captivis. R. Libera, Deus Israel, ex omnibus tribulationibus suis. Ps. 24.

✠. Pro cunctis Fidelibus Defunctis. R. Educat eos Dó-

minus in lucem, et vídeant
justítiam ejus. *Mich. 7.*

†. Dómine Deus virtútum,
converte nos: R. Et ostende
fáciem tuam, et salvi érimus.

Ps. 79.

†. Exsurge, Dómine, ádju-
va nos; R. Et rédime nos
propter nomen tuum. *Ps. 43.*

†. Dómine, exaudi oratió-
nem meam; R. Et clamor
meus ad te véniat. *Ps. 101.*

†. Dóminus vobiscum, R.
Et cum spíritu tuo.

Orémus.

*Deinde dicitur Oratio de Fe-
ria Quatuor Temporum, juxta
diem, cum integra conclusione.*

*Statim fiunt suffragia de Cruce
et de Omnibus S.S. ut supra.*

AD HORAS.

*Quatuor sunt quæ vulgo di-
cuntur Horæ; videlicet: Prima,
Tertia, Sexta et Nona.*

Officium fit ut sequitur.

AD PRIMAM.

*Pater, Ave. Si separetur a
Laudibus.*

†. Deus †, in adjutórium.

Hymnus. C.

JAM lucis orto sídere,
Deum precémur súpplices,
Nostras ut ipse dírigat,
Lux increáta, sémitas.

Nil lingua, nil peccet ma-
nus,

Nil mens ináne cógitet:
In ore simplex véritas,
In corde regnet caritas.

Incepta dum fluet dies,

O Christe, custos pérvigil,
Quas sævus hostis óbsidet,
Portas tuére sénsuum.

Præsta diurnus ut tuæ
Subsérviat laudi labor:
Auctóre quæ te cœpimus,
Da te favente prósequi.

Superba ne nimis caro
Menti licenter ímperet,
Carnis domet supérbiam
Potus cibique párcitas.

¶ Qui nos creávit, laus Patri;
Laus, qui redémit, Fílio;
Qui caritáte nos foves,
Sit par tibi laus, Spíritus.
Amen.

¶ *Hæc Doxologia omittitur,
quando alia assignatur in Pro-
prio; et sic ad alias Horas.*

*Tres dicuntur Psalmi vel Do-
minicales vel FERIALES, pro quali-
tate Officii; et sic ad alias Horas.*

*Deinde una Ant. quæ pro Of-
ficio Dominicali vel Feriali, su-
mitur e Psalterio; et sic ad alias
Horas. In aliis autem Officiis di-
citur prima de Laudibus Officii de
quo fit, nisi propria assignetur.*

*Quoties dicti sunt Psalmi de
Dominica, dicitur sequens*

Capitulum. Ephes. 5.

ERATIS aliquando ténebræ;
nunc autem lux in Dómino.
Ut filii lucis ambuláte; fruc-
tus enim lucis est in omni bo-
nitáte, et justítia, et veritáte:
probantes quid sit benepláci-
tum Deo. R. Deo grátias.

Aliis diebus,

Capitulum. Ephes. 5.

VIDETE, fratres, quómodo

caute ambulétis, non quasi insipientes, sed ut sapientes, redimentes tempus, quóniam dies mali sunt. *R.* Deo grátias.

R. *br.* Christe, Fili Dei vivi, * Miserére nobis. *Repet.* Christe, Fili Dei vivi, * Miserére nobis. *Ps.* Qui sedes * ad dexteram Patris. (*Hic versus quandoque mutandus est, ut notatur in Proprio.*) * Miserére nobis. Glória Patri, et Fílio, * et Spirítui sancto. *Repet.* Christe, Fili Dei vivi, * Miserére nobis. *Matth.* 16. *Tob.* 8. *Hebr.* 1.

Ps. Exsurge, Dómine, adjuva nos; *R.* Et rédime nos propter nomen tuum. *Ps.* 43.

In omni Officio Simplici et supra, hic dicitur Dóminus vobiscum; deinde, Oratio Dómine, Deus, ut infra.

In Feriis dicuntur sequentes Preces; et quidem flexis genibus, si Preces dictæ sunt ad Laudes.

PRECES.

KYRIE, eléison. Christe, eléison. Kyrie, eléison.

Pater noster.

Ps. Et ne nos indúcas in tentatiónem; *R.* Sed líbera nos a malo.

Ps. Et ego ad te, Dómine, clamávi; *R.* Et mane orátio mea prævéniat te. *Ps.* 87.

Ps. Custódi me, Dómine, ab omni malo: *R.* Custódi ánimam meam, Dómine. *Ps.* 120.

Ps. Inclína cor meum, Deus, *R.* In testimónia tua. *Ps.* 118.

Ps. Gressus meos dirige secundum eléquium tuum. *R.*

Et non dominétur mei omnis injustítia. *Ps.* 118.

Ps. Averte óculos meos; *R.* Ne vídeant vanitátem. *Ps.* 118.

Ps. Pone, Dómine, custódiam ori meo; *R.* Et óstium circumstántiæ lábiis meis. *Ps.* 140.

Deinde signando se signo Crucis,

Ps. Adjutórium nostrum + in nómine Dómini, *R.* Qui fecit cælum et terram. *Ps.* 123.

Celebrans facit Confessionem mediocri voce dicens:

CONFITEOR Deo omnipotenti, beátæ Mariæ semper vígini, beáto Michaéli Archángelo, beáto Joanni Baptistæ, sanctis Apóstolis Petro et Paulo, ómnibus Sanctis, (et vobis, fratres,) quia peccávi nimis cogitatíone, verbo et ópere; (*ad sequentia verba ter percutitur pectus*) mea culpa, mea culpa, mea máxima culpa. Ideo precor beátam Mariam semper víginem, beátum Michaélem Archángelum, beátum Joannem Baptistam, sanctos Apóstolos Petrum et Paulum, omnes Sanctos, (et vos, fratres,) oráre pro me ad Dóminum Deum nostrum.

Chorus dicit:

Misereáture tui omnipotens Deus, et dimissis peccátis tuis, perdúcat te ad vitam æternam. *Celebrans respondet, Amen.*

Deinde Chorus facit Confessionem; et ubi dictum est, vobis, fratres, et vos, fratres; dicit, tibi, pater, et te, pater.

Facta Confessione a Choro, Celebrans dicit :

MISEREATUR vestri omnipotens Deus, et dimissis peccatis vestris, perducat vos ad vitam æternam. *R.* Amen.

(Qui solus recitat, semel dicit, Confiteor, omissis vocibus quæ clauduntur parenthesi, et addita particula et, ante voces ómnibus et omnes. Deinde Misereatur semel, ad quod dicit, nostri, nostris, nos.)

Deinde signando se signo Crucis,

INDULGENTIAM †, absolutiõnem, et remissionem peccatorum nostrorum tríbuat nobis omnipotens et miséricors Dóminus. *R.* Amen.

Elevans vocem dicit :

✠. Exaudi nos, Deus, salutaris noster, *R.* Spes ómnium finium terræ. *Ps.* 64.

✠. Miserere nostri, Dómine, *R.* Miserere nostri. *Ps.* 122.

✠. Fiat misericórdia tua, Dómine, super nos, *R.* Quem ádmodum sperávimus in te. *Ps.* 32.

✠. Dómine, exaudi orationem meam; *R.* Et clamor meus ad te véniat. *Ps.* 101.

✠. Dóminus vobiscum. *R.* Et cum spíritu tuo.

Oratio Sacr. Alcuin.

DOMINE, Deus omnipotens, qui ad princípium hujus diéi nos pervenire fecisti : tua nos hódie salva virtúte; ut ad nulum declinémus peccátum,

sed semper ad tuam justítiam faciendam nostra procédant elóquia, dirigantur cogitationes et ópera : Per Dóminum nostrum Jesum Christum Fílium tuum, qui tecum vivit et regnat in unitáte Spíritus sancti Deus, per ómnia sécula seculórum. *R.* Amen.

✠. Dóminus vobiscum. *R.* Et cum spíritu tuo.

✠. Benedicámus Dómino. *R.* Deo grátias.

Facta in Choro lectione Martyrologii, (ad quam non tenentur qui privatim recitant,) alta voce dicit Celebrans :

✠. Pretiósá in conspectu Dómini *R.* Mors Sanctórum ejus. *Ps.* 115.

SANCTA María, et omnes Sancti ádjuvent nos in orationibus suis pro nobis ad Deum; ut secundum eum qui vocávit nos, Sanctum, et ipsi in omni conversatióne sancti simus. *R.* Amen. *Rom.* 15. *I. Petr.* 1.

In Dominicis et Festis feriatis a populo, hic fit Lectio Canonis ut infra.

Aliis diebus dicuntur sequentes

PRECES AD OPERA DIURNA.

✠. Deus, in adiutorium meum intende: *R.* Dómine, ad adjuvandum me festína. *Ps.* 69.

✠. Deus, in adiutorium meum intende: *R.* Dómine, ad adjuvandum me festína.

✠. Deus, in adiutorium meum intende: *R.* Dómine, ad adjuvandum me festína.

✠. Réspice in servos tuos, Dómine, et in ópera tua; R). Et dirige filios eórum :

✠. Et sit splendor Dómini Dei nostri super nos ; R). Et ópera mánuum nostrárum dirige. Ps. 89.

Glória, et Sicut erat.

Oratio Brev. Rom.

DIRIGERE et sanctificáre, régere et gubernáre dignáre, Dómine, Deus, Rex cœli et terræ, hódie corda et córpora nostra, sensus, sermónes et actus nostros in lege tua et in opéribus mandatórum tuórum; ut hic, et in æternum, te auxiliante, salvi et liberi esse mereámur, Salvator mundi ; Qui vivis et regnas in sécula seculórum.

R). Amen.

LECTIO CANONIS.

Lector, Jube, Domne, benedicere. (Solutus recitans dicit absolute) Bened. Det Dóminus leges suas in mentem nostram, et in corde nostro superscribat eas. Hebr. 8. R). Amen.

Tum fit lectio Canonis, juxta diem mensis ad calcem Breviarii, nisi aliter notetur in Proprio. In cujus fine dicitur : Tu autem Dómine, miserere nostri. R). Deo grátias.

Post Lectionem, Celebrans dicit : ✠. Adjutórium nostrum in nómine Dómini, R). Qui fecit cœlum et terram. Ps. 123.

Submissiori voce dicit : Benedicite. Lector versus ad eum, Deus. Celebr. Deus pacis aptet

nos in omni bono, ut faciámus ejus voluntátem, faciens in nobis quod pláceat coram se, per Jesum Christum : cui est glória in sécula seculórum. Lector, R). Amen. Hebr. 13.

AD TERTIAM.

Pater, Ave, si separetur a Prima.

✠. Deus †, in adjutórium.

Hymnus. C.

O fons amóris, Spíritus, O sancte donórum parens, Tuas refúsus íntimis Accende flammás córdibus.

Qui caritátis vínculo Cum Patre nectis Fílium, Et nos amóris mútui Arctis coapta néxibus.

¶ Qui nos creávit, laus Patri; Laus, qui redémit, Fílio; Qui caritate nos foves, Sit par tibi laus, Spíritus.

Amen.

Post Psalmos dicitur Ant. quæ est secunda de Laudibus Officii de quo fit, quando non est propria, vel non sumitur e Psalterio.

Capitulum et R). breve sumuntur unde Antiphona super Psalmos; et sic ad alias Horas.

PRECES.

Quando ad Laudes dictæ sunt Preces, sequentes dicuntur ad Tertiam, Sextam, et Nonam, et quidem flexis genibus.

KYRIE, eléison. Christe, eléison. Kyrie, eléison.

Pater noster.

✠. Et ne nos indúcas in tentatióem; R]. Sed líbera nos a malo.

✠. Dómine Deus virtútum, converte nos; R]. Et ostende fáciem tuam, et salvi érimus.

Ps. 79.

✠. Exsurge, Dómine, ádjuva nos; R]. Et rédime nos propter nomen tuum. *Ps. 43.*

✠. Dómine, exaudi oratióem meam; R]. Et clamor meus ad te véniat. *Ps. 101.*

✠. Dóminus vobiscum, R]. Et cum spíritu tuo.

Oratio de Laudibus.

✠. Dóminus vobiscum, R]. Et cum spíritu tuo.

✠. Benedicámus Dómino. R]. Deo grátias.

AD SEXTAM.

Pater et Ave, si separetur a Tertia.

✠. Deus †, in adjutórium.

Hymnus. C.

JAM solis excelsum jubar
Toto coruscat lúmine;
Sinusque pandens áureos,
Ignita vibrat spícula.

Tu Christe, qui mundum
nova,

Sol verus, accendis face,
Fac nostra plenam caritas
Crescendo surgat ad diem.

¶ Qui nos creávit, laus Patri,
Laus, qui redémit, Fílio;
Qui caritate nos foves,
Sit par tibi laus, Spíritus.

Amen.

Post Psalmos Ant. quæ est tertia de Laudibus Officii de quo

fit, quando non est propria, vel non sumitur e Psalterio.

Deinde Capitulum et R]. br.

Preces, si dicendæ sint, ut supra ad Tertiam.

Oratio de Laudibus.

AD NONAM.

Pater et Ave, si separetur a Sexta.

✠. Deus †, in adjutórium.

Hymnus. C.

LABENTE jam solis rota,
Inclínat in noctem dies;
Sic vita supréam cito
Festinat ad metam gradu.

O Christe, dum fixus cruci
Expandis orbi bráchia,
Amare da crucem; tuo
Da nos in amplexu mori.

¶ Qui nos creávit, laus Patri;
Laus, qui redémit, Fílio;
Qui caritate nos foves,
Sit par tibi laus, Spíritus.

Amen.

Post Psalmos Ant. quæ est quinta de Laudibus Officii de quo fit, quando non est propria, vel non sumitur e Psalterio.

Deinde Capitulum et R]. br.

Preces, si dicendæ sint, ut supra ad Tertiam.

Oratio de Laudibus.

AD VESPERAS.

Pater, Ave, si separentur a Nona.

✠. Deus †, in adjutórium.

Dicuntur quinque Psalmi ut in Psalterio, juxta diem Hebdomadæ; exceptis II Vesperis So-

lemnium aut Annualium, in quibus semper dicuntur Dominicales, nisi proprii assignentur.

In Feriis et in Simplicibus una dicitur Ant. post Psalmos. In Semiduplicibus et supra dicuntur quinque.

Post ultimam vel unicam Ant. dicitur Capitulum, (cui postponitur Responsorium in 1 Vesperis Solemnium-majorum et supra), deinde Hymnus et V. quæ quidem omnia sumuntur vel de Psalterio, vel de Communi, vel de propriis locis.

Canticum B. Mariæ Virginis.

LUC. I.

MAGNIFICAT * ánima mea Dóminum,

Et exsultávit spíritus meus * in Deo salutári meo;

Quia respexit humilitátem ancillæ suæ: * ecce enim ex hoc beátam me dicent omnes generatiónes.

Quia fecit mihi magna qui potens est; * et sanctum nomen ejus.

Et misericórdia ejus a progénie in progénies * timéntibus eum.

Fecit poténtiam in bráchio suo: * dispersit superbos mente cordis sui.

Depósuit potentes de sede, * et exaltávit húmiles.

Esurientes implévit bonis, * et dívites dimísit inánes.

Suscépit Israel púerum suum, * recordátus misericórdiæ suæ,

Sicut locútus est ad patres

nostros, * Abraham, et sémini ejus in sécula.

Glória.

Post Ant. convenientem dicitur:

V. Dóminus vobiscum.

Oratio cum integra conclusione ut in Laudibus Officii de quo fit, nisi aliter notetur; deinde

V. Dóminus vobiscum.

V. Benedicámus Dómino.

AD COMPLETORIUM.

Non dicitur Pater, et Ave etiamsi separetur a Vesperis.

Celebrans dicit, pollice signando pectus:

V. Converte † nos, Deus salutáris noster; R. Et averte iram tuam a nobis. Ps. 84.

V. Deus, † in adjutórium.

Dicuntur Psalmi convenientes, videlicet FERIALES, si Psalmi FERIALES dicti fuerint ad Vesperas; DOMINICALES vero si ad Vesperas dicti fuerint Dominicales vel proprii.

Antiphona de Psalterio, nisi sit propria.

Hymnus. C.

GRATES, peracto jam die, Deus, tibi persólvimus; Pronóque, dum nox incipit, Prostérnimus vultu preces.

Quod longa peccávit dies, Amárus expiet dolor; Somno gravátis ne nova Infligat hostis vúlnera.

Infestus usque círcuit Quærens leo quem dévoret: Umbra sub alárum tuos Defende filios, Pater.

O quando lucescet tuus

Qui nescit occásum dies !
O quando sancta se dabit
Quæ nescit hostem pátria !

¶ Qui nos créavit, laus Patri;
Laus, qui redémit, Fílio;
Qui caritáte nos foves,
Sit par tibi laus, Spíritus.

Amen.

*In omni Officio de B. M. V.,
loco præcedentis Hymni, dicitur
sequens*

Hymnus. C.

VIRGO Dei génitrix, quem
totus non capit orbis,
In tua se clausit víscera, fac-
tus homo.

Hinc mérito dicent te sécu-
la cuncta beátam :

Hinc pópuli matrem te domi-
namque colunt.

Súscipe, quos pia plebs tibi
péndere certat, honóres :
Annue, sollicita quam prece
poscit, opem.

Glória magna Patri; com-
par sit glória Nato;
Ambórum tibi par, Spíritus
alme, decus. Amen.

*Quoties dicti sunt Psalmi de
Dominica, dicitur sequens*

Capitulum. I. Thess. 5.

OMNES vos filii lucis estis,
et filii diéi : non sumus noc-
tis, neque tenebrárum; igitur
non dormiámus sicut et cé-
teri, sed vigilémus et sóbrii
simus.

Aliis diebus :

Capitulum. I. Petr. 5.

SOBRII estóte, et vigiláte;

quia adversárius vester diábo-
lus, tanquam leo rúgiens, cír-
cuit quærens quem dévoret :
cui resístite fortes in fide.

¶. *br.* In manus tuas, Dó-
mine, * Commendo spíritum
meum. In manus tuas. ¶. Re-
demisti me, Dómine, * Deus
veritátis : * Commendo. Glória
Patri. In manus tuas. *Ps. 30.*

¶. Custódi me, Dómine, ut
pupillam óculi : ¶. Sub um-
bra alárum tuárum prótege
me. *Ps. 16.*

Canticum Simeonis. Luc. 2.

NUNC dimittis servum tuum,
Dómine, * secundum verbum
tuum, in pace;

Quia vidérunt óculi mei *
salutáre tuum,

Quod parasti * ante faciém
ómnium populórum,

Lumen ad revelatióem
géntium, * et glóriam plebis
tuæ Israel.

Glória.

Ant. 3. a. In pace in idip-
sum dórmiam et requiēscam.
Ps. 4.

*In Festis Simplicibus et supra,
hic dicitur Dóminus vobiscum,
deinde Oratio Illúmina vel Ví-
sita, ut infra.*

*(In Feriis dicuntur sequentes
PRECES.*

KYRIE, eléison. Christe,
eléison. Kyrie, eléison.

Pater noster.

¶. Et ne nos indúcas in ten-
tatióem; ¶. Sed libera nos a
malo.

✠. Sépties in die laudem dixi tibi, R. Super iudicia justitiæ tuæ. *Ps. 118.*

✠. Miserére mei, Dómine, R. Quóniam ad te clamávi tota die. *Ps. 85.*

✠. Recogitábo tibi omnes annos meos : R. In amaritudine animæ meæ. *Is. 38.*

Fít Confessio ut ad Primam.

✠. Exaudi nos, Deus salutáris noster, R. Spes ómnium finium terræ. *Ps. 64.*

✠. Miserére nostri, Dómine : R. Miserére nostri. *Ps. 122.*

✠. Fiat misericórdia tua, Dómine, super nos, R. Quemádmódum sperávimus in te. *Ps. 32.*

✠. Dómine, exaudi orationem meam, R. Et clamor meus ad te véniat.

✠. Dóminus vobiscum.

R. Et cum spíritu tuo.

Orémus.

Oratio Sacra. Greg.

ILLUMINA, quæsumus, Dómine, ténebras nostras, et totius hujus noctis insídias tu a nobis repelle propítius ; Per Dóminum.

Qui Domi recitant, dicant sequentem Orationem :

Oratio Brev. Rom.

VISITA, quæsumus, Dómine, habitationem nostram, et omnes insídias inimíci ab ea longe repelle : Angeli tui sancti hábitent in ea, qui nos in pace custódiant ; et benedictio tua sit super nos semper : Per Dó-

minum nostrum Jesum Christum Fílium tuum, qui tecum vivit et regnat in unitate Spíritus sancti Deus, per ómnia sécula seculórum. R. Amen.

✠. Dóminus vobiscum.

✠. Benedicámus Dómino.

Finito Completorio, submissa voce dicitur : Grátia Dómini nostri Jesu Christi, et caritas Dei, et communicatio sancti Spíritus sit cum ómnibus vobis. *II. Cor. 13.*

(Solutus recitans, nobis.)

R. Amen.

Tandem dicitur :

ANTIPHONA DE BEATA.

SALVE, Regína, mater misericórdiæ ; vita, dulcédo, et spes nostra, salve : ad te clamámus éxsules filii Evæ ; ad te suspirámus gementes et flentes in hac lacrymarum valle : eia ergo, advocáta nostra, illos tuos misericordes óculos ad nos converte ; et Jesum benedictum fructum ventris tui, nobis post hoc exsílum ostende ; o clemens, o pia, o dulcis Virgo María !

✠. Invoca Dóminum pro nobis. R. Et libera nos de morte. *Esther 14.*

Orémus.

Oratio. Brev. Rom.

OMNIPOTENS, sempiternus Deus, qui gloriósæ Virginis Matris Mariæ corpus et animam, ut dignum Fílii tui habitáculum éffici mererétur, Spíritu sancto cooperante,

præparasti : da ut, cujus commemoratione lætāmur, ejus pia intercessione, ab instantibus malis et a morte perpetua liberēmur ; Per eundem Christum Dóminum nostrum.
 R. Amen.

Fidélium animæ per misericórdiam Dei requiescant in pace. R. Amen.

Post completum Officium, dicitur secreto, Pater, Ave, Credo.

Orationem sequentem devote post Officium recitantibus, Leo Papa X, defectus et culpas in eo persolvendo ex humana fragilitate contractas indulsit.

SACROSANCTÆ et indivíduæ Trinitāti, Crucifixi Dómini nostri Jesu Christi humanitati, beatíssimæ et gloriosíssimæ semperque vírginis Mariæ fœcundæ integritāti, et ómnium Sanctórum universitati, sit sempiterna laus, honor, virtus et glória, ab omni creatúra, nobisque remíssio ómnium peccatórum, per infinita sécula seculórum. R. Amen.

✠. Beáta viscera Mariæ Vírginis, quæ portavérunt æterni Patris Fílium ; R. Et beáta úbera quæ lactavérunt Christum Dóminum.

Pater noster. Ave, María.



PROPRIUM DOMINICARUM.

PARS AUTUMNALIS.

DOMINICA XII POST PENTECOSTEN.

IN I NOCTURNO.

Lectio I. Cap. I.

Ex Epístola beáti Pauli
Apóstoli ad Colossenses.

NUNC gaúdeo in passiónibus
pro vobis, et adímpleo ea quæ
desunt passiónum Christi, in
carne mea, pro corpore ejus,
quod est Ecclesiá : cujus fac-
tus sum ego minister secun-
dum dispensatióem Dei, quæ
data est mihi in vos, ut im-
pleam verbum Dei : mysté-
rium, quod absconditum fuit
a séculis et generatióibus,
nunc autem manifestátum est
sanctis ejus, quibus vóluit
Deus notas fácere divítias gló-
riæ sacramenti hujus in Gén-
tibus, quod est Christus, in
vobis spes glóriæ, quem nos
annuntiámus, corripientes
omnem hóminem, et docentes
omnem hóminem, in omni sa-
piéntia, ut exhibeámus om-
nem hóminem perfectum in
Christo Jesu; in quo et labóro,

certando secundum operatió-
nem ejus, quam operátur in
me in virtúte.

R). Manifeste magnum est *
Pietátis sacramentum, quod
manifestátum est in carne,
prædicátum est Génitibus. ✕.
Vide ergo bonitatem Dei. *
Pietátis. *I. Tim. 3. Rom. 11.*

Lectio II. Cap. 2.

VIDETE ne quis vos decípiat
per philosophíam, et inánem
falláciam, secundum traditió-
nem hóminum, secundum ele-
menta mundi, et non secun-
dum Christum : quia in ipso
inhábitat omnis plenitúdo di-
vinitátis corporaliter : et estis
in illo repléti, qui est caput
omnis principátus, et potestá-
tis : in quo et circumcisi estis
circumcisióne non manufacta
in exspoliatióne corpóris car-
nis, sed in circumcisióne Chris-
ti : conseputi ei in baptismo,
in quo et resurrexistis per fi-
dem operatiónis Dei, qui sus-
citávit illum a mórtuis.

R). Propósuit Deus in dis-

pensatione plenitudinis temporum, instaurare omnia in Christo, * Sive quæ in terris, sive quæ in coelis sunt. ✕. In ipso complacuit omnem plenitudinem inhabitare, et per eum reconciliare omnia in ipsum, pacificans per sanguinem crucis ejus, * Sive quæ. *Ephes. I. Coloss. I.*

Lectio III.

ET vos, cum mortui essetis in delictis et præputio carnis vestræ, convivificavit cum illo, donans vobis omnia delicta: delens quod adversus nos erat chirographum decreti, quod erat contrarium nobis, et ipsum tulit de medio, affigens illud cruci: et expolians principatus et potestates, traduxit confideres, palam triumphans illos in semetipso.

℞. Commendat caritatem suam Deus in nobis; * Quoniam, cum adhuc peccatores essemus, Christus pro nobis mortuus est. ✕. Si quis non amat Dominum nostrum Jesum Christum, sit anathema. * Quoniam. Glória. * Quoniam. *Rom. 5. I. Cor. 16.*

IN II NOCTURNO.

Lectio IV.

Ex Libro nono Confessionum sancti Augustini Episcopi. *Cap. 4. n. 8.*

QUAS tibi, Deus meus, voces dedi cum légerem psalmos David, cántica fidélia, et sonos pietátis excludentes túrgidum

spíritum, rudis in germáno amore tuo, catechúmenus in villa cum catechúmeno Alypio feríatus, matre adhærente nobis muliebri hábitu, virfli fide, anfli securitáte, materna caritáte, christiána pietáte? Quas tibi voces dabam in psalmis illis, et quómodo in te inflammábar ex eis, et accendébar eos recitáre si possem toto orbe terrárum, adversus typhum géneris humáni?

℞. Spíritus Dómini locútus est per me, * Et sermo ejus per linguam meam. ✕. Lingua mea cálamus scribæ velóciter scribentis. * Et sermo. *II. Reg. 23. Ps. 44.*

Lectio V.

QUAM vehementi et acri dolore indignábar Manichæis, et miserábar eos rursus, quod illa sacramenta, illa medicamenta nescírent: et insáni essent adversus antidotum quo sani esse potuissent. Vellem ut, me nesciente, intuerentur faciém meam, et audírent voces meas, quando legi quartum Psalmum. Inhórrui timendo, ibidemque inférbui sperando et exultando in tua misericórdia, Pater. Et hæc omnia exibant per óculos meos et vocem meam, cum conversus ad nos Spíritus tuus bonus ait nobis: Filii hóminum, quousque graves corde? ut quid dilígitis vanitátem, et quæritis mendácium? Diléxeram enim vanitátem et quæseram mendácium.

R. Implémini Spíritu sancto, loquentes vobismetipsis in psalmis, et hymnis, et canticis spiritalibus, * Cantantes et psallentes in cordibus vestris Dómino. V. Sine intermissione oráte: in ómnibus grátias ágite. * Cantantes. *Ephes. 5. I. Thess. 5.*

Lectio VI.

Ex libro décimo Confessionum ejusdem. *Cap. 33. n. 50.*

INTERDUM ut melos omne cantilenarum suavium quibus Davidicum psalterium frequentatur, ab auribus meis removeri velim, atque ipsius Ecclesiæ; tutiusque mihi videtur quod de Alexandrino Episcopo Athanasio sæpe mihi dictum commemini, qui tam módico flexu vocis faciebat sonare lectorem psalmi, ut pronuntianti vicinior esset quam canenti. Verumtamen cum reminiscor lacrymas meas quas fudi ad cantus Ecclesiæ tuæ, in primordiis recuperatæ fidei meæ, et nunc ipso quod moveor, non cantu, sed rebus quæ cantantur, cum liquida voce et convenientissima modulatione cantantur, magnam instituti hujus utilitatem rursus agnosco. Ita fluctuo inter periculum voluptatis, et experimentum salubritatis; magisque adducor, non quidem irretractabilem sententiam proferens, cantandi consuetudinem approbare in Ecclesiâ; ut per oblectamenta aurium infirmior animus in

affectum pietatis adsurgat. Tamen cum mihi accidit ut me amplius cantus quam res quæ canitur moveat, poenalter me peccare confiteor, et tunc mallem non audire canentem.

R. Cantabiles mihi erant justificationes tuæ, Dómine, in loco peregrinationis meæ. * Memor fui nocte nominis tui, et custodivi legem tuam. V. Média nocte surgebam ad confitendum tibi, super judicia justificationis tuæ. * Memor. Glória. * Memor. *Ps. 118.*

IN III NOCTURNO.

Lectio VII.

Ex Enarratione quarta sancti Augustini in Psalmum trigésimum. *n. 1.*

SI orat psalmus, oráte; et si gemit, gémite; et si gratulatur, gaudéte; et si sperat, speráte; et si timet, timéte. Omnia enim quæ hic scripta sunt, speculum nostrum sunt.

R. Orábo spíritu, orábo et mente. * Psallam spíritu, psallam et mente. V. Psallam, et intelligen in via immaculata. * Psallam. *I. Cor. 14. Ps. 100.*

Lectio VIII.

Ex Sermone séptimo sancti Ambrosii Episcopi in Psalmum centésimum decimum octávum. *n. 30, etc.*

OMNI tempore circa Dei laudes esse debet intentus vir justus, non solum die, sed etiam nocte. Nullum tempus

precandi vacuum sinat sancta devotio præterire. Si studentes igitur doctrinis secularibus perparum somno indulgent; quanto magis qui Deum cupiunt cognoscere, non debent somno corporis impediri, nisi quantum naturæ satis est? David per singulas noctes lectum suum lacrymis diluēbat: surgebat etiam noctis medio, ut Domino confiteretur: et tu totam noctem sopori existimas deputandam? Illo igitur præcipue tempore justificationes Dei animo retexendæ sunt, relegenda mandata hortatoria. Illa de castitate præcepta non absint: his occupata mens flagrantiam libidinis, carnis restinguat ardorem. Tene illud animo: Lavabo per singulas noctes lectum meum. Nescit flere qui flenda committit; et cum sit ipse lacrymabilis, non habet poenæ lacrymas suæ. At ille qui castigat corpus suum, et sui sollicitus gubernator est, atque ingemiscens et dolens lapsus superioris offensæ, quærit quomodo abluit eam flētibus poenitentia, hic lavat per singulas noctes lectum suum. Non dormiamus ergo totis noctibus: sed maximam partem earum lectioni et orationibus deputemus.

⁊. Anima mea desideravit te in nocte; * Sed et spiritu meo in præcordiis meis de mane vigilabo ad te. ✕. Lavabo per singulas noctes lectum meum; lacrymis meis

stratum meum rigabo. * Sed. Is. 26. Ps. 6.

Lectio IX. Cap. 10.

Lectio sancti Evangelii secundum Lucam.

Samaritanus.

In illo tempore; Conversus Jesus ad discipulos suos, dixit: Beati oculi qui vident quæ vos videtis. Dico enim vobis quod multi Prophætæ et reges voluerunt videre quæ vos videtis, et non viderunt. Et reliqua.

Homilia sancti Augustini Episcopi. *De Doct. chr. l. 1. c. 26, 27, 28, et 30.*

Fixis præcepti est dilectio; et ea gemina, id est, Dei et proximi. Ille autem juste et sancte vivit, qui ordinatam dilectionem habet, ne aut diligat quod non est diligendum, aut non diligat quod est diligendum, aut amplius diligat quod minus est diligendum, aut æque diligat quod vel minus vel amplius diligendum est, aut minus vel amplius quod æque diligendum est. Omnis peccator, in quantum peccator est, non est diligendus; et omnis homo, in quantum homo est, diligendus est propter Deum; Deus vero propter seipsum. Et si Deus omni homine amplius diligendus est, amplius quisque debet Deum diligere quam seipsum. Item amplius alius ho-

mo diligendus est quam corpus nostrum; quia propter Deum omnia ista diligenda sunt: et potest nobiscum alius homo Deo perfrui, quod non potest corpus; quia corpus per animam vivit, qua fruimur Deo. Omnes autem æque diligendi sunt. Nullum exceptum esse cui misericordiae denegetur officium, quis non videat? quando usque ad inimicos etiam porrectum est, eodem Domino dicente: Diligite inimicos vestros, benefacite iis qui oderunt vos.

R. Quis horum trium videtur tibi proximus fuisse illi qui incidit in latrones? Legis peritus dixit: Qui fecit misericordiam in illum. Ait Jesus: * Vade, et tu fac similiter. ✠. Indicabo tibi, o homo, quid Dominus requirat a te: utique facere iudicium, et diligere misericordiam. * Vade. Glória. * Vade. *Luc. 10. Mich. 6.*

Ad Benedictus. Ant. 2. D. Legis peritus tentans Jesum, dixit: Magister, quid faciendo vitam æternam possidebo? At ille dixit ad eum: In lege quid scriptum est? Quomodo legis? Ille respondens dixit: Diliges Dominum Deum tuum. *Luc. 10.*

Oratio Miss. Cadurc.

DEUS pater omnium nostrum, qui signasti super nos lumen vultus tui; da nobis, quaesumus, in proximo nostro te ipsum intueri et dilige-

re: ut in caritate fraterna permanentes, in te semper maneamus; Per Dominum.

Ad Magnificat. Ant. 7. G. Diliges Dominum Deum tuum ex toto corde tuo, et ex tota anima tua, et ex omnibus viribus tuis, et ex omni mente tua; et proximum tuum sicut teipsum: hoc fac, et vives. *Luc. 10.*

DOMINICA XIII POST PENTECOSTEN.

IN I NOCTURNO.

Lectio I. Cap. 3.

Ex Epistola beati Pauli Apostoli ad Colossenses.

SI consurrexistis cum Christo, quæ sursum sunt quaerite, ubi Christus est in dextera Dei sedens: quæ sursum sunt sapite, non quæ super terram. Mortui enim estis, et vita vestra est abscondita cum Christo in Deo. Cum Christus apparuerit, vita vestra, tunc et vos apparebitis cum ipso in gloria. Mortificate ergo membra vestra, quæ sunt super terram; fornicationem, immunditiam, libidinem, concupiscentiam malam, et avaritiam, quæ est simulacrorum servitus: propter quæ venit ira Dei super filios incredulitatis: in quibus et vos ambulastis aliquando, cum viveretis in illis. Nunc autem depone et vos omnia; iram, in-

dignationem, malitiam, blasphemiam, turpem sermonem de ore vestro. Nolite mentiri invicem, exspoliantes vos veterem hominem cum actibus suis, et induentes novum, eum qui renovatur in agnitionem, secundum imaginem ejus qui creavit illum.

R. Vetus homo noster simul cum Christo crucifixus est; ut * Destruatur corpus peccati, et ultra non serviamus peccato. ⁊. Simul etiam vivemus cum Christo. * Destruatur. *Rom. 6.*

Lectio II.

INDUITE vos sicut electi Dei, sancti, et dilecti, viscera misericordiae, benignitatem, humilitatem, modestiam, patientiam : supportantes invicem, et donantes vobismet ipsis, si quis adversus aliquem habet querelam, sicut et Dominus donavit vobis, ita et vos. Super omnia autem haec, caritatem habete, quod est vinculum perfectionis : et pax Christi, exsultet in cordibus vestris in qua et vocati estis in uno corpore : et grati estote. Verbum Christi habitat in vobis abundanter, in omni sapientia, docentes, et commoventes vosmetipsos, psalmis, hymnis, et canticis spiritalibus, in gratia cantantes in cordibus vestris Deo. Omne quodcumque facitis in verbo aut in opere, omnia in nomine Domini Jesu Christi, gra-

tias agentes Deo et Patri per ipsum.

R. Mortuus est pro nobis Christus, ut, * Sive vigilemus, sive dormiamus, simul cum illo vivamus. ⁊. Adhaereat lingua mea faucibus meis, si non meminero tui. * Sive vigilemus. *I. Thess. 5. Ps. 136.*

Lectio III. Cap. 3 et 4.

MULIERES, subditae estote viris, sicut oportet, in Domino. Viri, diligite uxores vestras, et nolite amari esse ad illas. Filii, obedite parentibus per omnia : hoc enim placitum est in Domino. Patres, nolite ad indignationem provocare filios vestros, ut non pusillo animo fiant. Servi, obedite per omnia dominis carnalibus, non ad oculus servientes, quasi hominibus placentes, sed in simplicitate cordis, timentes Deum. Quodcumque facitis, ex animo operamini, sicut Domino, et non hominibus : scientes quod a Domino accipietis retributionem hereditatis. Domino Christo servite. Qui enim injuriam facit, recipiet id quod inique gessit : et non est personarum acceptio apud Deum. Domini, quod justum est et æquum servis praestate : scientes quod et vos Dominum habetis in caelo. Orationi instate, vigilantes in ea, in gratiarum actione. In sapientia ambulante ad eos qui foris sunt, tempus redimentes. Ser-

mo vester semper in grátia sale sit condítus, ut sciátis quómo- do opórteat vos unicuique res- pondére.

R. Deponentes omnem ma- lítiám, sicut modo géníti in- fantes, rationábile, sine dolo lac concupiscite; * Ut in eo crescátis in salútem. *Ÿ.* Gusta- te, et vidéte quóniam suavis est Dóminus. * Ut. Glória. * Ut. *I. Petr. 2. Ps. 33.*

IN II NOCTURNO.

Lectio IV.

Ex Sermóne octávo sancti Leónis Papæ in Epiphánia Dómini.

DICENTE discipulis suis Dó- mino : Sine me nihil potestis fácere, dúbium non est hómi- nem bona agentem a Deo habé- re et effectum óperis et inítium voluntátis : unde et Apóstolus copiosíssimus fidélium cohór- tator : Cum timóre, inquit, et tremóre vestram salútem ope- rámini : Deus est enim, qui operátur in vobis et velle et operári pro bona voluntáte. Et hæc sanctis causa est tre- mendi atque metuendi, ne ip- sis opéribus pietátis eláti, de- serantur ope grátiae, et remá- neant in infirmitate natúræ. Qui autem experíri cupit an in ipso Deus hábitet, de quo dicitur : Mirábilis Deus in sanctis suis : sincéro exámine cordis sui interióra discútiat; et sagáciter quærat, qua hu- militate resistat supérbiae, qua

benevoléntia obluctétur inví- diæ, quam non capiátur adu- lántium linguis, quamque bo- nis delectétur aliénis : ac ne in multis labóret inspectio, ipsam matrem virtútum óm- nium caritátem in secrétis suæ mentis inquírat, et si eam di- lectiónem Dei et próximi toto corde intentam repérerit, ita ut étiam inimicis suis eadem velit tríbui quæ sibi optat im- pendi; quisquis hujúsmodi est, Deum et rectórem et ha- bitatórem sui esse non dúbí- tet; quem tanto magnificéntius récipit, quanto magis non in se, sed in Dómino gloriátur.

R. Cum metu et tremóre vestram salútem operámini : * Deus est enim qui operátur in vobis et velle et perfícere pro bona voluntáte. *Ÿ.* Humi- liámini sub potenti manu Dei. * Deus. *Philipp. 2. I. Petr. 5.*

Lectio V.

Ex Epístola ad Demetriádem vírginem. *Inter opera S. Leonis Papæ. Cap. 16.*

VIGILANT tentatiónis insí- diæ, ut ubi próficít devótio, subrépat elátio; et ut homo de hono ópere in se pótius quam in Dómino gloriétur : sed sollicitúdo nos Apóstoli contra hoc perículum monet, dicens : Cum timóre et tremóre vestram salútem operámini. Deus est enim qui operátur in vobis et velle et operári pro bona voluntáte. Quanto ergo excelléntius in mandátis Dei

quique proficiunt, tanto majores habent causas formidinis et tremoris : ne de ipsis probitatis augmentis mens sibi conscia, et laudis ávida, superbíæ rapiátur excessu, et fiat immunda vanitáte, dum sibi vidétur clara virtúte. Si ergo ómnia quæ ad vitam et pietátem pértinent, Deus nobis divína sua virtúte donávit, nihil magis fugiendum est quam appetítus hujus concupiscéntiæ, quæ virtútem negat divíni óperis, amóre própriæ dignitátis : et cum áliæ cupiditátes ea tantum bona quibus adversantur, immínuant, hæc dum ómnia ad se trahit, simul universa corrumpit. Huic autem malo firmíssimum bonum humilitátis occurrit.

R. Omnes ínvicem humilitátem insinuáte, * Quia Deus superbis resistit, humilibus autem dat grátiam. †. Humília valde spíritum tuum. * Quia. *I. Petr. 5. Eccli. 7.*

Lectio VI. Cap. 20 et 21.

INFLATIO et ambítio, et própriorum bonórum superba defénsio possunt destrúere eleemósynas, possunt evacuáre martyria : si et magnas opes amóre quis humanæ laudis effundat, et sæva supplícia, non ea fortitúdine quam Deus tribuit, sed ea quam de se presumpsit, excípiat. Hoc est enim própria fidúcia inflári; hoc vanam glóriam quibúslibet ambíre dispéndiis; hoc postrémo est, nolle habére

quæ Dei sunt, et ibi solum constituére méritum, ubi divinum cessárit auxílium. Hæc superbía omni peccáto nocéntior. A quibúslibet enim lápsibus delictórum fácte surgitur, quando opem a Reparátore suo poscit elísus. Huic autem ruinæ nihil súbvenit : quia aut diffícile peccátum suum superbus agnoscit, aut étiam si intelléxerit, non currit ad médicum, sed de se sibi remédiu[m] pollicétur : nec unquam ibi próficit cura, ubi morbus est ipsa medicína. Hinc corruptíssimum pestiléntiæ ipsíus flatum, spíritus veræ humilitátis et veræ caritátis exclúdit : in nullo enim hæ virtútes ab ínvicem dividuntur, et ambárum tam indiscreta connéxio est, ut qui in una eárum constrúitur, simul utrâque potiátur : sicut enim pars caritátis est humilitas, ita pars humilitátis est caritas.

R. Quanto magnus es, humília te in ómnibus, et coram Deo invénies grátiam : * Quóniam magna est poténtia Dei solus, et ab humilibus honorátur. †. Superbum séquitur humilitas, et húmílem spíritu súscipit glória ; * Quóniam. Glória. * Quóniam. *Eccli. 3. Prov. 29.*

IN III NOCTURNO.

Lectio VII.

Ex Enarratióne sancti Augustíni Epíscopi in Psalmum

septuagésimum. *Serm. I. n. 1.*

GLORIANTEs, inquit Apóstolus, tanquam de opéribus, excludunt a se grátiam, et tanquam de sanitate sua falsa præsumentes, réspuunt medicinam. Contra tales enim et Dóminus dixerat: Non veni vocáre justos sed peccatóres in pœniténtiam: non est opus sanis médicus, sed male habéntibus. Hæc est ergo tota sciéntia magna, hómínem scire quia ipse per se nihil est; et quóniam quidquid est, a Deo est, et propter Deum est. Quid enim habes, inquit, quod non accepisti? Si autem et accepisti, quid gloriáris, quasi non accéperis? Hanc grátiam commendat Apóstolus: hinc habére méruit inimícos Judæos, de lítera legis et de sua justítia glorianτες. Hanc ergo grátiam commendat nobis Deus et in isto Psalmo; étenim árbitror hunc eum habére affectum, et hoc ómnibus prope suis syllabis resonáre: id est, hoc nobis commendáre, grátiam Dei grátítam, quæ nos líberat indignos, non propter nos, sed propter se: ut tota spes nostra in Deo sit, nihilque de nobis tanquam de nostris víribus præsúmamus; ne nostrum facientes quod ab illo est, et quod accéperimus amittámus.

¶ Non derelinquis præsumentes de te, Dómine: et * Præsumentes de se, et de sua virtúte glorianτες humílias. ¶ Si quis exístimat se áliquid

esse, cum nihil sit, ipse se sedúcit. * Præsumentes. *Judith. 6. Gal. 6.*

Lectio VIII.

Ex Libro secundo Confessionum sancti Augustíni Episcopi. *Cap. 7. n. 15.*

DILIGAM te, Dómine, et grátias agam, et confítear nómini tuo, quóniam tanta dimisisti mihi mala et nefária ópera mea. Grátiae tuæ députo et misericórdiae tuæ, quod peccáta mea tanquam gláciem solvisti. Grátiae députo, et quæcumque non feci mala. Et ómnia mihi dimissa esse fáteor; et quæ mea sponte feci mala, et quæ te duce non feci. Quis est hómínum qui suam cógitans infirmitátem, audet víribus suis tribúere castitátem atque innocéntiam suam; ut minus amet te, quasi minus ei necessária fúerit misericórdia tuá, qua donas peccáta conversis ad te? Qui enim vocátus a te secútus est vocem tuam, et vitávit ea quæ me, de me ipso recordantem et fatentem legit, non me derideat ab eo médico ægrum sanári, a quo sibi præstitum est ut non ægrotáret, vel pótius ut minus ægrotáret; et ideo te tantumdem, immo vero ámplius dligat; qui per quem me videt tantis peccatórum meórum languóribus éxui, per eum se videt tantis peccatórum languóribus non implícari.

¶ Tu fide stas: * Noli al-

tum scire, sed time; ne forte nec tibi parcat Deus. *✠*. Quis enim te discernit? Quid habes quod non accepisti? * Noli. *Rom. 2. 1. Cor. 4.*

Lectio IX. Cap. 17.

Lectio sancti Evangelii secundum Lucam.

Decem Leprosi.

In illo tempore; Dum iret Jesus in Jerusalem, transibat per mediam Samariam et Galilaeam: et cum ingrederetur quoddam castellum, occurrerunt ei decem viri leprosi. Et reliqua.

Homilia sancti Bernardi Abbatis. *Ex Serm. 27. de Diversis.*

Felix autem Samaritanus ille, qui cognovit se nihil habere quod non accepisset, et idcirco servavit depositum; et cum gratiarum actione ad Dominum est reversus. Felix, qui ad singula dona gratiae redit ad eum, in quo est plenitudo omnium gratiarum; cui, dum nos pro acceptis non ingratos exhibemus, locum in nobis facimus gratiae, ut maiora adhuc accipere mereamur. Omnino enim sola nos a profectu conversationis impedit ingratitudo nostra, dum quodam modo amissum reputans dator, quod ingratus accepit, cavet sibi de cetero, ne tanto plura amitteret, quanto plura conferret ingrato. Felix proinde, qui se alienigenam repu-

tans, etiam pro minimis quibusque beneficiis non minimas refert grates, gratuitum esse non dubitans neque dissimulans, quod alieno impenditur et ignoto. Nos autem miseri et miserabiles, cum in initio, dum adhuc alienos nos aestimamus, timorati satis, satis devoti et humiles inveniamur; tam facile postmodum obliviscimur, quam gratuitum sit quidquid accepimus: et praesumentes non bene quasi de familiaritate Dei, nequaquam advertimus quod mereamur audire, quoniam inimici Domini domestici ejus.

R. Dum irent leprosi, mundati sunt: * Unus autem regressus est cum magna voce magnificans Deum, et *†* Cecidit in faciem ante pedes Jesu, gratias agens; et hic erat Samaritanus. *✠*. Obliti sunt benefactorum Dei, et mirabilium ejus. * Unus. Gloria. *†* Cecidit. *Luc. 17. Ps. 77.*

Ad Benedictus. Ant. 1. g. Dixit Jesus: Nonne decem mundati sunt? et novem ubi sunt? Non est inventus qui rediret, et daret gloriam Deo, nisi hic alienigena. *Luc. 17.*

Oratio. Miss. Cadurc.

Deus, omnium bonorum fons, qui mundum ab ignorantiae et cupiditatis lepra in Filio tuo liberare dignatus es; insere cordibus nostris perpetuam tantae miserationis memoriam, ut quicumque mundati sunt, ad te redeant,

et tibi dent glóriam in præceptóre ac salvatóre suo, Jesu Christo; Qui tecum.

Ad Magnificat. Ant. 5. C.
Ait Samaritano Jesus: Surge, vade, quia fides tua te salvum fecit. *Luc. 17.*

DOMINICA XIV POST PENTECOSTEN.

IN I NOCTURNO.

Lectio I. Cap. 1 et 2.

Incipit Epístola prima beáti Pauli Apóstoli ad Thessalonicenses.

PAULUS, et Silvánus, et Timótheus, Ecclesiæ Thessalonicénsium, in Deo Patre, et Dómino Jesu Christo: Grátia vobis, et pax. Grátias ágimus Deo semper pro ómnibus vobis, memóriam vestri facientes in oratióibus nostris sine intermissiõe. Mémoires estis, fratres, labóris nostri, et fatigatióis: nocte ac die operantes, ne quem vestrum gravéremus, prædicávimus in vobis Evángélium Dei. Vos testes estis, et Deus, quam sancte et juste, et sine queréla vobis, qui credidistis, fúimus: sicut scitis, quáliter unumquemque vestrum, sicut pater filios suos, deprecantes vos, et consolantes, testificáti sumus, ut ambularétis digne Deo, qui vocávit vos in suum regnum et glóriam. Ideo et nos grátias ágimus Deo sine intermissiõe, quóniam cum

accepissétis a nobis verbum auditus Dei, accepistis illud, non ut verbum hóminum, sed sicut est vere, verbum Dei, qui operátur in vobis, qui credidistis.

R. Hi sunt qui * Verbum rétinent, et fructum áfferunt in paciéntia, *Y.* In corde bono et óptimo audientes, * Verbum. *Luc. 8.*

Lectio II.

Vos enim imitatóres facti estis, fratres, Ecclesiárum Dei quæ sunt in Judæa in Christo Jesu; quia éadem passi estis et vos a contribúlibus vestris, sicut et ipsi a Judæis, qui et Dóminum occidérunt Jesum et Prophétas, et nos persecúti sunt; et Deo non placent, et ómnibus homínibus adversantur; prohibentes nos géntibus loqui ut salvæ fiant; ut ímpleant peccáta sua semper; pervénit enim ira Dei super illos, usque in finem. Nos autem, fratres, desoláti a vobis ad tempus horæ, adspectu, non corde, abundantius festinávimus faciém vestram vidére cum multo desidério: quóniam volúimus veníre ad vos: ego quidem, Paulus, et semel, et íterum, sed impedívit nos sáttanas.

R. Sic * Omnes qui placuerunt Deo, per multas tribulatiões transiérunt fidéles. *Y.* Tribulatiões me manent, sed nihil horum véreor. * Omnes. *Judith. 8. Act. 20.*

Lectio III. Cap. 2 et 3.

QUÆ est enim nostra spes, aut gaudium, aut coróna glóriæ? Nonne vos ante Dóminum nostrum Jesum Christum estis in adventu ejus? Vos enim estis glória nostra et gaudium. Cum apud vos essemus, prædicebámus vobis passúros nos tribulatiónes, sicut et factum est, et scitis: propterea et ego ámplius non sústinens, nisi ad cognoscendam fidem vestram: ne forte tentáverit vos is qui tentat, et inánis fiat labor noster. Nunc autem veniente Timótheo ad nos a vobis, et annuntiante nobis fidem et caritatem vestram, et quia memóriam nostri habétis bonam semper, desiderantes nos vidére, sicut et nos quoque vos: ideo consoláti sumus, fratres, in vobis in omni necessitaté, et tribulatióne nostra per fidem vestram: quóniam nunc vívimus, si vos statis in Dómino.

R). Deus omnis grátiae, qui vocávit nos in æternam suam glóriam in Christo Jesu,* Módicum passos ipse perficiet, confirmábit, solidabitque. V). Non derelinquet Dóminus sanctos suos; * Módicum. Glória. * Módicum. *I. Petr. 5. Ps. 36.*

*IN II NOCTURNO.**Lectio IV.*

Ex Diálogo sancti Justíni Mártiris, cum Tryphóne Judæo. n. 93.

MINI præcláre a Dómino nostro et Salvátore Jesu Christo dictum vidétur, duóbus præceptis justítiam omnem et pietátem adimpléri: Díliges Dóminum Deum tuum ex toto corde tuo, et ex totis víribus tuis, et próximum tuum sicut teipsum. Nam qui ex toto corde et ex totis víribus díligit Deum, is cum piæ sententíæ plenus sit, nullum álium Deum colet. Et qui próximum díligit tanquam seipsum, éadem illi bona, ac ipse sibi optábit. Nemo autem sibi mala eveníre vult. Próximus autem hómínis, non est álius quam illud similibus perpassiónibus obnoxium et ratióne præditum animal, homo. Bifariam igitur distribúta omni justítia, in Deum et hómínes; quicumque, ait Scriptúra, díligit Dóminum Deum ex toto corde et ex totis víribus, et próximum ut seipsum, is vere justus fúerit.

R). Diliges Dóminum Deum tuum ex toto corde tuo: * Hoc est máximum et primum mandátum. V). Quid Dóminus Deus tuus petit a te, nisi ut díligas eum, ac sérvias Dómino Deo tuo in toto corde tuo et in tota ánima tua? * Hoc. *Matth. 22. Deut. 10.*

Lectio V.

Ex Libro primo sancti Augustíni Epíscopi de Doctrína Christiána. *Cap. 22. n. 21.*

TUNC est quippe óptimus homo, cum tota vita sua pergit in incommutabilem vitam, et toto affectu inhæret illi : si autem se propter se diligit, non se refert ad Deum, sed ad seipsum conversus, non ad incommutabile áliquíd convertitur. Si ergo teipsum non propter te debes diligere, sed propter illum ubi dilectiõnis tuæ rectíssimus finis est, non succenseat álius homo, si étiam ipsum propter Deum diligis. Hæc enim régula dilectiõnis divínitus constitúta est : Diliges, inquit, próximum tuum sicut teipsum : Deum vero ex toto corde, et ex tota ánima, et ex tota mente, ut omnes cogitatiõnes tuas, et omnem vitam, et omnem intellectum in illum cónferas, a quo habes ea ipsa quæ confers. Cum autem ait, toto corde, tota ánima, tota mente, nullam vitæ nostræ partem relinquit, quæ vacáre debeat, et quasi locum dare ut ália re velit frui, sed quidquid áliud diligendum vénerit in ánimum, illuc rapiátur, quo totus dilectiõnis ímpetus currit. Quisquis ergo recte próximum diligit, hoc cum eo debet ágere, ut étiam ipse toto corde, tota ánima, tota mente diligit Deum. Sic enim eum diligens tanquam seipsum, totam dilectiõnem sui et illíus refert in illam dilectiõnem Dei, quæ nullum a se rívulum duci extra pátitur, cujus derivatiõne minuátur.

R. Secundum mandátum simile est huic : * Diliges próximum tuum sicut teipsum. **Ÿ.** Diliges próximum, et conjungere fide cum illo. * Diliges próximum. *Matth. 22. Eccli. 27.*

Lectio VI.

Ex Epístola centésima quinquagésima quinta sancti Augustini Episcopi ad Macedónium. *Cap. 4. n. 15.*

CUM illa dilectiõne, quam divína lex ímperat, debeat homo diligere Deum, et seipsum, et próximum; non tamen ex hoc tria præcepta data sunt, nec dictum est in his tribus, sed in his duóbus præceptis tota lex pendet et Prophétæ : videlicet ut intelligeretur nullam esse áliam dilectiõnem, quæ quisque diligit seipsum, nisi quod diligit Deum. Qui enim áliter se diligit, pótius se odisse dicendus est. Fit quippe iníquus, privaturque luce justítiæ, cum a potióre ac præstantióre bono aversus, atque inde vel ad seipsum conversus, ad inferiora et egéna útique convertitur; fitque in ipso quod veracíssime scriptum est : Qui autem amat iniquitatem, odit ánimam suam.

n. Hoc mandátum habemus a Deo, * Ut † Qui diligit Deum, diligit et fratrem suum. **Ÿ.** In his duóbus mandátis universa lex pendet et Prophétæ. * Ut. Glória. † Qui. *1. Joan. 4. Matth. 2.*

IN III NOCTURNO.

Lectio VII.

Ex Libro primo Confessi-
onum sancti Augustini Episco-
pi. Cap. 5.

QUIS mihi dabit adquiéscere
in te, Dómine? quis mihi da-
bit ut vénias in cor meum, et
inébries illud, ut obliviscar
mala mea, et unum bonum
meum amplectar te? Quid
mihi es? miserére ut loquar;
quid tibi sum ipse ut amári te
júbeas a me, et nisi fáciam
irascáris mihi, et mínérís
ingentes misérias? Párvane
ipsa est, si non amem te? Hei
mihi! dic mihi per miseratió-
nes tuas, Dómine Deus meus,
quid sis mihi. Dic ánimæ
meæ: Salus tua ego sum. Sic
dic ut áudiam. Curram post
vocem hanc, et apprehendam
te. Noli abscondere a me fá-
ciem tuam; móriar, ne mó-
riar, ut eam vídeam. Angusta
est domus ánimæ meæ quo vé-
nias ad eam: dilatétur abs te.
Ruinósa est: réfice eam. Ha-
bet quæ offendant óculos tuos,
fáteor et scio: sed quis mun-
dábit eam? Aut cui áleri præ-
ter te clamábo? Ab occultis
meis munda me, Dómine, et
ab aliénis parce servo tuo.

R). Quid mihi est in cœlo,
et a te quid vólui super ter-
ram? Defécit caro mea et cor
meum: * Deus cordis mei, et
pars mea Deus in æternum.
Ÿ. Dic ánimæ meæ, Dómine:
Salus tua ego sum. * Deus.
Ps. 72 et 34.

Lectio VIII.

Ex Libro décimo tértio
earumdem Confessiönum.
Cap. 9.

IN dono tuo, Dómine, re-
quiéscimus; ibi te frúimur.
Réquies nostra, locus noster.
Amor illuc adtollit nos, et
Spíritus tuus bonus exaltat
humilitátem nostram de por-
tis mortis. In bona voluntáte
pax nobis est. Corpus pónde-
re suo nítitur ad locum suum.
Pondus non ad ima tantum
est, sed ad locum suum. Ignis
sursum tendit, deorsum la-
pis. Pondéribus suis agun-
tur, loca sua petunt. Minus
ordináta inquiéta sunt, ordi-
nantur et quiescunt. Pondus
meum amor meus, eo feror
quocumque feror. Dono tuo
accéndimur, et sursum féri-
mur. Inardéscimus et imus,
quóniam sursum imus ad pa-
cem Jerúsalem. Ibi nos collo-
cávit voluntas bona, ut nihil
velímus áliud quam permané-
re illic in æternum.

R). Quemádmódum desíde-
rat cervus ad fontes aquárum,
ita desiderat ánima mea ad te,
Deus. * Sitívit ánima mea ad
Deum fortem, vivum: quando
véniám et apparébo ante fá-
ciem Dei: Ÿ. Quis dabit mihi
pennas sicut columbæ; et vo-
lábo, et requiescam? * Sitívit.
Ps. 41 et 54.

Lectio IX. Cap. 6.

Léctio sancti Evangélii se-
cundum Matthæum.

Deo serviendum, non mammonæ.

In illo tēpore ; Dixit Jesus discipulis suis : Nemo potest duobus dōminis servīre. Aut enim unum odio habēbit, et alterum dīliget ; aut unum sustinēbit, et alterum contemnet. Non potestis Deo servīre, et mammonæ. Et reliqua.

Homīlia Sancti Basīlii Epīscopi. *De Eleemos. 4. et de Avaritia.*

PARTICIPES fac cibariōrum fratres : quod cras putrescet, id hōdie tradas egentī. Avaritiæ pessimum genus est, ne ea quidem quæ corrumpuntur egēnis erogāre. Si qui indūtum nudat, fur appellābitur ; qui nudum non induit, cum facere possit, quam alia appellatiōne dignus est ? Esurientis est panis quem tu dēlines ; nudi est pallium quod tu in arca servas ; discalceāti, cālceus qui apud te putrescit ; indigentis, argentum quod defossum habes. Quid respondēbis iūdicī, tu qui parītes vestis, hōminem non vestis ? Qui equos amas, fratrem panīculis lāceris coopertum aspernāris ? Qui putrescere sinis frumentum, esurientes non alis ? Qui dēfodis aurum, oppressum contemnis ? (Ne dicas) Egēnis impertiā tum, cum secunda hōrrea implēvero. Longum tibi vitæ tempus præfixisti. Cave, te præfīsta dies festīnans prævertat. Pollicitatiō isthæc, nequitiæ argumentum est, non benigni-

tatis : pollicēris enim, non ut des pōstea, sed ut præsens submōveas. Audi Salomōnem : Ne dīxeris : Revertens redi, cras dabo ; ignōras enim quid pariet dies sequens.

℞. Ante mortem secundum vires tuas expōrrigens, * Da pauperi, et ante obitum tuum operāre justitiam. ℥. Fiducia magna erit coram summo Deo eleemōsyna omnibus faciētibz eam. * Da pauperi. Glōria. * Da pauperi. *Ecclī. 14. Tob. 4.*

Ad Benedictus. Ant. 3. a. Nemo potest duobus dōminis servīre : non potestis Deo servīre, et mammonæ. *Matth. 6.*

Oratio. Brev. Bitur.

DA nobis, quæsumus, Dōmine, regnum tuum et justitiam ejus inquirere, et præstare ut bonis temporālibz, quæ ex benignitate spirituālibz adjicis, sōbrie et pie utāmur ; Per Dōminum.

Ad Magnificat. Ant. 1. g. Quærite primum regnum Dei et justitiam ejus ; et hæc omnia adjicientur vobis. *Matth. 6.*

DOMINICA XV POST PENTECOSTEN.

IN 1 NOCTURNO.

Lectio 1. Cap. 3.

Ex Epīstola prima beāti Pauli Apōstoli ad Thessalonicenses.

QUAM gratiārum actiōnem

póssumus Deo retribuere pro vobis in omni gáudio, quo gaudémus propter vos ante Deum nostrum, nocte ac die abundantius orantes, ut videámus fáciem vestram, et compleámus ea, quæ desunt fidei vestræ? Ipse autem Deus et Pater noster, et Dóminus noster Jesus Christus dirigat viam nostram ad vos. Vos autem Dóminus multiplicet, et abundare fáciat caritatem vestram in invicem, et in omnes, quemádmódum et nos in vobis: ad confirmanda corda vestra sine queréla in sanctitate, ante Deum et Patrem nostrum, in adventu Dómini nostri Jesu Christi cum ómnibus sanctis ejus. Amen.

℞. Bonum facientes, non deficiámus; témpore enim suo metémus non deficientes. * Ergo dum tempus habémus, operémur bonum ad omnes, máxime autem ad domésticos fidei. ✠. Bonórum labórum gloriósus est fructus. * Ergo. *Gal. 6. Sap. 3.*

Lectio II. Cap. 4.

De cætero ergo, fratres, rogámus vos et obsecrámus in Dómino Jesu, et quemádmódum accepistis a nobis quómodo opórteat vos ambulare, et placere Deo, sic et ambulétis, ut abundétis magis. Scitis enim quæ præcepta déderim vobis per Dóminum Jesum. Hæc est enim voluntas Dei sanctificatio vestra: ut abstineátis vos a fornicatione:

ut sciat unusquisque vestrum vas suum possidere in sanctificatione et honóre: non in passione desidérii, sicut et Gentes, quæ ignorant Deum: et ne quis supergrediatur, neque circumvéniat in negótio fratrem suum: quóniam vindex est Dóminus de his ómnibus, sicut prædiximus vobis, et testificati sumus. Non enim vocávit nos Deus in immunditiam, sed in sanctificationem. Itaque qui hæc spernit, non hóminem spernit, sed Deum: qui étiam dedit Spíritum suum sanctum in nobis.

℞. Pépigi fœdus cum óculis meis, ut ne cogitárem quidem de vírgine. * Quam enim partem habéret in me Deus désuper, et hæreditatem Omnipotens de excelsis? ✠. Tollens membra Christi, fáciam membra meretrícis? Absit: * Quam. *Job. 31. I. Cor. 6.*

Lectio III. Cap. 4 et 5.

De caritate autem fraternitatis non necesse habémus scribere vobis: ipsi enim vos a Deo didicistis ut diligátis invicem. Etenim illud fácitis in omnes fratres in universa Macedónia. Rogámus autem vos fratres, ut novéritis eos, qui labórant inter vos, et præsumt vobis in Dómino, et monent vos, ut habeátis illos abundantius in caritate propter opus illórum: pacem habéte cum eis. Rogámus autem vos, fratres, corrípíte

inquiétos, consolámini pusillánimes, suscípите infirmos, patientes estóte ad omnes. Vidéte ne quis malum pro malo alicúi reddat : sed semper quod bonum est sectámini in ínvicem, et in omnes. Semper gaudéte. Sine intermissione oráte, in ómnibus grátias ágite : hæc est enim Voluntas Dei in Christo Jesu in ómnibus vobis. Spiritum nolíte exstinguere. Prophétias nolíte spérnere. Omnia autem probáte : quod bonum est tenéte. Ab omni spécie mala abstinéte vos. Fratres, oráte pro nobis. Salutáte fratres omnes in ósculo sancto. Adjúro vos per Dóminum, ut legátur Epístola hæc ómnibus sanctis frátribus. Grátia Dómini nostri Jesu Christi vobiscum. Amen.

R. Sóbrie, et juste, et pie vivámus in hoc século, * Expectantes beátam spem et adventum glóriæ magni Dei et Salvatóris nostri Jesu Christi. V. Cum exárserit in brevi ira ejus, beáti omnes qui confidunt in eo. * Exspectantes. * Glória. * Exspectantes. Tit. 2. Ps. 2.

IN II NOCTURNO.

Lectio IV.

Ex Libro décimo quarto sancti Augustíni Episcopi de Civitáte Dei. Cap. 28.

FECERUNT civitátes duas amóres duo, terrénam scilicet amor sui usque ad contemp-

tum Dei; cœlestem vero amor Dei usque ad contemptum sui. Dénique illa in seipsa, hæc in Dómino gloriátur. Illa enim quærit ab homínibus glóriam : huic autem Deus consciéntiæ testis, máxima est glória. Illa in glória sua exaltat caput suum; hæc dicit Deo suo : Glória mea, et exaltans caput meum. Illi in principibus ejus, vel in eis quas súbjugat natióibus dominandi libído dominátur : in hac sérvíunt ínvicem in caritáte, et præpósiti consulendo, et súbditi obtemperando. Illa in suis poténtibus díligit virtútem suam : hæc dicit Deo suo : Díligam te, Dómine, virtus mea.

R. Usquequo claudicátis in duas partes? * Si Dóminus est Deus, sequímini eum : si autem Baal, sequímini illum. V. Nemo potest duóbus dómínis servíre : aut enim unum ódiat, et álterum díliget : aut uni adhærébit, et álterum contemnet. * Si Dóminus. III. Reg. 18. Luc. 16.

Lectio V.

Ex Sermóne trigésimo quarto ejusdem. Cap. 4.

QUID times dare te? si te non déderis, perdis te. Si quis vellet tibi fundum véndere, díceret tibi : Da mihi aurum tuum. Audi quid tibi dicat ex ore Sapiéntiæ caritas : Da mihi, fili, cor tuum. Male erat, quando a te erat, quando tibi erat. Sit mihi, et non

perit tibi. Vide enim, si aliquid vóluit dimittere in te, unde ames vel te, qui tibi dicat: DÍliges Dóminum Deum tuum ex toto corde tuo, et ex tota ánima tua. Totum éxigit te, qui fecit te.

R. Quid Dóminus Deus tuus petit a te, nisi ut tíneas Dóminum Deum tuum, et díligas eum, ac sérvias Dómino Deo tuo * In toto corde tuo et in tota ánima tua? ✠. Præbe, fili mi, cor tuum mihi; et óculi tui vias meas custódiant, * In. *Deut.* 10. *Prov.* 23.

Lectio VI.

Ex Libro sancti Bernardi Abbátis de Diligendo Deo. *Cap.* 6.

Cum diléctio quæ tendit in Deum, tendat in immensum, tendat in infinitum, (nam et infinitus Deus est et immensus :) quisnam, quæso, débeat finis esse nostri vel modus amoris? Quid quod amor ipse noster non jam grátuitus impénditur, sed repénditur débitus? Amat ergo imménsitas, amat ætérnitas, amat superéminens sciéntiæ cáritas: amat Deus, cujus magnitudinis non est finis, cujus sapiéntiæ non est númerus, cujus pax exsúperat omnem intellectum: et vicem repéndimus cum mensúra? Díligam te, Dómine, fortitúdo mea, firmamentum meum, refúgium meum, et liberátor meus: et meum dénique quidquid optábile atque amabile

dici potest. Deus meus, adjutor meus, díligam te pro dono tuo, et modo meo, minus quidem justo, sed plane non minus posse meo. Pótero vero plus, cum plus donáre dignaberis; nunquam tamen prout dignus habéris.

R. Quid mihi est in cœlo, et a te quid vólui super terram? Defécit caro mea et cor meum: * Deus cordis mei, et pars mea Deus in æternum. ✠. Díligam te, Dómine, fortitúdo mea; * Deus. *Glória.* * Deus. *Ps.* 72 et 17.

IN III NOCTURNO.

Lectio VII.

Ex Homília trigésima sancti Gregórii Papæ. *n.* 1, 2.

Si unusquisque vestrum requirátur, an díligat Deum, tota fidúcia et secúra mente respondet: Díligo. Audistis quid Véritas dicat: Si quis díligit me, sermónem meum servábit. Probátio ergo dilectiónis, exhibítio est óperis. Vere etenim Deum díligimus, si ad mandáta ejus nos a nostris voluptátibus coarctámus. Nam qui adhuc per illícita desidéria díffluit, profecto Deum non amat; quia ei in sua voluntáte contradícit. Ille ergo vere amat, cujus videlicet mentem delectátio prava ex consensu non súperat. Nam tanto quisque a superno amore disjúngitur, quanto inférius delectátur. Unde et adhuc súbditur: Qui non dí-

ligit me, sermónes meos non servat. Ad vosmetipsos ergo, fratres caríssimi, introrsus redíte; si Deum vere amátis, exquirite: nec tamen sibi áliquis credat, quidquid sibi ánimus sine óperis adtestatióne respónderit. De dilectiône Conditóris, lingua, mens, et vita requirátur. Nunquam est Dei amor otíósus. Operátur étenim magna, si est: si vero operári rénuit, amor non est.

℞. Qui dicit se nosse Deum, et mandáta ejus non custódit, mendax est, et in hoc véritas non est. Qui autem servat verbum ejus, vere in hoc cáritas Dei perfecta est: * Et in hoc scimus quóniam in ipso sumus. ✠. Dixit Jesus: Si quis díligit me, sermónem meum servabit. * Et. 1. Joan. 2. Joan. 14.

Lectio VIII.

Ex Libro décimo Confessi-
sionum sancti Augustíni Epís-
copi. Cap. 27, 28 et 29.

SERO te amávi, pulchritúdo tam antíqua et tam nova, sero te amávi. Et ecce intus eras, et ego foris, et ibi te quærébam; et in ista formósa quæ fecisti deformis irruébam. Mecum eras, et tecum non eram. Vocasti, et clamasti, et rupisti surditátem meam. Cum inhæsero tibi ex omni me, nusquam erit mihi dolor et labor, et viva erit vita mea, tota plena te. Nunc autem quóniam quem tu imples, súblevas eum, quóniam tui

plenus non sum, óneri mihi sum. Numquid non tentátio est vita humana super terram? Quis velit moléstras et diffi-
cultátes? tolerári jubes eas, non amári. Nemo quod tóle-
rat amat, etsi toleráre amat: quamvis enim gáudeat se to-
leráre, mavult tamen non es-
se quod tóleret. Próspera in
adversis desídero, adversa in
prósperis tímeo. Quis inter
hæc médius locus ubi non sit
humána vita tentátio? Et tota
spes mea nonnisi in magna
valde misericórdia tua. Da
quod jubes, et jube quod vis.
Minus te amat qui tecum áli-
quid amat quod non propter
te amat. O amor qui semper
ardes, et nunquam exstíngue-
ris! Cáritas Deus meus, ac-
cende me.

℞. Ignis in altári semper
ardébit, quem nútriet sacer-
dos subjiciens ligna mane per
singulos dies: * Ignis est iste
perpétuus qui nunquam defi-
ciet. ✠. Dixit Dóminus: Ig-
nem veni mittere in terram;
et quid volo, nisi ut accen-
dátur? * Ignis. Levit. 6. Luc. 12.

Lectio IX. Cap. 7.

Lectio sancti Evangélíi se-
cundum Lucam

Juvenis mortuus suscitatur.

IN illo témpore; Ibat Jesus in
civitátem quæ vocátur Naim;
et ibant cum eo discípuli ejus,
et turba copiósa. Cum autem
appropinquáret portæ civitá-
tis, ecce defunctus efferebá-

tur filius ánicus matris suæ.
Et reliqua.

Homilia sancti Augustini
Episcopi. *Serm.* 98. c. 4, 5, 7.

CHRISTUS resuscitávit filiam
mórtuam Archisynagógi, ad
quam ægrotantem petebátur
ut eam de ægritúdine liberá-
ret. Excitávit et hunc júve-
nem víduæ filium, de quo
nunc admóniti sumus. Exci-
távit et Lázarum de sepulcro.
Ista tria génera mortuórum
sunt tria génera peccatórum,
quos hodiéque suscitát Chris-
tus. Illa enim mórtua filia
Archisynagógi intus erat in
domo; nondum erat de secré-
tis parietibus eláta in públi-
cum. Ibi intus suscitáta est,
viva parentibus réddita. Iste
autem jam quidem non in
domo, sed tamen nondum in
sepulcro; parietibus elátus
erat, terræ mandátus non
erat. Qui suscitávit mórtuam
nondum elátam, suscitávit
mórtuum jam elátum, non-
dum sepultum. Tértium res-
tábat, ut et sepultum suscitá-
ret; et hoc fecit in Lázaro.
Hæc ergo, caríssimi, sic au-
diámus, ut qui vivunt, vivant;
qui mórtui sunt, reviviscant.
Sive adhuc peccátum in corde
conceptum est, et non pro-
cessit in factum; pœniteat,
corrigátur cogitátio, surgat
mórtuus intra domum con-
sciéntiæ. Sive jam, quod co-
gitávit, admísit; nec sic des-
perétur. Non surrexit mór-
tuus intus: surgat elátus.
Pœniteat facti, de próximo

reviviscat: non eat in profun-
dum sepultúræ; non accípiat
désuper consuetúdinis mo-
lem. Sed forte jam illi loquor,
qui jam duro sui moris lápide
prémitur, qui jam urgétur
consuetúdinis póndere, qui
jam quatríduanus putet; nec
ipse despéret: profundus
mórtuus est; sed altus est
Christus. Novit clamando ter-
réna ónera rúmpere, novit
intrínsecus per seipsum vivi-
ficáre, solvendum discíplis
trádere. Agant étiam tales pœ-
niténtiam: neque enim Laza-
ro resuscitáto post quatrídu-
um ullus putor in vivente re-
mánserat. Ergo qui vivunt,
vivant: quicumque autem
mórtui sunt, in quacumque
harum trium morte se invé-
nerint, agant ut celériter jam
resurgant.

Þ). Sicut Pater súscitat mór-
tuos, et vivificat; * Sic et †
Filius quos vult, vivificat. ✕.
Non est fortis sicut Deus nos-
ter: Dóminus mortificat, et
vivificat. * Sic. Glória Patri.
† Filius. *Joan.* 5. *I. Reg.* 2.

Ad Benedictus. Ant. 2. D.
Qui erat mórtuus, cœpit lo-
qui; et dedit illum Jesus ma-
tri suæ. *Luc.* 7.

Oratio. Brev. Bitur.

ECCLÉSIE tuæ, Dómine, lá-
crymas et preces benignus
exaudi, ut quæ de suórum
contristátur spiritali morte
filiórum, de eórum ad grátie
vitam resurrectione lætétur;
Per Dóminum.

Ad Magnificat. Ant. 1. D.
Accépit omnes timor, et magnificabant Deum, dicentes: Quia Prophéta magnus surrexit in nobis, et quia Deus visitávit plebem suam. *Luc. 7.*

DOMINICA XVI

POST PENTECOSTEN.

IN 1 NOCTURNO.

Lectio I. Cap. 1.

Incipit Epístola secunda beáti Pauli Apóstoli ad Thessalonicenses.

PAULUS et Silvánus, et Timótheus Ecclésiæ Thessalonicensium, in Deo Patre nostro, et Dómino Jesu Christo. Grátia vobis et pax a Deo Patre nostro, et Domino Jesu Christo. Grátias ágere debémus semper Deo pro vobis, fratres, ita ut dignum est, quóniam supercrescit fides vestra, et abundat caritas uniuscujusque vestrum in invicem: ita ut et nos ipsi in vobis gloriémur in Ecclésiis Dei, pro patientia vestra, et fide, et in omnibus persecutióibus vestris, et tribulatióibus quas sustinétis in exemplum justí iudicii Dei, ut digni habeámini in regno Dei, pro quo et patímini.

R. Deus pacis sanctíficet vos per ómnia; ut ínteger spíritus vester, et ánima, et corpus sine queréla in adventu Dómini nostri Jesu Christi servétur. * Fidélis est qui

vocávit vos; qui étiam faciet. *¶* Speráte in eo omnis congregatio pópuli, effúndite coram illo corda vestra. * Fidélis. *I. Thess. 5. Ps. 61.*

Lectio II. Cap. 3.

DENUNTIAMUS autem vobis, fratres, in nómine Dómini nostri Jesu Christi, ut subtrahátis vos ab omni fratre ambulante inordináte, et non secundum traditióem quam acceperunt a nobis. Ipsi enim scitis quemádmódum opóreat imitári nos: quóniam non iniquiéti fúimus inter vos: neque gratis panem manducávimus ab álquo, sed in labóre et in fatigatióne, nocte et die operantes, ne quem vestrum graváremus. Nón quasi non habuérimus potestátem, sed ut nosmetipsos formam darémus vobis ad imitandum nos.

R. Beáti omnes qui timent Dóminum, qui ámbulant in viis ejus. * Labóres mánuum tuárum, quia manducábis; beátus es, et bene tibi erit. *¶* Rogámus vos, fratres, ut operémini máribus vestris, sicut præcépimus vobis. * Labóres. *Ps. 127. I. Thess. 4.*

Lectio III.

NAM et cum essémus apud vos, hoc denuntiabámus vobis: quóniam si quis non vult operári, nec mandúcet. Audívimus enim inter vos quosdam ambuláre inquiéte, nihil operantes, sed curióse agen-

tes. Iis autem qui ejúsmodi sunt, denuntiámus, et obsecrámus in Dómino Jesu Christo, ut cum siléntio operantes, suum panem mandúcent. Vos autem fratres, nolíte defícere beneficientes. Quod si quis non obédit verbo nostro per Epístolam, hunc notáte, et ne commisceámini cum illo, ut confundátur : et nolíte quasi inimicum existimáre, sed corrípíte ut fratrem. Ipse autem Dóminus pacis det vobis pacem sempiternam in omni loco. Dóminus sit cum ómnibus vobis.

R. Si quis ex vobis erráverit a veritaté, et convérterit quis eum ; scire debet, * Quóniam qui converti fécerit peccátorem ab erróre viæ suæ, salvábit ánimam ejus a morte, et opériet multitudinem peccátorum. ✠. Si præoccupátus fúerit homo in áliquo delicto, vos qui spirituáles estis, hujúsmodi instrúite in spíritu lenitátis, * Quóniam. Glória. * Quóniam. *Jac. 5. Gal. 6.*

IN II NOCTURNO.

Lectio IV.

Sermo sancti Augustíni Epíscopi. *Serm. 196, in Nat. Dom. 13. Cap. 2.*

TRES vitæ sunt in Ecclesiá membrórum Christi : conjugális, viduális, virginális. Omnes istæ vitæ tres adtestátæ sunt Christum. Prima conjugális : quando María virgo concépit, Elísabeth uxor Za-

chariæ et ipsa concéperat ; hujus Júdicis præcónem ferébat in útero. Venit ad eam sancta María, tanquam ad cognátam suam salutandam. Exsultávit infans in útero Elísabeth. Ille exsultávit, illa prophetávit. Habes adtestantem pudicítiam conjugálem.

R. Qui timétis Dóminum, créдите illi, * Et non evacuábitur merces vestra. ✠. Conténdite intráre per angustam portam, * Et. *Eccli. 2. Luc. 13.*

Lectio V.

UBI viduális vita ? In Anna. Audistis, quod esset sancta prophetissa vídua octoginta et quátuor annórum, quæ septem annis víxerat cum viro suo ; frequentans templum Dómini, sérviens in orationibus nocte et die. Et ipsa vídua agnóvit Christum. Vidit parvum, agnóvit magnum. Et ipsa adtestáta est. Habes et in ista vitam viduálem. In María virginálem. Eligat sibi quisque de istis tribus quam volúerit. Non dicant conjugátæ : Nos ad Christum non pertinémus. Habuérunt marítos sanctæ féminæ. Non se extollant vírgines. Quanto magnæ sunt, humílient se in ómnibus. Omnia exempla salutis propósita sunt ante óculos nostros. Si pudicítiam conjugálem quæris, habes Susannam : si viduálem, habes Annam : si virginálem, habes Mariám.

R. Qui timétis Dóminum,

speráte in illum, et scitóte
 *Quia nullus sperávit in Dó-
 mino et confúsus est. *Ÿ.*
 Factor óperis, hic beátus in
 facto suo erit; *Quia. *Eccli. 2.*
Jac. 1.

Lectio VI.

Ex libro ejusdem de Agóne
 Christiáno. *Cap. 11.*

ERIGAT spem suam genus
 húmánum, et recognoscat na-
 túram suam: vídeat quantum
 locum hábeat in opéribus
 Dei. Nolíte vos ipsos contém-
 nere, viri; Fílius Dei virum
 suscepit. Nolíte vosmetipsas
 contémnere, féminæ; Fílius
 Dei natus ex fémina est. No-
 líte tamen amáre carnália;
 quia in Fílio Dei nec máscu-
 lus nec fémina sumus. Nolíte
 amáre temporália, quia si
 bene amarentur, amáret ea
 homo quem suscepit Fílius
 Dei. Nolíte timére contumé-
 lias, et cruces, et mortem;
 quia si nocérent hómini, non
 ea paterétur homo quem sus-
 cepit Fílius Dei.

R. Qui timétis Dóminum,
 diligite illum; * Quis enim
 permansit in mandátis ejus et
 derelictus est? *Ÿ.* Beátus vir
 qui timet Dóminum; * Quis.
 Glória. * Quis. *Eccli. 2. Ps. 3.*

IN III NOCTURNO.

Lectio VII.

Ex libro sancti Augustíni
 Epíscopi, de Móribus Ecclé-
 siæ Cathólicæ. *Cap. 31 et 33.*

QUIS non illos mirétur et

prædicet, qui, contemptis at-
 que desertis mundi hujus il-
 lécebris, in comúnem vit-
 tam castíssimam sanctíssi-
 mamque congregáti, simul
 ætátem agunt, viventes in ora-
 tió nibus, in lectionibus, in
 disputatió nibus, nulla supér-
 bia túmidi, nulla pervicácia
 turbulenti, nulla invidéntia
 lívidi: sed modesti, verecun-
 di, pacáti, concordíssimam
 vitam et intentíssimam in
 Deum, gratíssimum munus
 ipsi ófferunt, a quo ista posse
 meruérunt. Nemo quidquam
 póssidet próprium; nemo
 cuiquam onerosus est. Ope-
 rantur mánibus ea, quibus
 et corpus pasci possit, et a Deo,
 mens impediri non possit. Cá-
 ritas præcipue custodítur;
 caritati victus, caritati sermo,
 caritati hábitus, caritati vul-
 tus aptátur, cóstur in unam
 conspiraturque caritátem;
 hanc violáre, tanquam Deum,
 nefas dúcitur: huic si quid
 resistit, expugnátur atque ejí-
 citur; hanc si quid offendit,
 unum diem duráre non síni-
 tur. Sciunt ita commendátam
 esse a Christo et Apóstolis,
 ut si hæc una desit, inánia;
 si hæc adsit, plena sint ómnia.

R. Beátos vos dicent omnes
 gentes; * Eritis vos terra de-
 siderábilis. *Ÿ.* Mútuam in vo-
 bismetipsis caritátem conti-
 nuam habentes, * Eritis. *Malac.*
3. I. Petr. 4.

Lectio VIII.

Ex Libro tértio sancti Joan-

nis Chrysósti Epíscopi adversus oppugnatores vitæ Monástica. n. 10.

VITÆ genus cœlo dignum delegerunt, nec minorem Angelico statum obtinent. Quemadmodum enim apud Angelos nulla est inæqualitas : neque alii prospere, alii in extremis malis versantur, sed omnes in una pace, lætitia et gloria : sic et his in locis, nemo paupertatem expróbrat, nemo de divitiis gloriatur : meum et tuum illud, quod omnia subvertit et perturbat, pénitus éxsulat. Omnia ipsis communia sunt, mensa, domicilium, vestimenta. Ecquid mirum, quando ipsa ánima una eademque omnibus est? Omnes eadem sunt nobilitate nobiles, eadem servitute servi, eadem libertate liberi. Unæ illic omnibus divitiæ, quæ vere divitiæ sunt : una gloria, quæ vere gloria : non enim nómine, sed re bona tenent ; una voluptas, unum desiderium, una spes omnibus ; ac quasi quadam norma et libra omnia accuráte ordinantur. Illic solum vídeas hæc perfecte contingere, quod ea quæ singulis accidunt, seu tristitia, seu bona, omnibus communia esse putentur.

¶. Ecce quam bonum et quam jucundum habitare * Fratres in unum. ¶. Omnes unánimes, compatiētes, misericordis amatores, misericordes, modesti, húmiles, * Fratres. Ps. 132. II. Petr. 3.

Lectio IX. Cap. 14.

Lectio sancti Evangelii secundum Lucam.

Hydropicus sabbato sanatus.

IN illo tempore ; Cum intraret Jesus in domum cujusdam principis Phariseorum sabbato manducare panem, et ipsi observabant eum : et ecce homo quidam hydropicus erat ante illum. Et reliqua.

Homília sancti Bernardi Abbátis. Serm. 37. in Cantic. n. 7.

NOLI te, homo, comparare majoribus, noli minoribus, noli aliquibus, noli uni. Quid scis enim, o homo ! si unus ille, quem forte omnium vilissimum atque miserrimum reputas, cujus vitam sceleratissimam ac singulariter foedissimam horres, et propterea illum putas spernendum, non modo præ te, qui forte jam sóbrie, et juste, et pie vivere te confidis, sed étiam præ céteris omnibus sceleratis, tanquam omnium sceleratissimum : Quid scis, inquam, si mélior et te, et illis, mutatióne dexteræ Excelsi, in se quidem futurus sit, in Deo vero jam sit? Et propterea non medíocre, non vel penúltimum, non ipsum saltem inter novissimos eligere locum nos vóluit. Sed, Recumbe, inquit, in novissimo loco : ut solus videlicet omnium novissimus sédeas, teque némini, non dico, præpó-

nas, sed nec comparare præsumas.

R. Qui gloriatur, in Domino gloriatur; * Non enim qui seipsum commendat, ille probatus est. V. Non gloriatur sapiens in sapientia sua.* Non. Glória. * Non. II. Cor. 10. Jer. 9.

Ad Benedictus. Ant. 1. J. Jesus dixit ad Legisperitos et Pharisæos: Si licet sabbato curare? At illi tacuerunt. Ipse vero apprehensum sanavit hydrópicum ac dimisit. Luc. 14.

Oratio. Miss. Senon.

DEUS excelse, qui respicis humiles, humilium nobis sensus inspira, ut digni simus ad quos respicias; Per Dominum.

Ad Magnificat. Ant. 7. a. Respondens Jesus ad Legisperitos, dixit: Cujus vestrum asinus aut bos in puteum cadet, et non continuo extrahet illum die sabbati? Et non poterant ad hæc respondere illi. Luc. 14.

DOMINICA XVII POST PENTECOSTEN.

IN I NOCTURNO.

Lectio I. Cap. 1.

Incipit Epístola prima beati Pauli Apóstoli ad Timótheum.

PAULUS Apóstolus Jesu Christi secundum impérium Dei Salvatoris nostri, et Christi Jesu spei nostræ: Timó-

theo dilecto filio in fide: Grátia, misericórdia, et pax a Deo Patre, et Christo Jesu Domino nostro. Sicut rogavi te ut remaneres Ephesi cum irem in Macedóniam, ut denunciáres quibusdam ne áliter docerent, neque inténderent fábulis, et genealogiis interminátis: quæ quæstiões præstant magis quam ædificatió-nem Dei, quæ est in fide.

R. Formam habes sanórum verbórum, quæ a me audisti in fide et in dilectiône in Christo Jesu. * Bonum depósitum custódi per Spíritum sanctum, qui hábitat in nobis. V. Stultas et sine disciplína quæstiões devíta, sciens quia génerant lites. * Bonum. II. Tim. 1 et 2.

Lectio II.

FINIS autem præcepti est caritas de corde puro, et consciéntia bona, et fide non ficta. A quibus quidam aberrantes, conversi sunt in vaniloquium, volentes esse legis doctóres, non intelligentes neque quæ loquuntur, neque de quibus affirmant. Grátias ago ei, qui me confortávit, Christo Jesu Domino nostro, quia fidélem me existimávit, ponens in ministério: qui prius blasphémus fui, et persecútor, et contumeliósus: sed misericórdiam Dei consecútus sum, quia ignórans feci in incredulitaté. Superabundávit autem grátia Domini nostri cum fide, et dilectiône, quæ est in Christo Jesu.

¶ Non sum dignus vocári Apóstolus, quóniam persecútus sum Ecclesiám Dei. Grátia autem Dei sum id quod sum, * Et grátia ejus in me vácuá non fuit. †. Evangélii factus sum minister secundum donum grátiae Dei. * Et grátia. *I. Cor. 15. Ephes. 3.*

Lectio III.

FIDELIS sermo, et omni acceptione dignus: quod Christus Jesus venit in hunc mundum peccatores salvos facere, quorum primus ego sum. Sed ideo misericórdiam consecútus sum: ut in me primo osténderet Christus Jesus omnem patientiam, ad informationem eórum, qui credituri sunt illi, in vitam æternam. Regi autem seculórum immortalí, invisibili, soli Deo, honor et glória in sécula seculórum. Amen. Hoc præceptum commendo tibi, fili Timóthee, secundum præcedentes in te prophetías, ut milites in illis bonam militiam, habens fidem, et bonam consciéntiam, quam quidam repellentes, circa fidem naufragaverunt: ex quibus est Hymenæus, et Alexander: quos tradidi sátanæ, ut discant non blasphemare.

¶ Mali hómines, et seductores proficiunt in pejus, errantes, et in errorem mittentes. * Tu vero pórmane in iis, quæ didicisti et crédita sunt tibi. †. Profána et vanilóquia devíta, multum enim proficiunt ad

impietátem: et sermo eórum ut cancer serpit. * Tu vero. *Glória. * Tu vero. II. Tim. 3 et 2.*

IN II NOCTURNO.

Lectio IV.

E Testamento seu Documentis sancti Ludovíci Regis ad Philippum fílium.

FILI, hoc primum præcipio tibi, ut Deum ex toto corde tuo, et super ómnia díligas: hoc homo nisi fáciat, salvus esse non potest. Cave ne quid admittas quod displiceat Deo, hoc est, ne pecces: decet enim extrémá te pati pótius quam peccáre letháliter. Sic mala súscipe de manu Dei, ut súbditus sis ei, et grátias agas; et intélligas peccasse te in Deum, hæcque nihilóminus cooperári tibi in bonum. Sic bona súscipe, ut húmílem te præbeas et gratum, neque ex his superbus factus, aut áliter pejor, de dono Dei fácias contra Deum. Confítère sæpius peccáta tua sacerdoti; eumque cui peccáta confiteáris, sacerdotem élige, qui prudens sit et probus, teque illa certo dóceat, quæ ágere te aut fúgere oportébit. Is esto, quem confesárii, consanguínei et amíci monére et argúere non métuant. Corde et ore devótus adsis Offício Dei ecclesiástico, Missæ præsertim a consecratione córporis Domínici; neque mutíre hic, aut cum álío cólloqui áudeas.

¶ Audi, fili mi, discipli-

nam patris tui; habe fidúciám in Dómino ex toto corde tuo; * In ómnibus viis tuis cógita illum. †. Nihil dúcius quam respicere in mandátis Dómini. * In. *Prov. 1 et 3. Eccli. 23.*

Lectio V.

IN páuperes benignus ac pius, eos réfice et adjuva, ut póteris. Serva consuetúdi- nes regni tui, quæ rectæ sunt et æquæ; perversas córrige. Cave a cupiditate, neque pó- pulo tuo vectigália et ónera gravióra impóne, nisi forte cogat gráviór necessitas, et lex defendendi regni tui. Si est áliquíd quod angat áni- mum tuum, id áperi statim sacerdoti confessário tuo, aut viro álteri sapienti et bono, qui solétur te verbis non iná- nibus; hujus enim viri consí- lio lévius malum erit, fiesque ad illud ferendum fórtior. Ambulent tecum viri probi et pa- tientes, nec cúpidi, seu cléríci, seu religiósi, seu láici: malos autem devíta. Audi verba Dei libenter, et custódi ea in cor- de tuo. Preces, oratiónes, in- dulgéntias adi frequenter.

R. Cum viro sancto assí- duus esto, * Quemcumque cognóveris observantem tí- mórem Dei; qui, cum titubá- veris in ténebris, condolébit tibi. †. Consiliárius sit tibi unus de mille: * Quemcum- que. *Eccli. 37 et 6.*

Lectio VI.

Esro amans honóris et famæ

tuæ. Nemo áudeat ea præ- sente te loqui, quibus aut in- citétur áliquis ad peccátum, aut altérius, sive absentis, si- ve præsentis fama lædátur. Ne sinas proferri quidquam minus pium in Deum, in Dei matrem, in áliquem Sanctum aut Sanctam. Memor esto be- neficiórum Dei; et cum res próspere cedent tibi, ei grá- tias sæpius age. Curam habe servórum tuórum; et quo tí- meant te iidem, et ament ut Dóminum, æquum te illis, fácilem et íntegrum præbe. In omni causa inquíre diligenter veritátem; et tam pro te quam contra te, quod æquum erit pronúntia. Si admoneáris al- térius esse quod tenes, sive ablátum a te, sive a pátribus tuis relictum, re bene com- perta, statim redde.

R. Pone thesaurum tuum in præceptis Altíssimi, * Et próderit tibi magis quam au- rum. †. Sectáre justitiam, pietátem, fidem, caritátem, patientiam, mansuetúdinem. * Et. Glória. * Et. *Eccli. 29. I. Tim. 6.*

IN III NOCTURNO.

Lectio VII.

E Testamento sancti Ludo- víci Regis.

CURA ut súbditi tui, magná- rum præsertim úrbium cives, quiétam et tranquillam vi- tam agant in omni pietáte: concessa illis majóribus tuis privilégia et jura ne subverta;

sed eos beneficiis et amore devinci. Cum enim florébunt urbes regni tui præcipuæ, insurgere in te hostes tui, æmuli aut vassalli vix audébunt. Cléricos ac religiosos viros dilige et cole; ac ne réditus illórum, majórum tuórum eleemósynæ et dona, ab aliquibus rapiantur, omnino próhibe. Honóra patrem tuum et matrem tuam: ne præteri mandata eórum, et iram illórum métue. Beneficia ecclesiástica si cónferes, ea confer viris probis et intégræ vitæ; quos ut notióres hábeas, sapiéntium et piórum hóminum consilio útere.

¶ Si delectámini sédibus et sceptris, o reges pópuli, diligite sapiéntiam, * Ut in perpétuum regnétis. †. Humiliámini sub potenti manu Dei. * Ut. *Sap. 6. I. Petr. 5.*

Lectio VIII.

INTUERE sæpius in ministros tuos, ne desint officio suo; et si quid ab eis peccátum fúerit, córripe. Cura ne dominétur in regno tuo peccátum áliquod grave, máxime autem blasphemía et hæresis: si dominári jam cœpit, insurge et expelle. Domum tuam sic omnem compóne, ne sumptus immódicti sint et iniqui. Rogo te, fili, memínisse mei et animæ meæ, ubi áderit extrémus dies: curábis tunc commendári me Deo, sacrificio Missæ, præbibus, oratióibus, eleemó-

synis, et áliis opéribus bonis quæ toto regno tuo fient; et vocábis me in communionem et partem benefactorum tuórum ómnium. Benedíco tibi, fili, et precor tibi quidquid potest precári filio pater. Sanctíssimam Trinitátem, Patrem et Fílium et Spíritum Sanctum supplex oro custódiat te, defendat ab omni malo; et hoc imprimis largiátur tibi, ne moriáris peccáti lethális reus; ut possímus ambo post hanc vitam Deo simul frui, et grátias ei ágere in regno ejus cœlesti.

¶ Finem loquendi páriter omnes audiámus: * Deum time, et mandata ejus observa; hoc est enim omnis homo. †. Finis præcepti est caritas de corde puro, et consciéntia bona, et fide non ficta. * Deum. *Eccli. 12. I. Tim. 1.*

Lectio IX. Cap. 22.

Léctio sancti Evangélii secundum Matthæum.

Primum mandatum dilectio Domini.

IN illo témpore; Pharisei audientes quod siléntium imposuisset Jesus Sadducæis, convenérunt in unum; et interrogávit eum unus ex eis legis doctor, tentans eum: Magister, quod est mandátum magnum in lege? Et réliqua.

Homília sancti Joannis Chrysóstomi. 23 in *Epist. ad Rom. 20* et 68, in *Joan. 20*.

DEUS patre quovis amántior

est. Si nos avertámus, manet adhortans : si converti nólimus, punit quia díligit, non ut pœnas répetat. Nihil non agit, ut díligátur a nobis; ideóque neque Fílio suo pepercit. Díligamus eum ut díligere par est, ut cum voluptáte virtúte fruámur; hoc enim regnum cœlórums est, hoc bonórum frúitio, hoc gáudium, hoc beatitúdo. Gustáte et vidéte quóniam suávis est Dóminus. Ecquis ita furiósus est, ut Dóminum suum non amet? sed non verbo tantum, sed étiam opéribus vult is qui amátur, amórem exhibéri. Nihil non agámus, ne nos separémus a Deo; sed ánimæ nostræ curæ amoríque fraterno óperam demus : neque nostra discerpámus membra; illud enim furéntium et mente captórum est.

R. Interrogávit Jesum unus legis doctor, tentans eum : Magister, quod est mandátum magnum in lege? Ait illi Jesus : Díliges Dóminum Deum tuum ex toto corde tuo : * Hoc est máximum et primum mandátum. *V.* Quid Dóminus Deus tuus petit a te, nisi ut díligas eum, ac sérvias Dómino Deo tuo in toto corde tuo et in tota ánimá tua? * Hoc. Glória. * Hoc. *Matth.* 22. *Deut.* 10.

Ad Benedictus. *Ant.* 6. *F.* Primum ómnium mandátum est : Audi, Israel; Dóminus Deus tuus, Deus unus est; et, Díliges Dóminum Deum tuum ex toto corde tuo. Ma-

jus áliud mandátum non est. *Marc.* 12.

Oratio Sacr. Gelas.

DEUS, qui díligéntibus te bona invisibília præparasti : infunde córdibus nostris tui amoris affectum; ut te in ómnibus et super ómnia díligentes, promissiones tuas, quæ omne desidérium súperant, consequámur; Per Dóminum.

Ad Magnificat. *Ant.* 4. *f.* Interrogávit Pharisæos Jesus, dicens : Quid vobis vidétur de Christo? cujus filius est? Dicunt ei : David. Ait illis : Quómodo ergo David in spíritu vocat eum Dóminum, dicens : Dixit Dóminus Dómino meo, Sede a dextris meis? *Matth.* 22.

DOMINICA XVIII

POST PENTECOSTEN.

IN I NOCTURNO.

Lectio 1. *Cap.* 2.

Ex Epístola prima beáti Pauli Apóstoli ad Timótheum.

VOLO ergo viros oráre in omni loco, levantes puras manus sine ira et disceptatióne. Simíliter et mulieres in hábitu ornáto, cum verecúndia, et sobrietáte ornantes se, et non in tortis crínibus, aut auro, aut margarítis, vel veste pretiósa : sed quod decet mulie-

res, promittentes pietatem per opera bona. Mulier in silentio discat cum omni subjectione. Docere autem mulieri non permitto, neque dominari in virum; sed esse in silentio. Adam enim primus formatus est: deinde Heva. Et Adam non est seductus: mulier autem seducta in pravaricatione fuit. Salvabitur autem per filiorum generationem, si permanserit in fide, et dilectione, et sanctificatione cum sobrietate.

¶. Mulierum non sit extrinsecus capillatura, aut circumdatio auri, aut vestimentorum cultus; sed, qui absconditus est cordis homo, * In incorruptibilitate quieti et modesti spiritus. ¶. Sic enim aliquando et sanctae mulieres, sperantes in Deo ornabant se, subjectae propriis viris. * In. 1. Petr. 3.

Lectio II. Cap. 3.

FIDELIS sermo: Si quis episcopatum desiderat, bonum opus desiderat. Oportet ergo episcopum irreprehensibilem esse, unus uxoris virum, sobrium, prudentem, ornatum, pudicum, hospitalem, doctorem, non vinolentum, non percussorem, sed modestum: non litigiosum, non cupidum, sed suae domui bene praepositum: filios habentem subditos cum omni castitate. Si quis autem domui suae praeesse nescit, quomodo Ecclesiae Dei diligentiam habebit? Non neophytum: ne in superbiam elat-

tus, in iudicium incidat diaboli. Oportet autem illum et testimonium habere bonum ab iis qui foris sunt, ut non in opprobrium incidat, et in laqueum diaboli.

¶. Rectorem te posuerunt? noli extolli; * Esto in illis quasi unus ex ipsis; curam illorum habe. ¶. Si quis vult primus esse, erit omnium novissimus, et omnium minister. * Esto. Eccli. 32. Marc. 9.

Lectio III.

DIACONOS similiter pudicos, non bilingues, non multo vino deditos, non turpe lucrum sectantes: habentes mysterium fidei in conscientia pura. Et hi autem probentur primum: et sic ministrent, nullum crimen habentes. Qui bene ministraverint, gradum bonum sibi acquirant et multam fiduciam in fide, quae est in Christo Jesu. Haec tibi scribo, sperans me ad te venire cito. Si autem tardavero, ut scias quomodo oporteat te in domo Dei conversari, quae est Ecclesia Dei vivi, columna et firmamentum veritatis. Et manifeste magnum est pietatis sacramentum, quod manifestatum est in carne, justificatum est in spiritu, apparuit Angelis, praedicatum est gentibus, creditum est in mundo, assumptum est in gloria.

¶. Dabo vobis pastores iuxta cor meum; et pascent vos scientia et doctrina et vocabunt Jerusalem solium Dó-

mini; * Et † Congregabuntur ad eam omnes gentes in nómine Dómini. †. Spíritus Sanctus pósuit Episcopos régere Ecclésiám Dei, quam adquisívit ságuine suo. * Et. Glória. † Congregabuntur. Jer. 3. Act. 20.

IN II NOCTURNO.

Lectio IV.

Ex Sermóne sancti Augustíni Epíscopi, de Verbis Apóstoli. *Serm. 169. Cap. 15.*

VIDETIS quia viatóres sumus. Dícitis, quid est ambuláre? breviter dico, profícere; ne forte non intelligátis, et pígrius ambulétis. Proficite, fratres mei, discútite vos semper sine dolo, sine adulatióne, sine palpatione. Non ení alíquis est intus tecum, cui erubescas, et jactes te. Est ibi, sed cui placet humílitas, ipse te probet. Proba et te ipsum tu ipse. Semper tibi displiceat quod es, si vis pervenire ad id quod nondum es. Nam ubi tibi placuisti, ibi remansisti, Si autem dixeris, Súfficit; et peristi: semper adde, semper ámbula, semper prófice: noli in via remanére, noli retro redíre, noli deviáre. Rémanet, qui non próficit; retro redit, qui ad ea revólvitur, unde jam abcésserat; deviát, qui apóstatat. Mélius it claudus in via, quam cursor præter viam.

¶. Ne vereáris usque ad mortem justificári; * Quó-

niam merces Dei manet in æternum. †. Qui justus est, justificétur adhuc; et sanctus, sanctificétur adhuc: * Quóniam. *Eccli. 18. Apoc. 22.*

Lectio V.

Ex Libro sancti Augustíni Epíscopi de Spíritu et Littera. *Cap. 36. n. 64.*

FORTASSE quispiam putáverit, nihil nobis deesse ad cognitionem justítiæ, quod Dóminus verbum consummans et brevians super terram dixit in duóbus præceptis totam legem Prophetasque pendere. Quid vérius, his implétis impléri omnino justítiam? Verúm tamen qui hoc adtendit, étiam illud adtendat, quam in multis offendámus omnes, dum putámus Deo, quem dilígimus, placere, vel non displicere quod fácimus. Unde autem minus nóvimus quid ei pláceat, nisi quia et ipse minus notus est nobis? Vidémus enim nunc per spéculum in ænigmate, tunc autem fácie ad fáciem. Proinde hoc primum præceptum justítiæ, quo jubémur dilígere Deum ex toto corde, et ex tota ánima, et ex tota mente, in illa vita implébitur, cum vidébitur fácie ad fáciem. Sed ideo nobis hoc étiam nunc præceptum est ut admonerémur quid fide expóscere, quo spem præmittere, et obliviscendo quæ retro sunt, in quæ antióriora nos exténdere debeámus. Ac

per hoc, quantum mihi videtur, in ea quæ perficienda est iustitia multum in hac vita ille profecit, qui quam longe sit a perfectione iustitiæ, proficiendo cognovit.

R. Justorum sémita, quasi lux splens, procedit * Et crescit usque ad perfectam diem. V. Caritas nunquam excidit. * Et. *Prov. 4. I. Cor. 13.*

Lectio VI.

Ex Epístola ducentésima quinquagésima quarta sancti Bernardi Abbátis. n. 2.

VERA virtus finem nescit, tempore non clauditur. Nunquam iustus arbitratur se comprehendisse; nunquam dicit: Satis est; sed semper esurit sititque iustitiam: ita ut si semper viveret, semper, quantum in se est, iustior esse contenderet, semper de bono in melius proficere totis viribus conareretur. Non enim ad annum vel ad tempus, instar mercenarii, sed in æternum divino se mancipat famulatu. Itaque indefessum proficiendi studium et jugis conatus ad perfectionem perfectio reputatur. Quod si studere perfectioni, esse perfectum est; profecto nolle proficere, deficere est. Ubi ergo sunt qui dicere solent: Sufficit nobis, nolumus esse meliores quam patres nostri? O monache, non vis proficere? non. Vis ergo deficere? nequaquam. Quid ergo? Sic mihi, inquis,

vivere volo, et manere in quo perveni; nec peior fieri patior, nec melior cupio. Hoc ergo vis, quod esse non potest. Ibi tu, Christiáne, fige tui cursus profectusque metam, ubi Christus posuit suam. Factus est, inquit, obediens usque ad mortem. Quantumlibet ergo cucurreris, si usque ad mortem non perveneris, bravium non apprehendis. Bravium Christus est: quod si illo currente tu gradum sistis, non Christo appropias, sed te magis elongas.

R. Veritatem facientes in caritate, * Crescamus in illo per omnia, qui est caput Christus. V. Justorum sémita, quasi lux splens, procedit et crescit usque ad perfectam diem. * Crescamus. Glória. * Crescamus. *Ephes. 4. Prov. 4.*

IN III NOCTURNO.

Lectio VII.

Ex Oratióne tértia sancti Gregórii Nazianzéni Epíscopi adversus Juliánum. n. 123 et 124.

VIRTUTIS Christiánis hæc una lex est, ne levíssimis quidem vítiis succumbere. Ubi nam, quæso, et apud quos homines sancitum est, ut qui maledicuntur, benedicant; qui blasphemantur, obsecrent; atque, ut uno verbo dicam, audaciam et importunitatem benignitate vincant; eosque, a quibus injuriam

accipiunt, patientia sua meliores efficiant? Atque ut hoc demus, philosophos fucatis suis præceptis vitium reprimere; quo tandem modo ad virtutis et doctrinæ nostræ gradum pervenerint, qui, non in virtute proficere, nec ex veteribus subinde novos effici, sed eodem statu hæere, in vitio ponimus? Quocirca nos ita constitutam habere vitæ rationem oportet, ut virtutes, partim jam exsequamur, partim in eas incumbamus, partim cupide appetamus, quousque ad finem, ac deificationem illam pervenerimus, ob quam creati sumus, et ad quam properamus, si modo animo excelso et in altum penetrante sumus, atque aliquid Dei magnificentia dignum speramus.

R. Qui custodit mandatum, custodit animam suam: * Qui autem negligit viam suam, mortificabitur. Y. Qui timet Deum, nihil negligit. * Qui. *Prov. 19. Eccli. 7.*

Lectio VIII.

Ex Libro sancti Augustini Episcopi de Perfectione justitiæ. *Cap. 8. n. 17, 18 et 19.*

NON ad saturitatem justitiæ, cum hinc exierit, quisque perveniet, nisi ad eam cum hic est, esuriendo et sitiendo cucurrerit. Beati quippe qui esuriunt et sitiunt justitiam, quoniam ipsi saturabuntur. Quamdiu ergo peregrinantes a Domino, per fidem ambu-

lamus, non per speciem, hæc est nostra in ipsa peregrinatione justitia, ut ad illam perfectionem plenitudinemque justitiæ, ubi in specie decoris ejus jam plena et perfecta caritas erit, nunc ipsius cursus rectitudine et perfectione tendamus, castigando corpus nostrum et servituti subjiciendo; et eleemosynas, in dandis beneficiis, et dimittendis quæ in nos sunt commissa peccatis, hilariter et ex corde faciendo; et orationibus indesinenter instando; et hæc faciendo in doctrina sana, qua ædificatur fides recta, spes firma, caritas pura. Sic ergo curramus, ut comprehendamus.

R. Lætetur cor quærentium Dominum: * Quærite Dominum et confirmamini quærite faciem ejus semper. Y. Nemo mittens manum suam ad aratrum, et respiciens retro, aptus est regno Dei. * Quærite. *Ps. 104. Luc. 9.*

Lectio IX. Cap. 9.

Lectio sancti Evangelii secundum Matthæum.

Paralyticus curatus.

IN illo tempore: Ascendens Jesus in naviculam, transfretavit, et venit in civitatem suam. Et reliqua.

Homilia sancti Petri Chrysologi. *Serm. 50. de Paralytico.*

CHRISTUM in humanis actibus divina gessisse mysteria,

et in rebus visibilibus invisibilia exercuisse negotia, lectio hodierna monstravit. Ascendit, inquit, in naviculam, et transfretavit, et venit in civitatem suam. Nonne ipse est qui, fugatis fluctibus, maris profunda nudavit, ut Israeliticus populus inter stupentes undas sicco vestigio velut montium concava pertransiret? Nonne hic est qui Petri pedibus marinos vortices inclinavit, ut inter liquidum humanis gressibus solidum, præberet obsequium? Et quid est quod ipse sibi sic maris denegat servitutem, et brevissimi lacu transitum, sub mercede nautica transfretaret? Ascendit, inquit, in naviculam et transfretavit. Et quid mirum, fratres? Christus venit suscipere infirmitates nostras, et suas nobis conferre virtutes: humana quærere, præstare divina: accipere injurias, reddere dignitates: ferre tædia, referre sanitates.

¶ Vere languores nostros ipse tulit, et * Dolores nostros ipse portavit. ¶ Dixit Jesus: Homo, remittuntur tibi peccata tua. * Dolores. Glória. * Dolores. *Is. 53. Luc. 5.*

Ad Benedictus. Ant. 1. D. Ait Jesus paralytico: Surge, tolle lectum tuum, et vade in domum tuam; et surrexit, et abiit in domum suam. *Matth. 9.*

Oratio Miss. Cadurc.

SUMME potens et misericors

Deus, respice in nos peccati morbo laborantes: ut terreno quod aggravat animam excusso pondere, te jubente surgamus, et te duce viam cæli ambulemus; Per Dñm.

Ad Magnificat. Ant. 8. G. Videntes turbæ, timuerunt, et glorificaverunt Deum qui dedit potestatem talem hominibus. *Matth. 9.*

DOMINICA XIX

POST PENTECOSTEN.

IN I NOCTURNO.

Lectio I. Cap. 4.

Ex Epístola prima beati Pauli Apóstoli ad Timótheum.

INEPTAS autem et aniles fábulas devíta: exerce autem te ipsum ad pietatem. Nam corporalis exercitatio ad módicum utilis est: pietas autem ad ómnia utilis est, promissionem habens vitæ, quæ nunc est, et futuræ. Fidélis sermo, et omni acceptiône dignus. In hoc enim laboramus, et maledicimur, quia speramus in Deum vivum, qui est salvátor ómnium hóminum, máxime fidélium. Præcipe hæc, et doce.

¶ Sectare justítiam, fidem, caritatem et pacem cum iis qui invocant Dñm de corde puro. * Stultas autem, et sine disciplína quæstiones devíta: sciens quia generant lites. ¶ Altióra tu ne quæsies.

ris, et fortióra te ne scrutátus fúeris: sed quæ præcépít tibi Deus, illa cógita semper. * Stultas. *II. Tim. 2. Ecclí. 3.*

Lectio II.

NEMO adolescéntiam tuam contemnat; sed exemplum esto fidélium, in verbo, in conversatióne, in caritaté, in fide, in castitaté. Dum vénio, adtende lectióni, exhortatióni, et doctrínæ. Noli negligere grátiam quæ in te est, quæ data est tibi per prophétiam, cum impositione mánuum presbytérii. Hæc meditáre, in his esto, ut profectus tuus manifestus sit ómnibus. Adtende tibi, et doctrínæ: insta in illis. Hoc enim fáciens, et teipsum salvum fáciens, et eos qui te áudiunt.

R. Beátus ille servus, quem cum vénerit Dóminus, invénerit ita facientem; * Super ómnia quæ póssidet, constituet illum; †. Hic accípiet benedictiónem a Dómino, et misericórdiam a Deo salutári suo. * Super. *Luc. 12. Ps. 23.*

Lectio III. Cap. 5.

SENIOREM ne increpáveris, sed óbseca ut patrem; júvenes, ut fratres: anus, ut matres: júvenculas, ut soróres, in omni castitaté: víduas honóra, quæ vere víduæ sunt. Si qua autem vídua filios aut nepótes habet, discat primum domum suam régere, et mútuam vicem réddere paréntibus: hoc enim acceptum est

coram Deo. Quæ autem vere vídua est, et desoláta, speret in Deum, et instet obsecratióibus et oratióibus nocte ac die. Nam quæ in delíciis est, vivens mórtua est. Et hoc præcipe, ut irreprehensibiles sint. Si quis autem suórum, et máxime domesticórum curam non habet, fidem negávit, et est infidéli detérior.

R. Formam habe sanórum verbórum, quæ a me audisti in fide, et * In dilectiόne in Christo Jesu. †. Hoc enim fáciens, et teipsum salvum fáciens, et eos qui te áudiunt; * In dilectiόne. Glória. * In dilectiόne. *II. Tim. 1. I. Tim. 4.*

IN II. NOCTURNO.

Lectio IV.

Ex libro sancti Cypriáni Epíscopi et Mátyris de bono Patiéntiæ.

PATIÉNTIAM, fratres dilectísimi, Jesus Christus Deus et Dóminus noster non tantum verbis dócuit, sed implévit et factis. Et quia ad hoc descendisse se díxerat ut voluntátem Patris fáceret, inter cétera mirabília virtútum suárum, quibus indícia divínæ majestátis expressit, paternam quoque patiéntiam tolerántiæ tenóre servávit. Omnes dénique actus ejus ab ipso statim adventu patiéntia cómite signantur, quod primum de illa sublimitate cœlesti ad terréna descendens non adspernátur Dei Fílius carnem hóminis in-

dúere, et cum peccátor ipse non esset, aliéna peccáta portáre. Immortalité interim pósita, fieri se et mortálem patitur, ut innocens pro nocéntium salúte perimátur. Discípulis non ut servis dominica potestáte præsuit, sed benignus et mitis fraterna eos caritate dilexit. Nec mirandum quod circa cómpares obaudientes talis exstiterit qui Judam pótuit usque ad extrémum longa patiéntia sustinére, cibum cum inimíco cápere, hostem domésticum scire nec palam osténdere, traditóris osculum non recusáre. In Judæis vero tolerandis æquanimitas quanta et quanta patiéntia, incrédulos ad fidem suadendo fléctere, obséquio ingrátos fovére, contradicéntibus respondére leniter, superbos sustinére clementer, humíliter persequéntibus cedere, Prophetárum interfec-tóres et adversum Deum semper rebelles usque ad crucis et passiónis horam velle colligere!

R. Mementóte sermónis mei quem ego dixi vobis : * Non est servus major dómínò suo ; si me persecúti sunt, et vos persequentur. V. Locúti sunt adversum me lingua dolósa, et sermónibus ódii circumdederunt me. * Non est. *Joan. 15. Ps. 108.*

Lectio V.

Sub ipsa Christi passióne et cruce, priusquam ad crudelitátem necis et effusiónem

sánguinis veniretúr, quæ conviciórum probra patienter audíta, quæ contumeliárum toleráta ludíbria? Ille innocens, ille justus, immo innocentia ipsa et ipsa justitia, inter facinorósos deputátur, et testimoniis falsis Véritas premi-tur, judicátur judicáturus, et Dei Sermo ad víctimam tacens dúcitur. Et cum ad crucem Dómini confundantur sídera, elementa turbentur, contremisceat terra, nox diem claudat; ille non lóquitur, nec movétur, nec majestátem suam sub ipsa saltem passióne profitétur : usque ad finem perseveranter et júgiter tolerantur ómnia, ut consummé-tur in Christo plena et perfecta patiéntia. Et post ista ómnia adhuc interfec-tóres suos, si conversi ad eum vénerint, súscipit. Quid potest patiéntius, quid benignius dici? Vivificátur Christi sán-guine étiam qui fudit sán-guinem Christi. Talis est Christi ac tanta patiéntia : quæ nisi talis ac tanta exsisteret, Paulum quoque Apóstolum Ec-clésia non habéret. Quod si et nos, fratres dilectíssimi, in Christo sumus, si ipsum induimus, si ipse est salútis nostræ via; qui Christum vestigiis salutáribus séquimur, per Christi exempla gradiámur.

R. Si bene facientes patienter sustinétis, hæc est grátia apud Deum : in hoc enim vocáti estis; * Quia et Christus passus est pro nobis, vobis

relinquens exemplum, ut sequamini vestigia ejus. *¶* Qui dicit se in Christo manere, debet, sicut ille ambulavit, et ipse ambulare. * Quia. *I. Petr. 2. I. Joan. 2.*

Lectio VI.

IN tristitia et gemitu simus necesse est omnibus diebus vite nostrae; edamus panem necesse est cum sudore et labore. Unde unusquisque nostrum cum nascitur et hospitio mundi hujus excipitur, initium sumit a lacrymis. Tolerandum et perseverandum est, fratres dilectissimi; ut ad spem veritatis et libertatem ipsam pervenire possimus: quia hoc ipsum quod Christiani sumus, fidei et spei res est. Ut autem spes et fides ad fructum sui possint pervenire, patientia opus est: non enim praesentem gloriam sequimur, sed futuram. Patientia autem non tantum bona custodit; sed et repellit adversa. Caritas fraternitatis vinculum est; tolle illi patientiam, et desolata non durat. Apostolus, cum de caritate loqueretur, tolerantiam illi et patientiam junxit. Caritas, inquit, magnanima est, caritas benigna est, caritas non aemulatur, non irritatur, non cogitat malum, omnia diligit, omnia credit, omnia sperat, omnia sustinet. Probavit nec unitatem servari posse nec pacem, nisi se invicem fratres mutua tolerantia soveant, et

concordiae vinculum patientia intercedente custodiant.

¶ Caritas patiens est, benigna est: caritas non aemulatur, non agit perperam, non inflatur: * Non gaudet super iniquitate, congaudet autem veritati: † Omnia suffert. *¶* Odium suscitatur rixas; et universa delicta operit caritas. * Non gaudet. Gloria. † Omnia. *I. Cor. 13. Prov. 10.*

IN III NOCTURNO.

Lectio VII.

Ex Libro sancti Cypriani Episcopi et Martyris de bono Patientiae.

AD varia carnis incommoda et crebros corporis durosque cruciatus, quibus humanum genus quotidie fatigatur et quatur, patientia necessaria est. Nec aliud magis inter injustos discernit et justos, quam quod in adversis per impatientiam queritur et blasphematur injustus, patientia justus probatur. Nam ut patientia bonum Christi est, sic e contra impatientia diaboli malum; et sicut in quo habitat et manet Christus, patiens invenitur; ita impatiens semper existit cujus mentem diaboli nequitia possidet. Patientia est quae nos Deo et commendat et servat: ipsa est quae fidei nostrae fundamenta firmiter munit; ipsa est quae incrementa spei sublimiter provehit: ipsa actum dirigit ut tenere possimus

viam Christi, dum per ejus tolerantiam gradimur; ipsa efficit ut perseveremus filii Dei, dum patientiam Patris imitamur.

R. Sustine sustentationes Dei, conjungere Deo, et sustine; * Ut crescat in novissimo vita tua. V. Omne quod tibi applicitum fuerit accipe; et in dolore sustine, et in humilitate tua patientiam habe. * Ut. *Eccli. 2.*

Lectio VIII.

Sermo sancti Leonis Papæ.
46. de Quadrag. 9. Cap. 1.

APOSTOLUS prædicat, dicens: Omnes qui pie volunt vivere in Christo Jesu, persecutionem patientur; et ideo nunquam deest tribulatio persecutionis, si nunquam desit observantia pietatis. Dominus ipse in exhortationibus suis dicit: Qui non accipit crucem suam, et sequitur me, non est me dignus. Sicut ergo totus est temporis pie vivere, ita totus est temporis crucem ferre. Unum nomen est persecutionis, sed non una est causa certaminis. Quoniam non solis doloribus corporis atque suppliciis anima fidelis impetitur, verum etiam salva incolumitate membrorum, gravi morbo urgetur, si carnis voluptate mollescit. Sed cum caro concupiscit adversus spiritum, et spiritus adversus carnem, presidio crucis mens rationalis instruitur; nec cupiditatibus noxiis illec-

ta consentit, quoniam continentie clavis et Dei timore transfigitur.

R. Adsecutus es meam doctrinam, institutionem, propositum, fidem, longanimitatem, dilectionem, patientiam; * Et omnes qui pie volunt vivere in Christo Jesu, persecutionem patientur. V. Militia est vita hominis super terram. * Et. *II. Tim. 3. Job, 7.*

Lectio IX. Cap. 22.

Lectio sancti Evangelii secundum Matthæum.

Invitati ad nuptias.

IN illo tempore; Respondens Jesus, dixit iterum in parabolis, (Principibus Sacerdotum, et Phariseis,) dicens: Simile factum est regnum cælorum homini regi, qui fecit nuptias filio suo. Et reliqua.

Homilia sancti Gregorii Papæ. 38. in Evang.

IN hoc Pater Regi Filio nuptias fecit, quo ei per Incarnationis mysterium sanctam Ecclesiam sociavit. Misit ergo servos suos ut ad istas nuptias amicos invitarent. Misit semel, misit iterum; quia Incarnationis Domine prædicatores, et prius Prophetas, et postmodum Apostolos fecit. Illi autem neglexerunt, et abiierunt alius in villam suam, alius vero in negotiationem suam. In villam quippe ire,

est labóri terréno immoderate incúmbere : in negotiatió-
nem vero ire, est actiόνum
seculárium lucris inhiáre.
Quia enim álius intentus la-
bóri terréno, álius vero mun-
di hujus actiόνibus déditus,
mystérium Incarnatiónis Do-
minicæ pensáre, et secundum
illud vívere dissimulat, quasi
ad villam vel negótium per-
gens, veníre ad Regis nuptias
recusat. Et plerumque, quod
est grávius, nonnulli vocan-
tis grátiam non solum rés-
puunt, sed étiam persequun-
tur. Intrávit autem Rex ut
vidéret discumbentes : et vi-
dit ibi hóminem non vestítum
veste nuptiáli. Quid debémus
intelligere per nuptiálem ves-
tem, nisi caritátem? Nos su-
mus, fratres, qui in nuptiis
Verbi discúmbimus; conside-
ráte, rogo, si cum nuptiáli
veste ad has nuptias venistis.
Sibi unusquisque sollícite
métuat, quia multi sunt vo-
cáti, pauci vero electi.

R). Rex ait servis suis : Nup-
tiæ quidem parátæ sunt ; sed
qui invitáti erant, non fué-
runt digni : * Ite ergo ad éxi-
tus viárum, et † Quoscum-
que invenéritis, vocáte ad
nuptias. ‡ Sapiéntia propó-
suit mensam suam : misit an-
cillas suas ut vocárent ad ar-
cem. * Ite. Glória. † Quoscum-
que. *Matth. 22. Prov. 9.*

Ad Benedictus. Ant. 8. G.
Intrávit Rex ut vidéret dis-
cumbentes, et vidit ibi hómi-
nem non vestítum veste nup-
tiáli, et ait illi : Amice, quó-

modo huc intrasti non ha-
bens vestem nuptiálem? At
ille obmútuit. *Matth. 22.*

Oratio Brev. Bitur.

OMNIPOTENS sempiterne
Deus, de cujus múnere venit
ut tibi a fidélibus tuis digne
et laudabiliter serviátur, pu-
rifica, quæsumus, corda nos-
tra, ut, justítia tua quasi veste
nuptiáli indúti, ad æternas
Agni nuptias admitti mereá-
mur ; Per Dóminum.

Ad Magnificat. Ant. 2. D.
Dixit Rex ministris : Ligáti-
s manibus et pedibus ejus, mít-
tite eum in ténebras exterió-
res ; ibi erit fletus et stridor
déntium. Multi enim sunt vo-
cáti, pauci vero electi. *Matth.*
22.

DOMINICA XX POST PENTECOSTEN.

IN I NOCTURNO.

Lectio I. Cap. 5.

Ex Epístola prima beáti Pauli
Apóstoli ad Timótheum.

ADOLESCENTIORES autem ví-
duas devíta. Cum enim luxu-
riátæ fúerint in Christo, nú-
bere volunt ; habentes dam-
nationem, quia primam fidem
fritam fecérunt. Simul autem
et otíósæ discunt circuíre do-
mos : non solum otíósæ, sed
et verbósæ, et curiósæ, lo-
quentes quæ non oportet. Vo-

lo ergo junióres núbere, filios procreáre, matres famílias esse, nullam occasiõem dare adversárió maledicti grátia. Jam enim quædam conversæ sunt retro sátanam.

¶ Quæ vere vídua est, et desoláta, speret in Deum, et * Instet obsecratió nibus et oratió nibus nocte ac die. ¶ Non despiciet Dóminus preces pupilli, nec víduam, si effundat loquélam gémitus. * Instet. *I. Tim. 5. Eccli. 35.*

Lectio II.

Qui bene præsunt Presbyteri, dúplici honóre digni habeantur: máxime qui labórant in verbo et doctrína. Dicit enim Scriptúra: Non alligábis os bovi trituranti. Et: Dignus est operárius mercéde sua. Adversus Presbyterum accusatiõem noli recíperere, nisi sub duóbus aut tribus téstibus. Peccantes coram ómnibus argue: ut et céteri timórem hábeant. Testor coram Deo et Christo Jesu, et electis Angelis, ut hæc custódias sine præjudicio, nihil faciens in álteram partem declinando. Manus cito némini imposúeris, neque comunicáveris peccátis aliénis. Te ipsum castum custódi. Noli adhuc aquam bíbere; sed módico vino útere, propter stómachum tuum, et frequentes tuas infirmitates.

¶ Hoc est quod * Locútus est Dóminus: Sanctificábor

in iis qui appropinquant mihi, et in conspectu omnis pópuli glorificábor. ¶ Exhibeámus nosmetipsos sicut Dei ministros, * Locútus. *Levit. 10. II. Cor. 6.*

Lectio III. Cap. 6.

QUICUMQUE sunt sub jugo servi, dóminos suos omni honóre dignos arbitrentur, ne nomen Dómini et doctrína blasphemétur. Qui autem fidéles habent dóminos, non contemnant, quia fratres sunt: sed magis sérviant, quia fidéles sunt et dilecti, qui beneficii participes sunt. Hæc doce, et exhortáre. Si quis áliter docet, et non acquiescit sanis sermónibus Dómini nostri Jesu Christi, et ei, quæ secundum pietátem est, doctrinæ: superbus est, nihil sciens, sed languens circa quæstiões et pugnas verborum: ex quibus oriuntur invidiæ, contentiões, blasphemíæ, suspiciões malæ, conflictatiões hóminum mente corruptórum, et qui veritáte privati sunt, existimántium quæstum esse pietátem.

¶ Mali hómines, et seductóres proficiunt in pejus; errantes, et in errórem mittentes. * Tu vero pérmane in iis, quæ didicisti et crédita sunt tibi. ¶ Ex vobis ipsis exsurgent viri loquentes perversa, uti abducant discipulos post se. * Tu. Glória. * Tu. *II. Tim. 3. Act. 10.*

IN II NOCTURNO.

Lectio IV.

Ex Libro sancti Cypriani
Episcopi et Mátyris ad De-
metriánum.

QUANDIU corpus hoc pér-
manet, commúne cum céte-
ris sit necesse est, et corpo-
rális conditio commúnis, nec
separári géneri humano ab
ínvicem datur, nisi isthinc de
século recedátur. Intra unam
domum boni et mali ínterim
continentur; quidquid intra
domum évenerit pari sorte
perpétimur, donec ævi tem-
porális fine compléto, ad æ-
ternæ vel mortis vel immorta-
litétis hospítia dividámur.
Viget apud nos spei robur et
fírmitas fídei, inter ipsas sé-
culi labentis ruínas, erecta
mens est et immóbilis virtus,
et nunquam non læta patiéntia,
et de Deo suo semper
ánima secúra. Vínea licet fal-
lat, et ólea decípiat, quid hoc
ad Christiános, quid ad Dei
servos quos paradísus invítat,
quos grátia omnis et cópia
regni cœlestis exspectat? Ex-
sultant semper in Dómino, et
lætantur, et gaudent in Deo
suo, et mala atque adversa
mundi fórtiter tólerant, dum
dona et próspera futúra pro-
spectant.

¶ Omnis disciplína in præ-
senti quidem vidétur non
esse gáudii, sed mœróris; *
Póstea autem fructum paca-
tíssimum exercitátis per eam
reddet justítiæ. ✠. Tribulatio

patiéntiam operátur, patiéntia
autem probatióem; probatio
vero spem. * Póstea. *Hebr. 12.*
Rom. 5.

Lectio V.

Ex Libro primo sancti Au-
gustíni Episcopi de Civítate
Dei. *Cap. 8. n. 1.*

DICET áliquis: Cur ergo di-
vína misericórdia étiam ad
ímpios ingratosque pérvenit?
Cur, putámus, nisi quia eam
ille præbuit, qui quotidie fa-
cit oríri solem suum super
bonos et malos, et pluit super
justos et injustos? Quamvis
enim quidam eórum ista co-
gitantes, pœnitendo ab im-
pietáte se córrigant; quidam
vero, sicut Apóstolus dicit,
divítias bonitátis et longani-
mitátis Dei contemnentes, se-
cundum durítiam cordis sui
et cor impœnitens thesaurí-
zent sibi iram in die iræ et re-
velatiónis justí judícii Dei,
qui reddet unicuique secun-
dum ópera ejus: tamen pa-
tiéntia Dei ad pœniténtiam
invítat malos, sicut flagellum
Dei ad patiéntiam érudit bo-
nos. Itemque misericórdia
Dei fovendos ampléctitur bo-
nos, sicut sevéritas Dei pu-
niendos córripit malos.

¶ Quia non profertur cito
contra malos senténtia, abs-
que timóre ullo fílii hóminum
pérpetrant mala. Attamen
peccátor ex eo quod cénties
facit malum, et per patiéntiam
sustentátur, * Ego cognóvi
quod erit bonum timéntibus
Deum. ✠. Quod si Deus vo-

lens ostendere iram, et notam facere potentiam suam, sustinuit in multa patientia vasa iræ, apta in interitum; * Ego. *Eccle.* 8. *Rom.* 9.

Lectio VI. n. 2.

Si nunc omne peccatum manifesta plereteret poena, nihil ultimo iudicio servari putaretur: rursus si nullum peccatum nunc puniret aperte divinitas, nulla esse providentia divina crederetur. Similiter in rebus secundis, si non eas Deus quibusdam petentibus evidentissima largitate concederet, non ad eum ista pertinere diceremus: itemque si omnibus eas petentibus daret, non nisi propter talia præmia serviendum illi esse arbitrareremur; nec pios nos faceret talis servitus, sed potius cupidus et avarus. Manetenim dissimilitudo passionum; et licet sub eodem tormento, non est idem virtus et vitium. Una eademque vis irruens bonos probat, purificat, eliquat; malos damnat, vastat, exterminat. Unde in eadem afflictione mali Deum detestantur atque blasphemant; boni autem precantur et laudant. Tantum interest, non qualia, sed qualis quisque patiatur.

R. Flagellis Domini quasi servi corripimur ad emendationem, * Et non ad perditionem nostram. V. A Domino corripimur, ut non cum

hoc mundo damnemur, * Et. Glória. * Et. *Judith.* 8. *I. Cor.* 11.

IN III NOCTURNO.

Lectio VII:

Ex Epistola sancti Augustini Episcopi ad Bonifacium. *Epist.* 185. n. 11.

QUERO, si boni et sancti nemini faciunt persecutionem, sed tantummodo patiuntur, cujus putant esse in Psalmo vocem, ubi legitur: Persequar inimicos meos, et comprehendam illos, et non convertar donec deficiant. Si ergo verum dicere vel agnoscere volumus, est persecutio injusta, quam faciunt impii Ecclesie Christi; et est justa persecutio, quam facit impiis Ecclesia Christi. Ista itaque beata est quæ persecutionem patitur propter justitiam; illi vero miseri, qui persecutionem patiuntur propter injustitiam. Proinde ista persequitur diligendo, illi sæviendo; ista ut corrigat, illi ut evertant; ista ut revocet ab errore, illi ut præcipitent in errorem; denique ista persequitur inimicos et comprehendit donec deficiant in vanitate, ut in veritate proficiant: illi autem retribuentes mala pro bonis, quia eis consulumus ad æternam salutem, etiam temporalem nobis conantur auferre.

R. Quis consurget mihi adversus malignantes? aut * Quis stabit mecum adversus operantes iniquitatem? V. Zelo

zelátus sum pro Dómino Deo exercítuum; quia dereliquerunt pactum tuum, filii Israel.
* Quis. *Ps. 93. III. Reg. 19.*

Lectio VIII.

Ex Sermóne primo sancti Bernardi in Conversióne sancti Pauli. *n. 3.*

AGNOSCE, dilectíssimi, et expavésce consórtia eórum qui salútem impédiunt animárum. Horrendum, quod et ipsórum vidétur fácinus, qui Dómino majestátis manus sacrílegas injecérunt. Videbátur jam cessasse persecutiónis tempus, sed ut palam factum est, nunquam deest persecútio Christiáno, sed neque Christo: et nunc quod grávius est, ipsi Christum persequuntur, qui ab eo útique Christiáni dicuntur. Amíci tui, Deus, et próximi adversum te appropinquavérunt et steterunt. Conjurasse vidétur contra te univérsitas pópuli Christiáni a mínimo usque ad máximum: a planta pedis usque ad vérticem non est sánitas ulla: egressa est iníquitas a sénibus, judícibus, vicáriis tuis, qui videntur régere pópulum tuum: non est jam dícere: Ut pópulus sicsacerdos; quia nec sic pópulus ut sacerdos.

n. Conversum est retro judícium, et justítia longe stetit: quia córruit in plátea véritas, et æquitas non pótuit ingredi: * Et facta est véritas

in oblivióne; et qui recessit a malo, prædæ pátoit. *✕. Pastóres multi demolíti sunt vineam meam; conculcavérunt partem meam.* Et. Is. 59. Jerem. 12.*

Lectio IX. Cap. 4.

Léctio sancti Evangélíi secundum Joannem.

Filius Reguli.

In illo témpore; Erat quidam Régulus, cujus filius infirmabátur Gapharnaum. Hic cum audisset quia Jesus adveníret a Judæa in Galilæam, ábiit ad eum, et rogábat eum ut descénderet, et sanáret filium ejus; (incipiébat enim mori.) Et reliqua.

Homília sancti Joannis Chrysóstomi. 34. *In Joan.*

CONSIDERES, velim, vel ipsa verba Réguli, quantam demonstrent ejus infirmitátem. Cum oportuisset enim, si non prius, saltem post reprehensam ánimi sui senténtiam, magnum quídpian de Christo cogitare, audi, quómodo adhuc humi serpat: Descende, inquit, priusquam moriátur filius meus; quasi non posset mórtuum suscitáre, et quasi non nosset quo statu puer esset. Ideo illum cóarguit; neque minus patrem ánimo laborantem curat, quam filium, ut nobis suádeat, non tam signis, quam doctrínæ ejus adtendendum esse. Cur autem Christus Centurióni se ultro

óbtulit itúrum, Régulo autem ne rogátus quidem? Quia ibi fides perfecta erat, ideo se itúrum óbtulit, ut viri probitátem ediscerémus: at Régulus adhuc imperfectus erat.

℞. Sine fide impossibile est placére Deo; * Crédere oportet accedentem ad Deum. ℥. Qui non credunt Deo, non protégentur ab eo. * Crédere. Glória. * Crédere. *Hebr. 11. Eccli. 2.*

Ad Benedictus. Ant. 3. a. Dixérunt servi, quia heri hora séptima relíquit eum febris. Cognóvit ergo pater quia illa hora erat in qua dixit ei Jesus: Fílius tuus vivit. *Joan. 4.*

Oratio Brev. Bitur.

AUG in nobis fidem, Dómine, ut corde perfecto in te credentes, quod humíliter pétimus effícaciter consequámur; Per Dóminum.

Ad Magníficat. Ant. 5. C. Crédidit Régulus, et domus ejus tota. Hoc secundum signum fecit Jesus, cum venisset a Judæa in Galilæam. *Joan. 4.*

DOMINICA XXI

POST PENTECOSTEN.

IN I NOCTURNO.

Lectio I. Cap. 6.

Ex Epístola prima beáti Pauli Apóstoli ad Timótheum.

Est autem quæstus magnus,

pietas cum sufficiéntia. Nihil enim intúlimus in hunc mundum, haud dúbium quod nec auferre quid póssumus. Habentes autem alimenta, et quibus tegámur, his contenti simus. Nam qui volunt divites fieri, incidunt in tentatió-nem, et in láqueum diaboli, et desidéria multa inutilia et nocíva, quæ mergunt hómines in intéritum et perditiónem. Radix enim ómnium malórum est cupiditas, quam quidam appetentes, erravérunt a fide, et inseruérunt se dolóribus multis.

℞. Est infirmitas péssima quam vidi sub sole; divitiæ conservátæ in malum dómini sui: péreunt enim in afflictióné máxima. Sicut egressus est nudus de útero matris suæ, sic revertétur. * Quid ergo próderit ei quod laborávit in ventum? ℥. Dives, cum dormíerit, nihil secum áuferet. * Quid. *Eccle. 5. Job, 27.*

Lectio II.

Tu autem, o homo Dei, hæc fuge: sectáre vero justítiam, pietátem, fidem, caritátem, patiéntiam, mansuetúdinem. Certa bonum certámen fídei, apprehende vitam æternam, in qua vocátus es, et confessus bonam confessiónem coram multis téstibus. Præcípío tibi coram Deo, qui vivificat ómnia, et Christo Jesu, qui testimónium réddidit sub Póntio Piláto bonam confessiónem: ut serves mandátum

sine mácula, irreprehensibile, usque in adventum Dómini nostri Jesu Christi : quem suis tempóribus ostendet beátus et solus potens, Rex regum, et Dóminus dominántium, qui solus habet immortalitátem et lucem inhábitat inaccessibilem : quem nullus hóminum vidit, sed nec vidére potest : cui honor, et impérium sempiternum. Amen.

R. Formam habe sanórum verbórum, quæ a me audisti in fide, et in dilectióne in Christo Jesu. * Bonum depósitum custódi per Spíritum sanctum, qui hábitat in nobis. V. Quod præcípío tibi, hoc tantum fácito Dómino; nec addas quidquam, nec mínuas. * Bonum. II. Tim. 1. Deut. 12.

Lectio III.

DIVITIBUS hujus séculi præcipe non sublíme sápere, neque speráre in incerto divitiárum, sed in Deo vivo qui præstat nobis ómnia abunde ad fruendum : bene ágere, dívites fieri in bonis opéribus, fácte tribúere, communicáre, thesaurizáre sibi fundamentum bonum in futúrum, ut apprehendant veram vitam. O Timóthee, depósitum custódi, devítans profánas vocum novitátes, et oppositiónes falsi nóminis sciéntiæ, quam quidam promittentes, circa fidem excidérunt. Grátia tecum. Amen.

R. Nolíte speráre in iniqui-

táte, et rapínas nolíte concupiscere : * Divítiæ si áffluent, nolíte cor appónere. V. Sollicitúdo séculi istius et fallácia divitiárum súffocat verbum ; et sine fructu efficitur. * Divítiæ. Glória. * Divítiæ. Ps. 61. Matth. 13.

IN II NOCTURNO.

Lectio IV.

Ex Apológia prima sancti Justíni Mártiris. n. 16.

PATIENTES ut simus et ad serviendum ómnibus paráti ac iræ expertes, quæ a Christo dicta sunt, ita se habent : Qui te pércutit in maxillam, præbe et álteram. Et ab eo, qui aufert tibi túnica aut vestimentum, noli prohibére. Qui vero ira excandúerit, ad ignem condemnatióni obnoxíus fúerit. Non enim reluctári oportet, neque nos imitatóres esse malórum vult Deus : Sed, ut paciéntia et lenitáte omnes a dedécore et cupiditáte malórum abducámus, hortátus est. Quod quidem et de multis qui apud vos fuérunt, demonstráre pòsumus, qui ex violentis et tyrannis immutáti sunt, vel vestigáta vicinórum vitæ constantia victi, vel perspecta viæ cómitum in injúriis perferendis mira paciéntia, vel explorátis eórum móribus quibuscum contrahébant. Qui autem non ita comperiuntur vívere, quemádmódum dócuit, eos pro certo constet non esse

Christianos, quamvis lingua pronúntient Christi doctrinam.

R. Discite a me quia mitis sum et húmilis corde; * Et inveniétis réquiem animábus vestris. ⁊. Patientes estóte ad omnes. * Et. *Matth. 11. I. Tim. 5.*

Lectio V.

Ex Diálogo ejusdem cum Tryphóne Judæo. n. 108 et 110.

QUI Christum Fílium Dei profitentur, ac omnes qui in illum credunt, diris devovére audétis. Nos autem nec vos ódimus, nec eos qui talem de nobis opiniónem a vobis accepére: sed precámur ut nunc saltem pœniténtiam agentes, misericórdiam omnes consequámini a perbenigno et mirum in modum misericorde universórum parente, Deo. Qui bello, et mútuis cædibus, et improbitáte omni cumuláti erámus, in toto terrárum orbe instrumenta quisque béllica, enses in vómeres, hastas in agréstia arma mutávimus, aramusque pietátem, justítiam, humanitátem, fidem, spem illam quæ est a Patre per eum qui crucifixus est. Némitem autem esse qui nos in Jesum per totum orbem terrárum credentes extérreat, et in servitútem rédigat, in promptu est. Dum enim gládio percútimur, dum crucifigimur, dum feris trádimur, et vínculis et igni, et ómnibus áliis tormentis; a confessióne, ut

manifestum est, non discédimus. Sed quanto magis magisque tália nobis infliguntur; eo plures alii per nomen Jesu fidéles et pii fiunt.

R. Propter te, Dómine, mortificámur tota die; æstimáti sumus sicut oves occisiónis: * Sed in his ómnibus superámus, propter eum qui dilexit nos. ⁊. Tanquam purgamenta^a hujus mundi facti sumus, ómnium peripsémá usque adhuc. * Sed. *Rom. 8. I. Cor. 4.*

Lectio VI.

Ex Libro tértio sancti Hierónymi Presbyteri in Matthæum. *Matth. cap. 18.*

PŒCEPIT Dóminus Petro, sub comparatióne Regis et dómini, et servi qui débitor decem míllium talentórum, a dómino rogans véniam impetráverat, ut ipse quoque dimittat conservis suis minóra peccántibus. Si enim ille Rex et dóminus servo debitóri decem míllia talentórum tam fá-cile dimísit; quanto magis servi conservis suis debent minóra dimíttre? Quod ut manifestíus fiat, dicámus sub exemplo. Si quis nostrum commiserit adultérium, homicídium, sacrilégium, majóra crímina decem míllium talentórum, rogántibus dimittuntur, si et ipsi dimittant minóra peccántibus. Sin autem ob factam contuméliam, simus implacábiles, et propter amárius verbum, pérpetes habeámus discórdias; nonne

nobis vidémur recte redigendi in cárcerem, et sub exemplo óperis nostri hoc ágere, ut majórum nobis delictórum vénia non relaxétur?

R. Merces mercenárii tui apud te omníno non remáneat. * Quod ab álío óderis fieri tibi, vide ne tu aliquando álteri fácias. V. Misertus dóminus servi illíus dimísit eum, et débitum dimísit ei. * Quod. Glória. * Quod. *Tob. 4. Matth. 18.*

IN III NOCTURNO.

Lectio VII.

Ex Enchiridio sancti Augustíni Epíscopi de Fide, Spe et Caritate. *Cap. 73.*

MULTA génera sunt eleemosynárum, quæ cum fácimus, adjuvámur ut dimittantur nostra peccáta : sed ea nihil est majus, qua ex corde dimíttimus, quod in nos quisque peccávit. Minusenim magnum est erga eum esse benévolum, qui tibi mali nihil fécerit. Illud multo grándius et magnificentíssimæ bonitátis est, ut tuum quoque inimícum díligas, et ei qui tibi malum vult, et si potest, facit, tu bonum semper velis, faciasque eum possis. Sed quóniam perfectórum sunt ista filiórum Dei, quo quidem se debet omnis fídelis exténdere, et húmánum ánimus ad hunc affectum, orando Deum, secumque agendo luctandóque perducere : tamen quia hoc tam mag-

num bonum tantæ multitudínis non est; quantam crédimus exaudíri, cum in oratióne díscitur : Dimitte nobis débíta nostra, sicut et nos dimíttimus debitóribus nostris; procul dúbio verba sponsiόνis hujus implentur, si homo qui nondum ita profécit, ut jam díligat inimícum, tamen quando rogátur ab hómine qui peccávit in eum, ut ei dimittat, dimittit ex corde.

R. Altíssimus benignus est super ingrátos et malos. * Estóte ergo misericordes, sicut et Pater vester miséricors est. V. Miserátor et miséricors Dóminus; pátiens et multum miséricors. * Estóte. *Luc. 6. Ps. 144.*

Lectio VIII.

Ex Libro sancti Cypriáni Epíscopi et Mártiris de Zelo et Livóre.

SI quis pénitus inspíciat, invéniet nihil magis Christiáno cavendum, nihil cáutius providendum, quam ne quis invídia et livóre capiátur; ne quis fallentis inimíci cæcis láqueis implicátus, dum zelo frater in fratris ódia convértitur, gládio suo néscius ipse perimátur. Late patet zeli múltiplex et fœcunda pernícies. Radix est malórum ómnium, fons cládium, seminárium delictórum, matéria culpárum. Inde ódium surgit, animósitas inde procédit. Zelus términum non habet, pérmanens júgiter malum et sine

sine peccatum : quantoque ille cui invidetur successu meliorem profecerit, tanto invidus in majus incendium livoris ignibus inardescit.

R. Si zelum amarum habetis, et contentiones sint in cordibus vestris, non est ista sapientia desursum descendens : sed terræna, animalis, diabólica, * Ubi enim zelus et contentio, ibi inconstantia et omne opus pravum. Y. Non efficiamur inanis gloriæ cupidi, invicem provocantes, invicem invidentes, * Ubi. *Jac.* 3. *Gal.* 5.

Lectio IX. Cap. 18.

Lectio sancti Evangelii secundum Matthæum.

Rex debitum dimittens.

In illo tempore; Dixit Jesus: Assimilatum est regnum cœlorum homini regi, qui voluit rationem ponere cum servis suis. Et reliqua.

Homilia sancti Joannis Chrysostomi. 27 in Gen.

MAGNUM parabolæ lucrum, modo adtendere voluimus. Quid enim tantum poterimus dimittere, quantum nobis a Domino dimittitur? Et nos quidem, si hoc voluerimus, conservis remittimus; ipsi vero a Domino remissionem accipimus. Ne igitur putemus, dum hoc facimus, nos alteri gratificari, aut magnum quoddam beneficium apud illum deponere; nam ipsi sumus qui beneficio fruimur, et multum

lucri inde nobis conciliamus: sicut etiam si hoc non fecerimus, omnino nihil eos lædere poterimus; nobis ipsis autem intolerabilem gehennæ poenam paramus. Idcirco obsecro, ut cogitantes hæc, nunquam admittamus, ut eorum qui nos contristaverunt vel alias offenderunt, injuriæ reminiscamur, vel inimico animo erga illos afficiamur; sed festinemus et anhelemus, ut, paratum inde lucrum reputantes, tam officiosi in eos simus qui nos offenderunt, quam sumus in eos qui vere nobis benefaciunt. Nam, si sapiamus, non ita nobis prodesse poterunt, qui benévoli in nos sunt. At ne quis mihi dicat: Semel atque iterum oravi, et non adsensit. Si hoc sincere faciamus, non prius quiescamus, donec multa sedulitate victoriam adepti, illum nobis conciliemus, et a suis in nos inimicitiis abducamus.

R. Nolite condemnare, et non condemnabimini: * Dimittite, et dimittimini; eadem quippe mensura qua mensi fueritis, remetiétur vobis. Y. Qui vindicari vult, a Domino inveniet vindictam; et peccata illius servans servabit. * Dimittite. Glória. * Dimittite. *Luc.* 6. *Eccli.* 28.

Ad Benedictus. *Ant.* 8. G. Omne debitum dimisi tibi, serve nequam, quoniam rogasti me: nonne ergo oportuit et te misereri conservi tui, sicut et ego tui misertus sum? *Matth.* 18.

Oratio Brev. Bitur.

UT sequámur vestigia Fílii tui, qui, cum maledicerétur, non maledicébat, da nobis, Deus, cum iis étiam qui odérunt pacem esse pacíficos, et frátribus débíta eórum dimíttere, ut nostra nobis débíta dimittas; Per Dóminum.

Ad Magníficat. Ant. 2. D. Irátus Dóminus trádidit servum tortóribus, quoadusque rédderet universum débítum: sic et Pater cœlestis fáciat vobis, si non remisérítis unusquisque fratri suo de córdibus vestris. *Matth. 18.*

DOMINICA XXII

POST PENTECOSTEN.

IN I NOCTURNO.

Lectio I. Cap. 1.

Incipit Epístola secunda beáti Pauli Apóstoli ad Timótheum.

PAULUS Apóstolus Jesu Christi per voluntátem Dei, secundum promissionem vitæ, quæ est in Christo Jesu: Timótheo caríssimo filio, grátia, misericórdia, pax a Deo Patre, et Christo Jesu Dómino nostro. Grátias ago Deo, cui sérvio a progenitóribus in consciéntia pura, quod sine intermissione hábeam tui memóriam in orationibus meis, nocte ac die desíderans te vidére, memor lacrymárum tuárum, ut gáudio ímplear, recordatióem accí-

piens ejus fídei, quæ est in te non ficta, quæ et habitávit primum in ávia tua Lóide, et matre tua Eunice, certus sum autem quod et in te.

R/. Omni cui multum datum est, multum quærétur ab eo; * Et cui commendavérunt multum, plus petent ab eo. ✕. Judícium duríssimum his qui præsunt, fiet, * Et cui. *Luc. 12. Sap. 6.*

Lectio II.

PROPTER quam causam admóneo te, ut resúscites grátiam Dei, quæ est in te per impositionem mánuum meárum. Non enim dedit nobis Deus spíritum timóris, sed virtútis, et dilectiόνis, et sobrietátis. Noli itaque erubescere testimónium Dómini nostri, neque me vinctum ejus; sed collabóra Evangélio secundum virtútem Dei: qui nos liberávit, et vocávit vocatióne sua sancta, non secundum ópera nostra, sed secundum propósitum suum, et grátiam quæ data est nobis in Christo Jesu ante témpora secularia.

R/. Miseratiónum Dómini recordábor, laudem Dómini super ómnibus quæ réddidit nobis Dóminus, et super multitudínem bonórum dómui Israel, quæ largítus est eis, * Secundum indulgéntiam suam, et secundum multitudínem misericordiárum suárum. ✕. Prædestinávit nos in adoptiόνem filiórum per Jesum Christum in ipsum, secundum

propositum voluntatis suæ; *
Secundum. *Is. 63. Ephes. I.*

Lectio III.

MANIFESTATA est autem nunc per illuminatiōnem Salvatoris nostri Jesu Christi, qui destruxit quidem mortem; illuminavit autem vitam et incorruptiōnem per Evangelium. In quo positus sum ego prædicator, et Apóstolus, et magister Géntium. Ob quam causam étiam hæc patior; sed non confundor. Scio enim cui credidi, et certus sum quia potens est depositum meum servare in illum diem.

R. Bonum certamen certavi, cursum consummavi, fidem servavi: * In reliquo † Reposita est mihi coróna justitiæ, quam reddet mihi Dóminus in illa die justus iudex. †. Omnia detrimentum feci, ad cognoscendum Christum, et societatem passionum illius, configuratus morti ejus. * In Glória. † Reposita est. *II. Tim. 4. Philip. 3.*

IN II NOCTURNO.

Lectio IV.

Ex Homília tértia sancti Joannis Chrysóstomi ad Pópulum Antiochénum. *n. 5.*

Nam quis hoc mihi dicat: Tunc détraho, cum falsa dico; si autem vera dico, minime. Nam licet vera loquens maledixeris, et hoc est crimen: etenim Pharisæus ille Publicano veridicus maledixit, sed tamen hoc ipsi nihil pró-

fuit. Non solos autem maledicos, sed et aliis détrahi audientes admóneo aures obstruere. Dic próximo: Habes aliquem, quem laudes et commendes? aures apéro, ut unguenta suscipiam: si vero male velis dicere, verbis ingressum obtúro: non enim stercus et cœnum accipere sustíneo. Quod mihi lucrum, si didicero illum esse improbum? immo máximum nocumentum ex hoc, et extrémá jactúra.

R. Qui loquitur iniqua non potest latere, quóniam aures zeli audit ómnia. * Custodíte ergo vos a murmuratiōe quæ nihil prodest, et a detractiōe parcite linguæ. †. Si invicem mordétis, vidéte ne ab invicem consumámini. * Custodíte. *Sap. 1. Galat. 5.*

Lectio V.

Hoc vero ridiculum magis est quod talem habentes vitam, et res suas negligentes, cum aliquid arcánium dixerint, rogant audientem et adjurant, ne cuiquam álteri dicat: hinc declarantes se rem reprehensiōne dignam commisisse. Si enim illum, ut némini dicat, rogas; multo magis te priórem huic dicere non oportebat. In tuto sermónem habébas: postquam ipsum prodidisti, tunc salutem ipsius curas: si non vis efferri, neque álteri ipse dicas: postquam vero álteri prodidisti sermónis custódiám, superflua facis et inútilia, admo-

nens et obtestans pro dictorum custódia. Sed jucundum detráhere? immo, jucundum non detráhere. Qui detráhit enim, deinceps ánxius est, suspicátur et timet, pœniténtiam agit, et linguam suam mordet: timens et tremiscens, ne forte áliis enuntiátum verbum, magnum sibi periculum ádferat, et supérfluum et inútilem inimicítiam iis, qui dixeré, operétur. Qui seipsum vero cóntinet, in securitáte plúrima cum multa vivet voluptáte.

R). Nolíte detráhere altérutrum, fratres. * Qui detráhit fratri, aut qui júdicat fratrem suum, detráhit legi, et júdicat legem. ✠. Si mórdeat serpens in siléntio, nihil eo minus habet qui occulte detráhit. * Qui. *Jac. 4. Eccle. 10.*

Lectio VI.

Non aliunde nostra negliguntur, quam quod aliéna satágimus curioséque scrutámur: non enim vacat hómini malédicto, et aliénos exquirérenti mores própriam quándoque vitam curáre: stúdio enim omni in alienórum curiositátem impenso, necesse est ómnia ejus témere et negligenter jacére.

R). Lingua ignis est, universitas iniquitátis; * Linguam autem nullus hóminum domáre potest: iniquétum malum, plena venéno mortífero. ✠. Multi cecidérunt in ore gládii, sed non sic quasi qui interiérunt per linguam suam;

* Linguam. Glória. * Linguam. *Jac. 3. Eccle. 28.*

IN III NOCTURNO.

Lectio VII.

Ex Homília tértia sancti Joannis Chrysóstomi ad Pópulum Antiochénum. n. 6.

FUGIAMUS igitur, dilecti, fugiámus detractiónes, docti id esse totum diáboli bárathrum, et insidiárum ejus latibulum. Ut enim nostra negligámus, et gravióres nobis reátus constituámus, in hanc nos consuetúdinem diábolus duxit: immo vero non id íbi solum inest mali, quod tunc ratióne dábitur eórum quæ díximus, sed étiam quod peccáta nostra sic gravióra faciémus, omni nos excusatióne privantes. Qui enim acerbe aliéna exquirít, in delictis suis nullam unquam véniam nanciscétur. Non enim tantum a peccatórum nostrórum natura, sed et ex júdicio de áliis nostro senténtiam Deus próferet.

R). Nolíte judicáre, ut non judicémini. * In quo enim júdicio judicáveritis, judicabímini: et in qua mensúra mensi fuéritis, remetiétur vobis. ✠. Inexcusábilis es, o homo omnis qui júdicas. In quo enim júdicas álterum, te ipsum condemnas. * In quo. *Matth. 7. Rom. 2.*

Lectio VIII.

Ex Sermóne sancti Augustíni Epíscopi de Verbis Evangelíi. *Serm. 82. Cap. 4. n. 6 et 7.*

HOMINES fáciles sunt ad irrogandas injurias, et difficiles ad concórdiam requirendam. Pete, inquit, véniam ab hómine quem offendisti, ab hómine quem læsisti. Respondet: Non me humiliábo. Vel Deum tuum audi, si fratrem tuum contemnis: Qui se humiliat, exaltábitur. Jam jaces, et humiliare te non vis? Bene díceres, nolo descendere, si noluisse rúere. Hoc ergo debet fácere qui fecit injúriam. Qui autem passus est, quid debet? Si peccáverit in te frater tuus, córripe eum inter te et ipsum solum. Si negligéris, peior es. Ille injúriam fecit, et injúriam faciendo gravi seipsum vúlvere percussit: tu vulnus fratris tui contemnis? Tu eum vides perire, vel perisse, et negligis? Peior es tacendo, quam ille conviciando. Quando ergo in nos aliquis peccat, habeamus magnam curam, non pro nobis, nam gloriósum est injurias oblivisci: sed obliviscere injúriam tuam, non vulnus fratris tui. Ergo córripe eum inter te et ipsum solum, intendens correctióni, parcens pudóri.

¶ Si peccáverit in te frater tuus, vade, et * Córripe eum inter te et ipsum solum: Si te audierit, lucrátus eris fratrem tuum. ✠ Qui corripit hóminem, grátiam póstea invéniet apud eum, magis quam ille qui per linguæ blandi-

menta decipit: * Córripe. *Matth. 18. Prov. 28.*

Lectio IX. Cap. 22.

Lectio sancti Evangelii secundum Matthæum.

Quæ Cæsaris, Cæsari; quæ Dei, Deo reddenda.

In illo témpore; Abeuntes Pharisei, consílium iniérunt ut cáperent Jesum in sermóne. Et reliqua.

Homília sancti Augustíni Episcopí. Serm. 62. c. 8.

Non est potestas nisi a Deo: quæ autem sunt, a Deo ordinatæ sunt. Qui autem resistit potestati, Dei ordinatióni resistit. Sed quid, si illud júbeat quod non debes fácere? Hic sane contemne potestatem, timendo potestatem. Ipsos humanarum rerum gradus advertite. Si aliquid jússerit Cúrator, nonne faciendum est? Tamen, si contra Procónsulem júbeat, non útique contemnis potestatem; sed eligis majóri servíre. Nec hinc debet minor irasci, si major prælátus est. Rursum, si aliquid ipse Proconsul júbeat, et aliud júbeat Imperátor; numquid dubitátur, isto contempto, illi esse serviendum? Ergo si aliud Imperátor, et aliud Deus, quid judicátis? Solve tribútum, esto mihi in obséquium. Recte; sed non in idólio. In idólio próhibet. Quis próhibet? Major potestas. Da véniam: tu cárcerem, ille gehennam minátur. Hinc

jam tibi adsumenda est fides tua tanquam scutum, in quo possis omnia ignita jacula inimici extinguere.

R). Per me reges regnant, et legum conditores justa decernunt. * Per me principes imperant, et potentes decernunt justitiam. γ. Obedire oportet Deo magis quam hominibus. * Per. Glória. * Per. Prov. 8. Act. 5.

Ad Benedictus. Ant. 1. D. Obtulerunt ei denarium. Et ait illis Jesus: Cujus est imago hæc, et superscriptio? Dicunt ei: Cæsaris. Tunc ait illis: Reddite ergo quæ sunt Cæsaris, Cæsari; et quæ sunt Dei, Deo. Matth. 22.

Oratio Brev. Bitur.

DIRIGAT corda nostra, quæsumus, Domine, tuæ pietatis operatio, ut et tibi summo Regi regum inviolabili serviamus obsequio, et ordinatis a te potestatibus prompta simus voluntate subjecti; Per Dominum.

Ad Magnificat. Ant. 3. a. Non potuerunt verbum ejus reprehendere coram plebe; et mirati in responso ejus, tacerunt. Luc. 20.

DOMINICA XXIII POST PENTECOSTEN.

IN I NOCTURNO.

Lectio I. Cap. 2.

Ex Epistola secunda beati

Pauli Apóstoli ad Timótheum.

Tu ergo, fili mi, confortare in grátia, quæ est in Christo Jesu: et quæ audisti a me per multos testes, hæc commenda fidelibus hominibus, qui idonei erunt et alios docere. Labora sicut bonus miles Christi Jesu. Nemo militans Deo implicat se negotiis secularibus; ut ei placeat, cui se probavit. Nam et qui certat in agone, non coronatur nisi legitime certaverit. Laborantem agricolam oportet primum de fructibus percipere. Intellige quæ dico: dabit enim tibi Dominus in omnibus intellectum.

R). Præcipio tibi coram Deo, ut serves mandatum sine macula, irreprehensibile; * Deposited custodi, devitas profanas vocum novitates, et oppositiones falsi nominis scientiæ. γ. Ne transgrediaris terminos antiquos, quos posuerunt patres tui. * Depositum. I. Tim. 6. Prov. 22.

Lectio II.

MEMOR esto Dominum Jesum Christum resurrexisse a mortuis ex semine David, secundum Evangelium meum, in quo laboro usque ad vincula, quasi male operans: sed verbum Dei non est alligatum. Ideo omnia sustineo propter electos, ut et ipsi salutem consequantur, quæ est in Christo Jesu, cum gloria celesti. Fidelis sermo: nam si

commórtui sumus, et convívemus: si sustinébimus, et conregnábimus: si negáverimus, et ille negábit nos: si non crédimus, ille fidélis pérmānet, negáre seipsum non potest.

R. Gáudeo in passiōibus, et adimpleo ea quæ desunt passiōem Christi, in carne mea, * Pro corpore ejus, quod est Ecclesia. γ. Laboro, certando secundum operatiōem Christi, quam operatur in me, in virtute. * Pro. *Coloss. 1.*

Lectio III.

Hæc cōmmonē, testificans coram Dōmīno. Noli contēdere verbis: ad nihil enim útilē est, nisi ad subversiōem audiētiū. Sollicite cura te ipsum probáblem exhibere Deo, operáriū inconfusibílem, recte tractantem verbum veritátis. Profána autem et vanilóquia devíta: multum enim proficiunt ad impietatem; et sermo eórum ut cancer serpit: ex quibus est Hymenæus et Philétus: qui a veritate exciderunt, dicentes resurrectionem esse jam factam, et subvertérunt quorundam fidem. Sed firmum fundamentum Dei stat, habens signaculum hoc: Cognóvit Dōminus qui sunt ejus, et discedat ab iniquitate, omnis qui nóminat nomen Dōmini. In magna autem domo non solum sunt vasa áurea, et argentea, sed et línea, et fictília; et quædam quidem in hó-

nórem, quædam autem in contuméliam. Si quis ergo emundáverit se ab istis, erit vas in honórem sanctificátum et útilē Dōmīno, ad omne opus bonum parátum.

R. Omnis qui natus est ex Deo, non peccat; * Sed generatio Dei conservat eum, et malignus non tangit eum. γ. Nihil proficiet inimicus in eo, et filius iniquitátis non appónet nocere ei; * Sed. Glória. * Sed. *1. Joan. 5. Ps. 88.*

IN II NOCTURNO.

Lectio IV.

Ex Libro primo sancti Augustini Epíscopi de Civitate Dei. *Cap. 9. n. 2 et 3.*

SI propterea quisque objurandis et corripiendis male agentibus parcat, quia opportunius tempus inquirít, vel eisdem ipsis méuit, ne deteriores ex hoc efficiantur, vel ad bonam vitam et piam erudiendos impédiant alios infirmos, et premant atque avertant a fide, non videtur esse cupiditátis occasio, sed consílium caritátis. Illud est culpábilē; quod hi, qui dissimíliter vivunt, et a malórum factis abhorrent, parcut tamen peccátis aliénis, quæ dedocere, aut objuráre debérant, dum eórum offensiōes cavent, ne sibi nóceant in his rebus quibus lícite boni atque innocentes utuntur, sed cupidius quam oportébat eds, qui in hoc mundo peregrinan-

tur et spem supernæ patriæ præ se gerunt. Non solum quippe infirmiores, vitam ducentes conjugalem, domos ac familias possidentes; verum etiam hi qui superiorem vitæ gradum tenent, nec conjugaliibus vinculis irretiti sunt, et victu parvo ac tegumento utuntur, plerumque suæ famæ ac salutis consulentes, dum insidias atque impetus malorum timent, ab eorum reprehensione esse abstinent; cum fortasse possint aliquos corripiendo corrigere: non mihi itaque videtur hæc parva esse causa, quare cum malis flagellantur et boni. Flagellantur enim simul, non quia simul agunt malam vitam, sed quia simul amant temporalem vitam; non quidem æqualiter, sed tamen simul: quam boni contemnere debèrent, ut illi correpti atque correcti consequerentur æternam.

R. Si quis non obedit verbo, hunc notate, et * Ne commisceamini cum illo, ut confundatur: et nolite quasi inimicum existimare, sed corripite ut fratrem. γ. Meliora sunt vulnera diligentis, quam fraudulenta oscula odientis.*
Ne. II. Thess. 3. Prov. 27.

Lectio V.

Ex Sermone sancti Augustini Episcopi, de Verbis Evangelii. Serm. 82. Cap. 3. n. 4. et Cap. 7. n. 10.

DEBEMUS amando corrigere, non nocendi auiditate, sed

studio corrigendi. Tales si fuerimus, optime facimus quod admoniti sumus: Si peccaverit in te frater tuus, corripe illum inter te et ipsum solum. Quare illum corripis? quia te doles, quod peccaverit in te? absit. Si amore tui id facis, nihil facis. Si amore illius facis, optime facis. Denique in ipsis verbis attende, cujus amore id facere debeas, utrum tui, an illius. Si te auderit, inquit, lucratus es fratrem tuum. Ergo propter illum fac, ut lucraris illum; si faciendo lucraris, nisi fecisses, perferat. Ipsa corripienda sunt coram omnibus, quæ peccantur coram omnibus: ipsa corripienda sunt secretius, quæ peccantur secretius. Sic agamus, et sic agendum est, non solum quando in nos peccatur, sed quando peccatur ab aliquo, ut ab altero nesciatur. In secreto debemus corrigere, in secreto arguere, ne volentes publice arguere, prodamus hominem.

R. Si peccaverit in te frater tuus, vade, et * Corripe eum inter te et ipsum solum: Si te auderit, lucratus eris fratrem tuum. γ. Corripe proximum antequam commineris; et da locum timori Altissimi: * Corripe. Matth. 18. Eccli. 19.

Lectio VI.

Ex Sermone quadragesimo nono sancti Augustini Episcopi. Cap. 6. n. 6.

ALICQUANDO amico tuo caris-

simo inimicus est aliquis, qui erat amicus amborum. Incipiunt esse de tribus amicis duo inter se inimici; quid faciet medius qui remansit? Vult, exigit, flagitat a te ut oderis cum illo quem odisse cepit. Exspectas forte a me audire quid facias. Permane amicus amborum. Qui discordant inter se, concordent per te. Mala si quæ audis ab altero de altero, noli prodere alteri. Dic sane amico tuo qui vult te facere inimicum amici tui: Quare vis ut sim inimicus illius? Respondet, quia inimicus meus est. Vis ergo ut sim inimicus inimici tui? inimicus esse debeo vitii tui. Iste cui me vis facere inimicum, homo est; est alius inimicus tuus, cui debeo esse inimicus, si amicus tuus sum. Respondébit: Quis est alius inimicus meus? Vitium tuum. Respondébit: Quod vitium meum? Odium quo odisti amicum tuum. Esto ergo similis medico. Medicus non amat ægrotantem, si non odit ægritudinem; ut liberet ægrótum, persequitur febrem. Nolite amare vitia amicorum vestrorum, si amatis amicos vestros.

¶. Noli fieri pro amico inimicus próximo. * Qui timet Deum, æque habebit amicitiam bonam, quoniam secundum illum erit amicus illius. †. Super omnia caritatem habete, quod est vinculum perfectionis. * Qui. Glória. * Qui. *Eccli. 6. Coloss. 3.*

IN III NOCTURNO.

Lectio VII.

Ex Expositione sancti Augustini Episcopi in Epistolam ad Galatas. n. 57.

NUNQUAM alieni peccati objugandi suscipiendum est negotium, nisi cum internis interrogationibus examinentes nostram conscientiam, liquido nobis coram Deo responderimus, dilectione nos facere. Quod si convicium, vel minæ, vel etiam persecutiones ejus quem argueris, laceraverint animum, si adhuc ille per te sanari posse videbitur, nihil respondeas, donec saneris prior. Quidquid enim lacerato animo dixeris, punientis est impetus, non caritas corrigentis. Dilige, et dic quid voles: nullo modo maledictum erit quod specie maledicti sonuerit, si memineris senserisque te, in gladio verbi Dei, liberatorem hominis esse velle ab obsidione vitiorum. Quod si forte, ut plerumque accidit, dilectione quidem talem suscipis actionem, et ad eam corde dilectionis accedis, sed inter agendum subrepperit aliquid, dum tibi resistitur, quod te auferat ab hominis vitio percutiendo, ipsi homini faciat infestum; postea te lacrymis lavantem hujusmodi pulverem, multo salubrius meminisse oportebit, quam non debeamus super aliorum superbire peccata.

ta, quando in ipsa eorum ob-
jurgatione peccamus; cum
facilius nos ira peccantis irá-
tos, quam miséria misericor-
des facit.

R^l. Si præoccupátus fueris
homo in aliquo delicto, vos
qui spirituales estis, hujús-
modi instruite in spiritu le-
nitatis, * Considerans teip-
sum, ne et tu tentéris. *Ÿ*. Cór-
ripe próximum ántequam
comminéris, * Considerans.
Galat. 6. Eccli. 19.

Lectio VIII.

Ex Libro Régulæ pastorá-
lis sancti Gregórii Papæ. *Part.*
2. Cap. 6.

NECESSE est, ut Rectóres a
súbditis timeantur, quando ab
eis Deum mínime timéri de-
prehendunt: ut humana sal-
tem formidine peccáre mé-
tuant, qui divína iudícia non
formídan. Paulus prælátum
se frátribus esse nesciébát,
cum diceret: Facti sumus pár-
vuli in médio vestrum; et
rursum: Nos autem servos
vestros per Christum. Sed cum
culpam quæ córrigi debuisset
invenit, illico magistrum se
esse recóluit, dicens: Quid
vultis? In virga véniam ad vos.
Summus itaque locus bene
régitur, cum is qui præest,
vitiis pótius quam frátribus
dominátur. Miscenda est lé-
nitas cum severitáte, facien-
dum quoddam ex utróque
temperamentum, ut neque
multa asperitáte exulcerentur
súbditi, neque nímia benigni-
tate solvantur. Sit itaque

amor, sed non emólliens; sit
vigor, sed non exásperans; sit
zelus, sed non immoderate
sæviens; sit pietas, sed non
plus quam expédíat pareens:
ut is qui præest, corda súbdi-
tórum et tenendo demúlceat,
et tamen ad terróris reverén-
tiam demulcendo constringat.

R^l. Peccatóri dixit Deus:
Quare tu enarras justítias me-
as, et adsúmis testamentum
meum per os tuum? * Tu vero
odisti disciplínam, et proje-
cisti sermones meos retrór-
sum. *Ÿ*. Confidis teipsum esse
ducem cæórum, lumen eó-
rum qui in ténebris sunt, eru-
ditórem insipientium, magis-
trum iafántium, habentem
formam sciéntiæ et veritátis
in lege. * Tu. *Ps. 49. Rom. 2.*

Lectio IX. Cap. 9.

*Lectio sancti Evangélii se-
cundum Matthæum.*

*Princeps synagogæ, et He-
morrhoissa.*

In illo témpore: Loquente
Jesu ad discípulos Joannis,
ecce princeps unus accessit,
et adorábat eum, dicens: Dó-
mine, filia mea modo defunc-
ta est; sed veni, impóne ma-
num tuam super eam, et vi-
vet. Et réliqua.

Homília sancti Ambrósii
Epíscopi. *In Luc. Lib. 6. n. 60.*

DICENTE Dómino, Non est
mórtua puella, sed dormit,
deridébant eum. Quicumque

enim non credit, irridet. Fleant igitur mortuos suos, qui putant mortuos: ubi resurrectionis fides est, non mortis est species, sed quietis. Nec abhorret illud Matthæi, quod ait tibiſcines fuisse in domo principis, et turbam tumultuantem; quia more veteri tibiſcines ad incendendos excitandosque luctus videbantur adhiberi. Tenens ergo manum puellæ Jesus, sanavit eam; et jussit ei dari manducare; quod est testimonium vitæ, ut non phantasma, sed veritas crederetur. Beatus ille cui manum Sapientia tenet. Utinam meos quoque teneat actus, teneat manum justitia, teneat Dei Verbum, inducat in penetralia sua, spiritum avertat erroris, convertat salutis, dari mihi jubeat manducare. Panis enim celestis, Dei Verbum est. Inde et illa Sapientia quæ divini corporis et sanguinis sacrosancta altaria replèvit alimentis: Venite, inquit, edite panes meos, et bibite vinum quod miscui vobis.

¶ Cum venisset Jesus domum, tenens manum puellæ, * Clamavit, dicens: Puella, surge: et † Reversus est spiritus ejus; et surrexit continuo. † In omni necessitate omnia obaudiunt ei. * Clamavit. Gloria. † Reversus. *Luc. 8. Lecti. 42.*

Ad Benedictus. *Ant. 6. B.* Dicebat mulier intra se: Si tetigero tantum vestimentum ejus, salva ero. *Matth. 9.*

Oratio Brev. Nemaus.

PRECES servorum tuorum, Deus miserator, exaudi, et quos paterna pietate castigas, interna tui spiritus unctione consolari digneris; Per Dominum.

Ad Magnificat. Ant. 1. D. Jesus conversus, dixit: Confide, filia; fides tua te salvam fecit. Et salva facta est mulier ex illa hora. *Matth. 9.*

DOMINICA XXIV

POST PENTECOSTEN.

IN I NOCTURNO.

Lectio I. Cap. 2.

Ex Epistola secunda beati Pauli Apostoli ad Timotheum.

JUVENILIA autem desideria fuge, sectare vero justitiam, fidem, caritatem et pacem cum iis qui invocant Dominum de corde puro. Stultas autem et sine disciplina questionēs devita: sciens quia generant lites. Servum autem Domini non oportet litigare: sed mansuetum esse ad omnes, docibilem, patientem, cum modestia corripientem eos qui resistunt veritati: nequando Deus det illis poenitentiam ad cognoscendam veritatem et respiscant a diaboli laqueis, a quo captivi tenentur ad ipsius voluntatem.

¶ Si separaveris pretiosum a vili, quasi os meum eris:

* Convertentur ipsi ad te, et tu non convertéris ad eos. *Ÿ.* Lóquere quæ decent sanam doctrínam, et exhortáre, et árgue cum omni império. * Convertentur. *Jerem. 15. Tit. 2.*

Lectio II. Cap. 3.

Hoc autem scito, quod in novíssimis diébus instábunt témpora periculósa: erunt hómines seipsos amantes, cúpidi, eláti, superbi, blasphemí, paréntibus non obediétes, ingrátí, scelesti, sine affectióne, sine pace, criminatóres, incontinentes, immítes, sine benignitáte, proditóres, protervi, tímidi, et voluptátum amatóres magis quam Dei: habentes spéciem quidem pietátis, virtútem autem ejus abnegantes. Et hos devíta: ex his enim sunt, qui pénetrant domos, et captívas ducunt muliérculas onerátas peccátis, quæ ducuntur váriis desidériis: semper discentes, et nunquam ad sciéntiam veritátis pervenientes. Quemádmódum autem Jannes et Mambres restitérunt Móysi: ita et hi resistunt veritáti, hómines corrupti mente, réprobi circa fidem, sed ultra non proficiétes: insipiéntia enim eórum manifesta erit ómnibus, sicut et illórum fuit.

R. In avarítia fictis verbis de vobis negotiábuntur: * Quibus júdicium jam ólim non cessat, et perditio eórum non dormítat. *Ÿ.* Ejúsmodi pseudoapóstoli sunt operárii

súbdoli, transfigurantes se in apóstolos Christi: * Quibus. *II. Petr. 2. II. Cor. 11.*

Lectio III.

Tu vero pármáne in iis, quæ didicisti, et crédita sunt tibi: sciens a quo didíceris. Et quia ab infántia sacras líttéras nóti, quæ te possunt instrúere ad salútem, per fidem, quæ est in Christo Jesu. Omnia Scriptúra divínitus inspiráta útilis est ad docendum, ad arguendum, ad corripiendum, ad erudiendum in justítia: ut perfectus sit homo Dei, ad omne opus bonum instructus.

R. A mandátis tuis, Dómine, intellexi: proptérea odívi omnem viam iniquitátis. * Lucerna pédibus meis verbum tuum, et lumen sémitis meis. *Ÿ.* Dómine, ad quem íbimus? verba vitæ æternæ habes. * Lucerna. Glória: * Lucerna. *Ps. 118. Joan. 6.*

IN II NOCTURNO.

Lectio IV.

Ex Libro sancti Cypriáni Episcopi et Mátyris de Opere et Eleemósynis.

Loquitur in Scriptúris divinis Spíritus sanctus et dicit: Eleemósynis et fide delicta purgantur. Non útiqúe illa delicta quæ fúerant ante contracta: nam illa Christi sanguine et sanctificatióne purgantur. Item dénuo dicit: Sicut aqua exstínguit ignem, sic

eleemósyna exstinguit peccátum. Hic quoque osténditur et probátur quia sicut lavacro aquæ salutáris gehennæ ignis exstinguitur, ita et eleemósynis atque operatióibus justis delictórum flamma sopitur. Si nemo esse sine peccáto potest, et quisquis inculpátum se esse díxerit, aut superbus, aut stultus est, quam necessaria, quam benigna est divína cleméntia, quæ cum sciat non deesse sanátis quædam postmodum vúlnera, dedit curandis denuo sanandisque vulnéribus remédia salutária! Neque enim promeréri misericórdiam Dómini póterit, qui miséricors ipse non fúerit; aut impetrábit de divína pietáte aliquid in précibus, qui ad precem páuperis non fúerit humanus.

¶ Ignem ardentem exstinguit aqua, et eleemósyna resistit peccátis: * Et qui reddit grátiam, in témpore casus sui invéniet firmamentum. † Per misericórdiam et fidem purgantur peccáta; * Et. *Eceli.* 3. *Prov.* 15.

Lectio V.

METUS ne patrimonium tuum forte deficiat, si operári ex eo largiter cøperis. Quando enim factum est ut justo possent deesse subsidia vitæ, cum scriptum sit: Non occidet fame Dóminus ánimam justam? Vólucres Deus pascit, et passéribus alimenta diurna præstantur; et quibus

nullus divínæ rei sensus est, eis nec potus nec cibus deest. Tu Christiáno, tu Dei servo, tu opéribus bonis dedito, tu Dómino suo caro aliquid exístimas defutúrum? nisi si putas quia qui Christum pascit, a Christo ipse non pascitur; aut eis terréna déerunt quibus cœlestia et divína tribuuntur. Unde hæc incrédula cogitatio, unde ímpia et sacrilega ista meditatio? Quid facit in domo fidei pérfidum pectus? quid qui Christo omnino non credit, appellátur et dícitur Christiánus? Pharisæi tibi magis cõgruit nomen.

¶ Respícite volatília cœli, quóniam non serunt, neque metunt, neque cõgregant in hórrea; et Pater vester cœlestis pascit illa: * Nonne vos magis pluris estis illis? † Dat jumentis escam ipsórum, et pullis corvórum invocántibus eum. * Nonne. *Matth.* 6. *Ps.* 146.

Lectio VI.

QUOMODO magis pótuít Christus justitiæ ac misericórdiæ nostræ ópera provocáre, quam quod præstári dixit sibi quidquid egenti præstátur et páuperi, et se dixit offendi, nisi egenti præstátur et páuperi; ut qui non cógitat in labóre atque in egestáte conservum, vel Dóminum cógitet in ipso illo quem déspicit constitútum. Et idcirco, fratres caríssimi, quibus metus in Deum pro-

nus est, et spreto calcatóque jam mundo ad superna et divina ánimus erectus est, fide plena, mente devóta, operatione continúa, promerendo Dómino obséquium præbeamus. Demus Christo vestimenta terréna, indumenta coeléstia receptúri. Demus cibum et potum seculárem, cum Abraham et Isaac et Jacob ad convívium coeleste ventúri. Ne parum metámus, plúrimum seminémus. Securitáti ac salúti æternæ, dum tempus est, consulámus.

R. Esurívi, et dedistis mihi manducáre: sitívi, et dedistis mihi bibere; hospes eram, et collegistis me; * Amen dico vobis, quámdui fecistis uni ex his frátribus meis mínimis, mihi fecistis. ✠. Fœnerátur Dómino qui miserétur páuperis; * Amen. Glória. * Amen. *Matth. 25. Prov. 19.*

IN III NOCTURNO.

Lectio VII.

Ex Epístola trigésima quarta sancti Hierónymi Presbyteri ad Nepotiánum, de Vita Clericórum.

IPSÆ Dóminus sors, id est, pars Clericórum est. Qui autem vel ipse pars Dómini est, vel Dóminum partem habet, talem se exhibére debet, ut et ipse possideat Dóminum, et possideátur a Dómino. Quod si quídpian aliud habúerit præter Dóminum, pars ejus non erit Dóminus. Si au-

tem ego pars Dómini sum, et funiculus hæreditátis ejus: nec accípio partem inter ceteras tribus, sed quasi Levíta et sacerdos vivo de décimis, et altári sérviens, altáris oblatione sustentor, habéns victum et vestítum, his contentus ero, et nudam crucem nudus sequar. Obsecro itaque te, et répetens íterum íterumque monébo, ne officium Clericátus genus antiquæ militiæ putes: id est, ne lucra sæculi in Christi quæras militia: ne plus hábeas quam quando Cléricus esse cœpisti; et dicátur tibi: Cleri eórum non próderunt eis: mensulam tuam páuperes et peregríni, et cum illis Christus convíva nóverit.

R. Dóminus pars hæreditátis meæ et cálicis mei; tu es qui restítues hæreditátem meam mihi. Funes cecidérunt mihi in præcláris; * Etenim hæreditas mea præclára est mihi. ✠. Argentum et aurum, aut vestem nullus concupívi: * Etenim. *Ps. 15. Act. 2.*

Lectio VIII.

Ex Epístola secunda sancti Bernardi Abbátis ad Fulcónem.

DIGNUM est ut qui altári deservit, de altári vivat. Conceditur ergo tibi, ut si bene deservis, de altári vivas; non autem ut de altári luxuriéris, ut de altári superbias. Denique quidquid præter necess-

sarium victum, ac simplicem vestitum de altari retines, tuum non est. Rapina est, sacrilegium est. Orabat quidem sapiens tantum victui suo tribui necessaria, non superflua. Habentes, ait Apostolus, victum et vestitum, non victum et ornatum. Et quidam alius Sanctus : Si dederit, inquit, mihi Dominus panem ad manducandum, et vestimentum quo operiar. Nota, quo operiar. Sic ergo et nos contenti simus vestimentis quibus operiamur, non quibus mulierculis vel similari, vel placere studeamus. Sed hoc faciunt, inquis, cum quibus habito : si non facio quod ceteri, de singularitate notabor. Propterea, inquam, exi de medio eorum, ne aut in urbe notabiliter vivas, aut exemplo pereas aliorum.

R. Nihil intulimus in hunc mundum : haud dubium quod nec auferre quid possumus. * Habentes autem alimenta, et quibus tegamur, his contenti simus. V. Initium vite hominis, aqua et panis, et vestimentum, et domus protegens turpitudinem. * Habentes. *I. Tim. 6. Eccli. 29.*

Lectio IX. Cap. 24.

Lectio sancti Evangelii secundum Matthaeum.

Abominatio desolationis et ultimum iudicium.

In illo tempore : Dixit Jesus discipulis suis : Cum vi-

deritis abominationem desolationis, quae dicta est a Daniele Propheta, stantem in loco sancto : Qui legit, intelligat. Et reliqua.

Homilia sancti Joannis Chrysostomi. 76. *In Matth.*

IMPLETA de Hierosolymis narratione, Christus ad suum adventum postea pergit, signaque ipsis narrat, non solum ipsis, sed etiam nobis, et post nos futuris omnibus utilia. Tunc apparebit signum Filii hominis in caelo, id est, crux sole fulgentior. Cur autem hoc signum apparet ? ut Iudaeorum impudentia plane reprimatur. Justificationem quippe magnam habens Christus, nempe crucem, in hoc tribunal advenit ; neque tantum vulnera sed ignominiosam mortem ostendit. Tunc plangent tribus : nulla accusandi necessitas erit, cum viderint crucem ; plangent, quia, illo mortuo, nihil inde fructum percepérunt ; quoniam crucifixerunt eum, quem adorare oportebat. Ideo fletus erit, atque utinam hic mala terminarentur. Nunc vero honor, deliciae, gloria, umbra tantum et verba sunt : quae vero illa sequuntur, non umbra, non verba sunt, sed manent, et nobiscum illuc transibunt, omnibusque notaverunt ; rapinae, avaritiae, fornicationes, et mille mala huiusmodi, non in imagine et in pulvere erant, sed scripta supra sunt, seu dicta,

seu ópera. Quibus ergo óculis Christum vidébimus? Nam si patrem non potest quis adspicere sibi cónscius peccáti in illum, eum qui patre longe mansuétiór est quómodo tunc respícere, quómodo ferre poterimus? Nam tribunáli Christi adstábimus, omniumque accurátum erit exámen.

R. Plangent omnes tribus terræ; et vidébunt Fílium hóminis venientem in núbibus cœli cum virtúte multa et majestáte. * Et † Mittet Angelos suos cum tuba et voce magna, et congregábunt electos ejus. †. Pópule meus, stat ad judicandum Dóminus, et stat ad judicandos pópulos. * Et mittet. Glória. † Mittet. *Matth.* 24. *Is.* 3.

Ad Benedictus. Ant. 2. D. Surgent pseudochristi et pseudoprophétæ, et dabunt signa magna; ita ut in errórem inducantur, si fieri potest, étiam electi. Ecce prædixi vobis. *Matth.* 24.

Oratio Brev. Bitur.

CORDA nostra, quæsumus, Dómine, sancto judiciórú tuórú timóre confíge, ut, vitam nostram emendantes in mélius, misericórdiam et glóriam a te obtinére mereámur; Per Dóminum.

Ad Magnificat. Ant. 1. f. Amen dico vobis quia non præteríbit generátio hæc, donec ómnia fiant. Cœlum et terra transíbunt, verba autem mea non præteríbunt. *Matth.* 24.

DOMINICA XXV

POST PENTECOSTEN.

IN I NOCTURNO.

Lectio I. Cap. 4.

Ex Epístola secunda beáti Pauli Apóstoli ad Timótheum.

TESTIFICOR coram Deo et Jesu Christo, qui judicatúrus est vivos et mórtuos, per adventum ipsíus, et regnum ejus: prædica verbum, inste oportúne, importúne: argue, óbseca, increpa in omni paciéntia, et doctrína. Erit enim tempus, cum sanam doctrínam non sustinébunt, sed ad sua desidéria coacerbábunt sibi magistros prurientes áuribus, et a veritate quidem audítum avertent, ad fábulas autem convertentur. Tu vero vígila, in ómnibus labóra, opus fac evangelistæ, ministérium tuum imple. Sóbrius esto.

R. Sic nos exístimet homo ut ministros Christi, et dispensatóres mysteriórú Dei. * Hic jam quæritur inter dispensatóres, ut fidélis quis inveniatúr. †. Quis, putas, est fidélis dispensátor et prudens, quem constitúit Dóminus super famíliam suam? * Hic. *I. Cor.* 4. *Luc.* 12.

Lectio II.

Ego enim jam delíbor, et

tempus resolutionis meae instat. Bonum certamen certavi, cursum consummavi, fidem servavi. In reliquo repõsita est mihi corõna justitiæ, quam reddet mihi Dõminus in illa die justus iudex : non solum autem mihi, sed et his, qui diligunt adventum ejus. Festina ad me venire cito. Demas enim me reliquit, diligens hoc sæculum, et abiit Thessalõnicam : Crescens in Galatiam, Titus in Dalmatiam.

R. Põsitus sum ego prædicator, et Apõstolus et magister Gentium : ob quam causam pãtior, sed non confundor ; * Scio enim cui credidi, et certus sum quia potens est depositum meum servare in illum diem. ¶. Liberavit me Dõminus ab omni opere malo ; et salvum faciet in regnum suum cõeleste : * Scio. *1P. 1Pm. 1 et 4.*

Lectio III.

LUCAS est mecum solus. Marcum adsume, et adduc tecum : est enim mihi utilis in ministèrium. Tychicum autem misi Ephesum. Penuam, quam reliqui Trõade apud Carpum, veniens affer tecum, et libros, maxime autem membranas. Alexander aerarius multa mala mihi ostendit : reddet illi Dõminus secundum opera ejus : quem et tu devita : valde enim restitit verbis nostris. In prima mea defensione nemo mihi adfuit, sed omnes me dereliquerunt : non illis imputetur, Dõminus

autem mihi adstitit, et confortavit me, ut per me prædicatio impleatur, et audiant omnes gentes : et liberatus sum de ore leõnis. Liberavit me Dõminus ab omni opere malo : et salvum faciet in regnum suum cõeleste, cui glõria in sæcula sæculõrum. Amen.

R. Deus omnis gratiæ, qui vocavit nos in æternam suam glõriam in Christo Jesu, * Mõdicum passos ipse perficiet, confirmabit solidabitque. ¶. Non derelinquet Dõminus sanctos suos. * Mõdicum. Glõria. * Mõdicum. *1. Petr. 5. Ps. 36.*

IN II NOCTURNO.

Lectio IV.

Sermo sancti Gregõrii Papæ. *Hom. 21. in Evang. n. 6.*

DUE vitæ erant, quarum unam nõvimus, alteram nesciebamus. Una quippe mortalis est, altera immortalis. Una corruptionis, altera incorruptionis. Una mortis, altera resurrectionis. Sed venit Mediátor Dei et hominũ, Homo Christus Jesus : suscepit unam, et ostendit alteram : unam pertulit moriendo, et ostendit alteram resurgendo. Si ergo nobis mortalem vitam sciẽtibũ, resurrectionem promitteret carnis, et tamen hanc visibiler non exhiberet, quis ejus promissionibus crederet ? factus itaque homo, apparuit in carne, mori dignatus est ex voluntate ; resur-

rexit ex potestate, et ostendit exemplo quod nobis promisit in premio. Si ergo membra nostri Redemptoris sumus, præsumamus in nobis quod gestum constat in capite.

¶ De manu mortis liberabo eos, de morte redimam eos : * Ero mors tua, o mors; morsus tuus ero, inferne. ¶ Cum mortale hoc induerit immortalitatem, tunc fiet sermo qui scriptus est : * Ero. *Osee, 13. I. Cor. 15.*

Lectio V.

Sermo sancti Augustini Episcopi. *Serm. 3. de Diversis.*

Cum duæ vitæ sint, una ante mortem, alia post mortem; ambæ habuerunt, et habent amatores suos. Qualis sit brevis hæc vita, quid describere opus est? Experimur quam ærumnosa, quam querelosa, circumdata tentationibus, plena timoribus, ardens cupiditatibus, subdita casibus, in adversis dolens, in prosperis tumens, lucris exultans, damnis excrucians, et in ipsis lucris trepidans, ne quod acquisivit amittat. Mendosa felicitas, vera infelicitas! humilis cupit ascendere; sublimatus timet descendere; qui non habet, invidet habenti; qui habet, contemnit non habentem. Et quis explicet verbis hujus vitæ tantam et tam conspicuam sceditatem? Et tamen ista sceditas habet amatores suos tales, ut optemus in-

venire aliquos qui sic diligant æternam vitam, quam finire non possunt, quomodo ista diligitur, quæ et cito finitur, et si protendatur, quotidie timetur, ne per horas singulas finiatur.

¶ Dicam Deo : * Numquid non paucitas dierum meorum finiatur brevi? ¶ Tædium me vitæ meæ, videntem mala universa esse sub sole, et cuncta vanitatem et afflictionem spiritus. * Numquid. *Job, 10. Eccle. 2.*

Lectio VI.

Ab amore hujus temporæ vitæ accède, si fieri potest, ad amandam æternam vitam, quomodo saltem diligitur hæc temporæ ab amatoribus suis. Adtendamus in quam magno timore sunt homines ne moriantur, morituri? Videas hominem tremere, fugere, pro-
volvi, quidquid habet dare, ut vita donetur, ut uno die plus vivatur. Quis tale aliquid pro æterna vita? Qui tanta agis ut paulo serius moriaris, age aliquid ut nunquam moriaris. Implorato adiutorio Domini Dei nostri adversus blanditias vitæ male amatæ, amemus illius pulchritudinem vitæ, quam nec oculus vidit, nec auris audivit, nec in cor hominis ascendit. Hanc enim præparavit Deus diligentibus se, et ipsa vita ipse Deus est. Amemus hanc fortiter. Donet Deus ut amemus; lacrymas pro hac non solum adipiscenda, sed etiam

diligenda, fundamus. Quid monituri sumus, ut ostendamus, quam verum sit quod scriptum est: Quæ est enim vita vestra? Vapor est ad modicum apparens, deinceps exterminabitur. Vivébat heri, non est hodie: paulo ante videbatur, modo non est qui videbatur. Deducitur homo ad sepulcrum, rédeunt tristes, cito obliviscentes. Dicitur, quam nihil est homo! et hoc dicit ipse homo, et non corrigit se homo, ut non nihil, sed aliquid sit homo.

℞. Filii Sanctorum sumus; et † Vitam illam expectamus, * Quam Deus daturus est his qui fidem suam nunquam mutant ab eo. †. Videam voluptatem Domini, * Quam. Gloria. † Vitam. *Tob. 2. Ps. 26.*

IN III NOCTURNO.

Lectio VII.

Sermo Sancti 'Euchérii Episcopi. *Ex Epist. parænetica ad Valerianum, de Vera sapientia.*

Si hominum quispiam clarus ac locuples, in locum liberorum te adoptaturus acciperet, ires per oppositas rerum difficultates, et perquamvis longi recessus iter, vectatus adcurreres. Deus universitatis rerumque Dominus te in adoptionem vocat; illud, si velis, tibi blandum filii nomen impartiens, quo Deum nostrum, unicum suum nuncupat; et non accensus rāpe-

ris? Certe cupiditas vitæ est istud, quod nos delectatione rei præsentis innexuit. Hanc, quam omnes exiguam amatis, insinuamus ut amētis æternam. Abrumpatur illa interminabilis negotiorum catēna: et ille de necessitatibus multis, unus per totam vitam labor. Disrumpamus inanum curarum vincula, in quibus semper occupatio nostra quasi incipit. Quarum rerum infatigabilis intentio, jam brevem et arctam per se vitam, arctissimam reddidit. Per quæ etiam nunc vana gaudia; nunc acerbæ mœrōres; nunc anxia vota; nunc suspecti metus veniunt.

℞. Filii hominum, usquequo gravi corde? * Ut quid diligitis vanitatem et queritis mendacium. †. Vanitas vanitatum et omnia vanitas. * Ut quid. *Ps. 4. Eccle. 12.*

Lectio VIII.

Ex Libro primo Moraliū sancti Gregorii Papæ. *Cap. 10. in c. 1. Job.*

Sunt nonnulli, qui vitam suam negligunt; cumque superna quæ amisérunt, non considerant, esse se, heu miseri! in bonis felices putant. Vice patriæ diligunt exsiliū quod patiuntur; et in cæcitāte quam tōlerant, quasi in claritāte lūminis exsultant. At contra, electōrum mentes, dum transitōria cuncta, nulla esse conspiciunt, et quæ sint cōditæ exquirunt, cumque eōrum satisfactiōni nihil ex-

tra Deum sufficit, ipsa inquisitionis exercitatione fatigata illorum cogitatio, in Conditoris sui spe et contemplatione requiescit; supernis interseri civibus appetit; et unusquisque eorum adhuc in mundo, corpore positus, mente tamen extra mundum surgit, ærumnam exsilii quam tolerat, deplorat; et ad sublimem patriam incessantibus se amoris stimulis excitat. Cum ergo dolens videt quam sit æternum quod perdidit, invenit salubre consilium, temporale hoc despiciere quod percurrit; et quo magis crescit consilii scientia ut peritura deserat, eo augetur dolor quod necdum ad mansura pertingat.

R. Id quod in presenti est momentaneum, et leve tribulationis nostræ, æternum gloriæ pondus operatur in nobis, non contemplantibus nobis quæ videntur sed quæ non videntur. * Quæ enim videntur, temporalia sunt; quæ autem non videntur, æterna sunt. ✕. Propterea abundantius oportet observare nos ea quæ audimus, ne forte perefluamur. * Quæ. II. Cor. 4. Hebr. 2.

Lectio IX. Cap. 13.

Lectio sancti Evangelii secundum Matthæum.

Granum sinapis.

In illo tempore; Parabolam proposuit turbis Jesus, dicens: Simile est regnum cælorum grano sinapis, quod

accipiens homo seminavit in agro suo. Et reliqua.

Homilia sancti Hieronymi, Presbyteri. Lib. 2. Comm. in Matth. 13.

Regnum cælorum, prædictio Evangelii est, et notitia Scripturarum, quæ ducit ad vitam, et de qua dicitur ad Judæos: Auferetur a vobis regnum Dei, et dabitur genti facienti fructus ejus: simile est ergo hujusmodi regnum grano sinapis, quod accipiens homo seminavit in agro suo. Homo qui seminat in agro suo, a plerisque Salvator intelligitur, quod in animis credentium seminet: ab aliis, ipse homo seminans in agro suo, hoc est, in semetipso, et in corde suo. Prædictio Evangelii quæ parva videbatur in principio, cum vel in anima credentis vel in toto mundo sata fuerit, non exsurgit in olea, sed crescit in arborem: ita ut volucres cæli quas vel animas credentium, vel fortitudines Dei servitio mancipatas, sentire debemus, veniant et habitent in ramis ejus. Adsumamus et nos pennas columbæ, ut volitantes ad altiora, possimus habitare in ramis hujus arboris, et nidulos nobis facere doctrinarum, terrænaque fugientes ad cælestia festinare.

R. Quod stultum est Dei, sapientius est hominibus; et * Quod infirmum est Dei, fortius est hominibus. ✕. Placuit Deo per stultitiam præ-

dicationis salvos facere credentes.* Quod. Glória.* Quod.
I. Cor. 1.

Ad Benedictus. Ant. 7. d.
Simile est regnum cœlorum grano sinápis, quod mínimum quidem est ómnibus semínibus : cum autem créverit, majus est ómnibus oléribus.
Matth. 13.

Oratio Miss. Cadurc.

Deus, qui mystéria regni cœlorum, in te ab æterno abscondita, et a constitutióne mundi figúris adumbráta, nobis per filium tuum in parabolis aperuisti ; apta, quæsumus, intelligéntias nostras, ut veritatem nunc cognoscentes in ænigmate, eam tandem in ipso fonte videámus ; Per eumdem.

Ad Magnificat. Ant. 1. a.
Simile est regnum cœlorum fermento, quod acceptum mulier abscondit in farínæ satis tribus, donec fermentátum est totum. *Matth. 13.*

DOMINICA XXVI

POST PENTECOSTEN.

IN I NOCTURNO.

Lectio I. Cap. 1.

Incipit Epístola beáti Pauli Apóstoli ad Titum.

PAULUS servus Dei, Apóstolus autem Jesu Christi, secundum fidem electórum Dei, et agnitióem veritátis, quæ

secundum pietátem est in spem vitæ æternæ, quam promísit qui non mentitur, Deus, ante témpora secularia : manifestávit autem tempóribus suis verbum suum in prædicatione quæ crédita est mihi secundum præceptum Salvatóris nostri Dei : Tito dilecto filio secundum commúnem fidem, grátia et pax a Deo Patre, et Christo Jesu Salvátore nostro.

R. Confortáre in grátia, quæ est in Christo Jesu : * Et quæ audisti a me per multos testes, hæc commenda fidélibus homínibus, qui idónei erunt et álios docére. ⁊. Bonum depósitum custódi per Spíritum sanctum, qui hábitat in nobis : * Et. *II. Tim. 2 et 1.*

Lectio II.

Hujus rei grátia relíqui te Cretæ, ut ea quæ desunt, corrigas, et constítuas per civitates Presbyteros ; sicut et ego dispósui tibi. Si quis sine crimine est, unus uxóris vir, filios habens fidéles, non in accusatióne luxúriæ, aut non súbditos. Oportet enim Episcopum sine crimine esse, sicut Dei dispensatórem : non superbum, non iracundum, non vinolentum, non percussórem, non turpis lucrí cupidum : sed hospitálem, benignum, sóbrium, justum, sanctum, continentem, amplectentem eum, qui secundum doctrínam est, fidélem sermónem : ut potens sit exhortári in doctrína sana,

et eos qui contradicunt, arguere.

R. Sic nos existimet homo ut ministros Christi, et dispensatores mysteriorum Dei. * Hic jam queritur inter dispensatores, ut fidelis quis inveniat. γ. Quis, putas, est fidelis dispensator et prudens, quem constituit Dominus supra familiam suam? * Hic. *I. Cor. 4. Luc. 12.*

Lectio III.

Tu autem loquere quæ decet sanam doctrinam: senes ut sobrii sint, pudici, prudentes, sani in fide, in dilectione, in patientia: anus similiter in habitu sancto, non criminatrices, non multo vino servientes, bene docentes: ut prudentiam doceant adolescentulas, ut viros suos ament, filios suos diligant, prudentes, castas, sobrias, domus curam habentes, benignas, subditas viris suis, ut non blasphemetur verbum Dei. Jvenes similiter hortare ut sobrii sint.

R. Adtende tibi et doctrinæ; * Hoc enim faciens et teipsum salvum facies, et eos qui te audiunt. γ. Loquere quæ decet sanam doctrinam; in omnibus teipsum præbe exemplum bonorum operum; * Hoc. Glória. * Hoc. *I. Tim. 4. Tit. 2.*

IN II NOCTURNO.

Lectio IV.

Ex Sermone sancti Augus-

tini Episcopi de Tempore. *Serm. 245. Cap. 1.*

Duo sunt quæ in hac vita veluti laboriosa nobis præcipiantur: continere ab his quæ in hoc mundo, dicuntur bona, et sustinere ea quæ in hoc mundo abundant mala. Illa continëntia, ista sustinëntia vocatur; duæ virtutes quæ mundant animam, et pacem faciunt divinitatis, in frænandis libidinibus, et coercendis voluptatibus, ne seducat quod male blanditur, et enervet quod prósperum dicitur. Continëntia nobis opus est, non credere felicitati terrænæ, et usque ad finem quærere felicitatem, quæ non habet finem. Ut autem est continëntiæ, felicitati mundi non credere; ita sustinëntiæ est, infelicitati mundi non cedere.

R. Quid prodest homini, * Si mundum universum lucrétur, animæ vero suæ detrimentum patiatur? γ. Quam dabit homo commutationem pro anima sua? * Si. *Matth. 16.*

Lectio V.

BONA Dei quæ promittit justis, in fine servantur; et mala quæ minatur impiis, in fine servantur. Bona et mala quæ versantur, et miscentur in sæculo, nec boni soli habent, nec soli mali. Et ideo quorumdam pedes in via Dei titubant. Cum enim instituerint propterea servire Deo, ut bonis terrénis abundant, et ma-

dis carent., quando viderint se laborare, et florere iniquos, quasi perdididerint mercedem, quasi eos fefellerit qui vacavit, renuntiant Deo. Et quia se iniqui convertunt, avertentes se ab illo a quo facti sunt, et inherentes illis quae facta sunt? Cum coeperit perire quod factum est, ubi erat amator temporis, qui perdidit aeternitatem?

R. Quid mihi est in caelo, et * A te quid volui super terram? V. Deus cordis mei, et pars mea, Deus, in aeternum. * A te. Ps. 72.

Lectio VI.

PROMITTIT propter illa bona, quae non dabit Deus nisi bonis, et propter illa mala quae non inferentur nisi malis, quia in fine apparebunt utraque, credi sibi vult Deus. Laboriosum est fidei tempus; quis neget? Multi multa patiuntur propter pecuniam perituram, et tu non vis pati propter vitam mansuram? Sic recusas laborare pro Dei promissis, quasi non labores pro cupiditatibus tuis. Quanta patiuntur pro sua iniquitate latrones, pro suis sceléribus perdit, pro sua nequitia lumbrosi, pro sua avaritia negotiatores? Index si pronuntiat exsilium, poena est; avaritia jubet exsilium, et laetitia est? Quid ergo magnum tibi imperat sapientia, quod non posset imperare avaritia? Et tamen cum imperat avaritia,

facis; sed cum susceperis jugum sapientiae, laboriosa erit: laboriosa plane; sed vide quo fine, qua mercede.

R. Regnum coelorum vim patitur, et * Violenti rapiunt illud. V. Porro unum est necessarium. * Violenti. Glória. * Violenti. *Matth. 11. Luc. 10.*

IN III NOCTURNO.

Lectio VII.

Ex Sermone duodécimo sancti Ambrósii Episcopi in Psalmum centésimum decimum octavum. *Expos. in Ps.*

NON quicumque dicit mihi, Domine, Domine, intrabit in regnum coelorum. Non quicumque dicit mihi, Tuus sum, meus est. Meus plane es, si vocem non redarguat conscientia, si sermonem tuum animus aut opera non refutent. Ego non nego meum esse eum qui ipse se non neget, aut certe si pro me seipsum sibi abneget. Nolo habere servulum pluribus dominis servientem. Nam quomodo meus est, si mihi dicat verbo, Tuus sum, et operibus neget, et factis se diabolo adjudicet et obstringat? Non est meus quem libido succendit; quia mea est castitas. Non est meus quem cura spoliandi minores exagitat; quia mea integritas est. Non est meus quem ira mobilis inquietat; quia mea tranquillitas est. Non est meus vini crapula temulentus in lucem, ambitione gloriæ

secularis ébrius, qui in periculum non possit sóbris moderatiónis servare vestígium. Pax sum ego, litigare non novi. Quid mihi ad eum de quo véniat diábolus, et dicat : Meus est; nam mihi sua colla curvavit, mea in illo plura repéro : nomen sibi tuum vindicat, et meum munus? Non est ergo Christi, nisi qui est aliénus a crimine : non est Christi, nisi qui potest semper se Christi sérvulum demonstrare.

℣. Non omnis qui dicit mihi, Dómine, Dómine, intrábit in regnum cœlorum; sed * Qui facit voluntátem Patris mei, ipse intrábit in regnum cœlorum. ℣. Qui custódit mandátum, custódit ánimam suam. * Qui facit. *Matth. 7. Prov. 19.*

Lectio VIII.

NAM si quis mutábilis est, venit ira, et dicit : Meus est; ante horam meus erat, spero quod íterum meus fiat. Venit tristítia, et dicit : Meus est; ante horam in mea possessióne fuit, in meo jure : et, si triste áliquíd accíderit, ad me illico revertétur. Quis ergo est Dei, nisi qui potest dicere : Nihil mihi cónciusus sum? Ideo dicébat Paulus Apóstolus Jesu Christi, quia nulli álii obnoxius tenebátur. Ille ergo dicébat, Christi sum; et respondébat ei Dóminus, Meus es. Qui vere dicit, Tuus sum, audit a Dómino, Meus

es. Recte ergo prophéta David dixit, Tuus sum, qui semper in Dómino mansit. Et qua ratióne dixerit, Tuus sum, addidit : Justificatiónes tuas exquisívi; hoc est, nihil aliórum quæsívi, sed id solum quod tuum est desiderávi. Alii quærunt monília pretiósá, ego solas justificatiónes tuas quasi quædam sarta justítiæ : álii domum ad domum, villam ad villam jungunt, quasi soli habitare possint in terra hac; mihi in tuis justificatió nibus omne patrimoníum est; mihi pór tio Deus est. Tuus sum ego; quia pars mihi hæreditátis non in auro, non in argento est, sed in Christo Jesu.

℣. Serviémus Dómino : * Absit a nobis ut relinquámus Dóminum. ℣. Dóminus Zelotes nomen ejus, Deus est æmulátor. * Absit. *Josue, 24. Exod. 34.*

Lectio IX. Cap. 13.

Lectio sancti Evangélíi secundum Matthæum.

Zizania superseminata.

IN illo témpore; Parábolam propósuit turbis Jesus, dicens : Símile factum est regnum cœlorum hómini qui seminávit bonum semen in agro suo. Et réliqua.

Homília sancti Augustíni Epíscopi, de verbis Evangélíi. *Serm. 88. Cap. 18.*

HOC in mystério lectionis hujus cognóvimus, fratres,

esse intus in Ecclesia bonos et malos, quod sæpe dicimus frumentum et paleam. Nemo ante tempus deserat aream, toleret paleam in tritura, toleret in area; quod enim toleret, in horreo non habebit. Veniet ventilator qui dividet malos a bonis. Erit etiam corporalis separatio, quam modo spiritalis præcedit. A malis corde semper disjungimini, ad tempus caute corpore copulamini. Nec tamen negligentes sitis in corrigendis vestris, ad curam scilicet vestram quoquomodo pertinentibus, monendo, docendo, hortando, terrendo. Deinde in ipsa correctione vel coercitione alienorum peccatorum cavendum est, ne se extollat qui alterum corripit. Neque ergo consentientes sitis malis ut approbétis, neque negligentes ut non arguátis, neque superbientes ut insultanter arguátis.

R. Mittet Filius hominis Angelos suos; et colligent eos qui faciunt iniquitatem, et mittent eos in caminum ignis: * Tunc † Justi fulgebunt sicut sol in regno Patris eorum. † Justum et impium judicabit Deus, et tempus omnis rei tunc erit. * Tunc. Glória. † Justi. *Matth. 13. Eccl. 3.*

Ad Benedictus. Ant. 3. c. Domine, nonne bonum semen seminasti in agro tuo? unde ergo habet zizania? Et ait illis: Inimicus homo hoc fecit. *Matth. 13.*

Oratio Miss. Cadure.

DEUS, cujus solus est et malo bonum educere; præsta, quæsumus, ut mali, quos in mundo vivere sinis, convertantur exemplo bonorum; et boni, malorum conversatione probati, puriores fiant in conspectu tuo; Per Dominum.

Ad Magnificat. Ant. 1. g. Colligite primum zizania, et alligate ea in fasciculos ad comburendum; triticum autem congregate in horreum meum. *Matth. 13.*

DOMINICA XXVII

POST PENTECOSTEN.

IN I NOCTURNO.

Lectio I. Cap. 2.

Ex Epistola beati Pauli Apostoli ad Titum.

IN omnibus teipsum præbe exemplum bonorum operum, in doctrina, in integritate, in gravitate, verbum sanum, irreprehensibile; ut is, qui ex adverso est, vereatur, nihil habens malum dicere de nobis. Servos dominis suis subditos esse, in omnibus placentes, non contradicentes, non fraudantes, sed in omnibus fidem bonam ostendentes: ut doctrinam salvatoris nostri Dei ornent in omnibus.

R. Sic luceat lux vestra coram hominibus, * Ut videant

ópera vestra bona, et glorificent Patrem vestrum qui in coelis est. *¶* In sapientia ambuláte ad eos qui foris sunt. * *Ut. Matth. 5. Coloss. 4.*

Lectio II.

APPARUIT enim grátia Dei Salvatóris nostri ómnibus homínibus, erúdiens nos, ut abnegantes impietátem, et secularia desidéria, sóbrie et juste et pie vivámus in hoc século, exspectantes beatam spem, et adventum glóriæ magni Dei, et Salvatóris nostri Jesu Christi, qui dedit semetipsum pro nobis, ut nos redímeret ab omni iniquitáte, et mundáret sibi pópulum acceptábilem, sectatórem bonórum óperum. Hæc lóquere, et exhortáre, et árgue cum omni império. Nemo te contemnat.

R. Cáritas Christi urget nos : æstimantes hoc quóniam pro ómnibus mórtuus est Christus : * *Ut et qui vivunt, jam non sibi vivant, sed ei, qui pro ipsis mórtuus est et resurrexit. ¶ Dilexit nos, et trádedit semetipsum pro nobis oblatiónem et hóstiam Deo in odórem suavitátis ; * Ut. II. Cor. 5. Ephes. 5.*

Lectio III. Cap. 3.

ADMONE illos princípibus et potestátibus súbditos esse, dicto obedíre, ad omne opus bonum parátos esse : néminem blasphemáre, non litigiósos esse, sed modestos,

omnem ostendentes mansuetúdinem ad omnes hómines. Erámus enim aliquando et nos insipientes, incréduli, errantes, servientes desidériis, et voluptátibus váriis, in malítia et invidia agentes, odibiles, odientes invicem. Cum autem benignitas et humánitas apparuit Salvatóris nostri Dei, non ex opéribus justitiæ quæ fécimus nos, sed secundum suam misericórdiam salvos nos fecit, per lavácrum regeneratiónis, et renovatiónis Spíritus sancti, quem effúdit in nos abunde per Jesum Christum Salvatórem nostrum, ut justificáti grátia ipsíus, hærédes simus secundum spem vitæ æternæ. Fidélis sermo est : et de his volo te confirmáre, ut curent bonis opéribus præesse qui credunt Deo. Hæreticum hóminem post unam et secundam correptiónem devíta. Salútant te qui tecum sunt omnes : salúta eos, qui nos amant in fide. Grátia Dei cum ómnibus vobis. Amen.

R. Pérmene in iis quæ didicisti, et crédita sunt tibi; sciens a quo didíceris. * Stultas autem et sine disciplína quæstiónes devíta, sciens quia génerant lites. *¶* Quæ præcépit tibi Deus, illa cógita semper. * Stultas. Glória. * Stultas. *II. Tim. 3 et 2. Eccli. 3.*

IN II NOCTURNO.

Lectio IV.

QUID áliud in mundo quam

pugna adversus diabolum quotídie géritur, quam adversus jacula ejus et tela conflictationibus assíduis dimicátur?

Cum avarítia nobis, cum impudicítia, cum ira, cum ambitione congressio est; cum carnalibus vítiis, cum illécebris secularibus assídua et molesta luctatio est. Obsessa mens hóminis et úndique diaboli infestatione vallata, vix occurrit singulis, vix resistit. Si avarítia prostrata est, exsurgit libído. Si libído compressa est, succédit ambítio. Si ambítio contempta est, ira exasperat, inflat supérbia, violentia invitat, invidia concórdiam rumpit, amicitiam zelus abscindit: et delectat hic inter diaboli gládios diu stare, cum magis concupiscendum sit et optandum ad Christum, subveniente velócius morte, properare. Cujus rei memor beatus Apóstolus Paulus in Epístola sua ponit et dicit: Mihi vivere Christus est, et mori lucrum; lucrum máximum cómputans jam séculi laqueis non tenéri, jam nullis peccátis et vítiis carnis obnoxium fieri, exemptum prescáris angéntibus, et venenátis diaboli faucibus liberátum, ad lætítiam salutis æternæ Christo vocante proficisci.

¶. Heu mihi quia incolátus meus prolongátus est! * Concupiscit et déficit ánima mea in átria Dómini. ¶. Militia est vita hóminis super terram: et sicut dies mercenárii, dies

ejus. * Concupiscit. Ps. 119 et 83. Job, 3.

Lectio V.

AD ómnia te parátum fácere timor Dei et fides debet. Sit licet rei familiáris amíssio, sit de infestántibus morbis assídua membrórum et cruenta vexatio, sit de uxóre, de libéris, de excedéntibus caris fúnebris et tristis avulsio: non sint tibi scándala ista, sed prælia; nec debílient aut frangant Christiáni fidem, sed pótius ostendant in colluctatione virtútem, cum contemnenda sit omnis injúria malórum præsentium fidúcia futurórum bonórum. Nisi præcés-serit pugna, non potest esse victória. Cum fúerit in pugnae congressione victória, tunc datur vincéntibus et coróna. Delicáta jactatio est cum perículum non est. Conflictatio in adversis probatio est veritátis. Contra tot ímpetus vastitátis et mortis inconcussi ánimi virtútibus cóngredi, quanta pectoris magnitúdo est; quanta sublimitas inter ruínas géneris humáni stare erectum, nec cum eis quibus spes in Deum nulla est, jacére prostrátum!

¶. Per fidem ambulámus, et non per spéciem: * Et ideo conténdimus, sive absentes, sive præsentés, placére illi. ¶. Non habémus hic manentem civitátem; sed futúram inquírimus. * Et ideo. II. Cor. 5. Hebr. 13.

Lectio VI.

QUOD interim morimur, ad immortalitatem morte transgredimur; nec potest vita æterna succedere, nisi hinc contigerit exire. Non est exitus iste, sed transitus, et temporali itinere decurso ad æternam transgressus. Quis non ad meliora venire festinet? quis non mutari et transformari ad Christi speciem, et ad cælestis gloriæ dignitatem venire citius exoptet? Per Salomonem docet Spiritus sanctus eos qui Deo placeant, maturius isthinc eximi et citius liberari, ne, dum in isto mundo diutius immorantur, mundi contactibus polluantur. Ejus est in mundo diu velle remanere, quem mundus oblectat, quem sæculum blandiens atque decipiens illécebris terrænæ voluptatis invitat. Porro cum mundus odérit Christianum, quid amas eum qui te odit, et non magis sequeris Christum qui te et redemit et diligit? Potius, fratres dilectissimi, mente integra, fide firma, virtute robusta, parati ad omnem voluntatem Dei simus, pavore mortis excluso, immortalitatem quæ sequitur cogitemus. Hoc nos ostendamus esse quod credimus, ut neque carorum lugeamus excessum; et cum accersitionis propriæ dies venerit, libenter ad Dominum ipso vocante veniamus.

R. Quid mihi est in cælo, et a te quid volui super terram? Defecit caro mea et cor meum : * Deus cordis mei, et pars mea Deus in æternum. *Ÿ.* Mihi vivere Christus est, et mori lucrum. * Deus. Glória. * Deus. *Ps.* 72. *Philip.* 1.

*IN III NOCTURNO.**Lectio VII.*

Ex Libro sancti Cypriani Episcopi et Martyris de Mortalitate.

MORI plane timeat, sed qui ex aqua et Spiritu non renatus, gehennæ ignibus mancipatur. Mori timeat, qui non Christi cruce et passione censetur. Mori timeat, qui ad secundam mortem de hac morte transibit. Mori timeat, quem de sæculo recedentem perennibus pœnis æterna flamma torquet. Mortalitas ista, ut Judæis et Gentilibus et Christi hostibus pestis est, ita Dei servis salutaris excessus est. Exercitia sunt nobis ista, non funera. Dant animo fortitudinis gloriæ, contemptu mortis præparant ad coronam. Meminisse debemus voluntatem nos, non nostram, sed Dei facere debere, secundum quod nos Dominus quotidie jussit orare.

R. Ego in te speravi, Domine; dixi : Deus meus es tu : * In manibus tuis sortes meæ. *Ÿ.* Fiat voluntas tua, sicut in cælo, et in terra. * In. *Ps.* 30. *Matth.* 6.

Lectio VIII.

Ex Sermóne sancti Augustíni Epíscopi de Verbis Apóstoli. *Serm. 159. n. 7 et 8.*

PARUM est ut amóre justítiæ contemnas quidquid te delectábat : contemne quidquid te terrébat ; contemne cárceres , contemne víncula , contemne equúleum , contemne tormenta , contemne mortem. In utróque gradu amatóres justítiæ vos probáte. Invenímus fórsitan áliquos qui præpónant justítiæ delectatióem voluptátibus et delectatióni corpóris sui ; qui autem pro illa pœnas , dolóres , mortemque contemnat , putas est áliquis in vobis ? Míllia Mártýrum ádjacent óculis nostris , ipsi veri amatóres perfectíque justítiæ. De illis dictum est : Omne gáudium existimáte , fratres mei , cum in tentatiónes várias incidéritis ; scientes quod probátio fidei vestræ patiéntiam operátur ; patiéntia autem opus perfectum habet. Quid addi potest , ut opus perfectum hábeat ? amat , ardet , fervet , calcat ómnia quæ delectant , et transit : venit ad áspera , horrenda , truculenta , minántia ; calcat , frangit et transit. O amáre ! o ire , o sibi períre ! o ad Deum perveníre !

¶. Omne quod tibi applícitum fúerit áccipe : et in dolóre sústine , et in humilitáte tua patiéntiam habe ; * Quóniam in igne probátur aurum

et argentum , hómínes vero receptíbiles in camíno humiliatiónis. ✠. Pro justítiá agonizáre pro ánima tua , et usque ad mortem certa pro justítiá ; * Quóniam. *Eccli. 2 et 4.*

Lectio IX. Cap. 8.

Léctio sancti Evangélíi secundum Matthæum.

Tempestas vehemens sedatur.

IN illo témpore ; Ascendente Jesu in navículam , secúti sunt eum discípuli ejus : et ecce motus magnus factus est in mari , ita ut navícula operirétur flúctibus ; ipse vero dormiébat. Et réliqua.

Homília sancti Augustíni Epíscopi. *Enarrat. 2. in Psalm. 25.*

AUDISTIS in Evangélio : Periclitabátur navígium in stagno , et dormiébat Jesus. Navigámus per quoddam stagnum , et ventus et procellæ non desunt ; tentatióibus quotidíanis hujus séculi prope opplétur nostrum navígium. Unde autem fit , nisi quia dormit Jesus ? Si non dormíret in te Jesus , tempestátes istas non pateréris ; sed tranquillitátem habéres intérius , convigilante tecum Jesu. Fides tua , quæ est de Jesu , obdormívit. Surgunt procellæ stagni hujus ; vides malos florére , bonos laboráre : tentátio est , fluctus est. Et dicit ánima tua : O Deus , ipsa est justítiá tua , ut mali flóreant , boni labórent ?

Dicis Deo : Ipsa est justitia tua? et Deus tibi : Ipsa est fides tua? Hæc enim tibi promisi? ad hoc Christianus factus es, ut in sæculo isto flóres? Unde hoc dicis? unde fluctibus stagni et tempestáte turbáris? Quia dormit Jesus, id est, quia fides tua, quæ est de Jesu, sopita est in corde tuo. Excita Jesum, et dic : Magister, perimus. Evigilábit ille, id est, rédiet ad te fides tua; et, adjuvante illo, considerábis in ánima tua, quia quæ dantur modo malis, non cum illis perseverábunt; tibi autem quod promíttitur, manébit in æternum. Jam tempestas illa non quátiet cor tuum; et tránsiet periculum.

R. Vidérunt ópera Dómini, et mirabília ejus in profundo. Clamavérunt ad Dóminum : * Et státuit procellam in auram; et † Siluérunt fluctus maris. ✕. Comminátus est Jesus vento, et dixit mari : Tace, obmutesce; * Et. Glória. † Siluérunt. *Ps. 106. Marc. 4.*

Ad Benedictus. Ant. 8. G. Surgens Jesus, imperávit ventis et mari; et facta est tranquillitas magna. *Matth. 8.*

Oratio Brev. Nem.

TUERE, Dómine, pópulum tuum inter hujus vitæ varietates laborantem, et ab ómnibus peccátis clementer emunda, quia nulla ei nocébit adversitas, si nulla ei dominétur iniquitas; Per Dóminum.

Ad Magnificat. Ant. 8. G.

Hómines miráti sunt, dicentes : Qualis est hio, quia venti et mare obédiunt ei! *Matth. 8.*

DOMINICA XXVIII

POST PENTECOSTEN.

IN I NOCTURNO.

Lectio I.

Incipit Epístola beáti Pauli Apóstoli ad Philémonem.

PAULUS vinctus Christi Jesu, et Timótheus frater : Philémoni dilecto et adjutóri nostro, et Appiæ soróri caríssimæ, et Archippo commilitóni nostro, et Ecclesiæ quæ in domo tua est : Grátia vobis et pax a Deo Patre nostro, et Dómino Jesu Christo. Grátias ago Deo meo, semper memoriæ tui fáciens in orationibus meis, áudiens caritatem tuam, et fidem quam habes in Dómino Jesu, et in omnes sanctos; ut communicatio fidei tuæ évidens fiat in agnitione omnis óperis boni quod est in vobis in Christo Jesu.

R. Multa mihi fidúcia est apud vos, multa mihi gloriatio pro vobis : * Replétus sum consolatióne; superabundo gáudio in omni tribulatióne. ✕. Majórem non hábeo grátiam, quam ut áudiam filios meos in veritaté ambulare. * Replétus. *II. Cor. 7. III. Joan.*

Lectio II.

GAUDIUM enim magnum há-

bui, et consolationem in caritate tua, quia viscera sanctorum requieverunt per te, frater. Propter quod multam fiduciam habens in Christo Jesu imperandi tibi quod ad rem pertinet, propter caritatem magis obsecro, cum sis talis, ut Paulus senex, nunc autem et victus Jesu Christi: obsecro te pro meo filio, quem genui in vinculis, Onesimo, qui tibi aliquando inutilis fuit, nunc autem, et mihi et tibi utilis, quem remisisti tibi. Tu autem illum, ut mea viscera, suscipe. Quem ego volueram mecum detinere, ut pro te mihi ministraret in vinculis Evangelii: sine consilio autem tuo nihil volui facere, uti ne velut ex necessitate bonum tuum esset, sed voluntarium.

R. Domini, et servorum, et vester Dominus est in coelis: * Et personarum acceptio non est apud Deum. V. Pusillum et magnum ipse fecit; et aequaliter cura est illi de omnibus. * Et. *Ephes. 6. Sap. 6.*

Lectio III.

FORSITAN enim ideo discessit ad horam a te, ut aeternum illum reciperes; jam non ut servum, sed pro servo carissimum fratrem, maxime mihi: quanto autem magis tibi, et in carne, et in Domino? Si ergo habes me socium, suscipe illam sicut me; si autem aliquid nocuit tibi, aut debet, hoc mihi imputa. Ego Paulus

scripsi mea manu: ego reddam, ut non dicam tibi quod et teipsum mihi debes. Ita, frater. Ego te fruar in Domino: refice viscera mea in Domino. Confidens in obedientia tua, scripsi tibi; sciens quoniam et super id quod dico, facies. Simul autem et para mihi hospitium; nam spero per orationes vestras donari me vobis. Salutat te Epaphras conceptivus meus in Christo Jesu, Marcus, Aristarchus, Demas et Lucas, adiutores mei. Gratia Domini nostri Jesu Christi cum spiritu vestro. Amen.

R. Induite vos sicut electi Dei, sancti, et dilecti, viscera misericordiae, supportantes invicem, et donantes vobismetipsis, si quis adversus aliquem habet querelam: * Sicut et Dominus donavit vobis, ita et vos. V. Dimittite, et dimittimini. *, Sicut. Gloria. * Sicut. *Coloss. 3. Luc. 6.*

IN II NOCTURNO.

Lectio IV.

Ex Enchiridio sancti Augustini Episcopi. *Cap. 91.*

RESURGENT Sanctorum corpora sine ullo vitio, sine ulla deformitate, sicut sine ulla corruptione, onere, difficultate: in quibus tanta facilitas, quanta felicitas erit. Propter quod et spiritualia dicta sunt, cum procul dubio corpora sint futura; non spiritus: sed sicut nunc corpus animale dicitur, quod tamen corpus,

non ánima est : ita nunc spirítale corpus erit, corpus tamen, non spíritus erit. Proinde quantum ádtinet ad corruptiónem, quæ nunc ágggravat ánimam ; et ad vítia, quibus caro adversus spíritum concupiscit, tunc non erit caro, sed corpus : quia et cœléstia córpora perhibentur. Quantum autem ádtinet ad substántiam, étiam tunc caro erit. Propter quod et post resurrectionem, corpus Christi, caro appelláta est. Sed ideo ait Apóstolus : Seminátur corpus animále, resurget corpus spirítale : quóniam tanta erit tunc concórdia carnis et spíritus, vivificante spíritu sine sustentáculi alicújus indigéntia súbditam carnem, ut nihil nobis repugnet ex nobis ; sed sicut néminem, ita nec intus nos ipsos patiámur inimícos.

R). Evigilábunt in vitam æternam, * Et fulgébunt quasi splendor firmamenti, et quasi stellæ in perpétuas æternitátes. ✠. Stella a stella differt in claritáte : sic et resurrectio mortuórum. Seminátur in corruptióne, surget in incorruptióne ; seminátur in ignobilitáte, surget in glória ; * Et fulgébunt. *Dan. 12. I. Cor. 15.*

Lectio V.

Ex Sermóne ducentésimo quinquagésimo quarto ejusdem. *In diebus Paschal. 25. n. 8.*

LAUDEMUS ergo Dóminum, caríssimi, laudémus Deum,

dicámus allelúia. Festinémus ad domum æternam. Ventúri sumus ad domum Dei, quæ est in cœlis. Ibi non quinquaginta diébus Deum laudábitur ; sed quemádmódum scriptum est, In sécula seculórum. Vidébimus, amábimus, laudábitur. Nec quod vidébimus deficiet, nec quod amábimus peribit, nec quod laudábitur tacébit : sempiternum totum erit, sine fine erit. Laudémus, laudémus ; sed non solis vóci bus, laudémus et móribus : laudet lingua, laudet vita : sed hábeat caritátem infinítam.

R). Beáti qui hábitant in domo tua, Dómine, * In sécula seculórum laudábunt te : ✠. Applicabuntur gentes multæ ad Dóminum in die illa, et erunt mihi in pópulum. * In sécula. *Ps. 83. Zach. 2.*

Lectio VI.

QUANTA erit illa felicitas, ubi nullum erit malum, nullum latébit bonum, vacábitur Dei láudibus, qui erit ómnia in ómnibus ? Nam quid áliud agátur, ubi neque ulla desídia cessábitur, neque ulla indigéntia laborábitur, nescio. Vera ibi glória erit, ubi laudantis nec erróre quisquam, nec adulatióne laudábitur. Verus honor : qui nulli negábitur digno, nulli deferétur indigno : sed nec ad eum ámbiet ullus indignus, ubi nullus permittétur esse nisi dignus. Vera pax, ubi ni-

hil adversi, nec a seipso, nec ab alio quisquam patietur. Præmium virtutum erit ipse qui virtutem dedit, eique seipsum, quo melius et majus nihil possit esse, promisit. Ipse finis erit desideriorum nostrorum, qui sine fine videbitur, sine fastidio amabitur, sine fatigatione laudabitur. Hoc munus, hic affectus, hic actus profecto erit omnibus, sicut ipsa vita æterna, communis.

℟. Præcipitabit Dominus mortem in sempiternum, et † Auferet Dominus Deus lacrymam ab omni facie, * Et opprobrium populi sui auferet de universa terra : quia Dominus locutus est. ✕. Oblivioni traditæ sunt angustiae priores; non audietur ultra vox fletus et vox clamoris. * Et opprobrium. Glória. † Auferet. *Is. 25 et 65.*

IN III NOCTURNO.

Lectio VII.

Ex Enarratione sancti Augustini Episcopi in Psalmum octogésimum sextum. n. 1.

CIVITAS quædam in isto Psalmo cantata et commendata est, cujus cives sumus, in quantum Christiani sumus: et unde peregrinamur, quamdiu mortales sumus; et ad quam tendimus, per cujus viam, quæ omnino quasi dumetis et sentibus interclusa non inveniebatur, Rex ipse civitatis se fecit viam, ut ad

civitatem perveniremus. Ambulantes ergo in Christo, et adhuc peregrinantes donec perveniamus, et suspirantes desiderio cujusdam ineffabilis quietis, quæ habitat in illa civitate, de qua quiete dictum est hoc nobis esse promissum, quod oculus non vidit, nec auris audivit, nec in cor hominis ascendit : ambulantes ergo, sic cantemus, ut desideremus. Nam qui desiderat, etsi lingua taceat, cantat corde : qui autem non desiderat, quolibet clamore aures hominum feriat, mutus est Deo.

℟. Populus tuus omnes justi in perpetuum hæreditabunt terram; * Germen plantationis meæ, opus manus meæ ad glorificandum. ✕. Vocabunt eos populus sanctus, redempti a Domino; * Germen. *Is. 60 et 62.*

Lectio VIII.

TANQUAM jocundatorum omnium habitatio in te. In peregrinatione ista contemur : habitatio nostra, jocunditas sola erit. Peribit labor et gemitus, transeunt orationes, succedunt laudationes. Ibi ergo habitatio jocundatorum, non erit gemitus desiderantium, sed lætitia perfruentium. Aderit enim cui modo suspiramus : similes ei erimus, quoniam videbimus eum, sicuti est. Ibi totum negotium nostrum non erit, nisi laudare Deum, et frui Deo. Et quid aliud quæremus, ubi solus sufficit, per quem facta sunt

omnia? Habitabimur et habitabimus: subicientur illi omnia, ut sit Deus omnia in omnibus. Hoc ergo unum desideremus, fratres, cum venerimus ad hoc, nos parémus gaudere ad Deum, laudare Deum.

R. Inebriabuntur ab ubertate domus tuæ, Dómine; et torrente voluptatis tuæ potabis eos; * Quóniam apud te est fons vitæ, et in lumine tuo videbimus lumen. V. Replebimur in bonis domus tuæ. * Quóniam. *Ps. 35 et 64.*

Lectio IX. Cap. 8.

Lectio sancti Evangelii secundum Matthæum.

Leprosus mundatus.

IN illo tempore; Cum descendisset Jesus de monte, secutæ sunt eum turbæ multæ; et ecce leprosus veniens, adorabat eum, dicens: Dómine, si vis, potes me mundare. Et reliqua.

Homília sancti Bedæ Presbyteri. *Expos. super Marc. Lib. I.*

UT in Dómino potestatis auctoritas, ita in illo fidei constantia declaratur. Ille in faciem procidit, quod humilitatis est et pudoris, ut unusquisque de suæ vitæ maculis erubescat; sed confessionem verecúndia non repressit. Ostendit vulnus, remedium postulavit; et ipsa religionis et fidei plena confessio est: Si

vis, inquit, potes me mundare. In voluntate Dómini tribuit potestatem. De voluntate autem Dómini non quasi pietatis incredulus dubitavit; sed quasi colluviónis suæ cónsciús non præsumpsit. Jesus autem, misertus ejus, extendit manum suam, et tangens eum, ait illi: Volo, mundare. Et cum dixisset; statim discessit ab eo lepra, et mundatus est. Nihil médium est inter opus Dei, atque præceptum; quia in præcepto est opus.

R. Non regnet peccátum in vestro mortáli corpore; * Exhibete membra vestra servire justitiæ in sanctificatióem. V. Mundi estote, auferte malum cogitationum vestrarum, quiescite agere perverse. * Exhibete. Glória. * Exhibete. *Rom. 6. Is. I.*

Ad Benedictus. Ant. 1. a. Dómine, puer meus jacet in domo paralyticus, et male torquétur. Et ait illi Jesus: Ego véniam, et curábo eum. *Matth. 8.*

Oratio Sac. Greg.

OMNIPOTENS sempiternus Deus, infirmitatem nostram propítius respice, atque ad sanandum nos, dexteram tuæ majestatis extende; Per Dóminum.

Ad Magnificat. Ant. 8. G. Dixit Jesus Centurióni: Vade; et sicut credidisti, fiat tibi. Et sanátus est puer in illa hora. *Matth. 8.*

PROPRIUM FERIARUM ET FESTORUM.

PARS AUTUMNALIS.

MENSE SEPTEMBRI.

DIE I.

SANCTI LUPI,

SENONENSIS EPISCOPI.

Duplex-minus.

Lectio I. Cap. 14.

Ex Ezechiële Prophéta.

FACTUS est sermo Dómini ad me, dicens : Fili hóminis, terra cum peccáverit mihi, ut prævaricétur prævaricans, extendam manum meam super eam, et cónteram virgam panis ejus : et immittam in eam famem, et interficiam de ea hóminem et jumentum. Et si fúerint tres viri isti in médio ejus, Noe, Dániel, et Job : ipsi justítia sua liberábunt ánimas suas, ait Dóminus exercítuum. Quod si et béstias péssimas indúxero super ter-

ram ut vastem eam ; et fúerit ínvia, eo quod non sit pertránsiens propter béstias : tres viri isti si fúerint in ea, vivo ego, dicit Dóminus Deus, quia nec fílios nec fílias liberábunt : sed ipsi soli liberabuntur, terra autem desolábitur.

R. Scitis quia dies Dómini,
* Sicut fur in nocte, ita véniet ; et non effúgient. *Ÿ.*
Juxta est dies perditionis. *
Sicut. *I. Thess. 5. Deut. 32.*

Lectio II.

Brev. Aurel. et Senon.

LUPUS in território Aurelianiensi natus est ex nobilíssimis paréntibus ; ab avúnculis Sanctis Austrémio Aurelianiensi, et Aunachário Autisiodorensi Episcopis, adhuc puer in clerum cooptatus est ;

Sancto Artémio in cáthedra Senonensi suffectus, hoc in múnere admirandis cum pietátis, tum sollicitúdinis pastorális opéribus eluxit. Váriis calúmniis appetitus in aula Theodórici Burgundiórum regis, contra detrahentes nihil áliud reponébat quam hæc Christi verba: Beáti estis cum maledíxerint vobis hómines, et persecúti vos fúerint, et díxerint omne malum adversum vos, mentientes. Mórtuo Theodórico, Clotárius secundus calúmniis cujusdam nómine Farulfi deceptus, Lupum in Néustriam relegávit, ubi multos pagános sanctus Præsul ad fidem adduxit. Innocéntiam ejus tandem agnóvit Clotárius, eumque ab exsílio revocávit, et ad ejus pedes advolútus, véniam deprecátus est. Plúribus siguis qua transibat, Parísiiis præcípue et Melodúni, ejus réditum Deus illustrávit. In prædio Briennensi suæ diocésis adversa valetúdine correptus, mórtuus est, vitæ sanctitáte et miráculis clarus, ac sepultus sub stillicidio basilicæ sanctæ Columbæ, anno círciter sexcentésimo vigésimo primo. Partes ejusdem reliquiárum non paucæ, in diocési Meldensi, vidélicet in ecclésia Beátæ Mariæ Melodunensis, Monasteríoli, et in plúrimis áliis locis, religiosíssime coluntur.

R. Sapiéntia a peccatóribus liberávit eum; et non dereliquit illum, donec afferret illi

poténtiam adversus eos qui eum deprimébant; * Mendaces ostendit qui maculavérunt illum, et dedit illi claritatem æternam. ✕. Novit Dóminus pios de tentatióne erípere. * Mendaces. *Sap. 10. II. Petr. 2.*

Lectio III.

De omnibus SS. Senonensibus Episcopis.

Brev. Sen. Martyrol. Autissiod. Process. verb. etc.

SENONSENSEM Ecclésiám suá sanctitáte illustravérunt plúrimi Pontífices, quos commúni memória récolunt hódie Meldenses, propter ipsórum piíssimos labóres, sollicitúdines et mérita in parte Meldensis diocésis círciter dimidia, quæ quidem olim ad Senonensem pertinébat. At vero, illos inter Præsules beatíssimos, quasi præcípui honóribus iidem prosequuntur Heráclium, qui Remis ádfuit, dum Clodovæus lustrálibus baptísmatis aquis ablútus est; Paulum, qui Heráclii germánus et próximus successor, pari vitæ mérito et signórum glória incláruit; Leónem, cui se suum Aspásium Melodunenses debere gloriantur; Arthémium, qui Baldum públice pœnitentem benigne susceptum, ita per injunctam pœniténtiam purgávit, ut ad sanctitátem mirábilem brevi eum perdúxerit; Wulframnum Wastinensem, qui abdicáto Senonensi Episcopátu, fidem Frísiis an-

nuntiavit, et demum in cœnobio Fontanellensi, monachus obiit; Ebbónem, qui precibus suis Senónicam urbem a Saracenorum furóre servavit incolumem; Anastásium dénique Augeríaci natum prope Pruvínium: hujus autem óbitum angélico mónitu didicit germana soror, sanctimoniális sanctæ Faræ, unde ipsi, in eódem monastério, cultus sanctorum persolvi cœpit. Heráclii áliquot reliquiæ adservantur apud Calmas, et in pago vicinióri Vernoliárum nómine. Ebbónis vero os unum in Ecclesia sancti Clari de Suppis prope Castrum-Nautónis.

¶ Scitis quáliter unumquemque vestrum, sicut pater filios suos, testificáti sumus, ut ambularétis digne Deo, * Qui vocávit vos in suum regnum et glóriam. ¶ Audíte ergo filii: servíte Dómino in veritate, et inquirite ut faciátis quæ plácita sunt illi; * Qui vocávit. Glória. * Qui vocávit. *I. Thess. 2. Tob. 14.*

Oratio Brev. Paris.

DEUS, qui beátum Lupum et álios sanctos Pontífices, quorum hódie memóriam ágimus, in terris mirificasti, et in cœlis æternum glorificas: quæsumus, ut eórum apud te júgiter intercessio nos protégat, quos nobis esse perpétua caritate pastóres et patres. confidimus; Per Dóminum.

Vesperæ de sequenti.

DIE II.

SS. LAZARI, MARTHÆ,

ET MARIE,

CHRISTI HOSPITUM.

Duplex-minus.

IN I VESPERIS.

Ant. 6. F. Intrávit Jesus in quoddam castellum; et mulier quædam, Martha nómine, excépit illum in domum suam.

Luc. 10.

Ant. 8. G. Huic erat soror, nómine María, quæ étiam sedens secus pedes Dómini, audiébat verbum illius; Martha autem satagébat circa frequens ministérium. *Luc. 10.*

Ant. 3. a. Stetit Martha, et ait: Dómine, non est tibi curæ quod soror mea reliquit me solam ministráre? dic ergo illi ut me adjuvet. *Luc. 10.*

Ant. 5. a. Dixit illi Dóminus: Martha, Martha, sollicita es, et turbáris erga plúrima: porro unum est necessárium. *Luc. 10.*

Ant. 1. D. María óptimam partem elégit, quæ non auferétur ab ea. *Luc. 10.*

Capitulum. Hebr. 13.

CARITAS fraternitátis máneat in vobis: et hospitalitátem nólite oblivisci; per hanc enim latuérunt quidam, Angelis hospítio receptis.

Hymnus.

FLAGRANS amore, pérditos
Dum nos Redemptor quære-
ret,

Defessus ad Martham Deus
Sese recépit hóspitam.

Beáta, quæ tantum suis
Amíca tectis hóspitem
Fovére gaudet, et Deo
Inferre convívæ dapes!

Dum Martha pascit, pásci-
tur

María felix, ac sedens,
Magnóque tuta Júdice,
Partem potítur óptimam.

Nunc, Martha, nunc se-
dens Deo,
Et ipsa Verbo pásceris;
Et jube se tuus tibi
Conviva dat convívium.

Da, Christe, sanctórum
quies,
Sic nos ad unum téndere
Per multa, posthac óptima
Ut parte possímus frui.

Amen.

✠. Oculi mei ad fidéles ter-
ræ, ut sédeant mecum: *R.*
Ambulans in via immaculáta,
hic mihi ministrábat. *Ps.* 100.

Ad Magníficat. Ant. 5. C.
Diligébat Jesus Martham, et
sorórem ejus Mariám, et Lá-
zarum. *Joan.* 11.

AD NOCTURNUM.

Invit. Deum cum homínibus
conversátum, * Veníte, adoré-
mus. *Baruch*, 3.

Hymnus. S. M.

REDITUM luci, Domino
vocante,

Lázarum, turbæ, domitam-
que mortem

Láudibus festis, modulís-
que sacri

Dícite cantus.

Ille qui Christum meruit fre-
quenti

Hóspitem gaudens recreáre
mensa,

Fœtidus clauso, data præ-
da morti,

Cónditur antro.

Heu! tua præsens ope si ja-
centi,

Fata qui præscis, Deus,
adstitisses;

Víveret, necdum premeren-
tur atra

Lúmina nocte.

Jamque mors, vitæ Domino
solútam,

Si jubes, reddet spoliáta
prædám:

Nunc et exstinctus superas
amícus

Surget ad auras.

Ecce dilecti lacrymis bonóras
Hóspitis funus; fremitúque
prodis

Quam pio plangas, Pater,
fmpiórum

Corde ruínam!

Ut Patrem semper pia Spiri-
tumque

Omne plebs tecum celebret
per ævum,

Christe, credentes animas
secundæ

Eripe morti. Amen.

Ant. 1. a. Erat quidam lan-
guens Lázarus a Bethánia, de
castello Mariæ et Marthæ so-
rórís ejus. *Joan.* 11.

Ant. 6. F. Mariá erat quæ
unxit Dóminum unguento, et

extersit pedes ejus capillis suis : cujus frater Lázarus infirmabátur. *Joan.* 11.

Ant. 3. c. Misérunt soróres ejus ad Jesum, dicentes : Dómine, ecce quem amas, infirmátur. *Joan.* 11.

✠. Dóminus opem ferat illi super lectum dolóris ejus : R. Universum stratum ejus vastasti in infirmitate ejus. *Ps.* 40.

Lectio I. Cap. 18.

Ex Ezechiële Prophéta.

ANIMA quæ peccáverit, ipsa moriétur. Justítia justí super eum erit, et impietas impíi erit super eum. Si autem impius égerit pœniténtiam ab omnibus peccátis suis quæ operátus est, et custodiserit ómnia præcepta mea, et fécerit judícium et justítiam; vita vivet, et non moriétur. Omnium iniquitátum ejus quas operátus est, non recordábor : in justítia sua quam operátus est, vivet. Numquid voluntátis meæ est mors impíi, dicit Dóminus Deus; et non ut convertátur a viis suis, et vivat?

R. Cogitávi vias meas; * Et converti pedes meos in testimónia tua. ✠. Exitus aquárum deduxérunt óculi mei, quia non custodiérunt legem tuam.

* Et. *Ps.* 118.

Lectio II.

Sermo sancti Bernardi Ab-

bátis. II. in *Assumpt. B. M. n.* 1, 2, 4.

MARTHÄ in domum suam excipit Salvátorem in terris; María pótius cógitat quemádmódum suscipiátur ab eo in domo non manufacta, æterna in cœlis. María tacet, et pro ea loquitur Christus. Optimam, inquit, partem elégit sibi María, quæ non auferétur ab ea in æternum. Hoc unum illud quod necessárium est; hæc una quam Prophéta tam sédulo requirébat : Unum, inquit, pétii a Dómino, hanc requiram. Considerémus, fratres, quemádmódum tria hæc distribúerit ordinátio caritátis; Marthæ administratióem, Mariæ contemplatióem, Lázari pœniténtiam. Habet hæc simul quæcumque perfecta est ánima : magis tamen videntur ad singulos singula pertinére, ut álíi vacent sanctæ contemplatióni, álíi dediti sint fraternæ administratióni, álíi in amaritúdine animæ suæ recógitent annos suos tanquam vulneráti dormientes in sepulcris. Sic plane, sic opus est, et María pie et sublímiter séntiat de Deo suo; Martha benigne et misericórditer de próximo suo; Lázarus misere et humlíter de seipso.

R. Si quis diligit me, sermónem meum servábit; et * Pater meus diliget eum, et ad eum veniémus, et mansiónem apud eum faciémus. ✠. Sapientia súscipit inquirentes

se; et qui illam diligit, diligit vitam. * Pater. *Joan. 14. Eccli. 4.*

Lectio III.

Sermo sancti Joannis Chrysostomi. *Hom. 62. in Joan. n. 1.*

MULTI, cum aliquos vident homines Deo acceptos in ærumnam quæpiam, ut morbum, paupertatem, aut quid simile incidisse, perturbantur, nescii Dei amicis id maxime competere. Nam Lázarus ex Christi amicis erat, et infirmabatur; id quod dicebant ii qui miserunt: Ecce quem amas, infirmatur. Narrat autem Evangelista sorores quoque ipsum amavisse; et tamen Lázarus mori permisit. Amabat autem Jesus Martham et sororem ejus, et Lázarus; ne unquam indignemur, vel ægre feramus, si viri virtute præditi et Dei amici in morbum incidant. Neque dixerunt: Ecce Lázarus infirmatur; sed, Ecce quem amas, infirmatur. Quid ergo Christus? Hæc infirmitas non est ad mortem, sed pro glória Dei. Qua in re mirandum est, quod sorores, cum audissent non esse ad mortem, et postea mori vidissent, offensæ non fuerint, rem contra cessisse cernentes: verum accesserunt, nec putarunt mentitum illum esse.

¶ Dixit Jesus Marthæ: Ego sum resurrectio et vita. Cre-dis hoc? Ait illi: Utique, Dómine, ego credidi, * Quia † Tu es Christus Fílius Dei vivi,

qui in hunc mundum venisti. †. Tu es, Dómine, qui vitæ et mortis habes potestatem, et dedúcis ad portas mortis, et redúcis. * Quia. Glória. † Tu es. *Joan. 11. Sap. 16.*

AD LAUDES.

Ant. 3. a. Jesus venit ad monumentum Lázari. Erat autem spelunca, et lapis superpositus erat ei. Ait Jesus: Tóllite lápidem. *Joan. 11.*

Ant. 8. G. Dicit Martha, soror ejus qui mórtuus fúerat: Dómine, jam fœtet; quatri-duánuus est enim. *Joan. 11.*

Ant. 4. A. Dicit Marthæ Jesus: Nonne dixi tibi quóniam, si credideris, vidébis glóriam Dei? *Joan. 11.*

Canticum. Sap. 8.

INTRANS in domum meam* conquiescam cum Sapiéntia:

Non enim habet amaritudinem conversatio illius, nec tædium convictus illius, * sed lætítiam et gáudium.

Quóniam immortalitas est* in cognatióne Sapiéntiæ,

Et in amicitia illius delectatio bona, * et in opéribus mánuum illius honestas sine defectiône;

Et in certamine loquela illius sapiéntia, * et præcláritas in communicatióne sermónum ipsíus.

Ant. 7. a. Voce magna clamávit Jesus: Lázare, veni foras; et statim pródiit qui fúerat mórtuus. *Joan. 11.*

Ant. 1. a. Prôdiit Lázarus, ligátus pedes et manus ínstitis, et fácies illíus sudário erat ligáta. Dixit Jesus: Sóluite eum. *Joan. 11.*

Capitulum. Ezech. 37.

HÆC dicit Dóminus Deus : Ecce ego apériam túmulos vestros, et edúcam vos de sepulcris vestris; et sciétis quia ego Dóminus.

Hymnus. S. V.

PANDITUR saxo tumulus remóto,

Íntimos clamor penetrat recessus,

Et Deum sentit docili jubentem

Aure cadáver.

Proh stupor! notas repetit medullas

Spiritus; cæcam pedibus revinctus

Dum viam carpit, sibimet superstes

Prodit et hæres.

Ipsa sic ruptis inimíca vinclis
Mors fugit, vinci patiens :
futúris

Summa prælúdit tua sic triumphis,

Christe, potestas.

Ut Patrem semper pia Spiritumque

Omne plebs tecum celebret per ævum,

Christe, credentes animas secundæ

Eripe morti. Amen.

✠. Eripuisti ánimam meam de morte, R. Ut pláceam co-

ram Deo in lúmine vivéntium. *Ps. 55.*

Ad Benedictus. Ant. 2. D. Multi ex Judæis, qui vénerant ad Mariám et Martham, et viderant quæ fecit Jesus, credidérunt in eum. *Joan. 11.*

Oratio Brev. Rem.

PRÆSTA, quæsumus, Dómine, ut cum Lázaro in novitáte vitæ ambulantes, te in pauperibus tuis cum Martha pascere, et a te cum María verbi tui meditatióne pasci mereámur; Qui vivis.

AD PRIMAM.

Ant. 3. a. Jesus venit.

AD TERTIAM.

Ant. 8. G. Dicit Martha.

Capitulum. Thren. 3.

LAPSA est in lacum vita mea, et posuérunť lápídem super me. Inundavérunt aquæ super caput meum : dixi, Péríi : invocávi nomen tuum de lacu novíssimo.

R. br. De ventre ínferi clámávi, * Et exaudisti vocem meam. De ventre. ✠. Projecisti me * in profundum, * Et. Glória. De ventre.

✠. Sublevábis de corruptiÓne vitam meam, R. Dómine Deus meus. *Jonæ, 2.*

AD SEXTAM.

Ant. 4. A. Dicit Marthæ.

Capitulum. Eccli. 2.

SUSTINE, et in humilitate tua patientiam habe; quoniam in igne probatur aurum et argentum, homines vero receptibiles in camino humiliationis. Crede Deo, et recuperabit te.

R. *br.* Spera in Domino, * Et ipse faciet. Spera. *Ÿ.* Et dabit tibi * petitiones cordis tui, * Et ipse. Glória. Spera. *Ÿ.* Dominus amat iudicium, *R.* Et non derelinquet sanctos suos. *Ps.* 36.

AD NONAM.

Ant. 1. a. Prædiit.

Capitulum. Osee, 13.

DE manu mortis liberabo eos, de morte redimam eos: ero mors tua, o mors; morsus tuus ero, inferne.

R. *br.* Humiliatus sum, * Et liberavit me Dominus. Humiliatus sum. *Ÿ.* Erripuit animam meam * de morte, * Et liberavit. Glória. Humiliatus sum. *Ps.* 114.

Ÿ. Conscidisti saccum meum, *R.* Ut cantet tibi glória mea. *Ps.* 29.

Vesperæ de sequenti:

DIE III.

S. GREGORII PAPÆ,

ET ECCLESÆ DOCTORIS.

Duplex-minus.

Lectio 1. Cap. 18.

Ex Ezechiële Prophéta.

Si autem avérterit se justus

a iustitia sua et fecerit iniquitatem secundum omnes abominaciones quas operari solet impius, numquid vivet? Omnes iustitiæ ejus quas fecerat, non recordabuntur; in prævaricatione qua prævaricatus est, et in peccato suo quod peccavit, in ipsis morietur. Et dixistis: Non est æqua via Domini. Audite ergo domus Israel: Numquid via mea non est æqua, et non magis viæ vestræ prævæ sunt? Idcirco unumquemque juxta vias suas iudicabo domus Israel, ait Dominus Deus. Convertimini, et agite pœnitentiam ab omnibus iniquitatibus vestris: et non erit vobis in ruinam iniquitas. Projicite a vobis omnes prævaricationes vestras, in quibus prævaricati estis, et facite vobis cor novum, et spiritum novum: et quare moriemini domus Israel? Quia nolo mortem morientis, dicit Dominus Deus, revertimini, et vivite.

R. Dixi: Confitebor adversum me injustitiam meam Domino; et * Tu remisisti impietatem peccati mei. *Ÿ.* Deus meus, misericordia mea. * Tu remisisti. *Ps.* 31 et 58.

Lectio II.

E Brev. Paris.

GREGORIUS magnus Gordiani ex Senatōrio genere, et sanctæ Sylvie filius, Urbana præfectura functus, mortuo patre, ex propriis facultatibus sex in Sicilia monasteria, septimum Romæ sancti Andree

nómine in suis ædibus ad cli-
vum Scauri exstruxit; ubi sub
Valentióne Abbáte mónachi
vitam professus, póstea Abbas
fuit; evocátus inde, Diáconus
ordinátur. Nec multo post a
Pelágio secundo Constantinó-
polim Apocrisiárius míttitur,
sedis Apostólicæ responsa fac-
turus; Romam reversus Gre-
górius, Pelágio pestilentia sub-
lato, ómnium votis Póntifex
eligitur, et in basilica sancti
Petri per vim raptus, hac die
tértia septembris consecrátur.
In Epístola synódica, quam
pro more tunc scripsit ad Pa-
triarchas, professus est se si-
cut sancti Evangélíi quátuor
libros, sic suscipere quátuor
Concília; Nicænum nempe,
Constantinopolitánum, Ephe-
sínium, et Chalcedonense :
quintum quoque, Constanti-
nopolitánum secundum, pá-
riter venerári.

¶ Sapiéntia bonórum óm-
nium mater est; quam sine
fictióne didici, et sine invídia
commúnico : infinitus enim
thesaurus est; * Quo qui usi
sunt, partícipes facti sunt
amicitiæ Dei. ✕. Bonus homo
de bono thesauro cordis sui
profert bonum; * Quo. *Sap.*
7. *Luc.* 6.

Lectio III.

JOANNI Patriarchæ Constan-
tinopolitáno fórtiter óbstitit,
qui sibi nomen universális
Epíscopi arrogábat. Quod ip-
se præ modéstia réspuens, ser-
vum servórum Dei se, primus
Romanórum Póntíficum, in

suis Epístoliis inscripsit. Divíni
Officii órđinem cantusque Ec-
clesiástici méthodum melióri
formæ restítuit. Donatistas
repressit in Africa. Manichæ-
os in possessiόνibus suis in
Sicília degentes ab erróre re-
vocári curávit. Cénsuit ut Ju-
dæi, prædicatióne pótius quam
vi ac necessitatē, ad baptis-
mum compellerentur. Angló-
rum gentem, missis in Britán-
niam Augustíno et áliis móna-
chis, ad fidem adduxit; unde
Anglórum Apóstolus a Beda
vocátus est. Admirabília sunt
quæ dixit, fecit, scripsit, de-
crévit, præsertim infirma sem-
per valetúdine. Dénique, mul-
tis éditis miráculis, Pontificá-
tus anno décimotértio, mense
sexto, ad cœlestem beatitúdi-
nem est evocátus. Corpus ejus
máxima ex parte in Gallias ad
Suessionense sancti Medardi
monastérium nono século
translátum est.

¶ Zelando zelum Dei, * Ac-
cépit testamentum sacerdotii
æterni. ✕. Potens exhortári in
doctrína sana, et eos qui con-
tradícunt argúere; * Accépit.
Glória. * Accépit. *I. Mach.* 2.
Tit. 1.

Oratio Brev. Paris.

DEUS, coróna Pontíficum et
lucerna Doctórum, qui beá-
tum Gregórium Ecclesiæ tuæ
providisti Pontíficem et Doc-
torem; quæsumus, ut ejus
nos semper et documentis
erúdias, et exemplis informes;
Qui vivis.

Vesperæ de eodem Festo.

DIE IV.
S. AIGULFI,
MARTYRIS.

Simplex.

Lectio 1. Cap. 22.

Ex Ezechiële Prophéta.

ET factum est verbum Dómini ad me, dicens : Fili hóminis, dic dómui Israel : Tu es terra immunda et non complúta in die furóris. Conjurátio prophetárum in médio ejus, sicut leo rúgiens, rapiensque prædam, ánimas devoravérunt, opes et prétium acceperunt, víduas ejus multiplicavérunt in médio illíus. Sacerdótes ejus contempsérunt legem meam, et polluerunt sanctuária mea : inter sanctum et profánum non habuérunt distántiam ; et inter pollútum et mundum non intellexérunt : et a sábbatis meis avertérunt óculos suos, et coinquinábar in médio eórum.

Rj. A minóre usque ad majórem omnes avaritiæ student, et a prophéta usque ad sacerdotem cuncti faciunt dolum ; * Quámobrem in témpore visitationis suæ córruent. x. Pellicientes ánimas instábiles, cor exercitátum avaritia habentes, maledictionis filii derelinquentes rectam viam erravérunt. * Quámobrem. *Jer. 6. II. Petr. 2.*

Lectio II.

PROPHETÆ autem ejus liniébant eos absque temperamento, videntes vana, et divinantés eis mendácium, dicentes, Hæc dicit Dóminus Deus, cum Dóminus non sit locútus. Pópuli terræ calumniabantur calúnniam, et rapiébant violenter : egénium et ádvenam opprimébant calúnnia absque judicio. Et quæsívi de eis virum, qui interpóneret sepe, et staret oppósitus contra me pro terra, ne dissipárem eam : et non invéni ; et effúdi super eos indignationem meam, in igne iræ meæ consumpsi eos : viam eórum in caput eórum réddidi, ait Dóminus Deus.

Rj. Vidit Dóminus, et malum apparuit in óculis ejus, quia non est judícium. * Et vidit quia non est vir, et non est qui occurrat : et indútus est vestimentis ultiónis, sicut ad vindictam hóstibus suis. x. Dóminus prospexit super filios hóminum, ut vídeat si est intélligens aut requírens Deum. * Et vidit. *Is. 59. Ps. 13.*

Lectio III.

Brev. Bles. Gall. Christ. nov. t. XII. col. 34. etc. 539. etc.

AIGULFUS Blesis natus, Floríaci ad Lígerim mónachum professus est, ubi sub disciplina sancti Múmmoli in omni virtútum génere, se exércuit. E monte Cassíno sancti

Benedicti corpus diligenter perquisitum in suum Floriæci monasterium adsportavit. Lirinum postea missus Abbas ut in eo monasterio regularem observantiam restitueret, ple-rosque ad pristini instituti normam non sine populi et secularium lætitia et proba-tione revocavit. Quod ægre ferentes duo monachi, plures improvise sicarios in monas-terium induxerunt, qui sanc-tum Abbatem comprehensum, et fustibus cæsum, in carcerem cum fidissimis discipulis con-jecerunt. Unde postea educ-tus, præcisæ lingua, effossis oculis, in Amatunam insulam prope Sardiniam deportatus, ibi tandem gladio cum pluri-bus sociis trucidatus, longissi-mum martyrium consummavit. Pruvini habet sui nominis ecclesiam olim prioralem. Quædam ex ejus ossibus tum in eadem ecclesia, tum in Res-bacensi et Jotrensi, etiamnum religiose adservantur.

R. Beatus vir qui suffert tentationem; quoniam, cum probatus fuerit, * Accipiet coronam vitæ, quam repro-misit Deus diligentibus se. V. Qui timet Dominum, nihil trepidabit et non pavebit; quoniam ipse est spes ejus. * Accipiet. Gloria. * Accipiet. Jac. 1. Eccli. 34.

Oratio Brev. Paris.

ADUSO, Dómine, supplica-tionibus nostris, ut qui beati Mátyris tui Aigulfi Abbatis

natálibus gloriámur, nec mi-nis injuste persequentium, nec ullis perturbémur adver-sis; Per Dóminum.

Vesperæ de Feria.

DIE V.

DE FERIA.

Lectio I. Cap. 34.

Ex Ezechiële Prophéta.

HÆC dicit Dóminus Deus : Væ pastóribus Israel, qui pas-cébant semetipsos : nonne greges a pastóribus pascuntur? Lac comedebátis, et lanis operiebámini, et quod cras-sum erat occidebátis : gregem autem meum non pascebátis. Quod infirmum fuit, non con-solidastis, et quod ægrótum non sanastis, quod confrac-tum est non alligastis, et quod abjectum est non reduxistis, et quod perferat non quæsis-tis; sed cum austeritate impe-rabátis eis, et cum poténtia.

R. Omnes quotquot vené-runt, fures sunt et latrónes, et non audiérunt eos oves. * Ego sum óstium; per me si quis introierit, salvábitur. V. Pastóres multi demolíti sunt vineam meam, conculcavé-runt partem meam. * Ego. Joan. 10. Jer. 12.

Lectio II.

ET dispersæ sunt oves meæ, eo quod non esset pastor : et factæ sunt in devoratióne

ómnium bestiárum agri, et dispersæ sunt. Erravérunt greges mei in cunctis móntibus : et super omnem fáciem terræ dispersi sunt greges mei, et non erat, inquam, qui requíreret.

¶. Væ pastóribus qui disperdunt et dilácerant gregem páscuæ meæ, dicit Dóminus : * Ecce ego visitábo super vos malítiam studiórum vestrórum ; et ego congregábo reliquias gregis mei. ¶. Vos dispersistis gregem meum, et ejecistis eos, et non visitastis eos. * Ecce. *Jer.* 23.

Lectio III.

PROPTEREA, pastóres, audíte verbum Dómini : Hæc dicit Dóminus Deus : Ecce ego ipse super pastóres requíram gregem meum de manu eórum, et cessáre fáciem eos ut ultra non pascant gregem, nec pascant ámplius pastóres semetipsos ; et liberábit gregem meum de ore eórum, et non erit ultra eis in escam ; quia hæc dicit Dóminus Deus : Ecce ego ipse requíram oves meas, et visitábo eas. Sicut vísitat pastor gregem suum, in die quando fúerit in médio óvium suárum dissipatárum : sic vísitábo oves meas, et liberábo eas de ómnibus locis, in quibus dispersæ fúerant in die nubis et caliginis. Et edúcam eas de pópulis, et indúcam eas in terram suam ; et pascam eas in móntibus Israel.

¶. Ecce Dóminus Deus in

fortitúdine véniet. Sicut pastor gregem suum paseet : * In bráchio suo congregábit agnos, et in sinu suo levábit, foetas ipse portábit. ¶. Ego sum pastor bonus : bonus pastor ánimam suam dat pro óvibus suis. * In. Glória. * In. *Is.* 40. *Joan.* 10.

Vesperæ de sequenti.

DIE VI.

S. CHAGNOALDI,

LAUDUNENSIS EPISCOPI.

Semiduplex.

Lectio I. Cap. 37.

Ex Ezechiële Prophéta.

FACTA est super me manus Dómini, et eduxit me in spíritu Dómini : et dimísit me in médio campi, qui erat plenus óssibus : erant autem multa valde super fáciem campi, sicæque vehementer. Et dixit ad me : Fili hóminis, putasne vivent ossa ista ? Et dixi : Dómine Deus, tu nosti. Et dixit ad me : Vaticináre de óssibus his. Et dices eis : Ossa árida, audíte verbum Dómini. Hæc dicit Dóminus Deus óssibus istis : Ecce ego intromittam in vos spíritum, et vivétis. Et prophetávi sicut præcéperat mihi. Factus est autem sónitus, prophetante me, et ecce commótió : et accessérunt ossa ad ossa, unumquodque ad junctúram suam. Et vidi et ecce super ea nervi et carnes ascendérunt : et extenta est

in eis cutis désuper, et spiritum non habébant.

¶ Vivent mórtui tui, interfecti mei resurgent : * Expergiscimini, et laudáte qui habitátis in púlvere. ¶ Ego sum resurrectio et vita : qui credit in me, etiámsi mórtuus fuerit, vivet. * Expergiscimini. *Is. 26. Joan. 11.*

Lectio II.

ET dixit ad me : Vaticináre ad spiritum, vaticináre, fili hóminis, et dices ad spiritum : Hæc dicit Dóminus Deus : A quátuor ventis veni, spiritus, et insuffla super interfectos istos, et reviviscant. Et prophetávi sicut præcéperat mihi : et ingressus est in ea spiritus, et vixerunt : steteruntque super pedes suos exércitus grandis nimis valde. Et dixit ad me : Fili hóminis, ossa hæc universa, domus Israel est : ipsi dicunt : Aruerunt ossa nostra, et périit spes nostra et abscissi sumus. Propterea vaticináre, et dices ad eos : Hæc dicit Dóminus Deus : Ecce ego apériam túmulos vestros, et edúcam vos de sepulcris vestris, pópulus meus ; et indúcam vos in terram Israel.

¶ Liberábo oves meas de ómnibus locis in quibus dispersæ fúerant in die nubis et caliginis, et indúcam eas in terram suam : * In páscuis ubérrimis pascam eas. ¶ Ego veni ut vitam hábeant et abundantius hábeant. * In. *Ezech. 34. Joan. 10.*

Lectio III.

Gall. Christ. t. IX. col. 510.

CHAGNOALDUS, sancti Farónis Meldensis et beátæ Faræ frater natu major, Luxóvii militiam sancti Columbáni amplexátus est, quem in Itáliam prófugum comitátus est, et eidem Faram benedicienti adstitit apud Pipimísium, domum paternam in diocési Meldensi pósitam. In eádém domo paterna degébat, quando Eustásius Faram febre oculisque laborantem sanávit. Quin et ipse, juxta Farénsium traditionem, ædificando earumdem monastério, confirmandæque inter puellas régulæ, cum Valberto procurátor ab Eustásio relictus est. Ad Laudunensem episcopátum evectus, res Ecclesiæ incredibili stúdio capessívit. In Concílio Remensi, inter præcipuos Galliárum Antístites, refúlsit. Cum sanctíssimis ætátis suæ viris tam in palátio quam in Ecclesiá arcíssimam, pro utilitáte utriusque, junxit necessitúdinem. Demum, postquam per multos annos óptimi pontíficis officio functus fuisset, apoplexia correptus, óbiit, anno Dagoberti regis duodécimo. In século décimo séptimo, gravíssimam pestem, quæ Laudunensem urbem depopulabátur, intra octíduum suo patrocínio pénitus exstinxit.

¶ Dóminus * Elégit te, ut sis ei, et fáciat te in laudem et nomen, et glóriam suam. ¶

Dóminum elegisti, ut sit tibi Deus, et ámbules in viis ejus et custódias cæremónias illíus. * Elégit. Glória. * Elégit. *Deut.* 26.

Oratio Brev. Laud.

INTERVENIAT apud tuam misericórdiam pro nobis, Deus, beáti Chagnoaldi Pontíficis supplicatio veneranda; ut contra ómnia adversántia ejus protectióne muniámur, cujus commemoratióne lætámur; Per Dóminum.

Vesperæ de sequenti.

DIE VII.

S. CLODOALDI,

PRESBYTERI.

Semiduplex.

Lectio I. Cap. 37.

Ex Ezechiéle Prophéta.

HÆC dicit Dóminus Deus: Ecce ego adsúmam filios Israel de médio natiónum, ad quas abiérunt: et congregábo eos úndique, et addúcam eos ad humum suam. Et fáciam eos in gentem unam nec dividentur ámplius in duo regna. Neque polluentur ultra in idólis suis, et cunctis iniquitatibus suis: et salvos eos fáciam de universis sédibus, in quibus peccavérunt; et emundábo eos, et erunt mihi pópulus, et ego ero eis Deus. Et servus meus David rex super eos, et pastor unus erit ómnium eórum. In judiciis meis ambulábunt, et mandáta

mea custódient, et fácient ea.

R). Oves meæ vocem meam áudiunt et ego cognosco eas, et sequuntur me: et ego vitam æternam do eis: * Et non peribunt in æternum; et non rapiet eas quisquam de manu mea. ¶. Non formidábunt ultra, et non pavébunt: et nullus quærétur ex número. * Et non. *Joan.* 10. *Jer.* 23.

Lectio II.

ET percútiam illis fœdus pacis, pactum sempiternum erit eis: et fundábo eos, et multiplicábo, et dabo sanctificationem meam in médio eórum in perpétuum. Et erit tabernaculum meum in eis: et ero eis Deus, et ipsi erunt mihi pópulus. Et scient Gentes quia ego Dóminus sanctificátor Israel, cum fúerit sanctificatio mea in médio eórum in perpétuum.

R). Congregábo filios Israel, et non erunt ultra duæ gentes, et erunt mihi pópulus: * Et pastor unus erit ómnium eórum. ¶. Alias oves hábeo quæ non sunt ex hoc ovíli: illas oportet me addúcere, et fiet unum ovíle; * Et. *Ezech.* 37. *Joan.* 10.

Lectio III.

Brev. Paris.

CLODOALDUS, Clodovæi magni regis Francórum, ex Clodomére Aurelianénsium rege, nepos, cæso a Burgundió nibus patre, cum duóbus fratribus Theodovaldo et Guntário,

pupillus sub áviæ Clotildis tutela relictus est : sed pátrui eórum Childebertus Parisiórum et Clotárius Suessiódunum rex, ut regnum pupillórum invaderent, ex his duos álterum decennem, septennem álterum interfecérunt. Tértius vero Clodoaldus, cum ad simile exítium quærerétur, ope virórum fórtium, immo protegente Deo, seryátus est. Fuga elapsus, exhæres factus in terris, hæreditatem quæ de cælo est, toto ánimo concupívit : neque tam spretus a mundo, quam mundum ipse spernens, sibi própria manu capillos in signum contempti regni incídit; et Cléricus factus, divíno se cúltoi mancipávit. Tum vitam egit duram et ásperam, humi substráto cilício decumbens, sacrórum librórum lectióni crebrisque oratióibus intentus; et quod sibi reliquum erat facultátum paupéribus distríbuit. In extrémam deinde Gállia partem quæ Provinciá dicitur, solitáriæ vitæ libérius vacatúrus, discessit. Ubi dum oratióis domum constrúeret, páuperi eleemó-

synam petenti, cum áliud non habéret, cucullum tráfuit; et nocte sequenti cubículum in quo pauper exceptus fuit, visum est propter méritum dantis ingenti lúmine coruscáre. Parísios reversus, et acclamante pópulo, ab Eusébio Episcopo Présbyter consecrátus, monastérium cóndidit eo in loco qui dicebátur Novientum, quem morte, sepultúra, miráculis ac nómine suo illustrem fecit.

R. Dóminus mihi adjútor;
* Non timébo quid fáciat mihi homo. V. Introibo ad altáre Dei, ad Deum qui lætíficat juventútem meam. * Non. Glória. * Non. Ps. 117 et 42.

Oratio Brev. Paris.

DEUS, qui beátum Clodoaldum propter te humiliátum in século, et sacerdotii múnere, et virtútum splendóre sublimasti : tribue nos ejus exemplo tibi digne ministráre, et per ejus intercessiónem grátia semper et mérito proficere; Per Dóminum.

Vesperæ de sequenti.

DIE VIII.

IN FESTO NATIVITATIS

BEATÆ MARLÆ VIRGINIS.

SOLEMNEMAJUS.

IN I VESPERIS.

Psalmi juxta diem Hebdomadæ.

Ant. 3. a. Oriétur stella ex

Jacob, et consurget virga de Israel. Num. 24.

Ant. 1. f. Egrediétur virga

de radíce Jesse, et flos de radíce ejus ascendet. *Is. 11.*

Ant. 4. E. Erit radix Jesse, et qui exsurget régere gentes: in eum gentes sperábunt. Rom. 15.

Ant. 6. F. Requiescet super eum Spíritus Dómini, et replebit eum. Is. 11.

Ant. 5. C. In diébus illis salvábitur Juda, et Israel habitábit confidenter. Jer. 23.

Capitulum. Jerem. 23.

ECCĒ dies véniunt, dicit Dóminus, et suscitábo David germen justum: et regnábit rex, et sapiens erit; et fáciat júdicium et justítiam in terra.

R. Hæc dicit Dóminus: * Si írritum potest fíeri pactum meum cum die et nocte; et pactum meum írritum esse póterit cum David, ut non sit ex eo fílius qui regnet in throno ejus. ✠. Volens Deus osténdere pollicitatiónis hærédis immobilitátem consílii sui, interpósuit jusjurandum. * Si írritum. Glória. * Si írritum. *Jer. 33. Hebr. 6.*

Hymnus, Unus bonórum fons, ut ad II Vesp. 247.

✠. Úsque in æternum præparábo semen tuum, *R.* Et ædificábo in generatiónem et generatiónem sedem tuam. *Ps. 88.*

Ad Magníficat. Ant. 1. D. Dómine, sermo quem locútus es David et super domum ejus, confirmétur in perpétuum, et magnificétur nomen tuum usque in sempiternum. I. Paral. 17.

AD COMPLET. Ps. juxta diem Hebd. Ant. etc. ut infra. 248.

AD OFFICIUM NOCT.

*Invit. Jesum de María natum, * Veníte, adorémus. Matth. 1.*

Hymnus. C.

LÆTIS terra sonet pláusibus;
huic Dei
Mater virgo datur: múnere
quo nova
Se rerum facies prótinus
éxerit,
Mundo pax redivit áurea.
Hæc est illa domus, qua Deus
ádvena
In terris habitat, digna Deo
domus;
Templum grande, sibi quod
propria manu
Summus condidit Artifex.
Aureis arca vetus fúlserit ún-
dique
Scintillans radiis: hæc va-
cuas decent
Umbras: interior Núminis
ípsius
Arcam nobilitas decet.
Non hic manna latet, légifer
aut lapis,
Non ramus sterilis: flos vi-
get hic ferax
Virtútum; sacer hic panis,
homo Deus;
Hic legis residet dator.
Sit laus summa Patri, súmma-
que Filio:
Ambórum sit idem Spiritui
decus,
Arcanis habilem qui thala-
mum modis
Christo præparat hóspiti.
Amen.

IN I NOCTURNO.

In Ps. Dómine Dóminus nos-
ter, 32.

Ant. 4. f. Appáruit Móysi
Dóminus in flamma ignis de
medio rubi; et vidébat quod
rubus ardéret, et non combu-
rerétur. Exod. 3.

In Ps. Cœli enarrant gló-
riam Dei, cum sua divisione, 42.

Ant. 8. G. Cum virgas po-
suisset Móyses coram Dómi-
no, invénit germinasse virgam
Aaron. Num. 17.

In Ps. Eructávit cor meum,
119.

Ant. 5. a. Abscissus est lapis
de monte sine mánibus; lapis
autem factus est mons mag-
nus, et implévit universam
terram. Dan. 2.

Ÿ. Mons in quo benepláci-
tum est Deo habitáre in eo :
Ÿ. Etenim Dóminus habitábit
in finem. Ps. 67.

Lectio I. Cap. 1.

Ex Cánticis Canticórum.

SURGE, amíca mea, speciósa
mea, et veni : columba mea,
in foramínibus petræ, in ca-
verna macériæ; ostende mihi
faciem tuam : sonet vox tua in
áuribus meis; vox enim tua
dulcis, et fácies tua decóra.
Cápite nobis vulpes párvulas,
quæ demolíuntur víneas; nam
vínea nostra flóruit. Dilectus
meus mihi, et ego illi qui pás-
citur inter lília, donecadspíret
dies, et inclinentur umbræ.
Revértere : símilis esto, dilec-
te mi, cápreæ, hinnulóque

Autumnalis.

cervórum super montes Be-
ther.

Ÿ. Noli timére; quia redé-
mi te, et vocávi te nómine tuo:
* Ego Dóminus Deus tuus,
Sanctus Israel, Salvátor tuus.
Ÿ. Dóminustecum: ne tíneas;
invenisti enim grátiam apud
Deum. * Ego. Is. 43. Luc. 1.

Lectio II. Cap. 4.

FAVUS distillans lábia tua,
sponsa : mel et lac sub lingua
tua; et odor vestimentórum
tuórum sicut odor thuris.
Hortus conclúsus, soror mea,
sponsa; hortus conclúsus,
fons signátus. Emissiónes tuæ
paradísus malórum punicó-
rum cum pomórum frúctibus.
Cypri cum nardo, nardus et
crocus, fistula et cinnamó-
mum cum universis lignis Lí-
bani, myrrha et áloë, cum
ómnibus primis unguentis.
Fons hortórum, púteus aquá-
rum vivéntium quæ fluunt ím-
petu de Líbano. Surge, Aquí-
lo; et veni, Auster : perfla
hortum meum, et fluant aró-
mata illíus.

Ÿ. Hæc dicit Dóminus, fá-
ciens et formans te ab útero :
* Effundam Spíritum meum
super semen tuum, et bene-
dictiónem meam super stir-
pem tuam. Ÿ. Quod nascétur
ex te, Sanctum, vocábitur
Fílius Dei. * Effundam. Is. 44.
Luc. 1.

Lectio III. Cap. 5.

VENIAT dilectus meus in hor-
tum suum, et cómedat fruc-

tum pomórum suórum, Veni in hortum meum, soror mea, sponsa; méssui myrrham meam cum aromátibus meis, comédi favum cum melle meo, bibi vinum meum cum lacte meo: comédite, amíci, et bíbite; et inebriámini, caríssimi. Ego dórmio, et cor meum vígilat. Vox dilecti mei pulsantis: Aperi mihi, soror mea, amíca mea, columba mea, immaculáta mea; quia caput meum plenum est rore, et cincinni mei guttis nóctium. Exspoliávi me túnica mea, quómodo induar illa? lavi pedes meos, quómodo inquinábo illos?

R. Benedícam tibi, complens juramentum quod spondi Abraham patri tuo: * Et † Benedicentur in sémine tuo omnes gentes terræ. V. Benedicta tu inter mulieres, et benedictus fructus ventris tui: * Et. Glória. † Benedicentur. *Gen. 26. Luc. 1.*

IN II NOCTURNO.

In Ps. Deus noster refúgium, 120.

Ant. 1. g. Dixit Gédeon: Si ros in solo véllere fúerit, et in omni terra siccitas; sciam, Dómine, quod sicut locútus es, liberábis Israel. Judic. 6.

In Ps. Deus júdicium, cum sua divisione, 42.

Ant. 8. G. Ecce nubécula parva quasi vestígium hómínis ascendébat de mari, et facta est plúvia grandis. III. Reg. 18.

In Ps. Benedixisti Dómine, 46.

Ant. 6. F. Fons parvus crevit in flúvium: lux et sol ortus est, et húmiles exaltáti sunt. Esther, 11.

V. Descendet Dóminus sicut plúvia in vellus, R. Et sicut stillicidia stillántia super terram. *Ps. 71.*

Lectio IV.

Ex Oratióne prima sancti Joannis Damascéni, in Nativitate Beátæ Mariæ Virginis. *n. 1 et 2.*

ADEST, gentes omnes, omne hómínum genus, omnes cujusvis linguæ, ætátis ac dignitátis orbis universi. Lætitiæ natálem lætis ánimis celebrémus: Dei Genitrícis natálem complectámur, per quam mortálium genus redintegrátum est. Hódie virgínea ac divína jánuá prodit: ex qua et per quam Deus, qui rebus ómnibus supéríor est, in orbem terrárum corporáliter introívit. Hódie de radíce Jesse virga orta est, ex qua mundo flos divínitus existens ascendit.

R. Própior est nostra salus; * Nox præcessit, dies autem appropinquávit; V. Salvábitur Juda. * Nox. *Rom. 13. Jer. 23.*

Lectio V.

Ex sancto Ildephonso Tolotáno Epíscopo. *Serm. in Nat. B. M. V.*

HONORABILIS dies, et sacra festivitas, in qua nata est Virgo María Dei Génitrix. Hoc

est gáudium nostrum, hæc est festivitas nostra, quia quando vóluit, fecit ut nos per suam magnam misericórdiam per Virginem visitáret. Exsultémus et lætémur omnes in celebratióem hodiernæ festivitátis beátæ Dei Genitricis, et semper vírginis Mariæ; quia præclára et sancta est, in qua inchoávit Redemptor ómnium visitatióem mirábilem, et nos de captivitáte ad prístinum locum revocáre dignátus est.

R. Hæc est dies quam fecit Dóminus: * Exsultémus et lætémur. V. Non audiétur ultra vox fletus. * Exsultémus. Ps. 117. Is. 65.

Lectio VI.

Ex sancto Lauréntio Justiniano Episcopo. In Nat. B. V. M.

QUIS Deum non honóret in Virgine, qui Virginem Dei vóluit fieri Genitricem, reparatricem sæculi, lucem mundi, spèculum sanctitátis, fidei magistèrium, peregrinatióis solátium, immaculátum templum, et fœderis arcam divinis mánibus fabricátam? In ejus ortu lætáti sunt cœli; decantavérunt Angeli laudes Deo; promulgáta est pax: humanæ specièi cœpit abolèri opprobrium, atque fugátis ténebris quæ totum occupavérunt orbem, rádios suos rútilans auróra perfundit. Solis quippe justitiæ utcunque irradiáta fulgóre, plácidum in se adspi-

ciéntibus præbébat affectum.

R. Quis súfficit enarráre ópera Dei? * Quis investigábit magnália ejus? V. Replébitor majestáte ejus omnis terra. * Quis. Glória. * Quis. Eccli. 18. Ps. 71.

IN III NOCTURNO.

In Ps. Fundamenta ejus, 121.

Ant. 7. d. Egressa est glória Dómini, et stetit in intróitu portæ domus Dómini orientális. Ezech. 10.

In Ps. Dóminus regnávit, exsultet terra, 46.

Ant. 2. D. Dixit Dóminus: Porta hæc clausa erit, et non aperiétur; quóniam Dóminus Deus Israel ingressus est per eam. Ezech. 44.

In Ps. Cantáte Dómino..... quia, 35.

Ant. 3. c. Erit clausa príncipi: princeps ipse sedébit in ea. Ezech. 44.

V. Dómini est assúptio nostra, R. Et Sancti Israel regis nostri. Ps. 88.

Lectio VII.

Ex sancto Bernardo Abbáte de Virgine Deipara. Serm. 1. n. 8.

QUI sidereum micat in generatione Mariæ? Plane quod ex régibus orta, quod ex sémine Abrahæ, quod generósa ex stirpe David. Si id parum vidétur, adde quod generatióni illi ob singuláre privilégium sanctitátis divínitus nóscitur esse concessa: quod longe ante eisdem pátribus cœlitus repromissa; quod mysticis præ-

figurata miraculis; quod oraculis prænuntiata prophetiis. Hanc enim sacerdotalis virga, dum sine radice floruit; hanc Gedeonis vellus, dum in medio siccae areae maduit; hanc in Ezechielis visione orientalis porta, quæ nulli nunquam patuit, præsignabat. Hanc denique præ ceteris Isaías, nunc virgam de radice Jesse orituram promittebat; nunc evidentius Virginem parituram.

R. Quam pulchri sunt gressus tui, filia Principis! * Quam pulchra es, et quam decora! V. Eris corona gloriæ in manu Domini, quia complacuit Domino in te. * Quam. *Cant. 7. Is. 62.*

Lectio VIII.

NIHILOMINUS fulget etiam novus ille conceptionis modus, ut non in iniquitate, quemadmodum ceteræ omnes, sed superveniente Spiritu sancto, sola, et de sola sanctificatione Mariæ conciperet. Nam quod verum Deum, et Dei Filium genuit, ut idem ipse Dei atque hominis Filius, unus omnino Deus et homo prodiret ex Mariæ, abyssus est luminis; nec facile dixerim quod vel angelicus oculus ad hujus fulgoris vehementiam non caliget. De cetero sane et virginitatem carnis, et propositum virginitatis, maxime et ipsius quoque propositi novitas evidenter illustrat; quod videlicet in libertate spiritus, legis Mosæicæ decreta transcendens, illibatam Deo

corporis simul et spiritus sanctimoniam vovit.

R. Induit me Dominus * Vestimento salutis, et induimento justitiæ circumdedit me. V. In hoc gaudeo; sed et gaudébo. * Vestimento. *Is. 61. Philip. 1.*

Lectio IX. Cap. 1.

Lectio sancti Evangelii secundum Matthæum.

Christi genealogia.

LIBER generationis Jesu Christi, filii David, filii Abraham. Et reliqua.

Homilia sancti Hieronymi Presbyteri. *Lib. 1. Comm. in Cap. 1. Matth.*

IN Isaia legimus: Generationem ejus quis enarrabit? Non ergo putemus Evangelistam Prophetæ esse contrarium; ut quod ille impossibile dixit effatu, hic narrare incipiat: quia ibi de Generatione Divinitatis, hic de Incarnatione est dictum. A carnalibus autem coepit, ut per hominem Deum discere incipiamus. Filii David, filii Abraham. Ideo autem, ceteris prætermissis, horum filium nuncupavit; quia ad hos tantum est facta de Christo repromissio. Ad Abraham: In semine, inquit, tuo benedicentur omnes gentes, quod est Christus. Ad David: De fructu ventris tui ponam super sedem tuam.

R. Benedixit te Dominus in virtute sua; * Quia per te ad

nihilum redégit inimicos nostros. *Ÿ.* Benedicta tu inter mulieres, et benedictus fructus ventris tui; * Quia. Gló-
ria. * Quia. *Judith, 13. Luc. 1.*

AD LAUDES.

Psalmi de Dominica.

Ant. 1. g. Quæ est ista, quæ progreditur quasi auróra con-
surgens, pulchra ut luna, elec-
ta ut sol? *Cant. 6.*

Ant. 4. E. Una est colum-
ba mea, perfecta mea, una est
matris suæ, electa genitrici
suæ. *Cant. 6.*

Ant. 6. C. Vidérunt eam fi-
liæ, et beatissimam prædica-
vérunt; reginæ, et laudavé-
runt eam. *Cant. 6.*

Canticum. Judicum, 5.

AUDITE, reges; áuribus
percípíte, príncipes: * Ego
sum, ego sum quæ Dómino
canam, psallam Dómino Deo
Israel.

Dómine, cum exíres de
Seir, * et transíres per regi-
ones Edom,

Terra mota est, * cœlíque
ac nubes distillavérunt aquis.

Montes fluxérunt a fácie
Dómini, * et Sínai a fácie
Dómini Dei Israel.

Cessavérunt fortes in Israel,
et quievérunt, * donec súrge-
ret mater in Israel.

Nova bella elégit Dóminus,
* et portas hóstium ipse sub-
vertit.

Salvátæ sunt reliquiæ pó-
puli: * Dóminus in fórtibus
dimicávit.

Benedicta inter mulieres; *
benedicátur in tabernáculo
suo.

Qui autem díligunt te, Dó-
mine, * sicut sol in ortu suo
splendet, ita rútilent.

*Et dicitur per Octavam, quan-
do fit de ea.*

Ant. 5. a. Surge et veni, co-
lumba mea: ostende mihi fá-
ciem tuam. *Cant. 2.*

Ant. 3. a. Quam pulchra es;
et quam decóra, caríssima, in
delíciis! *Cant. 7.*

Capitulum. Baruch, 5.

DEUS ostendet splendórem
suum in te, omni qui sub cœlo
est. Nominábitur enim tibi
nomen tuum a Deo: Pax jus-
titiæ, et honor pietátis.

Hymnus. C.

MORTALE, cœlo tolle, genus,
caput:

En noctis horror désiit; en
jubar

Nascentis auróre propin-
quum

Admonuit properáre So-
lem.

Sacro tumentes gérmine jam
polus

Terras amícis ímbribus ír-
rigat:

De stirpe Jesse virga surgit
Conspicuum parítúra flo-
rem.

Cœlestis illum grátia Spíritus
Inunget: illi Justitia et Fi-
des,

Timorque castus, Veritas-
que

Et Pietas comites præbunt.
Hunc ergo, quem tot secla
fidélibus

Votis anhelant; quem mi-
sero Deus

Promísit orbi, spem salú-
tis,

Accelera, pia Virgo, fruc-
tum.

Sit Trinitáti perpetuum de-
cus,

Inflicta mundo quæ mise-
rans mala,

In matre pignus nascitúri
Non dubium dat habére
Christi. Amen.

Ÿ. Vultum tuum deprecabuntur. R. Omnes dívites plebis. *Ps. 44.*

Ad Benedictus. Ant. 7. G.
Benedicta tu a Deo tuo in
omni tabernáculo Jacob; quóniam in omni gente quæ audierit nomen tuum, magnificabitur super te Deus Israel. *Judith, 13.*

Oratio Brev. Paris.

Deus, qui secundum propó-
situm voluntátis tuæ mundum
tibi reconciliáre voluisti: præ-
sta, quæsumus, ut qui Nati-
vitatem Virginitis Mariæ, de
qua natus est nobis Christus
Salvátor, cum gáudio celebrá-
mus, ipsam quam Fílius ope-
rátus est salútem, Matris in-
tercessióne consequámur; Per
eumdem.

Fit Commem. de Dóm. occur.

AD HORAS, Doxologia:

¶ Qui natus es de Virgine,
Jesu, tibi sit glória,

Cum Patre, cumque Spíritu,
In sempiterna sécula. Amen.

Psalmi de Dominica.

AD PRIMAM.

Ant. 1. g. Quæ est ista.

In R. br. Ÿ. Qui natus es, *
de Mariá Virgine. *Matth. 1.*

AD TERTIAM.

Ant. 4. E. Una est.

Capitulum. Eccli. 24.

QUI creávit me, requiévít in
tabernáculo meo, et dixit mi-
hi: In Jacob inhábíta, et in
Israel hæreditáre, et in electis
meis mitte radíces.

R. br. De ventre matris meæ
* Deus meus es tu; * Allelúia,
allelúia. De ventre. Ÿ. Spes mea
* ab ubéribus; * Allelúia. Gló-
ria. De ventre. *Ps. 21.*

Ÿ. Dómine, spes mea a ju-
ventúte mea: R. In te cantá-
tio mea semper. *Ps. 70.*

AD SEXTAM.

Ant. 6. C. Vidérunt.

Capitulum. Judith, 13.

LAUDATE Dóminum Deum
nostrum, qui non desérunt
sperantes in se, et in me an-
cilla sua adimplévit misericór-
diam suam quam promísit dó-
mui Israel.

R. br. Prope timentes Dó-
minum * salutáre ipsíus; * Al-
lelúia, allelúia. Prope. Ÿ. Ut
inhábitet glória * in terra nos-
tra; * Allelúia. Glória. Prope.
Ÿ. Véritas de terra orta est,

¶. Et justitia de cælo prospexit. *Ps.* 84.

pulum; et habitabo in medio tui. *Zach.* 2.

AD NONAM.

Ant. 3. a. Quam pulchra es.

Capitulum. *Is.* 41.

ELEGI te, et non abjeci te: ne timeas, quia ego tecum sum.

¶. *br.* Pópuli confitebuntur tibi * in æternum; * Allelúia, allelúia. Pópuli. ¶. Mémoires erunt * nóminis tui; * Allelúia. Glória. Pópuli.

¶. Concupiscet rex decorem tuum; ¶. Quóniam ipse est Dóminus Deus tuus, et adorábunt eum. *Ps.* 44.

AD II VESPERAS.

In Ps. Dixit Dóminus, 18.

Ant. 6. F. Lauda et lætare, filia Sion; quia ecce ego venio, et habitabo in medio tui, ait Dóminus. *Zach.* 2.

In Ps. Laudáte púeri, 19.

Ant. 8. G. Rex Israel Dóminus in medio tui; non timebis malum ultra. *Soph.* 3.

In Ps. Lætátus sum, 55.

Ant. 1. J. Dóminus Deus tuus in medio tui; fortis, ipse salvabit. *Soph.* 3.

In Ps. Nisi Dóminus, 73.

Ant. 4. C. Gaudébit super te in lætítia, silébit in diffectione sua, exsultabit super te in laude. *Soph.* 3.

In Ps. Lauda Jerúsalem, 83.

Ant. 4. E. Applicabuntur gentes multæ ad Dóminum in die illa, et erunt mihi in pó-

Capitulum. *Apoc.* 21.

ECCE tabernaculum Dei cum hominibus, et habitabit cum eis: et ipsi pópulus ejus erunt, et ipse Deus cum eis erit eorum Deus.

Hymnus. C.

UNUS bonórum fons, Deus, ómnium,
Quam liberáli fundis opes manu!
Non ante concessis Mariam
Quot properas cumuláre donis!

Inter rigentes, ceu rosa, cláuditur

Spinas, et acres vincit acúleos;

Præsens amáram virulenti
Grátia vim fruticis retundit
Quantum pudícas ínclýta vírgines

Præstat, remóto quæ dóminam gradu

Sequuntur, et Regis parentem

Siderea comitantur aula!

Nec Angelórum par decus: hi Deo

Adstant sedenti; fert hominem Deum

Maria, nomen dulce matris
Virgineo socians honóri.

Regína mundi, Virgo, cliéntium

Tutéla, mœstis perfugium reis,

Fer nostra Nato vota: tristem

Non patitur genitrix repul-
sam.

Sit Trinitati perpetuum decus,
Inflicta mundo quæ mise-
rans mala,

In matre pignus nascituri
Non dubium dat habere
Christi. Amen.

✠. Sanctificavit tabernacu-
lum suum Altissimus: R. Deus
in medio ejus. *Ps.* 45.

Ad Magnificat. Ant. 3. a. Ex
te egrediatur qui sit dominá-
tor in Israel, et egressus ejus
ab initio, a diébus æternitatis;
et erit iste passus, allel. *Mich.* 5.

AD COMPLETORIUM.

Psalmi de Dominica.

Ant. 2. D. Ecce ténebræ opé-
rient terram, et caligo pópu-
los; super te autem oriétur
Dóminus, allelúia. *Is.* 60.

Hymnus Virgo Dei genitrix,
141.

Ad Nunc dimittis. Ant. 1. g.
In splendóre ortus tui, omnes
véniunt, laudem Dómino an-
nuntiantes, allelúia. *Is.* 60.

DIEBUS

INTRA OCTAVAM

NATIVITATIS B. M. V.

Simplex.

*Omnia ut in die, exceptis quæ
sequuntur:*

Psalmi de Feria in toto Officio.

AD NOCTURNUM.

*Tres Ant. et ✠. sumuntur ex
uno e Nocturnis Festi ut notatur*

*juxta diem. Lectiones ut in qua-
libet die.*

AD LAUDES.

Canticum de Festo.

*Antiphona sola, quarta de
Laudibus Festi; Surge et veni.*

*AD HORAS, R. R. R. brevia di-
cuntur absque Alleluia.*

AD VESPERAS

*Antiphona sola, prima de Ves-
peris Festi; Lauda et lætare.*

DOM. INTRA OCTAVAM.

*Totum Officium fit de Domi-
nica, ut in Psalterio, incipiendo
a I Vesperis quæ sunt de Sabbato
ante Dominicam occurr. cum Do-
xologia: ¶ Qui natus es, ad om-
nes Horas.*

DIE IX.

DE OCTAVA.

*Ad Noct. tres Ant. et ✠. e
I Nocturno Festi.*

Lectio I. Cap. 1.

Incipit Liber Esther.

IN diébus Assuéri, qui regná-
vit ab India usque Æthiópiam,
super centum viginti septem
províncias; quando sedit in
sólio regni sui, Susan civitas
regni ejus exórdium fuit. Tér-
tio igitur anno impérii sui,
fecit grande convívium cunc-
tis principibus et púeris suis,
ut osténderet divítias glóriæ

regni sui, multo tempore, centum videlicet et octoginta diebus. Cumque implerentur dies convivii, invitavit omnem populum et jussit septem diebus convivium preparari in vestibulo horti et nemoris quod regio cultu et manu consitum erat. Itaque die septimo, cum rex esset hilarior, praecepit septem eunuchis qui in conspectu ejus ministrabant, ut introducerent reginam Vasthi coram rege, posito super caput ejus diademate, ut ostenderet cunctis populis et principibus pulchritudinem illius. Quae renuit, et ad regis imperium venire contempsit. Unde iratus rex, interrogavit sapientes, qui more regio semper ei aderant, cui sententiae Vasthi regina subjaceret. Responditque Mamuchan: Regis justa est indignatio. Si tibi placet, egrediatur edictum a facie tua, ut nequaquam ultra Vasthi ingrediatur ad regem, sed regnum illius, altera, quae melior est illa, accipiat. Placuit consilium ejus regi, et principibus: fecitque rex juxta consilium Mamuchan.

R. Sapiëntia et fortitúdo Dómini sunt; et * Ipse mutat témpora et ætates: transfert regna atque constituit. V. Dispersionis superbos mente cordis sui; deposuit potentes de sede, et exaltavit humiles. * Ipse.

Dan. 2. Luc. 1.

Lectio II. Cap. 2.

Dixeruntque pueri regis:

Querantur regi puellae virgines ac speciosae, et quaecumque inter omnes oculis regis placuerit, ipsa regnet pro Vasthi. Placuit sermo regi: et ita ut suggesserant, jussit fieri. Erat vir Judaeus in Susa civitate, vocabulo Mardocheus, qui translatus fuerat de Jerusalem eo tempore, quo Jechoniam regem Juda Nabuchodonosor rex Babylonis transtulerat, qui fuit nutritius filiae fratris sui Edissae, quae altero nomine vocabatur Esther et utrumque parentem amiserat: pulchra nimis, et decora facie. Evolutio autem tempore per ordinem, instabat dies, quo Esther deberet intrare ad regem. Quae non quaesivit muliebrem cultum, sed quaecumque voluit Egeus eunuchus custos virginum, haec ei ad ornatum dedit. Erat enim formosa valde, et incredibili pulchritudine. Omnium oculis gratiosa et amabilis videbatur. Ducta est itaque ad cubiculum regis Assueri. Et adamavit eam rex plus quam omnes mulieres, et posuit diadema regni in capite ejus, fecitque eam regnare in loco Vasthi.

R. Dominus pauperem facit et ditat, humiliat et sublevat. Suscitavit de pulvere egenum, et de stercore elevavit pauperem; * Ut sedeat cum principibus, et solium gloriae teneat. V. Respexit humilitatem ancillae suae. * Ut. I. Reg. 2. Luc. 1.

Lectio III.

Ex Oratióne secunda sancti Joannis Damascéni, in Nativitate Beátæ Mariæ Virginis. *n. 1 et 2.*

GRATIA^{rum} acti^{onis} cántica depromámus : cum Davíde exsultémus Dómino, jubilémus Deo salvatóri nostro, ómnium conditóri, templum quo excipiátur exstructum est : quia verbo rerum opífici haspítii domus est paráta. David Deíparens, gaude ánimo : Isaíá, Prophetárum primas, exhilaráre ; alter quidem, quod tuis ex lumbis, uti jurátum erat, Regína procedat : alter véro, quod finem hábeat vaticínium illud tuum : Egrediétur virga de radíce Jesse, et flos de radíce ascendet.

R. Vidéte et * Admirámini, quia opus óperor ego, quod non credétis, si quis enarráverit. ✠. Cogitávi ut ædificárem domum in qua requiesceret arca fœderis Dómini. * Admirámini. Glória. * Admirámini. *Act. 13. I. Par. 28.*

DIE X.

DE OCTAVA.

Ad Noct. tres Ant. et ✠. e II Nocturno Festi.

Lectio I. Cap. 3 et 4.

Ex Libro Esther.

Post hæc rex Assuérus exaltávit Aman fílium Amádathi,

qui erat de stirpe Agag : et pósuit sólum ejus super omnes príncipes, quos habébat. Cunctíque servi regis, qui in sóribus palátii versabantur, flectébant génua, et adorábant Aman : sic enim præcéperat eis imperátor. Solus Mardochæus non flectébat genu, neque adorábat eum. Quod cum audisset Aman, et experimento probasset quod Mardochæus non flécteret sibi genu, nec se adoráret, irátus est valde, et pro níhilo duxit in unum Mardochæum mittere manus suas : audierat enim quod esset gentis Judææ ; magisque vóluit omnem Judæórum, qui erant in regno Assuéri, pèrdere natiónem. Dixitque Aman regi Assuéro : Est pópulus per omnes províncias regni tui dispersus, novis utens légibus et cæremóniis, ínsuper et regis scita contemnens. Si tibi placet, decerne ut péreat, et decem míllia talentórum appendam arcáris gazæ tuæ. Tulit ergo rex ánnulum, quo utebátur, de manu sua, et dedit eum Aman ; dixitque ad eum : Argentum, quod tu pollicéris, tuum sit. De pópulo age quod tibi placet. Quæ cum audisset Mardochæus, scidit vestimenta sua, et indútus est sacco, spargens cínerem cápiti : et in plátea médiæ civitátis voce magna clamábat, ostendens amaritúdinem ánimí sui. In ómnibus quoque provínciis, planctus ingens erat apud Judæos.

R. Vidi impium superexaltatum et elevatum sicut cedros Libani; et * Transivi, et ecce non erat, et quæsi eum, et non est inventus locus ejus. ✕. Spes impii tanquam fumus qui a vento diffusus est. * Transivi. Ps. 36. Sap. 5.

Lectio II. Cap. 13 et 14.

MARDOCHÆUS autem deprecatus est Dñm, memor omnium operum ejus, et dixit: Dñe, Dñe, rex omnipotens, in ditione enim tua cuncta sunt posita, et non est qui possit tuæ resistere voluntati, si decreveris salvare Israel. Tu fecisti cælum et terram, et quidquid cœli ambitu continetur. Dñs omnium es, nec est qui resistat majestati tuæ; et nunc, Dñe Rex, Deus Abraham, miserere populi tui, quia volunt nos inimici nostri perdere, et hereditatem tuam delere. Esther quoque Regina confugit ad Dñm, pavens periculum, quod imminēbat. Cumque deposuisset vestes regias, flētibus et luctui apta indumenta suscepit, et corpus suum humiliavit jejuniis: et deprecabatur Dñm Deum Israel, dicens: Dñe mi, qui Rex noster es solus, adjuva me solitariam, et cujus præter te nullus est auxiliator alius: da mihi fiduciam, Dñe Rex deorum et universæ potestatis: tribue sermonem compositum in ore meo in conspectu leonis, et transfer cor illius in

odium hostis nostri. Nos autem libera manu tua, et adjuva me, nullum aliud auxilium habentem, nisi te, Dñe, qui habes omnium scientiam. Tu scis necessitatem meam, quod abominer signum superbiæ et gloriæ meæ, quod est super caput meum in diebus ostentationis meæ, et quod nunquam lætata sit ancilla tua, ex quo huc translata sum usque in præsentem diem, nisi in te, Dñe Deus Abraham.

R. Dñe Rex, Deus Abraham miserere populi tui: * Exaudi deprecationem meam, et propitius esto sorti et funiculo tuo. ✕. Ne despicias partem tuam, quam redemisti tibi de Ægypto. * Exaudi. Esther, 13.

Lectio III.

Ex sancto Bernardo Abbate de Virgine Deipara. *Serm. 2. n. 7.*

TOTIS medullis cordium, totis præcordiorum affectibus, et votis omnibus Mariam veneremur: quia sic est voluntas ejus, qui totum nos habere voluit per Mariam. Ad Patrem verebāris accēdere: Jesum tibi dedit mediātorem. Hunc tibi fratrem Mariā dedit. Sed forsitan et in ipso majestatem vereare divīnam: quod licet factus sit homo, māserit tamen Deus. Advocatū habere vis, et ad ipsum? Ad Mariam recurre. Pura siquidem humanitas in Mariā: non mo-

do pura ab omni contaminatíone; sed et pura singularitaté natúræ. Nec dúbius díxerim : exaudiétur et ipsa pro reveréntia sua. Exáudiet útiquæ Matrem Fílius; et exáudiet Fílium Pater. Fílioli, hæc peccatórum scala; hæc mea máxima fidúcia est : hæc tota rátio spei meæ.

R). Peccávimus Dómino; ne cesses pro nobis clamáre ad Dóminum Deum nostrum, * Ut salvet nos. ✕. Invoca Dóminum, et lóquere Regi pro nobis, * Ut. Glória. * Ut. *I. Reg. 7. Esther, 15.*

DIE XI. DE OCTAVA.

*Ad Noct. tres Ant. et ✕. e
III Nocturno Festi.*

Lectio I. Cap. 15.

Ex Libro Esther.

DIE autem tértio, depósuit Esther vestimenta ornátussui, et circúmdata est glória sua. Cumque invocasset ómnium rectórem etsalvatórem Deum, adsumpsit duas fámulas, et super unam quidem innitebátur, áltera autem sequebátur dóminam. Ipsa autem róseo colóre vultum perfúsa, et gratis ac niténtibus óculis, tristem celábat ánimum, et nímio dolóre contractum. Ingressa ígitur cuncta per órdinem óstia, stetit contra regem, ubi ille residébat super sólum

regni sui; cumque elevasset faciém, et ardéntibus óculis furórem péctoris indicasset, regína córruit, et in pallórem colóre mutáto, lassum super ancíllulam reclinávit caput. Convertitque Deus spíritum regis in mansuetúdinem, et festínus ac métuens exsilívit de sólio, et sustentans eam ulnis suis donec redíret ad se, his verbis blandiebátur: Quid habes, Esther? Ego sum frater tuus; noli metuere: accéde ígitur, et tange sceptrum.

R). Dómine Rex, tríbue sermónem compósitum in ore meo in conspectu leónis, et * Transfer cor illíus in ódium hostis nostri. ✕. Cor regis in manu Dómini: quocumque volúerit, inclinábit illud. * Transfer. *Esther, 14. Prov. 21.*

Lectio II. Cap. 5.

DIXITQUE ad eam rex: Quid vis, Esther regína? etiamsi dimídiam partem regni mei petieris, impetrábis. Cui respondit Esther: Si invéni in conspectu regis grátiam, véniat rex et Aman ad convívium quod parávi eis, et cras apériam regi voluntátem meam. Egressus est itaque illo die Aman lætus et álacer. Cumque vidisset Mardocheum sedentem ante fores palátii, et non solum non adsurxisse sibi, sed nec motum quidem de loco sessiónis suæ, indignátus est valde, et dissimuláta ira, reversus in domum suam, convocávit ad se

amícos suos : et expósuit illis magnitudinem divitiarum suarum, et quanta eum glória super omnes principes rex elevasset. Et post hæc ait : Et cum hæc ómnia hábeam, nihil me habére puto, quám diu videro Mardochæum Judæum sedentem ante fores régias.

R. Deus fortis super omnes, exaudi vocem eorum qui nullam áliam spem habent, et libera eos de manu iniquorum, * Et érue me a timóre meo. V. Adjuva me, nullum áliud auxilium habentem, nisi te, Dómine, * Et. *Esther*, 14.

Lectio III.

Ex venerábili Fulberto Carnotensi Episcopo. *Serm. in Nativ. B. M. V.*

INTER omnes Sanctos, memoria beatíssimæ Vírginis eo frequentius ágitur, atque festívius, quo majórem grátiam apud Dóminum créditur invenisse. Nata est ígitur beatíssima Virgo patre Nazaréno, matre Bethleemíta ; quas urbes Christi Nativitáti, vel conversatióni destinátas esse, Prophétæ non tacúerant. Descendit autem ab radíce illíus fide præclári Abrahæ, cui superne promissa fúerat benedictio ómnium géntium in sémine suo ; et ab stirpe David, quem Deus, propter notam sibi probitátem, egrégia laude sublimávit, dicens : Inveni virum secundum cor meum. De regáli nempe tribu, simul

et sacerdotáli duxit originem : quæ summum Regem, atque Pontíficem erat paritúra.

R. Benedicam tibi, complens juramentum quod spondi Abraham patri tuo ; * Et benedicentur in sémine tuo omnes gentes terræ. V. Benedictus fructus ventris tui, * Et benedicentur. Glória. * Et benedicentur. *Gen.* 26. *Luc.* 1.

DIE XII. DE OCTAVA.

*Ad Noct. tres Ant. et V. e
I Nocturno Festi.*

Lectio I. Cap. 6.

Ex Libro Esther.

NOCTEM illam duxit rex insomnem, jussitque sibi afferri histórias et annáles priórum témporum. Quæ cum illo præsentem legerentur, ventum est ad illum locum ubi scriptum erat, quómodo nuntiasset Mardochæus insídias eunuchórum, regem Assuérum juguláre cupiéntium. Quod cum audisset rex, ait : Quid pro hac fide honóris ac præmii Mardochæus consecútus est ? Dixérunt ei servi illíus ac ministri : Nihil omníno mercédís accépit. Statimque rex, Quis est, inquit, in átrio ? Aman quippe ínterim átrium domus régis intráverat, ut suggéreret regi, et jubéret Mardochæum affígi patíbulo,

quod fúerat præparátum. Respondérunt púeri : Aman stat in átrio. Dixitque rex : Ingre-diátur. Cumque esset ingres-sus, ait illi : Quid debet fié-ri viro quem rex honoráre desí-derat? Cógitans autem in cor-de suo Aman, et réputans quod nullum álium rex nisi se, vellet honoráre, respon-dit : Homo quem rex honorá-re cupit, debet índui véstibus régiis, et impóni super equum, qui de sella regis est, et accí-pere régium diadéma super caput suum, et primus de ré-giis princípibus ac tyrannis téneat equum ejus, et per plá-team civitátis incédens clamet, et dicat : Sic honorábitur, quemcumque volúerit rex ho-noráre.

℞. Observábit peccátor jus-tum, et stridébit super eum déntibus suis : * Dóminus au-tem irridébit eum, quóniam próspicit quod véniet dies ejus. ✕. Multæ sunt insídiæ dolósi; bona enim in mala convertens insidiátur, et in electis impónet máculam. * Dóminus. *Ps. 36. Eccli. 11.*

Lectio II.

DIXITQUE ei rex : Festína, et sumpta stola et equo, fac, ut locútus es, Mardocheo Judæo qui sedet ante fores palátii. Cave ne quidquam de his, quæ locútus es, prætermittas. Tulit itaque Aman stolam et equum, indutumque Mardo-chæum in plátea civitátis, et impósitum equo, præcedébat,

atque clamábat : Hoc honóre condignus est, quemcumque rex volúerit honoráre. Rever-susque est Mardocheus ad já-nuam palátii : et Aman festi-návit ire in domum suam, lu-gens et operto cápite. Narra-vitque Zares uxóri suæ, et amicis, ómnia quæ evenissent sibi. Cui respondérunt sa-pientes, quos habébat in con-sílio, et uxor ejus : Si de sé-mine Judæórum est Mardo-chæus, ante quem cádere cœ-pisti, non póteris ei resístere, sed cades in conspectu ejus.

℞. Fecit Dóminus potén-tiam in bráchio suo ; dispersit superbos mente cordis sui. * Depósuit potentes de sede, et exaltávit húmiles. ✕. Dóminus humiliat et súblevat. * Depó-suit. *Luc. 1. 1. Reg. 2.*

Lectio III.

Ex Oratióne prima sancti Joannis Damascéni, in Nati-vitáte Beátæ Mariæ Virginis.

HODIE mundi salus inchoá-tur : Jubiláte Deo omnis ter-ra, cantáte, et exsultáte, et psállite, quóniam nobis nata est Dei Mater in sancta probática; ex qua Dei Agnus, qui mundi peccáta tollit, in lucem edi vóluit. Exsultáte, montes, hoc est, ratióne præditæ na-túræ, quæque ad spirituális contemplatiónis fastígium ad-súrgitis; síquidem claríssimus Dei mons páritur, qui collem omnem ac montem, id est, Angelórum et hóminum sub-

limitatem exsuperat; ex quo citra ullam manuum operam, corporeo modo excindi voluit lapis angularis, Christus; una persona distinctas naturas copulans, divinitatem mirum et humanitatem; mons Dei, mons pinguis, mons in quo beneplacitum est Deo habitare in eo.

℞. Abscissus est lapis de monte sine manibus; et * Implévit universam terram. ✕. Salvatio de monte Sion. * Implévit. Glória. * Implévit. *Dan.* 1. *Is.* 37.

DIE XIII.

DE OCTAVA.

Ad Noct. tres Ant. et ✕. e II Nocturno Festi.

Lectio I. Cap. 7.

Ex Libro Esther.

ISTRAXIT itaque rex et Aman, ut biberent cum regina. Dixitque ei rex etiam secunda die, postquam vino incaluerat: Quæ est petitio tua, Esther, ut detur tibi? et quid vis fieri? Etiam si dimidiam partem regni mei petieris, impetrabis. Ad quem illa respondit: Si inveniri gratiam in oculis tuis, o rex, et si tibi placet, dona mihi animam meam, pro qua rogo, et populum meum, pro quo obsecro. Traditi enim sumus ego et populus meus, ut conteramur, jugulemur, et pereamus. Atque utinam in servos et famulas venderemur:

esset tolerabile malum, et gemens tacere: nunc autem hostis noster est, cujus crudelitas redundat in regem.

℞. Domine, Domine Rex omnipotens, in ditione tua cuncta sunt posita, * Et non est qui possit tuæ resistere voluntati, si decreveris salvare Israel. ✕. Sicut divisiones aquarum, ita cor Regis in manu Domini: quocumque voluerit, inclinabit illud; * Et non. *Esther*, 13. *Prov.* 21.

Lectio II.

RESPONDENSQUE rex Assuerus, ait: Quis est iste, et cujus potentiae, ut hæc audeat facere. Dixitque Esther: Hostis et inimicus noster pessimus iste est Aman. Quod ille audiens, illico obstupuit, vultum regis ac reginae ferre non sustinens. Rex autem iratus surrexit, et de loco convivii intravit in hortum arboribus consitum. Aman quoque surrexit ut rogaret Esther reginam pro anima sua; intellexit enim a rege sibi paratum malum. Et operuerunt faciem ejus. Dixitque Harbona, unus de eunuchis, qui stabat in ministerio regis: En lignum quod paraverat Mardochæo, qui locutus est pro rege, stat in domo Aman, habens altitudinis quinquaginta cubitos. Cui dixit rex: Appendite eum in eo. Suspensus est itaque Aman in patibulo quod paraverat Mardochæo, et regis ira quievit.

Rⁱ. Vidi impij superexaltatum, et elevatum sicut cedros Libani; et * Transivi, et ecce non erat, et quæsi eum, et non est inventus locus ejus. ✠. Spes impij tanquam fumus, qui a vento diffusus est. * Transivi. *Ps. 36. Sap. 5.*

Lectio III.

Ex sancto Bernardo Abbate de Virgine Deipara. *Serm. 1. n. 2 et 3.*

OMNIBUS omnia facta est Maria: Sapiéntibus, et insipientibus, copiosissima caritate debitrícem se fecit. Omnibus misericórdiæ sinum áperit, ut de plenitúdine ejus accípiant universi; captívus redemptionem, æger curatió-nem, tristis consolatió-nem, peccátor véniam, justus grátiam, Angelus lætitiám; déni-que tota Trínitas glóriam, Filii persóna carnís humanæ substántiam. Ut non sit qui se abscondat a calóre ejus. Putasne ipsa est sole amicta múl-ier? Esto síquidem, ut de præ-senti Ecclesiá id intelligendum, prophéticæ visi-ónis séries ipsa demonstret; sed id plane non inconveni-entier Mariæ ví-détur adtribuendum: ním-rum ea est, quæ velut álterum solem ín-duit sibi. Quemádm-odum enim ille super bonos et malos indifferenter ór-itur; sic ipsa quoque præ-tér-ita non dí-scutit mé-rita: Sed ómnibus sese exorábilem, ómnibus cle-mentíssimam præbet; ómini-um déni-que necessitátes amplissi-

mo quodam miserátur affectu.

Rⁱ. Gaudéte cum ea gáudio universi, * Ut repléamini ab úbere consolati-ónis ejus, et delíciis affluátis. ✠. Exsultáte in ea, omnes qui díligitis eam: * Ut. Glória. * Ut. *Is. 66.*

Vesperæ de sequenti.

DIE XIV.

EXALTATIONIS

SANCTÆ CRUCIS.

Duplex-majus.

IN I VESPERIS.

Ant. 8. G. Radix Jesse, qui stat in signum populórum, ipsum gentes deprecabuntur; et erit sepulcrum ejus gloriósum. *Is. 11.*

Ant. 3. a. Ascendet sicut virgultum coram eo, et sicut radix de terra siti-enti: non est spécies ei, neque decor. *Is. 53.*

Ant. 4. E. Sicut ovis ad occisi-ónem ducétur; et quasi agnus coram tondente se, non apé-riet os suum. *Is. 53.*

Ant. 1. D. Si posúerit pro peccáto ánimam suam, ví-dé-bit semen longævum; et volúntas Dómini in manu ejus dirigétur. *Is. 53.*

Ant. 7. d. Justificábit ipse justus multos, et iniquitátes eórum ipse portábit. *Is. 53.*

Capitulum. Num. 21.

LOCUTUS est Dóminus ad Móysen: Fac serpentem æneum, et pone eum pro signo;

qui percussus adspexerit eum,
vivet.

Hymnus. S. V.

CRUX alma, salve, Crux venerabilis,
Torrente Christi sanguinis ébria;
Testis dolorum, tu suprema
Verba Dei morientis audis.
Tu celsa sedes, unde suos docet;
Vitalis, in quo nos peperit,
thorus;
Curus triumphantis, tribal
Júdicis, atque litantis ara.
Non rapta cæsis hostibus impia
Hic arma fulgent; nec domiti duces
Graves catenis hic trahuntur:
Nobilior Crucis est triumphus.
Orbis redempti quælia pignora!
Crux tincta Christi sanguine adhuc madet:
Sperate, mortales: salutem
Plena necis monumenta præstant.
Crux certa cæli sémita, quæ
Patris
Thronum petenti pandis
iter Deo:
Nunc áltera nobis nefas est
Ire via male delicatos.
Laus summa Patri qui creat omnia;
Natoque mundum qui re-
parat Cruce:
Qui cuncta replet, summa
sancto

Spiritui: tribus una semper. Amen.

✠. Accipere animam meam consiliati sunt: R. Ego autem in te speravi, Domine. Ps. 30.

Ad Magnificat. Ant. 1. J.
Ego quasi Agnus qui portatur ad victimam; cogitaverunt super me consilia, dicentes: Eradamus eum de terra viventium, et nomen ejus non memorétur amplius. Jer. 11.

AD COMPLETORIUM.

Antiphona, ut in Psalterio.

Hymn. Grates. cum Doxologia sequenti, quæ dicitur cras ad Horas.

¶ Qui per Crucem nos liberas,
Fili, tibi laus máxima
Cum Patre: nec tibi minor
Laus, utriusque Spiritus.
Amen.

Ad Nunc dimittis. Ant. In pace, ut in Ordinario.

AD OFFICIUM NOCT.

Invit. Jesum qui crucifixus est, Venite, adorémus. Matth. 28.*

Hymnus. Guieti.

LIGNUM Crucis mirabile
Totum per orbem próminet,
In qua pependit innocens
Christus, Redemptor omnium.

Hanc nulla cedrus arborem
Adæquat alto vértice,
Quæ poma nescit nóxia,
Sed ferre vitæ præmia.

Tú, Christe, Rex piissime,
Hujus Crucis signáculo,
Diébus, horis ómnibus,
Muníre nos non ábnuas;

Ut lingua cordi cónsona,
Comesque cordis púritas,
Laudis tibi perénniter
Munus rependat débitum.

Qui per Crucem nos libe-
ras,

Fili, tibi laus máxima
Cum Patre: nec tibi minor
Laus, utriusque Spíritus.
Amen.

IN I NOCTURNO.

*Ant. 1. a. Benedictum est
lignum, per quod fit justítia.
Sap. 14.*

*Ant. 3. a. Ab inítio cum pe-
rírent superbi gigantes, spes
orbis terrárum ad ratem con-
fúgiens, remisit século semen
nativitátis. Sap. 14.*

*Ant. 8. G. Cum aqua delé-
ret terram, sanávit íterum Sa-
piéntia, per contemptibile
lignum justum gubernans.
Sap. 10.*

✠. Laudábunt ligna saltus
eoram Dómino; R. Quia ve-
nit judicáre terram. *I. Par. 16.*

Lectio I. Cap. 15.

Ex Libro Exodi.

TULIT Móyses Israel de mari
Rubro, et egressi sunt in de-
sertum Sur, ambulaveruntque
tribus diébus per solitúdi-
nem, et non inveniébant
aquam. Et venérunt in Mara;
nec póterant bíbere aquas de

Mara, eo quod essent amáre.
Unde et cóngruum loco no-
men impósuit, vocans illum
Mara, id est, amaritúdinem.
Et murmurávit pópulus con-
tra Móysen dicens: Quid bi-
bémus? At ille clamávit ad
Dóminum qui ostendit ei lig-
num, quod cum misisset in
aquas, in dulcédinem versæ
sunt.

R. Quóniam potens es, Dó-
mine, ex ómnibus salváre;
transeuntes mare hómines,*
Exíguo ligno liberáti sunt. ✠.
Quem vos interemistis, sus-
pendentes in ligno, hunc
príncipem Deus exaltávit, ad
dandam pœniténtiam Israël.
* Exíguo. *Sap. 14. Act. 5.*

Lectio II. Cap. 17.

VENIT Amalec, et pugnabat
contra Israel in Ráphidim.
Dixitque Móyses ad Jósue:
Elige viros: et egressus, pugna
contra Amalec: Móyses autem
et Aaron et Hur ascendérunt
super vérticem collis: cum-
que leváret Móyses manus,
vincébat Israel: sin autem
páululum remisisset, superá-
bat Amalec. Manus autem
Móysi erant graves: sumentes
ígitur lápidem, posuérunt
subter eum, in quo sedit.
Aaron autem et Hur sustentá-
bant manus ejus ex utrâque
parte. Et factum est ut manus
illius non lassarentur usque
ad occásu solis. Fugavitque
Jósue Amalec et pópulum
ejus in ore gládii. Dixit autem

Dóminus ad Móysen : Scribe hoc ob monumentum in libro, et trade áuribus Jósue : delébo enim memóriam Amalec sub cœlo.

¶ In diébus carnis suæ * Precessupplicationesque cum lácrymis offerens Christus, exauditus est; et factus est obtemperántibus sibi causa salutis æternæ. ¶ Cum leváret Móyses manus, vincébat Israel. * Preces. *Hebr. 5. Exod. 17.*

Lectio III. Cap. 21.

Ex Libro Númeri.

LOCUTUS pópulus contra Deum et Móysen, ait : Cur eduxisti nos de Ægypto, ut morerémur in solitúdine? Deest panis, non sunt aquæ : ánima nostra jam náuseat super cibo isto levíssimo. Quámobrem misit Dóminus igní-
tos serpentes in pópulum, ad quorúm plagas et mortes plurimórum, venérunt ad Móysen, atque dixerunt : Peccávimus, quia locúti sumus contra Dóminum et te : ora ut tollat a nobis serpentes. Oravitque Móyses pro pópulo, et locútus est Dóminus ad eum : Fac serpentem æneum, et pone eam pro signo : qui percussus adspéxerit eum, vivet.
¶ Sicut Móyses exaltávit serpentem in deserto, * Ita exaltári oportet Fílium hóminis; † Ut omnis qui credit in ipsum, non péreat, sed hábeat vitam æternam. ¶ Fecit Móyses serpentem æneum, et

pósuit eum pro signo; quem cum percussi adspícere, sanabantur; * Ita. Glória. † Ut. *Joan. 3. Num. 21.*

IN II NOCTURNO.

Ant. 8. c. Mórsum colubórum exterminabantur; sed ad correptionem in brevi turbáti sunt, signum habentes salutis. *Sap. 16.*

Ant. 6. C. Qui conversus est, non per hoc quod vidébat sanabatur, sed per te ómnium Salvátorem. *Sap. 16.*

Ant. 5. C. Misericórdia adveniēns sanábat illos; in memoria enim sermónum tuórum examinabantur. *Sap. 16.*

¶ In te speravérunt patres nostri, Dómine; ¶ Speravérunt, et liberasti eos. *Ps. 21.*

Lectio IV.

Ex Euseb. Lib. 1. de vita Constantini. Cap. 2 et seq.

PRIMA festi Exaltatæ Crucis institutio ab illa victória repetenda est, quam religio christiána, per Imperátorem Constantinum, adjuvante Crucis signo, de paganórum cultu reportávit. Cum enim ille princeps de sancta fide amplexanda sério cogitáret, et adversus Maxéntium dimicáturus, Dei opem imploráre cœpisset, horis diéi meridiánis, sole in occásu vergente, Crucis trophæum in cœlo ex luce conflátum, soli superpósitum ipse et totus exercitus vidit, cum hujús-

modi inscriptione: HOC VINCE. Constantinus in somnis mōnitus ut, militāri signo, ad similitudinem ejus quod in cœlo viderat, fabricāto, eo tanquam salutāri præsīdio, in præliis uteretur: jussioni obsecutus est; Maxentiōque superāto, Romam triumphans ingressus est. Unde, falsōrum cultu nūminum abjurāto, religionem christiānam palam amplexus est: et eidem omnimodam libertatem, auxiliū et honorem adservit.

R). Ecce levābo ad gentes manum meam, et ad pōpulos exaltābo signum meum: * Et sciet omnis caro, quia ego Dōminus salvans te, et Redemptor tuus fortis Jacob. ✕. Cum exaltaveritis Fīlium hominis, tunc cognoscētis quia ego sum; * Et. Is. 49. Joan. 8.

Lectio V.

Brev. Paris. et Aurel.

CHOSROES, rex Persarum, extrémis Phocæ Imperatoris temporibus, Jerosolyma capta, multisque ibi cæsis Christianorum millibus, Christi Dōmini Crucem, quam Hēlena in monte Calvāriæ collocarat, in Pērsidem abstulit. Itaque Herāclius, qui Phocæ succēsserat, multis belli incōmmodis et calamitatibus affectus, pacem petēbat; quam cum vidēret a Chōsroe se impetrāre non posse, nisi, Christo abjurāto, solem cum sūbditis adorāret; tum uni fidens Deo, jejūniis et orationibus, ab illo

vehementer opem implorābat: cujus mōnitu, comparāto exercitu, signisque cum hoste collātis, eo victoriārum devēnit, ut, Chōsroe miserabiliter interempto, sanctissimam Crucem recuperāverit; quam, anno sequenti rēdiens Jerosolymam, Herāclius solemnī celebritate suis hūmeris eo retulit, quo eam Salvātor tulerat. Et exinde Crucis Exaltatæ solēmnitas illūstrior multo facta est.

R). Ante Dōminum vīlior fiam plusquam factus sum, et ero hūmilis in oculis meis, * Et gloriōsior apparebo. ✕. Mihi absit gloriāri, nisi in Cruce Dōmini nostri Jesu Christi; * Et. II. Reg. 6. Gal. 6.

Lectio VI.

HAC eādē die sanctus Ludovicus, Francōrum rex, anno millésimo ducentésimo quadragésimo primo, partem Domīnicæ Crucis, quæ in Syria título pignoris apud Templarios milites remanserat, a Balduīno Orientis Imperatore acceptam cum alia non modica portione, ex qua Imperatores Ecclēsiis et amicis particulas dare consueverant, item alia multa Domīnicæ Passiōnis instrumenta, Parisios, præcedente Clero, solēmniter transtulit. Tunc rex piissimus magnum exhibuit christiānæ pietatis argumentum, cum, abjectis vēstibus regiis, et pedes nudātus, in urbem intulit instrumentum quo

mundi prætium persolútum est. Demum, constructa in régio palátio magnífica Capella, sacrosancta redemptionis nostræ insígnia religiöse in ea adservári voluit.

R. Humiliávit semetipsum (Christus Jesus): propter quod et Deus exaltávit illum, et donávit illi nomen quod est super omne nomen; ut * In nómine Jesu omne genu flectátur coeléstium, terréstrium, et infernórum. V. Dicit Dóminus: In memetipso jurávi, quia mihi curvábatur omne genu, et jurábit omnis lingua. * In nómine. Glória. * In nómine. *Philip. 2. Is. 45.*

IN III NOCTURNO.

Ant. 2. D. Signa THAU super frontes virórum geméntium super cunctis abominatiónibus Jerúsalem. Ezech. 9.

Ant. 7. b. Transíte per civitatem et percútite: omnem autem super quem vidéritis THAU, ne occidátis. Ezech. 9.

Ant. 4. a. Nolíte nocére terræ et mari, quoadusque signemus servos Dei nostri in frónibus eórum. Apoc. 7.

V. Dómine, fac mecum signum in bonum: R. Ut vídeant qui odérunt me, et confundantur. *Ps. 85.*

Lectio VII.

Ex sancto Leóne Papa de Passióne Dómini. *Serm. 8. n. 7.*

O admirábilis poténtia Crucis! o ineffábilis glória passió-

nis! in qua et tribúnal Dómini, et judícium mundi, et potestas est Crucifixi. Traxisti enim, Dómine, ómnia ad te; et cum expandisses tota die manus tuas ad pópulum non credentem et contradicentem tibi, confitendæ majestátis tuæ sensum totus mundus accépit. Traxisti, Dómine, ómnia ad te: cum, in exsecratiónem Judáici scéleris, unam protulérunt ómnia elementa senténtiam; cum, obscurátis lumináribus cœli, et converso in noctem die, terra quoque mótibz quaterétur insólitis, unívérsaque creatúra impiórum úsui se negáret. Traxisti, Dómine, ómnia ad te; quóniam, scisso templi velo, sancta sanctórum ab indignis pontificibus recessérunt; ut figura in veritatem, prophétia in manifestatiónem, et lex in Evangélium verterétur.

R. Sanábo contritiónes eórum, diligam eos spontáneæ, quia aversus est furor meus ab eis: * In funículis Adam traham eos, in vínculis caritátis. V. Ego, si exaltátus fúero a terra, ómnia traham ad meipsum: * In. *Osee, 14 et 11. Joan. 12.*

Lectio VIII.

TRAXISTI, Dómine, ómnia ad te; ut, quod in uno Judææ templo obumbrátis significatiónibus tegebátur, pleno apertóque sacramento, unívérсарum ubique natiónum devótio celebráret. Nunc etenim et ordo clárior Levítarum,

et dignitas amplior Seniórum, et sacrátior est únctio Sacerdótum; quia Crux tua ómnium fons benedictiónum, ómnium est causa gratiárum; per quam credéntibus datur virtus de infirmitáte, glória de oppróbrio, vita de morte. Nunc étiam carnálium sacrificiórum varietáte cessante, omnes differentías hostiárum una córporis et sánguinis tui implet oblátio; quóniam tu es verus Agnus Dei, qui tollis peccáta mundi.

R). Hóstiæ quæ secundum legem offeruntur, nunquam possunt auferre peccáta: * Christus autem unam pro peccátis ófferens hóstiam, una oblatióne consummávit in sempiternum sanctificátos. ✠. Sacrificium et oblatiónem noluisti, Deus; holocaustum et pro peccáto non postulasti: * Christus. *Hebr. 10. Ps. 39.*

Lectio IX. Cap. 12.

Léctio sancti Evangélíi secundum Joannem.

Christus in Cruce exaltatus.

In illo témpore; Dixit Jesus turbis Judæórum: Nunc iudícium est mundi, nunc princeps huius mundi ejiciétur foras; et ego, si exaltátus fuero a terra, ómnia traham ad meipsum. Et réliqua.

Homília sancti Andréæ Cretensis Episcopi. *Orat. 1 in Exaltat. sanctæ Crucis.*

QUI Crucem pössidet, pössi-

det thesaurum. De auri me fórsitan putátis loqui thesauro, aut margaritárum, ac lápidum pretiosiórum Indicórum quibus córporis sui studiósí et nihil excelsi cogitantes, sese oblectant. Ego vero, id quod ómnium bonórum pulchérissimum est, re ac nómine thesaurum jure appelláverim: in quo et per quem et in quem salutis nostræ summa repósita est, et pristino státui restitúta est. Si Crux non esset, vita ligno clavis suffixa non esset. Si ea clavis suffixa non esset, ex látere Christi fontes immortalitátis ságuinem et aquam, quæ mundum éxpíant, non fudissent. Si Crux non esset, mors prostráta non esset, infernus non spoliátus, non enectus nóxijs serpens. Magna igitur et pretiósá res Crux est. Magna quidem, quia multa per ipsam bona effecta sunt, pretiósá vero, quia Dei trophæum est, et in ipsa diábolus sauciátus, et cum eo mors devicta est.

R). Christo confixus sum Cruci: vivo autem jam non ego; * Vivit in me Christus. ✠. In fide vivo Fílii Dei, qui dilexit me, et trádedit semetipsum pro me. * Vivit. Glória. * Vivit. *Gal. 2.*

AD LAUDES.

Ant. 7. c. Christus mórtuus est pro peccátis nostris, et surrexit tértia die secundum Scriptúras. *1. Cor. 15.*

Ant. 4. E. Humiliávit semet-

ipsum, factus obédiens usque ad mortem, mortem autem Crucis; propter quod et Deus exaltávit illum. *Philip. 2.*

Ant. 2. D. Cum esset Fílius Dei, dídicit ex iis quæ passus est obediéntiam; et consummatus, factus est ómnibus obtemperántibus sibi causa salutis æternæ. *Hebr. 5.*

Canticum. Is. 49.

Ecce levábo ad Gentes manum meam, * et ad pópulos exaltábo signum meum.

Et afferent filios tuos in ulnis, * et fílias tuas super humeros portábunt.

Et erunt reges nutritii tui, * et reginæ nutríces tuæ:

Vultu in terram demisso adorábunt te, * et púlverem pedum tuórum lingent.

Et scies quia ego Dóminus, * super quo non confundentur qui exspectant eum.

Numquid tollétur a forti praeda? * aut quod captum fuerit a robusto salvum esse póterit?

Quia hæc dicit Dóminus: Equidem et captívitatis a forti tollétur, * et quod ablátum fuerit a robusto salvábitur,

Eos vero qui iudicavérunt te, ego iudicábo; * et filios tuos ego salvábo.

Et sciet omnis caro, quia ego Dóminus salvans te, * et redemptor tuus, Fortis Jacob.

Ant. 3. a. Sic oportébat Christum pati et resúrgere, et prædicári in nómine ejus pœniténtiam, et remissionem

peccatórum in omnes gentes. *Luc. 24.*

Ant. 8. G. Verbum Crucis pereúntibus quidem stultítia est; iis autem qui salvi fiunt, id est, nobis, Dei virtus est. *I. Cor. 1.*

Capitulum. I. Cor. 1.

PRÆDICAMUS Christum crucifixum, Judæis quidem scándalum, Géntibus autem stultítiam; ipsis autem vocátis Judæis atque Græcis, Christum Dei virtútem, et Dei sapiéntiam.

Hymnus. S. V.

UNCTA CRUX Dei cruóre,
Quam potens et éfficax!
Hujus adtactú jacentes
Erigunt se mórtui:
Christus olim qua pependit,
Tanta vis fuit Crucis!

Públici fontes salutis,
Sacra Christi vúlnera,
Vulnerátos illa sanant
Anguis instar ænei:
Quisquis æger speret, et spe
Non sua fraudábitur.

Crux tribúnal, quo sedébit
Justus ultor críminum:
Sponte sed nos iudicémus,
Cedet ira Júdicis;
Nosque primi puniámus,
Ne secundus púniat.

Tótius fons sanctitátis,
Sancta quo sunt ómnia,
Qui tuo quodcumque crimen
Expiasti ságuine,
Labe puros, Christe, serves
Christiános móribus.

Sempiterna laus Parenti
Qui creávit ómnia,
Filióque, qui redémit

Morte nos volens sua :
Par et illi cujus almo
Recreámur hálitu. Amen.

Ÿ. Omnis terra adóret te, et
psallat tibi : R̃. Psalmum dicat
nómini tuo, Dómine. Ps. 65.

Ad Benedictus. Ant. 1. D.
Dignus est Agnus qui occísus
est, accíperere virtútem, et divi-
nitátem, et sapiéntiam, et for-
titúdinem, et honórem, et
glóriam, et benedictiónem.
Apoc. 5.

Oratio Sacr. Gelas.

DEUS, qui nos hodierna die
Exaltatiónis sanctæ Crucis án-
nua solemnitate lætíficas ;
præsta, quæsumus, ut cujus
mystérium in terra cognóvi-
mus, ejus redemptiónis præ-
mia in cœlo mereámur ; Per
eumdem.

*Nihil de Octava ; si occurrat
Dominica, de ea fit Commem.*

AD HORAS, Doxologia :

¶ Qui per Crucem, ut supra,
257.

AD PRIMAM.

Ant. 7. ç. Christus.

In R̃. br. Ÿ. Qui passus es *
pro nobis. I. Petr. 2.

AD TERTIAM.

Ant. 4. E. Humiliávit.

Capitulum. Act. 10.

Nos testes sumus ómnium
quæ fecit in regione Judæó-
rum et Jerúsalem, quem occi-
derunt suspendentes in ligno :

hunc Deus suscitávit tértia
die.

R̃. br. Lápídem quem repro-
bavérunt ædificantes, * Hic
factus est in caput ánguli. Lá-
pidem. Ÿ. A Dómino factum
est istud, * et est mirábile in
óculis nostris. * Hic. Glória.
Lápídem. Ps. 117.

Ÿ. Deus noster, Deus salvos
faciendi, R̃. Et Dómini Dómi-
ni éxitus mortis. Ps. 67.

AD SEXTAM.

Ant. 2. D. Cum esset.

Capitulum. Hebr. 2.

DECEBAT eum propter quem
ómnia, et per quem ómnia,
qui multos filios in glóriam
addúxerat, auctórem salutis
eórum per passiónem consum-
máre.

R̃. br. Deus rex noster *
Operátus est salutem. Deus.
Ÿ. In médio terræ * Operátus
est. Glória. Deus. Ps. 73.

Ÿ. Apud Dóminum miseri-
córdia, R̃. Et copiósa apud
eum redemptio. Ps. 129.

AD NONAM.

Ant. 8. G. Verbum Crucis.

Capitulum. Ephes. 3.

DEUS det vobis ut possítis
comprehéndere cum ómnibus
sanctis, quæ sit latitúdo, et
longitúdo, et sublímitas, et
profundum ; scire étiam su-
pereminentem sciéntiæ caritá-
tem Christi, ut impleámini in
omnem plenitúdinem Dei.

℟. br. Magnus Dóminus noster, * Et magna virtus ejus. Magnus. *Ÿ.* Et sapiéntiæ ejus * non est númerus, * Et magna. Glória. Magnus. *Ps.* 146.
Ÿ. Notam fecisti in pópulis virtútem tuam : *℟.* Redemisti in bráchio tuo pópulum tuum. *Ps.* 76.

AD II VESPERAS.

Ant. 1. D. Christus nos redémít de maledicto legis, factus pro nobis maledictum ; quia scriptum est : Maledictus omnis qui pendet in ligno. *Gal.* 3.

Ant. 8. G. Eum qui non nóverat peccátum, pro nobis peccátum fecit Deus ; ut nos efficerémur justítia Dei in ipso. *II. Cor.* 5.

Ant. 6. F. Commendat caritátem suam Deus in nobis ; quóniam justificáti in ságuine Christi, salvi érimus ab ira per ipsum. *Rom.* 5.

Ant. 5. C. Gloriámur in Deo per Dóminum nostrum Jesum Christum, per quem nunc reconciliatióem accévimus. *Rom.* 5.

Ant. 3. a. Semel oblátus est ad multórum exhaurienda peccáta ; secundo sine peccáto apparebit exspectántibus se, in salútem. *Hebr.* 9.

Capitulum. Act. 10.

PRÆCEPIT nobis prædicáre pópulo, et testificári quia ipse est qui constitútus est a Deo iudex vivórum et mortuórum. Huic omnes Prophétæ testi-

Autumnalis.

mónium pérhibent, remissió-nem peccatórum accípere per nómen ejus omnes qui credunt in eum.

Hymnus, Crux alma, ut in I Vesperis, 257.

Ÿ. In te confidit ánima mea, Deus ; *℟.* Et in umbra alárum tuárum sperábo. *Ps.* 56.

Ad Magnificat. Ant. 7. d. Parébit signum Fílii hóminis in cælo ; et tunc plangent omnes tribus terræ ; et vidébunt Fílium hóminis venientem in núbibus cœli cum virtúte multa et majestáte. *Matth.* 24.

AD COMPLET. ut heri.

DIE XV.

OCTAVA NATIV.

ET

FESTUM NOMINIS

B. MARIE VIRGINIS.

Duplex-minus.

Omnia, ut in Festo Nativitatis, exceptis quæ sequuntur :

Psalmi juxta diem Hebdomadæ in toto Officio.

AD NOCTURNUM.

Ant. 3. a. Magna eris, et nomen tuum nominábitur in universa terra. *Judith, 11.*

Ant. 2. D. Dóminus nomen tuum ita magnificávit, ut non recédât laus tua de ore hóminum, pro quibus subvenisti ruínæ ante conspectum Dei nostri. *Judith, 13.*

Ant. 1. F. In omni gente quæ audíerit nomen tuum, magni-

ficabitur super te Deus Israel.
Judith, 12.

✠. Semen servorum ejus possidebit Sion; R. Et qui diligunt nomen ejus, habitabunt in ea. *Ps.* 68.

Lectio I. Cap. 8.

Ex Libro Esther.

Dix illo dedit rex Assuérus Esther reginæ domum Aman adversarii Judæorum, et Mardocheus ingressus est ante faciem regis. Confessa est enim ei Esther quod esset patruus suus. Tulitque rex annulum, quem ab Aman recipi jusserrat, et tradidit Mardocheo. Esther autem constituit Mardocheum super domum suam. Nec his contenta, proci-dit ad pedes regis, flevitque, et locuta ad eum oravit, ut malitiam Aman, et machinationes ejus pessimas, quas excogitaverat contra Judæos, juberet irritas fieri. Responditque rex Assuérus Esther reginæ, et Mardocheo Judæo: Scribite Judæis sicut vobis placet, regis nomine, signantes litteras annulo meo. Dixitque Mardocheus: A Deo facta sunt ista. Recordatus sum somnii quod videram, hæc eadem significantis: nec eorum quidquam irritum fuit. Parvus fons, qui crevit in fluvium, et in lucem solemque conversus est, et in aquas plurimas redundavit: Esther est, quam rex accepit uxorem, et voluit esse reginam. Duo autem dracones: Ego sum, et Aman.

Gentes quæ convenerant, hi sunt qui conati sunt delere nomen Judæorum. Gens autem mea, Israel est, quæ clamavit ad Dominum, et salvum fecit Dominus populum suum: liberavitque nos ab omnibus malis, et fecit signa magna atque portenta inter Gentes.

R. Duas sortes esse præcepit Dominus, unam populi Dei, et alteram cunctarum gentium. Venitque utraque sors in statutum diem coram Deo; et recordatus est Dominus populi sui, * Ac misertus est hereditatis suæ. ✠. Salvum fecit Dominus populum suum. * Ac. *Esther*, 10.

Lectio II.

Ex sancto Bernardo Abbate.
Hom. 2. super Missus. n. 17.

MARIA aptissime sideri comparatur; quia sicut sine sui corruptione sidus suum emit-tit radium, sic absque sui læsione Virgo parturit Filium. Nec sideri radius suam minuit claritatem, nec Virgini Filius suam integritatem. Ipsa est igitur nobilis illa stella ex Jacob orta, cujus radius universum orbem illuminat. Ipsa, inquam, est præclara et eximia stella super hoc mare magnum et spatiosum necessario sublevata, micans meritis, illustrans exemplis. O quisquis te intelligis in hujus sæculi profluvio magis inter procellas et tempestates fluctuare, quam per terram am-

bulare; ne avertas oculos a fulgore hujus sideris, si non vis obrui procellis.

R. Non discédimus a te; * Nomen tuum invocábimus. V. Subvenisti ruínæ ante conspectum Dei nostri. * Nomen. Ps. 79. *Judith*, 13.

Lectio III.

Si insurgant venti tentationum, si incurras scóculos tribulationum; respice stellam, voca Mariam. Si jactáris superbíæ undis, si ambitionis, si detractiónis, si æmulatiónis; respice stellam, voca Mariam. Si iracúndia, aut avaritia, aut carnis illécebra navículam concússerit mentis; respice ad Mariam. Si críminum immanitáte turbátus, consciéntiæ fœditáte confusus, judícii horróre pertérritus, bátrathro incípias absorbéri tristitiæ, desperatiónis abyssó; cógita Mariam. In periculis, in angústiiis, in rebus dúbiis, Mariam cógita, Mariam ínvoça. Non recédât ab ore, non recédât a corde; et ut ímpetres ejus oratiónis suffrágium, non déseras conversatiónis exemplum. Ipsam sequens, non dévias; ipsam rogans, non despéras; ipsam cógitans, non erras; ipsa tenente, non córruis; ipsa protegente, non métuis; ipsa duce, non fatigáris; ipsa propítia, pórvenis; et sic in temetipso experíris quam mérito dictum sit: Et nomen vírginis, María.

R. Et tu, ínvoça Dóminum, et * Lóquere Regi pro nobis, et † Líbera nos. V. Invenisti enim grátiam apud Deum. * Lóquere. Glória. † Líbera. *Esther*, 15. *Luc.* 1.

Oratio Brev. Præm.

CONCEDE, quæsumus, omnipotens Deus, ut fidèles tui, qui sub sanctíssimæ Vírginis Mariæ nómine et protectiõe lætantur, ejus pia intercessiõe a cunctis malis liberentur in terris, et ad gáudia æterna pervenire mereantur in cœlis; Per Dóminum.

Si sit Feria IV Quatuor Temporum, de ea fit sola Commem. ad Laudes per Orationem, Præsta, ut infra in Officio prædictæ Feriæ.

Ad Horas non dicitur Allelúia in R, R. R. br.

QUATUOR TEMPORA Septembris celebrantur Feria IV, Feria VI, et Sabbato post Festum Exaltationis sanctæ Crucis.

Nisi occurrat Festum Duplex aut supra, Officium fit de Feria, additis et exceptis quæ hic in his tribus Feriis propria sunt. Nihil fit de Simplici, aut Semiduplici occurrente.

FERIA QUARTA

QUATUOR TEMPORUM.

Duæ priores Lectiones dicuntur e Scriptura, juxta diem mensis, última ejusdem diei omissa.

Lectio III. Cap. 9.

Lectio sancti Evangelii secundum Marcum.

Dæmonia ejiciuntur in oratione et jejúnio.

IN illo tẽpore; Respondens Jesu unus de turba, dixit : Magister, ádtuli filium meum ad te, habentem spíritum mutum : qui ubicumque eum apprehenderit, allídit illum; et spumat, et stridet dẽntibus, et arescit : et dixi discípulis tuis ut ejicerent illum, et non potuerunt. Et reliqua.

Homília sancti Joannis Chrysóstomi. 57 et 58 in *Matth.*

SI fide opus est ut ejiciantur dæmones, cur jejúnare oportet? quia videlicet una cum fide non parvas vires affert jejúnium : quamvis non jejúnio solum, sed oratione quoque ac multo magis oratione opus sit. Qui enim orat et jejúnat ut oportet, is multis rebus non indiget, nunquam fiet avárus : et qui non est avárus, prónior semper ad misericórdiam erit. Qui jejúnat, lévior est, et vigilanter orat, et cupiditátis incẽdia exstinguens ac ánimam suam humílians, fácale Deum placat. Si vero imbecillís corpore jejúnare semper non potes, non eris tamen ad orandum infirmus, neque ad contemnendas carnis delicias inválidus. Jejúnare quidem non potes, sed non vívere in deliciis potes, quod sane parvum non est, nec magno intervallo a jejúnio distat.

R. Quare non potuimus ejicere spíritum immundum? Dixit Jesus : * Hoc genus in

nullo potest exíre, nisi † In oratione et jejúnio. † Scitote quóniam exáudiet Dóminus preces vestras, si permanseritis in jejúniis et orationibus : * Hoc. Glória. † In. *Marc.* 9. *Judith.* 4.

Ad Benedictus. Ant. 7. d. Increpávit Jesus spíritum immundum, et sanávit púerum, et reddidit illum patri ejus. Stupébant autem omnes in magnítudine Dei. *Luc.* 9.

Preces flexis genibus.

Oratio Brev. Nem.

PRÆSTA, quæsumus, Dómine, famíliæ tuæ supplicanti, ut, dum a cibis corporálibus ábstinet, a vítiis quoque mente jejúnet; Per Dóminum.

Et dicitur ad Horas, necnon ad Vesperas, nisi sequatur Festum Duplex : et sic Feria VI sequenti.

FERIA SEXTA

QUATUOR TEMPORUM.

Duæ Lect. e Script. juxta diem mensis, ultima ommissa.

Lectio III. Cap. 7.

Lectio sancti Evangélii secundum Lucam.

Christus apud Pharisæum manducans.

IN illo tẽpore; Rogábat Jesum quidam de Pharisæis, ut manducáret cum illo. Et ingressus domum Pharisæi, discúbuit. Et reliqua.

Homília sancti Gregórii, Papæ. 33 in *Evang.*

PECATRIX mília ad vestigia

Dómini véniens et plorans, nos designat, nos expressit, si ejus pœnitentiæ luctus imitémur. Si igitur recta ópera ágimus, quibus opiniónis bonæ odóre Ecclésiám respergámus, quid in Dómini corpore nisi unguentum fúndimus? Secus pedes Dómini múlter stetit. Si ad veram pœnitentiám post peccáta convértimur, jam retro secus pedes Dómini stamus, quia ejus vestígia séquimur quem impugnabámus. Lácrymis múlter pedes ejus rigat; quod nos quoque veraciter ágimus, si quibúlibet últimis membris Dómini per compassiónis affectum inclinámur, si sanctis ejus in tribulatióne compátimur; si eórum tristitiám nostram putámus. Pensémus quantæ pietátis fúerit peccatrícem mulierem ad se admíttere. Considerémus grátiam misericordis Dei, et damnémus multitudinem reátus nostri. Ecce peccatóres videt, resistentes tólerat, vocat; et étiam amplecti quærit, a quibus desertum esse se quératur; nemo ergo tantæ misericórdiæ tempus perdat; nemo obláta remédia divínæ pietátis abjiciat.

¶ Conversus Jesus ad mulierem, dixit Simóni: * Dico tibi; † Remittuntur ei peccáta multa, quóniam dilexit multum. ✠. Ego sum Dóminus Deus tuus fortis, zelótes, et fáciens misericórdiam in míllia his qui dñligunt me: * Dico. Glória. * Remittuntur. *Luc. 7. Exod. 20.*

Ad Benedictus. Ant. 6. F. Dixit Jesus ad mulierem: Fides tua te salvam fecit; vade in pace. Luc. 7.

Preces flexis genibus.

Oratio Brev. Nem.

DEUS, qui multum diligéntibus multa peccáta remittis; infunde córdibus nostris tui amóris affectum, ut, a multis quibus onerámur peccátis, pro tua benignitateliberémur; Per Dóminum.

SABBATO

QUATUOR TEMPORUM.

Duæ Lect. e Script. juxta diem mensis, ultima omitta.

Lectio III. Cap. 13.

Léctio sancti Evangélii secundum Lucam.

Parabola ficulneæ.

In illo témpore; Dicébat Jesus et hanc similitúdinem: Arborem fici habébat quidam plantátam in-vínea sua, et venit quærens fructum in illa, et non invénit. Et réliqua.

Homília sancti Gregórii Pape. 31 in *Evang.*

TERTIO dóminus víneæ ad ficúlneam venit, quia natúram géneris humáni ante legem, sub lege, sub grátia expectando, admonendo, visitando requisívit. Sed tamen fructum se non invenisse conquéritur, quia quorundam pravórum mentes, nec inspiráta lex naturalis córrigit, nec præcepta

erúdiunt, nec Incarnatiónis ejus mirácula convertunt; Quid vero per cultórem víneæ, nisi præpositórum ordo exprimitur? Qui, dum præsunt Ecclesiæ, nimirum Domínicæ víneæ curam gerunt. Unusquisque juxta modum suum, si fructum bonæ operatiónis non éxhibet, infructuósa arbor terram óccupat. Ad corda vestra, fratres caríssimi, redíte; quid horis ómnibus in cogitatióibus vestris volváti, semper adspícite. Alius de honóribus, álius de pecúniis cógitat: quando mens talibus implicátur, ab status sui rectitúdine fléctitur. Reminiscámur malórum quæ fécimus; mittámus ad radícem cordis cóphinum stércoris, ut tunc in retributiónis fructu pinguescat quod nobis hic per poeniténtiam foetébat.

R. Ecce múlter habébat spíritum infirmitátis annis decem et octo; et * Erat inclináta, nec omníno póterat sursum respícere: quam † Cum vidéret Jesus, erecta est, et glorificábat Deum. ¶ Anima quæ trístis est super magnitúdine mali, et incédit curva et infirma, dat tibi glóriam et justítiam, Dómine. * Erat. Glória. † Cum. *Luc. 13. Baruch, 2.*

Ad Benedictus. Ant. 8. G. Hypócritæ, unusquisque vestrum sábbato non solvit bovem suum, et ducit adaquáre? Hanc autem filiam Abrahæ non opórtuit solvi a vínculo isto, die sábbati? *Luc. 13.*

Preces flexis genibus.

Oratio Sacr. Gelas.

OMNIPOTENS sempiternæ Deus, qui per continéntiam salutárem corpóribus medéris et méntibus: majestátem tuam súpplīces exorámus, ut pia jejunántium deprecatióne placáus, et præsentia nobis subsidia tribuas, et futura; Per Dóminum.

Et dicitur ad Horas tantum.

DIE XVI.

S. CYPRIANI,

EPISCOPI ET MARTYRIS.

Semiduplex.

Lectio I. Cap. 1.

Incipit Baruch Prophéta.

Et hæc verba libri, quæ scripsit Baruch in Babylónia, in témpore quo cepérunt Chaldæi Jerusalem, et succendérunt eam igni. Et legit Baruch verba libri hujus ad aures Jechóniæ filii Joákim regis Juda, et ad aures universi pópuli venientis ad librum; qui audientes plorábant, et jejúnábant, et orábant in conspectu Dómini.

R. Indúcā illos in terram hostilem, donec erubescat in-circumcísā mens eórum: * Tunc orábunt pro impietátibus suis, et recordábor fœderis mei. ¶ Propter peccáta patrum suórum affligentur, donec confiteantur iniquitates suas, et majórum suórum.

* Tunc. *Levit. 26.*

Lectio II.

ET collegérunt pecúniám, secundum quod potuit uniuscujusque manus. Et misérunt in Jerúsalem ad Jóakim filium Helcíæ, filii Salom, Sacerdótem, et ad sacerdótes, et ad omnem pópulum qui inventi sunt cum eo in Jerúsalem. Et dixerunt: Ecce mísimus ad vos pecúnias, de quibus émite holocautómata, et thus, et fácite manna, et offerte pro peccáto ad aram Dómini Dei nostri: et oráte pro vita Nabuchodónosor regis Babylónis, et pro vita Balthassar filii ejus, ut sint dies eórum sicut dies cœli super terram: et inveniamus grátiam in conspectu eórum.

R. Obsecro primum ómnium fieri oratiónes pro Régibus, et omnibus qui in sublimitate sunt, * Ut quietam et tranquillam vitam agamus, in omni pietate, et castitate. V. Querite pacem civitátis, et oráte pro ea ad Dóminum; * Ut. *I. Tim. 2. Jer. 29.*

Lectio III.

Ex S. Hieronymo et Hist. Eccl.

CYPRIANUS Afer, primum cum lande Rhetóricam dócuit: exinde suadente Presbytero Cæcilio, a quo et cognomen sortitus est, Christiánus factus, omnem substántiam suam paupéribus erogávit; ac post non multum témporis, electus in Presbyterum, étiam Carthaginensis Episcopus

constitútus est. In persecutióne Décii proscriptus, et divíno mandáto secédere jussus, Ecclésiæ laboranti nec spíritu, nec actu, nec mónitis defuit, et inter lapsórum importúnas petitiónes, et schismáticam Novatiáni severitatem, sic disciplínæ vigórem temperávit, ut ejus judícium vária dehinc Concília secúta sint. Témpace Valeriáni et Galliéni adductus ad Galérium Máximum Procónsulem, sanctus Martyr respondit: Ego sum Cypriánus, Christiánus sum, et diis sacrificáre non pótero. Irátus Proconsul decretum ex tabella recitávit: Cypriánum gládio animadverti placet. Cypriánus respondit: Deo grátias. Productus autem in agrum extra subúrbium, cum se lacerna, byrro, et dalmática expoliasset, jussit suis ut ei viginti quinque áureos darent. Póstea vero manu sua óculos sibi textit, et sic gládio percussus occúbuit. ¶ Hódie, Chalcedóne natális sanctæ Euphémíæ Vírginis et Mátyris, in cujus ecclésiá hábitum est generale Concílium Chalcedonense. Ejus quoque patrocínio felícem Concílii éxitum debére se Patres agnovérunt; et Marciánus Imperátor, plaudéntibus Episcopis, ad honórem sanctæ Mátyris, Chalcedonensi civitatí Metrópolis cóntulit dignitatem.

R. Docti in pópulo docébunt plúrimos; et de eruditís ruent, * Ut conflentur, et eligantur, et dealbentur usque

ad tempus præfinitum. ✠ Ru-
ent in gládio, et in flamma, et
in captivitate, et in rapina
diérum. * Ut. Glória. * Ut.
Dan. II.

Oratio Brev. Paris.

BEATI Cypriáni, quæsumus,
Dómine, nos tibi sancta com-
mendet oratio, qui simul et
vigóre sacerdótii cláruit, et
gloriosæ passiónis triumpho
refulsit; Per Dóminum.

Pro Commem. S. Euphemie.

Oratio Brev. Paris.

AURES tuæ pietátis, quæsu-
mus, Dómine, précibus nos-
tris inclína : ut, qui delictó-
rum nostrórum caténis strín-
gimur, interveniente beáta
Euphémia Vírgine et Mártire
tua, miseratiónis tuæ grátia
liberémur; Per Dóminum.

Vesperæ de eodem.

DIE XVII.

S. LAMBERTI,

EPISCOPI ET MARTYRIS.

Simplex.

Lectio I. Cap. I.

Ex Baruch Prophéta.

PRO nobis ipsis oráte apud
Dóminum Deum nostrum,
quia peccávimus Dómino Deo
nostro, et non est aversus fu-
ror ejus a nobis usque in hunc
diem. Et légite librum istum,
quem misimus ad vos recitári
in templo Dómini. Et dicétis :

Dómino Deo nostro justítia,
nobis autem confúsió faciéi
nostræ, sicut est dies hæc, om-
ni Juda et habitántibus in Je-
rúsalem, régibus nostris, et
principibus nostris, sacerdoti-
bus nostris, et prophétis
nostris, et pátribus nostris.

R. Tibi, Dómine, justítia,
nobis autem confúsió faciéi;
áperi óculos tuos, et vide de-
solationem nostram : * Neque
enim in justificatióibus nos-
tris prostérnimus preces ante
faciem tuam, sed in misera-
tióibus tuis multis. ✠ Exau-
di, Dómine, placáre; ne mor-
réris propter temetipsum,
Deus meus : * Neque. *Dan. 9.*

Lectio II. Cap. 2.

FECISTI in nobis, Dómine
Deus noster, secundum om-
nem bonitatem tuam; sicut
locútus es in manu púeri tui
Móysi, dicens : Si non audie-
ritis vocem meam, multitúdo
hæc magna convertétur in mí-
nimam inter Gentes, quo ego
eos dispergam : quia scio quod
me non áudiet pópulus. Pópu-
lus est enim dura cervíce : et
convertétur ad cor suum in
terra captivitátis suæ : et scient
quia ego sum Dóminus Deus
eórum, et dabo eis cor, et in-
telligent; aures, et áudient.
Et revocabó illos in terram,
quam jurávi pátribus eórum,
Abraham, Isaac et Jacob, et
dominabuntur ejus : et multi-
plicabó eos, et non minora-
buntur. Et státuam illis testa-
mentum álterum sempiter-

num, ut sim illis in Deum, et ipsi erunt mihi in pópulum : et non movébo ámplius pópulum meum, filios Israel, a terra quam dedi illis.

R. Dómine Deus, recordáre servórum tuórum Abraham, Isaac et Jacob. * Ne adspicias durítiam pópuli hujus, et impietátem, atque peccátum. ✠. Súscita prædicatiónes, quas locúti sunt in nómine tuo Prophétæ prióres. * Ne. Deut. 9. Eccli. 36.

Lectio III.

Brev. Paris. et Præm.

LAMBERTUS Trajecto ad Mosam oriundus, Theodardo Trajectensi Episcopo et Mártiri, anno Christi sexcentésimo sexagésimo octávo suffectus, justitiæ et libertátis públicæ vindicem se præbuit acérrimum; eamque ob causam ab Ebroíno, Palátii Majóre sub rege Theodórico, episcopátu pulsus est. Cedendum tépori ratus, in monastérium Stabulense secessit; ex quo post septénnum a Pippíno Caróli Martelli patre revocátus, ac sedi suæ restitútus, Toxándriæ incolis Evangélii lucem intulit. Cum autem, ut refert sanctus Ado, régiam domum zelo religiónis increpasset, Dodo, Pippíni domésticus, redeuntem e matutínis Láudibus aggressus est: eumque in cubículo orantem unus e Dodónis satellítibus telo confódit, anno Christi septingentésimo octávo. Corpus ejus Trajecti se-

pultum, inde Leódium una cum episcopáli sede a sancto Huberto ejus successóre translátum fuit.

R. Pro justítia agonizáre pro ánima tua, et * Usque ad mortem certa pro justítia, et Deus expugnábit pro te inimicos tuos. ✠. Bonus Dóminus et sciens sperantes in se. * Usque. Glória. * Usque. Eccli. 4. Nahum, 1.

Oratio Brev. Paris.

OMNIPOTENS sempiternus Deus, qui beáto Lamberto Pontífici et Mártiri tuo usque ad mortem pro justítia certáre tribuisti : fac nos ejus méritis, vitæ fráglis amórem abjícere, et ad te, qui solus vera vita es, perveníre ; Per Dóminum.

Vesperæ de Feria.

DIE XVIII.

DE FERIA.

Lectio I. Cap. 4.

Ex Baruch Prophéta.

Hic liber mandatórum Dei, et lex, quæ est in æternum : omnes qui tenent eam, pervénient ad vitam ; qui autem dereliquerunt eam, in mortem. Convértere Jacob, et apprehende eam, ámbula per viam ad splendórem ejus contra lumen ejus. Animæquior esto, pópulus Dei, memorábilis Israel : venúndati estis Géntibus non in perditionem :

sed propter quod in ira ad iracundiam provocastis Deum, traditi estis adversariis. Obliti enim estis Deum, qui nutrit vos, et contristastis nutricem vestram Jerúsalem. Vidit enim iracundiam a Deo venientem vobis, et dixit: Audite, confines Sion, adduxit enim mihi Deus luctum magnum: vidi enim captivitatem populi mei, filiorum meorum, et filiarum quam superduxit illis Æternus. Nemo gaudeat super me viduam, et desolatam: a multis derelicta sum propter peccata filiorum meorum, quia declinaverunt a lege Dei.

¶. Ne læteris, inimica mea, super me, quia cecidi: * Consurgam cum sédero in tenebris, Dominus lux mea est. ¶. Exspectabo Deum Salvatorem meum; audiet me Deus meus. * Consurgam cum sédero. *Mich. 7.*

Lectio II. Cap. 4 et 5.

ANIMEQUIOR esto, Jerúsalem, exhortatur enim te, qui te nominavit; nocentes peribunt, qui te vexaverunt: et qui gratulati sunt in tua ruina, punientur. Civitates, quibus serviérunt filii tui, punientur; et quæ accépit filios tuos. Sicut enim gavisæ est in tua ruina, sic contristabitur in sua desolatione. Circumspice, Jerúsalem, ad Orientem, et vide jucunditatem a Deo tibi venientem. Ecce enim veniunt filii tui, veniunt collecti ob Oriente usque ad

Occidentem, in verbo sancti gaudentes in honorem Dei. Exue te, Jerúsalem stola luctus et vexationis tuæ: indue te decore, et honore ejus, quæ a Deo tibi est, sempiternæ gloriæ.

¶. Induere vestimentis gloriæ tuæ, Jerúsalem, civitas Sancti: quia hæc dicit Dominus; * Gratis venundati estis, et sine argento redimimini. ¶. Venit Filius hominis quærere et salvum facere quod perierat. * *Gratis. Is. 52. Luc. 19.*

Lectio III. Cap. 6.

EXEMPLAR Epistolæ quam misit Jeremias ad abducentes captivos in Babyloniā a rege Babyloniōrum, ut annuntiaret illis secundum quod præceptum est illi a Deo. Propter peccata quæ peccastis ante Deum, abdicemini in Babyloniā captivi a Nabuchodonosor, rege Babyloniōrum. Ingressi itaque in Babylōnem, eritis ibi annis plurimis, et temporibus longis, usque ad generationes septem: post hoc autem educam vos inde cum pace. Nunc autem videbitis in Babylonia deos aureos, et argenteos, et lapideos et ligneos in humeris portari, ostentantes metum gentibus. Videte ergo ne et vos similes efficiamini factis aliénis, et metuatis, et metus vos capiat in ipsis. Visa itaque turba, de retro et ab ante adorantes, dicite in cordibus vestris: Te

oportet adorári, Dómine. Angelus enim meus vobiscum est; ipse autem exquiram ánimas vestras. Lapidibus de monte similes sunt dii illórum: qui autem colunt ea, confundentur. Scientes itaque quia non sunt dii, ne ergo timuéritis eos.

¶. Hæc dicit Dóminus: Cum cœperint impléri in Babylóne septuaginta anni, * Visitábo vos, et suscitábo super vos verbum meum bonum, et reducam captivitatem vestram. ¶. Ego oógito super vos cogitationes pacis, et non afflictiónis. * Visitábo. Glória. * Visitábo. Jer. 29.

qui possent stare in palátio regis, ut doceret eos litteras, et linguam Chaldæórum. Fuérunt ergo inter eos de filiis Juda, Dániel, Ananías, Mísael et Azarías. Et impósuit eis præpósitus eunuchórum, nómina: Daniéli, Baltassar: Ananíæ, Sidrach: Misaéli, Misach: et Azaríæ, Abdénago.

¶. Dixit Isaías Ezechíæ: Ecce dies vénient, et de filiis tuis tollentur, * Et erunt eunúchi in palátio regis Babylónis. ¶. Ait rex Nabuchodónosor præpósito eunuchórum, ut introduceret de filiis Israel, et de sémine régio; * Et. IV. Reg. 2. Dan. 1.

DIE XIX.

DE FERIA.

Lectio I. Cap. I.

Incipit Liber Daniélis Prophætæ.

ANNO tértio regni Jóakim regis Juda, venit Nabuchodónosor rex Babylónis in Jerúsalem, et obsédit eam; et tradidit Dóminus in manu ejus Jóakim regem Juda, et partem vasórum domus Dei: et adportávit ea in terram Sennaar in domum dei sui. Et ait rex Asphenez præpósito eunuchórum ut introduceret de filiis Israel, et de sémine régio et tyrannórum púeros, in quibus nulla esset mácula, decóros forma, et eruditos omni sapiéntia, et

Lectio II.

PROPOSUIT autem Dániel in corde suo ne polluerétur de mensa regis, neque de vino potus ejus, et rogávit eunuchórum præpósitum ne contaminarétur. Dedit autem Deus Daniéli grátiam et misericórdiam in conspectu principis eunuchórum. Et ait princeps eunuchórum ad Daniélem: Tíneo ego dóminum meum regem, qui constituit vobis cibum et potum: qui si viderit vultus vestros macilentióres præ céteris adolescentibus coævis vestris, condemnábitis caput meum regi. Et dixit Dániel ad Málasar, quem constitúerat princeps eunuchórum super Daniélem, Ananíam, Misaélem et Azaríam: Tenta nos, ób-

seco, servos tuos diébus decem, et dentur nobis legúmina ad vescendum, et aqua ad bibendum: et contempláre vultus nostros, et vultus puerórum qui vescuñtur cibo régio: et sicut víderis, fácies cum servis tuis. Qui, audíto sermóne hujuscémodi, tentávit eos diébus decem. Post dies autem decem, apparuérunt vultus eórum meliôres, et corpulentiôres præ ómnibus púeris, qui vescebantur cibo régio. Porro Málasar tollébat cibária, et vinum potus eórum: dabatque eis legúmina.

R). Sapiéntia ubi invenítur? et quis est locus intelligéntiæ? Nescit homo prétium ejus, * Nec invenítur in terra suáriter vivéntium. ¶. Sapiéntiam Dei nemo princípum hujus séculi cognóvit; * Nec. *Job*, 28. *I. Cor.* 2.

Lectio III.

COMPLETIS itaque diébus, post quos dixerat rex ut introducerentur: introduxit eos præpósitus eunuchórum in conspectu Nabuchodónosor. Cumque eis locútus fuisset rex, non sunt inventi tales de universis ut Dániel, Ananías, Mísael et Azarías: et steterunt in conspectu regis. Et omne verbum sapiéntiæ et intellectus, quod sciscitátus est ab eis rex, invenit in eis décuplum super cunctos aríolos, et magos, qui erant in universo regno ejus. Fuit

autem Dániel usque ad annum primum Cyri regis.

R). Apparuerunt vultus eórum meliôres præ ómnibus púeris qui vescebantur cibo régio: * Púeris autem his dedit Deus sciéntiam et disciplinam in omni libro et sapiéntia; Daniéli autem intelligentiam ómnium visiónum. ¶. Alii quidem per Spíritum datur sermo sapiéntiæ, álíi sermo sciéntiæ secundum eundem Spíritum, álíi interpretátio sermónum. * Púeris. Glória. * Púeris. *Dan.* 1. *I. Cor.* 12.

Vesperæ de Feria.

DIE XX.

S. DIONYSII AREOP.

EPISCOPI ET MARTYRIS.

Simplex.

Lectio I. Cap. 13.

Ex Daniéle Prophéta.

ERAT vir hábitans in Baby-lóne, et nomen ejus Jóakim: et accépit uxórem nómine Susannam, filiam Helciæ, pulchram nimis, et timentem Deum: parentes enim illíus, cum essent justí, erudiérunt filiam suam secundum legem Móysi. Erat autem Jóakim dives valde: et erat ei pomárium vicínium dómui suæ: et ad ipsum confluébant Judæi, eo quod esset honorabílior ómnium. Et constitúti sunt de pópulo duo senes júdices in illo anno, de quibus lo-

cútus est Dóminus : Quia egressa est iniquitas de Babilóne a senioribus iudícibus qui videbantur régere pópulum. Isti frequentábant domum Jóakim, et veniébant ad eos omnes qui habébant iudícia. Cum autem pópulus revertisset per merídiem, ingrediebátur Susanna, et deambulábat in pomário viri sui. Et vidébant eam senes quotidie ingredientem et deambulantem : et exarsérunt in concupiscéntiam ejus. Et evertérunt sensum suum, et declinavérunt óculos suos, ut non viderint cœlum, neque recordarentur iudiciórurum justórum. Factum est autem, cum observárent diem aptum, ingressa est aliquando cum duábus solis puellis, voluitque lavári in pomário. Cum autem egressæ essent puellæ, surrexérunt duo senes, et accurrérunt ad eam, et dixerunt: Ecce óstia pomárii clausa sunt, et nemo nos videt; quámobrem adsentíre nobis. Quod si nolúeris, dicémus contra te testimónium.

℞. Impius, * Cum in profundum vénerit peccatórum, contemnit. √. Auferuntur iudícia tua, Dómine, a fácie ejus. * Cum. *Prov. 18. Ps. 10.*

Lectio II.

INGRUIT Susanna, et ait: Angústia sunt mihi úndique: si enim hoc égero, mors mihi est: si autem non égero, non effúgiam manus vestras. Sed

mélius est mihi absque ópere incidere in manus vestras, quam peccáre in conspectu Dómini. Et exclamávit voce magna Susanna; exclamavérunt autem et senes adversus eam. Cumque venisset pópulus ad Jóakim virum ejus, venérunt et duo presbyteri, pleni iniqua cogitátione adversus Susannam, ut interficerent eam. Et dixerunt coram pópulo: Míttite ad Susannam filiam Helciæ, uxórem Jóakim. Et statim misérunt. Et venit cum paréntibus, et filiis, et universis cognátis suis. Flebant ígitur sui, et omnes qui nóverant eam. Consurgentes autem duo presbyteri in médio pópuli, posuérunt manus suas super caput ejus, quæ flens suspexit ad cœlum, erat enim cor ejus fidúciam habens in Dómino. Et dixerunt presbyteri: Venit ad eam adolescens qui erat absconditus. Crédidit eis multitúdo quasi sénibus et iudícibus pópuli, et condemnavérunt eam ad mortem.

℞. Si cor nostrum non reprehénderit nos, * Fidúciam habémus ad Deum. √. Expectantes misericórdiam Dómini. * Fidúciam. *I. Joan. 3. Judæ.*

Lectio III.

Brev. Bizunt. et Nem.

GENTIUM Apóstolus, qui sapientibus et insipientibus se debitórem profitebátur, cum Athénas venisset et idololatriæ deditam vidisset civitá-

tem, quæ plúribus jam a sêculis potiebátur philosophiæ, eloquentiæ aliarumque artium principátu; incitabátur spírítus ejus in ipso: disputabat igitur in synagóga et in foro per omnes dies ad eos qui áderant. Ad Areópagum, cujus erat de religiônis rebus judícium, evocátus, in médio impávidus stetit, omni licet ope humana destitútus, Christi Apóstolus; ac coram tremendo hoc tribunáli cujus investigatióne se suamque doctrinam committere Plato non ausus fúerat, Evangélii dógmata Paulus libera voce pandit, et tali verbórum vi ac candóre, qualem in suis philosophis et oratóribus non reperientes, non potúerint quin in Paulo mirarentur júdices. Ii quorum ánimus per cupiditátes non obdurúerat, nec a vero erat avulsus, perféctius edocéri poscentes, Apóstolo adhæsérunt, et fidem Christi sincére sunt amplexi, inter quos Dionysius qui primus Atheniensis Ecclesiæ fuit epíscopus. Sub Adriáno autem imperátore post claríssimam fidei confessiônem et gravíssima tormenta, glorióso martyrio eum coronátum esse tradit sanctus Aristídes Atheniensis in suo ad Adriánum pro Christiánis Apologético.

R. Sicut accepistis Jesum Christum, * In ipso ambuláte. † Vidéte ne quis vos decípiat, per philosophiam et inánem falláciam, secun-

dum elementa mundi, et non secundum Christum. * In. Glória. * In. Coloss. 2.

Oratio Brev. Paris.

ILLUMINA, quæsumus, Dómine, mentis nostræ ténebras; qui ad beáti Pauli Apóstoli prædicatióem Dionysium Areopagítam in admirabile lumen Evangélii transtulisti; Per Dóminum.

Vesperæ de sequenti.

DIE XXI.

S. MATTHÆI,

APOSTOLI ET EVANGELISTÆ.

Duplex-majus.

De Communi Apostolorum.

IN I NOCTURNO.

Lectio I. Cap. 13.

Ex Daniéle Prophéta.

CUM Susanna ducerétur ad mortem, suscitávit Dóminus spírítum sanctum púeri junióris, cujus nomen Daniél; et exclamávit voce magna: Mundus ego sum a ságuine hujus. Et conversus omnis pópulus ad eum, dixit: Quis est iste sermo, quem tu locútus es? Qui cum staret in médio eórum, ait: Sic fátui, filii Israel, non judicantes, neque quod verum est cognoscentes, condemnastis filiam Israel? Revertímmini ad judícium, quia falsum testimoniúm locúti sunt adversus

eam. Reversus est ergo pópulus cum festinatione, et dixerunt ei senes: Veni, et sede in medio nostrum, et iudica nobis, quia tibi Deus dedit honórem senectutis.

R. Justus Dóminus, et iustitias dilexit; * Æquitatem vidit vultus ejus. V. Próteget gradientes simpliciter. * Æquitatem. Ps. 10. Prov. 2.

Lectio II.

Er dixit ad eos Dániel: Separáte illos ab invicem procul, et dijudicábo eos. Cum ergo divisi essent alter ab altero, vocávit unum de eis et dixit ad eum: Inveteráte dierum malórum, nunc venérunt peccáta tua, quæ operabáris prius, júdicans júdicia injusta, innocentes ópprimens, et dimittens nóxios, dicente Dómino: Innocentem et justum non interficies. Nunc ergo si vidisti eam, dic sub qua árbore videris eos colloquentes sibi? Qui ait: Sub schino. Dixit autem Dániel: Recte mentitus es in caput tuum; ecce enim Angelus Dei, accepta sententia ab eo, scindet te médium. Et móto eo, jussit venire álium, et dixit ei: Semen Chánaan, et non Juda, spécies decépit te, et concupiscéntia subvertit cor tuum. Sic faciebátis filiabus Israel, et illæ timentes loquebantur vobis; sed filia Juda non sustinuit iniquitatem vestram. Nunc ergo dic mihi sub qua árbore com-

prehénderis eos loquentes sibi? Qui ait: Sub prino.

R. Dómine, odisti omnes qui operantur iniquitatem; * Perdes omnes qui loquuntur mendácium. V. Mentita est iniquitas sibi. * Perdes. Ps. 5 et 26.

Lectio III.

Dixit ei Dániel: Recte mentitus es et tu in caput tuum: manet enim Angelus Dómini gládium habens, ut secet te médium, et interficiat vos. Exclamávit itaque omnis cœtus voce magna, et benedixerunt Deum, qui salvat sperantes in se. Et consurrexerunt adversus duos presbyteros; convícerat enim eos Dániel ex ore suo falsum dixisse testimónium; feceruntque eis sicut male égerant adversus próximum, ut fácerent secundum legem Móysi; et interfecerunt eos; et salvátus est sanguis innóxius in die illa. Helcias autem et uxor ejus laudavérunt Deum pro filia sua Susanna, cum Jóakim maríto ejus, et cognátis ómnibus, quia non esset inventa in ea res turpis. Dániel autem factus est magnus in conspectu pópuli, a die illa et deinceps.

R. Gloriabuntur in te, Dómine, omnes qui diligunt nomen tuum, * Quóniam tu benedíces justo. V. Próteges eos a contradiccióne linguárum: * Quóniam. Glória. * Quóniam. Ps. 5 et 30.

IN II NOCTURNO.

Lectio IV.

*Euseb. Hist. l. 3. c. 24, et l. 5.
c. 8. Clem. Alex. Pedag. l. 2. c. 1.*

MATTHÆUS, qui et Levi, ex publicáno Apóstolus, semínibus, baccis et oléribus absque cárnibus utebátur. Cum Hebræis primum prædicasset, inde ad álias quoque gentes profectúrus, Evangélium suum pátrio sermóne conscribens, id quod præsentíæ suæ adhuc superesse videbátur, scripto illis quos relinquébat supplévit, eo témpore quo Petrus ac Paulus Romæ Christum prædicárent, et Ecclesiæ fundamenta jácerent.

℞. Vidit Jesus Levi Alphæi sedentem ad telónium; et * Ait illi: Séquere me. Et surgens secútus est eum. ✠. Vox Dómini in virtúte; vox Dómini confringentis cedros, * Ait. *Marc. 2. Ps. 28.*

Lectio V.

Ex Libro sancti Hierónymi Presbyteri, de Scriptóribus Ecclesiásticis. *Cap. 4.*

SECULO secundo Pantænus, qui ad Indos usque penetrasse dicitur, ibi Matthæi Evangélium Hebráicis lítteris scriptum, apud quosdam Christi notítia imbútos, réperit. Quod quis póstea in Græcum transtúlerit, non satis certum est. Porro ipsum Hebráicum habétur usque hódie in Cæsariensi bibliothéca, quam Pám-

philus Martyr studiosíssime confécit. Mihi quoque a Nazaræis, qui in Berœa urbe Syriæ, hoc volúmine utuntur, describendi facultas fuit. In quo animadvertendum, quod ubicumque Evangelista, sive ex persóna sua, sive ex persóna Dómini Salvatóris, vétérís Scriptúræ testimoniis abútitur, non sequátur Septuaginta translatórum auctoritátem, sed Hebráicam; e quibus illa duo sunt: Ex Ægypto vocávi Fílium meum; et: Quóniam Nazaræus vocábitur.

℞. Verbum Dómini manet in æternum: * Hoc est autem verbum quod evangelizátum est in vos. ✠. Hic liber mandatórum Dei, et lex quæ est in æternum: omnes qui tenent eam pervénient ad vitam: * Hoc. *I. Petr. 1. Baruch, 4.*

Lectio VI.

Ex sancto Ambrósio Epíscopo. *Comm. in Luc. Lib. 3. n. 16.*

MYSTICA hæc est evocátio Publicáni, quem Christus sequi jubet, non córporis gressu, sed mentis affectu. Ideo tanquam nova creatúra Christo convívium éxhibet; sequebátur enim jam lætus, álacer et exsultans, dicens: Jam non publicánus gero, jam non porro Levi. Exui Levin, postquam Christum índui. Odi genus meum, fúgio vitam meam priórem, solum te sequor, Dómine Jesu, qui sanas vúlnera mea. Omne mandátum

tuum, sicut cautérium, impressum tenébo. Et si urit cautérium mandáti, tamen putrefacta carnis exúrit, ne ad vivum serpat contágio. Et, si mordet medicamentum, tamen vítium úlceris tollit. Audíte me, terréni hómines, qui in peccátis vestris cogitatiónes ébrias géritis. Et ego tálibus passió nibus eram sauciátus. Inveni médicum qui in cœlo hábitat, et in terris spargit medicamenta. Hic solus potest sanáre vúlnera mea, qui sua nescit; hic auferre cordis dolórem, pallóremque ánimæ, qui novit occulta.

℞. Dixit Jesus Pharisæis : * Non necesse habent sani mé dico, sed qui male habent. † Non enim veni vocáre justos, sed peccatóres. ‡. Non cogitatiónes meæ, cogitatiónes vestræ; neque viæ vestræ, viæ meæ. * Non necesse. Glória. † Non enim. *Marc. 2. Is. 55.*

IN III NOCTURNO.

Lectio VII.

Ex Libro primo Origenis contra Celsum. n. 62.

SI Jesus elegisset et doctrinæ suæ ministros adhibuisset eos, qui multórum opinióne sapientes habentur, et aut cogitandi subtilitáte, aut sermónis facúndia, multitudinis plausus captáre possunt; justa suspício fuisset, símili eum ratióne atque via usum fuisse, qua philosophi, sectæ cujús-piam auctóres, usi sunt; ne-

que quod promissum est de doctrinæ ejus divinitáte, viderétur adimplétum. Nam sermo et prædicatio fuissent in persuasióne illíus sapiéntiæ, quæ verbórum lenocínia et aptæ compositiόνis blandítias affectat; et fides hæc nostra, perinde ac ea quam sui dógmatis habent hujus mundi philosophi, fuisset in sapiéntia hóminum, non in virtúte Dei. Nunc autem quis est, qui, cum videt piscatóres, et publicános, vel primórum elementórum imperítos, confidenter de fide Jesu adjungenda, non modo apud Judæos disputáre, sed étiam apud réliquis gentes prospere Jesum annuntiáre, non quæsierit, unde illis inesset persuadendi facultas? ecquis non dixerit Jesum in Apóstolis divína quadam virtúte exsecútum fuisse, quod his promiserat verbis: Veníte post me; fáciam vos piscatóres hóminum.

℞. Addent mites in Dómino lætítiam; * Et páuperes hómines in sancto Israel exsultábunt. ‡. Qui non obédiunt Evangélio Dómini nostri Jesu Christi, pœnas dabunt in intéritu æternas. * Et. *Is. 29. II. Thess. 1.*

Lectio VIII. n. 63 et 64.

QUONIAM Celsus étiam infámes fuisse hómines dixit Apóstolos, quid absurdi est, si Jesus osténdere volens humáno géneri quam effícacia sint quæ

morbis animarum adhibet remédia; infâmes et nequissimos elegerit, illosque eo provéxerit, ut purissimæ vitæ exemplum essent iis, qui eorum ministério ad Evangelium Christi adducerentur? In Jesu schola non soli duodecim illa ætate, sed et omni postea tempore fuerunt plurimi, qui in sapientum chorum adsciti, de sua pristina vita dicerent: Erâmus aliquando et nos insipientes, increduli, errantes, servientes desideriiis et voluptatibus variis; cum autem benignitas et humanitas apparuit Salvatoris nostri Dei, tales effecti sumus. At religionis nostræ calumniatores non vident quot fuerint quorum vitia repræsserit; quot, quorum effératos mores doctrina mansuefecerit: atqui æquum erat illos, qui suum erga societatem tantopere studium venditant, doctrinæ nova ratione hominum morbis medenti grâtiâ habere; faterique eam, si vera non est, saltem humano generi esse utilissimam.

n). Paravit Dominus brachium sanctum suum in oculis omnium gentium; * Et videbunt omnes fines terræ Salutare Dei nostri. †. Sedentibus in regione umbræ mortis, lux orta est eis. * Et. Is. 52. *Matth. 4.*

Lectio IX. Cap. 9.

Lectio sancti Evangelii secundum Matthæum.

Matthæi vocatio.

In illo tempore; Vidit Jesus hominem sedentem in telonio, Matthæum nomine; et ait illi: Séquere me. Et reliqua.

Homilia sancti Hieronymi Presbyteri. *In Matth. Lib. 1.*

CETERI Evangelistæ, propter verecundiam et honorem Matthæi, noluerunt eum nomine appellare vulgato; sed dixerunt, Levi: duplici quippe vocabulo fuit. Ipse autem Matthæus (secundum illud quod a Salomone præcipitur, justus accusator est sui in principio sermonis; et in alio loco, Dic tu peccata tua, ut justificeris,) Matthæum se et publicanum nominat; ut ostendat legentibus nullum debere salutem desperare, si ad meliora conversus sit; cum ipse de publicano in Apostolum sit repente mutatus. Arguit in hoc loco Porphyrius, et Juliânus Augustus, vel imperitiam historici mentientis, vel stultitiam eorum qui statim secuti sint Salvatorem, quasi irrationabiliter quemlibet vocantem hominem sint secuti; cum tantæ virtutes, tantaque signa præcesserint, quæ Apostolos, antequam crederent, vidisse non dubium est. Certe fulgor ipse, et majestas divinitatis occultæ, quæ etiam in humana facie relucebat, ex primo ad se videntes trahere poterat adspectu.

n). Relictis omnibus, Levi * Secutus est Jesum; et fecit

ei convivium magnum in domo sua. *ŷ.* Vidit Jesus hominem sedentem in telonio, Matthæum nomine, et ait illi: Sequere me.* Secutus. Glória.

* Secutus. *Luc. 5. Matth. 9.*

Oratio Brev. Nem.

Deus, qui ad poenitentiam peccatores ineffabili misericordia vocare dignaris, da nobis exemplo et intercessione beati Matthæi, quem de publicano Apostolum et Evangelistam fecisti, ut, relictis omnibus, te sequi, tibi firmiter adhærere, et te libera voce ac bonis operibus confiteri valeamus; Per Dominum.

Si occurrat Dom. vel aliqua Fer. IV Temp. de ea fit Commem.

Vesperæ de eodem.

DIE XXII.

SS. MAURICII,

ET

SOCIORUM EJUS,

MARTYRUM.

Semiduplex.

Lectio I. Cap. 1.

Ex Danièle Prophéta.

In anno secundo regni Nabuchodonosor, vidit Nabuchodonosor somnium, et contritus est spiritus ejus, et somnium ejus fugit ab eo. Præcepit autem rex, ut convocarentur aríoli, et magi, et málifici, et Chaldæi, ut indicarent regi somnia sua: qui

cum venissent, steterunt coram rege. Et dixit ad eos rex: Vidi somnium, et mente confusus ignoro quid viderim. Responderuntque Chaldæi regi syriacæ: Rex, in sempiternum vive: dic somnium servis tuis, et interpretationem ejus indicabimus. Et respondens rex, ait Chaldæis: Sermo recessit a me: nisi indicaveritis mihi somnium, et conjecturam ejus, peribitis vos, et domus vestræ publicabuntur. Respondentes ergo Chaldæi coram rege, dixerunt: Non est homo super terram, qui sermonem tuum, Rex, possit implere; nec reperiétur quisquam, qui indicet illum in conspectu regis: exceptis diis, quorum non est cum hominibus conversatio. Quo audito, rex in furóre et in ira magna præcepit ut perirent omnes sapientes Babylónis.

ŷl. Quis hominum poterit, scire consilium Dei, * Nisi tu, Dómine, dederis sapientiam, et miseris Spíritum sanctum tuum de altíssimis? *ŷ.* Animalis homo non percipit ea quæ sunt Spíritus Dei; stultitia enim est illi, et non potest intelligere: * Nisi. *Sap. 9. I. Cor. 2.*

Lectio II.

Et egressa sententia, sapientes interficiebantur: quærebanturque Dániel et sócii ejus, ut perirent. Tunc Dániel requisivit de lege atque sententia ab Arioch príncipe militiæ regis. Cum ergo rem in-

dicasset Arioch Daniéli, Dániel ingressus rogávit regem ut tempus daret sibi ad solutió nem indicandam regi. Et ingressus est domum suam, Ananiæque et Misaéli, et Azariæ sóciis suis indicávit negotium: ut quærerent misericórdiam a facie Dei coeli super sacramento isto, et non perirent Dániel, et sócii ejus cum céteris sapiéntibus Babylónis. Tunc Daniéli mystérium per visió nem nocte revelátum est: et benedixit Dániel Deum coeli.

R. Sit nomen Dómini benedictum: quia dat sapiéntiam sapiéntibus, et sciéntiam intelligentibus disciplinam: * Ipse revelat profunda et abscondita, et novit in ténebris constituta, et lux cum eo est. V. Dei sapiéntiam quæ abscondita est, nemo princípum hujus séculi cognóvit; nobis autem revelávit Deus. * Ipse. *Dan. 2. I. Cor. 2.*

Lectio III.

Ex Epístola sancti Euchérii Lugdunensis, ad Sálvium Episcopum. *Ex Act. apud Ruinart.*

SUB Maximiano, qui Romænæ Reipublicæ cum Diocletiano impérium tenuit, per diversas fere omnes provincias laniáti, aut interfecti sunt Mártyrum pópuli. Erat autem eódem témpore in exércitu légio mílitum qui Thebæi appellabantur. Viri in béllicis

rebus strénui, et virtúte nóbiles, sed nobilióres fide: erga Imperatórem fortitúdine, erga Christum devotió ne certábant. Evangélici præcepti, étiam sub armis non immémores, reddébant quæ Dei erant, Deo; et quæ Cæsaris, Cæsari restituébant. Maximianus, ut cognóvit quod et erga Christianos, crudelitátis detrectábant ministérium, et per aras idólis consecrátas juráre horrébant, præcipiti ira férvidus, ob neglecta impéria, décimum quemque ex eádem legió ne gládio feríri jubet, quo facílius céteri regis præceptis térriti, metu céderent. Reintegratisque mandátis, edícit ut réliqui in persecutió nem Christianórum cogantur. Ubi vero ad Thebæos denuntiátio iteráta pervénit, vociferátio passim in castris exóritur affirmántium nunquam se ulli in hæc tam sacrilega ministéria cessúros. His compertis, Maximianus ímperat ut íterum décimus eórum morti detur; réliqua vero se mílitum multitúdo mútuo sermó ne instigábat ut in tam præcláro ópere persisterent. Itaque Maximiano insánia adhuc æstuanti mandáta mittunt sicut pia ita et fórtia: Mílites sumus, Imperátor, tui, sed tamen servi, quod líbere confitémur, Dei; tibi mílítiam debémus, illi innocéntiam. Cum obstinátos in fide Christi cérneret Maximianus, despérans gloriósam eórum constantiam posse revocáre, una

senténtia interfici omnes jubet. Hac igitur crudelitáte immaníssimi tyranni confectus est ille Sanctórum pópulus qui rem præsentem contempsit ob spem futurórum.

R. Dixérunt ad eos : Fácite secundum verbum regis, et vivétis. Et † Dixérunt : * Moriámur omnes in simplicitáte nostra. ✕. Invicem se hortabantur mori fórtiter, dicentes : Dóminus Deus adspíciet veritátem. * Moriámur. Glória. † Dixérunt. *I. Mach. 2. II. Mach. 7.*

Oratio Brev. Nem.

ADSIS, quæsumus, Dómine, nobis supplicántibus quorum vita militía est super terram, et sicut beáto Maurício et Sóciis ejus hanc tribuisti grátiam, ut pótius tibi quam regi temporáli militárent, eamdem nobis concéde fortitúdinem, ut, tanquam boni mílites Christi, inimícos salútis nostræ semper vincámus; Per Dóminum.

Vesperæ de eodem.

DIE XXIII.

S. THECLÆ,

VIRGINIS ET MARTYRIS.

Simplex.

Lectio I. Cap. 2.

Ex Daniéle Prophéta.

ET respondens Dániel coram rege, ait : Mystérium, quod

rex intérogat, sapientes, magi, aríoli et arúspices néqueúnt indicáre regi. Sed est Deus in cælo revélans mystéria, qui indicávit tibi, Rex Nabuchodónosor, quæ ventúra sunt in novíssimis temporibus. Tu, Rex, vidébas, et ecce quasi státua una grandis : státua illa magna, et státua sublímis stabat contra te, et intúitus ejus erat terríbilis. Hujus státuæ caput ex auro óptimo erat, pectus autem et bráchia de argento, porro venter et fémora ex ære : tibiæ autem férreæ; pedum quædam pars erat férrea, quædam autem fíctilis. Vidébas ita, donec abscissus est lapis de monte sine mánibus : et percussit státuam in pédibus ejus férreis, et fíctilibus, et commínuit eos. Tunc contríta sunt páriter ferrum, testa, æs, argentum et aurum, et redacta quasi in favillam æstivæ árææ, quæ rapta sunt vento : nullusque locus inventus est eis : lapis autem qui percússerat státuam, factus est mons magnus, et implévit universam terram. Hoc est sómnum.

R. Sapientía et fortitúdo Dómini sunt; * Et ipse mutat témpora et ætates; transfert regna atque constituit. ✕. Dóminus dominórum est, et Rex regum. * Et. *Dan. 2. Apoc. 17.*

Lectio II.

INTERPRETATIONEM quoque ejus dicémus coram te, Rex.

Tu rex regum es : et Deus cœli, regnum, et fortitudinem, et imperium, et gloriâ dedit tibi : tu es ergo caput aureum. Et post te consurget regnum aliud minus te argenteum : et regnum tertium aliud æreum, quod imperabit universæ terræ. Et regnum quartum erit velut ferrum. Quomodo ferrum comminuit, et domat omnia, sic comminuet, et conteret omnia hæc. Porro quia vidisti pedum et digitorum partem testæ figuli, et partem ferream : regnum divisum erit, quod tamen de plantario ferri oriatur, secundum quod vidisti ferrum mistum testæ ex luto. Et digitos pedum ex parte ferreos, et ex parte fictiles, ex parte regnum erit solidum, et ex parte contritum. Quod autem vidisti ferrum mistum testæ ex luto, commiscebuntur quidem humano semine, sed non adhærebunt sibi, sicuti ferrum misceri non potest testæ. In diebus autem regnorum illorum suscitabit Deus cœli regnum, quod in æternum non dissipabitur, et regnum ejus alteri populo non tradetur : comminuet autem, et consumet universa regna hæc : et ipsum stabit in æternum.

¶ Judicium sedebit, ut auferatur potentia, et dispareat usque in finem ; regnum autem et potestas detur populo Sanctorum Altissimi, cujus regnum sempiternum est.

* Et omnes reges servient ei et obediunt. γ. Factum est regnum hujus mundi, Domini nostri et Christi ejus, et regnabit in sæcula seculorum.* Et. *Dan. 7. Apoc. 11.*

Lectio III.

THECLA, Esauriana, seu, ut alii volunt, Lycaonia, philosophia liberalibusque disciplinis fuerat erudita, et mira facultate dicendi eminebat. Sed audito apud Iconium Paulo, non in persuasibilibus humanæ sapientiæ verbis stultitiam crucis prædicante, meliorem didicit doctrinam, quam toto animo amplexa est : quin eodem suadente, virginem se Deo consecravit. Parentibus autem ad nuptias volentibus eam trudere, omnibus pro Christo relictis, aufugere coacta est. Sponso ipso accusante quod Christiana esset, damnata est ad bestias. Quæ, cum sævo objecta fuisset leoni, majestate pudoris ita feram irruentem continuit, ut quæ ad corpus ejus dilacerandum eruperat, pedes ejus blandiens et prostrata lambere, oblita furoris. Iterum atque iterum variis temporibus fidem confessa, ignem aliaque pericula pariter incolumis evasit ; sicque martyrii palmam pluries merita, in pace tamen apud Seleuciam obiisse dicitur. Eam in sexu muliebri primam Dominicæ passionis imitatricem sancti

Patres certatim prædicant, et miris laudibus extollunt.

R. Factus est Dominus fir-
mamentum meum; * Liberá-
vit me, quia complacui ei: †
Secundum munditiam manu-
um mearum reddet mihi. †.
Deus præcinxit me virtute, et
pósuit immaculatam viam
meam. * Liberávit. Glória. †
Secundum. II. Reg. 22. Ps. 17.

Oratio Brev. Paris.

PÆSTA, quæsumus, omni-
potens Deus, ut præclára vir-
go Thecla, sicut in muliebri
sexu prima Domínicæ passió-
nis imitátrix enituit, ita fra-
gilitáti nostræ promptam se
adjutricem exhibeat; Per Dó-
minum.

Vesperæ de Feria.

DIE XXIV.

S. QUINTINI,

MARTYRIS CASTITATIS.

Simplex.

Lectio I. Cap. 3.

Ex Daniéle Prophéta.

NABUCHODONOSOR præcepit
ut adducerentur Sidrach,
Misach et Abdénago: qui
confestim adducti sunt in
conspectu regis. Pronuntians-
que Nabuchodónosor rex, ait
eis: Veréne, Sidrach, Misach
et Abdénago, deos meos non
cólitis, et státuam áuream,

quam constitui, non adorá-
tis? Quod si non adoravéritis,
mittémini in fornacem ignis
ardentis: et quis est deus, qui
erípiet vos de manu mea? Res-
pondentes Sidrach, Misach
et Abdénago, dixerunt regi
Nabuchodónosor: Deus nos-
ter, quem cólimus, potest erí-
pere nos de camíno ignis ar-
dentis, et de manibus tuis, o
Rex, liberáre. Quod si no-
lúerit, notum sit tibi, Rex,
quia deos tuos non cólimus,
et státuam áuream, quam ere-
xisti, non adorámus. Tunc Na-
buchodónosor replétus est
furóre: et præcepit ut succen-
derétur fornax séptuplum
quam succendi consuéverat.
Et viris fortíssimis de exérci-
tu suo jussit ut ligátis pédibus
Sidrach, Misach et Abdénago
míttèrent eos in fornacem ig-
nis ardentis. Et confestim viri
illi missi sunt in médium for-
nácis ignis ardentis. Porro vi-
ros illos, qui míserant Si-
drach, Misach et Abdénago,
interfécit flamma ignis. Viri
autem hi tres cecidérunt in
médio camíno ignis ardentis
colligáti; et ambulábant in
médio flammæ laudantes De-
um, et benedícentes Dómino.

R. Oculi Dómini super jus-
tos, et * Aures ejus in preces
eórum; vultus autem Dómini
super facientes mala. †. Im-
mittet Angelus Dómini in cir-
cúitu tíméntium eum; et erí-
piet eos. * Aures. I. Petr. 3.
Ps. 33.

Lectio II.

STANS autem Azarías orávit sic : Peccávimus , et iníque égimus recedentes a te , Dómine : et delíquimus in ómnibus. Omnia ergo , quæ induxisti super nos , et universa , quæ fecisti nobis , in vero iudicio fecisti. Et nunc non pòssumus aperíre os : confúsió et oppróbrium facti sumus servis tuis , et his qui colunt te. Non est in témpore hoc princeps , et dux , et prophéta , neque holocaustum , neque sacrificium , neque oblátio , neque incensum , neque locus primitiárum coram te , . ut possímus inveníre misericórdiam tuam : sed in ánimo contríto et spírítu humilitátis suscipiámur. Sicut in holocausto arietum , et taurórum , et sicut in míllibus agnórum pinguum , sic fiat sacrificium nostrum in conspectu tuo hódie , ut pláceat tibi : quóniam non est confúsió confidentibus in te.

R. Ne confundas nos : sed fac nobiscum juxta mansuetudinem tuam , et * Erue nos in mirabílibus tuis , et da glóriam nómini tuo , Dómine. V. Nunc séquimur te in toto corde , et timémus te , et quærimus faciém tuam. * Erue. Dan. 3.

Lectio III.

Brev. Meld. 1640 et 1672.
Martyrol. Paris. Gall. Christ.

tom. VIII. col. 1626. Godesc. etc.

QUINTINUS ex nobili apud Meldenses prosápia oriundus , in pago Parisiáco natus est , videlicet juxta quosdam , apud Villam-Parisiácam , quæ nunc est diocéseos Meldensis. Adolescens in séculi militiam conscriptus , Christo militáre non désiit ; ea nempe réddere Cæsari quæ Cæsaris erant sollicitus , et débitum divínæ majestáti cultum religiósamente repéndere. Cum autem apud Turonenses , et quidem insignióribus munéribus perfungens , in exércitu Gunthramni príncipis militáret , ad ilícitos amóres ab impúdica muliere fuit sollicitátus ; sed Joséphum Patriarcham imitátus , fórtiter réstitit , verus Christi miles ; unde paulo post , ad Agneriscum amnem , mulieris ejusdem insídiis occísus , dúplicem virginitátis et martyrii palmam reportávit.

R. Dómine , qui habes sanctam sciéntiam , manifeste tu scis quia cum a morte possem liberári , * Propter timórem tuum † Libenter hæc pátiar. V. Restítue ánimam meam a malignitáte eórum , a leónibus únicam meam. * Propter. Glória. † Libenter. II. Mach. 6. Ps. 34.

Oratio Brev. Paris.

OMNIPOTENS sempiternæ Deus , cujus múnere beátus Quintínus Virginitátis et Mar-

tyrii palmam adeptus est : da nobis ejus précibus , ita corporis ac mentis servare puritatem , ut nec blanditiis carnis , nec malorum acerbitate vincamur ; Per Dominum.

Vesperæ de Feria.

DIE XXV.

S. FIRMINI,

EPISCOPI ET MARTYRIS.

Simplex.

Lectio I. Cap. 3.

Ex Daniële Prophéta.

ANGELUS autem Domini descendit cum Azaría , et sociis ejus in fornacem : et excussit flammam ignis de fornace , et fecit médium fornacis quasi ventum roris flantem , et non tétigit eos omnino ignis. Tunc hi tres quasi ex uno ore laudabant , et glorificabant , et benedicébant Deum in fornace. Tunc Nabuchodónosor rex obstupuit , et surrexit propere , et ait optimatibus suis : Nonne tres viros misimus in médium ignis compeditos ? Qui respondentes regi , dixerunt : Vere , Rex. Respondit , et ait : Ecce ego video quatuor viros solutos , et ambulantes in medio ignis , et nihil corruptionis in eis est , et species quarti similis Filio Dei.

R. Verbum regis immutaverunt , * Et tradiderunt corpora sua ne servírent idólis ,

Autumnalis.

et ne adorarent omnem deum , excepto Deo suo. ⁊. Per fidem vicérunt regna , operáti sunt justítiam , exstinxérunt ímpetum ignis. * Et. *Dan. 3. Hebr. 11.*

Lectio II.

TUNC accessit Nabuchodónosor ad óstium fornacis ignis ardentis , et ait : Sidrach , Misach et Abdénago , servi Dei excelsi , egredimini , et veníte. Statimque egressi sunt de medio ignis. Et congregáti sátrapæ , et magistrátus , et júdices , et potentes regis , contemplabantur viros illos , quóniam nihil potestátis habuisset ignis in corpóribus eórum , et capillus cápitis eórum non esset adustus , et sarábala eórum non fuissent immutáta , et odor ignis non transisset per eos. Et erumpens Nabuchodónosor , ait : Benedictus Deus eórum , Sidrach videlicet , Misach et Abdénago , qui misit Angelum suum , et éruit servos suos , qui crediderunt in eum : et verbum regis immutaverunt , et tradiderunt corpora sua ne servírent idólis , et ne adorarent omnem deum , excepto Deo suo. A me ergo pósitum est hoc decretum , ut omnis pópulus , tribus et lingua , quæcumque locúta fúerit blasphemiam contra Deum Sidrach , Misach et Abdénago , dispereat , et domus ejus vastétur : neque enim est álius Deus , qui

possit ita salvare. Tunc rex promovit Sidrach, Misach et Abdénago in provincia Babylonis.

R. Paveant omnes habitantes in universa terra Deum Daniélis : quia * Ipse est Salvator, faciens signa et mirabilia in terra. V. Quis accusabit adversus electos Dei? Deus qui justificat, quis est qui condemnet? * Ipse. *Dan. 14. Rom. 8.*

Lectio III.

Brev. Paris.

FIRMINUS Pompelonensis, a beato Honesto sancti Saturnini Episcopi Tolosani discipulo baptizatus, et a sancto Honorato Saturnini successore Episcopus ordinatus, primum Aginnensibus, deinde Arvernibus, tum Andibus, ac demum Bellóvacis Evangelium predicasse traditur. Inde Ambianos venit, ubi post varia tormenta capite truncatus est in persecutione Maximiani, Rictiovaro praeside. Elapsis quatuor fere seculis, regnante Theodorico Clodovæi junioris et Bathildis reginae filio, sanctus Salvius Ambianensis Episcopus, revelato sibi divinitus Martyris sepulcro, eductum inde corpus in urbem, cum hymnis et canticis, solemnique concursu populi vestimenta sua substernentis, transtulit, atque in crypta Basilicæ quam ipse construere curaverat, et

quæ Cathedralis est, honorifice condidit; sepulcrumque auro et gemmis ornavit.

R. Per patientiam curramus ad propositum nobis certamen, * Adspicientes in auctorem fidei, et consummatorem Jesum. V. Lætati sumus pro diebus, quibus nos humiliasti, * Adspicientes. Glória. * Adspicientes. *Hebr. 12. Ps. 89.*

Oratio Brev. Paris.

DEUS, qui per beatum Firminum Martyrem tuum atque Pontificem, infideles populos de tenebris ad lucem veritatis venire tribuisti; da nobis, ejus intercessionem, in fide stabiles, et a spe Evangelii quod predicavit, immobiles permanere; Per Dominum.

Vesperæ de sequenti.

DIE XXVI.

S. CORNELII,

PAPE ET MARTYRIS.

Semiduplex.

Lectio I. Cap. 4.

Ex Danièle Propheta.

SOMNIUM vidi ego Nabuchodonosor rex : tu ergo Baltasar, interpretationem narra festinus; quia omnes sapientes regni mei non queunt solutionem edicere mihi; tu autem potes, quia spiritus deorum sanctorum in te est.

Respondit Baltassar, et dixit : Dómine mi, sómnum his qui te odérunt, et interpretátio ejus hóstibus tuis sit. Arborem, quam vidisti sublímem, atque robustam, cujus altitúdo pertingit ad cœlum, et aspectus illius in omnem terram : et rami ejus pulchér- rimi, et fructus ejus nímius, et esca ómnium in ea, subter eam habitantes béstie agri, et in ramis ejus commorantes aves cœli : Tu es rex, qui magnificátus es, et invaluisti : et magnitúdo tua crevit, et pervénit usque ad cœlum, et potestas tua in términos univ- ersæ terræ.

R. Supérbia cordis tui éx- tulit te, exaltantem sólium tuum ; * Qui dicis in corde tuo : Quis détrahet me in ter- ram. ✕. Si exaltátus fúeris ut áquila, et si inter sídera posueris nidum tuum ; inde détraham te ; * Qui dicis. *Abdiæ, I.*

Lectio II.

Quoniam autem vidit rex Vígi- lem et Sanctum descéndere de cœlo, et dícere : Succídite arborem, et dissipáte illam, áttamen germen radícum ejus in terra dimíttite, et vinciá- tur ferro et ære in herbis fo- ris et rore cœli conspergátur, et cum feris sit pábulum ejus, donec septem témpora mu- tentur super eum ; Hæc est interpretátio senténtiæ Al- tissimi, quæ pervénit super dñm meum regem : Ejí- cient te ab homínibus, et

cum béstis ferisque erit ha- bitátio tua, et scœnum ut bos cómedes, et rore cœli infun- dèris : septem quoque tém- pora mutabuntur super te, donec scias quod dominétur Excelsus super regnum hó- minum, et cuicumque volúe- rit, det illud.

R. Quando elevátum est cor Nabuchodónosor, depó- situs est de sólio regni sui ; * Donec cognósceret quod potestátem habéret Altíssi- mus in regno hóminum ; et quemcumque volúerit, susci- tábit super illud. ✕. Glória ejus ablata est, et a filiis hó- minum ejectus est, et cor ejus cum béstis pósitum est ; * Donec. *Dan. 5.*

Lectio III.

Ex Epístola sancti Cypriáni Epíscopi et Mátyris ad An- toniánum.

F ACTUS est Cornélius Epís- copus de Dei et Christi ejus judício, de Clericórum pene ómnium testimónio, de ple- bis quæ tunc ádfuit suffrá- gio, et de Sacerdótum anti- quórum et bonórum virórum collégio, cum nemo ante se factus esset, cum Fabiáni lo- cus, id est, cum locus Petri et gradus cáthedræ sacerdo- tális vacáret. Quanta in ipso suscepto Episcopátu suo vir- tus ! quantum robur ánimi, qualis sírmitas fídei, quod nos simplici corde et perspi- cere pénitus et laudáre de- bémus, seditasse intrépídum

Romæ in sacerdotáli cáthedra, eo témpore cum tyrannus infestus Sacerdótibus Dei fanda atque infanda comminarétur! Nonne hic summo virtútis et fidei testimonio prædicandus est? (Rexit Ecclésiám annis duóbus sub Gallo et Volusiáno, et ipsi pro Christo martyrium passo successit Lúcius.)

R. Gloriámur in tribulatióibus, scientes quod tribulatio patiéntiam operátur, patiéntia autem probatióem, probatio vero spem; * Spes autem non confundit. ✠. Deosubjecta esto, ánima mea; quóniam ab ipso patiéntia mea, et spes mea in Deo est. * Spes. Glória. * Spes. Rom. 5. Ps. 61.

Oratio Brev. Petroc.

OMNIPOTENS, sempiternus Deus, qui beátum Cornélium Apostólici principátus prærogativa conspicuum, martyrii coróna illustriórem effecisti; da Ecclesiæ tuæ ejus patrocíniis adjuvári, cujus labóribus exculta flóruit et sanguine crevit fœcundata; Per Dóminum.

Vesperæ de sequenti.

DIE XXVII.

SS. COSMÆ

ET

DAMIANI, MARTYRUM.

Semiduplex.

Lectio I. Cap. 5.

Ex Daniéle Prophéta.

BALTASSAR rex fecit grande

convívium optimátibus suis mille: et unusquisque secundum suam bibébat ætatem. Præcepit ergo jam temulentus ut afferrentur vasa áurea et argentea, quæ adsportáverat Nabuchodónosor pater ejus de templo quod fuit in Jerúsalem. Tunc alláta sunt: et bibérunt in eis rex, et optimátes ejus, uxóres et concubínæ illíus. Bibébant vinum, et laudábant deos suos áureos, et argenteos, et æreos, férreos, ligneosque, et lapídeos. In eádem hora apparuerunt dígití, quasi manus hóminis scribeñtis contra candelábrum in superficie parietis aulæ régiæ: et rex adspiciébat artículos manus scribeñtis. Tunc fácies regis commutáta est, et cogitatiónes ejus conturbábant eum: et compáges renum ejus solvebantur, et génua ejus ad se ínvicem collidebantur.

R. Sit nomen Dómini benedictum: quia dat sapiéntiam sapiéntibus, et sciéntiam intelligéntibus disciplínam; * Ipse revélat profunda et abscondita, et novit in ténebris constitúta; et lux cum eo est. ✠. Dei sapiéntiam quæ abscondita est, nemo príncipum hujus séculi cognóvit: nobis autem revelávit Deus. * Ipse. Dan. 2. I. Cor. 2.

Lectio II.

INTRODUCTUS Dániel ait coram rege: Adversum Dóminatórem cœli elevátus es: et

vasa domus ejus allata sunt coram te : et tu, et optimates tui, et uxores tuæ, et concubinae tuæ vinum bibistis in eis : deos quoque argenteos, et aureos, et æreos, ferreos, ligneosque, et lapideos, qui non vident, neque audiunt, neque sentiunt, laudasti ; porro Deum, qui habet flatum tuum in manu sua, et omnes vias tuas, non glorificasti. Idcirco ab eo missus est articulus manus, quæ scripsit hoc, quod exaratum est. Hæc est autem scriptura, quæ digesta est : Mane, Thecel, Phares. Et hæc est interpretatio sermonis ; Mane : numeravit Deus regnum tuum, et complèvit illud. Thecel : appensus es in statéra, et inventus es minus habens. Phares : divisum est regnum tuum, et datum est Medis, et Persis. Eadem nocte interfectus est Baltassar rex Chaldaeus. Et Darius Medus successit in regnum, annos natus sexaginta duos.

¶. Sapiéntia et fortitúdo Dómini sunt, * Et ipse mutat témpora et ætates : transfert regna atque constituit. ✠. Dóminus dominórum est, et Rex regum : * Et. *Dan. 2. Apoc. 17.*

Lectio III.

Brev. Paris. et S. Greg. Tur.

COSMAS et **Damiánus** fratres, natione Arabes, arte medici, Mártýres celebérrimi, anti-

quissimo ritu coluntur, tum in Occidentáli, tum in Orientáli Ecclésia. In urbe Cyro, in quam primum eórum corpóra creduntur fuisse translata, célebrem sub eórum nómine erectam fuisse Basílicam testis est século quinto Theodórus, ejusdem urbis Episcopus. Eórum nómina Cánoni Missæ inserta sunt. Ipsórum autem reliquiæ, témpore Alexandri Papæ tértii, in Gállias fuérunt adsportatæ ; ex quibus áliqua pars in ecclésia San-Germanensi prope Résbacum, ab omni vetustate adservata, ex auctoritate Jacóbi Benigni Bossuétii, Meldensis Episcopi, cum summa reveréntia colitur ; ália autem habétur pórtio in ecclésia San-Medardensi prope Domnum-Martínus.

¶. Nolite gaudere, quia spíritus vobis subjiciuntur : * Gaudete autem † Quod nómina vestra scripta sunt in cœlis. ✠. Dabo vos in nomen, et in laudem ómnibus pópulis terræ. * Gaudète. Glória. † Quod. *Luc. 10. Soph. 3.*

Oratio Brev. Senon.

DEUS, mirábilis hóminum sospitátor, opem tuam implorámus humíliter ; ut, qui méritis beatórum Cosmæ et Damiáni corpóra sanas a morbis, eorundem intercessióne serves ánimas nostras a vítiis ; Per Dóminum.

Vesperæ de eodem Festo.

DIE XXVIII.

DE FERIA.

Lectio I. Cap. 6.

Ex Daniéle Prophéta.

PLACUIT Dáριο, et constituit super regnum sátrapas centum viginti, ut essent in toto regno suo. Et super eos principes tres, ex quibus Dániel unus erat: ut sátrapæ illis redderent ratiónem, et rex non sustineret moléstiam. Igitur Dániel superabat omnes principes et sátrapas: quia spíritus Dei ámplior erat in illo. Porro rex cogitabat constituere eum super omne regnum: unde principes et sátrapæ quærébant occasiõem ut invenírent Daniéli ex látere regis: nullamque causam, et suspiciõem reperire potuerunt, eo quod fidélis esset, et omnis culpa et suspicio non invenirétur in eo. Dixérunt ergo viri illi: Non inveniémus Daniéli huic áliquam occasiõem, nisi forte in lege Dei sui. Tunc principes et sátrapæ subripuerunt regi, et sic locúti sunt ei: Dáři rex, in æternum vive: consílium iniérunt omnes principes regni tui, ut decretum imperatórium éxeat et edictum: ut omnis qui petierit áliquam petitiõem a quocumque deo, et hómine, usque ad triginta dies, nisi a te, Rex, mittátur in lacum leónum.

R. Observábit peccátor iustum, et stridébit super eum déntibus suis. * Dóminus autem irridébit eum, quóniam prospicit quod véniet dies ejus. *Ÿ*. Multæ sunt insidiæ dolósi. Bona enim in mala convertens insidiátur, et in electis impónet máculam; * Dóminus. *Ps. 36. Eccli. II.*

Lectio II.

PORRO rex Dárius propósuit edictum, et státuit. Quod cum Dániel comperisset, id est, constitútam legem, ingressus est domum suam: et fenestris apertis in coenáculo suo contra Jerúsalem tribus temporibus in die flectébat génua sua, et adorábat, confitebaturque coram Deo suo, sicut et ante fácere consueverat. Viri ergo illi curiosius inquirentes invenérunt Daniélem orantem, et obsecrantem Deum suum. Et accedentes locúti sunt regi super edicto: Rex, numquid non constituisti, ut omnis homo, qui rogáret quemquam de diis et homínibus, usque ad dies triginta, nisi te, Rex, mitterétur in lacum leónum? Ad quos respondens rex, ait: Verus est sermo, juxta decretum Medórum atque Persárum, quod prævaricári non licet. Tunc respondentes dixerunt coram rege: Dániel de filiis captivitátis Juda, non curávit de lege tua, et de edicto quod constituisti: sed tribus temporibus per diem

orat obsecratione sua. Quod verbum cum audisset rex, satis contristatus est: et pro Daniéle posuit cor ut liberaret eum, et usque ad occasum solis laborabat ut erueret illum.

¶. Omnes qui ostendunt servis tuis mala, confundantur in omnipotentia tua, et robur eorum coneratur; * Et sciant quia tu es Dominus Deus solus. ✕. Immitte timorem tuum super gentes quæ non exquisierunt te, ut enarrent magnalia tua, * Et. *Dan. 3. Eccli. 36.*

Lectio III.

VIRI autem illi intelligentes regem, dixerunt ei: Scito, Rex, quia lex Medorum atque Persarum est ut omne decretum, quod constituerit rex, non liceat immutari. Tunc rex præcepit: et adduxerunt Daniélem, et miserunt eum in lacum leonum. Dixitque rex Daniéli: Deus tuus, quem colis semper, ipse liberabit te. Allatusque est lapis unus, et positus est super os laci; quem obsignavit rex annulo suo, et annulo optimatum

suorum, ne quid fieret contra Daniélem. Et abiit rex in domum suam, et dormivit incenatus, insuper et somnus recessit ab eo. Tunc rex primo diluculo consurgens, festinus ad lacum leonum perrexit: appropinquansque lacui Daniélem voce lacrymabili inclamavit, et affatus est eum: Dániel, serve Dei viventis, Deus tuus, cui tu servis semper, putasne valuit te liberare a leonibus? Et Dániel regi respondens ait: Rex, in æternum vive: Deus meus misit Angelum suum, et conclusit ora leonum, et non nocuerunt mihi: quia coram eo iustitia inventa est in me: sed et coram te, Rex, delictum non feci.

¶. Captabunt in animam justi et sanguinem innocentem condemnabunt: et reddet illis Dominus iniquitatem ipsorum: et * In malitia eorum disperdet illos Dominus Deus noster. ✕. Scimus qui dixit: Mihi vindicta, et ego retribuam. * In. *Glória. * In. Ps. 93. Hebr. 10.*

Vesperæ de sequenti.

DIE XXIX.

IN FESTO S. MICHAELIS

ET

OMNIUM ANGELORUM.

SOLEMNE-MINUS.

IN I VESPERIS.

Psalmi juxta diem Hebdomadæ, et sic ad Completorium.

Ant. 1. D. Vidi Dóminum sedentem super sólum excelsum et elevátum : et ea quæ sub ipso erant, replébant templum. *Is. 6.*

Ant. 2. D. Séraphim stabant super illud, et clamábant alter ad álterum : Sanctus, Sanctus, Sanctus Dóminus Deus exercítuum. *Is. 6.*

Ant. 3. a. Eleváta est glória Dómini désuper Cherub : et sónitus alárum Chérubim audiebátur, quasi vox Dei omnipotentis loquentis. *Ezech. 10.*

Ant. 5. C. De throno procedébant fúlgura, et voces, et tonítrua : et septem lámpades ardentes ante thronum, qui sunt septem Spíritus Dei. *Apoc. 4.*

Ant. 6. F. Thronus ejus flammæ ignis : míllia míllium ministrábant ei, et decies míllies centéna míllia adsistébant ei. *Dan. 7.*

Capitulum. Coloss. 1.

IN Christo cóndita sunt uni-

versa in cœlis, et in terra, visibília, et invisibília, sive Throni, sive Dominationes, sive Principátus, sive Potestates : ómnia per ipsum et in ipso creáta sunt.

Hymnus. S. V.

CHRISTE, qui sedes Olympe,
Par Deo Patri Deus,
Quem tremiscunt intuendo
Purióres Spíritus :
Da choris junctos supernis
Ore puro psállere.

Inter omnes fulguranti
Ense victor émicat,
Qui draconis insolentem
Cónfudit feróciã,
De polo trusit rebellem
In profunda tártara.

Dum superbum sternis
hostem,

Intonas : Quis ut Deus ?
Obstináta turba præceps
Clade commúni ruit :
Te triumphantem coronat
Qui tibi dat vincere.

Tu decóre vincis omnes,
Alitum pulchérime :
Adsides Deo propinquus,
Cónsili tu párticeps :
Astra claudis et reclúdis,

Nosque sistis Júdici.

Te tremendo poscat æger
Mortis in luctamine,
Advolantis effícacem
Séntiet præsentiam:
Córporis vinclis solútum
Mox ad astra transféreres.

Sit supréma laus Parenti,
Qui creávit ómnia;
Filióque qui redémit
Morte nos volens sua:
Par et illi, cujus almo
Confovémur hálitu.

Amen.

†. Benedícite, ómnia ópe-
ra Dómini, Dómino: R). Be-
nedícite, omnes Angeli Dó-
mini, Dómino. *Dan. 3.*

Ad Magnificat. Ant. 8. G.
Quis pósuit mensúras terræ?
vel quis tetendit super eam
líneam, cum me laudárent
simul astra matutína, et ju-
bilárent omnes filii Dei?
Job, 38.

AD OFFICIUM NOCT.

*Invit. Deum cui minis-
trant Angeli, * Veníte, ado-
rémus. Matth. 4.*

Hymnus.

DESCENDE cœlo: te, Mi-
chael, vocat,
Quæ festa terris te celebrat,
dies:

Ne vota spernas, christiánæ
Grande decus columenque
gentis.

Adstas minister tu propior
throno,

Mandata promptus Númi-
nis éxsequi;

Te, qui fidéles perstitére

Aligeri, duce gloriantur.

Illustre sit fas dícere præ-
lium;

Sit fas triumpho pláudere
nóbili,

Quo dissipáti perduelles

Æthereis cecidére regnis.

Movére bellum pacis in átriis

Insánus audet Lúcifer, et

polo

Parare dementes ruínas,

Atque Dei solio minári.

Invádit idem mille acies fu-
ror;

Fervent tumultu sídera;
grándium

Dux magne bellórum, To-
nantis

Jura datur tibi vindicáre.

Hac fulguranti voce, Quis ut
Deus?

Pellis superbos; strénuus
ímpias

Vexáre turmas, et rebelles

Perpetuis religáre flammis.

Sit laus Parenti qui creat An-
gelos;

Per quem triumphant, gló-
ria Filio;

Quo roborantur, laus sit
almo

Spiritui; tribus una sem-
per.

Amen.

*Psalmi de Dominica, et sic
ad ceteras Horas.*

IN I NOCTÚRNO.

Ant. 1. a. Ecce Míchael
unus de princípibus primis
venit in adjutórium meum.

Dan. 10.

Ant. 8. c. Missus est Ange-
lus Gábriel a Deo ad vírgi-

nem; et nomen virginis, María. *Luc. 1.*

Ant. 3. a. Exaudiatæ sunt preces Tobíæ et Saræ: et missus est Angelus Dómini sanctus Ráphael, ut curáret eos. *Tob. 3.*

✠. Immittet Angelus Dómini in circúitu timéntium eum; R̃. Et erípiet eos. *Ps. 33.*

Lectio 1. Cap. 5.

Ex Libro Apocalypsis beáti Joannis Apóstoli.

VIDI: et ecce in médio throni et quátuor animálium, et in médio seniórum, Agnum stantem tanquam occísus, habentem córnua septem, et óculos septem; qui sunt septem spíritus Dei, missi in omnem terram. Et vidi, et audívi vocem Angelórum multórum in circúitu throni, et animálium, et seniórum: et erat númerus eórum mília mília, dicéntium voce magna: Dignus est Agnus, qui occísus est, accipere virtutem, et divinitátem, et sapiéntiam, et fortitúdinem, et honórem, et glóriam, et benedictiónem.

R̃. Currus Dei decem mília multiplex, mília lætántium: * Dóminus in eis, in sancto. ✠. Omnes Angeli dicentes: Benedictio et cláritas et sapiéntia et gratiárum áctio, honor et virtus et fortitúdo Deo nostro in sécula seculórum, Amen. * Dóminus. *Ps. 67. Apoc. 7.*

Lectio II. Cap. 8.

ET vidi septem Angelos stantes in conspectu Dei: et datæ sunt illis septem tubæ. Et álius Angelus venit, et stetit ante altáre, habens thuríbulum áureum; et data sunt illi incensa multa, ut daret de oratióibus sanctórum ómnium super altáre áureum, quod est ante thronum Dei. Et ascendit fumus incensórum de oratióibus sanctórum de manu Angeli coram Deo. Et accépit Angelus thuríbulum, et implévit illud de igne altáris, et misit in terram, et facta sunt tonítrua, et voces, et fúlgura, et terræ motus magnus. Et septem Angeli qui habébant septem tubas, præparavérunt se ut tuba cánerent.

R̃. Dixit Ráphael ad Tobíam: * Quando orábas eum lacrymis, et sepeliébas mórtuos, ego obtuli oratióem tuam Dómino. ✠. Oratióes tuæ et eleemósynæ tuæ ascenderunt in memóriam in conspectu Dei: * Quando. *Tob. 12. Act. 10.*

Lectio III. Cap. 10.

ET vidi álium Angelum fortem, descendentem de cœlo, amictum nube, et iris in cápite ejus, et fácies ejus erat ut sol, et pedes ejus tanquam columnæ ignis: et habébat in manu sua libellum apertum: et pósuit pedem suum dextrum super mare, sinistrum autem super terram: et

clamávit voce magna, quem-
admodum cum leo rugit. Et
cum clamasset, locúta sunt
septem tonítrua voces suas.
Et cum locúta fuissent sep-
tem tonítrua voces suas, ego
scriptúrus eram : et audívi vo-
cem de cœlo dicentem mihi :
Signa quæ locúta sunt septem
tonítrua, et noli ea scríbere.
Et Angelus, quem vidi stan-
tem super mare et super ter-
ram, levávit manum suam ad
cœlum : et jurávit per Viven-
tem in sécula seculórum, qui
creávit cœlum, et ea quæ in
eo sunt; et terram, et ea quæ
in ea sunt; et mare, et ea
quæ in eo sunt : Quia tem-
pus non erit ámplius : sed in
diébus vocis séptimi Angeli,
cum cœperit tuba cánere,
consummábitur mystérium
Dei, sicut evangelizávit per
servos suos Prophétas.

¶. In témpore illo, consur-
get Mícheael princeps magnus,
qui stat pro filiis Israel : et
veniet tempus quale non fuit
ab eo ex quo gentes esse cœ-
perunt. * Et in témpore illo,
† Salvábitur pópulus tuus om-
nis qui inventus fúerit scrip-
tus in libro. †. Jurávit An-
gelus per Viventem in sécula
seculórum : Quia tempus non
erit ámplius. * Et. Glória. †
Salvábitur. *Dan. 12. Apoc. 10.*

IN II NOCTURNO.

*Ant. 8. G. Nemo est adjú-
tor meus, nisi Mícheael prin-
ceps vester. Dan. 10.*

Ant. 3. a. Ecce Gábriel locú-

tus est mihi : Septuaginta
hebdómades abbreviátæ sunt,
ut impleátur visio, et ungatur
Sanctus sanctórum. *Dan. 9.*

*Ant. 1. f. Dixit Tobíæ Rá-
phael Angelus : Ego sanum
ducam, et sanum tibi redú-
cam fílium tuum. Tob. 5.*

†. Angelis suis Deus man-
dávít de te, ¶. Ut custódi-
ant te in ómnibus viis tuis. *Ps. 90.*

Lectio IV.

Ex sancto Gregório Papa.
Hom. 34 in Evang. n. 7.

NOVEM Angelórum órdenes
esse, testante sacro elóquio,
scimus : Angelos, Archánge-
los, Virtútes, Potestátes, Prin-
cipátus, Dominationes, Thro-
nos, Chérubim atque Séra-
phim. Esse namque Angelos
et Archángelos pene omnes
sacri elóquii páginæ testan-
tur, Chérubim vero atque Sé-
raphim sæpe, ut notum est,
libri Prophetárum loquun-
tur. Quátuor quoque órdi-
num nómina Paulus Apóstol-
us ad Ephésios enúmerat,
dicens : Supra omnem Prin-
cipátum, et Potestátem, et
Virtútem, et Dominationem.
Qui rursus ad Colossenses
scribens, ait : Sive Throni,
sive Dominationes, sive Prin-
cipátus, sive Potestátes. Dum
ergo illis quátuor quæ ad
Ephésios dixit, conjunguntur
Throni, quinque sunt órdi-
nes : quibus dum Angeli et
Archángeli, Chérubim atque
Séraphim adjuncta sunt, pro-

cul dúbio novem esse Angelórum órdenes inveniuntur.

R). Benedictus es * Qui sedes super Chérubim; ✕. Laudábilis, et superexaltátus in sécula. * Qui sedes. *Dan.* 3.

Lectio V. n. 8, 9.

SCIENDUM quoque quod Angelórum vocábulum nomen est officii, non natúræ. Nam sancti illi cœlestis pátriæ spíritus semper quidem sunt spíritus, sed semper vocári Angeli nequáquam possunt; quia tunc solum sunt Angeli, cum per eos áliqua nuntiantur; unde et per Psalmistam dicitur: Qui facit Angelos suos, spíritus. Ac si patenter dicat: Qui eos quos semper habet spíritus, étiam cum volúerit, Angelos facit. Hi autem qui mínima nuntiant, Angeli; qui vero summa annuntiant, Archángeli vocantur. Hinc est enim quod ad Mariám Virginem non quilibet Angelus, sed Gábriel Archángelus míttitur. Ad hoc quippe ministérium, summum Angelum veníre dignum fúerat, qui summum ómnium nuntiábat. Qui idcirco étiam privátis nomínibus censentur, ut signétur per vocábula étiam in operatióne quid váleant. Míchael namque, Quis ut Deus? Gábriel autem, Fortitúdo Dei; Ráphael vero dicitur Medicína Dei.

R). Omnes sunt administratórii spíritus, * In ministérium missi propter eos qui hæredi-

tátem cāpiunt salutis. ✕. Benedícite, Spíritus, Dómino, * In. *Hebr.* 1. *Dan.* 3.

Lectio VI.

QUOTIES miræ virtútis áli- quid ágitur, Míchael mitti perhibétur; ut ex ipso actu et nómine detur intélligi, quia nullus potest fácere quod fácere prævalet Deus. Unde et ille antíquus hostis, qui Deo esse per supérbiam símilis concupívit, dicens: In cœlum conscendam, super astra cœli exaltábo sólíum meum, símilis ero Altíssimo; dum in fine mundi in sua virtúte relinquetur extrémó supplício perimendus, cum Michaéle Archángelo præliatúrus esse perhibétur; sicut per Joannem dicitur: Factum est prælium cum Michaéle Archángelo. Ad Mariám quoque Gábriel míttitur, qui Dei Fortitúdo nominátur. Illum quippe nuntiáre veniébat, qui ad debellandas aéreas potestátes húmilis apparére dignátus est. Ráphael quoque interpretátur, ut díximus, Medicína Dei; quia vidélicet dum Tobíæ óculos quasi per officium curatiónis tétigit, cæcitatís ejus ténebras tersit.

R). Dómine exercítuum, Deus Israel, * Qui sedes super Chérubim, tu es Deus solus ómnium regnórum terræ: ✕. Benedícite Dómino, omnes Angeli ejus: potentes virtúte, facientes verbum illíus. * Qui. Glória. * Qui. *Is.* 37. *Ps.* 102.

IN III NOCTURNO.

Ant. 7. d. Vidit Jósue virum, evaginátum tenentem gládium, et ait : Noster es, an adversariórum? Qui respondit : Sum princeps exercitus Dómini, et nunc vénio. *Josue, 5.*

Ant. 5. a. Dixit Gábríel : Vir desideriórum, pax tibi; confortáre, et esto robustus. Et dixi : Lóquere, Dómine mi; quia confortasti me. *Dan. 10.*

Ant. 4. E. Dixit Angelus Ráphael : Benedícite Deum cœli, et coram ómnibus vivéntibus confitémini ei; quia fecit vobiscum misericórdiam suam. *Tob. 12.*

✠. Dómine Deus meus, magnificátus es vehementer :
R. Qui facis Angelos tuos, spíritus. *Ps. 103.*

Lectio VII.

Ex libro undécimo sancti Augustíni Epíscopi, de Civitate Dei. *c. 32, 33.*

ANGELOS sanctos in sublímbus cœli sédibus, non quidem Deo coæternos, sed tamen de sua sempiterna et vera felicitáte secúros et certos esse, nemo ámbigat. Ad quorum societátem pertinére párvulos suos Dóminus docens, non solum illud ait : Erunt æquáles Angelis Dei; verum ipsi quoque Angeli quia contemplatióne fruuntur, ostendit, ubi ait : Vidéte, ne contemnátis unum ex pusillis istis;

dico enim vobis quia Angeli eórum in cœlis semper vident faciém Patris mei, qui in cœlis est. Peccasse autem quosdam ángelos, et in hujus mundi ima detrúsos, qui eis velut carcer est, usque ad futúram in die judicii últimam damnatiónem, Apóstolus Petrus apertíssime ostendit, dicens : Quod Deus ángelis peccántibus non pepercerit, sed carcéribus caliginis ínferi retrúdens tradiderit in judicio puniendos reservári.

R. Vide ergo bonitátem Dei,
* Vide severitátem Dei in eos qui ceciderunt. ✠. Deus ángelis peccántibus non percipit, sed rudéntibus ínferni detractos in tártarum tradidit cruciandos, in judícium reservári. * Vide. *Rom. 11. II. Petr. 2.*

Lectio VIII.

INTER hos ergo et illos, Deum vel præsciéntia vel ópere divisisse quis dúbitet? Has duas angélicas societátes, unam fruentem Deo, álteram tumentem typho : unam cui dicitur, Adoráte eum, omnes Angeli ejus; áliam cujus princeps dicit, Hæc ómnia tibi dabo, si prostrátus adoráveris me : unam Dei sancto amóre flagrantem, álteram propriæ celsitudinis immundo amóre fumantem : et quóniam, sicut scriptum est Deus superbis resistit, humílibus autem dat grátiam; illam in cœlis cœlórum habitantem, istam inde ejectam in hoc infímo aério

cœlo tumultuantem : illam luminosa pietate tranquillam, istam tenebrâs cupiditatibus turbulentam. Nos ergo has duas societates angelicas, unam et naturâ bonam, et voluntate rectam; aliam vero naturâ bonam, sed voluntate perversam, in libro cui nomen est Génesis, lucis tenebrarumque vocabulis significatas existimâvimus.

℞. Projectus est draco magnus serpens antiquus; * Nunc facta est salus, et virtus, et regnum Dei nostri. ✕. Quomodo cecidisti de cœlo, Lucifer, qui dicébas : Super astra Dei exaltâbo solum meum, similis ero Altissimo? ad infernum detrahéris, in profundum laci. * Nunc. *Apoc.* 12. *Is.* 14.

Lectio IX. Cap. 18.

Lectio sancti Evangelii secundum Matthæum.

Angeli ante faciem Patris.

In illo tempore; Accesserunt discipuli ad Jesum, dicentes : Quis, putas, major est in regno cœlorum? Et reliqua.

Homilia sancti Augustini Episcopi. *De Civit. Dei, Lib.* 10. *Cap.* 7.

ANGELI sancti in cœlestibus sedibus constituti, immortales et beati, qui Creatoris sui participatione congaudent, cujus æternitate firmi, cujus veritate certi, cujus munere sancti sunt; nos mortales et

miseros, ut immortales beatique simus, misericorditer desigunt. Cum ipsis enim sumus una civitas Dei, cujus pars in nobis peregrinatur, pars in illis opitulatur.

℞. Audémus, et * Bonam voluntatem habémus magis peregrinari a corpore et præsentes esse ad Dóminum; ✕. Ad Jérusalem cœlestem, et multorum millium Angelorum frequentiam. * Bonam. Glória. * Bonam. *II. Cor.* 5. *Hebr.* 12.

AD LAUDES.

Ant. 8. G. Vidi in medio throni Agnum stantem tanquam occisum; et audiavi vocem Angelorum multorum in circûitu throni. *Apoc.* 5.

Ant. 1. a. Erat númerus eorum millia millium, dicentium voce magna : Dignus est Agnus qui occisus est, accipere virtutem et divinitatem. *Apoc.* 5.

Ant. 2. D. Ceciderunt in conspectu throni in facies suas, et adoraverunt Deum. *Apoc.* 7.

Canticum. Dan. 3.

BENEDICTUS es, Dómine Deus patrum nostrorum : * et laudabilis, et gloriósus, et superexaltatus in sæcula.

Et benedictum nomen gloriæ tuæ sanctum : * et laudabile, et superexaltatum in omnibus sæculis.

Benedictus es in templo sancto gloriæ tuæ : * et super-

laudábilis, et supergloriósius
in sécula.

Benedictus es in throno
regni tui: * et superlaudábilis,
et superexaltátus in sécula.

Benedictus es, qui intuéris
abyssos: et sedes super Ché-
rubim: * et laudábilis, et su-
perexaltátus in sécula.

Benedictus es in firmamen-
to cœli: * et laudábilis, et glo-
riósius in sécula.

Benedícite, Angeli Dómini,
Dómino: * laudáte, et super-
exaltáte eum in sécula.

Ant. 6. F. Projectus est ac-
cusátor fratrum nostrórum;
et ipsi vicérunt eum: prop-
térea lætámini, cœli, et qui
habitátis in eis. *Apoc. 12.*

Ant. 4. E. Omnes audívi,
dicentes: Sedenti in throno,
et Agno, benedíctio, et honor,
et glória, et potestas in sécula
seculórum. *Apoc. 5.*

Capitulum. Dan. 7.

THRONI pósito sunt, et Antí-
quus diérum sedit: vestimen-
tum ejus cándidum quasi nix,
et capilli cápitis ejus quasi
lana munda: thronus ejus
flammæ ignis: rotæ ejus ignis
accensus: flúvius ígneus ra-
pidusque egrediebátur a fácie
ejus. Míllia míllium ministrá-
bant ei, et decies míllies cen-
téna míllia adsistébant ei.

Hymnus. S. V.

MILLE, quem stipant solio
sedentem
Córporis puræ sine mole
mentes,

Christe, quos fuso tibi con-
sécrasti

Sánguine, serva.

Quas tenent celsas super as-
tra sedes

Spíritus, nobis quoque præ-
parasti:

Ut viam monstrent, socios
fidéles

Próvidus addis.

Qui Dei nunquam temeran-
da jura

Víndicat sacris metuendus
armis,

Prompta perdendos Mi-
chael in hostes

Arma ministret.

Núntius felix melióriis ævi,
Fausta qui mundo Gabriel

tulisti,

Creber e cœlo venias, amíca
Núntia portans.

Córporis morbos, tenebras-
que mentis

Pelle, divínas medicus per
artes,

Qui seni cæco, Raphael, de-
disti,

Cérnere solem.

Grátias Regi superum caná-
mus,

Fonte de cujus bona cuncta
manant:

Quem fides viri studiósá
trinum

Credit et unum. Amen.

✠. Adoráte Dóminum, om-
nes Angeli ejus: ʀ. Audívit,
et lætáta est Sion. *Ps. 98.*

Ad Benedictus. Ant. 1. D.
Poténtiam virtútis operátus
est Deus in Christo, illum
constituens ad dexteram su-
am, supra omnem Principá-
tum, et Potestátem, et Vir-

tutem, et Dominationem. *Ephes. 1.*

loco dominationis ejus. *Ps. 102.*

Oratio Sacr. Greg.

Deus, qui miro ordine Angelorum ministéria hominumque dispensas: concède propitius, ut a quibus tibi ministrantibus in cœlo semper adsistitur, ab his in terra vita nostra muniatur; Per Dóminum.

AD HORAS, Doxologia:

¶ Rex, cui ministrant Angeli,
Jesu tibi sit glória,
Cum Patre cumque Spíritu,
In sempiterna sécula. Amen.

AD PRIMAM.

Ant. 8. G. Vidi.

AD TERTIAM.

Ant. 1. a. Erat.

Capitulum. Hebr. 12.

Accessistis ad Sion montem et civitatem Dei viventis, Jérusalem cœlestem, et multorum millium Angelorum frequentiam, et Ecclesiam primitivorum qui conscripti sunt in cœlis, et júdicem omnium Deum, et spíritus justorum perfectorum, et testamenti novi mediátorem Jesum.

¶ *br.* Benedícite Dómino, * omnes Virtútes ejus; * Allelúia, allel. Benedícite. ¶ Ministri ejus, * qui faciunt voluntatem ejus, * Allelúia. Glória. Benedícite.

¶ Benedícite Dómino, omnia ópera ejus, ¶ In omni

AD SEXTAM.

Ant. 2. D. Ceciderunt.

Capitulum. Apoc. 22.

Cecidi ut adorárem ante pedes Angeli qui mihi hæc ostendebat; et dixit mihi: Vide ne féceris; conservus enim tuus sum, et fratrum tuorum Prophetarum, et eorum qui servant verba prophetiæ libri hujus: Deum adóra.

¶ *br.* In conspectu Angelorum * psallam tibi, Dómine; * Allelúia, allel. In conspectu. ¶ Adorábo * ad templum sanctum tuum, * Allelúia. Glória. In conspectu. *Ps. 137.*

¶ Adorábo ad templum sanctum tuum, ¶ In timóre tuo. *Ps. 5.*

AD NONAM.

Ant. 4. E. Omnes.

Capitulum. Hebr. 1.

Cum introducit Primogénitum in orbem terræ, dicit: Et adórent eum omnes Angeli Dei. Et ad Angelos quidem dicit: Qui facit Angelos suos, spíritus; et ministros suos, flammam ignis.

¶ *br.* Laudáte Dóminum, * omnes Angeli ejus; * Allelúia, allelúia. Laudáte. ¶ Laudáte eum, * omnes Virtútes ejus, * Allelúia. Glória. Laudáte Dóminum. *Ps. 148.*

¶ Benedícite, Angeli Dómini, Dómino: ¶ Laudáte, et

superexaltate eum in sæcula.

Dan. 3.

AD II VESPERAS.

Ant. 5. a. Vidi septem Angelos stantes in conspectu Dei; et datæ sunt illis septem tubæ. *Apoc.* 8.

Ant. 6. F. Mittet Filius hominis Angelos suos cum tuba, et voce magna, et congregabunt electos ejus a quatuor ventis. *Matth.* 24.

Ant. 8. c. Ipse Dominus in jussu, et in voce Archàngeli, et in tuba Dei descendet de cœlo; et mortui qui in Christo sunt, resurgent primi. *I. Thess.* 4.

Ant. 2. D. Exibunt Angeli, et separabunt malos de medio justorum. *Matth.* 13.

Ant. 7. ç. Angeli colligent de regno Dei omnia scândala, et eos qui faciunt iniquitatem; et mittent eos in caminum ignis. *Matth.* 13.

Capitulum. II. Thess. I.

DIGNI habeamini in regno Dei, pro quo et patimini; si tamen justum est apud Deum retribuere tribulationem iis qui vos tribulant; et vobis, qui tribulamini, requiem nobiscum in revelatione Domini Jesu de cœlo cum Angelis virtutis ejus.

Hymnus, Christe, 296.

✠. Qui sedes super Chérubim, manifestare p̃. Coram Ephraim, Benjamin et Manasse. *Ps.* 79.

Ad Magnificat. Ant. I. J. Qui digni habebuntur sæculo

illo, et resurrectione ex mortuis, æquales Angelis sunt, et filii sunt Dei; cum sint filii resurrectionis. *Luc.* 20.

DIE XXX.

S. HIERONYMI,

PRESB. ET ECCLESIE DOCT.

Duplex-minus.

Lectio I. Cap. 6.

Ex Danièle Prophéta.

TUNC vehementer rex gavisus est, et Daniëlem præcepit educi de lacu: eductusque est Dániel de lacu, et nulla læsio inventa est in eo; quia credidit Deo suo. Jubente autem rege, adducti sunt viri illi, qui accusáverant Daniëlem: et in lacum leónum missi sunt, ipsi, et filii, et uxores eorum: et non pervenerunt usque ad pavimentum laci, donec arriperent eos leones, et omnia ossa eorum comminuérunt. Tunc Dárius rex scripsit universis pópulis, tribubus, et linguis habitantibus in universa terra: Pax vobis multiplicétur. A me constitútum est decretum, ut in universo império, et regno meo, tremiscant et páveant Deum Daniélis. Ipse est enim Deus vivens, et æternus in sæcula; faciens signa, et mirabilia in cœlo et in terra: qui liberávit Daniëlem de lacu leónum. Porro Dániel perseverávit usque ad regnum Dárii, regnumque Cyri Persæ.

R). Consumétur nequítia peccatórum : lacum apéruit et effódit eum, et incidit in foveam quam fecit. * Confítebor Dómino secundum justítiam ejus, et psallam nómini Dómini Altíssimi. ✕. Manus Dei nostri est super omnes qui qnærunt eum in bonitáte; impérium ejus et fortitúdo ejus et furor super omnes qui derelinquunt eum. * Confítebor. *Ps. 7. Esther, 10.*

Lectio II.

Ex operibus S. Hieronymi, etc.

HIERONYMUS, Stridóne in finibus Dalmátiae et Pannóniae natus, puer a Donato liberalibus disciplinis Romae est institutus, ubi diébus Dóminicis sepulcra Apostolorum et Mátyrum circuire, crebróque cryptas ingredi cum æquálibus consuéverat. Suscepto ibi adulta jam ætate baptismo, ad sacras litéras ánimu adjiciens, Gállias studiórum causa peragravit. Póstea in Chálcidis Syriæ solitúdinem se recépit. Ibi, ut importúnas cogitatiónes, quas jejúniis et précibus non vícerat, studiórum assiduitáte abígeret, Judæo ad fidem converso, se in disciplinam dedit, ut linguam Hebráicam addisceret. Exacto in eo secessu quadriénio, vexátus ab invídis, et hæréseos accusátus, Antiochám pétiit: ubi a Paulino ea conditíone se presbyterum ordinári passus est, ut, quam amplexus fúerat solitá-

riam vitam, non deséreret. Deinde Constantinópolis se cóntulit: ibíque Gregóriu Nazianzénu, sacras litéras explanantem, frequens audívit.

R). Inventi sunt sermónes tui, et comédi eos. * Et factum est mihi verbum tuum in gáudium, et in lætítiam cordis mei. ✕. Super omnes docentes me intellexi: quia testimónia tua meditátio mea est; * Et. *Jer. 15. Ps. 118.*

Lectio III.

ROMAM profectum Dámasus Papa retinuit, ut eo uteretur in conscribendis Epístolis. Post óbitu Dámasi, Bétlehem ad incunábula Redemptóris, in exstructo a Paula monastério, majórem vitæ partem exégit. Sacros Códices commentáriis illustrávit, et quo cértius genuínu illórum sensum adsequeretur, singula Palæstínæ loca sédulo invísit, adhibitis Judæórum eruditissimis. Alexandriam ætate jam proventus pétiit, de difficilióribus Scripturæ locis Dídymu consulturus. Novu Testamentu Græcæ fídei réddidit; Vetus juxta Hebráicam tránstulit: Psaltériu quo deinceps Ecclesiá Latína usa est, secundum Septuaginta interpretatiónem correxit. Multa doctórum virórum scripta latíne réddidit. Luciferianos, Helvídium, Viglántium, Joviniánu et Pelágium scriptis ácritér insectá-

tus est. Hujus sententiam sanctus Augustinus, et alii passim, de difficilióribus quæstiónibus rogábant. Capta eversaque a Gothis Roma, nóbiles Romános, qui ad summam inópiam redacti fúerant, in monastério Bethleemitáno benigne excépit. In extrémá senectúte febre correptus, migrávit ad Dóminum, Theodosio junióre et Honório imperántibus, anno Christi quadringentésimo vigésimo. Ejus corpus apud Bétlleem sepultum, póstea Romam translátum; in basilíca sanctæ Mariæ Majóris ad Præsépe cónditum est.

R). Implétus es quasi flu-

men sapiéntia : longe divulgátum est nomen tuum, et * In interpretatió nibus mirátæ sunt terræ. x. Sápiens es, sicut habet sapiéntiam Angelus Dei, ut intélligas ómnia.* In. Glória.* In. *Eccli. 47. II. Reg. 14.*

Oratio Brev. Rom.

DEUS, qui Ecclesiæ tuæ in exponendis sacris Scriptúris beatum Hierónymum Doctórem máximum providére dignátus es : præsta, quæsumus, ut ejus suffragántibus méritis, quod ore simul et ópere dócuit, te adjuvante, exercére valeámus; Per Dóminum.

Vesperæ de sequenti.

MENSE OCTOBRI.

DIE I.

S. REMIGII,

REMENSIS EPISCOPI.

Duplex-minus.

De Communi Pontificum, exceptis quæ sequuntur.

Pridie AD VESPERAS.

Hymnus. S. V.

Vos thura, Franci, gens sacra,
Præsules,
Magni sub aras fúndite
Præsulis;
Qui vos et unxit, Christiáni,
Remigium celebráte, Reges.
Primis sub annis jam procul
úrbibus,

Cavæ latébat rupis in ángulo;

Ad grande munus destinátum

Víndicat hunc bene nota virtus.

Frustra repugnat; póscitur ómnibus

Votis sacerdos, præficitur Rhemis

Nedum vir; impúbes sed annos

Judicii gravitáte pensat.

Fasis revertens victor ab hóstibus,

Supplex ad hujus procubuit pedes,

Tibi futúrus, Christe, miles,

Depositis Clodovæus armis.
 Hinc aucta quantis Relligio modis
 Crescet per omnes libera Gállias?
 Gaudébit inter Christiános
 Francigenas numeráre Reges.
 Tu, quas tot annos, alme senex, regis,
 Adhuc benignus réspice Gállias;
 Francique Reges, quos sacrasti,
 Mente pii tueantur aras.
 Qui Christiáni nómine díci-mur,
 O Christe, puris da quoque móribus
 Nos esse; dici quid juvábít?
 Conveniant sua facta dic-tis.
 Laus summa Patri, súmma-que Filio;
 Tibique comparglória, Spí-ritus:
 Tu qui potenti sancta Re-gum
 Corda tenes, subigisque dextra. Amen.

AD NOCTURNUM.

Lectio I. Cap. 7.

Ex Daniéle Prophéta.

ANNO primo Baltassar regis Babylónis, Dániel sómnium vidit: et sómnium scribens, brevi sermóne comprehendit: summátimque perstringens, ait: Vidébam in visióne mea,

nocte, et ecce quátuor venti cœli pugnábant in mari magno. Et quátuor béstia grandes ascendébant de mari diversæ inter se. Adspiciébam ergo in visióne noctis, et ecce cum núbibus cœli quasi Fílius hóminis veniébat, et usque ad Antíquum diérum pervénit: et in conspectu ejus obtulé-runt eum. Et dedit ei potestá-tem, et honórem, et regnum: et omnes pópuli, tribus, et linguæ ipsi sérvient: potestas ejus, potestas æterna, quæ non auferétur; et regnum ejus, quod non corrumpétur.

R. Nunc facta èst salus, et virtus, et regnum Dei nostri, et potestas Christi ejus. * Proptérea lætámini cœli, et qui habitátis in eis. †. Raptus est Fílius ejus ad Deum et ad thronum ejus. * Proptérea. *Apoc. 12.*

Lectio II.

Ex SS. Avito, Fortunato, Gregorio Turonensi, et e Flo-doardo.

REMIGIUS, Laudúni natus est paréntibus Æmílio et sancta Celínia jam ætáte provectis. Ejus ortum prædíxerat solitárius quidam cæcus, Montánus nómine, qui et visum póstea recépít, admóto ad óculos lacte, quo infans Remígius alebátur. Annos natus duos et viginti, ob seníles in adolescéntia mores ad Episcopátum Remensem præter voluntátem raptus est. Cum autem Clodovæus Alamannos,

Tolbiaci, invocato Christi nomine, debellasset, et instanti Remigio ut fidem profiteretur, respondisset vereri se ut per populum sibi liceret; ubi id rescivit populus, statim acclamavit: Mortales deos abigimus, pie Rex; et Deum quem Remigius predicat immortalem, sequi parati sumus. Tum Remigius Clodovæum quem fidei documentis imbuerat, baptizavit ipso die Natalis Domini, his eum verbis allocutus: Mitis depone colla, Sicamber: adora quod incendisti, incende quod adorasti. Baptizatum sacro inunxit chrismate cum signaculo crucis Christi.

R. Ego novissimus evigilavi, et quasi qui colligit acinos post vindemiatores; * In benedictione Dei et ipse speravi; et quasi qui vindemiat, repleri torcular. V. Nihil minus fui ab iis qui sunt supra modum Apostoli. * In. *Eccli.* 33. II. *Cor.* 12.

Lectio III.

De exercitu autem ejus ter mille et amplius baptismo initiati sunt, simul et Alboflédis soror Clodovæi: quæ cum paulo post decessisset, Remigius per litteras regem est consolatus. Lantlhidis quoque altera ejus soror, ab Ariana hæresi revocata, sacro chrismate reconciliata est Ecclesiæ. Clodovæum Gothis bellum parantem utilissimis regno admini-

strando consiliis per litteras instruxit, eidemque auctor fuit ut Concilium Aurelianense indiceret. Cleméntia in pœnitentes erat singularis: neque enim, inquit, nos posuit Dominus ad iracundiam, sed ad hominum curam. Novos Episcopatus instituit: Teruannæ, ubi sanctum Antimundum; Atrebatibus, ubi sanctum Vedastum; Lauduni, ubi sanctum Genebaldum præfecit. Sub finem vitæ, oculorum usu orbatus est, quem tamen paulo ante mortem recuperavit. Senio tandem confectus, obiit die décima tertia Januarii. Inter alia quæ edidit miracula, mortuum suscitavit, ut refert liber de ejus vita a Gregorio Turonensi laudatus, qui et meminit festivitatis ejus, quæ jam suo tempore initio mensis Octobris celebrabatur.

R. Homo Dei, * Noli despiciere animam meam, et animas servorum tuorum. V. Qui ungis reges ad pœnitentiam. * Noli. Glória. * Noli. IV. *Reg.* 1. *Eccli.* 48.

Oratio Brev, Senon.

Deus, qui per beati Pontificis Remigii documenta, Francorum tibi colla subdidisti ferocia; largire supplicibus tuis, ut per iter salutis, quo idem Pastor incessit, dono tuæ pietatis gradiamur; Per Dominum.

Vesperæ de sequenti.

DIE II. SS. ANGELORUM

CUSTODUM.

Duplex-minus.

IN I VESPERIS.

Ant. 7. a. Ecce ego mittam Angelum meum, qui præcedat te, et custodiat in via, et introducat in locum quem paravi. *Exod. 23.*

Ant. 4. D. Observa eum, et audi vocem ejus, nec contemnendum putes; quia non dimittet cum peccaveris, et est nomen meum in illo. *Exod. 23.*

Ant. 8. G. Si audieris vocem Angeli mei, et feceris omnia quæ loquor; inimicus ero inimicis tuis, præcedetque te Angelus meus. *Exod. 23.*

Ant. 5. a. Educam vos cum pace, dicit Dominus; Angelus enim meus vobiscum est: ipse autem exquiram animas vestras. *Baruch, 6.*

Ant. 6. C. Ne dicas coram Angelo: Non est providentia; ne iratus Deus dissipet cuncta opera manuum tuarum. *Eccle. 5.*

Capitulum. Is. 63.

DIXIT Dominus: Pópulus meus est, filii non negantes; et factus est eis Salvátor. In omni tribulatione eórum non est tribulátus, et Angelus faciúi ejus salvávit eos: in dilectione sua et in indulgentia sua ipse redémit eos, et portávit eos.

Hymnus Brev. Rom.

CUSTODES hominum psállimus Angelos,
Natúræ fragili quos Pater áddidit
Cœlestis comites, insidiántibus

Ne succumberet hóstibus.
Nam quod corruerit próditor Angelus,
Concessis merito pulsus honóribus,
Ardens invidia, péllere ní-titur

Quos cœlo Deus ádvocat.
Huc Custos igitur pèrvigil ádvola,
Avertens patria de tibi crédita

Tam morbos animi, quam requiescere
Quidquid non sinit incolas.
Qui lucis Pater est, glória sit Patri:

Qui lux ipsa Patris, glória Filio:

Amorumque tibi, nexus amábilis,
Compar glória, Spíritus. Amen.

Ÿ. Non accédet ad te malum; R. Quóniam Angelis suis Deus mandávit de te. *Ps. 90.*

Ad Magníficat. Ant. 1. D. Deus viros ínstruit disciplina, ut avertat hóminem ab his quæ facit: si fúerit pro eo Angelus loquens, miserébitur ejus, et dicet: Líbera eum; et vidébit faciém ejus. *Jób, 33.*

AD NOCTURNUM.

Invit. In conspectu Angeló-

rum,* Veníte, adorémus Dóminum. *Ps.* 137.

Hymnus, Custódes, ut supra, 310.

Ant. 1. D. Dixit Abraham ad servum seniorem domus suæ: Dóminus Deus cœli mittet Angelum suum tecum, et diriget viam tuam. *Gen.* 24.

Ant. 7. d. Angelus Dómini descendit cum Azaría et sóciis ejus in fornacem, et excussit flammam ignis de fornace. *Dan.* 49.

Ant. 3. a. Angelus Dei qui præcedebat Israel, stetit inter castra Ægyptiorum et castra Israel. *Exod.* 14.

Ÿ. Immittet Angelus Dómini in circúitu tíméntium eum; ʒ. Et erípiet eos. *Ps.* 33.

Lectio I. Cap. 7.

Ex Daniéle Prophéta.

HORRUIT spíritus meus, ego Dániel térritus sum in his, et visiones cápitis mei conturbaverunt me. Acçessi ad unum de adsistentibus, et veritatem quærébam ab eo de ómnibus his. Qui dixit mihi interpretationem sermónum, et dócuit me: Hæ quátuor béstix magnæ, quátuor sunt regna, quæ consurgent de terra. Suscipient autem regnum sancti Dei Altíssimi: et obtinébunt regnum usque in séculum, et séculum seculórum.

ʒ. Cum Agno pugnábunt, et Agnus vincet illos: * Quóniam Dóminus dominórum

est, et Rex regum. Ÿ. Ipse mutat témpora et ætates; transfert regna atque constituit. * Quóniam. *Apoc.* 17. *Dan.* 2.

Lectio II.

Ex sancto Bernardo Abbate. *In Ps.* Qui hábitat. *Serm.* 12. n. 4 et 6.

ANGELIS suis mandávit de te. Mira dignatio, et vere magna diléctio caritátis! Quis enim, quibus, de quo, quid mandávit? Studiósè considerémus, fratres, diligenter commendémus memóriæ hoc tam grande mandátum. Quis enim mandávit? Cujus sunt Angeli? cujus mandátis obtémperant? cujus obédiunt voluntáti? Nempe Angelis suis mandávit de te, ut custódiant te in ómnibus viis tuis; nec cunctantur quin étiam in manibus tollant te. Summa ergo Majestas mandávit Angelis, et Angelis suis mandávit; illis útique sublíminibus, tam beátis, tam próximis, sibi cohæréntibus, tam familiáriter adhæréntibus, et vere domésticis Dei. Mandávit autem de te. Tu quis es? Dómine, quid est homo, quod memor es ejus? aut filius hóminis, quóniam réputas eum? quasi vero non sit homo putrédo, et filius hóminis vermis. Sed quid, putas, mandávit de te? Ut custódiant te in ómnibus viis tuis. Quantam tibi debet hoc verbum inferre reveréntiam, afferre devotiómem,

conferre fidúciā! Reveréntiam pro præséntia, devotiōnem pro benevoléntia, fidúciā pro custódia. Cautē ambula, ut vidélicet cui adsunt Angeli, sicut eis mandátum est, in ómnibus viis tuis. In quovis diversório, in quovis ángulo, Angelo tuo reveréntiam habe. Tu ne áudeas illo præsente, quod vidente me non audéres.

R. Caríssimi, * Cum metu et tremóre vestram salútem operámini; ✕. In conspectu Angelórum. * Cum. *Philíp. 2. Ps. 137.*

Lectio III. n. 6, 8, 9.

An præsentem esse dúbitas quem non vides? Adsunt ígitur, et adsunt tibi; non modo tecum sed étiam pro te. Adsunt ut prótegent, adsunt ut prosint: In mánibus portábunt te. In tuis quidem viis custódiunt te; et dedúcent párvulum, qua potest párvulus ambuláre. Céterum non te patientur tentári supra quam sustinére potes; sed in mánibus tollent, ut pertráns eas offendículum. Quam fá-cile transit, qui illis portátur in mánibus! Quóties ergo gravíssima cérnitur urgére tentátio, et tribulátio véhemens imminére; ínvoca custódem tuum, ductórem tuum, adjutórem tuum in opportunitátibus, in tribulatióne. Incláma eum, et dic: Dómine, salva nos, perímus. Non dormit neque dormítat, etsi ad

tempus quandóque dissímulet, ne forte periculósius ab illius te mánibus præcípites, si te eis ignoráveris sustentátum.

R. Dominátor cœlórum, * Mitte Angelum tuum bonum ante nos. ✕. Si Deus pro nobis, quis contra nos? * Mitte. Glória. * Mitte. *II. Mach. 15. Rom. 8.*

AD LAUDES.

Ant. 4. E. Angelus Dómini dixit: Dómine exercítuum, úsquequo tu non miseréberis Jerúsalem, et úrbium Juda, quibus irátus es? Zach. 1.

Ant. 6. F. Respondit Dóminus Angelo verba consolatória, dicens: Consolábitur adhuc Dóminus Sion, et éliget adhuc Jerúsalem. Zach. 1.

Ant. 1. a. Angelus egrediebátur, dicens: Absque muro habitábitur Jerúsalem; et ego ero ei, ait Dóminus, murus ignís in circúitu ejus. Zach. 2.

Canticum. II. Mach. 15.

Tu, Dómine, qui misisti Angelum tuum * sub Ezechíá rege Juda;

Et interfecisti de castris Sennácherib * centum octoginta quinque míllia.

Et nunc, Dominátor cœlórum, mitte Angelum tuum bonum ante nos in timóre, * et tremóre magnitúdinis brá-chii tui,

Ut métuant qui cum blas-phémia véniunt * adversus sanctam pópulum tuum.

Ant. 7. d. Suscitavit me Angelus qui loquebatur in me, et ait : Sciētis quia Dóminus exercituum misit me ad vos. *Zach. 4.*

Ant. 3. a. Próteget Dóminus habitatores Jerúsalem; et erit domus David quasi Dei, sicut Angelus Dómini in conspectu eórum. *Zach. 12.*

Capitulum. Is. 62.

SUPER muros tuos, Jerúsalem, constitui custódes : tota die et tota nocte, in perpetuum non tacébunt. Qui reminiscimini Dómini, ne taceatis, et ne detis siléntium ei, donec stabiliat, et donec ponat Jerúsalem laudem in terra.

Hymnus. S. V.

REGNATOR orbis summus et árbitet,
Cui prona servit cúria Cœlitum;
Quæ voce sola tu creasti,
Perpetua regis ipse cura.
Nobis fidèles próvidus Angelos
Missos olympo suppeditas duces,
Qui nos tot obsessos periclis
Incolumes sine labe servant :
Ne nos malignis fraudibus occupet,
Incauta fallat pectora subdolos
Suasor malórum; ne redemptam
Abripiat lanietque prædam.

Autumnalis.

Laus summa Patri, summaque Fílio;

Tibique compar glória, Spiritus,

Qui per salutis tot ministros

Das patrias remeare sedes. Amen.

✠. Inclínávit cœlos, et descendit Dóminus : *Ps. 17.* Ascendit super Chérubim. *Ps. 17.*

Ad Benedictus. Ant. 5. C. Cum páriter prompto ánimo procédèrent Jerosólymis, apparuit præcedens eos eques in veste cándida; tunc omnes simul benedixerunt misericordem Dóminum. *II. Mach. 11.*

Oratio Sac. Gelas.

DEUS, qui ineffábili providentia sanctos Angelos tuos ad nostram custódiam mittere dignáris : largíre supplicibus tuis, et eórum semper protectione defendi, et æterna societate gaudere; Per Dóminum.

AD PRIMAM.

Ant. 4. E. Angelus.

AD TERTIAM.

Ant. 6. F. Respondit.

Capitulum. Zach. 1.

DIXIT ad me Angelus qui loquebatur in me : Clama, dicens : Zelátus sum Jerúsalem et Sion zelo magno, et ira magna ego irascor super gentes opulentas; quia ego irátus sum parum, ipsi vero adjuverunt in malum. Propterea

hæc dicit Dóminus: Revertar ad Jerúsalem in misericórdiis.

R. br. Surge, Dómine; * Et dissipentur inimíci tui. Surge. V. Et fúgiant qui odérunt te, * a fácie tua, * Et dissipentur. Glória. Surge. Num. 10.

V. Fiat via illórum ténebræ, et lúbricum; R. Et Angelus Dómini pésequens eos. Ps. 34.

AD SEXTAM.

Ant. 1. a. Angelus.

Capitulum. Zach. 9.

CIRCUMDABO domum meam ex his qui militant mihi, euntes et revertentes: et non transibit super eos ultra exactor; quia nunc vidi in óculis meis.

R. br. Dómine Deus meus, * Magnificátus es vehementer. Dómine. V. Qui facis Angelos tuos, spíritus; * et ministros tuos, ignem urentem, * Magnificátus es. Glória. Dómine. Ps. 103.

V. Currus Dei decem míllibus múltiplex, míllia lætántium: R. Dóminus in eis. Ps. 67.

AD NONAM.

Ant. 3. a. Próteget.

Capitulum. II. Mach. 15.

DOMINATOR cœlórum, mitte Angelum tuum bonum ante nos, in timóre et tremóre magnitudínis bráchii tui; ut ménuant qui cum blasphemía véniunt adversus sanctum pópulum tuum.

R. br. Qui sedes super Chérubim, * Dómine Deus virtútum. Qui sedes. V. Ostende fáciem tuam, * et salvi érimus, * Dómine. Glória. Qui sedes. Ps. 79.

V. Dóminus virtútum nobiscum, R. Susceptor noster Deus Jacob. Ps. 45.

AD II VESPERAS.

Ant. 3. a. Vidéte ne condemnátis unum de pusillis qui in me credunt; dico enim vobis quia Angeli eórum semper vident fáciem Patris mei, qui in cœlis est. Matth. 18.

Ant. 4. E. Dico vobis; gáudium erit coram Angelis Dei super uno peccatóre pœniténtiam agente. Luc. 15.

Ant. 6. F. Mittet Dóminus Angelos suos; et congregábunt electos ejus. Matth. 24.

Ant. 8. G. Omnes sunt administratórii Spíritus, in ministérium missi propter eos qui hæreditátem cápient salútis. Hebr. 1.

Ant. 5. C. Cecidérunt coram Agno, habentes snguli cítharas, et phíalas plenas odoramentórum, quæ sunt oratiónes Sanctórum. Apoc. 5.

Capitulum. Apoc. 8.

ANGELUS venit, et stetit ante altáre, habens thuríbulum áureum; et data sunt illi incensa multa; ut daret de oratió nibus Sanctórum ómnium super altáre áureum quod est ante thronum Dei, et ascendit

fumus incensórum de oratió-
nibus Sanctórum de manu
Angeli coram Deo.

*Hymnus, Custódes, ut in I
Vesperis, 310.*

✠. In conspectu Angelórum
psallam tibi, Dómine: R.
Adorábo ad templum sanc-
tum tuum, et confitébor nó-
mini tuo. *Ps. 137.*

Ad Magnificat. Ant. 7. G.
Unus de Angelis ostendit mi-
hi civitátem sanctam, Jerúsá-
lem; et habébat murum ha-
bentem portas duódecim; et
in portis Angelos duódecim.
Apoc. 21.

DIE III.

S. PATUSII,

PRESBYTERI.

Semiduplex.

Lectio I. Cap. 7.

Ex Daniéle Prophéta.

POST hoc vólui diligenter díscere de béstia quarta, quæ erat dissímilis valde ab ómnibus, et terríbilis nimis: dentes et ungues ejus férrei: comedébat, et comminuébat, et réliqua pédibus suis conculcábat: et de córnibus decem, quæ habébat in cápite: et de álio, quod ortum fúerat, ante quod cecíderant tria córnua: et de cornu illo, quod habébat óculos, et os loquens grándia, et majus erat céteris. Adspiciébam, et ecce cornu illud faciébat bellum adversus sanctos, et prævalébat eis, donec

venit Antíquus diérum, et júdícium dedit sanctis Excelsi, et tempus advénit, et regnum obtinuérunt sancti.

R. Robur datum est ei contra jüge sacrificium propter peccáta; * Et prosternétur véritas in terra; et fáciat, et prosperábitur. ✠. Datum est illi bellum fácere cum sanctis, et víncere. * Et. *Dan. 8. Apoc. 13.*

Lectio II.

ET sic ait: Béstia quarta, regnum quartum erit in terra, quod majus erit ómnibus regnis, et devorábit universam terram, et conculcábit, et commínuet eam. Porro córnua decem ipsíus regni, decem reges erunt: et álius consurget post eos, et ipse poténtior erit prióribus, et tres reges humiliábit. Et sermónes contra Excelsum loquétur, et sanctos Altíssimi cónteret: et putábit quod possit mutáre témpora, et leges; et tradentur in manu ejus usque ad tempus, et témpora, et dimídium témporis. Et júdícium sedébit, ut auferátur poténtia, et conterátur et dispéreat usque in finem. Regnum autem, et potestas, et magnitúdo regni, quæ est subter omne cælum, detur pópulo sanctórum Altíssimi: cujus regnum, regnum sempiternum est, et omnes reges sérvient ei, et obédient.

R. Suscitábit Deus cœli regnum, quod in æternum non dissipábitur, * Et regnum

ejus álteri pópulo non tradé-
tur : comminuet autem et con-
súmet universa regna hæc : et
ipsum stabit in æternum. ✠.
Factum est regnum hujus
mundi, Dómini nostri, et
Christi ejus, * Et. *Dan. 2.*
Apoc. 11.

Lectio III.

*Gall. Christ. tom. VIII, Pro-
prium Farense, etc.*

PATUSIUS apud Meldenses
erat natus. Clero cathedrális
ecclésiæ adscriptus, initiatus-
que sacerdotio, tot et tanta
virtútis eximie édidit specími-
na, ut mórtuo Herlingo in se-
dem Meldensem comuni-
bus Cleri populique suffrá-
giis, circa finem sæculi sépti-
mi, suffectus fúerit ; quod
onus cum diu multumque
frustra fuisset deprecátus, in-
dignum se vocíferans, tanta
contentióne spíritus orasse
fertur, ut ipso electiónis die
mortem obierit : si tamen
mortem dicere oportet, quam
ille subire máluit quam epis-
copátum suscípere, quo se
minus dignum ob ingénii mo-
destiam cénsuit.

R). Unam pétii a Dómino,
hanc requíram, * Ut vídeam
voluptátem Dómini. ✠. Dómi-
ne, cur imposuisti pondus
universi pópuli hujus super
me? Obsecro ut interficias me.
* Ut. Glória. * Ut. *Ps. 36.*
Num. 11.

Oratio.

DOMINE Deus omnipotens,

qui fámulum tuum Patúsium
in múnere sacerdotáli fidélem
invenisti, et citius coronando
pontificális óneri dignitátis
subtraxisti; exaudi nos, quæ-
sumus, supplicantes, ut quos
ad altáre tuum vel ad offi-
cium pastorále accédere jus-
sisti, nihil unquam præter
laudem tuam et animárum
salútem procuráre sátagent;
Per Dóminum.

Vesperæ de sequenti.

DIE IV.

S. FRANCISCI,

ASSISINATIS.

Semiduplex.

De Com. unius S. Clerici.

Lectio I. Cap. 8.

Ex Daniéle Prophéta.

ANNO tértio regni Baltassar
regis, visio apparuit mihi.
Ego Dániel post id quod ví-
deram in princípio, vidi in
visióne mea esse me super
portam Ulaí. Et levávi óculos
meos, et vidi : et ecce áries
unus stabat ante palúdem,
habens córnua excelsa, et
unum excélsius áltero at-
que succrescens. Póstea vidi
arietem córnibus ventilantem
contra Occidentem, et contra
Aquilónem, et contra Merí-
diem, et omnes béstie non
póterant resistere ei, neque
liberári de manu ejus : fecit-
que secundum voluntátem
suam et magnificátus est. Et
ego intelligébam : Ecce au-

tem hircus caprarum veniebat ab Occidente super faciem totius terræ, et non tangebatur terram: porro hircus habebat cornu insigne inter oculos suos. Et venit usque ad arietem illum cornutum, quem videram stantem ante portam, et cucurrit ad eum in impetu fortitudinis suæ. Cumque appropinquasset prope arietem, efferatus est in eum, et percussit arietem. Hircus autem caprarum magnus factus est nimis. Cumque crevisset, factum est cornu magnum, et orta sunt quatuor cornua subter illum per quatuor ventos cæli. De uno autem ex eis egressum est cornu unum modicum; et factum est grande contra Meridiem, et contra Orientem, et contra fortitudinem.

¶ Alius consurget rex, et sermones contra Excelsum loquetur. * Et sanctos Altissimi conteret, et tradentur in manus ejus. † Datum est ei os loquens magna, et blasphemias: et data est illi potestas in omnem tribum et gentem. * Et. *Dan. 7. Apoc. 13.*

Lectio II.

FACTUM est autem, cum viderem ego Dániel visionem, et quærerem intelligentiam: ecce stetit in conspectu meo quasi species viri. Et audivi vocem viri inter Ulaï, et clamavit, et ait: Gabriel, fac intelligere istum visionem. Et

venit, et stetit juxta ubi ego stabam: cumque venisset, pavens corruì in faciem meam, et ait ad me: Intellige, fili hominis, quoniam in tempore finis complebitur visio. Arias, quem vidisti habere cornua, rex Medorum est atque Persarum. Porro hircus caprarum, rex Græcorum est, et cornu grande, quod erat inter oculos ejus, ipse est rex primus. Quod autem fracto illo surrexerunt quatuor pro eo: quatuor reges de gente ejus consurgent, sed non in fortitudine ejus. Et post regnum eorum, cum creverint iniquitates, consurget rex impudens facie, et intelligens propositiones. Et roborabitur fortitudo ejus, sed non in viribus suis: et supra quam credi potest, universa vastabit, et prosperabitur, et faciet. Et interficiet robustos, et populum sanctorum secundum voluntatem suam, et dirigetur dolus in manu ejus: et contra principem principum consurget, et sine manu conteretur.

¶ Erit tunc tribulatio magna, qualis non fuit ab initio mundi usque modo, neque fiet. * Et nisi breviati fuissent dies illi, non fieret salva omnis caro: sed propter electos breviabuntur dies illi. † Tunc revelabitur ille iniquus quem Dominus Jesus interficiet spiritu oris sui, et destruet illustratione adventus sui. * Et. *Matth. 24. II. Thess. 2.*

Lectio III.

Ex ejus vita apud S. Bonavent. et alios.

JOANNES Bernardo Assísii in Umbria natus, a prima ætate, patris exemplum secutus, mercatúram fecit, máxime cum Francis quorum linguam tam fácele loquebátur, ut inde Francisci cognómen sortitus fúerit. Quodam die, páuperem cum præter consuetudinem repulisset, repente eo facto commotus, large ei misericórdiam impertívit. Qua ex die Deo promísit se némini unquam poscenti elemósynam negatúrum. Post gravem morbum, cœpit ardentius cólere officia caritátis. Qua in exercitátione tantum profécit, ut evangélicæ perfectiónis cúpidus, quidquid habéret, paupéribus largirétur. Cum autem illud ex Evangélio audisset, Nolíte possidére aurum, neque argentum, neque pecúniã in zonis vestris, non peram in via, neque duas túnica, neque calceamenta, sibi eam régulam servandã propósuit. Itaque detractis calceis, et sindóne super nudo contentus, cum duódecim sóciis, órđinem Minórum ab Innocéntio tértio approbatum instituit. Cum eis inhabitávit tugúrio juxta Assísium, ubi in labóre multo magnáque inópia, piis meditátionibus vacábat. Docébat eos honoráre præcipua reveréntia sacerdótes, et fidei quam Romána tenet Ecclésia,

fírmiter adhæréscere. Jubébat quoque mulierum familiaritátes, collóquia et adspectus sollicitius evitári. Otium, ómnium malárum cogitátionum sentínã, summópere fugiendum prædicábat. Eosdem duxit postea ad sanctam Mariã Angelórum, unde in finítimis locis regnum Dei annuntiábat, dícere sólitus salúti animárum nihilesse anteponendum. Martyrii cúpidus in Syriam trajécit, ubi a Meledíno Baby-lónis Ægypti Soldáno liberaliter exceptus, cum nihil proficeret, rédiit in Itáliã. Gráviter ægrótans deferri vóluit in ecclésiã sanctæ Mariæ Angelórum; ut, ubi grátia spírítum accéperat, ibi spírítum vitæ redderet. Eo in loco dum diceret, Me exspectant justi donec retríbuas mihi, beátam efflávit ánimã, anno Christi millésimo ducentésimo vigésimo sexto. Miráculis clarum Gregórius nonus paulo post Sanctis adscripsit.

R). Mihi absit gloriári, nisi in cruce Dómini nostri Jesu Christi: * Ego enim stígmata Dómini Jesu in córpore meo porto. V. Dómine, me exspectant justi, donec retríbuas mihi. * Ego. Glória. * Ego. Gal. 6. Ps. 141.

Oratio Brev. Paris.

Deus, qui te párvulis et humílibus reveláre non dedignáris: tríbe nobis, quæsumus, imitátione beáti Francisci, et stultam hujus mundi dedíscere sapiéntiam, et solum edis-

cere Jesum Christum crucifixum; Qui tecum.

Vesperæ de eodem.

DIE V.

DE FERIA.

Lectio I. Cap. 9.

Ex Daniële Prophéta.

IN anno primo Dárii filii Assuéri de semine Medórum, qui imperávit super regnum Chaldæórum: anno uno regni ejus, ego Dániel intellexi in libris número annórum, de quo factus est sermo Dómini ad Jeremíam Prophétam, ut complerentur desolationis Jerúsalem septuaginta anni. Et pósui faciém meam ad Dóminum Deum meum rogáre et deprecári in jejúniis, sacco et cinere. Et orávi Dóminum Deum meum, et confessus sum, et dixi: óbsecro, Dómine, Deus magne et terribilis, custódiens pactum, et misericórdiam diligéntibus te, et custodiéntibus mandáta tua. Peccávimus, iniquitátem fécimus, ímpie égimus, et recéssimus, et declinávimus a mandátis tuis ac judiciis: non obedívimus servis tuis Prophétis, qui locúti sunt in nómine tuo régibus nostris, princípibus nostris, pátribus nostris, omníque pópulo terræ.

¶ Dómine exercítuum, úsquequo tu non miseréberis Jerúsalem et úrbium Juda quibus irátus es? Iste jam septuagésimus annus est. ¶ Fes-

tína tempus, et memento finis. Cóngrega omnes tribus Jacob: ut cognoscant quia non est Deus nisi tu. * Iste. Zach. 1. Eccli. 36.

Lectio II.

ADHUC me loquente in oratione, ecce vir Gábriel, quem videram in visione a principio, cito volans tétigit me in tempore sacrificii vespertini. Et dócuit me, et locútus est mihi, dixitque: Dániel, nunc egressus sum ut docérem te, et intelligeres. Ab exórdio precum tuárum egressus est sermo: ego autem veni ut indicárem tibi, quia vir desideriórum es: tu ergo anímadverte sermónem, et intéllige visionem. Septuaginta hebdomades abbreviátæ sunt super pópulum tuum, et super urbem sanctam tuam, ut consummétur prævaricatio, et finem accípiat peccátum, et deleátur iniquitas, et adducátur justítia sempiterna, et impleátur visio, et prophétia, et ungátur Sanctus sanctórum.

¶ Tu exsurgens, Dómine, miseréberis Sion, quia tempus miserendi ejus, * Quia venit tempus. ¶ Consummabuntur ómnia, quæ scripta sunt per Prophétas de Fílio hóminis; * Quia. Ps. 101. Luc. 18.

Lectio III.

SCITO ergo, et anímadverte: Ab éxitu sermónis, ut íterum ædificétur Jerúsalem, usque

ad Christum ducem hebdomades septem, et hebdomades sexaginta duæ erunt: et rursum ædificabitur platea, et muri in angustia temporum. Et post hebdomades sexaginta duas occidetur Christus: et non erit ejus populus qui eum negaturus est. Et civitatem et sanctuarium dissipabit populus cum duce venturo: et finis ejus vastitas, et post finem belli statuta desolatio. Confirmabit autem pactum multis hebdomada una: et in dimidio hebdomadis deficiet hostia et sacrificium: et erit in templo abominatio desolationis, et usque ad consummationem et finem perseverabit desolatio.

R. Cum videritis circumdari ab exercitu Jerusalem, tunc scitote quia appropinquavit desolatio ejus: * Quia dies ultionis hi sunt, ut impleantur omnia quæ scripta sunt. ✕. Cadent in ore gladii: et captivi ducentur in omnes Gentes, et Jerusalem calcabitur a Gentibus, donec impleantur tempora nationum: * Quia. Glória. * Quia. Luc. 21.

Vesperæ de sequenti.

DIE VI.

S. BRUNONIS,

MONACHI.

Semiduplex.

Lectio I. Cap. 10 et 12.

Ex Danièle Prophéta.

In diebus illis ego Daniel

lugebam trium hebdomadarum diebus: panem desiderabilem non comedi, et caro et vinum non introierunt in os meum. Die autem vigesima et quarta mensis primi, eram juxta fluvium magnum, qui est Tigris. Et levavi oculos meos, et vidi: et ecce vir unus vestitus lineis, et renes ejus accincti auro obrizo, et corpus ejus quasi chrysolythus: et facies ejus velut species fulguris; et oculi ejus ut lampas ardens; et brachia ejus, et quæ deorsum sunt usque ad pedes, quasi species æris candentis, et vox sermonum ejus ut vox multitudinis.

R. Vidi similem filio hominis vestitum podere, et præinctum ad mamillas zona aurea; caput ejus et capilli erant candidi tanquam lana alba, et oculi ejus tanquam flamma ignis, et pedes ejus similes aurichalco; * Et vox illius tanquam vox aquarum multarum. ✕. In veste poderis quam habebat, totus erat orbis terrarum; et magnificentia tua, Domine, in diademate capitis illius sculpta erat, * Et. Apoc. 1. Sap. 18.

Lectio II.

Et ecce quasi duo alii stabant: unus hinc super ripam fluminis, et alius inde ex altera ripa fluminis. Et dixi viro qui erat indutus lineis, et qui stabat super aquas fluminis: Usquequo finis horum mirabilium? Et audivi

virum qui indútus erat línéis, qui stabat super aquas flúminis, cum elevasset dexteram et sinistram suam in cœlum, et jurasset per Viventem in æternum : Quia in tempus, et témpora, et dimídium témporis; et cum compléta fúerit dispérsio manus pópuli sancti, complebuntur universa hæc. Et ego audiui, et non intellexi. Et dixi : Dómine mi, quid erit post hæc? Et ait : Vade, Dániel, qui clausi sunt signatíque sermónes usque ad præfínitum tempus. Eligentur et dealbabuntur, et quasi ignis probabuntur multi : et ímpie agent ímpii, neque intélligent omnes ímpii, porro docti intélligent.

¶ Véniet tempus, quale non fuit ab eo ex quo gentes esse cœpérunt, usque ad tempus illud. * Et in témpore illo salvábitur pópulus tuus omnis qui inventus fúerit scriptus in libro : ✠. Erit tunc tribulatio magna, qualis non fuit ab inítio mundi usque modo, neque fiet. * Et. *Dan.* 12. *Matth.* 24.

Lectio III.

Ex variis auctoribus.

BRUNO. Colónia oriundus, in liberalibus disciplinis instructus, magnórum studiórum rector fuit, sicut et Remensis ecclésiæ canónicus. Solitudinis amore flagrans, cum sex álís in Carthúsie erémum se recepít. Illic adícta ecclésiá et clauastro,

habébant singulas cellas, per claustrí gyrum próprias; siléntio, oratióni, lectióni, óperi mánuum, et máxime libris scribendis vacantes. Erat victus eórum parcíssimus, et continúa fere jejúnia. Cilício induebantur ad nudum : vestes eórum angustæ erant et hirsútæ : inde exórdium sumpsit ordo Carthusianórum, totus in mundi abnegatiónē constitútus, ac egrégium vitæ contemplatívæ exemplar; qui témporum decursu nullam reformatiónem hábuit necessariam. Aliquot post annos, cogente Urbáno secundo Papa, Romam perrexit, in ecclésiásticis negótiis juvatúrus. Sed cum tumultus et mores cúriæ ferre non posset, relictá Roma, rejecto Rhegiensis Ecclésiæ episcopátu, ad quem, ipso Papa volente, electus fúerat, in Calábriæ erémum secessit. Ibi morti próxímus, fidei professiónem coram frátribus édídít; eamque contra errórem Berengárii conclúsit his verbis : Credo panem et vinum, quæ consecrantur in altári, post consecratiónem verum corpus esse Jesu Christi, veram carnem et verum ságuinem, quæ et nos accépimus in spe salutis æternæ. Sanctitatē et doctrína clarus, vitæ currículum absolvít, anno millésimo centésimo primo.

¶ Secésserat in desertum locum, ibíque * Vitam in móntibus cum suis agébat, ne partícipes essent coínqui-

nationis. *ŷ.* Opéruiť cilicio carnem suam; jejúnávit et dormívit in sacco, et ambulávit demisso cápíte. * Vitam. Glória. * Vitam. *II. Mach. 5. III. Reg. 21.*

Oratio Brev. Carthus.

OMNIPOTENS sempiternus Deus, qui terréna despicién-

tibus mansiónes paras in cœlo: immensam cleméntiam tuam humíliter implorámus, ut, intercedente beáto Brunóne, sine offensióne currentes, ad præmia quæ perseverántibus dignátus es promíttre, valeámus salúbriter perveníre; Per Dóminum.

Extra Sabbatum, Vesperæ sunt de eodem.

DOMINICA

POST DIEM SEXTAM OCTOBRIŖ.

IN FESTO SS. DIONYSII

ET

SOCIORUM EJUS MARTYRUM.

SOLEMNE-MAJUS.

IN I VESPERIS.

Psalmi de Sabbato.

Ant. 1. J. Mittam ex eis qui salváti fúerint ad Gentes, ad eos qui non audiérunt de me, et non vidérunt glóriam meam. *Is. 66.*

Ant. 2. D. Seminábo eos in pópulis, et confortábo eos in Dómino; et in nómine ejus ambulábunt. *Zach. 10.*

Ant. 3. a. Scient germen eórum in médio populórum: omnes qui viderint eos cognoscent illos, quia isti sunt semen cui benedixit Dóminus. *Is. 61.*

Ant. 4. E. Addúcent fratres vestros de cunctis gentibus donum Dómino; et adúmam ex eis in Sacerdótes

et Levítas, dicit Dóminus. *Is. 66.*

Ant. 5. a. Incurvábitur sublímitas hóminum; et elevábitur Dóminus solus in die illa; et idóla pénitus conterentur. *Is. 2.*

Capitulum. Is. 49.

HÆC dicit Dóminus Deus: Ecce levábo ad Gentes manum meam, et ad pópulos exaltábo signum meum. Et áfferent filios tuos in ulnis, et filias tuas super húmeros portábunt.

R. Dóminus Deus nunc magnificábitur usque ad términos terræ: * Et † Erit in die illa, dicit Dóminus: Períre fáciem sculptília tua, et non adorábis ultra ópera má-

nuum tuarum. *Ÿ.* Géntibus
missum est hoc salutáre Dei,
et ipsi áudient. * Et erit. Gló-
ria. † Erit. *Mich.* 5. *Act.* 28.

Hymnus, Lux de luce, ut in
II Vesperis, 332.

Ÿ. Dóminus dábit verbum
evangelizántibus *R.* Virtúte
multa. *Ps.* 67.

Ad Magnificat. *Ant.* 5. C.
Ecce super montes pedes evan-
gelizantis, et annuntiantis pa-
cem. Célebra, Juda, festivitá-
tes tuas, et redde vota tua.
Nahum, 1.

AD COMPLET. *Psalmi de*
Sabbato; *Capit. de Feriis*; ce-
tera ut *infra*, 332.

AD OFFICIUM NOCT.

Invit. Deum, qui de téné-
bris nos vocávit in admirábile
lumen suum, * Veníte, ado-
rémus. *1. Petr.* 2.

Hymnus. C.

JAM, Christe, nomen Gállica
plebs tuum

Audívit; ingens pendet
opus tamen:

Compelle clemens univer-
sam

Sponte sequi tua signa gen-
tem.

Sacer Pothíni fumat adhuc
cruor,

Mœretque vastas destítui
suo

Cultóre messes: mitte tan-
to,

Christe, pares operi mini-
stros.

Andis. Verendi, dum loqui-
mur, senes

Venére septem: dux Dio-
nysius

Exámen anteit; quaque præ-
stet

Ire, legunt sibi quisque ter-
ras.

Sed qua nefandos cómperit
ácrius

Fervére cultus, huc rapi-
dus volat,

Impressa carni præliórum
Clara ferens veterum tro-
phœa.

Hinc quanta posthac Chris-
tiadum seges

Exsurget! Ergo, Pastor,
Apóstolus

Ames vocári Galliárum,
Sancte senex, columenque
regni.

Qui nos ab alto nunc quoque
párturis,

Fovére prolem perge tuam,
Pater;

Ut corde spirantem sub
imo

Exhibeat pia vita Christum.

Laus summa Patri, súmma-
que Fílio;

Sanctóque compar laus ti-
bi, Spíritus,

Per quem rebelles veritáti
Súbdere amant fera colla

Gentes. Amen.

Psalmi de Dominica.

IN I NOCTURNO.

Ant. 8. G. Audívi vocem Dó-
mini dicentis: Quem mittam?
et quis ibit nobis? Et dixi:
Ecce ego, mitte me. *Is.* 6.

Ant. 6. F. Dóminus dixit mi-
hi: In gentes nunc ego mitto
te, aperíre óculos eórum, ut

convertantur a tenebris ad lucem. *Act. 26.*

Ant. 2. D. Dixit Spíritus, ut irem nihil hæsitans: venerunt autem mecum et sex fratres. *Act. 11.*

Ÿ. Laudáte Dóminum, omnes gentes: R. Laudáte eum, omnes pópuli. *Ps. 116.*

Lectio I. Cap. 1.

Ex Epístola prima beáti Pauli Apóstoli ad Thessalonicenses.

GRATIAS ágimus Deo semper pro ómnibus vobis, memóriam vestri facientes in orationibus nostris sine intermissione, memores óperis fidei vestræ, et labóris, et caritátis, et sustinentiæ spei Dómini nostri Jesu Christi, ante Deum et Patrem nostrum: scientes, fratres dilecti a Deo, electiõnem vestram; quia Evangélium nostrum non fuit ad vos in sermone tantum, sed et in virtute, et in Spíritu sancto, et in plenitudine multa, sicut scitis quales fuérimus in vobis propter vos. Et vos imitatóres nostri facti estis et Dómini, excipientes verbum in tribulatione multa, cum gaudio Spíritus sancti; ita ut facti sitis forma ómnibus credentibus.

R. Voluisti, Dómine, * Ut dignam perciperent peregrinationem puerórum Dei, quæ tibi ómnium carior est terra. Ÿ. In omnem regiõnem annuntiábam ut poenitentiam ágerent et converterentur,

digna poenitentiae ópera facientes; * Ut dignam. *Sap. 12. Act. 26.*

Lectio II. Cap. 1 et 2.

IN omni loco fides vestra, quæ est ad Deum, profecta est; ita ut non sit nobis necesse quidquam loqui. Ipsi enim de nobis annúntiant qualem intróitum habuérimus ad vos; et quómodo conversi estis ad Deum a simulacris, servíre Deo vivo et vero, et exspectáre Fílium ejus de cœlis, quem suscitávit ex mórtuis, Jesum, qui eripuit nos ab ira ventúra. Nam ipsi scitis, fratres, intróitum nostrum ad vos, quia non inánis fuit: sed ante passi et contuméliis affecti, sicut scitis.

R. Cum venissem propter Evangélium Christi, et óstium mihi apertum esset in Dómino, non habui réquiem: * Deo autem grátias, qui semper triumphat nos in Christo Jesu, et odórem notitiæ suæ manifestat per nos in omni loco. Ÿ. Dóminus vóluit ut sanctificáret pópulum suum, et magnificáret legem, et extólleret: * Deo. *II. Cor. 2. 15. 42.*

Lectio III.

FRUSTRAM habuimus in Deo nostro, loqui ad vos Evangélium Dei in multa sollicitudine. Exhortatio enim nostra, non de errore, neque de immundítia, neque de dolo; sed sicut prohibiti sumus a Deo ut crederetur nobis Evangé-

liam : ita loquimur, non quasi hominibus placentes, sed Deo qui probat corda nostra. Neque enim aliquando fuimus in sermone adulationis, sicut scitis : neque in occasione avaritiæ, Deus testis est; nec quærentes ab hominibus gloriam, neque a vobis, neque ab aliis; cum possemus vobis oneri esse ut Christi Apostoli : sed facti sumus parvuli in medio vestrum, tanquam si nutritrix soveat filios suos. Ita desiderantes vos, cupide volebamus tradere vobis non solum Evangelium Dei, sed etiam animas nostras, quoniam carissimi nobis facti estis.

R. Usque ad vos pervenimus in Evangelio Christi, * Non gloriantes in alienis laboribus; spem autem habentes crescentis fidei vestræ, in vobis magnificari, etiam in illa quæ ultra vos sunt evangelizare. V. Dominus Deus opprobrium populi sui auferet de universa terra : exultabimus et lætābimur in salutari ejus, * Non. Glória. * Non. II. Cor. 10. Is. 25.

IN II NOCTURNO.

Ant. 1. f. Fide obedivit in locum exire, quem accepturus erat in hæreditatem. Hebr. 11.

Ant. 5. a. Surrexit, et abiit juxta verbum Domini; et cepit introire in civitatem. Jonæ, 3.

Ant. 8. c. Incitabatur spiritus ejus in ipso, videns id-

olatriæ deditam civitatem. Act. 16.

V. Omnes dii gentium, demonia; R. Dominus autem cælos fecit. Ps. 95.

Lectio IV.

Hist. Eccl. Brev. Paris. Godesc. Gall. Christ. t. XIII. col. 1162. etc.

DIONYSIUS cum Trophimo, Saturnino et aliis quatuor, Gentium episcopus ordinatus ad prædicandum in Gallias a Romano Pontifice missus est, videlicet a Fabiano, ut nunc communius apud doctissimos admittitur. Appulisse septem in provinciam Narbonensem, et Christiani nominis reverentiam Arelatensi primum urbi exhibuisse, vetus Ecclesiæ Gallicanæ traditio est. Adsumptis e discipulorum numero adiutoribus duodecim, Lutetiam, jam antea Christum coram tribunali confessus, advénit. Tum, patefacto sibi per varia miracula prædicationis aditu, postquam cives non exiguo numero Christo subjécit, allégit ex eis ministros quibuscum curam populi partirétur; atque ita Ecclesiam, quæ necdum illis in locis fuerat, ex Clero et populo secundum formam Apostolicam instituit, quam ipse auctoritate episcopali primus administravit.

R. Circumdantibus enim discipulis, surgens intravit civitatem : * Cumque evangelizassent civitati, et docuissent multos, confirmabant animas

discipulorum, exhortantes ut permanerent in fide. ✠. Adjuvabant eum fratres ejus; et directa est salus in manu ejus: Cumque. *Act. 14. I. Mach. 3.*

Lectio V.

TUNC vero ad providendum civitatibus provinciisque vicinis animum liberiorius adjungens, emisit in ulteriores Galliae partes, tanquam ad novam expeditionem, duodecim discipulos quorum opera strenua fidelique hactenus usus fuerat, ut illas regiones suis auspiciis suoque ductu Christo acquirerent; quas fere omnes postea sanguine suo consecrarunt in persecutione Maximiani Imperatoris. Nec ipse semper intra Parisiorum fines se continuit. Illum enim imprimis constat Meldensem adunasse Ecclesiam, cui postea beatum Sanctinum primum Antistitem praeposuit; unde apud Meldenses tanquam ipsorum Apostolus celebratur.

R. Cum sumpsisset cor ejus audaciam propter vias Domini, etiam excelsa et lucos abstulit, * Et misit de suis ut docerent in civitatibus. ✠. Crediderunt quotquot erant praordinati ad vitam aeternam: disseminabatur autem verbum Domini per universam regionem; * Et. *II. Par. 17. Act. 13.*

Lectio VI.

POST tot labores et itinera,

Parisiis reversum gravis subito in occidua praesertim orbis parte mota persecutio excepit; cujus minister in his partibus, Lugdunensis tunc Galliae praeses Sisinnius Fescenninus exstitisse scribitur. Is Dionysium ad necem inquiri jussit, et Parisiis cum Rustico Presbytero et Eleutherio Diacono repertum carceri mancipari, donec eum audiret. Tum quaestione habita, admotisque tormentis, postquam se nihil proficere intellexit, et fide Martyrum tormentorum vim et verberum injurias superari, capita illis amputari jussit septimo Idus Octobris. Corpora eorum in Sequanam projici jussa, matrona quaedam Evangelii fidem amplexari meditans, elusis militibus, secum avexit, et sexto ab urbe lapide sepelivit. Sanctos autem Martyres non ante Maximiani Herculis persecutionem passos fuisse probatur, ex beati Sanctini mortis tempore, qui scilicet a Dionysio Meldensis Episcopus ordinatus, nonnisi tamen post medium saeculi quarti suam in caelis mercedem accepit.

R. Ludibria et verbera experti, insuper et vincula et carceres, * Lapidati sunt, secti sunt, tentati sunt, † In occasione gladii mortui sunt. ✠. Quomodo ceciderunt robusti, et perierunt? * Lapidati sunt. Gloria. † In. *Hebr. 11. II. Reg. 1.*

IN III NOCTURNO.

Ant. 7. a. Evangélium nostrum non fuit ad vos in sermone tantum, sed et in virtute, et in Spíritu sancto, et in plenitudine multa. *I. Thess. 1.*

Ant. 4. f. Etsi aliis non sum Apóstolus, sed tamen vobis sum, nam signáculum Apostolatus mei vos estis in Dómino. *I. Cor. 9.*

Ant. 5. C. Quæ est nostra spes, aut gáudium, aut coróna glóriæ? Nonne vos ante Dóminum Jesum? vos enim estis glória nostra et gáudium. *I. Thess. 2.*

✠ Magnificávit Dóminus fácere nobiscum: *R.* Facti sumus lætantes. *Ps. 125.*

Lectio VII.

Ex sancto Eucharíio Lugdunensi Episcopo. *Hom. de SS. Mart. Ehipodio et Alexandro.*

Ad tenendam fidem, ad excolendam religiõnem, non nobis aliqua de longinquo sunt expectanda documenta; paternis instruímur magistéris, ac domésticis admonémur exemplis. Num nobis ad cor nostrum clamat cognáti viva vox sánguinis? Discite, inquit, ex nobis, fidem quærendo acquirere, vivendo excólere, moriendo serváre. Discite plus peccátum timére quam gládium. Discite propter vitam magis justítiam amáre quam vitam, fidemque et

timórem Dei. Quem nos in média belli tribulatiõne servávimus, observáte ne vos in pace vel pacis securitate perdátis. Cavéte ne áncoram spei ac religiõnis, quam nos eustodívimus in fluctu, vos amittátis in portu. Cavéte ne vitam bonam, si quando afflictiónibus súbditam vidéritis, miseram judicéti. Cavéte ne in aréna mundi, in qua ad subeundos agones missi sumus, áliquam felicitatem expectandam putéti. Beatitúdo parári hic potest, non potest acquiri. Non hic quæras quod hic nullus Sanctórum, quod hic nec Christus invénit. Si mundus pacem haberet, glóriam Mártyres non haberent.

R. Fílii sanctórum sumus, * Et vitam illam expectámus quam Deus datúrus est his, qui fidem suam nunquam mutant ab eo. ✠ Per multas tribulatiões oportet nos intráre in regnum Dei. * Et. *Tob. 2. Act. 14.*

Lectio VIII.

Hi ergo sunt, dilectíssimi fratres, qui transiérunt per magnas tribulatiões; qui lavérunt stolas tuas, et cándidas eas fecérunt in ságuine Agni. Hi sunt commilitiões illórum, qui secundum Apóstolum, lapidáti sunt, secti sunt, et tentáti sunt, in occisiõne gládii mórtui sunt; egentes, angustiáti, afflicti, quibus dignus non erat mundus. Sed inter hæc fortasse, caríssimi, quando boni et

sancti tanta hic mala patiuntur, aliquis intra se cogitet, et dicat: Certum est rerum Dóminum non respicere quæ nostra sunt. O quicumque ille es, quómodo respicis Sanctorum labores; cur non respicis remuneratiónes? Ecce per totum mundum, in sanctis Apóstolis atque Martyribus, felicitati adversitas viam fecit, salutí perditio militávit, et óstium dum vitæ claudit, glóriæ patefécit. Quando cultor Dei adversis laborare permittitur, non desératur, sed probátur; et ideo dicit sermo divínus: Beátus qui suffert tentatió-nem: quóniam cum probátus fúerit, accipiet corónam vitæ, quam repromísit Deus diligéntibus se.

R). Magnum certámen sustinistis passiónum, opprobriis et tribulatió-nibus spectáculum facti: * Cognoscentes vos habere meliorem et manentem substantiam. ¶. Probatio fidei vestræ, multo pretiósior auro quod per ignem probátur, inveniétur in laudem, et glóriam, et honórem. * Cognoscentes. *Hebr.* 10. I. Petr. 1.

Lectio IX. Cap. 16.

Lectio sancti Evangélii secundum Marcum.

Discipulorum missio.

In illo témpore; Dixit Jesus discipulis suis: Euntes in mundum universum, prædicáte Evangélium omni creaturæ. Et reliqua.

Homília sancti Augustíni Episcopi. *Serm.* 233. n. 1, 3, 5.

AUDISTIS quid dixerit Dóminus discipulis suis post resurrectionem. Misit eos ad Evangélium prædicandum, et factum est: prædicátum est Evangélium, pervénit ad nos. Bréviter constituit nobis, loquens discipulis suis, quid faciámus, quid sperémus. Ait enim: Qui crediderit, et baptizátus fúerit, salvus erit. Exígitur a nobis fides; offertur salus. Erígite fidem, évigilet cor vestrum: recordámini hóminem, in quo decepti sumus: recordámini hóminem, a quo redempti sumus. Salvátor venit: mórtuus est, sed mortem occidit: finívit in se quam timebámus; suscepit illam et occidit illam. Gáudeant triumphantes, gáudeant; dicant: Ubi est, mors, victória tua? ubi est, mors, acúleus tuus? ubi est? Nonne confrégit illum Dóminus meus? O mors, quando Dómino meo hæsisisti, tunc et mihi peristi. Ista salutē salvus erit qui crediderit, et baptizátus fúerit: qui autem non crediderit, condemnábitur. Fúgite condemnatió-nem, amáte et speráte salutē æternam.

R). Ubi est, mors, victória tua? ubi est, mors, stímulus tuus? stímulus mortis peccátum est; * Deo autem grátias: † Qui dedit nobis victóriam per Dóminum nostrum Jesum Christum. ¶. Oblivió-ni tradi-tæ sunt angústie prióres et

absconditæ ab oculis; * Deo.
Glória. † Qui. *I. Cor. 15. Is.*
65.

AD LAUDES.

Ps. de Dom. et sic ad Horas.

Ant. 3. a. Adduxérunt eum
ad tribúnal, dicentes: Quia
contra legem hic persuádet
homínibus cólere Deum. *Act.*
18.

Ant. 5. a. Trahébant et
quosdam fratres ad príncipes
civitátis, clamantes: Quón-
iam hi qui urbem cóncitant,
et huc venérunt, contra de-
créta Cæsaris faciunt. *Act. 17.*

Ant. 7. c. Viri regis dixé-
runt ad eos: Facite secun-
dum verbum regis, et vivétis.
Et dixerunt: Non faciémus.
I. Mach. 2.

Canticum. Baruch, 5.

EXUE te, Jerúsalem, stola
luctus et vexationis tuæ; * et
índue te decóre et honóre
ejus, quæ a Deo tibi est, sem-
piternæ glóriæ.

Circumdabit te Deus di-
plóide justitiæ, * et impónet
mítram cápiti honóris æterni.

Deus enim ostendet splen-
dorem suum in te * omni qui
sub cœlo est.

Nominábitur enim tibi no-
men tuum a Deo in sempiter-
num: * Pax justitiæ, et honor
pietátis.

Exsurge, Jerúsalem, et sta
in excelso, * et circúaspice
ad Orientem;

Et vide collectos filios tuos,
ab oriente solo usque ad occi-

dentem, * in verbo Sancti gau-
dentes Dei memória.

Exiérunt enim abs te pedi-
bus ducti ab inimícis: * addú-
cet autem illos Dóminus ad
te, portátos in honóre sicut
fílios regni.

Ant. 1. g. Ibant prompti,
de cœlo habentes adjutórem,
et miserantem super eos Dó-
minum. *II. Mach. 11.*

Ant. 4. F. Vir ætáte provec-
tus, et vultu decórus, glorio-
síssimam mortem complec-
tens, voluntárie præibat ad
supplícium. *II. Mach. 6.*

Capitulum. II. Cor. 1.

SICUT abundant passiones
Christi in nobis, ita et per
Christum abundat consolatio
nostra: sive autem tribulá-
mur pro vestra exhortatióne,
et salúte; sive consolámur
pro vestra consolatióne.

*Hymnus. S. V. **

SACROS ad cineres cúrrite;
débitis

Nati carminibus dicere gés-
tiant

Reliquias Patrum, totque
célebria

Signis pignora Mártyrum.

Hic, dum justa parant prælia

Príncipes,

Flexis poplitibus, præsi-
dium petunt:

Vestros ante pedes régia
súpplices

Deponunt diadémata.

Quos sensere honos rebus in
árduis

Viventes, etiam post sua
fúnera
Jungi Martyribus, dum ve-
niat dies
Terris últimus, ámbiunt.
Hic quot prodigiis se Deus
ádsarit!

Hic surdi patulis áuribus
audiunt :
Cæcis hic sua lux rédditur,
et suos
Contractis vigor ártubus.
Patri máxima laus : máxima
Fílio ;
Amborumque sacro máxi-
ma Flámini,
Cui se rite litans, fúnere
spléndido
Triplex cónsecrat hóstia.
Amen.

Ÿ. Secundum magnitúdinem
bráchii tui, Dómine, R. Pósside
filios mortificatórum. *Ps.* 78.

Ad Benedictus. *Ant.* 1. D.
Deus tentávit eos, et invénit
eos dignos se : tanquam au-
rum in fornáce probávit illos,
et quasi holocausti hóstiam
accépit illos, et in témpore
erit respectus illórum. *Sap.* 3.

Oratio Brev. Paris.

DEUS, qui hodierna die beá-
tum Dionysium Pontíficem,
et Sócios ejus virtuté constán-
tiæ in passióne roborasti : trí-
bue nobis, quæsumus, et eo-
rum imitatione pro amore tuo
próspera mundi despícere, et
nulla ejus adversa formidáre ;
Per Dóminum.

*Fit sola Commem. Dominica
occurrentis.*

AD HORAS, Doxologia :
¶ Uni sit et trino Deo
Supréma laus, summum de-
cus,
De nocte qui nos ad suæ
Lumen vocávit glóriæ. Amen.

AD PRIMAM.

Ant. 3. a. Adduxérunt eum.

In R. br. Ÿ. Qui vocasti
nos ex Géntibus * plebem
tuam. *Rom.* 5.

Canon.

Ex antíquis Constitúti-
bus Ecclesiárum orientálium,
c. 62.

SANCTORUM Mártyrum qui
bonum certámen pro Christo,
ejusque orthodoxa fide certá-
runt, ossa deponantur in ec-
clésiis et monastériis ; ut emá-
nent ex iis sanitátes, et utili-
tátes ægrótiis, infirmis, para-
lyticis, et indigéntibus aliis.
Eórum fiat quotannis comme-
morátio ab universa christiá-
na plebe : nec reputentur ut
réliqui mórtui, sed máximus
deferátur illis honor ; quón-
iam amíci Dei, et Ecclesiæ
diadéma et coróna : suo quip-
pe pretióso ságuine cornu
christiánæ Religiónis extulé-
runt præ cunctis géntibus et
pópulis.

AD TERTIAM.

Ant. 5. a. Trahebant.

Capitulum. I. Cor. 4.

MALDICIMUR, et benedíci-
mus ; persecutióne pátimur,

et sustinémus; blasphemámur, et obsecrámus: tanquam purgamenta hujus mundi facti sumus, ómnium peripséma usque adhuc. Non ut confundam vos hæc scribo, sed ut filios meos caríssimos móneo.

R. br. Diripiébant nos, * nec oblíti sumus te; * Allelúia, allelúia. Diripiébant. *Ÿ.* Et inique non égimus * in testamento tuo; * Allelúia. Glória. Diripiébant. *Ps.* 43.

Ÿ. Speráte in Deo, omnis congregátio pópuli: *R.* Deus adiutor noster in æternum. *Ps.* 61.

AD SEXTAM.

Ant. 7. c. Viri regis.

Capitulum. II. Cor. 4.

HABENTES spíritum fidei, sicut scriptum est: Crédidi, propter quod locútus sum; et nos crédimus, propter quod et loquimur: scientes quóniam qui suscitávit Jesum, et nos cum Jesu suscitábit, et constituet vobiscum: ómnia enim propter vos.

R. br. Salva nos, Deus, * érue nos de géntibus; * Allelúia, allelúia. Salva nos. *Ÿ.* Ut confiteámur nómini sancto tuo, * et gloriémur in laude tua; * All. Glória. Salva nos. *I. Par.* 16. *Ps.* 105.

Ÿ. Confundantur omnes qui adórant sculptília, *R.* Et qui gloriantur in simulácris suis. *Ps.* 96.

AD NONAM.

Ant. 4. E. Vir.

Capitulum. Act. 20.

NIHIL véreor, nec fácio ánimam meam pretiosiórem quam me, dúmmodo consummem cursum meum, et ministérium verbi quod accépi a Dómino Jesu, testificári Evangelium grátiae Dei.

R. br. In Deo * faciémus virtútem; * Allelúia, allelúia. In Deo. *Ÿ.* Et ipse ad nihílum dedúcet * tribulantes nos; * Allelúia. Glória. In Deo. *Ps.* 59.

Ÿ. In nómine tuo, Dómine, *R.* Spernémus insurgentes in nobis. *Ps.* 43.

AD II VESPERAS.

In Ps. Dixit Dóminus, 18.

Ant. 4. E. Considera Israel, super excelsa tua ínclýti interfecti sunt. Quómodo ceciderunt fortes? Amábiles et decóri in vita sua, in morte quoque non sunt divísi. *II. Reg.* 1.

In Ps. Crédidi, 89.

Ant. 3. a. Vidi sedes, et ánimas desolatórum propter testimónium Jesu, et propter verbum Dei. *Apoc.* 20.

In Ps. Nisi quia, 38.

Ant. 6. F. Sedérunt super sedes, et júdicium datum est illis; et vixérunt, et regnavérunt cum Christo. *Apoc.* 20.

In Ps. Qui confídunt, 73.

Ant. 5. C. In his secunda mors non habet potestátem; sed erunt Sacerdótes Dei et Christi, et regnábunt cum illo. *Apoc.* 20.

In Ps. In convertendo, 38.

Ant. 7. G. Ossa eórum púl-
lulent de loco suo ; nam cor-
roboravérunt Jacob, et rede-
mérunt se in fide virtútis.
Eccli. 49.

Capitulum. Hebr. 13.

MEMENTOTE præpositórum
vestrórum, qui vobis locúti
sunt verbum Dei; quorum
intuentes éxitum conversatió-
nis, imitámini fidem.

*Hymnus. S. V. **

Lux de luce Deus, fons quo-
que lúminum,
Quo stat perpetuus Cœliti-
bus dies,
Cæcis in stygia morte ja-
céntibus
Quæ fers lúmina Gállis!
Huc de sede Petri férvidus
ádvolat;
Aras, fana, deos fúnditus
érui;
Et Christum resonans, dé-
docet ímpios
Dux Verbi Dionysius.
Ex hoc fonte Deum plénius
háusimus,
Meldæ, Parísii; Gentis A-
póstolum
Ergo te canimus, pródiga
quos parit
Per tot prælia cáritas.
Addunt se comites, et rudibus
pia
Committunt fidei sémina
méntibus :
Sacris bárbara gens, jam
docilis Deo,
Christum fóntibus induit.

Hinc qualis rabies pérdere
stat novam
Gentem Christiadam! Mil-
le volant neces;
Intentos operi, nec tímidos
mori
Pastóres furor ímpetit.

Aptantur gladii, vérbera,
cómpedes :
Illi supplicium delicias pu-
tant :
Subdunt se gladiis, tres si-
mul óccidunt,
Tres cœlo simul ádvolant.

Patri máxima laus : máxima
Fílio;
Amborumque sacro máxi-
ma Flámini,
Cui se rite litans, fúnere
spléndido
Triplex cónsecrat hóstia.
Amen.

✠. Pretiósá in conspectu
Dómini R. Mors Sanctórum
ejus. *Ps. 115.*

Ad Magnificat. Ant. 1. J.
Per fidem vicérunt regna, ope-
ráti sunt justítiam, adepti
sunt repromissiónes : ideó-
que et nos per patiéntiam cur-
rámus ad propósitum nobis
certámen. *Hebr. 11 et 12.*

AD COMPLETORIUM.

Psalmi de Dominica.

Ant. 6. F. Occupábit salus
muros suos, et portas tuas
laudatio : et erit tibi Dómi-
nus in lucem sempiternam.
Is. 60.

*Capit. de Dominica. Ad Hym-
num, Doxologia : ¶ Uní sit, ut
ad Horas.*

Ad Nunc dimittis. Ant. 4. E.
 Consolatus est Dóminus pópulum suum : parávit brá-chium sanctum suum in ócu-lis ómnium géntium. *Is. 52.*

DIE VII.

S. FIDIS,

VIRGINIS ET MARTYRIS.

*Simplex.**Lectio I. Cap. 13 et 14.*

Ex Daniéle Prophéta.

Rex Astyages appósitus est ad patres suos ; et suscepit Cyrus Perses regnum ejus. Erat autem Dániel convíva regis, et honorátus super omnes amícos ejus. Erat quoque idólam apud Babylónios nómine Bel : et rex ibat per sín-gulos dies adoráre eum : porro Dániel adorábat Deum suum. Dixitque ei rex : Quare non adóras Bel ? Qui respon-dens, ait ei : Quia non colo idóla manufacta, sed viven-tem Deum, qui creávit cælum et terram. Et dixit rex ad eum : Non vidétur tibi esse Bel vi-vens deus ? annon vides quan-ta cómedat et bibat quotidie ? Et ait Dániel arridens : Ne erres, Rex, iste enim intrínse-cus lúteus est, et forínsecus æreus, neque cómedit aliquan-do. Et venit rex cum Daniéle in templum Bel. Et dixerunt sacerdotes Bel : Ecce nos egré-dimur foras ; et tu, Rex, pone escas et vinum misce, et clau-de óstium, et signa ánnulo tuo : et cum ingressus fúeris

mane, nisi invéneris ómnia comesta a Bel, morte morié-mur ; vel Dániel qui mentítus est adversum nos.

R. Simulácula géntium argen-tum et aurum, ópera mánu-um hóminum : * Ós habent et non loquentur ; óculos habent et non vidébunt. V. Quómodo ergo æstimandum est aut re-cipiendum quia dii sunt ? * Ós habent. *Ps. 113. Baruch, 6.*

Lectio II.

F^{ACTUM} est igitur postquam egressi sunt illi, rex pósuit cibos ante Bel. Præcépit Dá-niel púeris suis, et adtulérunt cínereum, et cribrávit per to-tum templum coram rege : Et egressi clausérunt óstium ; et signantes ánnulo regis, abié-runt. Sacerdotes autem in-gressi sunt nocte juxta con-suetúdinem suam, et uxóres, et filii eórum ; et comedérunt ómnia, et bibérunt. Surrexit autem rex primo dilúculo, et Dániel cum eo. Et ait rex : Sálvane sunt signácula, Dá-niel ? qui respondit : Salva, Rex. Statimque cum aperuisset óstium, intúitus rex men-sam, exclamávit voce magna : Magnus es, Bel, et non est apud te dolus quisquam. Et risit Dániel, et tenuit regem ne Ingredereétur întro ; et dixit : Ecce pavimento ; ani-madverte cujus vestigia sint hæc. Et dixit rex : Vídeo ves-tigia virórum, et mulierum, et infántium. Et irátus est rex. Tunc apprehendit sacer-

dótes, et uxóres, et filios eórum : et ostendérunt ei abscondita ostíola per quæ ingrediebantur, et consumébant quæ erant super mensam. Occidit ergo illos, et trádedit Bel in potestátem Daniélis, qui subvertit eum et templum ejus.

R. Dóminus Deus verus est : ipse Deus vivens, et Rex sempiternus : * Dii qui cælos et terram non fecérunt, péreant de terra. ✠. Ego sum Dóminus fáciens ómnia, et nullus mecum. * Dii. *Jer. 10. Is. 44.*

Lectio III.

Brev. Petroc. Hist. Eccl. Mæd.

FIDES, Aginni ad Garumnam nata, ab infántia in fide Christi et pietátis exercítiis instituta est. In persecutióne Diocletiani et Maximiani, accusáta quod Christum cóleret, ultro sesatellitibus óbtulit, et signo crucis in ore, fronte et pectore se muniens, coram Daciáno præside, Christiánam fidem professá est. Cum eam præses blandítiis et munéribus, ut Diánæ sacrificáret, frustra tentasset, in lectum æreum inferri, atque igne tórqueri jussit. Igitur cratículam virgo conscendit, ibique caténis constricta est, subjectis ardéntibus prunis, et ádipe superfúso, ut flamma adustis membris tenácius inhæreret. Sed repente copióso imbre ignis fuit exstinctus. Cum ergo a flammis divína virtúte incólumis exiisset, amputáto cápi-

te, martyrium explévit. Célebris est et antiquíssima ejus in civitáte Columbariensi memória. Ibi enim olim exstábat ipsíus nóminis Priorátus conventuális, ubi per totum fere séculum décimum quintum, ejusdem intercessióne, frequentióra patrátá sunt miracula. Inter Priorátus illius Prióres máxime emícuit Joannes Bayardus, qui in Menológio Benedictíno inter Sanctos annumerátur. Ecclésia autem priorális a beáto Thoma Cantuariensi fúerat consecráta, sicut et parochiális, ubi etiam numadservantur áliquot reliquiæ sanctæ Fidis, e Conquensi monastério, anno milésimo quingentésimo vigésimo tértio, in eamdém civitatem allátæ.

R. Exáudita est orátio mea, et liberasti me de perditiónē, et eripuisti me de témpore iníquo. * Proptérea † Confitébor, et laudem dicam tibi. ✠. Dilatátum est os meum super inimícos meos. * Proptérea. Glória. † Confitébor. *Eccli. 51. I. Reg. 2.*

Oratio Brev. Rom.

DEUS, qui inter cétera poténtiæ miracula, étiam in sexu frágili victóriam martyrii contulisti; concéde propítius, ut beátæ Fidis Virgínis et Mátyris tuæ, cujus passiónem cólimus, victrícem quoque patiéntiam imitémur; Per Dóminum.

Vesperæ de Feria.

DIE VIII.

S. LEODEGARI,

EPISCOPI ET MARTYRIS.

*Simplex.**Lectio I. Cap. I.*

Incipit Osée Prophéta.

VERBUM Dómini, quod factum est ad Osée filium Beéri, in diébus Ozíæ, Jóathan, Achaz, Ezechíæ, regum Juda; et in diébus Jeróboham filii Joas regis Israel. Princípium loquendi Dómino in Osée: et dixit Dóminus ad Osée: Vade, sume tibi uxórem fornicatiónum, et fac tibi filios fornicatiónum: quia fornicans fornicábitur terra a Dómino. Et ábiit, et accépit Gomer filiam Debeláim: et concépit, et péperit ei filium. Et dixit Dóminus ad eum: Voca nomen ejus Jézrahel: quóniam adhuc módicum, et visitábo ságuinem Jézrahel super domum Jehu, et quiescere fáciam regnum domus Israel. Et in illa die cónteram arcum Israel in valle Jézrahel.

R. Dómui Juda miserébor, et * Salvábo eos in Dómino Deo suo; et non salvábo eos in arcu, et gládio, et in bello, et in equis, et in equitibus. ¶ Non volentis, neque currentis, sed miserentis est Dei. * Salvábo. *Osce, I. Rom. 9.*

Lectio II.

Et concépit adhuc, et pépe-

rit filiam. Et dixit ei: Voca nomen ejus, Absque misericórdia: quia non addam ultra miseréri dómui Israel, sed obliuione obliuiscar eórum. Et ablactávit eam, quæ erat Absque misericórdia. Et concépit, et péperit filium. Et dixit: Voca nomen ejus, Non pópulus meus: quia vos non pópulus meus, et ego non ero vester. Et erit númerus filiórum Israel quasi aréna maris, quæ sine mensúra est, et non numerábitur. Et erit in loco ubi dicétur eis: Non pópulus meus vos: dicétur eis: Filii Dei viventis. Et cōgregabuntur filii Juda, et filii Israel páriter: et ponent síbimet caput unum, et ascendent de terra; quia magnus dies Jézrahel.

R. Vocávit nos Deus non solum ex Judæis, sed étiam ex Géntibus, sicut in Osée dicit: * Et erit: In loco ubi dictum est eis: Non plebs mea vos: ibi vocabuntur filii Dei vivi. ¶ Dicam non pópulo meo: Pópulus meus es tu: et ipse dicet: Deus meus es tu: * Et. *Rom. 9. Osee, 2.*

*Lectio III.**Brev. Paris.*

LEODEGARIUS, Pictaviensis Archidiáconus, ac deinde monastérii sancti Maxéntii Abbas, postrémo Augustodunensium Episcopus créatus est: qui Ecclesiæ decem annis præfuit. Cum autem Childéricum secundum, qui in regni

administratióne illius ópera utobátur, argúeret quod anti-
 quas regni leges rescidisset,
 filiamque avúnculi duxisset
 uxórem, in Luxoviense mo-
 nastérium, quo relegátus án-
 tea fúerat Ebroínus Major
 Palátii, amandátus est. Uter-
 que, rege mórtuo, in prís-
 tinum gradum est restitú-
 tus: sed Ebroínus Leodegário
 auctóre se in monastérium
 detrúsum fuisse ratus, Di-
 dónem quondam Cabilonén-
 sium Episcopum, et Bobónem
 e Valentína sede ejec-
 tum, ac Vaimérum Ducem
 Campániz, cum exércitu Au-
 gustodúnun misit, qui eum
 comprehénderent. Re cógni-
 ta, sanctus Antistes, erogátis
 in páuperes facultátibus, tri-
 duano jejúnio indicto, et fac-
 tis circum urbis mœnia cum
 cruce et reliquiis Sanctórum
 supplicatióibus, Christi cór-
 pore præmunítus, ne quid
 detrimenti civitas sui causa
 paterétur, sponte se trádidit
 inimicis; qui illum statim,
 óculis érutis, in monastérium
 conjecérunt. Inde váriis cru-
 ciátum tormentis, postquam
 Guarínun ejus fratrem alligassent
 palo, et lapídibus obruissent,
 ipsam præcisis lábiis et lingua
 in cœnóbium Fiscamnense cui
 Hildomarca Abbátissa sanctíssime præ-
 rat, sub custódia adservan-
 dum detrusérunt. Deinde in
 palátium ductus quo nonnul-
 li Episcopi convénierant, cum
 linguæ officio nihilosécus
 uterétur; discissa túnica, epis-

copáli dignitaté spoliátus,
 conjectus est in cárcerem: ex
 quo in sylvam territórii Atre-
 batensis, ejus póstea nómine
 insignítam, a quátuor sicáriis
 abductus, cápite truncátus
 est, anno Christi sexcentési-
 mo septuagésimo octávo.

R. Factus es mihi adjútor,
 Dómine, et liberasti me * A
 rugiéntibus præparátis ad es-
 cam, de má nibus quæréntium
 ánimam meam, et de por-
 tis tribulatiónum quæ cir-
 cumdedérunt me. *Ÿ.* Dómi-
 nus mihi ádstitit, et confortá-
 vit me; et liberátus sum de ore
 leónis, * A rugiéntibus. Gló-
 ria. * A rugiéntibus. *Eccli. 51.*
II. Tim. 4.

Oratio Brev. Paris.

OMNIPOTENS, sempiternæ
 Deus, qui beáto Leodegário
 Pontífici et Mártýri tuo us-
 que ad mortem pro justítia
 certáre tribuisti: fac nos ejus
 méritis, vitæ frá gilis amórem
 abjícere; et ad te, qui solus
 vera vita es, perveníre; Per
 Dóminum.

Vesperæ de Feria.

DIE IX.

DE FERIA.

Lectio I. Cap. 2.

Ex Osée Prophéta.

DICITE frátribus vestris:
 Pópulus meus: et soróri ves-
 træ: Misericórdiam consecú-
 ta. Judicáte matrem vestram,

judicáte : quóniam ipsa non uxor mea, et ego non vir ejus. Et filiórum illíus non miserébor : quóniam filii fornicatiónum sunt. Quia fornicáta est mater eórum, confúsa est quæ concépit eos, quia dixit : Vadam post amatóres meos, quidant panes mihi, et aquas meas, lanam meam et linum meum, óleum meum, et potum meum. Propter hoc ecce ego sépiam viam tuam spinis, et sépiam eam macéria, et sémitas suas non invéniet. Et sequétur amatóres suos, et non apprehendet eos; et quæret eos, et non invéniet, et dicet : Vadam, et revertar ad virum meum priórem; quia bene mihi erat tunc magis quam nunc. Propter hoc, ecce ego lactábo eam, et ducam eam in solitúdinem: et loquar ad cor ejus. Et áuferam nómina Baálim de ore ejus, et non recordábitur ultra nóminis eórum. Et percútiám cum eis fœdus in die illa, cum béstia agri, et cum vólucres cœli, et cum réptili terræ: et arcum, et gládium et bellum cónteram de terra: et dormíre eos faciám fiduciáliter. Et sponsábo te mihi in sempiternum: et sponsábo te mihi in justítia, et judício, et in misericórdia, et in miserationibus. Et sponsábo te mihi in fide: et scies quia ego Dóminus.

¶. Scito iniquitátem tuam, aversátrix Israel, quia in Dóminum Deum tuum prævaricáta es; et vocem meam non

audisti: tamen revértere ad me, dicit Dóminus, * Et ego suscépiam te. ¶. Ergo saltem ámodo voca me: Pater meus, dux virginitátis meæ tu es: * Et. Jer. 3.

Lectio II. Cap. 3 et 4.

Dixit multos sedébunt filii Israel sine rege, et sine príncipe et sine sacrificio, et sine altári, et sine ephod, et sine théraphim. Et post hæc revertentur filii Israel, et quærent Dóminum Deum suum, et David regem suum: et pavébunt ad Dóminum, et ad bonum ejus in novíssimo diérum. Audíte verbum Dómini, filii Israel, quia judícium Dómino cum habitatóribus terræ: non est enim véritas, et non est misericórdia, et non est sciéntia Dei in terra. Maledictum, et mendácium, et homicídium, et furtum, et adulterium inundavérunt, et sanguis ságuinem tétigit. Propter hoc lugébit terra, et infirmábitur omnis, qui hábitat in ea. Contúscuit pópulus meus, eo quod non habúerit sciéntiam: quia tu sciéntiam repulisti, repelam te, ne sacerdotío fungáris mihi; et oblíta es legis Dei tui, obliviscar filiórum tuórum et ego. Secundum multitudinem eórum sic peccavérunt mihi: glóriam eórum in ignomíniám commutábo. Peccáta pópuli mei cómedent, et ad iniquitátem eórum sublevábunt ánimas

eórum. Et erit sicut pópulus, sic sacerdos: et visitábo super eum vias ejus, et cogitationes ejus reddam ei. Et comedent, et non saturabuntur: fornicáti sunt, et non cessavérunt: quóniam Dóminum dereliquerunt in non custodiendo. Fornicatio, et vinum, et ebrietas áuferunt cor.

R. Dómine Deus, * Ergone disperdes omnes reliquias Israel, effundens furórem tuum super Jerúsalem? ✠. Quid enim? si quidam illórum non credidérunt; * Ergone. *Ezech. 9. Rom. 3.*

Lectio III. Cap. 13 et 14.

PERDITIO tua, Israel: tantúmmodo in me auxílium tuum. Ubi est rex tuus? máxime nunc salvet te in ómnibus úrbibus tuis; et júdices tui, de quibus dixisti; Da mihi regem et príncipes. Dabo tibi regem in furóre meo, et áuferam in indignatione mea. Colligáta est iniquitas Ephraim, absconditum peccátum ejus. Dolóres parturientis yénient ei: ipse filius non sapiens: nunc enim non stabit in contritione filiórum. De manu mortis liberábo eos, de morte rédimam eos: ero mors tua, o mors; morsus tuus ero, inferne: consolátio abscondita est ab óculis meis. Ephraim quid mihi ultra idóla? ego exaudiam, et dírigam eum ego ut abietem virentem: ex me fructus tuus inventus est. Quis sapiens, et intélliget

ista? intélligens, et sciét hæc? quia rectæ viæ Dómini, et justí ambulábunt in eis: prævaricatóres vero córruent in eis.

R. Veníte, et revertámur ad Dóminum; quia ipse cepit, et sanábit nos; percútiét et curábit nos. * Et vivémus in conspectu ejus, sequemurque ut cognoscámus Dóminum. ✠. Vivificábit nos post duos dies; in die tértia suscitábit nos. * Et. Glória. * Et. *Osee, 6.*

Vesperæ de sequenti.

DIE X.

S. THEODECHILDIS,

VIRGINIS.

Semiduplex.

Lectio I. Cap. 1.

Incipit Joel Prophéta.

VERBUM Dómini quod factum est ad Joel filium Pháthuel. Audíte hoc, senes, et áuribus percípíte, omnes habitatóres terræ: Si factum est istud in diébus vestris, aut in diébus patrum vestrórum? Super hoc filiis vestris narráte, et filii vestri filiis suis, et filii eórum generatióni áltéræ. Resíduum erúcæ comédit locusta, et resíduum locustæ comédit bruchus, et resíduum bruchi comédit rubígo. Accíngite vos et plángite, Sacerdótes; ulúláte, ministri áltáris: ingredimini, cubáte in sacco, ministri Dei mei: quóniam intériit de do-

mo Dei vestri sacrificium, et libatio. Sanctificáte jejúnium, vocáte cœtum, congregáte senes et omnes habitátóres terræ in domum Dei vestri : et clamáte ad Dóminum. A, a, a, diéi : quia prope est dies Dómini, et quasi vástitas a potente véniet. Nunc ergo dicit Dóminus : Convertímini ad me in toto corde vestro, in jejúnio, et in fletu, et in planctu : et scíndite corda vestra, et non vestimenta vestra, et convertímini ad Dóminum Deum vestrum : quia benignus et miséricors est, pátiens et multæ misericórdiæ, et præstábilis super máltiá. Quis scit si convertátur, et ignoscat, et relinquat post se benedictiónem, sacrificium, et libámen Dómino Deo vestro ?

ñ. Magnus dies Dómini et terríbilis valde ; quis sustinébít eum ? * Nunc ergo : Convertímini ad Dóminum Deum vestrum, quia benignus et miséricors est. ʒ. Venit dies magnus iræ sedentis super thronum, et Agni ; et quis póterit stare ? * Nunc. *Joel, 2. Apoc. 6.*

Lectio II. Cap. 2.

CANITE tuba in Sion, sanctificáte jejúnium, vocáte cœtum, coadunáte senes, congregáte párvulos et sugentes úbera : egrediátur sponsus de cubili suo, et sponsa de thálamo suo. Inter vestibulum et altáre plorábant sacerdótes ministri Dómini : et dicent :

Parce, Dómine, parce pópulo tuo : et ne des hæreditátem tuam in oppróbrium, ut dominantur eis nátiónes. Quare dicunt in pópulis : Ubi est Deus eórum ?

ñ. Convértere, Israel, ad Dóminum Deum tuum, quóniam corruisti in iniquitáte tua ; tóllite vobiscum verba, * Et convertímini ad Dóminum, et dícite ei : Omnem aufer iniquitátem. ʒ. Vobis est repromissio et filiis vestris : salvámini a generatióne ista prava : * Et. *Osee, 14. Act. 2.*

Lectio III.

Gall. Christ. t. VIII. col. 1708. Prop. Farens.

THEODECHILDIS, ex ínclýta regum Francórum prosápia tráditur oriunda, et germána soror Agilberti Parisiensis, cujus ossa in capsá sancti Ebrigisíli, apud Jotrum adservantur. Cœnóbii Jotrensís a consanguíneo Adóne ædificáti prima fuit Abbátissa ; quod quidem ita sapienter administrávit, ut ad ipsam vírgines úndique conflúerent. Ex eódem prodiérunt, a Theodechilde ad disciplínám regulárem informatæ, sancta Bertilla a beáta Bathilde regína ad regímen Calensís monastérii accersíta, et venerábilis Æthéria sancto Draúsio Suessionénsium antístiti, ob símilem causam, sub idem tempus concessa. Circa annum sexcentésimum et sexagésimum, suam accépit mer-

cédem Theodechildis. Corpus ejus in oratório sancti Pauli Eremitæ cõditum est. Unde post plúrima sécula levátum, nunc in ecclésia sancti Petri Jotrensis reverenter cõlitur.

R. Gaudeámus, et exsultémus, et demus glóriam Deo; * Quia venérunt nuptiæ Agni, et uxor ejus præparávit se. ✠. Vírgines laudent nomen Dómini; * Quia. Glória. * Quia. *Apoc. 19. Ps. 148.*

Oratio Sacr. Greg.

CASTIMONIE pacem méntibus nostris atque corpóribus, intercedente beáta Theodechilde Vírgine tua, Dómine, propítius indulge; ut, veniente sponso Fílio tuo unigénito, accensis lampádibus, ejus digni prætolémur occursum; Per Dóminum.

Vesperæ de sequenti.

DIE XI.

IN FESTO SANCTI SANCTINI,

BRIGENSIS APOSTOLI ET PRIMI MELDENSIS EPISCOPI;

CUM

SANCTO ANTONINO,

EJUS SOCIO ET SUCCESSORE.

SOLEMNE-MINUS.

¶ *Si hoc Festum incidat in Dom. (jam Officio S. Dionysii impeditam) transfertur in diem seq. nec habet I Vesp.*

IN I VESPERIS.

Ps. de Fer. et sic ad Complet.

Ant. 1. J. Ecce ego, ecce ego ad gentem quæ non invocabat nomen meum. Is. 65.

Ant. 2. D. Ecce super montes pedes evangelizantis et annuntiantis pacem. Nahum, 1.

Ant. 3. a. Quam speciosi pedes evangelizantium pacem, evangelizantium bona! Rom. 10.

Ant. 4. E. Venient et lau-

dábunt in monte Sion, eritque ánima eórum quasi hortus irriguus. *Jer. 31.*

Ant. 5. a. Et inebriábo ánimam sacerdótum pinguédine, et pópulus meus bonis meis adimplébitur. Jer. 31.

Capitulum. Is. 66.

MITTAM ex eis qui salvati fúerint, ad eos qui non audierunt de me, et annuntiábunt glóriam meam Géntibus.

Hymnus.

CHRISTE, qui mundi reparas salútem,

Mitte quos formas fidei
ministros

Quo sacras ardens inhiat
doceri

Melda-loquétas.

Vix Deo plenus loca nostra
Præsul

Adtigit, forti tonat ore;
vindex

Núminis, divum simulácula
vertit,

Díruit aras.

Signa non verbis manifesta
desunt;

Hinc fides surgit, colitur-
que Christus;

Hinc fit in sacris renováta
lymphis

Plebs sibi dispar.

Nostra gens, Pastor, modo
Christiána,

Se tibi debet; fidei jacentis
Prisca cœlesti redivíva rore

Sémina surgant.

Summa laus Patri, tibi laus
perennis,

Christe, Pastórum caput
atque princeps;

Par sit ambórum tibi cul-
tus omni,

Spiritus, ævo. Amen.

†. Dóminus dabit verbum
evangelizántibus, R. Virtúte
multa. Ps. 67.

Ad Magnificat. Ant. 5. F. Ad-
súmam ex eis Sacerdótes et
Levítas: véniet omnis caro
ut adóret coram fácie mea,
dicit Dóminus. Is. 66.

AD OFFICIUM NOCT.

Invit. Deum, qui de téne-
bris nos vocávit in admirábile
lumen suum. * Veníte, ado-
rémus. I. Petr. 2.

Hymnus.

Imis quæ subito Præsulis ós-
sibus,

Cogi limitibus néscia, cá-
ritas

Ardescit! tenero jam pro-
cul a grege

Pastor Viróduum volat.

Exemplo comitem férvidus
íncitat,

Quem virtus eadem non
violábili

Vinclo consociat, nec mo-
vet ímpare

Pulsu grátia cœlitus.

Ductor Christus adest; sub
cruce militant,

Gestant ambo crucem pro
gladio; simul

Gens mutáta novam susci-
piens fidem

Vitam répperit álteram.

Sed, Sanctíne, novas quærere
quid juvat

Gentes, quas Dómini sub-
jicias jugo;

Meldarumque memor, sol-
licitus pater,

Ad primogenitos redi.

O sortem miseram! Pastor
ovília

Desoláta redux heu! sua
visere

Rursus vix potuit; raptus
amor gregis

Morbo lánguidus occidit.

Præsul sancte, cupis nobilius
mori!

Enses, carnificem, marty-
rium petis;

Sed fervens animo vívida
cáritas

Æquat martyrii decus.

Sit laus summa Patri, súm-
maque Filio;
Sit par, alme, tibi glória,
Spiritus;
Qui sacris habiles muneri-
bus tuo
Ungis chrísmate Præsules.
Amen.

*Psalmi de Dominica; et sic
ad ceteras Horas.*

IN I NOCTURNO.

*Ant. 8. G. Mísimus fratrem,
cujus laus est in Evangélio
per omnes Ecclesiás. II. Cor. 8.*

*Ant. 6. F. Fratres nostri,
Apóstoli Ecclesiárum, glória
Christi, ostensiónem quæ est
caritátis vestræ, et nostræ
glóriæ pro vobis, in illos os-
téndite. II. Cor. 8.*

*Ant. 2. D. Qui ex vobis est
servus Christi Jesu, semper
sollícitus pro vobis in ora-
tiónibus. Coloss. 4.*

✠. Pósuí adjutórium meum
in potente, R. Et exaltávi elec-
tum de plebe mea. *Ps. 88.*

Lectio I. Cap. 10.

Ex Epístola beáti Pauli
Apóstoli ad Romános.

FINIS legis Christus, ad jus-
títiam omni credenti. Si con-
fiteáris in ore tuo Dóminum
Jesum, et in corde tuo cre-
dideris quod Deus illum sus-
citávit a mórtuis, salvus eris.
Corde enim créditur ad justí-
tiam, ore autem conféssio fit
ad salútem. Dicit enim Scrip-
tura: Omnis qui credit in
illum, non confundétur. Non

enim est distínetio Judæi et
Græci: nam idem Dóminus
ómnium, dives in omnes qui
invocant illum. Omnis enim
quicumque invocáverit no-
men Dómini, salvus erit.

R. Incitabátur spíritus ejus
in ipso videns idololátriæ dé-
ditam civitátem; * Disputá-
bat ígitur in foro per omnes
dies ad eos qui áderant. ✠.
Surrexit quasi ignis, et ver-
bum ipsíus quasi fácula ar-
debat. * Disputábat. *Act. 17.
Eccli. 48.*

Lectio II.

QUOMODO ergo invocábunt,
in quem non credidérunt?
Aut quómodo credent ei,
quem non audiérunt? Quómo-
do autem audient sine præ-
dicante? Quómodo vero præ-
dicábunt nisi mittantur? si-
cut scriptum est: Quam spe-
ciósi pedes evangelizántium
pacem, evangelizántium bo-
na! Sed non omnes obédiunt
Evangélio. Isaías enim dicit:
Dómine, quis crédidit auditui
nostro? Ergo fides ex auditu,
audíus autem per verbum
Christi. Sed dico: Numquid
non audiérunt? Et quidem
in omnem terram exívit so-
nus eórum, et in fines orbis
terræ verba eórum.

R. Intendébant turbæ his
quæ dicebantur, videntes sig-
na quæ faciēbat; * Cum ve-
ro credidissent evangelizanti,
baptizabantur viri ac mulie-
res. ✠. Locútus est ómnia
verba quæ díxerat Dóminus,
et fecit signa coram pópulo,

et credidit pópulus. * Cum vero. *Act. 8. Exod. 4.*

Lectio III.

SED dico: Numquid Israel non cognóvit? Primus Móyses dicit: Ego ad æmulatió- nem vos addúcam in non gentem: in gentem insipientem, in iram vos mittam. Isaías autem audet, et dicit: Inventus sum a non quæréntibus me: palam appáruí iis qui me non interrogábant. Ad Israel autem dicit: Tota die expandi manus meas ad pópulum non credentem et contradicentem.

R. Magnificabátur nomen Dómini Jesu; * Ita † Fórtiter crescébat verbum Dei, et confirmabátur. ✕. Deserentes cæremónias patrum suórum, quæ in multitúdine deórum erant, unum Deum cœli coluérunt. * Ita. Glória. † Fórtiter. *Act. 19. Judith, 5.*

IN II NOCTURNO.

Ant. 1. f. Non nosmetipsos prædicámus, sed Jesum Christum Dóminum nostrum: nos autem servos vestros per Jesum. *II. Cor. 4.*

Ant. 3. a. In simplicitate cordis et sinceritate Dei et non in sapientia carnáli, sed in grátia Dei conversáti sumus in hoc mundo: abundántius autem ad vos. *II. Cor. 1.*

Ant. 8. c. Facti sumus párvuli in médio vestrum, tanquam si nutrix foveat filios suos. *I. Thess. 2.*

✕. Deduxisti sicut oves pópulum tuum, R. In manu Móysi et Aaron. *Ps. 76.*

Lectio IV.

Gall. Christ. t. VIII. col. 1597. XIII. 1162 et seq. Epist. Caroli Thomé, Canon. Meld. etc.

SANCTINUS a quo, juxta vulgatos omnes catálogos, Ecclesia Meldensis sua auspicatur incunábula, sancti Dionysii Meldensium sicut et Parisiensium Apóstoli, exstitit discipulus. Christiána fides ejus sudoribus et curis in finitimis provinciis Galliárum, præsertim in Bélsia et Briégio ita accrévit, ut sanctus Dionysius paulo antequam martyrio vitam consummáret, circa finem scilicet tértii sæculi, ipsum ob insignes virtutes, et licet juniorem adhuc, primum Meldensium instituerit Episcopum. Oneri tanto non impar, Sanctinus nihil non moliebatur, orationi instans et prædicationi, ut omnes ad Christiánam addúceret fidem, quam ipse simul miraculis et óptimo quovis exemplo illustrabat.

R. Scitis intróitum nostrum ad vos, quia non inánis fuit: * Mémoires enim estis labóris nostri. ✕. Vos scitis quanta fécimus, et angústias quales vídimus. * Mémoires. *I. Thess. 1. I. Mach. 13.*

Lectio V.

DIVINO verbo apud Melden-

ses dissemináto atque solidáto, novo ardóre accensus, in Bélgicam et usque Virdúnun cum sócio Antoníno accessit, ubi plúrimas injúrias et vúlnera ab éthnicis perpressus, fundávit Ecclésiam, quam rexit per viginti et unum annos. Legátos misit ad concílium Coloniense, hábitum anno trecentésimo quadragésimo sexto, pro depositióne Euphrátæ ejus urbis Epíscopi, et tanquam Epíscopus Articlavórum subscripsit. Ad suos Meldenses tandem reversus est, ipsis tanquam in fide primogénitis suas últimas consecratúrus sollicitúdines atque suspíria. Ibi ígitur gravis ætáte, apostolicórum labórum longinquitáte defessus, carcerisque, ut narrátur, incómodis afflictátus, sanctíssima morte in Dómino obdormívit, circa annum trecentésimum quinquagésimum tértium. Hábitus successórem in Cáthedra Meldensi beátum Antonínun, qui sicut fúerat ejus fidélis discipulus, itínerum indivíduus comes et labórum párticeps indefessus, ita étiam fuit ejus sollicitúdinis pastorális æmulátor, ut post óbítum sedem æternam páriter obtinúerit.

¶. Exhibeámus nosmetipsos sicut Dei ministros, in multa patiéntia, in tribulatióne, * In necessitatibus, in angústis, in plagis, in carceribus. †. Desiderantes vos, cúpide volebámus trádere vo-

bis non solum Evagélium Dei, sed étiam ánimas nostras; quóniam caríssimi nobis facti estis. * In. II. Cor. 6. I. Thess. 2.

Lectio VI.

SANCTINUS Meldis, extra civitátem pro more, humátus est. Super ejus túmulum erectum est altáre cum parva, sub ipsíus nómine, capella; quæ deinde in collegiálem simul et parochiálem ecclésiam conversa, usque ad furóres exeuntis séculi décimi octávi sústitit. Corpus autem sanctíssimum, Normannicárum incursiónum tempóribus, in ecclésiam cathedrálém translátum est. Cujus notábiles partes ab insído sacrárum reliquiárum custóde, témpore famis mercatóribus Virdunénsibus vénditæ, ab ipsis in undécimo século, Virdúnun delátæ sunt, ubi nunc in ecclésia cathedráli ejusdem diocésis adservantur. Quæ autem in Meldensi superfúerant, a Calvinistis dissipátæ sunt vel combustæ, cum óssibus sancti Antoníni et plerisque áliis Sanctórum reliquiis, quæ ibi colebantur. Sed in século décimo séptimo impetrátum fuit a Virdunénsibus os unum e bráchio beáti Sanctíni, cujus duæ partes extrémæ etiamnum in ecclésia cathedráli servantur. Eódem témpore, Faroniáni monachi partem unius costarum ejusdem Sancti obtinúerunt, quæ nunc in ecclésia paro-

chiáli de Firmitate Auculphi reverenter cólitur.

R. State, et tenete traditiões quas didicistis : * Ipse autem qui dedit spem bonam in grátia, corda vestra confirmet in omni ópere bono. V. Judícium patris audíte, filii, et sic fácite ut salvi sitis : Deus enim honorávit patrem in filiis. * Ipse. Glória. * Ipse. II. *Thess. 2. Eccli. 3.*

IN III NOCTURNO.

Ant. 4. A. Fidúciã habúimus in Deo nostro loqui ad vos Evangélium Dei, in multa sollicitúdine. I. *Thess. 2.*

Ant. 5. a. Cum accepissétis a nobis verbum auditus Dei, accepistis illud, non ut verbum hóminum, sed, sicut est vere, verbum Dei. I. *Thess. 2.*

Ant. 7. d. Excipientes verbum cum gáudio Spíritus sancti, conversi estis ad Deum a simulácris, servíre Deo vivo et vero. I. *Thess. 1.*

V. Confundantur omnes qui adórant sculptília; R. Et qui gloriantur in simulácris suis. *Ps. 96.*

Lectio VII.

Ex sancto Joanne Chrysósomo. *Adversus Judæos et Gentes*, quod Christus sit Deus.

COGITA quantum sit totum orbem tam brevi témpore ecclésiis replevisse, tantas convertisse gentes, pópulis persuasisse ut paternis solútis légibus, radicátam consuetúdi-

nem evéllerent; voluptátis tyránnidem, nequítie vim ceu púlverem ejícerent; aras, templa, idóla, mystéria, profánas solemnitátes, impurumque nidórem quasi fumum quemdam delérent; ubíque altária excitárent. Verbum illud, quod tunc ille prótulit, in ómnium ánimis plantátum est, per ómnium ora fertur: et terra, ut ita dicam, universa, spinis repléta, emundáta est, ager purus effectus est, píetatisque sémina suscepit. Magna sane res est, magna, inquam, immo summæ magnitudinis et divínæ virtútis argumentum: némine turbas movente, pace summa, licet multi conturbárent et nemo reluctaréture, potuisse tantum orbem confestim a prava tanti témporis consuetúdine liberári, in áliam vero consuetúdinem longe difficiliórem tradúci.

R. Duo hæc audívi, quia * Potestas Dei est et misericórdia. V. Sapiéntia adtingit a fine usque ad finem fórtiter, et dispónit ómnia suávisiter. * Potestas. *Ps. 61. Job, 5.*

Lectio VIII.

NEQVE tantum consuetúdo adversabáture, sed étiam voluptas detinébat; duo tyránnici óbices. Nam quæ multórum annórum currículo, a pátribus, avis, ábavis, majóribus accéperant, ea respuere, quæ res ádmodum difícilis erat, docebantur; et

novam accipere consuetudinem, eamque, quod gravior erat, valde duram et molestam. Abduxit a voluptate, et induxit in jejunium: abduxit ab amore pecuniarum, et induxit in paupertatem; abduxit a lascivia, et induxit in temperantiam: abduxit ab ira, et induxit in mansuetudinem: abduxit ab invidia, et induxit in benignitatem: abduxit a via lata et spatiosa, et induxit in angustam, arctam et praeceptam; induxit, inquam, assuetos viae latae. Non enim alios adsumpsit homines extra mundum et hanc consuetudinem viventes; sed eos ipsos qui jam in ea computruerant, et luto molliores erant, hos jussit in angusta, aspera et arcta incedere via, et id persuasit eis.

¶. Hæc mutatio dexteræ Excelsi, * Tu es, Deus, qui facis mirabilia. ¶. Potens est Deus de lapidibus suscitare filios Abraham. * Tu. Ps. 76. Luc. 3.

Lectio IX. Cap. 16.

Lectio sancti Evangelii secundum Marcum.

Discipulorum missio.

In illo tempore; Dixit Jesus discipulis suis: Euntes in mundum universum, prædicatè Evangelium omni creaturæ. Et reliqua.

Homilia sancti Gregorii Papæ. 29. in *Evang. n. 3 et 4.*

Qui crediderit et baptizatus

fuërit, salvus erit: qui vero non crediderit, condemnabitur. Fortasse unusquisque apud semetipsum dicat: Ego jam credidi, salvus ero. Verum dicit, si fidem operibus tenet. In die quippe baptismatis, omnibus nos antiqui hostis operibus atque omnibus pompis abrenuntiare promissimus. Itaque unusquisque vestrum ad considerationem suam mentis oculos reducat: et si servat post baptismum quod ante baptismum spondit, certus jam quia fidelis est, gaudeat. Signa autem eos qui credituri sunt, hæc sequentur: In nomine meo dæmonia ejicient, linguis loquentur novis, serpentes tolerant; et si mortiferum quid biberint, non eis nocëbit: super ægros manus imponent, et bene habebunt. Numquidnam, fratres mei, quia ista signa non facitis, minime creditis? Sed hæc necessaria in exordio Ecclesiæ fuerunt. Ut enim fides cresceret, miraculis fuerat nutrienda. Quia et nos, cum arbusta plantamus, tamdiu eis aquam infundimus, quousque ea in terra jam convaluisse videamus; et si semel radicem fixerint, in rigando cessamus. Hinc est enim quod Paulus dicit: Linguae in signum sunt, non fidelibus, sed infidelibus.

¶. Aspersi corda a conscientia mala, et abluti corpus aqua munda, * Teneamus spei nostræ confessionem indeclinabilem. ¶. Abluti, sanc-

tificati, et justificati in nomine Domini nostri Jesu Christi, * Teneamus. Glória. * Teneamus. *Hebr. 10. I. Cor. 6.*

AD LAUDES.

Ant. 1. f. Grátia data est mihi in vobis : Evangélii factus sum ego minister secundum operationem virtutis Dei. *Ephes. 3.*

Ant. 2. D. Nonne opus meum vos estis in Domino? nam signaculum Apostolatus mei vos estis. *I. Cor. 9.*

Ant. 3. a. Evangélium nostrum non fuit ad vos in sermone tantum, sed et in virtute, et in Spiritu sancto, et in plenitudine multa. *I. Thess. 1.*

Canticum. Eccli. 44.

ILLI viri misericordiae sunt, quorum pietates non defuerunt : * cum semine eorum permanent bona;

Hæreditas sancta nepotes eorum; * et in testamentis stetit semen eorum.

Et filii eorum, * propter illos usque in æternum manent.

Semen eorum et glória eorum, * non derelinquétur.

Corpora ipsorum in pace sepulta sunt; * et nomen eorum vivit in generationem et generationem.

Sapiéntiam ipsorum narrent populi; * et laudem eorum nuntiet ecclésia.

Ant. 7. a. Testis mihi est Deus, quomodo cupiam vos in visceribus Jesu Christi; et

hoc oro, ut caritas vestra magis ac magis abundet. *Philip. 1.*

Ant. 5. a. Ut filios meos carissimos moneo; nam in Christo Jesu per Evangélium ego vos genui : rogo ergo vos, imitatores mei estote. *I. Cor. 4.*

Capitulum. I. Thess. 4.

FRATRES, rogamus vos et obsecramus in Domino Jesu, ut quemadmodum accepistis a nobis, quomodo oportet vos ambulare et placere Deo, sic et ambulétis, ut abundétis magis.

Hymnus, Christe, ut in I Vesperis, 340.

¶ Annuntiavi, et locutus sum; ¶ Multiplicati sunt super numerum. *Ps. 39.*

Ad Benedictus. Ant. 5. C. Quæ est nostra spes, aut gaudium, aut coróna glóriæ? Nonne vos ante Dominum nostrum Jesum Christum estis in adventu ejus? Vos enim estis glória nostra et gaudium. *I. Thess. 2.*

Oratio.

DEUS, qui beátos Antístites Sanctinum et Antoninum fideles verbi tui ministros pátribus nostris dedisti : concède, quæsumus, ut, ipsorum intercessióne, in fide stábiles, et a spe Evangélii quod prædicaverunt immóbiles permaneamus; Per Dominum.

AD HORAS, Doxologia :

¶ Uni sit et trino Deo
Supréma laus, summum decus,

De nocte qui nos ad suæ
Lumen vocavit glóriæ. Amen.

AD PRIMAM.

Ant. 1. f. Grátia.

*In R. br. V. Qui vocasti nos
* ex Géntibus plebem tuam.
Rom. 5.*

AD TERTIAM.

*Ant. 2. D. Nonne opus
meum.*

Capitulum. Coloss. 1.

EVANGELII factus sum ego
minister secundum dispensa-
tiónem Dei, quæ data est mihi
in vos.

*R. br. Confitebor tibi * in
pópulis, Dómine; * Allelúia,
allelúia. Confitebor. V. Et
psallam tibi * in natióibus; *
Allelúia. Glória. Confitebor.
Ps. 107.*

*V. Pronuntiávi ómnia ju-
dícia oris tui. R. In via testi-
moniórum tuórum delectátus
sum. Ps. 118.*

AD SEXTAM.

*Ant. 3. a. Evangélium nos-
trum.*

Capitulum. I. Cor. 2.

SERMO meus et prædicatio
mea, non in persuasíbilibus
humánæ sapiéntiæ verbis, sed
in ostensióne spíritus et vir-
tútis, ut fides vestra non sit
in sapiéntia hóminum, sed in
virtute Dei.

*R. br. Veritátem tuam, * et
salutáre tuum dixi; * Allelúia,
allelúia. Veritátem. V. Non
abscondi misericórdiam tu-*

*am * et veritátem tuam; * Al-
lelúia. Glória. Veritátem. Ps.
39.*

*V. Ignítum elóquium tuum
vehementer; R. Et servus tu-
us dilexit illud. Ps. 118.*

AD NONAM.

Ant. 5. a. Ut filios meos.

Capitulum. Philip. 3.

IMITATORES mei estóte, fra-
tres, et observáte eos qui ita
ámbulant, sicut habétis for-
mam nostram.

*R. br. Veníte, filii, * audíte
me; * Allelúia, allelúia. Veníte.
V. Timórem Dómini * docébo
vos; * Allelúia. Glória. Veníte.
Ps. 33.*

*V. Os meum loquétur sa-
piéntiam, R. Et meditatio cor-
dis mei prudéntiam. Ps. 48.*

AD II VESPERAS.

*(Si sit Sabb. his II Vesp.
omissis, dicuntur I Vesp. S.
Dionysii.)*

*Ant. 1. J. Sacerdos magnus
curávit gentem suam, et libe-
rávit eam a perditiónē. Eccli.
50.*

*Ant. 3. E. Ipse est directus
divínitus in pœniténtiam gen-
tis, et tulit abominatiónes
impietátis. Eccli. 49.*

*Ant. 2. D. Hic est qui fuit
in Ecclesia cum pátribus nos-
tris, qui accépit verba vitæ da-
re nobis. Act. 7.*

*Ant. 6. F. Máximus in salú-
tem electórum Dei: quam gló-
riam adeptus est! Eccli. 46.*

Ant. 7. G. Símilem illum

fecit Deus in glória sanctórum, et magnificávit eum. *Eccli.* 45.

Capitulum. Hebr. 13.

MEMENTOTE præpositórum vestrórum, qui vobis locúti sunt verbum Dei; quorum intuentes éxitum conversatiónis, imitámini fidem.

Hymnus.

TERRIS jam satis est, alme
Pater, datum :
Quo divínus amor te rapit,
évola :
Duro parta labóre
Cœlis præmia te vocant.
Ergo nunc superis cœtibus
ádditus,
Puro lætitiæ flúmine mér-
geris,
Et convíva suprémi
Mensæ Príncipis ádsides.
Dum te læta poli cúria súscipit;
Dum te tergeminis tollit
honóribus;
Tellus æmula certat
Tantæ pláudere glóriæ.
Nomen per populos jam re-
sonat tuum;
Urbes prodigiis attonitæ si-
lent :
Hinc te quisque patrónum
Supplex ambit et invo-
cat.
Spes o nostra, Pater, tempus
in últimum,
Votis dexter ades, cántibus
ánnue :
Devótam tibi gentem

Blandis subsidiis fove.
Et tu, discipulus Præsulis et comes,

Antoníne, bonus nos quo-
que prótegas;

Quem nos cármine grati
Patrem dícimus álterum.

Jugis, summa Trias, sit tibi
glória;

Quæ solemne tuo præposi-
tis gregi,

Pro mercéde labóris,

Te das pródiga præ-
mium. Amen.

✠. Impleat Dóminus omnes
petitiónes tuas; *ñ.* Nunc cog-
nóvi quóniam salvum fecit
Dóminus Christum suum. *Ps.*
19.

Ad Magníficat. Ant. 5. C.
Hic est fratrum amátor et pó-
puli Israel : hic est qui mul-
tum orat pro pópulo, et uni-
versa civitáte. *II. Mach.* 15.

DIE XII.

DE FERIA.

Lectio 1. Cap. 2.

Ex Joéle Prophéta.

ZELATUS est Dóminus terram
suam, et pepercit pópulo suo;
et dixit pópulo suo : Fílii
Sion exsultáte, et lætámini in
Dómino Deo vestro : quia de-
dit vobis doctórem justítiæ,
et descendere fáciat ad vos
imbrem matutínium et seróti-
num, sicut in princípío. Et
reddam vobis annos, quos co-
médit locusta, bruchus, et

rubígo, et erúca. Et erit post hæc: Effundam Spíritum meum super omnem carnem: et prophetábunt filii vestri, et filiae vestrae: senes vestri sómnia somniábunt, et júvenes vestri visiões vidébunt. Sed et super servos meos et ancillas, in diébus illis effundam Spíritum meum. Et dabo prodigia in cœlo, et in terra, ságuinem, et ignem, et vapórem fumi. Sol convertétur in ténebras, et luna in ságuinem: ántequam véniat dies Dómini magnus, et horribilis. Et erit: Omnis qui invocáverit nomen Dómini, salvus erit.

℞. Erit in novíssimis diébus: Effundam de Spíritu meo super omnem carnem: * Et quidem super servos meos et super ancillas meas effundam de Spíritu meo, et prophetábunt. ✕. Effundam Spíritum meum super semen tuum, et benedictiónem meam super stirpem tuam; * Et quidem. *Act. 2. Is. 44.*

Lectio II. Cap. 3.

CONSURGANT, et ascendant gentes in vallem Jósaphat: quia ibi sedébo ut júdicem omnes gentes in circúitu. Sol et luna obtenebráti sunt, et stellæ retraxérunt splendórem suum. Et Dóminus de Sion rúgiét, et de Jerúsalem dabit vocem suam: et movebuntur cœli et terra: et Dóminus spes pópuli sui, et for-

titúdo filiórum Israel. Et sciétis quia ego Dóminus Deus vester, hábitans in Sion monte sancto meo: et erit Jerúsalem sancta, et aliéni non transibunt per eam ámplius.

℞. Stellæ cœli et splendor eárum non expandent lumen suum; obtenebrátus est sol in ortu suo, et luna non splendébit in lúmine suo; * Et visitábo super orbis mala, et contra ímpios iniquitatem eórum. ✕. Juxta est dies perditionis, et adesse festínant témpora.* *Et. Is. 13. Deut. 32.*

Lectio III.

ET erit in die illa: Stillábunt montes dulcédinem, et colles fluent lacte: et per omnes rivos Juda ibunt aquæ: et fons de domo Dómini egrediétur, et irrigábit torrentem spinárum. Judæa in æternum habitábitur, et Jerúsalem in generatióem et generatióem. Et mundábo ságuinem eórum, quem non mundáveram: et Dóminus commorábitur in Sion.

℞. Stillábunt montes dulcédinem, et omnes colles culti erunt; et convertam captivitátem pópuli mei Israel: * Et plantábo eos super humum suam, et non evellam eos ultra de terra sua. ✕. Reædificábo tabernáculum David, quod décidit; et díruta ejus reædificábo, ut requírant ceteri hómínium Dóminum.* *Et. Glória.* Et. Amos, 9. Act. 15.*

DIE XIII.

DE FERIA.

Lectio I. Cap. 1 et 2.

Incipit Amos Prophéta.

VERBA Amos, qui fuit in pastóribus de Thécue : quæ vidit super Israel in diébus Ozíæ regis Juda, et in diébus Jeróboam filii Joas regis Israel, ante duos annos terræ motus. Et dixit : Dóminus de Sion rúgiét, et de Jerúsalem dabit vocem suam : et luxérunt speciósá pastórum, et exsiccátus est vertex Charméli. Hæc dicit Dóminus : Super tribus sceléribus Juda, et super quátuor non convertam eum : eo quod abjécerit legem Dómini, et mandáta ejus non custodíerit : deceptérunt enim eos idóla sua, post quæ abíerant patres eórum. Et mittam ignem in Juda, et devorábit ædes Jerúsalem. Hæc dicit Dóminus : Super tribus sceléribus Israel, et super quátuor non convertam eum : pro eo quod vendíderit pro argento justum, et páuperem pro calceamentis.

¶. Pro eo quod sperastis in calúmnia et in tumultu, et innixi estis super eo : * Proptérea erit vobis iníquitas hæc sicut interrúptio cadens in muro excelso. ¶. Pópulus ad iracúndiam próvocans est ; qui dicunt vidéntibus : Nolíte vidére : loquímini nobis pla-

céntia : vidéte nobis erróres.
* Proptérea. Is. 30.

Lectio II. Cap. 5.

QUÆRITE bonum, et non malum, ut vivátis ; et erít Dóminus Deus exercítuum vobiscum, sicut dixistis. Odíte malum, et dilígite bonum, et constituíte in porta judícium : si forte misereátur Dóminus Deus exercítuum relíquiis Joseph. Proptérea hæc dicit Dóminus Deus exercítuum dominátor : In ómnibus pláteis planctus : et in cunctis quæ foris sunt, dicétur Væ, væ : quia pertransíbo in médio tui, dicit Dóminus. Odi, et projéci festivitátes vestras : et non cápiam odórem cœtuum, vestrórum. Quod si obtulérítis mihi holocautómata, et múnera vestra, non suscépiam : et vota pínguium vestrórum non respiciam.

¶. Numquid placári potest Dóminus in millibus arfētum ? * Indicábo tibi, o homo, quid Dóminus requírat a te : útique fácere judícium ; et dilígere misericórdiam, et sollicitum ambuláre cum Deo tuo. ¶. Impossíbile est sánguine taurórum et hircórum auferri peccáta. * Indicábo. Mich. 6. Hebr. 10.

Lectio III. Cap. 9.

IN die illa suscitábo tabernáculum David, quod cécidit : et reædificábo apertúras murórum ejus, et ea quæ corruérant, instaurábo : et reæ-

edificábo illud sicut in diebus antiquis. Ut possideant reliquias Idumææ, et omnes nationes; eo quod invocatum sit nomen meum super eos: dicit Dóminus faciens hæc.

R). Scriptum est: Post hæc revertar, et reedificábo tabernaculum David quod decídit; * Ut requirant ceteri hóminum Dóminum, et omnes Gentes, super quas invocatum est nomen meum. ¶ Deus visitávit sumere ex Géntibus pópulum nómini suo; * Ut. Glória. * Ut. Act. 15.

DIE XIV.

DE FERIA.

Lectio I.

Incipit Abdías Prophéta.

VISIO Abdíæ. Hæc dicit Dóminus Deus ad Edom: Ecce párvulum dedi te in Géntibus: contemptíbilis tu es valde. Supérbia cordis tui éxtulit te, habitantem in scissúris petrarum, exaltantem sólium tuum: qui dicis in corde tuo: Quis détrahet me in terram? Si exaltátus fúeris ut áquila, et si inter sídera posúeris nidum tuum, inde détraham te, dicit Dóminus.

R). Hæc dicit Dóminus exercítuum: Numquid non ultra est sapiéntia in Theman? * Périit consílium a filiis, inútilis facta est sapiéntia eórum: quóniam perditiónem Esaü adduxi super eum. ¶

Scriptum est: Perdam sapiéntiam sapiéntium, et prudéntiam prudéntium reprohábo. * Périit. Jer. 49. I. Cor. 1.

Lectio II.

NUMQUID non in die illa, dicit Dóminus, perdam sapientes de Idumæa, et prudéntiam de monte Esaü? Et timébunt fortes tui a Merídie, ut intéreat vir de monte Esaü. Propterea interfectiónem, et propter iniquitatem in fratrem tuum Jacob, opériet te confusio, et peribis in æternum.

R). Erit Idumæa in desertum perditiónis: pro eo quod inique égerint in filios Juda, et effúderint sánguinem innocentem in terra sua. * Et Judæa in æternum habitábitur. ¶ Vocabuntur términi impietátis, et pópulus cui irátus est Dóminus usque in æternum; * Et. Joel, 3. Malach. 1.

Lectio III.

IN monte Sion erit salvatio, et erit sanctus: et possidébit domus Jacob eos qui se posséderant. Et erit domus Jacob ignis, et domus Joseph flamma, et domus Esaü stípula: et succendentur in eis: et devorábunt eos, et non erunt reliquiæ domus Esaü, quia Dóminus locútus est. Et hæreditábunt hi, qui ad Austrum sunt, montem Esaü, et qui in campéstribus Philístiim: et possidébunt regiónem Ephraim, et regiónem Samariæ:

Et Bénjamin possidébit Gá-laad. Et ascendent salvatóres in montem Sion judicáre montem Esaü : et erit Dómino regnum.

R̃. In monte Sion, * Et † In Jerúsalem erit salvátio, et in resíduis, quos Dóminus vocáverit. ✕. Suscitábo tabernáculum David quod cécidit, et reædificábo illud sicut in diébus antíquis, ut possídeant reliquias Idumææ, et omnes natiónes, * Et. Glória. † In. *Joel, 2. Amos, 9.*

Vesperæ de sequenti.

DIE XV.

S. THERESIÆ,

VIRGINIS.

Semiduplex.

Lectio I. Cap. 1 et 2.

Incipit Jonas Prophéta.

ET factum est verbum Dómini ad Jonam fílium Amathi, dicens : Surge, et vade in Níniven civitátem grandem, et prædica in ea : quia ascendit malítia ejus coram me. Et surrexit Jonas, ut fúgeret in Tharsis a fácie Dómini, et descendit in Joppen, et invénit navem euntem in Tharsis; et dedit naulum ejus, et descendit in eam, ut iret cum eis in Tharsis a fácie Dómini. Dóminus autem misit ventum magnum in mare, et facta est tempestas magna in mari, et navis periclitabátur cónteri. Et dixit vir ad collé-

gam suum : Veníte, et mittá-mus sortes, et sciámus quare hoc malum sit nobis. Et misérunt sortes : et cécidit sors super Jonam. Et dixit ad eos : Tollite me, et míttite in mare, et cessábit mare a vobis : scio enim ego quóniam propter me tempestas hæc grandis venit super vos. Et tulérunt Jonam, et misérunt in mare : et stetit mare a fervóre suo. Et præparávit Dóminus piscem grandem ut deglutíret Jonam : et erat Jonas in ventre piscis tribus diébus, et tribus nóctibus.

R̃. Sicut fuit Jonas in ventre ceti tribus diébus, et tribus nóctibus; * Sic erit Fílius hóminis in corde terræ; et tértia die resurget. ✕. Orávit Jonas ad Dóminum Deum suum de ventre piscis; et dixit Dóminus pisci, et evómuit Jonam in áridam; * Sic. *Matth. 12 et 20. Jonæ, 2.*

Lectio II. Cap. 3.

ET factum est verbum Dómini ad Jonam secundo, dicens : Surge, et vade in Níniven civitátem magnam : et prædica in ea prædicationem, quam ego loquor ad te. Et surrexit Jonas, et ábiit in Níniven juxta verbum Dómini : et Nínive erat civitas magna itínere trium diérum. Et cœpit Jonas introíre in civitátem itínere diéi unius : et clamávit, et dixit : Adhuc quadraginta dies, et Nínive subvertétur. Et vidit Deus ópera

eórum, quia conversi sunt de via sua mala : et misertus est Deus super máltiam, quam locútus fúerat ut fáceret eis, et non fecit. Et pervénit verbum ad regem Nínive, et surrexit de sólio suo, et abjécit vestimentum suum a se, et indútus est sacco, et sedit in cínere. Et clamávit, et dixit in Nínive ex ore regis et príncipum ejus, dicens : Hómines et jumenta, et boves, et pécora non gustent quidquam, nec pascantur, et aquam non bibant, et convertátur vir a via sua mala, et ab iniquitáte, quæ est in mánibus eórum.

R. Viri Ninivítæ surgent in iudício cum generatióne ista, et condemnábunt eam : quia * Pœniténtiam egerunt in prædicatione Jonæ. Et ecce plusquam Jonas hic. 7. Crediderunt in Deum, prædicaverunt jejúnium, vestíti sunt saccis, conversi sunt de via sua mala, * Pœniténtiam. *Matth. 12. Jonæ, 3.*

Lectio III.

THERESIA Abulæ in Hispânia nata, ex perlectis in ténera ætáte mártirum actis, tantum hausit divíni amoris fervórem, ut domo aufúgerit, in Africam ubi sánguinem pro Christo fúnderet, trajectúra : a quo itínere per parentes revocatá, ardens martyrii desidérium eleemósynis variisque piis opéribus compensáre stúduit. Cum vigésimo secundo ætátis anno per professiōnem

in órdine sanctæ Maríæ de Charmélo emissam se totam Christo despondisset, ostendit quam puro in Deum amóre fervéret; nam per viginti fere annos contínuos gravíssimis morbis simul et tentatió-nibus vexáta, ómnia ádeo invicte pértulit, ut licet nullis supernárum deliciárum consolatió-nibus refectus ánimus, in ariditáte et desolatió-ne torpéret, cor tamen a divína caritaté avelli nunquam potúerit. Immo et máxime árduo se voto obstringere non dubitávit efficiendi semper quidquid perfectius ad Dei glóriam magis conducere intel-ligeret. Præclárum reforma-tiō-nis Carmelitárum opus aggressa, multa virórum ac mulierum monastéria instítuit. Plúrimas ob id contumé-lías, ipsum étiam cárcerem passa, eos a quibus gravíssime læsa et exagitáta fúerat, ita effícaciter diligébat, ut viri graves dícere solérent : Qui amári a Therésia vellet, dam-nis eam aut injúriis affícere oportére. Tantóque patiendi desidério æstuábat, ut sæpe exclamáret : Aut pati aut mori. Multis illustratió-nibus a Deo donáta, quas tamen superiórū arbitrio subjicié-bat, dícere sólita se in revelatió-nibus decipi posse, in obediéntia néutiquam. Multa conscripsit cœlestis pietátis documenta, quibus fidélium mentes ad supernæ pátriæ desidérium mirabíliter excitantur. Tandem ómnium virtú-

tum exemplar effecta, Albæ ad Tormim sacramentis munita, in divini sponsi amplexu obdormivit, ipsa nocte quæ inter quartum et decimum quintum Octóbris diem, omis- sis pro Calendárii reformati- one diébus decem, intercedé- bat, anno salutis supra millé- simum quingentésimo octogé- simo secundo.

R). Quis est Deus præter Dóminum, quis fortis præter Deum nostrum, Deus qui * Accinxit me fortitúdine, et complanávit perfectam viam meam? V. Deus præcinxit me virtúte, et pósuit immaculá- tam viam.* Accinxit. Glória.* Accinxit. II. Reg. 22. Ps. 17.

Oratio Brev. Nem.

Deus, qui beátam Vírginem Therésiam mirábili providén- tia in veræ perfectiónis sémita sustentasti: da nobis, quæsu- mus, ejus imitatione ac pré- cibus et cœlestis doctrínæ pá- bulo nutriri, et veræ perfec- tiónis desidério accendi; Per Dóminum.

Vesperæ de eodem Festo.

DIE XVI.

DE FERIA.

Lectio I. Cap. 1 et 4.

Incipit Michæas Prophéta.

VERBUM Dómini, quod fac- tum est ad Michæam Moras- thiten, in diébus Jóathan, Achaz, et Ezechíæ, regum

Juda: quod vidit super Sa- mariam, et Jerúsalem. Audíte, pópuli omnes, et adtendat terra et plenitúdo ejus: et sit Dóminus Deus vobis: et sit Dóminus Deus de templo sanc- to suo. Quia ecce Dóminus egrediétur de loco suo: et descendet, et calcábit super excelsa terræ, et consumerunt montes subtus eum. Et erit: In novíssimo diérum erit mons domus Dómini præpa- ratus in vértice móntium, et sublimis super colles: et fluent ad eum pópuli. Et pro- perábunt gentes multæ, et dicent: Veníte, ascendámus ad montem Dómini, et ad do- mum Dei Jacob: et docébit nos de viis suis, et íbimus in sémitis ejus: quia de Sion egrediétur lex, et verbum Dó- mini de Jerúsalem. Et judi- cábit inter pópulos multos, et corrípiet gentes fortes us- que in longinquum: et con- cident gládios suos in vóme- res, et hastas suas in ligónes: non sumet gens adversus gen- tem gládium: et non discent ultra belligeráre.

R). Fluent ad montem do- mus Dómini omnes Gentes, et dicent: Veníte, ascendámus ad domum Dei Jacob, et do- cébit nos vias suas; * Quia de Sion exíbit lex, et verbum Dómini de Jerúsalem. V. Sic scriptum est: et sic oporté- bat prædicári poeniténtiam, et remissionem peccatórum in omnes Gentes, incipientibus ab Jerosólýma: * Quia. Is. 2. Luc. 24.

Lectio II. Cap. 6.

AUDIANT montes iudicium Dómini, et fórtia fundamenta terræ: quia iudicium Dómini cum pópulo suo, et cum Israel dijudicabitur. Pópule meus, quid feci tibi, aut quid molestus fui tibi? responde mihi. Quia eduxi te de terra Ægypti, et misi ante fáciem tuam Móysen, et Aaron, et Mariám? Pópule meus, memento, quæso, quid cogitáverit Balach rex Moab, et quid respónderit ei Bálaam filius Beor, de Setim usque ad Gálgalam, ut cognósceres justítias Dómini.

R). Judicáte inter me, et vineam meam. * Quid est quod débui ultra fácere vineæ meæ, et non feci ei? ꝑ. Ego plantávi te vineam electam, omne semen verum. * Quid. *Is. 5. Jer. 2.*

Lectio III. Cap. 6 et 7.

QUID dignum ófferam Dómino? curvábo genu Deo excelso? Numquid ófferam ei holocautómata, et vítulos anísculos? numquid placári potest Dóminus in míllibus arietum, aut in multis míllibus hircórum pinguium? numquid dabo primogénitum meum pro scélere meo, fructum ventris mei pro peccáto animæ meæ? Indicábo tibi, o homo, quid sit bonum, et quid Dóminus requírat a te: Útique fácere iudicium, et diligere misericórdiam, et sollicitum ambuláre cum Deo

tuo. Quis Deus símilis tui, qui aufers iniquitátem, et transis peccátum reliquiárum hæreditátis tuæ? Non immittet ultra furórem suum, quóniam volens misericórdiam est. Revertétur, et miserébitur nostri: depónet iniquitátes nostras, et projiciet in profundum maris ómnia peccáta nostra. Dabis veritátem Jacob, misericórdiam Abraham: quæ jurasti pátribus nostris a diébus antiquis.

R). Apud Dóminum misericórdia et copiósa apud eum redemptio; * Et † Ipse redimet Israel ex ómnibus iniquitátibus ejus. ꝑ. Omnes Prophétæ testimónium pèrhírent, remissionem peccátórum accípere per nomen ejus omnes qui credunt in eum; * Et. Glória. † Ipse. *Ps. 129. Act. 10.*

DIE XVII.
DE FERIA.

Lectio I. Cap. I.

Incipit Nahum Prophéta.

ONUS Nínive: Liber visionis Nahum Elcesæi. Deus æmulátor, et ulciscens Dóminus: ulciscens Dóminus, et habens furórem, ulciscens Dóminus in hostes suos, et irascens ipse inimícis suis. Dóminus pátiens, et magnus fortitúdine, et mundans non fáciét innocentem. Dóminus in tempestáte, et túrbine viæ ejus,

et nébulæ pulvis pedum ejus. Increpans mare, et exsiccans illud : et ómnia flúmina ad desertum dedúcens : Infirmátus est Basan, et Charmélus; et flos Líbani elánguit.

¶. Scimus qui dixit : Mihi vindicta, et ego retribuam. * Horrendum est incidere in manus Dei viventis. ¶. Si pœniténtiam non egerimus, incidémus in manus Dómini, et non in manus hóminum. * Horrendum. *Hebr. 10. Eccli. 2.*

Lectio II.

MONTES commótisunt ab eo, et colles desoláti sunt; et contrémuit terra a fácie ejus. Ante fáciem indignationis ejus quis stabit? et quis resistet in ira furóris ejus? Indignatio ejus effúsa est ut ignis : et petrae dissolutæ sunt ab eo. Bonus Dóminus, et confortans in die tribulationis : et sciens sperantes in se. Quid cogitátis contra Dóminum? Consummationem ipse faciet.

¶. Quærite Dóminum omnes mansuétí terræ, qui júdicium ejus estis operáti : * Quærite justum, quærite mansuétum, si quómodo abscondámini in die furóris Dómini. ¶. Firmum fundamentum Dei stat, habens signáculum hoc : Cognoscit Dóminus qui sunt ejus. * Quærite. *Soph. 2. II. Tim. 2.*

Lectio III.

HÆC dicit Dóminus : Afflíxíte, et non affligam te ultra.

Et nunc cónteram virgam ejus de dorso tuo, et víncula tua dirumpam. Ecce super montes pedes evangelizantis, et annuntiantis pacem : celebra, Juda, festivitates tuas, et redde vota tua : quia non adjiciet ultra ut pertránseat in te Béalial : universus intériit.

¶. Consurge, indúere fortitudine tua, Sion, indúere vestimentis glóriæ tuæ, Jerúsalem, civitas Sancti : quia * Non adjiciet ultra, ut pertránseat per te incircumcísus et immundus. ¶. Scriptum est : Véniet ex Sion qui erípiat, et avertat impietátem a Jacob. * Non. Glória. * Non. *Is. 52. Rom. 11.*

Vesperæ de sequenti.

DIE XVIII.

S. LUCÆ,

EVANGELISTÆ.

Duplex-majus.

IN I VESPERIS.

Ant. 1. f. Quam speciósi pedes evangelizántium pacem, evangelizántium bona! *Rom. 10.*

Ant. 7. d. Vox speculatórum : levavérunt vocem, simul laudábunt; quia consolátus est Dóminus pópulum suum. *Is. 52.*

Ant. 6. F. Primus ad Sion dicet : Ecce adsunt; et Jerúsalem Evángelistam dabo. *Is. 41.*

Ant. 4. E. Ostendit vobis pactum suum quod præcepit ut facerétis, et verba scripsit. *Deut.* 4.

Ant. 8. G. Consummábitur mystérium, sicut evangelizávit sérvos suos. *Apoc.* 10.

Capitulum. Ephes. 4.

CHRISTUS dedit quosdam quidem Apóstolos, quosdam autem Prophétas, álios vero Evangelistas, álios autem Pastóres, et Doctóres, ad consummationem Sanctórum in opus ministérii, in ædificatió-nem córporis Christi.

Hymnus. S. V.

CHRISTI perennes Núntii,
Retecta qui cœléstibus
Scriptis Dei mystéria
Totum per orbem spárgitis;

Olim sub umbrís cóndita
Vates sacri quæ víderant,
Umbris procul cedéntibus,
Vidistis hæc pleno die.

Humána quæ tulit Deus,
Divína quæ gessit homo,
Seris legenda pósteris
Dictante scripsistis Deo.

Leco remótos, témpore,
Vos rexit idem Spíritus:
Vestris adhuc in páginis
Nobis loqui non désinit.

Uní sit et trino Deo
Supréma laus, summum de-
cus,

De nocte qui nos ad suæ
Lumen vocávit glóriæ.

Amen.

✠. Dóminus dabit verbum
evangelizántibus, R. Virtúte
multa. *Ps.* 67.

Ad Magníficat. *Ant.* 5. C.
Exalta in fortitúdine vocem
tuam, qui evangelizas Jerúsalem:
exalta, noli timére. Ecce
bráchium Dómini dominábitur. *Is.* 40.

AD OFFICIUM NOCT.

Invit. Christum, qui dedit
Evangelistas ad consumma-
tió-nem Sanctórum, * Veníte,
adoremus. *Ephes.* 4.

Hymnus, Christi perennes,
ut supra, in I Vesp.

IN I NOCTURNO.

Ant. 7. d. Vidi; et ecce si-
militúdo quátuor animálium;
et hic adspectus eórum, simi-
litúdo hóminis in eis. *Ezech.* 1.

Ant. 3. c. Unum quodque
eórum córam fácie sua ambu-
lábat; ubi erat ímpetus spí-
ritus, illuc gradiebantur.
Ezech. 1.,

Ant. 5. a. Adspectus eórum
quasi carbónum ignis ardén-
tium, et quasi adspectus ignis
lampadárum. *Ezech.* 1.

✠. Quis loquétur poténtias
Dómini? R. Audí-tas faciet
omnes laudes ejus. *Ps.* 105.

Lectio I. Cap. 1.

Incipit Hábacuc Prophéta.

ONUS, quod vidit Hábacuc
Prophéta. Usquequo, Dómi-
ne, clamábo, et non exáudies?
vociferábor ad te vim pátiens,
et non salvábis? Quare osten-
disti mihi iniquitátem, et la-
bórem, vidére prædam, et
injustítiam contra me? et fac-
tum est judícium, et contra-

dictio poténtior. Propter hoc laceráta est lex, et non pervénit usque ad finem iudícium; quia impius prævalet adversus justum, propterea egréditur iudícium perversum. Adspícite in Géntibus, et vidéte: admirámini, et obstupéscite: quia opus factum est in diébus vestris, quod nemo credet, cum narrábitur. Quia ecce ego suscitábo Chaldæos, gentem amáram, et velócem, ambulátem super latitúdinem terræ, ut possídeat tabernácula non sua. Horrífilis et terrífilis est: ex semetipsa iudícium, et onus ejus egrédiétur.

Rl. Crédite in Dómino Deo vestro, et secúri éritis.* Crédite Prophétis ejus, et cuncta evénient próspéra. ⁊. Vidéte ne supervéniat vobis quod dictum est in Prophétis; quia opus óperor ego in diébus vestris, opus quod non credétis si quis enarráverit vobis. * Crédite. II. Par. 20. Act. 13.

Lectio II. Cap. 2.

SUPER custódiam meam stabo, et figam gradum super munitiónem: et contemplábor, ut vídeam quid dicátur mihi, et quid respóndeam ad arguentem me. Et respondit mihi Dóminus, et dixit: Scribe visum, et explána eum super tábulas; ut percurrat qui légerit eum. Quia adhuc visus procul, et apparébit in finem, et non mentiétur. Si

moram fécerit, exspecta illum: quia véniens véniet, et non tardábit. Ecce qui incrédulus est, non erit recta ánima ejus in semetipso: justus autem in fide sua vivet. Et quómodo vinum potantem decipit: sic erit vir superbus, et non decorábitur: qui dilatávit quasi infernus ánimam suam: et ipse quasi mors, et non adimplétur: et congregábit ad se omnes gentes, et coacervábit ad se omnes pópulos.

Rl. Adhuc módicum aliquántulum, qui ventúrus est, véniet, et non tardábit; * Justus autem meus ex fide vivit. ⁊. Qui incrédulus est Fílio, non vidébit vitam, sed ira Dei manet super eum.* Justus. *Hebr. 10. Joan. 3.*

Lectio III.

QUI prodest scúlptili, quia sculpsit illud fictor suus, conflátile, et imáginem falsam? quia sperávit in figmento fictor ejus, ut fáceret simulácula muta. Væ qui dixit ligno: Expergiscere: surge, lapídi tacenti: numquid ipse docére póterit? Ecce iste coopertus est auro, et argento: et omnis spíritus non est in viscéribus ejus. Dóminus autem in templo sancto suo: sileat a fácie ejus omnis terra.

Rl. Ego in Dómino gaudebo: et * Exsultábo in Deo Jesu meo. ⁊. Deus Dóminus fortitúdo mea: * Exsultábo. Glória. * Exsultábo. *Habac. 3.*

IN II NOCTURNO.

Ant. 2. D. Vidi, et ecce sedes erat posita in cœlo, et supra sedem sedens. *Apoc. 4.*

Ant. 4. c. In circûitu sedis, quatuor animalia plena oculis ante et retro. *Apoc. 4.*

Ant. 3. a. Animal primum simile leóni, et secundum animal simile vitulo, et tertium animal habens faciem quasi hominis, et quartum animal simile aquilæ volanti. *Apoc. 4.*

Ÿ. Scribantur hæc in generatione altera. R. Et populus qui creabitur, laudabit Dominum. *Ps. 101.*

Lectio IV.

Ex Libro sancti Hierónymi Presbyteri, de Scriptóribus Ecclesiásticis. *Cap. 7.*

LUCAS medicus Antiochen-sis, græci sermonis non ignarus fuit, sectator Apóstoli Pauli, et omnis peregrinationis ejus comes. Scripsit Evangelium, de quo idem Paulus: Misimus, inquit, cum illo fratrem cujus laus est in Evangelio per omnes Ecclesias: et ad Colossenses: Salutat vos Lucas medicus, carissimus. Aliud quoque edidit volumen egregium, quod titulo Acta Apostolorum prænotatur: cujus historia usque ad biennium Romæ commorantis Pauli pervenit, id est, usque ad quartum Nerónis annum. Quidam suspicantur quotiescumque in Epístolis

suis Paulus dicit, Juxta Evangelium meum, de Lucæ significare volumine: et Lucam non solum ab Apóstolo Paulo didicisse Evangelium, qui cum Domino in carne non fuerat, sed et a ceteris Apóstolis. Quod ipse quoque in principio sui voluminis declarat, dicens: Sicut tradiderunt nobis, qui a principio ipsi viderunt, et ministri fuerunt sermonis. Igitur Evangelium, sicut audierat, scripsit; Acta vero Apostolorum, sicut viderat, composuit. Sepultus est Constantinópoli; ad quam urbem vicésimo Constantini anno, ejus cum reliquiis Andréæ Apóstoli translata sunt de Achæia.

R. Visum est et mihi, adsecuto omnia a principio diligenter, ex ordine tibi scribere, optime Théophile; * Ut cognoscas eorum verborum, de quibus eruditus es, veritatem. Ÿ. Primum sermonem feci de omnibus quæ cepit Jesus facere et docere; * Ut. *Luc. 1. Act. 1.*

Lectio V.

Ex Libro primo Disputationum Arnóbii adversus Gentes.

NON creditis gesta Christi; sed qui ea sub oculis suis viderunt agi, testes optimi, certissimique auctores, et crediderunt hæc ipsi, et credenda posteris nobis, haud ex libris cum approbationibus, tradiderunt. Quinam isti sint, fortasse quaeritis? Gentes, pó-

puli, et incredulum illud genus humanum. Quod, nisi aperta res esset, et luce ipsa clarius, nunquam rebus hujusmodi credulitatis suæ commodarent assensum. Numquid dicemus illius temporis homines usque adeo fuisse mendaces, stolidos, ut quæ facta omnino non erant, falsis pröderent testimoniis, aut puerili adsertione firmarent? Cumque possent vobiscum, et unanimiter vivere, et inoffensas ducere conjunctiones; gratuita suscéperent odia, et execrabili haberentur in nomine?

¶. Cum esset sapientissimus, * Conscripsit sermones rectissimos ac veritate plenos. ¶. Sicut tradiderunt qui ab initio ipsi viderunt, et ministri fuerunt sermonis. * Conscripsit. *Eccli. 12. Luc. 1.*

Lectio VI.

QUOD si falsa, ut dicitis, historia illa rerum est; unde tam brevi tempore totus mundus ista religione completus est? aut in unam coire qui potuerunt mentem gentes regionibus dissitæ? Num adseverationibus illectæ sunt nudis, inductæ in spes cassas, et in pericula capitis immittere se sponte temeraria desperatione voluerunt; cum nihil tale vidissent, quod eas in hos cultus novitatis suæ posset excitare miraculo? immo quia hæc omnia, et a Christo cernébant geri, et ab ejus

præconibus; veritatis ipsius vi victæ et dederunt se Deo, nec in magnis posuere dispendiis membra vobis projicere, et viscera sua lanianda præbere. Sed ab indoctis hominibus et rudibus scripta sunt, et idcirco non sunt facili auditione credenda. Vide ne magis hæc fortior causa sit, cur illa sint nullis coinquinata mendaciis, mente simplici prædita, et ignara lenociniis ampliare. Trivialis et sordibus sermo est. Nunquam enim veritas sectata est fucum; nec quod exploratum et certum est, circumdari se patitur orationis per ambitum longiorem. Omnia illa ornamenta, quibus fides quæritur adsertionis, suspicantes adjuvant, non veritatis lineamenta demonstrant.

¶. Misit me Christus evangelizare, non in sapientia verbi, ut non evacuëtur crux Christi: * Verbum enim crucis, pereuntibus quidem stultitia est; iis autem qui salvi fiunt, Dei virtus est. ¶. Quia non cognovit mundus per sapientiam Deum; placuit Deo per stultitiam prædicationis salvos facere credentes; * Verbum. Glória. * Verbum. *I. Cor. 1.*

IN III NOCTURNO.

Ant. 4. A. Singula eorum habebant alas senas; et in circuitu et intus plena sunt oculis. Apoc. 4.

Ant. 5. a. Requiem non habebant die ac nocte, dicentia:

Sanctus, Sanctus, Sanctus
Dóminus Deus omnipotens.
Apoc. 4.

Ant. 1. a. Cum darent illa
animália glóriam, et honórem,
et benedictiónem sedenti su-
per thronum, procidébant vi-
ginti quátuor senióres ante
sedentem in throno, et ado-
rábant Viventem in sécula se-
culórum. *Apoc. 4.*

✠. Cantáte Dómino, et psál-
lite ei. R. Narráte ómnia mi-
rabília ejus. *Ps. 104.*

Lectio VII.

Ex sancto Hierónymo Pres-
bytero. *Proem. in Matth.*

ECCLÉSIA quæ supra petram,
Dómini voce fundata est,
quátuor flúmina paradísi in-
star eructans, quátuor et án-
gulos et ánnulos habet, per
quos quasi arca testamenti et
custos legis Dómini, lignis
immobilibus véhitur. Primus
ómnium Matthæus est publi-
cánus, qui Evangélium in Ju-
dæa Hebræo sermóne édedit.
Secundus Marcus, interpres
Apóstoli Petri, et Alexandrí-
næ Ecclesiæ primus Epísco-
pus. Tértius Lucas, médicus,
natióne Syrus Antiochensis,
cujus laus in Evangélio; qui
et ipse discípulus Apóstoli
Pauli, in Acháiz Bœotiæque
pártibus volúmen cóncludit,
quædam áltius répetens; et,
ut ipse in proémio confitétur,
audita magis quam visa de-
scribens. Ultimus Joannes
Apóstolus et Evangelista, qui

supra pectus Dómini recum-
bens, puríssima doctrinárum
fluenta potávit.

R. Spíritu sancto inspiráti,
* Locúti sunt sancti Dei hómi-
nes. ✠. Ut sciámus quæ a Deo
donata sunt nobis; * Locúti.
II. Petr. 1. I. Cor. 2.

Lectio VIII.

HÆC igitur quátuor Evangé-
lia multo ante prædicta Eze-
chiélis quoque volúmen pro-
bat, in quo prima visio ita
contéxitur: Et in médio sicut
similitúdo quátuor animá-
lium; et vultus eórum, fácies
hóminis, et fácies leónis, et
fácies vítuli, et fácies áquilæ.
Prima hóminis fácies Mat-
thæum significat, qui quasi
de hómine exorsus est scribere:
Liber generatiónis Jesu
Christi, filii David. Secunda
Marcum, in quo vox leónis
in erémo rugientis audítur:
Vox clamantis in deserto, Pa-
ráte viam Dómini. Tértia ví-
tuli, quæ Evangelistam Lucam
a Zacharía Sacerdóte sump-
sisse iníitium præfigúrat. Quar-
ta Joannem Evangelistam, qui
adsumptis pennis áquilæ, et
ad altióra festínans, de Verbo
Dei disputat.

R. Annuntiámus vobis vi-
tam æternam, quæ erat apud
Patrem, et apparuit nobis;
et hæc scribimus vobis ut
gaudeátis, * Et gáudium ves-
trum sit plenum. ✠. Hæc
scripta sunt, ut credentes vi-
tam habeátis, * Et gáudium.
I. Joan. 1. I. Joan. 20.

Lectio IX. Cap. 1.

Lectio sancti Evangélîi secundum Lucam.

Christi Evangelium, statuit scribere Lucas.

QUONIAM quidem multi conáti sunt ordináre narratió-nem, quæ in nobis complétæ sunt, rerum. Et reliqua.

Homília sancti Ambrósii Episcopi. *In Luc. Lib. 1.*

MULROS cœpisse, nec implevisse, sanctus Lucas testimonió locupletióre testátur, dicens plúrimos esse conátos. Qui enim conátus est ordináre, suo labóre conátus est, nec implévit. Sine conátus sunt enim donatiónes et grátia Dei, quæ ubi se infúderit, rigáre consuévít, ut non égeat, sed redundet scriptóris ingénium. Non conátus est Matthæus; non conátus est Marcus; non conátus est Joannes; non conátus est Lucas; sed divíno Spírítu ubertátem dictórum rerumque ómnium ministrante, sine ullo molímíne cœpta complérunt.

R. Non recédát volúmen legis hujus ab ore tuo; sed meditáberis in eo diébus ac nóctibus, ut * Custódias, et fácias ómnia quæ scripta sunt in eo. **Y.** Qui hæc fécerit, ad ómnia valébit; quia lux vestígium est. * Custódias. Glóriá. * Custódias. *Josue, 1. Eccli. 50.*

AD LAUDES.

Ant. 1. f. Sermónem feci

de ómnibus quæ cœpít Jesus fácere et docére, usque in diem qua adsumptus est.

Act. 1.

Ant. 2. D. Visum est mihi, adsecúto ómnia a principio diligenter, ex órdine scribere.

Luc. 1.

Ant. 3. a. Notum mihi factum est sacramentum, sicut scripsi; prout potestis legentes intelligere prudéntiam meam in mystério Christi.

Ephes. 3.

Canticum, ut in Communi Apostolorum.

Ant. 4. E. In fide veritátis Deus vocávit vos per Evangélium nostrum, in acquisitió-nem glóriæ Dómini nostri Jesu Christi. II. Thess. 2.

Ant. 5. a. Evangélii factus sum minister, secundum donum grátia Dei. Ephes. 3.

Capitulum. II. Tim. 1.

MANIFESTATA est nunc grátia Dei per illuminatió-nem Salvatóris nostri Jesu Christi, qui destruxit quidem mortem, illuminávit autem vitam et incorruptiό-nem per Evangélium.

Hymnus. S. V.

SIXÆ sub alto vértice,
Cœlo tonante, lex data :
Inter tubas et fúlgura,
Præsens minabátur Deus.

Nunc, temperáto Númine,
Per vela carnis blándius
Amat vidéri, lánguidis
Se lumen aptans sénsibus.
Insculpta saxo lex vetus

Præcepta, non vires dabat :
 Inscripta cordi lex nova
 Quidquid jubet dat exsequi.
 Scripsistis hanc fida manu :
 Hanc voci, voci cónsonis
 Hanc prædicastis móribus :
 Signastis hanc et sáanguine.

Afflante divo Spíritu,
 Quæ verba vitæ traditis,
 Hæc ille nostris imprimat
 Delenda nunquam córdibus.
 ¶ Uni sit et trino Deo
 Supréma laus, summum de-
 cus,

De nocte qui nos ad suæ
 Lumen vocávit glóriæ. Amen.

℣. Declaratio sermónum
 tuórum illúminat, ℞. Et intel-
 lectum dat párvulis. *Ps. 118.*

Ad Benedictus. Ant. 8. G.
 Illius laus est in Evangélio
 per omnes Ecclesiás; et ordi-
 natus est ab Ecclesiis comes
 peregrinationis nostræ, in
 hanc grátiam quæ ministrátur
 a nobis. *II. Cor. 8.*

Oratio Brev. Clun.

DEUS, qui beáto Lucæ mé-
 dico córporum Evangélium
 Fílii tui nobis tradendum cre-
 dens, eum étiam effecisti mé-
 dicum animárum : fac nos cœ-
 lesti verbi tui medicínæ sem-
 per intentos, quæ nóxia esse
 demonstrat, fúgere; et quæ
 útilia salúti, fidéliter appre-
 héndere; Per eundem.

AD HORAS, Doxologia :

¶ Uni, etc. *ut ad Laudes.*

AD PRIMAM.

Ant. 1. f. Sermónem feci,

AD TERTIAM.

Ant. 2. D. Visum est mihi.

Capitulum. Hebr. 2.

QUOMODO nos effugiémus,
 si tantam neglexérimus salú-
 tem? quæ cum initium acce-
 pisset enarrári per Dóminum,
 ab eis qui audiérunt in nos
 confirmáta est, contestante
 Deo signis, et portentis, et
 váriis virtútibus, et Spíritus
 sancti distributióibus.

℞. *br.* Quanta audívimus, *
 Et cognóvimus ea! Quanta.
 ℣. Et patres nostri * narravé-
 runt nobis; * Et. Glória. Quan-
 ta. *Ps. 77.*

℣. Patres nostri annuntia-
 vérun nobis ℞. Opus quod
 operátus es in diébus eórum.
Ps. 43.

AD SEXTAM.

Ant. 3. a. Notum.

Capitulum. II. Cor. 2.

NON sumus sicut plúrimi,
 adulterantes verbum Dei, sed
 ex sinceritáte, sed sicut ex
 Deo, coram Deo, in Christo
 lóquimur.

℞. *br.* Ecce lábia mea * Non
 prohibébo. Ecce lábia mea.
 ℣. Dómine, * tu scisti. * Non.
 Glória. Ecce.

℣. Justítiam tuam non abs-
 condi in corde meo : ℞. Veri-
 tatem tuam et salutáre tuum
 dixi. *Ps. 39.*

AD NONAM.

Ant. 5. a. Evangélii.

Capitulum. I. Thess. 2.

SICUT probáti sumus a Deo, ut crederétur nobis Evangé-
lium; ita lóquimur, non quasi
hominibus placentes, sed Deo
qui probat corda nostra.

R. br. Elóquia Dómini, *
Elóquia casta. Elóquia. *✓*. Ar-
gentum * igne examinátum, *
Elóquia casta. Glória. Eló-
quia. *Ps. 11.*

✓. Ignítum elóquium tuum
vehementer; *R.* Et servus tuus
dilexit illud. *Ps. 118.*

AD II VESPERAS.

Ant. 4. E. Pervénimus ad
vos in Evangélio Christi;
spem habentes crescentis fidei
vestræ in vobis magnificári.
II. Cor. 10.

Ant. 7. c. Cúpide volebá-
mus trádere vobis, non solum
Evangélium Dei, sed étiam
ánimas nostras. *I. Thess. 2.*

Ant. 1. a. Spem quæ repó-
sita est vobis in cœlis, audis-
tis in verbo veritátis Evangé-
lii quod pervénit ad vos. *Co-
loss. 1.*

Ant. 2. D. Digne Evangélio
conversámini, in uno spíritu
unánimes, collaborantes fidei
Evangélii; quia vobis doná-
tum est ut in Christum credá-
tis. *Philip. 1.*

Ant. 3. a. Glória, honor, et
pax omni operanti bonum in
die cum judicábit Deus oc-
cultá hómínium, secundum
Evangélium meum. *Rom. 2.*

. Capitulum. Baruch, 4.

Hic liber mandatórum Dei,

et lex quæ est in æternum :
omnes qui tenent eam, pervé-
nient ad vitam; qui autem de-
reliquerunt eam, in mortem.

*Hymnus, Christi, ut supra,
358.*

✓. Suscitávit Dóminus testi-
mónium in Jacob, *R.* Et le-
gem pósuit in Israel. *Ps. 77.*

Ad Magnificat. Ant. 8. G.
Lucas est mecum solus : om-
nes me dereliquerunt; Dó-
minus autem mihi ádstitit, et
confortávit me, ut per me
prædicatio impleatur, et áu-
diant omnes gentes. *II. Tim. 4.*

DIE XIX.**SS. SAVINIANI,**

POTENTIANI,

ET SOCIORUM MARTYRUM.

Duplex-minus.

Lectio I. Cap. 1.

Incipit Sophonías Prophéta.

VERBUM Dómini, quod fac-
tum est ad Sophoníam fílium
Chusi, in diébus Josíæ fílii
Amon regis Judæ. Cóngre-
gans congregábo ómnia a fá-
cie terræ, dicit Dóminus : et
ruínæ impiórum erunt; et dis-
perdam hómínes a fácie ter-
ræ, dicit Dóminus. Et exten-
dam manum meam super Ju-
dam, et super omnes habitan-
tes Jerúsalem : et disperdam
de loco hoc relíquias Baal, et
nómína ædituórum cum sa-
cerdótibus. Et erit : In die

hóstiæ Dómini visitábo super príncipes, et super filios regis, et super omnes qui indúti sunt veste peregrína : et visitábo super omnem, qui arroganter ingréditur super limen in die illa : qui complent domum Dómini Dei sui iniquitáte et dolo.

R). Mittet Fílius hóminis Angelos suos, et cólligent de regno ejus ómnia scándala, et eos qui faciunt iniquitátem; * Et mittent eos in camínium ignis. ✠. Erunt omnes superbi, et omnes facientes impietátem, stipula; * Et. *Matth.* 13. *Malach.* 4.

Lectio II.

Brev. Paris. Gall. Christ. t. XII. col. 4. etc.

SAVINIANUS Epíscopus, a Sede Apostólica in Gállias ad annuntiandum Christi Evangélium cum Potentiáno et Altíno missus est. Ii ad urbem Senónum, quam in Gállia celeberrimam audierant, cum divertissent, una cum Sóciis excepti a Victoríno viro dívite, quem, cum Eodaldo ac Serotíno, qui póstea Diáconi facti sunt, Christo peperérunt. Crescente in dies credéntium in Dómino multítudine, crevit et infidélum furor. Hi ergo, ímpetu in Saviniánum facto, eum in crypta quadam subterránea, ubi sacra perágere sólitus erat, cum Victoríno comprehensum ad Sevérum præsidem adduxérunt; quo iubente, ambo fús-

tibus et plumbátis cæsi, cum in confessióne fidei persisterent, cápitis damnati sunt : et Saviniánus, ut in revelatióne córporis ejus páuit, tríplici plaga ictus est. Post eum vero Victorínus et álíi Neóphyti juguláti non pauci.

R). Vicérunt propter sanguinem Agni, et propter verbum testimónii sui, et non dilexérunt ánimas suas usque ad mortem : * Proptérea lætámíni, cœli, et qui habitátis in eis. ✠. Mó dico dolóre sustentáto, sub testamento æternæ vitæ effecti sunt : * Proptérea. *Apoc.* 12. *II. Mach.* 7.

Lectio III.

POTENTIANUS, cum Saviniáni curis et labóribus successisset, anno vertente, truncáto bráchio, aliisque suppliciis affectus, martyrium consummávit. Eodemque fere témpore, quod Valeriáni aut certe Aureliáni impérium præcessit, Eodaldus ac Serotínus cum ingenti plebis número Christi fidem ságuinis effusióne testáti sunt. Serotíno próprium a consanguíneis sepulcrum parátum est, céteri prope Saviniánum, in ipsa crypta in qua comprehensus fúerat, sunt sepulti. Eórum reliquiæ non paucæ in váriis diocésis Meldensis habentur ecclésiis, imprimis vero in Jotrensi, ubi coluntur notábiles córporis sancti Potentiáni partes, a Venilóne Senonensi Archiepíscopo Abbatissæ Jo-

trensi suæ affini, circa finem sæculi noni, concessæ; quarum ab adventu ita relevatum fuisse dicitur monasterium, ut nullam inopiam aut tempestatis procellam deinceps sustinuerit, ad impiam usque scilicet omnium Galliae monasteriorum eversionem.

¶. Sapientiam parentum nostrorum narrent populi, et * Laudem eorum nuntiet Ecclesia. ✕. Dealbaverunt stolas suas in sanguine Agni: ideo sunt ante thronum Dei.* Laudem. Glória.* Laudem. *Eccli.* 44. *Apoc.* 7.

Oratio Brev. Senon.

OMNIPOTENS sempiternæ Deus, qui ad immortales triumphos Saviniæ Pontificem, Potentianum ac Socios eorum Martyres extulisti; da Ecclesiæ tuæ dignam pro tanta solemnitate lætitiā: ut quæ Apostolorum tuorum prædicatione floruit, eorum et exemplis muniatur, et intercessionibus adjuvetur; Per Dominum.

Vesperæ de eodem.

DIE XX.

DE FERIA.

Lectio I. Cap. 1.

Ex Sophonia Propheta.

ET erit in tempore illo: Scrutabor Jerusalem in lucernis; et visitabo super viros defixos in facibus suis, qui

dicunt in cordibus suis: Non faciet bene Dominus, et non faciet male. Juxta est dies Domini magnus: juxta est et velox nimis: Dies iræ, dies illa, dies tribulationis et angustiae, dies calamitatis et miseriae; dies tenebrarum et caliginis, dies nebulae et turbine. Et tribulabo homines, et ambulabunt ut caeci, quia Domino peccaverunt: et effundetur sanguis eorum sicut stercora. Sed et argentum eorum, et aurum eorum non poterit liberare eos in die iræ Domini: in igne zeli ejus devorabitur omnis terra, quia consummationem cum festinatione faciet cunctis habitantibus terram.

¶. Repentina dies illa, tanquam laqueus superveniet in omnes, qui sedent super faciem omnis terræ: * Vigilate itaque, omni tempore orantes, ut digni habeamini fugere ista omnia quæ futura sunt. ✕. Juxta est dies perditionis, et adesse festinent tempora: * Vigilate. *Luc.* 21. *Deut.* 32.

Lectio II. Cap. 2.

AUDIVI opprobrium Moab, et blasphemias filiorum Ammon: quæ exprobraverunt populo meo, et magnificati sunt super terminos eorum. Propterea vivo ego, dicit Dominus exercituum Deus Israel, quia Moab ut Sodomā erit, et filii Ammon quasi Gomorraha. Reliquiae populi mei diripient eos, et residui gentis mea-

possidébunt illos. Horribilis Dóminus super eos, et adtenuábit omnes deos terræ : et adorábunt eum viri de loco suo, omnes ínsulæ Géntium.

R. Relinquent Gentes idóla sua, et vénient in Jerúsalem, et inhabitábunt in ea. * Et gaudébunt in ea omnes reges terræ, adorantes Regem Israel. ✕. Ambulábunt Gentes in lumine ejus. * Et. *Tob. 14. Apoc. 21.*

Lectio III. Cap. 3.

Væ provocátrix, et redempta civitas, columba. Non audívit vocem, et non suscepit disciplinam : in Dómino non est confisa; ad Deum suum non appropinquávit. Dóminus justus in médio ejus, non fáciet iniquitatem : mane mane iudícium suum dabit in lucem, et non abscondétur : nescívit autem iniquus confusióem. Dispéridi Gentes, et dissipáti sunt ánguli earum : desertas feci vias eórum, dum non est qui transeat : desolatæ sunt civitates eórum, non remanente viro, neque ullo habitatóre. Dixi : Attamen timébis me, suscipies disciplinam : et non peribit habitáculum ejus, propter ómnia in quibus visitávi eam : verúmtamen dilúculo surgentes corrupérunt omnes cogitationes suas.

R. Lætáre, filia Sion; júbila Israel; ábstulit Dóminus iudícium tuum, avertit inimicos tuos; * Non timébis malum ultra. ✕. Dóminus Deus tuus in médio tui fortis, ipse

salvábit. * Non. Glória. * Non. *Soph. 3.*

Vesperæ de Feria.

DIE XXI.

S. HILARIONIS,

ABBATIS.

Simplex.

Lectio I. Cap. 1.

Incipit Aggæus Prophéta.

In anno secundo Dárii regis, in mense sexto, in die una mensis, factum est verbum Dómini in manu Aggæi Prophétæ, ad Zoróbabel filium Saláthiel, ducem Juda, et ad Jesum filium Jósedec, sacerdotem magnum, dicens : Hæc ait Dóminus exercítuum, dicens : Pópulus iste dicit : Nondum venit tempus domus Dómini ædificandæ. Et factum est verbum Dómini in manu Aggæi Prophétæ, dicens : Numquid tempus vobis est ut habitétis in dómibus laqueátis, et domus ista deserta? Hæc dicit Dóminus exercítuum : Pónite corda vestra super vias vestras : Ascéndite in montem, portáte ligna, et ædificáte domum : et acceptábilis mihi erit, et glorificabor, dicit Dóminus.

R. Confortáre omnis pópulus terræ, dicit Dóminus exercítuum : et fácite, quóniam ego vobiscum sum : magna erit glória domus istius novissimæ plusquam primæ; * Et in loco isto dabo pacem. ✕.

Veniet Desiderátus cunctis
Géntibus, et implébo domum
istam glória : * Et. *Agg.* 2.

Lectio II.

Et suscitávit Dóminus spíri-
tum Zoróbabel filii Saláthiel,
ducis Juda, et spíritum Jesu
filii Jósedec sacerdotis magni,
et spíritum reliquórum de
omni pópulo: et ingressi sunt,
et faciébant opus in domo
Dómini exercítuum Dei suí.

¶. Quómodo amplificémus
Zoróbabel : nam et ipse quasi
signum in dextera manu; sic
et Jesum filium Jósedec? qui
in diébus suis ædificavérunt
domum, * Et exaltavérunt
templum sanctum Dómino,
parátum in glóriam sempiter-
nam. †. Audívit Zoróbabel,
et Jesus sacerdos magnus, et
omnes reliquiæ pópuli, vocem
Dómini Dei sui; * Et. *Eccli.*
49. *Agg.* 1.

Lectio III.

Ex ejus víta a S. Hieronymo.

HILARION, ortus Tá bathæ in
Palestína ex paréntibus infi-
délibus, studiórum causa mis-
sus Alexandríam, ibi suscepta
Jesu Christi religióne, pluri-
mum in fide et caritaté profé-
cit. Audíta Antónii fama, ejus
videndi stúdio perrexit in eré-
mum, ac duóbus apud eum
ménsibus cómmorans, om-
nem ejus vitæ ratióne didi-
cit. Domum reversus, mórtuis
paréntibus, partem substán-
tiæ frátribus, partem pau-

péribus largítus est; vix sex-
tum décimum annum egres-
sus, rédiit in solitúdinem.
Ibi exstructa exigua casa quæ
vix eum cáperet, humi cu-
bans, et amictus sacco, in sa-
crárum Litterárum lectione
et meditatióne totus fuit. Pau-
cas ficus et succum herbárum
ad victum adhibuit, nec illis
ante solis occásu vescebá-
tur. Continéntia et humilitáte
fuit incredíbili, quibus aliis-
que virtútibus horrendas diá-
boli tentatiónes superávit. Vá-
rias, ut latéret, mundi partes
peragravit, sed miráculis ubi-
que notus, ac tandem ad Cy-
prum ínsulam appulsus, ibi
in morbum incidit : cujus vi-
cum extrémó pene spíritu
conflictaré tur, dicébat : Egré-
dere, quid times? Egrédere,
ánima mea, quid dúbitas?
septuaginta annis servisti
Christo, et mortem times? Et
in hæc verba ánimam exhalá-
vit, anno trecentésimo septua-
gésimo primo. ¶ Eódem die
eélebris est memória sanctá-
rum Ursulæ, Marthæ et Sociá-
rum, Víginum, quæ in exci-
dio Británniæ, de quo Gildas
sápiens scripsit, cum trans-
marinas terras péterent, in
adversum Germániæ littus de-
látæ sunt, et a Bárbaris, qui
regiónem tunc vastábant, hos-
tíliter abductæ, prope Colóni-
am-Agrippínam ad ripam
Rheni, pro Christi nómine
occisæ sunt. Eárum córpora
sepulta sunt Colóniæ, ubi no-
bilitáta miráculis, magna fidé-
lium veneratióne, multis ab-

hinc séculis, coluntur. Sed e sacris ipsárum túmulis, plúrimæ reliquiæ in várias Gallíæ partes allátæ, non paucas diocesis Meldensis et totíus regni ecclésiás ditavére. (*Brev. Car. not. et Paris. Process. verb.*)

¶. Omnis qui venit ad me, et audit sermónes meos, et facit eos, ostendam vobis cui símilis sit : * Símilis est hómini ædificanti domum, qui † Fodit in altum, et pósuit fundamentum super petram. ✕. Beátus homo, cui donátum est habére timórem Dei : qui tenet illum, cui adsimilábitur ? * Símilis est. Glória. † Fodit. *Luc. 6. Eccli. 25.*

Oratio Brev. Paris.

DEUS, bonórum óperum auctor et remunerátor, qui in beáto Hilarióne Abbáte humilitátis et poeniténtiæ nobis exemplar ostendisti : da, quæsumus, ut angustam viam, per quam ille præcessit, fídeliter insistentes, ad coeleste regnum pervenire mereámur ; Per Dóminum.

Ad Laudes, pro Commem. SS. Ursulæ et Sociarum, Virginum et Martyrum.

Oratio Brev. Paris.

DEUS, qui singulári providéntia beátam Ursulam et Sócias ejus ad virginitátis et martyrii palmam provexisti : da nobis eárum intercessióne, ita vários séculi æstus pertransíre, ut ad æternæ salútis

portum feliciter pervenire mereámur ; Per Dóminum.

Vesperæ de sequenti.

DIE XXII.

S. CELINIÆ,

VIRGINIS,

MELDARUM PATRONÆ.

Extra Civitatem Meldensem, Semiduplex.

Omnia, ut in Communi SS. Virginum, additis quæ sequuntur.

Lectio I. Cap. I.

Incipit Zacharías Prophéta.

IN mense octávo, in anno secundo Dárii regis, factum est verbum Dómini ad Zachariám, fílium Barachíæ fílii Addo, Prophétam, dicens : Irátus est Dóminus super patres vestros iracúndia. Et dices ad eos : Hæc dicit Dóminus exercítuum : Convertímini ad me, et convertar ad vos, dicit Dóminus exercítuum. Ne sitis sicut patres vestri, ad quos clamábant Prophætæ prióres, dicentes : Hæc dicit Dóminus exercítuum : Convertímini de viis vestris malis, et de cogitationíbus vestris péssimis ; et non audiérunt, neque adtenderunt ad me, dicit Dóminus. Et dixit ad me Angelus, qui loquebátur in me : Clama, dicens : Hæc dicit Dóminus exercítuum : Zelátus sum Jerúsalem et Sion zelo magno. Et ira magna ego irascor su-

per gentes opulentas : quia ego iratus sum parum, ipsi vero adjuvērunt in malum. Propterea hæc dicit Dóminus : Revertar ad Jerúsalem in misericórdiis : et domus mea ædificabitur in ea, ait Dóminus exercítuum : adhuc affluēt civitatēs meæ bonis : et consolábitur adhuc Dóminus Sion, et éliget adhuc Jerúsalem.

R. Reversus sum ad Sion, et habitábo in médio Jerúsalem : * Et vocábitur Jerúsalem Cívitas veritátis, et mons Dómini exercítuum Mons sanctificátus. ⁊. Congregabuntur ad eam omnes Gentes, et non ambulábunt post pravitatem cordis sui péssimi ; * Et. *Zach. 8. Jer. 3.*

Lectio II. Cap. 2.

Et levávi óculos meos, et vidi. : et ecce vir, et in manu ejus funículus mensórum. Et dixi : Quo tu vadis ? et dixit ad me : Ut métiar Jerúsalem, et vídeam quanta sit latitúdo ejus, et quanta longitúdo ejus. Et ecce Angelus, qui loquebátur in me, egrediebátur, et Angelus álius egrediebátur in occursum ejus, et dixit ad eum : Curre, lóquere ad puerum istum, dicens : Absque muro habitábitur Jerúsalem præ multitudíne hóminum, et jumentórum in médio ejus. Et ego ero ei, ait Dóminus, murus ignis in circúitu : et in glória ero in médio ejus.

R. Aperientur portæ tuæ júgiter, ut afferátur ad te for-

titúdo Géntium. * Non audiétur ultra iníquitas in terra tua, et occupábit salus muros tuos. ⁊. Dóminus in circúitu pópuli sui. * Non. *Is. 60. Ps. 124.*

Lectio III.

Gall. Christ. t. VIII. col. 1675. Boll. in vita S. Genovesæ. Process. verb.

CELINIAM vírginem apud Meldenses natam, piéque institutam, parentes illustri júveni in uxorem despónderant. At illa, cœlestem sponsum unum exoptans, in disciplinam sanctæ Genovésæ, quæ tunc Meldis agébat, se tradidit, et in virginitátis propósito sóciam adjunxit. Quod ubi rescívit sponsus, plenus minárum ádvolat, qua vi, qua prece suam sibi vindicatúrus uxórem. Ut primas ejus iras declinárent, ad Baptistérium majóris ecclésiæ, divínitus ipsis apertum, Genovésa et Celínia confugerunt. Quo miraculo mutátus júvenis, et contra Christum dimicáre non ausus, ad própria regressus est. Celínia voti compos totam se Christi láudibus et amóri mancipávit, et Genovésam sanctitáte morum ita æmuláta est, ut eandem diébus et méritis plena, ad cœli glóriam sequi merúerit. In sua autem Meldensi civitaté óbiit, ubi tanquam patróna honorátur. Præcipuæ quæ supersunt ejus reliquiæ, in ecclésia cathedráli religiosissime coluntur.

R). Ego Deus tuus confortávi te, et *Auxiliátus sum tibi, et † Suscépit te dextera justí mei. ✕. Sponsábo te mihi, in sempiternum: et sponsábo te in justítia et judício et in misericórdia et miseratió nibus. * Auxiliátus. Glória. † Suscépit. *Is. 41. Osee, 2.*

Oratio.

DEUS, cujus amóre beáta Celínia, spreto mortáli con-núbio, únice sponso cœlesti se vírginem castam, te adspirante, devóvit: tribue nobis, ejus ad æmulatió nem, terréna despícere et cœléstium semper donórum participatió ne gaudére; Per Dóminum.

Vesperæ de eodem Festo.

EODEM DIE.

In Civitate Meldensi,

DE EODEM FESTO.

Solemne-minus.

Omnia de Communi SS. Virginum, additis quæ sequuntur.

In I Vesperis Psalmi de Feria. Ad ceteras Horas, Psalmi de Dominica.

IN I NOCTURNO.

Ant. 2. D. Oleum effúsum nomen tuum; ideo adolescén-tulæ dilexérunt te. Cant. 1.

Ant. 3. c. Trahe me; post te currémus in odórem unguentórum tuórum. Cant. 1.

Ant. 5. a. Exsultábimus et lætábimur in te; recti díligunt te. Cant. 1.

✕. Deus meus, impollúta via ejus: R). Protector est óm-nium sperántium in se. *Ps. 17.*

Lectio I. In mense cum suo

R). Reversus, *ut supra, 370.*

Lectio II. Et levávi cum suo

R). Aperientur, *ut supra, 371.*

Lectio III. Cap. 2.

Ex Zacharía Prophéta.

O, o fúgite de terra Aquilónis, dicit Dóminus, quóniam in quátuor ventos cœli dispersi vos, dicit Dóminus. O Sion, fuge, quæ hábitas apud fíliam Babylónis: quia hæc dicit Dóminus exercítuum: Post glóriam misit me ad gentes, quæ spoliavérunt vos: qui enim tetígerit vos, tangit pupillam óculi mei: quia ecce ego levo manum meam super eos, et erunt prædæ his, qui serviébant sibi: et cognoscétis quia Dóminus exercítuum misit me.

R). Cécidit, cécidit Bábylon magna. * Exíte de illa, pópulus meus: ut ne partícipes sitis delictórum ejus, et de plagis ejus non accipiátis. ✕. Nolíte tacére super iniquitátem ejus; quóniam tempus ul-tiónis est a Dómino. * Exíte. Glória. * Exíte. *Apoc. 18. Jer. 51.*

IN II NOCTURNO.

Ant. 8. G. In caritáte perpétua dilexi te; ideo adtraxi te, miserans. Jer. 31.

Ant. 4. f. Ingressus sum pactum tecum, et facta es mihi. Ezech. 16.

Ant. 7. b. Decóra facta es vehementer nimis; quia perfecta eras in decóre meo, quem posúeram super te, dicit Dóminus Deus. *Ezech. 16.*

✠. Concupiscet Rex decórem tuum; *R.* Quóniam ipse est Dóminus Deus tuus. *Ps. 44.*

Lectio IV. Celíniam, etc. ut supra, 371 cum suo R. Ego Deus, etc. dempto Glória et ✠ Suscépit.

Lectio V.

Ex Libro sancti Cypriáni Episcopi et Mártiris de hábitu Vírginum.

Nunc nobis ad Vírgines sermo est; quarum quo sublimior glória, major et cura est. Flos est ille Ecclesiástici gérmis, decus atque ornamentum grátiae spirituális, læta índoles, laudis et honoris opus íntegrum atque incorruptum, Dei imágo respondens ad sanctimóniam Dómini, illústrior pórtio gregis Christi. Gaudet per illas, atque in illis largíter floret Ecclesiæ matris gloriósa fœcúnditas: quantóque plus copiósa virginitas número suo addit, tanto plus gáudium matris augecit.

R. Audi, filia, et vide; et inclína aurem tuam, et obliuiscere pópulum tuum, et domum patris tui; * Et concupiscet Rex decórem tuum. ✠. Juvenília desidéria fuge; secutáre vero justítiam, fidem, spem, caritátem, et pacem

cum iis qui invocant Dóminum de cordé puro. * Et. *Ps. 44. II. Tim. 2.*

Lectio VI.

Ex Laudatióne sanctæ Theclæ. *Inter opera S. Joan. Chrys.*

MIHI vídeor hodierno die beátam puellam conspicári, áltera quidem manu corónam protendentem, quam devicta libídine; áltera vero quam superátis periculis triumphátrix virgo rétulit. Huic enim in custodienda virginitatesub-eundum fuit martyrium quod, rem probe considerántibus, ipsi Martyrio præeat: crudelissimi enim sunt carnífices corpóris voluptátes; immo vero carníficibus crudelióres. A quo tamen múltiplici et doméstico bello victóriam reportávit: síquidem ánimi sanctus ignis naturáli ardéntius flagrábat. Parentes vero, cum nescírent inítum a filia cum virginitáte pactum, et Christum Dóminum dexteram coelitus ad nuptiárum fœdus dedisse, illam increpationibus ad conjúgium impelébant. At enim Pauli carmen puellæ jam aures occupáverat: Innupta quæ Dómini sunt cógitat, ut sit sancta corpore et spíritu. Virginitátis in promptu est coróna: nihil illi cum terra commúne: nulla cum necessitatibus con-núbii cognátio.

R. Lex tua, Dómine, meditátio mea est: * Fiat cor meum immaculátum in jus-

tificatiōibus tuis, ut non confundar. ✠. Secundum expectatiōem et spem meam, magnificabitur Christus in corpore meo : * Fiat. Glória. * Fiat. *Ps. 118. Philip. 1.*

IN III NOCTURNO.

Tres Ant. et ✠. ut in Comuni.

Lectio VII.

Ex sancto Augustino Episcopo. *Serm. 93. Cap. 4, 6, 7, 8.*

EVANGELIUM sanctum ipsas vírgines efferentes lámpades, álias dixit prudentes, álias stultas. Unde discernimus? De óleo. Aliquid magnum significat óleo. Putas non caritas est? Apóstolus dicit : (adhuc supereminentiórem vobis viam demonstro,) Si linguis hóminum loquar et Angelórum, caritátem autem non hábeam, factus sum æra-mentum sonans, aut cymbalum tinniens. Ipsa est supereminens via, id est, caritas, quæ mérito óleo significátur: omnibus enim humóribus óleo superéminet. Média nocte clamor factus est. Quid est, Média nocte? Quando non sperátur, quando omnino non créditur. Noctem pósuit pro ignorántia. Quis iste clamor, nisi de quo Apóstolus dicit : In ictu óculi, in novíssima tuba? Quid séquitur? Surrexérunt omnes. Quid est? Véniet hora quando omnes qui sunt in monumentis, audient vocem (Dómini), et procédent. Ergo ad novíssimam

tubam surrexérunt omnes. Prudentes autem tulérunt óleo secum, stultæ vero non tulérunt secum. Habes óleo, porta tecum. Intus habe, ibi place Deo, ibi porta testimoniū consciéntiæ tuæ. Qui autem ámbulat ad testimoniū aliénium, óleo non portat secum.

R. Cave nequando obliviscaris pacti Dómini Dei tui, quod pépigit tecum; * Quia Dóminus Deus tuus, Deus æmulátor. ✠. Miserére ánimæ tuæ placens Deo, et cóntine; * Quia. *Deut. 4. Eccli. 30.*

Lectio VIII. Cap. 10, 14.

ANTEQUAM dormírent illæ vírgines; non est dictum quia exstinguebantur lámpades illárum. Sapiéntium lámpades ardébant de óleo interno, de consciéntiæ securitáte, de interióre glória, de íntima caritáte : ardébant tamen et illárum fatuárum, quia non déerant laudes hóminum. In resurrectione cœpérunt aptáre lámpades suas, id est, præparáre Deo óperum suórum réddere ratiónem. Et quia tunc nemo est qui laudet, omnis homo causæ suæ vacat. Non erant qui óleo vénderent; cœpérunt deficere lámpades, et convertérunt se fá-tuæ ad prudentes, Date nobis de óleo vestro. Audiérunt : Ite pótius ad vendentes. Quia láudibus humánis bene vivere consuestis, vobiscum óleo non portátis; nos autem non

damus, ne forte non sufficiat nobis et vobis. Vix enim de nobis iudicamus, quanto minus possumus iudicare de vobis? Cum eunt emere, cum quaerunt a quibus laudentur, et non inveniunt, venit sponsus et sponsa; tunc glorificata cum Christo Ecclesia. Fatuae postea venerunt. Et quid illis dictum est? Non novi vos, reprobo vos. In arte mea non vos agnosco: ars mea nescit vitia, et iudicat vitia; nescit faciendo, iudicat arguendo.

R. Scient quia ego dilexite: *Tene quod habes, ut nemo accipiat coronam tuam. ✕. Sectare iustitiam, pietatem, fidem, caritatem, patientiam, mansuetudinem. *Tene. *Apoc. 3. II. Tim. 6.*

Lectio IX. Cap. 19.

Lectio sancti Evangelii secundum Matthaeum.

De Eunuchis voluntariis.

In illo tempore; Venit Jesus in fines Judaeae trans Jordannem: et secutae sunt eum turbae multae, et curavit eos ibi. Et reliqua.

Homilia sancti Joannis Chrysostomi. 63. in *Matth.*

CHRISTUS, quia ad virginitatem hortari grave esse videbatur, a necessitate legis de non solvendo matrimonio ad cupiditatem virginitatis trahere studet. Deinde ut eam esse possibilem ostendat, dicit: Sunt eunuchi qui ex ven-

tre matris nati sunt, et sunt qui ab hominibus eunuchi facti sunt, et sunt qui seipsos eunuchos fecerunt propter regnum caelorum. Quibus omnibus latenter ipsos ad eligendam virginitatem inducit, dum eam virtutem esse possibilem adstruit. Cum autem dicit, Qui seipsos eunuchos fecerunt, non de abscissione membrorum dicit; sed pravatum mentis cogitationum interemptionem intelligit. Subiunxit rursus, dicens: Qui potest capere, capiat. Scilicet, ut alacriores efficiat eo ipso quod grave esse opus ostendit. Idque dicendo, adhuc magis demonstrat rem illam esse possibilem; ut eo amplius ipsam eligendi desiderium in voluntate gignatur. Sed si electionis istud est, inquires, quomodo antea dixit: Non omnes capiunt, sed quibus datum est? Scilicet ut discas id esse magnum certamen, non sorte datam necessitatem: illud enim volentibus datum est. Quod ideo dixit, ut ostenderet superiore nobis auxilio opus esse.

R. Gratia Dei sum id quod sum, sed *Laboravi; non ego autem, sed gratia Dei mecum. ✕. Quae impossibilia sunt apud homines, possible sunt apud Deum. *Laboravi. Gloria. *Laboravi. *I. Cor. 15. Luc. 18.*

Oratio Deus, ut supra, 372.

Si sit Dom. de ea fit Commem.

AD HORAS in R. R. R. br. de Communi, additur bis Alleluia.

DIE XXIII.
SS. PERPETUÆ,
ET
FELICITATIS,
CUM SOCIIS, MARTYRUM.

Simplex.

De Communi plurium Martyrum.

Lectio I. Cap. 3.

Ex Zacharía Prophéta.

ET ostendit mihi Dóminus Jesus sacerdotem magnum stantem coram Angelo Dómini: et satan stabat a dextris ejus ut adversarétur ei. Et contestabátur Angelus Dómini Jesum, dicens: Hæc dicit Dóminus exercítuum: Si in viis meis ambuláveris, et custódiam meam custodieris: tu quoque judicábis domum meam, et custódies átria mea, et dabo tibi ambulantes de his, qui nunc hic adsistunt.

R). Jesus erat indútus vés-tibus sórdidis, et stabat ante faciém Angeli, qui respondit et ait: *Auferte vestimenta sórdida ab eo, et pónite cí-darim mundam super caput ejus. V. Vídimus eum despec-tum et novíssimum virórum, et quasi absconditus vultus ejus et despectus. *Auferte. *Zach. 3. Is. 53.*

Lectio II.

AUDI, Jesu, sacerdos magne, tu et amíci tui, qui hábitant

coram te, qula viri porten-dentes sunt. Ecce enim ego ad-dúcam servum meum Orien-tem. Quia ecce lapis, quem dedi coram Jesu: super lápi-dem unum septem óculi sunt: ecce ego cælábo sculptúram ejus, ait Dóminus exercítu-um: et áuferam iniquitátem terræ illíus in die una. In die illa, dicit Dóminus exercítu-um, vocábit vir amicum su-um subter vitem, et subter ficum.

R). Visitávit nos Oriens ex alto, *Illumináre his qui in ténebris, et in umbra mortis sedent. V. Habitántibus in re-gióne umbræ mortis, lux orta est eis. *Illumináre. *Luc. 1. Is. 9.*

Lectio III.

Brev. Paris.

PERPETUA et Felícitas, in persecutióne Severi Impera-tóris, Carthágine in Africa una cum Revocáto, Saturní-no et Secúndulo comprehen-sæ sunt, et in tenebrósum cárcerem detrúsæ; quibus ul-tro adjunxit se Sátyrus. Erant adhuc catechúmenæ; sed pau-lo post baptizátæ sunt. Paucis diébus interjectis, e cárcere ad forum deductæ cum Sóciis; post gloriósam confessiónem, ab Hilariáno procurátore damnantur ad béstias. Inde hílares descendunt ad cárce-rem, ubi váriis visióibus re-creantur, et ad martyrii pal-mam accenduntur. Perpétu-am, nec patris sénio pene confecti iterátæ preces et lá-

crymæ, nec erga filium infantem pendentem ad úbera maternus amor, nec supplicii atrocitas a Christi fide dimovere unquam potuerunt. Felicitas vero, instante spectaculi die, cum octo jam menses prægnans esset in magno erat luctu ne differrétur: leges quippe vetábant prægnantes supplicio affici. At precibus commartyrum accelerato partu, enixa est filiam. Cumque in partu labórans doléret, ait illi quidam ex ministris: Quæ sic modo doles, quid facies objecta béstiis? Cui illa: Modo ego pátiór quod pátiór; illic autem álius erit in me, qui patiétur pro me; quia et ego pro illo passúra sum. In amphitheátrum, toto inspectante pópulo, producuntur tandem generósæ mulieres, Nonis Mártii. Ac primum flagellis cæduntur; tum a ferocíssima vacca aliquándiu jactatæ, plagis concísæ, et in terram elísæ sunt; demum cum Sóciis, qui a váriis béstiis vexáti erant, gladiatórum énsibus conficiuntur.

R. Christus Jesus est ad dexteram Dei, qui étiam interpellat pro nobis. * Quis ergo nos separábit a caritaté Christi? tribulatio? an angústia? an fames? an nuditás? an periculum? an persecutio? an gládus? V. Oculi Dómini contemplantur universam terram, et præbent fortitúdinem his qui corde perfecto credunt in eum. *

Quis. Glória. * Quis. Rom. 8. II. Par. 16.

Oratio Brev. Clun.

OMNIPOTENS sempiternæ Deus, qui infirma mundi éligis, ut fórtia quæque confundas: da nobis, intercedéntibus beáteis Martyribus tuis Perpétua, Felicitáte et Sóciis, ut spíritu tuæ veritátis armáti, mundum sive blandientem, sive sævientem, vincere, pro tuí nómínis amore, valeámus; Per Dóminum.

Vesperæ de sequenti.

DIE XXIV.

S. ALOYSII GONZAGÆ,

CLERICI.

Semiduplex.

De Communi unius S. Clerici.

Lectio I. Cap. 6.

Ex Zacharía Prophéta.

ET factum est verbum Dómini ad me, dicens: Sume a transmigratióne ab Hóldaí, et a Tobía, et ab Idaía, et vénies tu in die illa, et intrábis domum Josíæ, filii Sophoníæ, qui venérunt de Babylóne. Et sumes aurum et argentum: et facies corónas, et pones in cápite Jesu filii Jósedec sacerdotís magni, et loqueris ad eum, dicens: Hæc ait Dóminus exercítuum, dicens: Ecce vir Oriens nomen ejus: et subter eum oriétur, et ædificábit templum Dómino.

R. In capite ejus diadēmata multa, habens nomen scriptum, quod nemo novit nisi ipse. * Et habet in vestimento et in femore suo scriptum : Rex regum, et Dominus dominantium. V. Magnificētia tua, Domine, in diadēmate capitis illius sculpta erat. * Et. *Apoc. 19. Sap. 18.*

Lectio II.

ET ipse exstruet templum Domino : et ipse portabit glóriam, et sedēbit, et dominābitur super sōlio suo : et erit Sacerdos super sōlio suo, et consiliū pacis erit inter illos duos : Et coronæ erunt Helem, et Tobīæ, et Idasæ, et Hem, filio Sophonīæ, memoriāle in templo Domini. Et qui procul sunt, venient, et ædificābunt in templo Domini : et sciētis quia Dominus exercituum misit me ad vos. Erit autem hoc, si auditu audieritis vocem Domini Dei vestri.

R. Erit in solum gloriæ domui patris ejus : * Et erit quasi pater habitantibus Jerúsalem. V. Dabit illi Dominus Deus sedem David patris ejus ; * Et. *Is. 22. Luc. 1.*

Lectio III.

Brev. Nem.

ALOYSIUS a Gónzaga, illustri prosapia ortus, a primo rationis usu, quo se Deo statim obtulit, vitam duxit quotidie sanctiorem. Novennis ante aram beatæ Mariæ Virginis

quam parentis loco semper habuit, perpétuam vovit virginitatem et pépigit fœdus cum oculis suis, ut ne cogitaret quidem de virgine, ita ut angelus in carne vulgo diceretur. Vígili sensuum custodiæ corporis cruciatus adjecit quam plurimos, et ita in oratione profecit, ut perpétua velut éxtasi mentem in Deo defixam haberet. Aviti principatus jure in fratrem translato, societati Jesu, ad quam cœlesti voce accitus fuerat, nomen dedit, et in ipso tyrocínio virtutum omnium magister enituit. Exactissima in eo fuit legum etiam minimarum custodia, mundi contemptus singularis, implacabile odium sui; Dei amor tam ardens ut corpus etiam sensim absumeret : mira non minus fuit erga próximos caritas, et caritatis martyr mérito publicari potest ; in nosocomiis publicis enim, ægris inserviens, luem traxit, qua lente consumptus, anno quarto ætatis supra vigésimum, humi stratus, angelicam Deo reddidit animam. Benedictus decimus tertius, Sanctorum fastis Aloysium adscribens, illum innocentiae et castitatis exemplar, simul et studiosæ juventutis patronum proclamavit.

R. Qui diligit cordis munditiam * Habebit amicum Regem. V. Sicut enim Angelus Dei, sic est. * Habebit. Glória. * Habebit. *Prov. 22. II. Reg. 14.*

Oratio Brev. Nem.

CORLESTIUM donórum distributor Deus, qui in angélico júvene Aloysio, miram vitæ innocentiam pari cum pœniténtia sociasti : ejus méritis et précibus concéde, ut innocentem nos secúti, pœnitentem imitémur ; Per.

Vesperæ de eodem.

DIE XXV.
SS. CRISPINI
ET
CRISPINIANI,
MARTYRUM.

Simplex.

Lectio I. Cap. 7.

Ex Zacharía Prophéta.

ET factum est verbum Dómini ad Zachariám, dicens : Hæc ait Dóminus exercítuum, dicens : Judícium verum judicáte, et misericórdiam et miseratiónes fácite, unusquisque cum fratre suo. Et víduam, et pupillum, et ádvenam, et páuperem nolíte calumniári : et malum vir fratri suo non cógitet in corde suo. Et cor suum posuerunt ut adamantem ne audírent legem, et verba quæ misit Dóminus exercítuum in spíritu suo per manum Prophetárum priórum : et facta est indignatio magna a Dómino exercítuum. Et factum est sicut locútus est, et non au-

diérunt : sic clamábunt, et non exáudiam, dicit Dóminus exercítuum. Et dispersi eos per ómnia regna, quæ nesciunt : et terra desoláta est ab eis, eo quod non esset tránsiens et revertens : et posuerunt terram desiderábilem in desertum.

R. Quia vocávi, et renuistis ; et increpationes meas neglexistis, * Ego quoque in intéritu vestro ridébo, et subsannábo : Qui autem me audierit, absque terróre requiescet. **Y.** Ego vado, et quærétis me, et in peccáto vestro moriémini. * Ego. *Prov. 1. Joan. 8.*

Lectio II. Cap. 8.

HÆC dicit Dóminus exercítuum : Reversus sum ad Sion, et habitábo in médio Jerúsalem : et vocábitur Jerúsalem Cívitas veritátis, et mons Dómini exercítuum Mons sanctificátus. Hæc dicit Dóminus exercítuum : Si vidébitur difficile in óculis reliquiárum pópuli hujus in diébus illis, numquid in óculis meis difficile erit, dicit Dóminus exercítuum ? Hæc dicit Dóminus exercítuum : Ecce ego salvábo pópulum meum de terra Orientis, et de terra Occásus solis. Et addúcam eos, et habitábunt in médio Jerúsalem : et erant mihi in pópulum, et ego ero eis in Deum, in veritáte et in justítia.

R. Absque muro habitábitur Jerúsalem præ multitudíne hóminum ; * Et ego ero ei

murus ignis in circúitu; et in glória ero in médio ejus. ✕. Portæ ejus non claudentur per diem : nox enim non erit illic; et áfferent glóriam et honórem Géntium in illam.* Et. Zach. 2. Apoc. 21.

Lectio III.

Brev. Paris. Gall. Christ. t. IX. col. 337. etc.

CRISPINUS et Crispiniánus cum beáto Quintíno et Sóciis a Románo Pontífice in Gállias missi, Suessionas venérunt; ubi, cum multos ad Christi fidem convérterent, comprehensi, sub Rictiováro præside, post immánia tormenta cápite truncátí sunt. Eórum córpora sanctus Anséricus, Suessionensis Epíscopus, e crypta eduxit, circa médium séculi séptimi cum sanctis Antístítibus, Faróne Meldensi, Elígio Noviomensi, et Audoéno Rothomagensi. Resbacensem intra decanátum, ecclésiám habent sui nóminis, in villa scílicet de Verdelóto, quæ olim erat Suessionensis dicecéseos; et íbidem nonnulla eórum reliquiárum pórtio religiósè cólitur.

℞. Deus omnis grátia, qui vocávit nos in æternam suam glóriam in Christo Jesu, * Módicum passos ipse perficiet : ipsi glória et impérium † In sécula seculórum. ✕. Rex mundi defunctos nos pro suis légibus in æternæ vitæ resurrectióne suscitábit : * Módi-

cum. Glória. † In sécula. I. Petr. 5. II. Mach. 7.

Oratio Brev. Nem.

QUÆSUMUS, omnípotens Deus, ut nos excípiat hodiernæ festivitátis de beatórum Crispíni et Crispiani glorificatióne gemináta lætítia, quos éadem fides et passio vere fecit esse germános; Per Dóminum.

Vesperæ de FERIA.

DIE XXVI.

DE FERIA.

Lectio I. Cap. 9.

Ex Zacharía Prophéta.

EXSULTA satis, fília Sion, júbila, fília Jerúsalem : Ecce Rex tuus véniet tibi justus, et salvátor : ipse pauper, et ascendens super ásinam, et super pullum fílium ásinæ. Et disperdam quadrígam ex Ephraim, et equum de Jerúsalem, et dissipábitur arcus belli : et loquétur pacem Géntibus, et potestas ejus a mari usque ad mare, et a flumínibus usque ad fines terræ. Tu quoque in ságuine testamenti tui emisisti vinctos tuos de lacu, in quo non est aqua. Convertimini ad munitiónem vincti spei, hódie quoque annúntians duplícia reddam tibi.

℞. Dícite fíliæ Sion : * Ecce Rex tuus venit tibi mansuétus,

sedens super ásinam, et pul-
lum fílium subjugális. *ꝯ*. Ad-
duxérunt ásinam et pullum,
et Jesum désuper sedere fecé-
runt. Hoc autem factum est,
ut adimplerétur quod dictum
est per Prophétam dicentem :
* Ecce. *Matth.* 21.

Lectio II. Cap. 12.

ET erit in die illa : Quæram
contêrere omnes gentes, quæ
véniunt contra Jerúsalem. Et
effundam super domum Da-
vid, et super habitatóres Je-
rúsalem, Spíritum grátia, et
precum : et adspíciant ad me,
quem confixerunt : et plan-
gent eum planctu quasi super
unigénitum, et dolébunt su-
per eum, ut doléri solet in
morte primogéniti.

ꝯ. Erit in die illa, dicit Dó-
minus Deus : Occidet sol in
merídie, et tenebréscere fá-
ciam terram in die lúminis ; *
Et ponam diem eam quasi
luctum unigéniti. *ꝯ*. Vidébunt
in quem transfixérunt. * Et.
Amos, 8. *Joan.* 19.

Lectio III. Cap. 13.

IN die illa erit fons patens
dómu David, et habitántibus
Jerúsalem, in ablutióem pec-
catoris et menstruátæ. Et erit
in die illa, dicit Dóminus
exercítuum : Disperdam nómi-
na idolórum de terra, et non
memorabuntur ultra : et pseu-
doprophétas, et spíritum im-
mundum áuferam de terra.
Et erit : In die illa confun-
dentur Prophétæ, unusquis-

que ex visióne sua, cum pro-
phetáverit : nec operientur
pállio sáccino, ut mentiantur :
sed dicet : Non sum prophéta,
homo agrícola ego sum : quón-
iam Adam exemplum meum
ab adolescéntia mea. Et dicé-
tur ei : Quid sunt plagæ istæ
in médio mánuum tuárum ?
Et dicet : His plagátus sum in
domo eórum qui diligébant
me. Frámea suscitáre super
pastórem meum, et super vi-
rum cohærentem mihi, dicit
Dóminus exercítuum : pércu-
te pastórem, et dispergentur
oves : et convertam manum
meam ad párvulos.

ꝯ. Accessérunt, et manus
injecérunt in Jesum, et te-
nuérunt eum. Tunc discípuli
omnes, relicto eo, fugérunt.
* Hoc autem totum factum
est, ut adimplerentur Scrip-
túræ Prophetárum. *ꝯ*. Scrip-
tum est : Percútiam pastórem,
et dispergentur oves gregis.
* Hoc. Glória. * Hoc. *Matth.* 26.

DIE XXVII.

DE FERIA.

Lectio I. Cap. 1 et 2.

Incipit Malachías Prophéta.

ONUS verbi Dómini ad Israel
in manu Malachíæ. Dilexi
vos, dicit Dóminus, et dixis-
tis : In quo dilexisti nos ?
Nonne frater erat Esaü Jacob,
dicit Dóminus, et dilexi Ja-
cob, Esaü autem ódio hábui ?

Et p[ro]sui montes ejus in solitudinem, et h[er]editatem ejus in dracones deserti. Et nunc ad vos mandatum hoc, o Sacerdotes. Si nolu[er]itis audire, et si nolu[er]itis p[ro]nere super cor, ut detis gl[ori]am n[omi]ni meo, ait D[omi]nus exercituum: mittam in vos egestatem, et maledicam benedictionibus vestris: dispergam super vultum vestrum stercus solemnitatum vestrarum, et sci[er]itis, quia misi ad vos mandatum istud, ut esset pactum meum cum Levi, dicit D[omi]nus exercituum: pactum meum fuit cum eo vitæ et pacis: et dedi ei timorem et timuit me, et a facie n[omi]nis mei pav[er]at. Lex veritatis fuit in ore ejus, et multos avertit ab iniquitate. L[ab]ia enim Sacerdotis custodient scientiam, et legem requirunt ex ore ejus; quia Angelus D[omi]ni exercituum est. Vos autem recessistis de via, et scandalizastis plurimos in lege; irritum fecistis pactum Levi. Propter quod et ego dedi vos contemptibiles.

R[ati]o. Quis dabit capiti meo aquam, et oculis meis fontem lacrymarum? et * Plorabo die ac nocte interfectos Israel. ¶ Sacerdotes contemps[er]unt legem; et inter sanctum et profanum non habuerunt distantiam. * Plorabo. Jer. 9. Ezech. 22.

Lectio II. Cap. 3.

Ecce ego mitto Angelum meum, et p[re]parabit viam

ante faciem meam. Et statim veniet ad templum suum Dominator, quem vos queritis; et Angelus testamenti, quem vos vultis. Ecce venit, dicit D[omi]nus exercituum: et quis poterit cogitare diem adventus ejus, et quis stabit ad videndum eum?

R[ati]o. Ipse quasi ignis conflans et quasi herba fullonum. * Et purgabit filios Levi; et erunt offerentes sacrificia in justitia: et placebit D[omi]no sacrificium. ¶ Lex constituit sacerdotes infirmitatem habentes: sermo autem, qui post legem est, Filium in æternum perfectum; * Et. Malach. 3. Hebr. 7.

Lectio III. Cap. 4.

Ecce enim dies veniet succensa quasi caminus: et erunt omnes superbi, et omnes facientes impietatem, stipula: et inflammabit eos dies veniens, dicit D[omi]nus exercituum, quæ non derelinquet eis radicem, et germen. Et oriatur vobis timentibus nomen meum Sol justitiæ, et sanitas in pennis ejus: et egrediemini, et salietis sicut vituli de armento. Mementote legis Moysi servi mei, quam mandavi ei in Horeb ad omnem Israel, p[re]cepta et judicia. Ecce ego mittam vobis El[ia]m Prophetam, antequam veniat dies D[omi]ni magnus, et horribilis. Et convertet cor patrum ad filios, et cor filiorum ad patres eorum: ne

forte véniam et percútiám terram anathémate.

R. Elías quidem ventúrus est, et restítuet ómnia. Dico autem vobis, quia Elías jam venit : * Et non cognóverunt eum, sed fecérunt in eo quæcumque voluérunt. V. Omnes Prophætæ et lex, usque ad Joannem prophetavérunt; et si vultis recipere, ipse est Elías qui ventúrus est : * Et. Glória. * Et. *Matth. 17 et 11.*

Vesperæ de sequenti.

DIE XXVIII.

SS. SIMONIS ET JUDÆ,

APOSTOLORUM.

Duplex-majus.

De Communi Apostolorum.

IN I NOCTURNO.

Lectio I.

Incipit Epístola Cathólica beáti Judæ Apóstoli.

JUDAS Jesu Christi servus, frater autem Jacóbi, his qui sunt in Deo Patre dilectis, et Christo Jesu conservátis, et vocátis. Misericórdia vobis, et pax, et caritas adimpleátur. Caríssimi, omnem sollicitúdinem faciens scribendi vobis de commúni vestra salute, necesse hábui scribere vobis : deprecans supercertári semel tráditæ sanctis fidei. Subintroiérunt enim quidam hómines (qui olim præscripti sunt in hoc judícium) impíi, Dei

nostri grátiam transferentes in luxúriam, et solum Dominatórem, et Dóminum nostrum Jesum Christum negantes. Commonére autem vos volo, scientes semel ómnia, quóniam Jesus pópulum de terra Ægypti salvans, secundo eos, qui non credidérunt, perdidit : ángelos vero, qui non servavérunt stum principátum, sed dereliquérunt suum domicílium, in judícium magni diéi, vinctis æternis sub calígine reservávit. Sicut Sódoma et Gomorrha, et finístimæ civitátes símili modo exfornicátæ, et abeuntes post carnem álteram, factæ sunt exemplum, ignis æterni pœnam sustinentes.

R. Si Deus ángelis peccántibus non pepercit, * Quanto magis hi qui hábitant domos lúteas, consumentur velut a tinea? V. Ecce qui sérviant ei, non sunt stábiles, et in ángelis suis réperit pravitátem; * Quanto. *II. Petr. 2. Job, 4.*

Lectio II.

SIMILITER et hi carnem quidem máculant, dominatió-nem autem spernunt, majestátem autem blasphemant. Cum Míchael Archángelus cum diabolo disputans altercarétur de Móysi corpore, non est ausus judícium inferre blasphemíæ : sed dixit : Imperet tibi Dóminus. Hi autem quæcumque quidem ignórant, blasphemant : quæcumque autem naturaliter,

tanquam muta animália, norunt, in his corrumpuntur. Væ illis, quia in via Cain abiérunt, et errore Bálaam mercéde effúsi sunt, et in contradiccióne Core periérunt: hi sunt in épulis suis máculæ, convivantes sine timóre, semetipsos pascentes, nubes sine aqua, quæ a ventis circumferuntur, árbores autumnáles, infructuósæ, bis mórtuæ, eradicatæ, fluctus feri maris, despumantes suas confusiões, sídera errántia: quibus procella tenebrárum serváta est in æternum.

℞. In vobis erunt magistri mendáces. * Qui introducent sectas perditiónis, et eum, qui emit eos, Dóminum negant. ✕. Vénient in novíssimis diébus in deceptióne illusóres, juxta próprias concupiscéntias ambulantes, * Qui. II. *Petr. 2 et 3.*

Lectio III.

PROPHETAVIT autem et de his séptimus ab Adam Enoch, dicens: Ecce venit Dóminus in sanctis míllibus suis, fácere júdicium contra omnes, et argúere omnes ímpios de ómnibus opéribus impietátis eórum, quibus ímpie egérunt, et de ómnibus duris, quæ locúti sunt contra Deum peccatóres ípii. Hi sunt murmuratóres querulósi, secundum desidéria sua ambulantes, et os eórum lóquitur superba, mirantes persónas quæstus causa. Vos autem, caríssimi, mémo-

res estóte verbórum, quæ prædicta sunt ab Apóstolis Dómini nostri Jesu Christi, qui dicébant vobis, quóniam in novíssimo témpore vénient illusóres, secundum desidéria sua ambulantes in impietátibus. Hi sunt qui ségregant semetipsos, animáles, Spíritum non habentes. Vos autem caríssimi, superædificantes vosmetipsos sanctíssimæ vestræ fidei, in Spíritu sancto orantes, vosmetipsos in dilectióne Dei serváte, exspectantes misericórdiam Dómini nostri Jesu Christi in vitam æternam. Et hos quidem argúite judicátos: illos vero salváte, de igne rapientes. Aliis autem miserémini in timóre: odientes et eam, quæ carnális est, maculatam túnica. Ei autem, qui potens est vos conserváre sine peccáto, et constituére ante conspectum glóriæ suæ immaculátos in exsultatióne in adventu Dómini nostri Jesu Christi; soli Deo Salvatóri nostro, per Jesum Christum Dóminum nostrum, glória et magnificéntia, impérium et potestas, ante omne séculum, et nunc, et in ómnia sécula seculórum. Amen.

℞. Cum hæc ómnia dissolvenda sint, quales oportet vos esse in sanctis conversatió nibus, et pietátibus? * Exspectantes et properantes † In adventum diéi Dómini. ✕. Propter quod, caríssimi, satágite immaculáti et invioláti ei inveníri in pace, * Ex-

spectantes. Glória. † In. II.
Petr. 3.

IN II NOCTURNO.

Lectio IV.

Ex S. Hieronymo, S. Adone,
et Script. Eccl.

SIMON Cananæus, ipse est qui in alio Evangelista scribitur Zelotes; Cana quippe Zelus interpretatur. Thaddæum Apóstolum ecclesiastica tradit historia missum ad Abgárum regem Osrœnæ: qui ab Evangelista Luca Judas Jacóbi dicitur: parvam, quæ de septem Catholicis est, Epístolam reliquit; quæ inter sanctas Scripturas computatur. Simul Pérsidem ingressi, cum fidei Christi innúmeram gentis ipsius multitudinem subdidissent, et Ecclesiam Dómini late jam fundatam viderent, martyrium ibi, cursum temporis explentes, beato certamine consummaverunt.

℞. Ibant prompti, * De cælo habentes adiutorem Dóminum. ✕. Tradiderunt ánimas suas pro nómine Dómini nostri Jesu Christi, * De cælo. II. Mach. 11. Act. 15.

Lectio V.

Ex sancto Ambrósio Episcopo. Lib. 7. in Lucam.

HUMILIS Dómini præceptum, discipuli ejus humilitatis officiis exsequuntur; eos enim misit ad seminandam fidem qui non cógerent sed docerent, nec potestates exé-

rerent sed doctrinam humilitatis adtollerent. Humilitati putavit etiám patientiam copulandam, quia ipse, cum malediceretur, non maledixit; cum percuteretur, non percussit. Hoc est ergo dicere: Imitatores mei estote, ultionis stúdia depónite, insolentiam verberantium, non injuriæ relatione, sed magnanimitate patientiæ verberate.

℞. Christus, * Cum malediceretur, non maledicébat; cum pateretur, non comminabatur. ✕. Passus est, vobis relinquens exemplum ut sequámini vestigia ejus; * Cum. I. Petr. 2.

Lectio VI.

Ex sancto Joanne Chrysóstomo. Hom. 46. in Matth.

OMNIUM infirmíssimi erant Apóstoli, omniumque mímini; áttamen, quia magna in ipsis virtus erat, per totum orbem effúsa est. Quod si homines duódecim totum orbem fermentarunt, cógita quanta sit nequítia nostra quod cum tanto número simus, non possimus tamen eos qui supersunt emendare. At, inquires, illi Apóstoli erant. Et quid est hoc? Annon eadem ipsa, qua tu, condíone erant? Num ex cælo descenderant? Ecquid illos magnos effecit? Contemptus pecuniarum, vanæ glóriæ despectus, sequestratio a bonis secularibus: qui si hæc non habuissent, sed ánimi morbis ser-

viissent, deceptóres et falláces hábiti fuissent. Sic certe vita ipsa est quæ ubique fulget, quæ étiam Spíritus grátiam adtrahit. Ipse vero Christus, cum legem daret discipulis, quid dicébat? An, signa fácite ut vídeant hómines? Nequáquam. Sed quid? Lúceat lux vestra coram homínibus, ut vídeant ópera vestra bona.

Rj. In ómnibus * Exhibeámus nosmetipsos sicut Dei ministros. ¶. Sic lúceat lux vestra coram homínibus, ut vídeant ópera vestra bona, et gloríficent Patrem vestrum, qui in coelis est. * Exhibeámus. Glória. * Exhibeámus. II. Cor. 6. *Matth.* 5.

IN III NOCTURNO.

Lectio VII.

Ex sancto Joanne Chrysóstomo. *Hom.* 32. in *Matth.* n. 4.

VIDEN' ministérii magnitudinem? viden' Apostolorum dignitatem? Nihil sénsile jubentur dicere, nec sicut Móyses et Prophétæ prióres; sed nova quædam et inexpectáta. Neque enim tália ipsi prædicábant, sed terram et terréna bona: hi autem regnum coelórum, et quæ ibi sunt ómnia. Neque inde solum hi majóres sunt, sed étiam ex obediéntia. Neque enim recúsant, neque cunctantur sicut véteres illi: sed étiam si pérícula, bella, et intolerabilia mala áudiant, cum singulári obediéntia jussa capessunt,

útpote qui regni sint præcónes.

Rj. Jesus locútus est úndecim Apóstolis, dicens: Data est mihi omnis potestas in cælo et in terra. * Euntes ergo docéte omnes Gentes. ¶. Vos testes mei, dicit Dóminus, et ego Deus. * Euntes. *Matth.* 28. *Is.* 43.

Lectio VIII.

Et quid mirum, inquies, si nihil durum et ásperum prædicatúri, súbito paruerunt? Quid dicis? nihil durum prædicáre jussi sunt? Non audis cárceres, abductiones ad mortem, bella civilia, universórum ódiurn? Quæ ómnia ipsis paulo post eventúra esse Christus dicébat. Illos namque mittit præcónes, ut áliis innúmera bona concílient; illos vero intolerabilia mala passúros esse dicit et pronútiat.

Rj. Tradent vos in concíliis, et in synagógis suis flagellábunt vos: et ad præsides et ad reges ducémini propter me, in testimoníum illis, et géntibus: * Qui autem perseveráverit usque in finem, hic salvus erit. ¶. Eritis ódio ómnibus propter nomen meum: * Qui. *Matth.* 10.

Lectio IX. Cap. 14.

Lectio sancti Evangélii secundum Joannem.

Diligens habet Deum in se manentem.

In illo témpore; Dixit Jesus

discípulis suis : Adhuc módicum, et mundus me jam non videt; vos autem vidétis me. Et reliqua.

Homília sancti Joannis Chrysóstomi. 33. in Matth. n. I.

Tu vero mihi considera quínam sint ii qui hæc dura laboriosaque præcepta audiunt, formidolosi homines, idiótæ, illitterati et indocti, prorsus obscuri, qui exterorum leges ignorabant, qui non in forum descenderant, piscatores, publicani, in omnibus imbecilles. Quod si hæc vel magno præditos ingenio et animo viros turbare possunt, quomodo non potuissent imperitos homines, qui nihil generosi unquam animo contemperant, deicere atque percéllere? At non deicere. Quæ consolatio inter tot tantaque mala? Mittentis potentia.

¶ Cum tradent vos, nolite cogitare quomodo aut quid loquámini : * Non enim vos estis qui loquámini, sed Spíritus Patris vestri, qui loquitur in vobis. ¶ Dabo vobis os et sapiéntiam, cui non poterunt resistere et contradicere omnes adversarii vestri ; * Non. Glória. * Non. Matth. 10. Luc. 21.

Oratio Brev. Paris.

Deus, qui nos per beatos Apostolos tuos ad agnitionem tui nominis venire tribuisti : da nobis sanctórum tuórum Simónis et Judæ precibus, ut quod fides cognoscit, spes

desideret, et caritas apprehendat; Per Dóminum.

Si sit Dominica, de ea fit Commem.

Vesperæ de eodem Festo, licet sequens sit æqualis gradus, propter majorem SS. Apostolorum dignitatem.

DIE XXIX.

S. FARONIS,

MELDENSENSIS EPISCOPI.

Duplex-majus.

AD OFFICIUM NOCT.

Invit. Christum Pastórum principem, * Veníte, adóremus. I. Petr. 5.

Hymnus. V.

PANGIMUS festo pia turba cantu

Hanc tui lucem memorem triumphi;

Te, Faro, sanctum pueri verémur

Jure parentem.

Flore vix primo juvenescit infans,

Principum fulgens titulis avórum,

Splendet exemplar pietátis, ipsa

Regis in aula.

Grande dum munus, merito favóre

Occupat, livor procul! huic benigna

Adserit blando sociáta vinclo

Pectora virtus.

Sed quid! afflátu monitus superno,

Voce germánæ, miseros
tumultus

Aufugit secli, vacuos ho-
nóres

Spérnere fortis.

Nec diu speres tenebris la-
tère;

Te vocat certo Deus ipse
nutu :

Pródeas Christi redivíva
lampas;

Cede jubenti.

Plaudit en tali populus ma-
gistro;

Désinunt questus, nec oves
relictæ

Jam perhorrescunt via ne
qua fallat

Pérfida gressus.

Christe, Pastórum bonus ipse
Pastor,

Qui greges pascis proprio
cruóre,

Fac ut æternæ subeant
opíma

Pásqua vitæ. Amen.

IN I NOCTURNO.

Ant. 1. a. Natus est homo,
princeps fratrum, firmamen-
tum gentis, stabilimentum
pópuli. *Eccli. 49.*

Ant. 3. c. Glorificávit illum
Dóminus in conspectu re-
gum, et jussit illi coram pó-
pulo suo, et ostendit illi gló-
riam suam. *Eccli. 45.*

Ant. 5. a. Vir justus et ti-
mens Deum et testimónium
habens ab universa gente.
Act. 10.

✠. Pótuít fácere mala et
non fecit, ✠. Ideo stabilita
sunt bona illíus in Dómino.
Eccli. 31.

Lectio I. Cap. I.

Incipit Liber primus Esdræ.

IN anno primo Cyri regis
Persárum, ut complerétur
verbum Dómini ex ore Jere-
miæ, suscitávit Dóminus spí-
ritum Cyri regis Persárum, et
traduxit vocem in omni regno
suo, étiam per scriptúram
dicens : Hæc dicit Cyrus rex
Persárum : Omnia regna ter-
ræ dedit mihi Dóminus Deus
cœli, et ipse præcépit mihi
ut ædificárem ei domum in
Jerúsalem, quæ est in Judæa.
Quis est in vobis de universo
pópulo ejus? sit Deus illíus
cum ipso : ascendat in Jerú-
salem, et ædificet domum Dó-
mini Dei Israel.

✠. Ego sum Dóminus qui
dico Cyro : Pastor meus es,
et omnem voluntátem meam
complébis. * Ego suscitávi
eum ad justítiam, et captivi-
tátem meam dimittet, non in
prétio, neque in munéribus.
✠. Non corruptibilibus auro
vel argento redempti estis,
sed pretiósó ságuine Christi.
* Ego. *Is. 44 et 45. I. Petr. 1.*

Lectio II.

ET surrexérunt príncipes
patrum de Juda et Bénjamin,
et sacerdótes, et levítæ, et om-
nis cujus Deus suscitávit spí-
ritum ut ascénderent ad ædi-
ficandum templum Dómini,
quod erat in Jerúsalem. Uni-
versíque qui erant in circúitu,
adjuvérunt manus eórum in

vasis argenteis et aureis, in substantia, et jumentis, in suppellectili, exceptis his, quæ sponte obtulerant. Rex quoque Cyrus protulit vasa templi Domini, quæ tulerat Nabuchodonosor de Jerúsalem, et annumeravit ea Salsabasar principi Juda.

R. Cum coeperint impleri in Babylone septuaginta anni, visitabo vos; * Et suscitabo super vos verbum meum bonum, et reducam captivitatem vestram de universis Gentibus. ✠. Implétum est tempus: poenitemini, et credite; * Et. *Jer. 29. Marc. 1.*

Lectio III. Cap. 3.

JAMQUE venerat mensis septimus, et erant filii Israel in civitatibus suis: congregatus est ergo populus quasi vir unus in Jerúsalem: et surrexit Jósue filius Josedec, et fratres ejus sacerdotes, et Zorobabel filius Salathiel, et fratres ejus, et ædificaverunt altare Dei Israel, ut offerrent in eo holocausta, sicut scriptum est in lege Móysi viri Dei. A primo die mensis septimi coeperunt offerre holocaustum Domino: porro templum Dei nondum fundatum erat. Fundato igitur a camentariis templo Domini, steterunt sacerdotes in ornatu suo cum tubis: et levitæ filii Asaph in cymbalis, ut laudarent Deum per manus David regis Israel. Et concinebant in hymnis et confessione

Domino: Quoniam bonus, quoniam in æternum misericordia ejus super Israel. Plurimi de sacerdotibus et levitis, et principes patrum, et seniores, qui viderant templum prius cum fundatum esset, et hoc templum in oculis eorum, flebant voce magna.

R. Quis in vobis est derelictus, qui vidit domum istam in gloria sua prima? Et quid vos videtis hanc nunc? Et nunc confortare omnis populus terræ. * Magna erit gloria domus istius novissimæ plus quam primæ, et in loco isto dabo pacem. ✠. Veniet Desideratus cunctis Gentibus, et implebo domum istam gloria. * Magna. Gloria. * Magna. *Agg. 2.*

IN II NOCTURNO.

Ant. 1. g. Vidi cuncta quæ fiunt sub sole, et ecce universa vanitas, et afflictio spiritus. *Eccli. 1.*

Ant. 8. d. Dominus pars hereditatis meæ, et calicis mei; tu es qui restitues hereditatem meam mihi. *Ps. 15.*

Ant. 2. D. Grátias ago ei qui me confortavit, Christo Jesu Domino nostro, quia fidelem me existimavit, ponens in ministerio. *I. Tim. 1.*

✠. Funes ceciderunt mihi in præclaris; R. Etenim hereditas mea præclara est mihi. *Ps. 15.*

Lectio IV.

*Gall. Christ. t. VIII. col. 1600.
Hist. Eccl. Meld. lib. 1. etc.*

FARO, Pipimsii in pago Briégio natus, patrem habuit Agnéricum e procéribus aulae Theodeberti regis Austrásiae. In aulam productus, príncipem amicitiae locum apud Theodebertum obtinuit, eundemque retinuit sub Theodérico juniore et Clotário secundo, patre Dagoberti primi, cujus et aliquando referendarius, legitur. Quam omnem auctoritatem in bonum populorum, et religionis utilitatem Faro convertit. Cum autem sororem Faram vírgines in Eboriaco monasterio congregantem audisset, adeo ipsius exemplo et auditis de vanitate rerum secularium sermonibus compunctus est, ut gloriam palatii contemnens, ipse ecclesiástico ordini sese adscripserit ex consensu conjugis suae Blidechildis, quae et ipsa sponte velata, in exercitiis poenitentiae, cum fama sanctitatis obiit.

R). Locutus es sanctis tuis, Domine, et dixisti: Inveni servum meum, * Oleo sancto meo unxi eum: manus mea auxiliabitur ei. ¶. Huic Deus testimonium perhibens, dixit: Inveni virum secundum cor meum: * Oleo. Ps. 88. Act. 13.

Lectio V.

A Gundaldo Meldensi Episc.

copo in Clerum admissus, amplissima praedia pauperibus et ecclesiae suae cessit, reservatis nonnullis ad quotidianas eleemosynarum largitiones. Sed cum Deo et bonis operibus vive satageret, in locum defuncti Gundoldi, omnium votis et postulacione electus, tanquam lucerna ardens et lucens super candelabrum positus est, ut omnes verbo simul et exemplo collustraret. Jam Episcopus, monasterium suburbani condidit postea ipsius nomine nuncupatum, sibi quidem a negotiorum tumultu refugium, peregrinis vero maxime Anglis et Scottis asylum et diversorium. Hic ab eo excepti sunt sanctus Fiacrius, cui aptum monasterio condendo locum e suo patrimonio concessit, sanctus Chilenus Fiacrii propinquus, et sanctus Adrianus, cum Roma, una cum sancto Theodoro Cantuariæ Episcopo, in Britannicam insulam, jussu Romani Pontificis, proficisceretur.

R). Nomen gloriae ejus usque ad extremum terrae. * Eo quod fecerat justitiam, et fidem conservavit genti suae; et in diebus ejus prosperatum est in manibus ejus. ¶. In lege Domini congregationem judicavit, et in fide sua probatus est propheta; et cognitus est in verbis suis fidelis, * Eo. I. Mach. 14. Eccli. 46.

Lectio VI.

FIDELI, in septentrionali

Regum Francorum ditione, propagandæ intentus, sancto Chilleno auctor fuit, ut Atrabatenses Christo acquireret: et suam cum beato Audoeno tunc laico contulit operam, ut Resbacensis Abbátia ædificaretur, eique jussu regio sanctus Agilus Abbas præficeretur. Illud inter alia refertur miraculum, quod puero cæco donum Spiritus sancti per Chrisma Confirmationis conferens, visum reddidit. Sedit in Concilio Senonensi secundo una cum quadraginta Episcopis, plerisque sanctitate conspicuis. Obiit anno Christi sexcentesimo septuagesimo secundo, Episcopatus circiter quadragésimo quinto, annos natus fere octoginta. Quæ supersunt ejus reliquiæ, in ecclesia cathedrâli servantur et in ecclesia Firmitatis Auculphi.

¶. Vir amator civitatis, et bene audiens, * Pro affectu pater appellabatur. ¶. Exemplum fidelium in verbo, in conversatione, in caritate, in fide; * Pro. Glória. * Pro. II. Mach. 14. I. Tim. 4.

IN III NOCTURNO.

Ant. 4. A. In omni opere dedit confessionem Sancto et Excelso in verbo gloriæ. Eccli. 47.

Ant. 7. d. Erogavit pecunias multas: justitiam et fidem conservavit genti suæ; et exquisivit omni modo exal-

tare populum suum. I. Mach. 14.

Ant. 1. a. Non recedet memoria ejus, et nomen ejus requiratur a generatione in generationem. Eccli. 39.

¶. Justitia ejus manet in sæculum sæculi: ¶. Cornu ejus exaltabitur in gloria. Ps. III.

Lectio VII.

Ex sancto Bernardo Abbate. Lib. 4 de Considerat. Cap. 2. n. 3 et 4.

FUERUNT qui se totos óvibus pascendis expónerent, Pastóris ópere et nómine gloriantes, nihil sibi reputantes indignum, nisi quod salutí óvium obviare putarent, non quærentes quæ sua sunt, sed impendentes. Impendere curam, impendere substantiam, impendere et seipso. Unde unus illórum: Et ego, ait, superimpendar pro animabus vestris. Et tanquam dicerent, Non vénimus ministrári, sed ministráre, ponébant, quóties oportuisset, sine sumptu Evangélium. Unus erat de súbditis quæstus, una pompa, únaque voluptas, si quo modo eos possent parare Dómino plebem perfectam. Id omnímodis satagébant, étiam in multa contritióne cordis et córporis, in labóre et ærumna, in fame et siti, in frígore et nuditatē. Ubi nunc consuetúdo hæc? Súbiit dissími-

lis valde : longe in aliud mutata sunt studia.

R. Sic nos existimet homo ut ministros Christi, et dispensatores mysteriorum Dei.

* Hic jam quaeritur inter dispensatores ut fidelis quis inveniatur. ✕. Multi homines misericordes vocantur; virum autem fidelem quis inveniet?

* Hic. I. Cor. 4. Prov. 20.

Lectio VIII.

In Fest. SS. Apost. Serm. I.

TALES decébat humano generi Pastores et Doctores constitui, qui et dulces essent, et potentes, et nihilominus sapientes. Dulces, ut me blande et misericorditer susciperent; potentes, ut fortiter protegerent; sapientes, ut ad vitam et per viam ducerent quæ ducit ad civitatem. Hi sunt magistri nostri, qui a Magistro omnium vias vitæ plénius didicerunt, et docent nos usque in hodiernum diem. Quid ergo docuerunt vel docent nos? Non Platónem legere; non Aristótelis versutias inversare; non semper discere, et nunquam ad veritatis scientiam pervenire. Docuerunt me vivere. Putas, parva res est scire vivere? Magnum aliquid, immo maximum est.

R. Desiderantes vos, cupide

* Volebamus tradere vobis non solum Evangelium Dei, sed etiam animas nostras: quoniam carissimi nobis facti es-

tis. ✕. Fortis est ut mors dilectio, dura sicut infernus æmulatio. * Volebamus. I. Thess. 2. Cant. 8.

Lectio IX. Cap. 24.

Lectio sancti Evangelii secundum Matthæum.

Beatus servus fidelis et vigilans.

In illo tempore; Dixit Jesus discipulis suis: Vigilate, quia nescitis qua hora Dominus vester venturus sit. Et reliqua.

Homilia sancti Eligii Episcopi. Refert S. Audoenus in ejus vita. Lib. 2. Cap. 13.

CONSIDERATE, fratres, quia oportet me sine cessatione vestras animas ad tremendum Dei iudicium, et ad desiderandum cœleste præmium excitare, ut vobiscum pariter merear in Angelorum consortio perpétua pace gaudere. Ideoque rogo ut diem iudicii semper pertimescatis; diem mortis suspectum quotidie ante oculos habeatis. Considerate quales eritis præsentandi conspectibus Angelorum, vel qualem pro meritis vicissitudinem recepturi; si poteritis in illo die illibatum referre, quod in baptismo promisistis. Memento quia tunc pactum cum Deo fecistis; atque abrenuntiare vos diabolo, et omnibus operibus ejus, in ipso baptismi sacramento promisistis. Vitam ergo

æternam toto nisu concupiscite, nec emendationem vestram diu differatis: sed ad laudanda cœlestia regna, ultro ipsi relinquit quod lucis istius fine perdendum est.

R. Quis est fidelis servus et prudens, quem constituit dominus suus super familiam suam, ut det illis cibum in tempore? * Beatus ille servus quem, cum venerit dominus ejus, invenerit sic facientem. V. A domino suo præpositus omnibus, gubernabat creditam sibi domum: * Beatus. Glória. * Beatus. *Matth. 24. Gen. 39.*

AD LAUDES.

Ant. Capit. et V. de Comm.

Hymnus. V.

JAM fas, Melda, tibi, tollere
vérticem
Late conspicuum; quæ tua
glória!
Te quantis decorat Numen
honóribus
Tanto Præsulenóbilem!
En quos fama suis sédibus
évocat,
Certátim patrios línquere-
géstiens
Fines, approperat sancta
cohors virum
Vasti per maris æquora.
Ardens ille sacras constituit
domos
Quæ claros capiant ædibus
hóspites;
O felix regio, quæ veluti
pates
Cunctis perfugium piis!

Non certis valeat limitibus
premi,

Quo fervet studium; Præ-
sulis éxcitus

Chillénu monitis, Christe,
novas tuo

Gentes imperio parat.

Gratas quis referat colloqui
vices,

Dum germána viro congre-
ditur Dei,

Ardoresque pios, vócbus
æmulis,

Certant áddere pèctori.

Cœlestes humilem despiciunt
plagam,

Mens illis adeo libera cón-
volat

Ad sedes superas, quas ho-
die simul

Certo múnere pòssident.

Grates, summe, tibi perpe-
tuæ, Deus;

Tu formas populis egregios
duces,

Qui, cura vigili, jugis oví-
libus

Vitæ pábula præbeant!
Amen.

Oratio Brev. Paris.

DEUS, qui beátum Farónem
Pontíficem mirificasti in ter-
ris, et in cœlis æternum glo-
ríficas: quæsumus, ut ejus
apud te júgiter intercèssio
nos protégat, quem nostrum
esse perpétua caritáte pastó-
rem et patrem confídimus;
Per Dóminum.

*Si sit Dominica, de ea fit
Commem.*

*AD HORAS: et Vesp. omnia
de Communi.*

DIE XXX.

S. QUINTINI,

MARTYRIS.

Simplex.

(*Si sit Sabbatum, anticipatur in hanc diem cum jejuniis Vigilia Omnium Sanctorum sine Commem. de S. Quinsino.*)

Lectio I. Cap. 4.

Ex Libro primo Esdræ.

AUDIERUNT autem hostes Judæ et Bénjamin, quia filii captivitatis ædificarent templum Dómino Deo Israel. Et accedentes ad Zoróbabel, et ad principes patrum, dixerunt eis: Ædificémus vobiscum, quia ita ut vos, quærimus Deum vestrum. Et dixit eis Zoróbabel, et Jósue, et reliqui principes patrum Israel: Non est vobis et nobis ut ædificémus domum Deo nostro, sed nos ipsi soli ædificá-
bimus Dómino Deo nostro, sicut præcepit nobis Cyrus rex Persárum. Factum est ígitur ut pópulus terræ impedíret manus pópuli Judæ, et turbáret eos in ædificando. Conduxérunt autem adversus eos consiliatóres, ut destrúerent consilium eórum ómnibus diébus Cyri regis Persárum, et usque ad regnum Dárii regis Persárum.

R. Quis tu, mons magne, coram Zoróbabel? in planum:
* Manus Zoróbabel fundavé-

runt domum ístam, et manus ejus perficient eam. *Y.* Non in exercitu, nec in róbre, sed in Spíritu meo, dicit Dóminus, * Manus. *Zach. 4.*

Lectio II. Cap. 6.

TUNC Dárius rex præcepit: et recensuérunt in bibliothéca librórum, qui erant repósi in Babylóne; et inventum est in Echátanis volúmen unum, talisque scriptus erat in eo commentárius: Anno primo Cyri regis: Cyrus rex decrevit ut domus Dei ædificarétur, quæ est in Jerúsalem, in loco ubi immolent hóstias: sumptus autem de domo regis dabuntur. A me ergo pósitum est decretum, ut omnis homo qui hanc mutáverit jussiónem, tollátur lignum de domo ipsíus, et erigátur, et configátur in eo, domus autem ejus publicétur. Deus autem qui habitáre fecit nomen suum ibi, dissipet ómnia regna, et pópulum qui exténdierit manum suam ut repugnet, et dissipet domum Dei, illam quæ est in Jerúsalem. Ego Dárius státui decretum, quod studiose impléri volo.

R. Suscitávit Dóminus spíritum Cyri regis Persárum, et traduxit vocem in ómni regno suo, dicens: Deus cœli præcepit mihi ut ædificárem ei domum in Jerúsalem: * Quis est in vobis de universo pópulo ejus? ascendat, et ædificet domum Dómini Dei Israel. *Y.* In Christo Jesu om-

nis ædificatio constructa crescit in templum sanctum in Dómino. * Quis. *I. Esdr. I. Ephes. 2.*

Lectio III.

Ex Sur. et Tillem.

QUINTINUS, Maximiano et Diocletiano Imperatoribus, cum sociis aliquot Roma in Gallias venit Christi fidem prædicaturus; quod cum magna constantia apud Ambianos et Veromandos perficeret, et multos ad religionem christianam adduceret, a Rictiovaro exquisitissimis suppliciiis excruciatu est. Jubebat enim in carcerem catenis obrutum conjici, bis eum flagellis cædi, in equuleo extendi, quoad luxata fuerint omnia ossa ejus; supra dorsum picem ardentem cum oleo effundi, faeces accensas lateribus applicari, deinde apud Veromandos deduci ubi duabus sudibus ferreis a ceruice ad crura transfixus, clavis sub unguis, in caput, exterasque corporis partes infixis, tandem capite truncatus est. Corpus ejus in Suminam projectum Eusebia pia mulier, post annos quadraginta quinque, invenit, in monte sepelivit propter urbem, sacellumque tumulo superstruxit. Martyrii locus cessit in urbem sub sancti Martyris nomine; de antiqua autem Viromandua nihil superest nisi pagellus.

R. Tormenta suscepit; * Ita ut mirarentur † Quod tan-

quam nihilum duceret cruciatus. † Certamen forte dedit illi Dominus ut vinceret; * Ita. Glória. † Quod. *II. Mach. 7. Sap. 10.*

Oratio Sacr. Greg.

DEUS, qui beatum Quintinum Martyrem tuum virtute constantiae in passione roborasti: ex ejus nobis imitatione tribue pro amore tuo prospera mundi despiciere, et nulla ejus adversa formidare; Per Dominum.

Vesperæ de Feria.

DIE XXXI.
IN VIGILIA
OMNIUM SANCTORUM.

Omnia de Feria ut in Psalterio, exceptis quæ sequuntur.

AD NOCTURNUM.

Invit. Deum, qui merces nostra copiosa est in cælis,
* Venite, adoramus. *Matth. 5.*

Hymnus.

PUGNATE, Christi milites,
Fortes fide resistite:
Immensa promisit Deus
Pio labori præmia.

Non ille fluxas ac leves
Palmas dabit vincéntibus;
Sed lucis æternæ decus,
Et pura semper gaudia.

Mentes beatas excipit
Formosa Cœlitum domus:
Hic turba, cœlis altior,
Subjecta calcât sîdera.

Cadúca vobis præmia
 Offert levis mundi favor :
 Vultus ad astra tollite ;
 Hic ipse fit merces Deus.

Qui nos coronat, laus Patri,
 Laus, qui redémit, Fílio ;
 Alma juvans nos grátia,
 Sit par tibi laus, Spíritus.

Amen.

*Prima et secunda Bened. ut
 in Ordinario, pro Officiis Sancto-
 rum.*

Lectio I. Cap. 6.

Ex Libro primo Esdræ.

SENIORES autem Judæórum
 ædificábant, et prosperaban-
 tur juxta prophetíam Aggæi
 Prophætæ et Zachariæ filii
 Addo. Et ædificaverunt et
 construxérunt, jubente Deo
 Israel, et jubente Cyro, et
 Dário, et Artaxerxe, régibus
 Persárum : et complevérunt
 domum Dei istam, usque ad
 diem tértium mensis Adar,
 qui est annus sextus regni Dá-
 rii regis. Fecérunt autem filii
 Israel, sacerdótes et levítæ, et
 réliqui filiórum transmigrati-
 ónis, dedicatióem domus
 Dei in gáudio. Et statuérunt
 sacerdótes in ordinibus suis,
 et levítas in vícibus suis, su-
 per ópera Dei in Jerúsalem,
 sicut scriptum est in libro
 Móysi. Fecérunt autem filii
 Israel transmigratiónis, Pas-
 cha, quarta décima die men-
 sis primi.

R. Pónite corda vestra su-
 per vias vestras : * Ascéndite
 in montem ; et ædificáte do-
 mum ; et acceptábilis mihi

erit, et glorificábor, dicít Dó-
 minus. ✕. In Christo omnis
 ædificatió constructa crescit
 in templum sanctum in Dó-
 mino. * Ascéndite. *Agg. 1.
 Ephes. 2.*

Lectio II. Cap. 7.

POST hæc autem verba, in
 regno Artaxerxis regis Persá-
 rum, Esdras ascendit de Ba-
 bylóne, et ipse scriba velox
 in lege Móysi, quam Dóminus
 Deus dedit Israel : et dedit ei
 rex, secundum manum Dó-
 mini Dei ejus super eum,
 omnem petitióem ejus. Et
 ascendérunt de filiis Israel,
 et de filiis sacerdotum, et de
 filiis levitarum in Jerúsalem.
 Et venérunt in Jerúsalem
 mense quinto, ipse est annus
 séptimus regis. Quia in pri-
 mo die mensis primi cœpit
 ascéndere de Babylóne, et in
 primo die mensis quinti venit
 in Jerúsalem, juxta manum
 Dei sui bonam super se. Es-
 dras enim parávit cor suum,
 ut investigáret legem Dómini,
 et fáceret et docéret in Israel
 præceptum et judícium.

R. Tu exurgens, Dómine,
 miseréberis Sion, * Quia tem-
 pus miserendi ejus, quia ve-
 nit tempus. ✕. Benigne fac,
 Dómine, in bona voluntáte
 tua Sion, ut ædificentur muri
 Jerúsalem. * Quia. *Ps. 101
 et 50.*

*Tertia Bened. Fúlgeat nobis
 illuminatió Evangélii glóriæ
 Christi, quæ est imágo Dei.
 II. Cor. 4.*

Lectio III. Cap. 6.

Lectio sancti Evangelii secundum Lucam.

Christus docet Beatitudines.

In illo tempore; Elevatis Jesus oculis in discipulos suos, dicebat: Beati pauperes, quia vestrum est regnum Dei. Et reliqua.

Homilia sancti Ambrósii Episcopi. *De Offic. Lib. 1. c. 15 et 16.*

Non potest quis præmium accipere, nisi legítimè certáverit, nec est gloriósa victória, nisi ubi fúerint laboriósá certámina. Nonne injustus est, qui ante dat præmium, quam certámen fúerit absolutum? Futúram, non præsentem; in cœlo, non in terra mercédem promísit esse reddendam. Quid álibi poscis, quod álibi debétur? quid præpróperè corónam éxigis, ántequam vincas? quid detérgere púlverem, quid requiércere cupis? quid epulári gestis, ántequam stádium solvátur? Adhuc pópulus spectat, adhuc athlétæ in scámmate sunt, et tu jam ótium petis? Sed forte dicas: Cur ímpii lætantur? cur luxuriántur? cur étiam ipsi non mecum labórant? Quóniam qui non subscripserint ad corónam, non tenentur ad labórem certáminis: qui in stádium non descénderint, non se perfundunt óleo, non óblinunt púl-

vere. Quos manet glória, expectat injúria.

R. Beáti mundo corde, quóniam ipsi Deum vidébunt: beáti pacífici, quóniam filii Dei vocabuntur: * Beáti qui persecutiónem patiuntur propter justítiam, quóniam ipsórum est regnum cœlórum. **V.** Multæ tribulatiónes justórum, et de ómnibus his liberábit eos Dóminus: * Beáti. Glória. * Beáti. *Matth. 5. Ps. 33.*

Non dicitur Te Deum.

AD LAUDES.

Loco Cantici de Psalterio, Canticum, Sap. 10.

REDDIDIT justis Sapiéntia mercédem labórum suórum, * et deduxit illos in via mirábili.

Et fuit illis in velamento diéi, * et in luce stellárum per noctem.

Tránstulit illos per mare Rubrum, * et transvexit illos per aquam nímiam:

Inimícos autem illórum demersit in mare; * et ab altitúdine inferórum eduxit illos.

Ideo justi tulérunt spólia impiórum; * et decantavérunt, Dómine, nomen sanctum tuum, et victrícem manum tuam laudavérunt páriter:

Quóniam Sapiéntia apéruit os mutórum, * et linguas infántium fecit disertas.

Post Psalmos et Canticum dicitur unica

Ant. 4. c. Qui vicerit, dabo ei sedere mecum in throno meo. Apoc. 3.

Capitulum. I. Petr. 4.

COMMUNICANTES Christi passionibus gaudete, ut et in revelatione gloriæ ejus gaudeatis exsultantes.

Hymnus.

COELESTIS, o Jerúsalem,
Mansúra semper civitas,
O ter beáti quos tuis
Cives recondis mœnibus!

Tu pacis æternæ domus,
Dilecta Sanctorum quies,
Sedes Deo fruëntium,
Regis superni cúria.

Hic in throno sedens Deus
Cunctos beat præséntia :
Hic sol perennis, spléndido
Affulget Agnus lúmine.

Hac sede, quo datur frui,
Nil dulce turbat ótium :
Hic unus est Sanctis labor
Dei vacáre láudibus.

Huc eerta nos spes évocat,
Huc vota tendant ómnia :
Nec térreat brevis labor,
Æterna quos merces manet.

Perennis o Sol patriæ,
Jesu, tibi sit glória,
Cum Patre, cumque Spíritu,
In sempiterna sécula. Amen.

✠. Quómodo cantábimus
canticum Dómini, r̃. In terra
aliéna? *Ps. 136.*

Ad Benedictus. Ant. 8. G.
Beáti cum vos óderint hó-
mines; gaudete in illa die, et
exultáte; ecce enim merces
vestra multa est in cœlo.
Luc. 6.

Oratio sacr. Greg.

DOMINE Deus noster, multi-
plica super nos grátiam tuam:
et quorum prævenimus glo-
riosa solémnia, tribue subse-
qui in sancta professione læ-
títiam; Per Dóminum.

*Nulla sit Commem. aut Saf-
fragium.*

AD PRIMAM.

*Ant. 3. a. Scimus quod ædi-
ficationem ex Deo habémus,
domum non manufactam,
æternam in cœlis. II. Cor. 5.*

AD TERTIAM.

*Ant. 5. a. Non sunt condi-
gnæ passiones hujus témpo-
ris ad futúram glóriam, quæ
revelábitur in nobis. Rom. 8.*

Capitulum. II. Cor. 4.

MOMENTANEUM et leve tri-
bulatiónis nostræ, supra mo-
dum in sublimitáte æternum
glóriæ pondus operátur in
nobis, non contemplántibus
nobis quæ videntur, sed quæ
non videntur: quæ enim vi-
dentur, temporália sunt; quæ
autem non videntur, æterna
sunt.

r̃. *br.* Probasti nos, Deus,
* Et eduxisti nos in refrigé-
rium. Probasti. ✠. Transivi-
mus * per ignem et aquam;
* Et. Glória. Probasti. *Ps. 65.*

✠. Salus justórum a Dómi-
no, r̃. Et protector eórum in
témpace tribulatiónis. *Ps. 36.*

AD SEXTAM.

Ant. 7. d. Satágitte ut per bona ópera certam vestram vocatióem et electiόem faciátis : sic enim abundanter ministrábitur vobis intróitus in æternum regnum. II. Petr. I.

Capitulum. Is. 64.

A século non audierunt, neque áuribus percepérunt : óculus non vidit, Deus, absque te, quæ præparasti expectántibus te.

*R. br. Quam magna multitudo dulcédinis tuæ, Dómine, * Quam abscondisti timéntibus te ! Quam magna. V. Perfecisti eis * qui sperant in te. * Quam abscondisti. Glória. Quam magna.*

V. Abscondes eos in abscondito faciéi tuæ, R. Próteges eos in tabernáculo tuo. Ps. 30.

AD NONAM.

Ant. 2. D. Veníte, Benedicti Patris mei, possidéte parátum vobis regnum a constitutiόe mundi. Matth. 25.

Capitulum. Ephes. 1.

BENEDIXIT nos Deus in omni benedictiόe spirituáli in cœlestibus in Christo, sicut elegit nos in ipso ante mundi constitutiόem, ut essémus sancti et immaculáti in conspectu ejus.

*R. br. Dedisti hæreditátem * Timéntibus nomen tuum, Dómine. Dedisti. V. Dies super dies * adjicies, * Timéntibus. Glória. Dedisti. Ps. 60.*

V. Novit Dóminus dies immaculatórum ; R. Hæreditas eórum in æternum erit. Ps. 36.



MENSE NOVEMBRI.



DIE I.

IN FESTO OMNIUM SANCTORUM.

ANNUALE-MINUS.

IN I VESPERIS.

Psalmi juxta diem Hebdomadæ.

Ant. 3. a. Fui in spiritu; et ecce sedes posita erat in cœlo, et supra sedem sedens. *Apoc. 4.*

Ant. 4. E. Vidi, et ecce in medio throni Agnum stantem tanquam occisum. *Apoc. 5.*

Ant. 7. a. Audivi vocem Angelorum multorum in circuitu throni, et animalium, et seniorum; et erat numerus eorum millia millium. *Apoc. 5.*

Ant. 1. f. Vidi turbam magnam, quam dinumerare nemo poterat, ex omnibus gentibus, et tribubus, et populis, et linguis. *Apoc. 7.*

Ant. 5. C. Stabant ante thronum, et in conspectu Agni; et clamabant voce magna, dicentes: Salus Deo nostro qui sedet super thronum, et Agno. *Apoc. 7.*

Capitulum. Hebr. 12.

ACCESSISTIS ad Sion mon-

tem, et civitatem Dei viventis, Jerusalem cœlestem, et multorum millium Angelorum frequentiam, et Ecclesiam primitivorum qui conscripti sunt in cœlis, et iudicem omnium Deum, et spiritus justorum perfectorum, et testamenti novi mediatorem Jesum.

R. Inebriabuntur ab ubertate domus tuæ, Domine; * Et torrente voluptatis tuæ potabis eos, † Quoniam apud te est fons vitæ. *Ÿ.* Agnus qui in medio throni est, reget illos et deducet eos ad vitæ fontes; * Et. Gloria. † Quoniam. *Ps. 35. Apoc. 7.*

Hymnus, Cœlo quos eadem, ut in II Vesperis, 409.

Ÿ. Domine, in justitia tua exaltabuntur; *R.* Quoniam gloria virtutis eorum tu es. *Ps. 88.*

Ad Magnificat. Ant. 1. J. Quos Deus prædestinavit, hos et vocavit; et quos vocavit, hos et justificavit; quos autem justificavit, illos et glorificavit. *Rom. 8.*

AD COMPLET. Ps. juxta diem Hebdom. Ant. et cetera ut infra, 410.

AD OFFICIUM NOCT.

*Invit. Deum, qui glorificatur in concilio Sanctorum, * Veníte, adorémus. Ps. 88.*

Hymnus. S. V.

Vos sancti Proceres, vos
Superum chori,
Cœli quotquot habet régia
príncipes,
Nostros nunc date vestris
Cantus júngere cántibus.
Primis ante alios, glória Cœ-
litum,
Christi Virgo parens fulget
honóribus;
Divinóque severum
Flectit pignore Júdicem.
Adstant Spirituum mille ácies
throno;
Regi sancta ferunt vota
cliéntium:
Hic Baptista profundo
Lucis flúmine mérgitur.
Quorum núntia vox, orbis ad
últimas,
Christum vox resonans, in-
tonuit plagas,
Præcónes duodéni
Sacris Vátibus ádsident.
Fuso purpurei sángine Már-
tyres,
Et puro niveæ pectore Vir-
gines,
Agno cándida fundunt
Rubris lília cum rosis.
Qui pavére suos præpositi
greges,
Pascuntur supero Númine
plénius:
Qui flevére, sérénus

Abstergit lacrymas Pater.
A quo cuncta fluunt, máxima
laus Patri:
Qui mundum reparat, má-
xima Fílio:
Et quo pectora flagrant,
Sit laus máxima Flámini.
Amen.

IN I NOCTURNO.

In Ps. Beátus vir qui non ábiit, 1.

Ant. 5. C. Ecce servi mei, dicit Dóminus, lætabuntur, et laudábunt præ exsultatióne cordis. Is. 65.

In Ps. Dómine quis habitábit, 41.

Ant. 6. C. Habitábunt in Jerúsalem, et anathéma non erit ámplius; sed sedébit Jerúsalem secúra. Zach. 14.

In Ps. Dómini est terra, 45.

Ant. 7. d. Gáudium et lætítia inveniétur in ea, gratiárum áctio et vox laudis; salus autem in sempiternum erit. Is. 51.

✠. Lætámini in Dómino, et exsultáte, justi; ☩. Et gloriámini, omnes recti corde. *Ps. 31.*

Lectio I. Cap. 4.

Ex Libro Apocalypsis beáti Joannis Apóstoli.

Eccæ sedes pósita erat in cœlo, et supra sedem sedens. Et qui sedébat, símilis erat adspéctui lápidis jáspidis et sárdinis: et iris erat in circúitu sedis, símilis visióni smarágdinæ: et in circúitu sedis sedília viginti quátuor; et super thronos viginti quá-

tuor seniores sedentes, circumamicti vestimentis albis, et in capitibus eorum coronæ aureæ. Et de throno procedebant fulgura, et voces, et tonitrua, et septem lampades ardentes ante thronum, qui sunt septem spiritus Dei. Et in conspectu sedis, tanquam mare vitreum simile crystallo.

R. Grátias ágimus tibi, Dómine Deus omnipotens, qui es, et qui eras, et qui venturus es; * Quia regnasti, et advénit tempus réddere mercedem servis tuis, et Sanctis. ✠. Confiteantur tibi, Dómine, ómnia ópera tua, et Sancti tui benedicant tibi, * Quia. Glória. * Quia. *Apoc. 11. Ps. 144.*

Lectio II.

ET animal primum simile leóni, et secundum animal simile vítulo, et tertium animal habens faciē quasi hominis, et quartum animal simile áquilæ volanti. Et quatuor animalia, singula eorum habebant alas senas: et in circúitu, et intus plena sunt oculis: et requiem non habebant die ac nocte, dicéntia: Sanctus, Sanctus, Sanctus Dóminus Deus omnipotens, qui erat, et qui est, et qui venturus est. Et cum darent illa animalia glóriam, et honórem, et benedictiónem Sedenti super thronum, viventi in sæcula seculórum, procidebant viginti quatuor seniores ante sedentem in throno, et adorabant Viventem in

sæcula seculórum, et mitterant coronas suas ante thronum, dicentes: Dignus es, Dómine Deus noster, accipere glóriam, et honórem, et virtutem: quia tu creasti ómnia, et propter voluntatem tuam erant, et creata sunt.

R. Data sunt Angelo incensa multa, ut daret de orationibus Sanctorum ómnium super altare quod est ante thronum Dei: * Et ascendit fumus incensórum de orationibus Sanctorum coram Deo. ✠. Oculi Dómini super justos, et aures ejus in preces eorum. * Et. Glória. * Et. *Apoc. 8. Ps. 33.*

Lectio III. Cap. 5.

ET vidi in dextera Sedentis supra thronum, librum scriptum intus et foris, signatum sigillis septem. Et vidi Angelum fortem, prædicantem voce magna: Quis est dignus aperire librum, et solvere signacula ejus? Et nemo poterat, neque in cælo, neque in terra, neque subterram aperire librum, neque respicere illum. Et ego flebam multum, quóniam nemo dignus inventus est aperire librum, nec videre eum. Et unus de senioribus dixit mihi: Ne fleveris: ecce vicit leo de tribu Juda, radix David, aperire librum, et solvere septem signacula ejus.

R. Laudem dicite Deo nostro, omnes servi ejus, et

qui timétis Deum, pusilli et magni; * Quóniam regnávít Dóminus Deus noster omnipotens : gaudeámus, et exultémus, et demus glóriam ei. *†*. Exsultáte, justí, in Dómino : rectos decet collaudátio; * Quóniam. Glória. *Repet.* *¶*. Laudem usque ad *†*. *Apoc.* 19. *Ps.* 32.

IN II NOCTURNO.

In Ps. Benedícam Dóminum, cum sua divisione, 87.

Ant. 3. *à.* Omnes Sancti in manu Dei sunt; et qui appropinquant pédibus ejus, accipient de doctrína illius. *Deut.* 33.

In Ps. Dixit injustus, 64.

Ant. 1. D. Qui confidunt in Dómino, intélligent veritatem; quóniam donum et pax est electis ejus. *Sap.* 3.

In Ps. Exaudi, Deus, deprecationem meam, 95.

Ant. 2. D. Dátio Dei permanet justis, et profectus illius succensus habébit in æternum. *Ecolí.* 11.

†. Beáta gens, cujus est Dóminus Deus ejus : *¶*. Pópulus quem elégit in hæreditatem sibi. *Ps.* 32.

Lectio IV.

Ex sancto Bernardo Abbáte in Festo Omnium Sanctorum. *Serm.* 5. n. 1 et 2.

FESTIVA nobis est dies, et inter præcipuas Solemnitates hodierna Solénnitas numerátur. Nóvimus Festivitatem Omnium Sanctorum diei, et

esse, quam hódie celebrámus. Omnium, inquam, sive cœlestium, sive terrestrium. Sunt enim Sancti de cœlo, et sunt Sancti de terra : itemque eorum qui de terra sunt, quidam adhuc in terra, áliqui jam in cœlo. Estne adhuc Sanctorum áliquod tertium genus? Est, sed occultum. Sunt enim Sancti qui adhuc militant, adhuc pugnant : currunt adhuc, necdum comprehenderunt. Hæc nimirum diversitas appellatiónis in nómine sanctitátis : ut álii quidem jam secundum consummationem Sancti vocentur, álii juxta solam adhuc prædestinatióem.

¶. Hi omnes testimonio fidei probáti sunt : * Ideoque et nos tantam habentes impositam nubem téstium, per patientiam currámus ad propósitum nobis certámen. *†*. Omnes isti in generatiónibus gentis suæ glóriam adepti, viri misericórdiæ sunt, quorum pietates non defuerunt : * Ideoque. Glória. * Ideoque. *Hebr.* 11 et 12. *Ecolí.* 44.

Lectio V. n. 5.

AD quid Sanctis laus nostra? ad quid glorificatio nostra? ad quid nostra hæc ipsa Solénnitas? Quo eis terrénos honóres, quos juxta veracem Filii promissionem honorificat Pater cœlestis? Quo eis præcónia nostra? Pleni sunt. Prorsus ita est, dilectíssimi : honórum nostrorum Sancti

non egent, nec quidquam eis nostra devotiōne præstatur. Plane, quod eorum memoriā venerāmur, nostra interest, non ipsorum. Vultis scire quantum interest nostra? Ego in me, fateor, ex hac recordatiōne sentio desiderium vehemens inflammari, ut eorum tam optabili societate fruamur, et mereāmur concives et contubernales esse Spirituum beatorum, misceri cœtui Patriarcharum, cuneis Prophetarum, senatui Apostolorum, Martyrum exercitibus numerosis, Confessorum collegiis, Virginum choris; in omnium denique colligi et collatari communiōne Sanctorum.

R. Datæ sunt illis singulæ stolæ albæ; et dictum est illis ut requiescerent adhuc tempus modicum, * Donec compleantur conservi eorum et fratres eorum. V. Educ, Domine, de custodiā animam meam ad confitendum nomini tuo: me expectant Iusti, donec retribuas mihi. * Donec. Glória. * Donec. *Apoc. 6. Ps. 141.*

Lectio VI. n. 6.

PRÆSTOLATUR nos Ecclesia illa primitivorum, et negligimus: desiderant nos Sancti, et parvipendimus: expectant nos Iusti, et dissimulamus. Excitemur aliquando, fratres: resurgamus cum Christo, quæramus quæ sursum sunt, quæ sursum sunt sapiamus. Desideremus desi-

derantes nos; properemus ad præstolantes nos; expectantes nos votis præoccupemus animorum. Ecce enim nihil in hac nostra communiōne securitatis, nihil perfectiōnis, nihil quietis: et tamen hic quoque quam bonum et quam jucundum habitare fratres in unum! Quidquid enim, sive intèrius, sive extèrius, molestum occurrit, ipso utique tam germanorum consortio fratrum, cum quibus est nobis cor unum et anima una in Deum, tolerabilius invenitur. Quam dulcior erit, quam delectabilius, quam beator unio, ubi nulla suspicio esse poterit, nulla dissensionis occasio, ubi omnes perfecta caritas indissolubili fœdere colligabit!

R. Dominus Deus servos suos vocabit nomine alio; * Quia oblivioni traditæ sunt angustiae priores. V. Mors ultra non erit: neque luctus, neque clamor, neque dolor erit ultra. * Quia. Glória. *Repet. R. Dominus usque ad V. Is. 65. Apoc. 21.*

IN III NOCTURNO.

In Ps. Jubilate Deo.... psal-mum, 6.

Ant. 4. E. Benedictus Deus qui secundum misericordiam suam magnam regeneravit nos in hereditatem incorruptibilem. I. Petr. 1.

In Ps. Quam dilecta, 86.

Ant. 8. G. Dignos nos fecit in partem sortis Sanctorum in lumine, et transtulit in re-

gnum Filii dilectionis suæ.
Coloss. 1.

In Ps. Cantáte Dómino....
laus ejus, 120.

Ant. 6. F. Nos omnes, re-
veláta fácie, glóriam Dómini
speculantes, in eandem imá-
ginem transformámur a clari-
táte in claritátem. *II. Cor. 3.*

✠. Illúminans tu mirabili-
ter, Dómine, R. A móntibus
æternis. *Ps. 75.*

Lectio VII.

Ex Libro sancti Cypriáni
Epíscopi et Mártiris de Mor-
talitáte.

CONSIDERANDUM est, fratres
dilectíssimi, et idéntidem co-
gitandum renuntiassé nos
mundo, et tanquam hóspites
et peregrínos isthic ínterim
dégere. Amplectámur diem
qui nos isthinc ereptos, et
laqueis secularibus exsolútos
paradíso restítuit et regno.
Quis non péregre constitútus
properáret in pátriam régre-
di? Quis non ad suos navi-
gáre festínans ventum prós-
perum cupídius optáret, ut
velóciter caros licéret amplec-
ti? Pátriam nostram paradí-
sum computámus; parentes
Patriarchas habére jam cœpi-
mus; quid non properámus
et cúrrimus, ut pátriam nos-
tram vidére, ut parentes sa-
lutáre possimus? Magnus illic
nos carórum número exspec-
tat; parentum, fratrú, fi-
liórum frequens nos et copió-
sa turba désíderat, jam de sua
incolumitáte secúra, et adhuc

de nostra salúte sollicita. Ad
horum conspectum et com-
plexum veníre, quanta et illis
et nobis in commúne lætítia
est!

R. Deus qui dives est in mi-
sericórdia, propter nímiám
caritátem suam qua dilexit
nos, convivificávit nos, * Et
consedére fecit in cœlestibus
in Christo Jesu; ut osténderet
abundantes divítias grátiae
suæ. ✠. Addent mites in Dó-
mino lætítiam, et páuperes
hómines in Sancto Israel ex-
sultábunt, dicit Dóminus qui
redémit, * Et. Glória. * Et.
Ephes. 2. Is. 29.

Lectio VIII.

QUALIS illic cœlestium re-
gnórum voluptas sine timóre
moriendi, et cum æternitáte
vivendi! Quam summa et per-
pétua felicitas! Illic Aposto-
lórum gloriósus chorus; illic
Prophetárum exsultántium
númerus; illic Mártirum in-
numerábilis pópulus, ob cer-
táminis et passiónis victóriam
coronátus; triumphantes illic
Vírignes, quæ concupiscén-
tiam carnis et córporis conti-
néntiæ róbre subegérunt;
remuneráti misericordes, qui
alimentis et largitiónibus pau-
perum, justítiæ ópera fecé-
runt, qui, Domínica præcepta
servantes, ad cœlestes thesau-
ros terréna patrimónia trans-
tulérunt. Ad hos, fratres di-
lectíssimi, ávida cupiditáte
properémus; ut cum his cito
esse, ut cito ad Christum ve-

nite contingat, optemus. Hanc cogitationem nostram Deus videat; hoc propositum mentis et fidei Dominus Christus adspiciat; daturus eis gloriæ suæ ampliōra præmia, quorum circa se fuerint desideria maiōra.

R. Replētus sumus misericordia tua, Domine; et exultavimus, et delectati sumus: * Lætati sumus pro diēbus quibus nos humiliasti, annis quibus vidimus mala. V. Momentaneum et leve tribulationis nostræ supra modum in sublimitate æternum gloriæ pondus operatur in nobis: * Lætati. Glória. * Lætati. Ps. 89. II. Cor. 4.

Lectio IX. Cap. 5.

Lectio sancti Evangelii secundum Matthæum.

Octo Beatitudines.

In illo tempore; Videns Jesus turbas, ascendit in montem: et cum sedisset, accesserunt ad eum discipuli ejus; et apertens os suum, docebat eos, dicens: Beati pauperes spiritu, quoniam ipsorum est regnum cælorum. Et reliqua.

Homilia sancti Hieronymi Presbyteri. In cap. 5. Matth.

BEATI pauperes spiritu. Ne quis autem putaret paupertatem quæ nonnunquam necessitate portatur, a Domino prædicari, adjunxit, Spiritu; ut humilitatem intelligeres, non penuriam. Beati pauperes spiritu, qui prop-

ter Spiritum sanctum voluntate sunt pauperes. Beati mites, quoniam ipsi possidebunt terram: non terram Judæ, nec terram istius mundi maledictam, spinas et tribulos afferentem, quam crudelissimus quisque et bellator magis possidet; sed terram quam Psalmista desiderat, dicens: Credo videre bona Domini in terra viventium. Beati qui lugent. Luctus hic non mortuorum communi lege naturæ, sed peccatis et vitiis mortuorum. Sic flevit et Samuel Saulem; quia poenituerat Deum quod unxisset eum regem super Israel. Sic et Paulus Apostolus flere ac lugere se dicit eos qui post fornicationem et immunditiam non egerunt poenitentiam. Beati qui esuriunt et sitiunt iustitiam. Non nobis sufficit velle iustitiam, nisi iustitiæ patiamur famem; ut nunquam nos satis justos intelligamus. Beati misericordes. Misericordia non solum in eleemosynis intelligitur, sed in omni peccato fratris, si alter alterius opera portemus. Beati mundo corde, quoniam ipsi Deum videbunt. Quos non arguit conscientia ulla peccati. Templum Dei non potest esse pollutum. Beati pacifici, qui primum in corde suo, deinde et inter fratres dissidentes pacem faciunt. Quid enim prodest alios per te pacari, cum in tuo animo sint bella vitiis? Beati qui persecutionem patiuntur propter iustitiam.

Signanter áddidit; Propter justítiam : multi enim persecutióem propter sua peccáta patiuntur, et non sunt justí.

R. Redemisti nos Deo in sángxine tuo ex omni tribu, et língua, et pópulo, et nátióne; * Et fecisti nos Deo nostro regnum et sacerdotes : et regnávimus. *Y.* Dux fuisti in misericórdia tua pópulo quem redemisti, et portasti eum in fortitúdine tua ad habitáculum sanctum tuum; * Et Glória. *Repet. R.* Redemisti usque ad *Y.* *Apoc. 5. Exod. 15.*

AD LAUDES.

Psalmi de Dominica.

Ant. 1. D. Ágnus Dóminus dominórum est, et Rex regum; et qui cum illo sunt, vocáti, electi et fidéles. *Apoc. 17.*

Ant. 2. D. Lavérunt stolas suas, et dealbavérunt eas in sángxine Agni, ideo sunt ante thronum Dei. *Apoc. 7.*

Ant. 3. a. Qui sedet in throno, habitábit super illos : non esúrient neque sítient ámplius. *Apoc. 7.*

Canticum. Apoc. 19.

ALLELUIA; Salus, et glória, et virtus Deo nostro est : * quia vera et justa judícia sunt ejus;

Qui judicávit de meretríce magna, quæ corrúpit terram in prostitutióne sua, * et vindicávit sángxinem servórum suórum de mánibus ejus.

Laudem dícite Deo nostro, omnes servi ejus; * et qui tímétis eum, pusilli et magni.

Allelúia; quóniam regnávit Dóminus Deus noster omnípotens. * Gaudeámus, et exultémus, et demus glóriam ei :

Quia venérunt nuptiæ Agni, * et uxor ejus præparávit se.

Et datum est illi, ut coopériat se byssino splendenti et cándido : * byssinum enim justificationes sunt Sanctorum.

Beáti, * qui ad cœnam nuptiarum Agni vocáti sunt.

Oculi ejus sicut flamma ignis, et in cápite ejus diadémata multa, * habens nomen scriptum, quod nemo novit nisi ipse.

Et vestítus erat veste adspersa sángxine : * et vocátur nomen ejus, Verbum Dei.

Et habet in vestimento et in fémore suo scriptum : * Rex regum, et Dóminus dominántium.

Ant. 8. G. Benedícite Dóminum, omnes electi ejus : ágite dies lætítiæ, et confitémini illi. *Tob. 13.*

Ant. 7. d. Hymnus ómnibus Sanctis ejus, fíliis Isráel, pópulo appropinquantí sibi : glória hæc est ómnibus Sanctis ejus. *Ps. 148 et 149.*

Canticum. Ephes. 1.

DEUS, Dómini nostri Jesu Christi, Pater glóriæ, det vobis spíritum sapiéntiæ et revelatiónis in agnitióne ejus; illuminátes óculos cordis vestri, ut sciátis quæ sit spes vo-

cati6nis ejus, et quæ divitiæ
glóriæ hæreditatis ejus, in
Sanctis.

Hymnus. S. V.

HYMNIS dum resonat cúria
Cœlitum,
Hic flemus patriis finibus
éxsules :
Hic suspensa tenémus
Mutis cântibus órgana.
Quando mens misero líbera
cárcere
Se vestris sociam cœtibus
ínseret ;
Et calígine pulsa,
Cœli lucem habitábitus !
Obscúre fugient mentis imá-
gines,
Cum stantes propius lúmi-
nis ad jubar,
Nos verum sine nube
Ipso in fonte vidébimus.
Nobis, sancta cohors, sis bo-
na : flúctibus
Luctantes mediis quos mo-
do réspicis,
Da portus, duce Christo,
Da contingere prósperos.
A quo cuncta fluunt, máxima
laus Patri :
Qui mundum reparat, má-
xima Fílio :
Et quo pectora flagrant,
Sit laus máxima Flámini.
Amen.

✠. Exsultábunt Sancti in
glória : R. Lætábuntur in cu-
bilibus suis. *Ps. 149.*

Ad Benedictus. Ant. 6! F.
Fulgébunt Justi, judicábunt
nati6nes, et dominabuntur
pópulis ; et regnabit Dóminus
illórum in perpétuum. *Sap. 3.*

Oratio Sac. Leon.

OMNIPOTENS sempiternæ
Deus, qui nos Omnium Sanc-
t6rum tu6rum mériata sub una
tribuis celebritate venerári :
quæsumus, ut desiderátam
nobis tuæ propitiati6nis abun-
dantiám, multiplicatis inter-
cess6ribus, largiáris ; Per D6-
minum.

*Si sit Dominica, de ea fit
Commem.*

AD HORAS, Doxologia :

¶ Fons sanctitatis, o Deus,
Æterna Sanct6rum quies ;
Te laudet omnis spíritus,
Nunc et per omne sêculum.
Amen.

Psalmi de Dominica.

AD PRIMAM.

Ant. 1. D. Agnus.

In R. br. ✠. Qui factus es
nobis a Deo * sanctificati6 et
redempti6. *1. Cor. 1.*

AD TERTIAM.

Ant. 2. D. Lavérunt.

Capitulum. Dan. 7.

ECCE cornu béstie faciêbat
bellum adversus Sanctos, et
prævalêbat eis, donec venit
Antíquus diêrum : et judi-
cium dedit Sanctis Excelsi ;
et tempus advénit, et regnum
obtinuérunt Sancti.

R. br. Sancti tui, Dómine,
* benedicent tibi ; * Allelúia,
allelúia. Sancti. ✠. Glóriam *
regni tui dicent ; * Allelúia.
Glória. Sancti.

Ÿ. Notam facient filiis hominum potentiam tuam, R. Et gloriam magnificentie regni tui. *Ps.* 144.

AD SEXTAM.

Ant. 3. a. Qui sedet.

Capitulum. II. Cor. 6.

INHABITABO in illis, et inambulabo inter eos; et ero illorum Deus, et ipsi erunt mihi populus.

R. br. Lætentur omnes * qui sperant in te, Domine; * Alleluia, alleluia. Lætentur. Ÿ. In æternum exsultabunt, * et habitabis in eis; * Alleluia. Gloria. Lætentur.

Ÿ. Gloriabuntur in te, Domine, R. Omnes qui diligunt nomen tuum. *Ps.* 5.

AD NONAM.

Ant. 7. d. Hymnus.

Capitulum. Is. 65.

ECCE ego creo celos novos et terram novam; et non erunt in memoria priora, et non ascendent super cor; sed gaudēbitis, et exsultabitis usque in sempiternum.

R. br. Beati qui habitant * in domo tua, Domine; * Alleluia, alleluia. Beati. Ÿ. In secula seculorum * laudabunt te; * Alleluia. Gloria. Beati. *Ps.* 83.

Ÿ. Vox exsultationis et salutis, R. In tabernaculis iustorum. *Ps.* 117.

Autumnalis.

AD II VESPERAS.

In Ps. Dixit Dominus, 18.

Ant. 4. E. Benedictus Deus, qui elegit nos in Christo, ut essemus sancti et immaculati in conspectu ejus, in caritate. *Ephes.* 1.

In Ps. Confitebor tibi, 19.

Ant. 1. D. Iesus sumus factura, creati in Christo Jesu in operibus bonis quæ preparavit Deus, ut in illis ambulamus. *Ephes.* 2.

In Ps. Laudate, pueri; 19.

Ant. 3. a. Prædestinavit nos in adoptionem filiorum, in laudem gloriæ gratiæ suæ, in qua gratificavit nos in dilecto Filio suo. *Ephes.* 1.

In Ps. In convertendo, 38.

Ant. 6. F. Filii Dei sumus, hæredes quidem Dei, cohæredes autem Christi; si tamen compatiimur, ut et conglorificemur. *Rom.* 8.

In Ps. Super flumina, 39.

Ant. 7. a. Filii Sanctorum sumus; et vitam illam expectamus, quam Deus daturus est his qui fidem suam nunquam mutant ab eo. *Tob.* 2.

Capitulum. I. Petr. 1.

SECUNDUM eum qui vocavit vos, Sanctum; et ipsi in omni conversatione sancti sitis, quoniam scriptum est: Sancti eritis, quoniam ego sanctus sum.

Hymnus. S. V.

CÆLO quos eadem gloria consecrat,

Terris vos eadem concelebrat dies :
 Læti vœstra simul præmia pångimus,
 Duris parta labóribus.
 Jam vos pascit amor, núda-
 que Véritas :
 De pleno bibitis gáudia flú-
 mine :
 Illic perpetuam mens satiat
 sitim
 Sacris ébria fóntibus.
 Altis secum habitans in pene-
 trálibus
 Se Rex ipse suo contuitu
 beat;
 Illabensque, sui pródigus,
 íntimis
 Sese méntibus inserit.
 Altári medio, cui Deus ínsi-
 det,
 Agni fumat adhuc inno-
 cuus cruor :
 Quæ mactáta Patri se semel
 óbtulit,
 Se jugis litat hóstia.
 Pronis turba senum cernua
 fróntibus,
 Inter tot rutili fúlgura lú-
 minis,
 Regnanti Domino dévovet
 áurea,
 Quæ ponit, diadémata.
 Gentes innumeræ, conspicuæ
 stolas
 Agni purpureo sángine
 cándidas,
 Palmis læta cohors, cánti-
 bus æmulis
 Ter sanctum celebrant De-
 um.
 Sit laus summa Patri, súm-
 maque Filio :
 Sit par sancte tibi laus quo-
 que, Spíritus,

Qui das pro meritis, ópti-
 mus árbitrer,
 Te totum simul ómnibus.
 Amen.

✠. In lúmine tuo vidébimus
 lumen : R. Prætende miseri-
 córdiam tuam sciéntibus te,
 Dómine. *Ps.* 35.

Ad Magnificat. Ant. 5. C.
 Scimus quóniam cum appa-
 ruerit, símiles ei érimus; quó-
 niam vidébimus eum sicuti
 est, allelúia. *I. Joan.* 3.

*Post Benedicámus, nisi sit
 Sabbatum, dicuntur Vesperæ de
 Commemoratione ómnium Fide-
 lium Defunctorum, ut infra ;
 deinde Completorium ut sequi-
 tur.*

AD COMPLETORIUM.

Psalmi de Dominíca.

Ant. 8. G. Nox ultra non
 erit, et non egébunt lúmine
 lucernæ, neque lúmine solis;
 quóniam Dóminus Deus illu-
 minábit illos. *Apoc.* 22.

Ad Hymnum Grates, Doxol.
 ¶ Fons sanctitátis, ut supra ad
 Horas, 408.

Ad Nunc dimittis. Ant. 2. D.
 Sérvient Dómino, et vidébunt
 faciém ejus; et nomen ejus in
 fróntibus eórum. *Apoc.* 22.

DIE II.

IN COMMEMORATIONE OMNIUM FIDELIUM DEFUNCTORUM.

Duplex-majus.

Si hæc Solemnitas occurrat in

Dominica, transfertur in Feriam II. et tunc post Vesperas Dominicæ, dicuntur Vesperæ de Commemoratione omnium Fidelium Defunctorum.

Omnia ut in Off. Defunct. exceptis quæ sequuntur.

AD VESPERAS statim post Ant. ad Magnificat, dicitur

✠. Dóminus vobiscum.

Orémus.

Deinde Oratio Fidelium, ut infra ad Laudes.

✠. Dóminus vobiscum.

✠. Requiescant in pace. R. Amen.

AD OFFICIUM NOCT.

*Invit. Deum, cui omnes vivunt, * Veníte, adorémus. Luc. 20.*

*Ps. Veníte, in cujus fine, locó Glória, dicitur: Requiem æternam dona eis, Dómine; * et lux perpétua luceat eis.*

IN I NOCTURNO.

Lectio I. Cap. 7.

Ex Libro Job.

PARGE mihi, nihil enim sunt dies mei. Quid est homo, quia magnificas eum? aut quid appónis erga eum cor tuum? Vísitas eum dilúculo, et súbito probas illum. Usquequo non parcis mihi, nec dimittis me ut glútiam salívam meam? Peccávi: quid fáciam tibi, o custós hóminum? Quare posuisti me contrárium tibi, et factus sum mihimetipsi gra-

vis? Cur non tollis peccátum meum, et quare non aufers iniquitátem meam? Ecce nunc in púlvere dórmiam; et si mane me quæsieris, non subsistam. Nihil additur in fine Lectionum.

R. Defecérunt sicut fumus dies mei, et ossa mea sicut crémium aruerunt: * Dies mei sicut umbra declinavérunt. ✠. Quæ est vita nostra? Vapor est ad módicum parens. * Dies. Ps. 101. Jac. 4.

Lectio II. Cap. 14.

HOMO natus de muliere, brevi vivens témpore, replétur multis misériis. Qui quasi flos egréditur et contéritur, et fugit velut umbra, et nunquam in eódem statu pérmanet. Et dignum ducis super hujuscémodi aperíre óculos tuos, et addúcere eum tecum in iudícium? Quis potest fácere mundum de immundo conceptum sémine? Nonne tu qui solus es? Breves dies hóminis sunt, númerus ménsium ejus apud te est: constituisti términos ejus, qui præteriri non póterunt. Recéde páululum ab eo, ut quiescat; donec optáta véniat, sicut mercenárii, dies ejus.

R. Peccávi valde; sed * Precor, Dómine, ut transféras iniquitátem servi tui; quia stulte egi nimis. ✠. Deus, propítius esto mihi peccatóri. * Precor. II. Reg. 24. Luc. 18.

Lectio III. Cap. 19.

PELLI meæ, consumptis cār-nibus, adhæsit os meum; et derelicta sunt tantúmmodo lábia circa dentes meos. Miserémini mei, miserémini mei, saltem vos amíci mei; quia manus Dómini tétigit me. Quare persequímini me sicut Deus, et cār-nibus meis saturámini? Quis mihi tríbuat ut scribantur sermónes mei? quis mihi det ut exarentur in libro, stylo férreo, et plumbi lámina, vel celte sculpantur in sílice? Scio enim quod Redemptor meus vivit, et in novíssimo die de terra surrectúrus sum, et rursum circúmdabor pelle mea, et in carne mea vidébo Deum meum, quem visúrus sum ego ipse, et óculi mei conspectúri sunt, et non álius. Repósita est hæc spes mea in sinu meo.

R. Ad Dóminum adspíciam, expectábo Deum Salvatórem meum; consurgam, cum sédero in ténebris: * Iram Dómini portábo, quóniam peccávi ei. ✠. Flagellat Dóminus omnem fílium quem récipit.*
Iram. Mich. 7. Hebr. 12.

*IN II NOCTURNO.**Lectio IV.*

Ex sancto Augustíno Epíscopo. *De Verbis Apost. Serm. 172.*

ADMONET nos beátus Apóstolus, ut de dormiéntibus, hoc est, mórtuis caríssimis

nostris, non contristémur sicut et céteri qui spem non habent, spem scílicet resurrectionis et incorruptionis æternæ. Nam ídeo et dormientes eos appellat Scriptúræ veracíssima consuetúdo, ut cum dormientes audímus, evigilátúros mínime desperémus. Unde étiam cantátur in Psalmo: Numquid qui dormit, non adjiciet ut resurgat? Est ergo de mórtuis, eis qui díligunt, quædam tristítia quodámodo naturális. Mortem quippe horret, non opínio, sed nátura: nec mors hómini accíderet, nisi ex pœna quam præcésserat culpa. Quapropter si animália, quæ ita creáta sunt ut suo quæque témpore moriantur, mortem fúgiunt, díligunt vitam; quanto magis homo, qui sic fúerat creátus, ut si vívere sine peccáto voluisset, sine término víveret! Hinc itaque necesse est ut tristes simus, quando nos moriendo désérunt quos amamus; quia etsi nóvimus eos non in æternum relínquere nos mansúros, sed aliquantum præcedere secutúros; tamen mors ipsa quam nátura réfugit, cum occupat dilectum, contristat in nobis ipsíus dilectiónis affectum. Ideo non admónuit Apóstolus, ut non contristémur; sed non sicut céteri qui spem non habent.

R. Ecce ánimam meam porto in mánibus meis: * Etiamsi occíderit me, in ipso sperábo; et ipse erit Salvátor meus. ✠.

Sive vivimus, sive morimur,
Dómini sumus : * Etiam si.
Job, 13. Rom. 14.

Lectio V.

POMPÆ fúneris, ágmina exsequiárum, sumptuósa diligéntia sepultúræ, monumentórum opulenta constrúctio, vivórum sunt qualiacumque solátia, non adjutória mortuórum. Orationibus vero sanctæ Ecclesiæ, et sacrificio salutári, et eleemósynis quæ pro eórum spirítibus erogantur, non est dubitandum mortuos adjuvári, ut cum eis misericórdius agátur a Dómino, quam eórum peccáta meruerunt. Hoc enim a Pátribus tráditum universa observat Ecclesiá; ut pro eis qui in córporis et ságuinis Christi communióne defuncti sunt, cum ad ipsum sacrificium loco suo commemorantur, orétur, ac pro illis quoque id offerri commemorétur. Cum vero eórum commendándorum causa ópera misericórdiæ celebrantur, quis eis dúbitet suffragári, pro quibus oratiónes Deo non inániter allegantur? Non omníno ambigendum est ista prodesse defunctis; sed talibus, qui ita víxerint ante mortem, ut possint eis hæc útilia esse post mortem. Nam qui sine fide quæ per dilectiónem operátur, ejusque sacramentis, de corpóribus exiérunt; frustra illis a suis hujúsmodi pietátis impenduntur officia, cujus,

dum hic essent, pignore caruerunt; vel non suscipientes, vel in vácuum suscipientes Dei grátiam, et sibi non misericórdiam thesaurizantes, sed iram.

R. Hi qui cum pietáte dormitiónem acceperunt, óptimam habent repósitam grátiam.* Sancta ergo et salubris est cogitátio pro defunctis exoráre, ut a peccátis solvantur. ¶. Si quis superædíficat super fundamentum, et opus ejus árserit, detrimentum patiétur; ipse autem salvus erit, sic tamen quasi per ignem.* Sancta. II. Mach. 12. I. Cor. 3.

Lectio VI.

NON ergo mórtuis nova mérita comparantur, cum pro eis boni áliquid operantur sui; sed eórum præcedéntibus consequéntia ista redduntur. Non enim actum est, nisi cum hic víverent, ut eos hæc áliquid adjuvárent, cum hic vívere destitissent. Et ideo istam fíniens quisque vitam, nisi quod méruit in ipsa, non póterit habére post ipsam. Permittantur itaque pia corda carórum de suórum mórtibus contristári dolore sanábili, et consolábiles lácrymas fundant conditióne mortáli; quas cito réprimat fidei gáudium, qua creduntur fideles, quando moriuntur, páululum a nobis abíre, et ad melióra transíre. Consolentur eos étiam fraterna obséquia, si ve quæ funéribus exhibentur,

sive quæ doléntibus adhibentur; quia et hæc in Scriptúris sanctis inter bona ópera deputáta sunt. Impleant hæc hómines erga suos officia postremiti múnieris, et sui humani lenimenta mœroris. Verum illa quæ adjuvant spíritus defunclórum, oblationes, orationes, erogationes, multo pro eis observántius, instántius, abundántius impendant, qui suos carne, non spiritu mórtuos, non solum carnáliter, sed étiam spiritaliter amant.

R. Dómine omnípotens, Deus Israel, * Audi nunc orationem mortuórum Israel: noli meminisse iniquitatum patrum nostrórum; sed memento manus tuæ et nóminis tui. ✕. Occísus es, Dómine, et redemisti nos Deo in sanguine tuo: * Audi. *Baruch*, 3. *Apoc.* 5.

IN III NOCTURNO.

Lectio VII. Cap. 4.

Ex Epístola prima beáti Pauli Apóstoli ad Thessalonicenses.

NOLUMUS vos ignoráre, fratres, de dormiéntibus; ut non contristémmini, sicut et céteri qui spem non habent. Si enim crédimus quod Jesus mórtuus est, et resurrexit; ita et Deus eos qui dormiérunt per Jesum, addúcet cum eo. Hoc enim vobis dícimus in Verbo Dómini, quia nos qui vivimus, qui resídui sumus in

adventum Dómini, non præveniémus eos, qui dormiérunt. Quóniam ipse Dóminus in jussu, et in voce Archángeli, et in tuba Dei descendet de cælo: et mórtui qui in Christo sunt, resurgent primi. Deinde nos qui vivimus, qui relinquimur, simul rapiémur cum illis in núbibus óbviám Christo in áera; et sic semper cum Dómino érimus. Itaque consolámini invicem in verbis istis.

R. Scio quod Redemptor meus vivit, et in novíssimo die de terra surrectúrus sum, * Et in carne mea vidébo Deum meum. ✕. Oportet corruptibile hoc induere incorruptionem, et mortále hoc induere immortalitatem. * Et. *Job*, 19. *I. Cor.* 15.

Lectio VIII. Cap. 5.

DE temporibus autem, et momentis, fratres, non indigétis ut scribámus vobis: ipsi enim diligenter scitis, quia dies Dómini, sicut fur in nocte, ita véniet. Cum enim dixerint, Pax et securitas; tunc repentinus eis supervéniet intéritus, sicut dolor in útero habentis, et non effúgiens. Vos autem, fratres, non estis in ténebris, ut vos dies illa, tanquam fur, compréhendat: omnes enim vos filii lucis estis et filii diéi: non sumus noctis, neque tenebrarum.

R. Qui dormiunt in terræ pulvere * Evigilábunt; álíi in vitam æternam, et álíi in op-

próbríum, ut vídeantsemp̄r.
 ✠. Omnes quidem resurgemus, sed non omnes immutabimur. * Evigilabunt. *Dan.* 12. *I. Cor.* 15.

Lectio IX.

NON dormiámus, sicut et céteri; sed vigilémus, et sóbrii simus. Qui enim dórmíunt, nocte dórmíunt; et qui ébrii sunt, nocte ébrii sunt: nos autem qui diéi sumus, sóbrii simus, indúti lorícám fidei et caritátis, et gáleam spem salútis, quóniam non púsuit nos Deus in iram, sed in acquisitionem salútis per Dóminum nostrum Jesum Christum, qui mórtuus est pro nobis: ut sive vigilémus, sive dormiámus, simul cum illo vivámus. Propter quod consolámini invicem, et ædificáte alterutrum.

℣. Líbera me, Dómine, ab iis qui odérunt me: non absórbeat me profundum, neque úrgeat super me púteus os suum: * Exaudi me, quóniam † Benigna est misericórdia tua: § Intende ánimæ meæ, et líbera eam. ✠. Dómine Deus, Rex seculórum, solus pius es: * Exaudi me, quóniam benigna est misericórdia tua: intende ánimæ meæ, et líbera eam. ✠. Miserére mei, Dómine, fili David: Dómine, ádjuva me: † Benigna est misericórdia tua: intende ánimæ meæ, et líbera eam. ✠. Pópúsuit te Deus propitiatióem per fidem propter remissió-

nem delictórum: § Intende ánimæ meæ, et líbera eam. *Repetitur ℣. Líbera usque ad ✠. Dómine. Ps.* 68. *Apoc.* 15. *Matth.* 5. *Rom.* 3.

AD LAUDES.

Ut in Officio Defunct. exceptis quæ sequuntur.

Post Ant. ad Benedictus, omissis Precibus, dicitur,
 ✠. Dóminus vobiscum.
 Orémus.

Oratio Sacr. Gelas.

FIDELIUM, Deus, ómnium cónditor et redemptor animábus famulórum famularumque tuárum remissióem cunctórum tribue peccatórum: ut indulgéntiam quam semper optavérunt, piis supplicatióibus consequantur; Qui vivis et regnas cum Deo Patre in unitáte Spíritus sancti Deus, per ómnia sécula seculórum. ℣. Amén.

✠. Dóminus vobiscum.

✠. Requiescant in pace.

℣. Amen.

AD PRIMAM.

*Inchoatur absolute a Psalmo Confitemini, 10, in cujus fine non dicitur Glória Patri, nec Réquiem, sed continuo Ps. Beáti immaculáti; ut ad Primam Dominicæ, et in fine tantum ultimi Octonarii dicitur: Réquiem æternam dona eis, Dómine; * et lux perpétua luceat eis.*

*Postea Celebrans inchoat ℣. Defecerunt, Chorus prosequitur, sicut fumus dies mei, et ossa mea sicut crémium aruerunt: * Dies mei sicut umbra*

declinaverunt. *Celebrans, V.*
 Quæ est, *Chorus*, vita nostra?
 Vapor est ad módicum parens.

* *Dies. Ps. 101. Jac. 4.*

Iterum Celebrans inchoat R.
Defecerunt, Chorus, sicut fumus usque ad *V. exclusive.*

Deinde Oratio Fidélium, ut supra ad Laudes.

Nihil amplius additur; et is ritus observatur ad ceteras diei Horas.

AD TERTIAM.

Inchoatur absolute ab Octon.
Legem pone, 12, cum reliquis; et in fine ultimi dicitur Réquiem; sicque ad Sextam et Nonam.

Celebrans, R. Ad Dóminum, *Chorus*, adspiciam: expectábo Deum Salvatórem meum: consurgam, cum sédero in ténebris: * Iram Dómini portábo, quóniam peccávi ei. *Celebr. V.* Flagellat Dóminus, *Chorus*, omnem filium quem récipit. * *Iram. Mich. 7. Hebr. 12.*

Celebrans repetit R. Ad Dóminum, *Chorus*, adspiciam. *Oratio Fidélium.*

AD SEXTAM.

Ps. Defécit, 14.

Celebr. R. Dómine, *Chorus*, omnipotens Deus Israel, * Audi nunc oratiónem mortuórum Israel: noli meminisse iniquitátum patrum nostrórum, sed memento manus tuæ et nóminis tui. *Celebr. V.* Occísus es, Dómine, *Chorus*, et redemisti nos Deo in ságuine tuo. * *Audi. Baruch, 3. Apoc. 5.*

Celebrans repetit R. Domine, *Chorus*, omnipotens. *Oratio Fidélium.*

AD NONAM.

Ps. Mirábília, 16.

Celebr. R. Scio, *Chorus*, quod Redemptor meus vivit; et in novíssimo die de terra surrectúrus sum, * Et in carne mea vidébo Deum meum. *Celebr. V.* Oportet, *Chorus*, corruptibile hoc induére incorruptiónem, et mortále hoc induére immortalitatem. * Et. *Job, 19. I. Cor. 15.*

Celebr. R. Scio, *Chorus*, quod Redemptor.

Oratio Fidélium.

Officium Defunctorum terminatur ad Nonam inclusive.

Si prædictum Officium translatum fuerit in Fer. II (die 3), Vesperæ sunt de S. Carolo.

Si sit Sabbatum, fit ut in Psalterio cum Doxologia: ¶ Fons sanctitátis, 408.

Aliis in casibus, ut infra pro diebus intra Octavam.

DIEBUS

INTRA OCTAVAM

OMNIUM SANCTORUM.

Semiduplex.

Omnia ut in die Festi, exceptis quæ sequuntur.

Ps. de Feria in toto Officio.

AD NOCTURNUM.

Tres Antiph. et V. unius e Nocturnis Festi, juxta diem.

Lectiones et R. R. R. juxta diem.

AD LAUDES.

Ant. sola 8. G. Benedícite, quarta de Laudibus Festi.

AD VESPERAS.

Ant. sola. 4. E. Benedictus, prima nempe de Vesperis Festi.

DOM. INTRA OCTAVAM.

*Totum Officium fit de Dominica, ut in Psalterio, incipiendo a I Vesperis, quæ sunt de Sabbato. Nulla fit Commem. de Octava; attamen in fine Hymnorum dicitur Doxologia. ¶ Fons sanctitatis, 408. Ad Tertiam, Sextam et Nonam in R. R. br. additur bis * Allelúia.*

Si sit dies IV, ad Laudes fit Commem. de S. Carolo.

DIE III.

DE OCTAVA.

Ad Noct. tres Ant. et V. e I Nocturno Festi.

Lectio I. Cap. 9.

Ex Libro primo Esdræ.

POSTQUAM autem hæc compléta sunt, accessérunt ad me principes, dicentes: Non est separátus pópulus Israel, sacerdotes et levítæ, a pópulis terrarum, et abominatiónibus eórum: tulérunt enim de

filiabus eórum sibi et fíliis suis, et commiscuerunt semen sanctum cum pópulis terrarum: manus etiám principum et magistrátuum fuit in transgressióne hac prima. Cumque audissem sermónem istum, scidi pállium meum et túnica, et evelli capillos cápitis mei et barbæ, et sedi mœrens. Convenérunt autem ad me omnes qui timébant verbum Dei Israel, pro transgressióne eórum qui de captivité vénéran, et ego sedébam tristis usque ad sacrificium vespertinum: et in sacrificio vespertino surrexi de afflictióne mea, et scisso pállio et túnica, curvavi génua mea, et expandi manus meas ad Dóminum Deum meum.

R. Juxta manum Dei sui bonam super se, * Esdras parávit corsuum, ut investigaret legem Dómini, et fáceret et docéret in Israel præceptum et judícium. V. Qui fécerit et docúerit, hic magnus vocábitur in regno coelórum. * Esdras. I. Esdr. 7. Matth. 5.

Lectio II. Cap. 10.

Sic ergo orante Esdra, et flente, et jacente ante templum Dei, collectus est ad eum de Israel cœtus grandis nimis virórum, et mulierum, et puerórum; et flevit pópulus fletu multo. Et respondit Sechenías et dixit Esdræ: Nos prævaricati sumus in Deum nostrum. Percutiámus fœdus cum Dómino Deo nos-

tro, ut projiciamus universas uxóres, et eos qui de his nati sunt, juxta voluntátem Dómini, et eórum qui timent præceptum Dómini Dei nostri : secundum legem fiat. Convenérunt igitur omnes viri Juda et Bénjamin et Jerúsalem tribus diébus, ipse est mensis nonus, vigésimo die mensis : et sedit omnis pópulus in plátea domus Dei, treméntes pro peccáto et plúviis. Et surrexit Esdras sacerdos, et dixit ad eos: Vos transgressi estis, et duxistis uxóres alienígenas, ut adderétis super delictum Israel. Et nunc date confessiónem Dómino Deo patrum vestrórum, et fácite plácitum ejus, et separámini a pópulis terræ, et ab uxóribus alienígenis. Et respondit universa multitúdo, dixitque voce magna : Juxta verbum tuum ad nos sic fiat.

R. In odórem suavitátis suscépiam vos; * Et sanctificábor in vobis; et recordabimini scélerum vestrórum, et displicébitis vobis in ómnibus malítiis vestris. V. Sicut exhibuistis membra vestra servíre iniquitati; ita nunc exhibéte membra vestra servíre justitiæ in sanctificatióne. * Et. *Ezech. 10. Rom. 6.*

Lectio III.

Ex Libro sancti Cypriáni Episcopi et Mártiris de Mortalitate.

Erus est mortem timére, qui ad Christum nolit ire. Cum

ergo Christum vidére gaudére sit, nec possit esse gaudium nostrum, nisi cum vidérimus Christum, quæ cæcitas ánimi, quæve deméntia est amáre pressúras et pœnas et lácrymas mundi, et non festináre pótius ad gáudium quod nunquam possit auferri? Hoc autem fit, fratres dilectíssimi, quia fides deest, quia nemo credit vera esse quæ promittit Deus, qui verax est, cujus sermo credéntibus æternus et firmus est. Si tibi vir gravis et laudábilis áliquíd polliceretur, habéres útique pollicenti fidem. Nunc Deus tecum lóquitur, et tu mente incrédula pérfidus flúctuas? Deus tibi de hoc mundo recedenti immortalitátem atque æternitátem pollicetur, et tu dúbitas? Hoc est Deum omníno non nosse, hoc est Christum credéntium Dóminum et magistrum peccáto iucredulitátis offéndere, hoc est in Ecclesiá constitútum fidem in domo fidei non habére.

R. Quam magna multitúdo dulcédinis tuæ, Dómine, quam abscondisti timéntibus te! * Inebriabuntur ab ubertáte domus tuæ, et torrente voluptátis tuæ potábis eos; quóniam apud te est fons vitæ. V. Oculus non vidit, nec auris audívit, nec in cor hóminis ascendit, quæ præparávit Deus iis qui díligunt íllum. * Inebriabuntur. Glória. * Inebriabuntur. *Ps. 30 et 35.*

1. Cor. 2.

Vesperæ de sequenti.

DIE IV.

S. CAROLI BORROM.,

EPISCOPI.

*Duplex-minus.**De Communi Pontificum, exceptis quæ sequuntur.*

IN I VESPERIS.

Hymnus. Lebeau.

QUAM graves cymbam qua-
tiunt procellæ!

Solvitur morum pudor; in-
tumescent

Hæreses: tandem venias
amicum,

Cárole, sidus.

Náscitur: crescit tibi, Chris-
te, miles:

Tártari sævas domitúra pes-
tes

Arma jam gaudet puer ac-
tuoso

Cúdere ludo.

Non sacros templi reditus
profáno

Dissipat luxu: monet ipse
patrem:

Défluant illuc, ait, et pa-
renti

Monstrat egénos.

Villicum sese gerit indigen-
tis:

Flere didiscit sua fata pau-
per;

Fitque mutáta vice, Borro-
mæo

Páupere, dives.

Mente matúrurum juvenem vi-
ríli

Púrpuræ vestit nitor: eni-
tentem

Púrpuram vincit, proprió-
que virtus

Signat honóre.

Ultimam Patrum sacer Ordo
plagam

Hæresi dudum mípitátur:
afflat

Cárolus vires: merito ferí-
tur

Fúlmine monstrum.

Christe, tu Sponsæ miserans,
dedisti

Cárolum Cleri populíque
normam;

Qui suum vere referant pa-
rentem

Mitte ministros. Amen.

✠. Inhabítabit in átriis tuis:

Replébitur in bonis domus
tuæ. Ps. 64.

AD NOCTURNUM.

Hymnus. S. M.

CHRISTE, qui semper gravi-
bus periclis

Déstinas fortes ovibus ma-
gistros,

Cárolum fracto tua donat
orbi

Próvida cura.

Vix in augusti numerum Se-
nátus

Póntifex summus juvenem
cooptat,

Credit invíto Pius arduá-
rum

Póndera rerum.

Quæ fides, et quæ pietas ge-
rendis

Rebus illuxit! Quis amor
tuendi

Juris et quam nil movet
 ampla magnam
 Púrpura mentem!
 Gente non clara, neque sede
 Petri

Quæ Pium jactat, sibi gra-
 tulátur:

Sed nimis præceps timet
 eminentis

Culmen honóris.

Pastor errantes stabulo redú-
 cit,

Et gregi jungit male sepa-
 ratos:

Nulla vis terret; pia vincit
 omnem

Cura labórem.

Quam nitet morum reparátus
 ordo!

Quæ fides regnat pietasque
 terris!

Noctis hinc atræ tenebris
 sepultus

Cónditur error.

Trínitás summo veneranda
 cultu,

Fida plebs in te colit uni-
 tatem:

Qui pari cura referant pa-
 rentem

Unge ministros. Amen.

Ant. 7. D. Vidit mala in Je-
 rúsalem et dóluit; et zelátus
 est legem, et exclamávit: Om-
 nis qui zelum habet legis, stá-
 tuens testamentum, éxeat post
 me. *I. Mach. 2.*

Ant. 4. A. Vidit sanctifica-
 tionem desertam, et altáre
 profanátum; dixit: Ascendá-
 mus mundáre sancta, et re-
 nováre. *I. Mach. 4.*

Ant. 8. G. Elégit Sacerdótes
 sine mácula voluntátem ha-
 bentes in lege Deisui; et mun-

davérunt sancta. *I. Mach. 4.*
 γ. Tabescere me fecit zelus
 meus, Dómine; β. Quia oblíti
 sunt verba tua. *Ps. 118.*

Lectio I. Cap. 1.

Incipit Liber Nehemíæ, qui
 et dicitur Esdræ secundus.

VERBA Nehemíæ, filii Hel-
 ciæ. Et factum est in mense
 Casleu, anno vigésimo, et ego
 eram in Susis castro. Et venit
 Hánani unus de frátribus
 meis, ipse et viri ex Juda: et
 interrogávi eos de Judæis, qui
 remánsérunt et supérerant de
 captivité, et Jerúsalem. Et
 dixerunt mihi: Qui remansé-
 runt, et relictí sunt de capti-
 vitáte ibi in província, in af-
 flictíone magna sunt, et in
 oppróbrio: et murus Jerúsa-
 lem dissipátus est, et portæ
 ejus combustæ sunt igni. Cum-
 que audissem verba hujuscé-
 modi, sedi, et fleui, et luxi
 diébus multis: jejunábam, et
 orábam ante faciém Dei cœli.
 Et dixi: Obsecro, Dómine,
 sit auris tua adtendens ad ora-
 tionem servórum tuórum, qui
 volunt timére nomen tuum:
 et dirige servum tuum hódie,
 et da ei misericórdiam ante
 virum hunc. Ego enim eram
 pincerna regis. Factum est
 autem in mense Nisan, anno
 vigésimo Artaxerxis regis: et
 vinum erat ante eum, et levávi
 vinum, et dedi regi: et eram
 quasi lánguidus ante faciém
 ejus. Dixitque mihi rex: Qua-
 re vultus tuus tristis est, cum
 te ægrótum non vídeam? Et

dixi regi : Rex, in æternum vive : quare non mœreat vultus meus, quia civitas domus sepulcrorum patris mei deserta est, et portæ ejus combustæ sunt igni? Et ait mihi rex : Pro qua re póstulas? Et orávi Deum cœli, et dixi ad regem : Si vidétur regi bonum, ut mittas me in Judæam, ad civitatem sepulcri patris mei, et ædificábo eam. Et placuit ante vultum regis, et misit me.

R. Deus cœli ipse nos juvat, et nos servi ejus sumus; * Surgámus, et ædificémus. V. In Christo omnis ædificatio constructa crescit in templum sanctum in Dómino. * Surgámus. II. Esdr. 2. Ephes. 2.

Lectio II.

Ex Giussano, et aliis.

CAROLUS, Arónæ in territorio Mediolanensi, nóbili Borromæorum gente natus, a puerítia Clero adscriptus est. Jam ab eo tẽpore patrem enixe rogávit, ne Beneficiorum, quibus donátus fúerat, provéntibus rem familiárem augeret, quorum ipse nactus administratióem, quidquid ex necessariis sumptribus supérerat, expendebat in páuperes. Vicésimum tértium ætatis annum agens, a Pio quarto avúnculo suo in Cardinálium collégium cooptátus, commissæ sibi gravíssima Ecclesiæ negotia summa fide ac religiõe administrávit. Mediolanensis deinde Archiepiscopus creá-

tus, plúrimam óperam adhibuit, ut juxta Concílium Tridentinum, quod ejus potíssimum sollicitúdine jam tum fúerat absolutum, Ecclesiám sibi commissam compóneret. Atque ut Ecclesiásticam disciplínam restitúeret, multas tum Diœcesánas, tum Provinciáles Synodos coëgit. Hæreticos e pártibus Rhætórum ac Helvetiórum indesinenter insectátus, multos eórum fidei Cathólicæ restítuit. Caritátem suam in páuperes donis amplíssimis testátam fecit. Ecclesiásticos proventus, quibus ab avúnculo copiõe fúerat cumulátus, dimísit, iis tantum retentis qui ad quotidíanos usus et egenórum necessitátes suffícere. Quo tẽpore pestis Medioláni grassabátur, domésticam supelléctilem, ne relicto sibi quidem léctulo, in eosdem alendos cóntulit, super nuda in pósterum tábula decumbens : eoque morbo laborantes sèdulo invísens, paterno reficiébat affectu ; et Ecclesiæ Sacramenta própriis ipse má nibus ministrans, mirum in modum solabátur. Humílimis ínterim précibus reconciliátor accédens, pública supplicatiõe indicta, fune sibi ad collum alligáto, nudis pédibus étiam ex offendículo cruentátis, crucem bájulans, semetipsum pro peccátis populi hóstiam ófferens, divínam indignatióem avértere satagebat.

R. Stans inter mórtuos ac

viventes, pro pópulo deprecátus est, * Et plaga cessavit. *Ÿ.* Dixit ad Dóminum : Ver-tátur, óbsecro, manus tua contra me.* Et. *Num. 16. II. Reg. 24.*

Lectio III.

ECCLESIASTICÆ libertátis acérrimus propugnátor fuit. Disciplinæ regulári inter mónachos instaurandæ intentus, cum ex more aliquando in priváto oratório vespere cum familia oráret, a perditíssimo quodam mónacho e congregatióne Humiliatórum, sclopo percussus, divína virtúte servátus est. Vitam duxit aspér-
rimam, corpus domans flagel-
lis, cilício, vigiliis, ac jejúniis, pane tantum et aqua, et solis quandóque lupínis conten-
tus : oratiómem, ac verbi Dei prædicatiómem, gravíssimis licet curis occupátus, nun-
quam intermísit. Multas ec-
clésiās, monastéria, seminá-
ria, collégia ædificávit. Plúri-
ma scripsit præcepta Epísco-
pis potíssimum utilíssima ;
ejusque ópera Parochórum
Catechismus pródiit. Demum
in solitúdinem Varalli mon-
tis, ubi sculptæ imágines Do-
minicæ Passiósni mystéria
éxprimunt, secessit ; ibique
diébus áliquot voluntária cas-
tigatióne, duram, sed suáven
ex Christi dolórum medita-
tióne vitam agens, in febrem
incidit. Mediólánum reversus,
ingravescente morbo, cinere
ac cilício coopertus, et óculis
in Christi imáginem defixis,

migrávit in cœlum, anno ætá-
tis quadragésimo sexto, Chris-
ti millésimo quingentésimo
octogésimo quarto. Quem
miráculis conspícuum Pau-
lus quintus in Sanctórum
númerum adscripsit. Aliquid
ipsíus reliquiárum in seminá-
rio Meldensi, necnon in ec-
clésia archipresbyteráli de
Fonte-Bliaudi, religiósè ser-
vantur.

R. Directus est salus in ma-
nu ejus : lætificábat Jacob in
opéribus suis : * Persecútus
est iníquos, et † Congregávit
pereuntes. *Ÿ.* Potens exhortári
in doctrína sana, et eos qui
contradícunt, argúere,* Per-
secútus. Glória. † Congrega-
vit. *I. Mach. 3. Tit. 1.*

AD LAUDES.

Hymnus. S. M.

QUI tuam Præsul sapiens
subívit,
Ambrosi, sedem; similem
labórem
Et pares curas subit ille
magni
Péctoris hæres.
Ille rectóres populi superbos
Nil timet, solum metuens
Tonantem :
Et pædum simplex vene-
randa regum
Sceptra verentur.
Præsulum cœtus quoties coé-
git,
Scita qui Patrum populis
referret,
Rédderet templis decus, et
profános.

Tolleret usus!
Hic Sacerdotum pietas re-
vixit,

Castitas sacros repetit re-
cessus:

Civitas surgit nova, pristi-
norum

Æmula morum.

Quot Deo condit reparatque
templa,

Atque curandis pia tecta
morbis,

Aut domos sacras, ubi rec-
tor aptos

Format alumnos!

Glandis incussæ caput in ve-
rendum

Plumbææ stridens hebetä-
tur ictus:

Innocens ictus fuit hic su-
perni

Pignus amoris.

Trinitas summo veneranda
cultu,

Fida plebs in te colit unitä-
tem:

Qui pari cura referant pa-
rentem,

Unge ministros. Amen.

✠. Opérui in jejúnio ani-
mam meam; 7). Et pósui ves-
timentum meum cilícium. Ps.
68.

Oratio Brev. Carnot.

DEUS, qui singulári provi-
dentiâ ad restituendam Ecclé-
siæ disciplinam, et emendan-
dos hominum mores, beátum
Carolum suscitasti: da, sacræ
ejus intercessióne, ut sicut
ille, forma factus gregis ex
ánimo, vigili sollicitudine tibi
complacuit; ita et nos zelo
domus tuæ æstuentes, morum

integritate tibi placeamus;
Per Dóminum.

Pro Commem. de Octava,
Oratio Omnipotens, 408.

IN II VESPERIS.

*Hymnus. S. M.**

VIVA lex certam populos re-
gendi

Præstruis formam: docilis
piorum

Ad Patrum mentem regis
universam,

Cárole, plebem.

Dum tuam vastat mala pestis
urbem,

Tristis et vexat populos
egestas;

Tu bonis largus, propriæ-
que nescis

Pærcere vitæ.

Súpplicas votis, lacrymasque
fundis;

Et crucem gestas, crucis
æmulátor,

Pro tuis factus populis opi-
ma

Vítima Pastor.

Urbs tuis debet precibus sa-
lútem:

Sic tuus terris, moritúre
Præsul,

Amplior, solis velut occi-
dentis,

Emicat ardor.

Totreportatis spoliis onustus,
Et tuis dives meritis et or-
bis:

Tu cruci natus, crucis in-
ter ulnas,

Rédderis astris.

Trinitas summo veneranda
cultu,

Fida plebs in te colit unitatem :

Qui pari cura referant parentem

Unge ministros. Amen.

℣. Sion requies mea in seculum seculi; R. Hic habitabo, quoniam elegi eam. Ps. 131.

DIE V.

DE OCTAVA.

Ad Noct. tres Ant. et ℣. e II Nocturno Festi.

Lectio I. Cap. 4.

Ex Libro Nehemiæ.

FACTUM est, cum audisset Sanaballat quod ædificáremus murum, iratus est valde; et motus nimis subsannávit Judæos; et dixit coram fratribus suis, et frequentia Samaritanorum: Quid Judæi faciunt imbecilles? Num dimittent eos gentes? num sacrificábunt, et complébunt in una die? Numquid ædificáre póterunt lapides de acervis pulveris qui combusti sunt. Sed et Tobías Ammanítes próximus ejus, ait: Ædíficient: si ascenderit vulpes, transliet murum eorum lapídeum. Audi, Deus noster, quia facti sumus despectui: converte opprobrium super caput eorum, et da eos in despectiónem in terra captivitátis. Ne opérias iniquitatem eorum, et peccátum eorum coram fácie tua non

deleátur, quia irrisérunt ædificantes.

R. Manus Dei nostri est super omnes, qui quærunt eum in bonitáte; * Et impérium ejus, et fortitúdo ejus, et furor super omnes, qui derelinquunt eum. ℣. Bonus Dóminus sperántibus in eum, animæ quærenti illum; * Et. I. Esdr. 8. Thren. 3.

Lectio II.

FACTUM est autem cum audisset Sanaballat, et Tobías, et Arabes, et Ammanítæ, et Azótii, quod obducta esset cicatrix muri Jerúsalem, et quod cœpissent interrupta conclúdi, irati sunt nimis. Et congregati sunt omnes páriter, ut venírent, et pugnarent contra Jerúsalem, et moli-rentur insídias. Et orávimus Deum nostrum, et posúimus custódes super murum die ac nocte contra eos. Factum est autem, cum audissent inimíci nostri nuntiátum esse nobis, dissipávit Deus consílium eorum; et reversi sumus omnes ad muros, unusquisque ad opus suum. Et factum est a die illa, média pars jú-venum eorum faciébát opus, et média pars erat ad bellum; et lanceæ, et scuta, et arcus et lorícæ, et príncipes post eos in omni domo Juda ædificántium in muro, et portántium ónera, et imponéntium: una manu sua faciébát opus, et áltera tenébat gládium; ædificántium enim unusquis-

que gládio erat accinctus renes. Et ædificabant, et clangébant búccina juxta me.

R. Tu exurgens, Dómine, miseréberis Sion, * Quia tempus miserendi ejus, quia venit tempus. V. Benigne fac, Dómine, in bona voluntáte tua Sion, ut ædificentur muri Jerúsalem, * Quia. *Ps. 101 et 50.*

Lectio III.

Ex Epístola prima sancti Clementis Papæ ad Corinthios. Cap. 35.

QUAM beáta sunt et mirabilia dona Dei, dilecti! vita in immortalitate, splendor in justitia, veritas in libertate. Nos igitur summo studio contendamus in número expectantium eum reperiri, ut participes fiamus donorum repromissorum. Quomodo autem eveniet istud, dilecti? Si mens nostra in Deum fide stabilita fuerit: si placita illi et accepta exquisiverimus: si perfecérimus quæ ad inculpam ejus voluntatem pertinent, et secuti fuerimus viam veritatis; abicientes a nobis omnem injustitiam et iniquitatem, avaritiam, contentiones, malignitates et fraudes, susurros et obtreccionés, ódium Dei, superbiam et ostentationem, inanem gloriam atque amorem vanitatis. Qui enim ista faciunt, odiósi Deo sunt: neque solum qui ea faciunt, sed etiam qui consentiunt illis.

R. Lætatus sum in his quæ

dicta sunt mihi: * In domum Dómini ibimus. V. Quæ sursum sunt quærite; quæ sursum sunt sapite, non quæ super terram; * In. Glória. * In. *Ps. 121. Coloss. 3.*

DIE VI.

DE OCTAVA.

Ad Noct. tres Ant. et V. e III Nocturno Festi.

Lectio I. Cap. 8.

Ex Libro Nehemíæ.

ADTULIT Esdras sacerdos legem coram multitudíne virorum et mulierum, cunctisque qui póterant intelligere, in die prima mensis séptimi. Et legit in eo aperte in plátea quæ erat ante portam aquarum, de mane usque ad médiam diem, in conspectu virorum et mulierum et sapientium: et aures omnis populi erant erectæ ad librum. Et aperuit Esdras librum coram omni populo: super universum quippe populum eminebat: et cum aperuisset eum, stetit omnis populus. Et benedixit Esdras Dómino Deo magno: et respondit omnis populus: Amen, amen: elevans manus suas. Et incurvati sunt, et adoraverunt Deum proni in terram.

R. Congregátus est omnis populus, et dixerunt Esdræ scribæ, ut afferret librum legis Móysi, et legérunt in libro

leges Dei distincte et aperte ad intelligendum; * Et intellexérunt cum legerétur. ¶. Intendébant turbæ his quæ dicebantur, unánimiter audientes. * Et. II. Esdr. 8. Act., 8.

Lectio II. Cap. 13.

IN diébus illis vidi in Juda calcantes torculária in sábbato, portantes omne onus et inferentes in Jerúsalem die sábbati. Et contestátus sum, ut in die qua véndere licéret, vénderent. Et objurgávi optimátes Juda, et dixi eis: Numquid non hæc fecérunt patres nostri, et adduxit Deus noster super nos omne malum hoc, et super civitátem hanc? et vos ádditis iracúndiam super Israel violando sábbatum. Factum est autem, cum quievissent portæ Jerúsalem in die sábbati, dixi: et clausérunt jánuas; et præcépit ut non aperírent eas usque post sábbatum: et de púeris meis constitui super portas, ut nullus inferret onus in dié sábbati. Dixi quoque levítis ut mundarentur, et venírent ad custodiendas portas, et sanctificandam diem sábbati; et pro hoc ergo memento mei, Deus meus, et parce mihi secundum multitudínem miseratiónum tuárum.

℞. In præceptis meis ambulate, iudícia mea custodíte, et * Sábбата mea sanctificáte; ut sint signum inter me et vos, et sciátis quia ego sum Dóminus Deus vester. ¶. Réquies

sábbati sanctificáta est Dómino. * Sábбата. *Ezech. 20. Exod. 16.*

Lectio III.

Ex sancto Joanne Chrysótomo de Martyribus. *Quod aut imitandi, aut non laudandi sunt.*

QUI Sanctórum mérita religiósá caritaté mirátur, quique Justórum glórias frequenti laude collóquitur, eórum mores sanctos atque justítiam imitétur: quóniam quem delectat Sancti alicújus méritum, delectáre debet par circa cultum Dei obséquium. Quare aut imitári debet, si laudat; aut laudáre non debet, si imitári detrectat: ut qui álium laudat, laudábilem se reddat. Nam si propterea justos fidelesque dilígimus, quod in ipsis justítiam fidemque prospícimus, póssumus nos quoque esse quod sunt, si faciámus ipsi quod faciunt. Neque enim difficile nobis est quod ab ipsis géritur imitári, cum sine præcedenti exemplo ab antiquis tália gesta conspícimus. Unde tu, Christiáne, delicátus es miles, si pútas te posse sine pugna vincere, sine certámine triumpháre. Exerce vires, fórtiter dímica, atróeiter in prælio isto concentra. Certámen tuum Dei certámen est: prælium tuum Christi est prælium. Sic dimicárunt, quos dilígere, Christe, consuesti: sic præliáti sunt, quos semper amasti.

℞. Etenim et nobis nuntiátum est quemádmódum et il-

lis; * Festinémus ergo ingredi in illam requiem; ꝥ. Imitatores eorum, qui fide et patientia hæreditabunt promissiones. * Festinémus. Glória. * Festinémus. *Hebr. 4 et 6.*

DIE VII, DE OCTAVA.

Ad Noct. tres Ant. et ꝥ. e I Nocturno Festi.

Lectio I. Lib. II. Cap. I.

Incipiunt Libri Machabæorum.

FRATRIBUS qui sunt per Ægyptum, Judæis, salutem dicunt fratres qui sunt in Ierosolymis, Judæi, et qui in regione Judææ, et pacem bonam. Beneficiat vobis Deus, et meminerit testamenti sui, quod locutus est ad Abraham, et Isaac, et Jacob, servorum suorum fidelium: et det vobis cor omnibus ut colatis eum, et faciatis ejus voluntatem corde magno et animo volenti. Adaptet cor vestrum in lege sua; et in præceptis suis, et faciat pacem. Exaudiat orationes vestras, et reconcilietur vobis, nec vos deserat in tempore malo; et nunc hic sumus orantes pro vobis.

ꝥ. Animæquiiores estote, filii, et proclamate ad Dominum; erit enim memoria vestra ab eo qui duxit vos. * Sicut enim fuit sensus vester, ut

errarétis a Deo; decies tantum iterum convertentes requirétis eum. ꝥ. Numquid Deus repulit populum suum? Absit; * Sicut. *Baruch, 4. Rom. II.*

Lectio II.

Cum in Pérsidem ducerentur patres nostri, sacerdotes, qui tunc cultores Dei erant, acceptum ignem de altari occulte absconderunt in valle, ubi erat puteus altus, et siccus, et in eo contutati sunt eum, ita ut omnibus ignotus esset locus. Cum autem præterissent anni multi, et placuit Deo ut mitteretur Nehemias a rege Pérsidis: nepotes sacerdotum illorum, qui absconderant, misit ad requirendum ignem; et sicut narraverunt nobis, non invenérunt ignem, sed aquam crassam. Et jussit eos haurire et afferre sibi: et sacrificia, quæ impósita erant, jussit sacerdos Nehemias aspergi ipsa aqua, et ligna, et quæ erant superpósita. Utque hoc factum est, et tempus adfuit quo sol refluxit, qui prius erat in núbilo, accensus est ignis magnus, ita ut omnes mirarentur.

ꝥ. Accipe sacrificium, Domine, pro universo populo tuo Israel, et custodi partem tuam, et sanctifica. * Congrega dispersionem nostram: ut sciant Gentes quia tu es Deus noster. ꝥ. Miserere plebi tuæ, super quam invocatum est nomen tuum: * Congrega. *II. Mach. 1. Eccli. 36.*

Lectio III.

Ex sancto Bernardo Abbate
in Festo Omnium Sanctorum.
Serm. 5. n. 10 et 11.

SANE ut beatitudinem nobis sperare liceat, summopere nobis desideranda sunt suffragia Sanctorum: ut quod possibilitas nostra non obtinet, eorum nobis intercessione donetur. Miseremini mei, miseremini mei, saltem vos amici mei. Nostis ipsi periculum nostrum, nostis figmentum nostrum: nostis ignorantiam nostram, et dolos adversariorum: nostis eorum impetus, et nostram fragilitatem. Vobis enim loquor qui in eadem tentatione fuistis; qui eosdem superastis conflictus, eosdem laqueos evasistis; qui didicistis ex his, quæ passi estis, compassionem. Absit, absit a vobis, animæ sanctæ, Ægyptia illa crudelitas pincernæ Pharaonis, qui, in gradum pristinum restitutus, statim oblitus est Joseph sancti, qui in carcere tenebatur. Hæc igitur nostra et Sanctorum coherrentia est, ut nos congratulémur eis, ipsi compatiantur nobis: nos devota meditatione regnemus in eis, ipsi in nobis et pro nobis militent pia interventione.

¶. Mementote præpositorum vestrorum, * Quorum intuentes exitum conversationis, imitâmini fidem. †. Dig-nos nos fecit Deus in partem sortis Sanctorum, * Quorum.

Glória. * Quorum. *Hebr. 13. Coloss. 1.*

Vesperæ de sequenti.

DIE VIII.
OCTAVA

OMNIUM SANCTORUM

17

VENERATIO SS. RELIQUIARUM.

Duplex-majus.

IN I VESPERIS.

Psalmi juxta diem Hebdomadæ, et sic in toto Officio.

Ant. 4. E. Justi quasi virens folium germinabunt, radix justorum non commovebitur. Prov. 11 et 12.

Ant. 6. F. Sit memoria illorum in benedictione; et ossa eorum pullulent de loco suo. Eccli. 46.

Ant. 5. a. Ossa eorum pullulent de loco suo; nam corroboraverunt Jacob, et redemerunt se in fide virtutis. Eccli. 49.

Ant. 2. D. Illi viri misericordiae sunt, quorum pietates non defuerunt; et gloria eorum non derelinquetur. Eccli. 44.

Ant. 1. f. Corpora ipsorum in pace sepulta sunt; et nomen eorum vivit in generationem et generationem. Eccli. 44.

Capitulum. Rom. 8.

SI Spiritus ejus qui suscitâ-

vit Jesum a mórtuis, hábitat
in vobis; qui suscitávit Jesum
Christum a mórtuis, vivificá-
bit et mortália córpora vestra,
propter inhabitantem Spíri-
tum ejus in vobis.

Hymnus. S. V.

Q vos unanimes Christia-
dum chori,
Sanctórum tumulos et ci-
neres patrum,
Dulces exuvias, pínora
Cœlitum,
Lætis dicite cántibus.
Cœlo quando piis æqua labó-
ribus
Felices animæ gáudia pós-
sident,
Pœnárum sociis débíta réd-
ditur
Hic laus et decus óssibus.
Passim sparsa Deus, polliciti
memor,
Custos, ne pereant, pínora
cóllegit;
Electosque suis próvidus
ággerit
Aptandos lapides locis.
Quin et reliquias et tumulos
sibi
Aras ipse Deus cónsecrat
hóstia;
Conjungensque suis se ca-
put ártubus,
Hos secum simul lámolat.
Vos, quorum cineres suppli-
cibus pia,
Tutum præsidium, plebs
colit ósculis;
Si vos nostra movent, sub-
sidium, boni
Vestris ferte cliéntibus;

Ut cum nostra novis spléndi-
da dótibus,
Surget juncta choris spiri-
tuum caro,
Indivísa Trias sit Deus óm-
nia
Nobis semper in ómnibus.
Amen.

✠. Pretiósá in conspectu
Dómini R. Mors Sanctórum
ejus. *Ps. 115.*

Ad Magnificat. Ant. 3. a.
Amodo jam dicit Spíritus, ut
requiescánt a labóribus suis;
ópera enim illórum sequuntur
illos. *Apoc. 14.*

AD COMPLET. Ant. et
Doxologia, ut in die, 410.

AD OFFICIUM NOCT.

Invit. Mirábilem in Sanctis
suis Dóminum,* Veníte, ado-
rémus. *Ps. 67.*

Hymnus, O vos unanimes,
ut in 1 Vesperis.

IN 1 NOCTURNO.

Ant. 4. D. Dixit Deus : Ego
sum qui sum, Deus Abraham,
Deus Isaac, et Deus Jacob :
hoc nomen mihi est in æter-
num. *Exod. 3.*

Ant. 3. a. De manu mortis
liberábo eos : de morte rédi-
mam eos. *Osee, 13.*

Ant. 8. c. Fáciam propter
servos meos, ut non disper-
dam totum; adhuc illis lo-
quéntibus, ego áudiam. *Is.*
65.

✠. Non derelinquet Dómi-
nus Sanctos suos : R. In æter-
num conservabuntur. *Ps. 36.*

*Lectio I. Lib. II. Cap. 2.**Ex Libris Machabæorum.*

INVENITUR in descriptionibus Jeremiæ Prophætæ, quod jussit eos ignem accipere qui transmigrabant; ut significatum est, et ut mandavit transmigratis. Et dedit illis legem ne obliviscerentur præcepta Dómini, et ut non exerrarent mentibus videntes simulácula aurea, et argentea, et ornámenta eórum. Et ália hujusmodi dicens, hortabátur ne legem amovèrent a corde suo. Erat autem in ipsa Scriptúra, quómodo tabernáculum et arcam jussit Prophéta divíno responso ad se facto comitari secum; úsquequo éxiit in montem, in quo Móyses ascendit, et vidit Dei hæreditatem. Et véniens ibi Jeremiás, invénit locum speluncæ, et tabernáculum et arcam, et altáre incensi intulit illuc, et óstium obstruxit. Et accesserunt quidam simul, qui sequebantur, ut notárent sibi locum: et non potuerunt invenire. Ut autem cognóvit Jeremiás, culpans illos dixit: Quod ignótus erit locus, donec congreget Deus congregatióem pópuli, et propítius fiat. Et tunc Dóminus ostendit hæc, et apparébit majestas Dómini, et nubes erit, sicut et Móysi manifestabátur, et sicut cum Sálomon pétiit ut locus sanctificaretur magno Deo, manifestábat hæc.

R. Non dicent ultra: Arca

testamenti Dómini: neque recordabuntur illius, nec fiet ultra. In témpore illo * Vocábunt Jerúsalem Sólium Dómini. Et congregábo eos ab extrémis terræ, et in misericórdia reducam eos: quia factus sum Israel pater. *Y.* Apertum est templum Dei in cælo, et visa est Arca testamenti ejus in templo ejus. * Vocábant. *Jer. 3 et 31. Apoc. 11.*

Lectio II. Lib. I. Cap. 1.

ET factum est, postquam percussit Alexander Philippi Mácedo, qui primus regnavit in Græcia; Dárium regem Persarum et Medorum; constituit prælia multa, et obtinuit ómnium munitiões, et interfecit reges terræ: et pertransiit usque ad fines terræ: et accépit spólia multitudinis Géntium: et síluit terra in conspectu ejus. Et exaltatum est et elevatum cor ejus. Et post hæc decídit in lectum, et cognóvit quia morerétur. Et vocávit púeros suos nobiles, qui secum erant nutriti a juventute: et divísit illis regnum suum, cum adhuc viveret. Et regnavit Alexander annis duódecim, et mórtuus est. Et obtinuerunt púeri ejus regnum, unusquisque in loco suo. Et éxiit ex eis radix peccátrix, Antíochus illustris, fílius Antíochi regis, qui fúerat Romæ obses: et regnavit in anno centésimo trigésimo séptimo regni Græcorum.

R. Glória viri peccatóris,

stercus et vermis est : * Hódie extóllitur, et cras non invenietur. *ŷ.* Quid prodest hómini, si mundum universum lucrétur, ánimæ vero suæ detrimentum patiátur? * Hódie. *I. Mach. 2. Matth. 16.*

luisti templum habitatiónis tuæ fieri in nobis. * Et nunc, Sancte sanctórum, Dómine, conserva in æternum impolútam domum istam. *ŷ.* Christi domus sumus nos. * Et. Glória. * Et. *II. Mach. 14. Hebr. 3.*

Lectio III. Lib. II. Cap. 3.

IGITUR cum sancta civitas habitaretur in omni pace, leges étiam adhuc óptime custodirentur, propter Oniæ Pontíficis pietatem, et ánimos ódio habentes mala, fiebat ut et ipsi reges et principes locum summo honóre dignum dúcerent, et templum máximis munéribus illustrárent, ita ut Seleucus Asiæ rex de redítibus suis præstáret omnes sumptus ad ministérium sacrificiórum pertinentes. Simon autem de tribu Bénjamin præpósitus templi constitútus, contendébat, obsistente sibi príncipe sacerdótum, iniquum áliquid in civitate moliri. Sed cum vincere Oníam non posset, venit ad Apollónium; qui eo témpore erat dux Coelesyriæ, et Phœnicis: et nuntiávit ei, pecúniis innumerabílibus plenum esse ærarium Jerosólymis. Cumque retulisset ad regem Apollónius de pecúniis quæ delátæ erant, ille accítum Heliodórum, qui erat super negótia ejus, misit cum mandátis, ut prædictam pecúniam transportáret.

R. Tu, Dómine universórum, qui nullus indiges, vo-

IN II NOCTURNO.

Ant. 6. c. Dico vobis amíciis meis : Ne terreámini ab iis qui occídunt corpus, et post hæc non habent ámplius quid fáciant. *Luc. 12.*

Ant. 7. b. Nonne quinque pásseres vaneunt dipóndio? et unus ex illis non est in obliuione coram Deo. *Luc. 12.*

Ant. 8. G. Capilli cápitis vestri omnes numeráti sunt : nolíte timére, multis passéribus pluris estis vos. *Luc. 12.*

ŷ. Custódit Dóminus ómnia ossa eórum : *R.* Unum ex his non conterétur. *Ps. 33.*

Lectio IV.

Ex sancto Joanne Chrysóstomo. *Hom. 26. in II. ad Cor. n. 5.*

SEPULCRA Sanctórum qui Crucifixo serviérunt, régias aulas splendóre vincunt, non magnitúdine aut pulchritúdine ædificiórum (nam hac parte illa súperant); sed, quod multo majus est, coeúntium stúdio. Nam et ille qui púrpuram gestat, ad sepulcra illa se confert, ut ea exoseculétur; abjectoque fastu supplex stat, Sanctosque óbseerat, ut ipsi apud Deum

sibi præsidio sint : atque, ut et tentoriórum opíficem, et piscatórem, et quidem fato functos, patrónos hábeat ; præcibus is contendit qui diadémate cinctus est. Ergone, dic quæso, horum dóminum mórtuum dícere audébis, cujus servi, étiam defuncti, eórum qui universo orbi imperant, patróni sunt? Atque id non Romæ solum fieri quispiam víderit, sed étiam Constantinópolis. Nam et hic quoque Constantinum Magnum filius ita demum ingenti honóre se affectúrum existimávit, si eum in piscatóris vestibulo cónderet. Quodque Imperatóribus sunt in aulis janitóres, hoc in sepulcro piscatóribus sunt Imperatóres.

R. Amen, amen dico vobis : qui credit in me, ópera quæ ego fácio et ipse fáciat, et maióra horum fáciat : * Et quodcumque petiéritis Patrem in nómine meo, hoc fáciat. *Ÿ.* Dabo vos in nomen, et in laudem ómnibus pópulis terræ : * Et. *Joan. 14. Sophon. 3.*

Lectio V.

QUOD si cum Imperatóriis aulis hæc sepulcra conferre líbeat, penes hæc rursus victória futura est. Illic enim multi sunt, qui turbam submóveant : hic contra multi qui invísent, atque et dívites, et páuperes, et viros, et féminas, et servos ac líberos ádtrahant. Illic ingens terror : hic lætítia inenarrábilis. At

dulce spectáculum est Imperatórem auro amictum, et coróna redímítum vídere adstantesque bélicos duces, præfectos, tribúnos, centuriónes, prætores? Verum hæc ádeo illis augustióra magisque tremenda sunt, ut præ istis illa scena quædam ac merus ludus censéri possint. Simul enim atque límina transilíeris, locus ipse mentem ad cælum, ad supernum Regem, ad Angelórum exércitum, ad sublíme illud sólium, ad inaccessam glóriam transmittit.

R. Per manus Apostolórum fiébant prodígia, ita ut in pláteas ejícèrent infirmos, ut, veniente Petro, saltem umbra illíus obumbráret quemquam illórum : * Qui curabantur omnes. *Ÿ.* Misericórdia tua, Dómine, advéniens sanábat illos : * Qui. *Act. 5. Sap. 16.*

Lectio VI.

SANCTORUM ossa dæmones sistunt et excrúciant, acerbissimisque vínculis eos qui adstricti sunt, solvunt. Quid hoc tribunáli terribílius fingi potest? Cum nemo cernátur, nemo dæmonis láteri incumbat, voces et dilaceratiónes, vérbera et cruciátus, lingue conflagrantes audiuntur, dæmone admirábilem poténtiam mínime ferente. Atque isti qui córpora gestárun, virtútes córpore vacantes súperant : pulvisque, et ossa, et cinis natúras illas invisibiles dilácerant. Ideo nemo est

qui peregrinationem unquam inire sustineat, ut Imperatorum aulas videat: contra multi plerumque Imperatores peregre profecti sunt, ut hoc spectáculo fruerentur. Siquidem sanctorum Mátyrum templa futuri iudicii vestigia et signa exhibent, dum demones flagris cæduntur, hominesque castigantur et liberantur. Viden' quæ Sanctorum, etiam vita functorum, vis sit?

R. Virtutes non quaslibet faciebat Deus per manum Pauli, ita ut super languidos deferrentur a corpore ejus sudaria et semicinctia; * Et † Recedebant ab eis languores, et spiritus nequam egrediebantur. ✕. Quis similis tui, Domine, magnificus in sanctitate, faciens mirabilia! Extendisti manum tuam; * Et recedebant. Glória. † Recedebant. *Act. 19. Exod. 15.*

IN III NOCTURNO.

Ant. 2. D. Ossa arida, audite verbum Domini. *Ezech. 37.*

Ant. 1. a. Dicit Dominus Deus ossibus his: Ecce ego intromittam in vos spiritum, et vivetis. *Ezech. 37.*

Ant. 5. a. Dabo super vos nervos, et succrescere faciam super vos carnes, et superextendam in vobis cutem; et dabo vobis spiritum, et vivetis. *Ezech. 37.*

✕. Audisti meo dabis gaudium et lætítiam; R. Et exultabunt ossa humiliata.

Autumnalis.

Lectio VII.

Ex sancto Hieronymo Presbytero adversus Vigilantium. *Epist. 37.*

DO LET Vigilantius Mátyrum Reliquias pretioso operiri velamine, et non vel panis, vel cilicio colligari, vel projici in sterquilinum. Ergo sacrilegi sumus, quando Apostolorum Basilicas ingredimur? Sacrilegus fuit Constantinus Imperator qui sanctas Reliquias Andréæ, Lucæ, et Timothei transtulit Constantinopolim, apud quos demones rugiunt, et illorum se sentire præsentiam confitentur? Omnes Episcopi non solum sacrilegi, sed et fatui judicandi, qui rem vilissimam, et cineres dissolutos, in serico et vase aureo portaverunt? Male facit ergo Romanus Episcopus, qui super mortuorum hominum Petri et Pauli, secundum nos, ossa veneranda, secundum te vilem pulvisculum, offert Domino sacrificia, et tumulos eorum Christi arbitratur altaria? Et non solum unius urbis, sed totius orbis errant Episcopi, qui Vigilantium contemnentes, ingrediuntur Basilicas mortuorum, in quibus pulvis vilissimus, et favilla nescio quæ jacet linteamine convoluta, ut polluta omnia polluant? O portentum in terras ultimas deportandum!

R. Multi de his qui dormiunt in terræ pulvere, * Evi-

gilábunt in vitam æternam, et fulgébunt quasi splendor firmamenti et quasi stellæ in perpétuas æternitátes. ¶ Quia resurgant mórtui, Móyses dicit, Deum Abraham, et Deum Isaac, et Deum Jacob; Deus autem non est mortuórum, sed vivórum. * Evigilábunt. *Dan. 12. Luc. 20.*

Lectio VIII.

DICIS in libello tuo, quod dum vívimus, mútuo pro nobis oráre póssumus; postquam autem mórtui fuérimus, nullus sit pro álio exaudienda orátio; præsertim cum Mártyres ultiónem sui ságuinis obsecrantes impetráre non quíverint. Si Apóstoli et Mártyres adhuc in corpore constitúti possunt oráre pro céteris, quando pro se adhuc debent esse solliciti; quanto magis post corónas, victórias et triumphos? Unus homo Móyses sexcentis míllibus armatórum impetrat a Deo véniam; et Stéphanus imitátor Dómini sui, et primus Martyr in Christo, pro persecutóribus véniam deprecátur: et postquam cum Christo esse cœperint, minus valébunt? Paulus Apóstolus ducentas septuaginta sex sibi dicit in naví ánimas condonátas: et postquam resolutus esse cœperit cum Christo, tunc ora clausurus est; et pro iis qui in toto orbe ad suum evangélium credidérunt, mutíre non póterit?

¶. Ecce ego apériam túmulos vestros, et edúcam vos de sepulcris vestris, pópulus meus; * Et sciétis quia ego Dóminus locútus sum, et feci. ¶. Ego sum resurréctio et vita, qui credit in me, etiamsi mórtuus fuérit, vivet; * Et sciétis. *Ezech. 37. Joan. 11.*

Lectio IX. Cap. 20.

Léctio sancti Evangélíi secundum Lucam.

Corporum resurrectio adseritur.

IN illo témpore; Accessérunt quidam Sadducæórum, qui negant esse resurrecciónem. Et réliqua.

Homília sancti Ephrem Diáconi. *Ex Encóm. in Mart.*

MARTYRES mórtui tanquam viventes operantur: ægrótos sanant, dæmones expellunt, omnemque tyránnidis ipsórum nequítiam virtúte Dómini in fugam agunt. Semper enim sanctis Relíquiis grátia adest Spíritus sancti, quæ cuncta in eis mirácula edit; quóniam viríliter Christum coram homínibus in magna patiéntia confessi sunt. Quare et ipse eos coram Patre et Angelis suis prædicávit, promisitque eis bona illa quæ óculus non vídit, nec aurís audívit, neque in cor hóminis mortális venérunt, et in quæ Angeli prospícere désiderant. Et quid ámplius hic sermóne pèrsequi atque explicáre vó-

Iam? Cohæredes ipse sibi eos effecit.

R. Ego consolabor vos : videbitis, et gaudébit cor vestrum, * Et ossa vestra quasi herba germinábunt, et † Cognoscétur manus Dómini servis ejus. † Mors ultra non erit; neque luctus, neque clamor, neque dolor erit ultra; * Et. Glória. † Cognoscétur. *Is. 66. Apoc. 21.*

AD LAUDES.

Ant. 3. c. Vidi subtus altáre ánimas interfectórum propter verbum Dei, et propter testimonium quod habébant. *Apoc. 6.*

Ant. 7. d. Clamábant voce magna, dicentes : Usquequo, Dómine, sanctus et verus, non júdicas, et non vindicas sanguinem nostrum? *Apoc. 6.*

Ant. 2. D. Datæ sunt illis singulæ stolæ albæ, et dictum est illis ut requiescerent adhuc tempus módicum, donec compleantur conservi eórum. *Apoc. 6.*

Canticum Allelúia, ut in die, 407.

Ant. 1. a. Hi sunt ante thronum Dei, et sérviant ei die ac nocte in templo ejus; et qui sedet in throno, habitábit super illos. *Apoc. 7.*

Ant. 8. G. Agnus qui in medio throni est, reget illos, et dedáctet eos ad vitæ fontes aquárum; et absterget Deus omnem lácrymam ab óculis eórum. *Apoc. 7.*

Capitulum. Is. 26.

ECCË Dóminus egrediétur de loco suo, ut vísitet iniquitatem habitatóris terræ contra eum; et revelábit terra sanguinem suum, et non opéret ultra interfectos suos.

Hymnus. S. M.

ADESTË, Sancti, plúrimo
Dum thure, vestra dum piis
Coluntur ossa rítibus,
Votis favéte supplicum.

Non illa, quanquam trístibus
Imum redacta in púlverem
Dudum sepulcris squáleant,
Divína virtus désérit.

Sed sancta præsentí fovet
Impletque templa Númine,
Sed et futúre Spíritus
Post seola servat glóriæ.

Hinc ille qui nostris latet
Cinis sub arís cónditus,
Ægris medétur éfficax,
Torquet fugatque dæmones.

¶ Sit laus Patri; laus Fílio,
Qui dat resurgendi fidem;
Quo templa nos sumus tui,
Par sit tibi laus, Spíritus.

Amen.

†. Exsultábunt Sancti in glória; R. Lætábuntur in cubílibus suis. *Ps. 149.*

Ad Benedictus. Ant. 1. D. Vident mórtui, Israel; interfecti mei resurgent: expérgiscimini et laudáte, qui habitátis in púlvere, allelúia. *Is. 26.*

Oratio Brev. Paris.

AUGË in nobis, Dómine, resurrectionis fidem, qui in Sanctorum tuorum Reliquiis

mirabilia operáris : et fac nos immortalis glóriæ partícipes, cujus in eórum cinéribus pignora venerámur; Per Dóminum.

Si occurrat Dominica, de ea fit Commem.

AD HORAS, Doxologia, ¶ Sit laus, ut supra, ad Laudes.

AD PRIMAM.

Ant. 3. c. Vidi.

*In R. br. ¶. Qui es * resurrectio et vita. Joan. 11.*

AD TERTIAM.

Ant. 7. d. Clamábant.

Capitulum. Rom. 8.

SCIMUS quod omnis creatúra ingemiscit, et párturit usque adhuc; non solum autem illa, sed et nos ipsi, primítias Spíritus habentes : et ipsi intra nos géminus, adoptiónem filiórum Dei exspectantes, redemptionem corporis nostri.

*R. br. Oculi Dómini * super metuentes eum; * Allelúia, allelúia. Oculi. ¶. Ut éruat a morte * ánimas eórum; * Allelúia. Glória. Oculi. Ps. 32.*

¶. Apud te, Dómine, est fons vitæ; R. Et in lúmine tuo videbimus lumen. Ps. 35.

AD SEXTAM.

Ant. 2. D. Datæ sunt.

Capitulum. Coloss. 3.

MORTUI estis, et vita vestra est abscondita cum Christo in Deo. Cum Christus apparé-

rit, vita vestra, tunc et vos apparébitis cum ipso in glória.

*R. br. Quam magna multitúdo dulcédinis tuæ, * quam abscondisti tíméntibus te! * Allelúia, allelúia. Quam magna. ¶. Perfecisti eis * qui sperant in te; * Allelúia. Glória. Quam magna. Ps. 30.*

¶. Non discédimus a te : vivificábis nos, R. Et nomen tuum invocábimus. Ps. 79.

AD NONAM.

Ant. 8. G. Agnus.

Capitulum. Philip. 3.

NOSTRA conversatio in cœlis est, unde étiam Salvatórem exspectámus Dóminum nostrum Jesum Christum, qui reformábit corpus humilitátis nostræ, configurátum córpori claritátis suæ.

*R. br. Ambulábunt, Dómine, * in lúmine vultus tui; * Allelúia, allelúia. Ambulábunt. ¶. In nómine tuo * exultábunt; * Allelúia. Glória. Ambulábunt. Ps. 88.*

¶. In æternum exultábunt, R. Et habitábis in eis. Ps. 5.

AD II VESPERAS.

Ant. 1. D. Fidélis sermo : Si commórtui sumus Christo, et convivémus : si sustinébimus et conregnábimus. II. Tim. 2.

Ant. 6. F. In ómnibus tribulationem pátimur, semper mortificationem Jesu in córpore nostro circumferentes ;

ut et vita Jesu manifestétur in corpóribus nostris. *II. Cor. 4.*

Ant. 2. D. Habentes eundem spíritum fidei, et nos crédimus; scientes quóniam qui suscitávit Jesum, et nos cum Jesu suscitábit. *II. Cor. 4.*

Ant. 4. E. Vivificábit nos Dóminus, suscitábit nos; et vivémus in conspectu ejus. *Osee, 6.*

Ant. 7. G. Cum mortále hoc induerit immortalitatem, tunc fiet sermo qui scriptus est: Absorpta est mors in victória. *I. Cor. 15.*

Capitulum. I. Cor. 15.

SEMINATUR in corruptione,

surget in incorruptione: seminatur in ignobilitate, surget in gloria: seminatur in infirmitate, surget in virtute: seminatur corpus animale, surget corpus spiritale.

Hymnus, O vos unanimes, ut in I Vesperis, 429.

✠. Transivimus per ignem et aquam; R. Et eduxisti nos in refrigerium. *Ps. 65.*

Ad Magnificat. Ant. 5. C. Cum a mortuis resurrexerint, sunt sicut Angeli in cœlis; neque enim ultra mori poterunt: et filii sunt Dei, cum sint filii resurrectionis, alleluia. *Marc. 12. Luc. 20.*

AD COMPLET. Ant. et Doxologia, ut in die, 410.

DOMINICA

POST OCTAVAM OMNIUM SANCTORUM

CELEBRATUR ANNIVERSARIUS DIES

DÉDICATIONIS

OMNIUM ECCLESiarUM DIOECESIS MELDENSIS.

SOLEMNE-MAJUS.

IN I VESPERIS.

Psalmi de Sabbato.

Ant. 1. D. Cérnitis quod Dóminus Deus vester vobiscum sit: præbéte ígitur corda

vestra, ut quærátis Dóminum; et consúrgite, et ædificáte sanctuárium Dómino.

I. Par. 22.

Ant. 7. d. Domus quam ædificári volo Dómino, talis

esse debet, ut in cunctis regionibus nominetur: præparabo ergo ei necessaria. *I. Par. 22.*

Ant. 5. C. Magnus est Deus noster super omnes deos: quis ergo poterit prævalere, ut ædificet dignam Deo domum? *II. Par. 2.*

Ant. 6. C. Si cælum et cœli cœlorum capere eum nequeunt, quantus ego sum, ut possim ædificare ei domum? *II. Par. 2.*

Ant. 3. a. Dominus Deus cœli ipsi præcepit mihi ut ædificarem ei domum. *I. Esdr. 1.*

Capitulum. Agg. 1.

HÆC dicit Dominus exercituum: Pónite corda vestra super vias vestras: ascéndite in montem, portáte ligna, et ædificáte domum; et acceptábilis mihi erit, et glorificábor, dicit Dominus.

R. Cuncta, Dómine, quæ in cœlo sunt et in terra, tua sunt; et quæ de manu tua acceperimus, dedimus tibi: * Dómine Deus noster, † Omnis hæc cópia quam parávimus, ut ædificarétur domus nómini sancto tuo, de manu tua est. *¶. Quis prior Dómino dedit, et retribuétur ei? Ex ipso sunt ómnia: ipsi glória in sécula. * Dómine. Glória. † Omnis. I. Par. 29. Rom. 11.*

Hymnus, Ecce sedes, ut infra in II Vesperis, 447.

¶. Fundátur exsultatióne universæ terræ mons Sion:

R. Deus in dómibus ejus cognoscétur. *Ps. 47.*

Ad Magnificat. Ant. 4. D. Domus mea ædificábitur in Jerúsalem; et consolábitur adhuc Dóminus Sion, et éliget adhuc Jerúsalem. *Zach. 1.*

AD COMPLET. Ps. de Sabato, Ant. et Doxologia ut cras, 448.

AD OFFICIUM NOCT.

Invit. Dóminum in templo sancto suo, * Veníte, adorémus. *Habac. 2.*

Hymnus. Guieti.

PATRIS æterni Soboles coæva,
Dum tuæ sacros pia plebs
honóres

Ædis instaurat, Deus alme,
nostris,

Annue votis.

Hic sacri fontis latices ab ortu
Inditi purgant maculam reátus:

Hic et infúsum nova membra Christo

Chrisma coaptat.

Hic sua pascit populos fidéles
Carne, qui mundi scelus
omne tollit

Agnus, et fusi pretium
crúoris

Ipse propínat.

Hic salus ægris animis parátur:

Hic reos judex facilis relaxat,

Atque lethálem redíviva
pellit

Grátia culpam.

Cujus in cœlo thronus est
perennis,

Incolit parvam Deus altus
ædem :

Hic adorátor sibi quisque
sedem

Præparat astris.

Nullus hanc turbo quatit,
irruentis

Nulla vis nimbi, rapidæ
fluctus :

Cedit hanc contra furor in-
ferórum

Irritus omnis.

Laus Deo, virtus, honor et
potestas

Una sit Patri, parilique
Proli :

Par sit ambórum tibi nexus
omni,

Spiritus, ævo. Amen.

IN I NOCTURNO.

In Ps. Verba mea, 64.

*Ant. 6. F. Ædificávit Noe
altáre Dómino; et obtulit ho-
locausta super altáre; odora-
tusque est Dóminus odórem
suavitátis. Gen. 8.*

In Ps. Dómini est terra, 45.

*Ant. 7. d. Erexit Jacob lá-
pidem in títulum, fundens
óleum désuper, dicens : Erit
mihi Dóminus in Deum, et
lapis iste vocábitur Domus
Dei. Gen. 28.*

*In Ps. Júdica me, Dómine,
50.*

*Ant. 2. D. Móyses taberná-
culum erexit, unxitque, et
sanctificávit cum ómnibus va-
sis suis, altáre similiter, et
omnia vasa ejus. Num. 7.*

✠. Dómine, dilexi decórem
domus tuæ, R. Et locum ha-
bitatiónis glóriæ tuæ. *Ps. 25.*

Lectio I. Cap. 7.

Ex Libro secundo Paralipómenon.

CUM complisset Sálomon fundens preces, ignis descendit de cœlo, et devorávit holocausta et víctimas : et inajestas Dómini implévit domum. Nec póterant sacerdotes ingredi templum Dómini, eo quod impleset majestas Dómini templum Dómini. Sed et omnes filii Israel vidébant descendentem ignem, et glóriam Dómini super domum : et corruentes proni in terram super pavementum stratum lápide adoráverunt, et laudáverunt Dóminum : Quóniam bonus, quóniam in séculum misericórdia ejus. Rex autem et omnis pópulus immolábant víctimas coram Dómino.

R. Sicut Móyses orábat ad Dóminum, et descendit ignis de cœlo ; * Sic et Sálomon orávit, et descendit ignis de cœlo, et consumpsit holocaustum. ✠. Benedixerunt Móyses et Aaron pópulo, et ecce egressus ignis a Dómino devorávit holocaustum.* Sic. *II. Mach. 2. Levit. 9.*

Lectio II.

SACERDOTES autem stabant in officiis suis; et levítæ in órganis carminum Dómini, quæ fecit David rex ad laudandum Dóminum : Quóniam in æternum misericórdia ejus, hymnos David canentes per-

manus suas: porro sacerdotes canébant tubis ante eos, cunctusque Israel stabat. Sanctificávit quoque Sálomon médium átrii ante templum Dómini; obtúlerat enim ibi holocausta et ádipes pacificórum: quia altáre æneum, quod fécerat, non póterat sustinére holocausta, et sacrificia, et ádipes. Fecit ergo Sálomon solemnitétem in témpore illo septem diébus, et omnis Israel cum eo, ecclésia magna valde, ab intróitu Emath usque ad Torrentem Ægypti: fecitque die octávo collectam.

R. Móyses tabernáculum et ómnia vasa ministérii aspersit, et ómnia pene in ságuine secundum legem mundantur: * Necesse est ergo exemplária quidem cœléstium his mundári: ipsa autem cœléstia melióribus hóstiis, quam istis. V. Tulit Móyses unctiónis óleum, quo linívit tabernáculum cum omni supelléctili sua: óbtulit et vítulum pro peccáto. * Necesse. *Hebr. 9. Levit. 8.*

Lectio III.

APPARUIT autem ei Dóminus nocte, et ait: Audívi oratió-
nem tuam, et elégi locum istum mihi in domum sacrificii. Si cláusero cœlum, et plúvia non flúxerit, et mandávero et præcépero locustæ ut dévoret terram, et mísero pestiléntiam in pópulum meum; conversus autem pópulus meus, super quos invocátum est no-

men meum, deprecátus me fúerit, et exquisierit faciém meam, et égerit pœniténtiam a viis suis péssimis: et ego exáudiam de cœlo, et propítius ero peccátis eórum, et sanábo terram eórum. Oculi quoque mei erunt aperti, et aures meæ erectæ ad oratió-
nem ejus qui in loco isto orá-
verit. Elégi enim et sanctificá-
vi locum istum, ut sit nomen
meum ibi in sempiternum, et
permáneant óculi mei, et cor
meum ibi cunctis diébus.

R. Si duo ex vobis consénserint super terram, de omni re quamcumque petserint, fiet illis a Patre meo qui in cœlis est. * Ubi enim sunt duo vel tres congregáti in nómine meo, ibi sum in médio eórum. V. Oculi mei erunt aperti, et aures meæ erectæ ad oratió-
nem ejus qui in loco isto orá-
verit. * Ubi. Glória. * Ubi.
Matth. 18. II. Par. 7.

IN II NOCTURNO.

In Ps. Afferte Dómino, 118.

*Ant. 1. f. Construxérunt, jubente Deo, domum Dei filii transmigratiónis, et fecérunt Dedicatió-
nem in gáudio. I. Esdr. 6.*

In Ps. Deus noster, 120.

Ant. 7. a. Elégi Judas sacerdotés sine mácula, et mundavérunt sancta, et ædificavérunt altáre novum. I. Mach. 4.

In Ps. Magnus Dóminus, 121.

Ant. 4. f. Ergone credsbile est, ut hábitet Deus cum homínibus super terram? II. Par. 6.

✠. In nóctibus extóllite manus vestras in sancta, R. Et benedícite Dóminum. *Ps.* 133.

Lectio IV.

Ex sancto Beda Presbytero.
Hom. in Joan. Cap. 10.

SI Dei Fílius ambuláre vóluit in templo, in quo caro et sanguis brutórum animálium offerebátur; multo magis nostram oratiónis domum, ubi carnis ipsíus ac ságuinis sacramenta celebrantur, visitáre gaudébit. Si perambuláre non despexit pórticum in qua rex quondam mortális ac terrénus, quamvis potentíssimus ac sapientíssimus, ad orandum stare solébat; quanto magis penetrália córdium nostrórum invísere atque illustráre desíderat: si tamen ea pórticum esse Salómonis, hoc est, si ea timórem suum, quæ est iníitium sapiéntiæ, habére perspéxerit? Neque enim putandum est, quia domus solúmmodo in qua ad orandum, vel ad mystéria celebranda convenímus, templum sit Dómini; et non ipsi qui in nómine Dómini convenímus, multo ámplius templum ejus appellémur et simus; cum manifeste dicat Apóstolus: Vos estis templum Dei vivi.

R. Tu, Dómine universórum, voluisti templum habitatiónis tuæ fíeri in nobis; * Et nunc, Sancte sanctórum Dómine, conserva in æternum impollútam domum istam.

✠. Si quis templum Dei violáverit, disperdet illum Deus,

Autumnalis.

templum enim Dei sanctum est, quod estis vos: * Et. *II. Mach. 14. 1. Cor. 3.*

Lectio V.

Ex sancto Augustíno Epíscopo in Dedicatióne. *Serm. 336.*

CELEBRITAS hujus congregatiónis, dedicatio est domus oratiónis. Domus ergo nostrárum oratiónum, ista est; domus Dei, nos ipsi, nos in hoc século ædificámur, ut in fine século dedicémur. Ædificium, immo ædificatio habet labórem, dedicatio exultatiónem. Quod hic fiébat, quando ista surgébant; hoc fit modo, cum congregantur credentes in Christum. Credendo enim, quasi de sylvis et móntibus ligna et lápidés præciduntur. Cum vero catechizantur, baptizantur, formantur; tanquam inter manus fabrórum et opíficum dolantur, collineantur, complanantur.

R. Superædificáti estis super fundamentum Apostolórum et Prophetárum, * Ipso summo angulári lápide Christo Jesu, in quo et vos coædificámini in habitáculum Dei in Spíritu. ✠. Vos estis templum Dei vivi, sicut dicit Deus, * Ipso. *Ephes. 2. 1. Cor. 6.*

Lectio VI.

VERUMTAMEN domum Dómini non fáciunt, nisi quando caritáte compaginantur. Ligna ista et lápidés si non

sibi certo ordine cohærérent, si non se invicem, cohærendo sibi, quodam modo amarent, nemo huc intrâret. Quando vides in aliqua fábrica lapides et ligna bene sibi cohærére, securus intras, ruïnâ non times. Volens ergo Dominus Christus intrâre, et in nobis habitâre, tanquam ædificando dicebat: Mandatum novum do vobis, ut vos invicem diligatis. Novum, inquit, veteres enim eratis, domum mihi nondum faciebatis, in vestra ruïna jacebatis. Ergo ut eruamini de vestræ ruïnæ vetustate, vos invicem amate.

℟. Beati qui habitant in domo tua, Domine, * In sæcula seculorum laudabunt te. *℣.* Caritate fraternitatis invicem diligentes; spiritu ferventes, Domino servientes, * In. Glória. * In. *Ps.* 83. *Rom.* 12.

IN III NOCTURNO.

In Ps. Te decet hymnus, 65.

Ant. 1. *g.* Tu, Domine, elegisti domum istam ad invocandum nomen tuum in ea; ut esset domus orationis et obsecrationis populo tuo. *I. Mach.* 7.

In Ps. Quam dilecta, 86.

Ant. 6. F. Quicumque oraverit in loco isto, exaudi de habitaculo tuo, id est de cælis, et propitiare. *II. Par.* 6.

In Ps. Fundamenta, 121.

Ant. 3. *c.* Tu es Deus meus: aperiantur, quæso, oculi tui; et aures tuæ intentæ sint ad orationem, quæ fit in loco isto. *II. Par.* 6.

℣. Exaudi, Domine, vocem deprecationis meæ; *℟.* Dum extollo manus meas ad templum sanctum tuum. *Ps.* 27.

Lectio VII.

Ex sancto Bernardo Abbaté de Dedicatõe. *Serm.* 1. *n.* 1 et 3.

FESTIVITAS hodierna, fratres, tanto nobis debet esse devotior, quanto familiarior est. Nam ceteras quidem Sanctorum solemnitates cum Ecclesiis aliis habemus communes: hæc vero sic nobis est propria, ut necesse sit, vel a nobis eam, vel a nemine, celebrari. Nostra est, quia de Ecclesia nostra: magis autem nostra, quia de nobis ipsis. Miramini forsitan et erubescitis celebrari festa de vobis: sed quid lapides isti potuerunt sanctitatis habere, ut eorum sollemnia celebremus? Habent utique sanctitatem, sed propter corpora vestra. An vero corpora vestra sancta esse quis dubitet, quæ templum sancti Spiritus sunt, ut sciat unusquisque possidere vas suum in sanctificatione? Itaque sanctæ sunt animæ propter inhabitantem Spiritum Dei in vobis; sancta sunt corpora propter animas; sancta est etiam propter corpora domus. Vestra est igitur, fratres carissimi, vestra est hodierna festivitas; videte si non dignum sit ut festum agamus diem quo nos adsumpsit in proprios sicut ipse jam olim promiserat: Ego, inquam, in

médio eórum ero eórum Deus. Nos autem pópulus et oves páscuæ ejus.

¶ Det vobis Deus Christum habitare per fidem in córdibus vestris : * In caritate radicáti et fundáti, ut impleámini in omnem plenitúdinem Dei. ¶ In ipso ambuláte superædificáti in ipso, et confirmáti fide ; * In caritate. *Ephes. 3. Coloss. 2.*

Lectio VIII.

Ex sancto Cæsário Episcopo, in Dedicatióne. *Serm. 229.*

QUOTIESCUMQUE, fratres caríssimi, templi festivitátem cólimus ; si fidéliter ac diligenter adténdimus, et sancte ac juste vívimus, quidquid in templis manufactis ágitur, totum in nobis spiritali ædificatióne complétur ; non enim mentíus est ille qui dixit : Templum enim Dei sanctum est, quod estis vos ; et iterum : Nescitis quia cörpera vestra templum sunt Spíritus sancti qui in vobis est ? et ideo, fratres caríssimi, quia nullis præcedéntibus méritis, per grátiam Dei merúimus fieri templum Dei ; quantum pòssumus, cum ipsíus adjutório laborémus, ne Dóminus noster, in templo suo, hoc est, in nobis ipsis, invéniat quod óculos suæ majestátis offendat. Sed habitaculum cordis nostri evacuétur vítiis et virtútibus repleátur, claudátur diabolo et aperiátur Christo.

¶ Ponam tabernáculum

meum in médio vestri, et non abjiciet vos ánima mea : ambulábo inter vos, * Et ero Deus vester, vosque éritis pópulus meus. ¶ Nolíte contamináre ánimas vestras ; sancti estóte, quia ego sanctus sum. * Et. *Levit. 26 et 11.*

Lectio IX. Cap. 21.

Lectio sancti Evangélíi secundum Matthæum.

Jesus vendentes et ementes in templo ejiciens.

IN illo témpore ; Cum intrasset Jesus Jerosólymam, com móta est universa civitas, dicens : Quis est hic ? Pópuli autem dicébant : Hic est Jesus Prophéta a Náza-reth Galilææ. Et intrávit Jesus in templum Dei. Et reliqua.

Homília sancti Basílii Episcopi. *In Ps. 28. n. 7.*

IN templo adstant sancti Angeli : adest Dóminus, qui ánimum ingrediéntium intuétur. Preces uniuscujusque manifestæ Deo sunt, quis ex affectu, quis scite exquirat cœlestia, quis perfunctorie et extrémis labris verba pronúntiet, cor vero ipsíus procul a Deo sit. Creatura omnis tum silens, tum cœlestis, tum terréna dat glóriam conditóri. Miserábiles vero hómines, postquam, ædibus suis relictis, ad templum concurrérunt, quasi quídpian consecutóri emolumenti, tamen Dei verbis aures non præbent : suam ipsórum natúram non séntiunt : præ-

occupáti peccáto, non affliguntur : non moerent dum reminiscuntur peccatórum : non timent iudícium ; sed arridentes, et inter se jungentes dexteras, precationis domum in locum immódicæ loquacitátis vertunt.

R. Veri adoratóres adorábunt Patrem in spíritu et veritate ; * Nam et † Pater tales quærit qui adórent eum. ✠. Spíritus est Deus ; et eos qui adorant eum, in spíritu et veritate oportet adorare : * Nam. Glória. † Pater. *Joan. 4.*

AD LAUDES.

Psalmi de Dominica.

Ant. 3. a. Domus Dei est Ecclesia Dei vivi, columna et firmamentum veritátis. *I. Tim. 3.*

Ant. 4. E. Christi domus sumus nos, si fidúciā et glóriā spei usque ad finem, firmam retineamus. *Hebr. 3.*

Ant. 8. c. Ad Dóminum accedentes, lápidem vivum et electum, et ipsi tanquam lápides vivi superædificámini, domus spirituális. *I. Petr. 2.*

Canticum. Tob. 13.

JERUSALEM civitas Dei, luce spléndida fulgébis, * et omnes fines terræ adorábunt te.

Natiónes ex longinquo ad te vénient : et múnera deferentes adorábunt in te Dóminum, * et terram tuam in sanctificatiónem habébunt ;

Nomen enim magnum * invocábunt in te.

Maledicti erunt qui contempserint te ; et condemnati erunt omnes qui blasphemaverint te ; * benedictique erunt qui ædificáverint te.

Tu autem lætaberis in filiis tuis ; * quóniam omnes benedicentur et congregabuntur ad Dóminum.

Beati omnes qui diligunt te, * et qui gaudent super pace tua.

Anima mea, benedic Dóminum ; * quóniam liberávit Jerúsalem civitatem suam a cunctis tribulationibus ejus Dóminus Deus noster.

Beatus ero si fuerint reliquiae séminis mei * ad videndam claritatem Jerúsalem.

Portæ Jerúsalem ex sapphíro et smaragdo ædificabuntur ; * et ex lapide pretioso omnis circúitus murórum ejus.

Ex lapide cándido et mundo omnes plátæ ejus stentur : * et per vicos ejus, Allelúia cantábitur.

Benedictus Dóminus qui exaltávit eam ; * et sit regnum ejus in sécula seculórum super eam. Amen.

Ant. 5. a. Omnis ædificatio constructa in Christo Jesu, crescit in templum sanctum in Dómino ; in quo et vos coædificámini in habitáculum Dei in spíritu. *Ephes. 2.*

Ant. 1. a. Dei ædificatio estis, fundamentum pósui : unusquisque vídeat quómodo superædificet ; fundamentum enim Christus Jesus. *I. Cor. 3.*

Capitulum. I. Cor. 6.

AN nescitis quóniam membra vestra templum sunt Spíritus sancti qui in vobis est, quem habétis a Deo, et non estis vestri? Empti enim estis pretio magno: glorificáte et portáte Deum in corpore vestro.

Hymnus. B.

URBS beáta, vera pacis
Vísio, Jerúsalem,
Quanta surgit! celsa saxis
Cónditur vivéntibus:
Quæ polívit, hæc coaptat
Sédibus suis Deus.

Síngulis ex margarítis
Síngulæ portæ nitent:
Murus omnis fulget auro,
Fulget uniónibus:
Anguláris petra Christus
Fundat urbis mœnia.

Ejus est sol cæsus Agnus,
Ejus est templum Deus:
Æmulantes hic beáti
Purióres Spíritus,
Laude jugi Numen unum
Terque Sanctum concinunt.

Hinc et inde sunt aperta
Civítatis óstia:
Quisquis ambit huc veníre,
Inserique mœnibus,
Ante duris hic probári
Débuit labóribus.

Sit perennis laus Parenti;
Sit perennis Fílio:
Laus tibi, qui nectis ambos,
Sit perennis, Spíritus,
Chrisma cujus nos inungens
Viva templa consécrat.
Amen.

✠. Domum tuam decet

sanctitúdo, Dómine, R. In
longitúdinem diérum. *Ps. 92.*

Ad Benedictus. Ant. 7. a.
Domus tua, Dómine, in sanc-
tificatióne tua permáneat; et
omnes gentes agnoscant quia
tu es Deus, et non est álius
præter te. *Judith, 9.*

Oratio Brev. Rom.

DEUS, qui nobis per síngulos
annos hujus sancti Templi tui
consecratiónis réparas diem,
et sacris semper mystériis re-
præsentas incólumes: exaudi
preces pópuli tui, et præsta
ut quisquis hoc Templum
beneficia petitúrus ingrédi-
tur, cuncta se impetrasse læ-
tétur; Per Dóminum.

*Fit sola Commem. de Dom.
occurrente.*

AD HORAS, Doxologia:

¶ Sit laus Patri, laus Fílio;
Par sit tibi laus, Spíritus,
Divína cujus únctio
Nos templa Christo consécrat.
Amen.

*Psalmi de Dominica.**AD PRIMAM.*

Ant. 3. a. Domus Dei.

*In R. br. ✠. Qui magnificas
in nobis * locum tuum et
templum. II. Mach. 3.*

Canon.

*Ex Concilio Parisiensi sexto.
An. 829. Lib. 2. Cap. 11.*

QUIA Pontífices Basílicas Deo
dédicant, ut omnes qui illuc
deprecáturi véniunt, de qua-

cumque tribulatione ad eum clamaverint, consolationis ejus beneficia consequantur; oportet ut, remoto negligentiae torpore, hujusmodi loca ad Deum exorandum, sibi que propitium faciendum, frequenter ac devòte adeant (Christiani); dignosque se adspèctibus Angelòrum, quorum conventus minime ibi adesse dubitantur, exhibeant.

AD TERTIAM.

Ant. 4. E. Christi domus.

Capitulum. Hebr. 10.

HABENTES, fratres, fiduciam in introitu sanctorum in sanguine Christi, quam initiavit nobis viam novam et viventem per velamen, (id est carnem suam) et Sacerdotem magnum super domum Dei; accedamus cum vero corde in plenitudine fidei.

*R. br. In multitudine misericordiae tuae, * introibo in domum tuam; * Allelúia, allelúia. In. V. Adorabo ad Templum sanctum tuum * in timore tuo; * Allelúia. Glória. In. Ps. 5.*

V. Introibo in domum tuam in holocaustis: R. Reddam tibi vota mea. Ps. 65.

AD SEXTAM.

Ant. 8. c. Ad Dóminum.

Capitulum. Apoc. 3.

QUI vicerit, faciam illum columnam in templo Dei mei,

et foras non egrediétur amplius: et scribam super eum nomen Dei mei, et nomen civitatis Dei mei novae Jerusalem, quae descendit de caelo a Deo meo, et nomen meum novum.

*R. br. Beátus * quem elegisti et adsumpsisti; * Allelúia, allelúia. Beátus. V. Inhabitabit * in atriis tuis; * Allelúia. Glória. Beátus. Ps. 64.*

V. Beáti qui habitant in domo tua, Dómine; R. In secula seculorum laudábunt te. Ps. 83.

AD NONAM.

Ant. 1. a. Dei.

Capitulum. II. Cor. 5.

SCIamus quóniam si terrestris domus nostra hujus habitationis dissolvatur, quod ædificationem ex Deo habemus, domum non manufactam æternam in caelis. Nam et in hoc ingemiscimus, habitationem nostram, quae de caelo est, superindui cupientes.

*R. br. Replebimur * in bonis domus tuae; * Allelúia, allelúia. Replebimur. V. Sanctum est Templum tuum, * mirabile in æquitate; * Allelúia. Glória. Replebimur. Ps. 64.*

V. Quam dilecta tabernacula tua, Dómine virtutum! R. Concupiscit et déficit anima mea in atria Dómini. Ps. 83.

AD II VESPERAS.

In Ps. Lætatus sum, 55.

Ant. 4. E. Unus de septem Angelis sústulit me in spiritu, et ostendit mihi civitátem sanctam Jerúsalem descendentem de cœlo a Deo. Apoc. 21.

In Ps. Nisi Dóminus, 73.

Ant. 8. G. Erat structúra muri ejus ex lapide jáspide; ipsa vero civitas aurum mundum, símile vitro mundo. Apoc. 21.

In Ps. Memento, cum sua divisione, 124.

Ant. 1. D. Templum non vidi in ea; Dóminus enim Deus omnípotens templum illius est, et Agnus. Apoc. 21.

In Ps. Super flúmina, 39.

Ant. 3. a. Cívitas non eget sole neque luna, ut lúceant in ea; nam cláritas Dei illuminávit eam, et lucerna ejus est Agnus. Apoc. 21.

In Ps. Lauda Jerúsalem, 83.

Ant. 6. F. Non intrábit in eam áliquod coinquinátum, aut abominatióem faciens et mendácium, nisi qui scripti sunt in libro vitæ Agni. Apoc. 21.

Capitulum. Is. 33.

RESPICE Sion civitátem solemnitátis nostræ: óculi tui vidébunt Jerúsalem, habitatióem opulentam, tabernáculum quod nequáquam transferri póterit: nec auferentur clavi ejus in sempiternum, et omnes funículi ejus non rumpentur; quia solúmmodo ibi magníficus est Dóminus noster.

Hymnus B.

ECCE sedes hic Tonantis,
Ecce cœli jánuas:
Hic sacerdos, ara, templum,
Hic Deus fit hóstia:
Incruenta morte jugis
Hic amor litat Deum.

Qualis ara, quanta sedes
Ipsius capax Dei!
Quem nec universa terra,
Omne nec cœlum capit,
Orbe parvo se coarctans
Hic latére sústinet.

Quam libenter hic pudícis
Inserit se córdibus!
Hic amantis tota Christi
Exerit se caritas:
Hic Pater caros sedére
Gestit inter fílios.

Hinc facesse quem profána
Pólluit contágio,
Neu sacrum transíre limen
Inquinátus áudeas:
Ultor adstat cum flagellis
Púniens sontes Deus.

Sit perennis laus Parenti:
Sit perennis Fílio:
Laus tibi qui nectis ambos
Sit perennis, Spíritus,
Chrisma cujus nos inungens
Viva templa cónsecrat.

Amen.

†. Gloriósa dicta sunt de te, cívitas Dei: †. Sicut lætántium ómnium habitatio est in te. *Ps. 86.*

Ad Magníficat. Ant. 5. C. Gressus rectos fácite pédibus vestris; accessistis enim ad civitátem Dei viventis Jerúsalem cœlestem: itaque regnum immóbile suscipientes, serviámus Deo cum metu et reveréntia. Hebr. 12.

AD COMPLETORIUM.

Psalmi de Dominica.

Ant. 6. F. Sint óculi tui aperti super domum hanc nocte ac die, Dómine, ut exáudias deprecationem pó-puli tui. *III. Reg. 8.*

Ad Hymn. Grates, Doxol.
¶ Sit laus, ut *supra*, 445.

Ad Nunc dimittis. Ant. 5. a.
Implebo domum istam glória,
et in loco isto dabo pacem.
Agg. 2.

DIE IX.

S. MATURINI,

PRESBYTERI.

*Semiduplex.**Lectio I. Lib. II. Cap. 3.*

Ex Libris Machabæorum.

HELIODORUS autem, quod decréverat, perficiebat eódem loco ipse cum satellítibus circa ærarium præsens. Sed spíritus omnipotentis Dei magnam fecit suæ ostensiónis evidéntiam, ita ut omnes, qui ausi fúerant parére ei, ruentes Dei virtúte, in dissolutiónem et formídinem converterentur. Appáruit enim illis quidam equus, terribilem habens sessórem; isque cum ímpetu Heliodóro prióres calces elísit. Alii étiam apparuérunt duo júvenes virtúte decóri, óptimi glória, speciosíque amictu. Qui circumstetérunt eum, et ex utrâque parte flagellá-

bant, sine intermissióne multis plagis verberantes. Súbito autem Heliodórus cóncidit in terram, eumque multa calígine circumfúsum rapuérunt, atque in sella gestatória pósitum ejecérunt. Et ille quidem per divínam virtútem jacébat mutus, atque omni spe et salúte privátus. Hi autem Dóminum benedicébant, quia magnificábat locum suum.

R. Qui habet in cœlis habitationem, visitátor et adjútor est loci illíus,* Et venientes ad malefaciendum percutit, ac perdit. ✕ Vere Deus est in loco isto.* Et. *II. Mach. 3. Gen. 28.*

Lectio II.

TUNC vero ex amicis Heliodóri quidam rogábant con-festim Oníam, ut invocáret Altíssimum, ut vitam donáret ei qui in suprémó spíritu erat constitútus. Cumque summus Sacerdos exoráret, iidem júvenes eisdem véstibus amicti, adstantes Heliodóro, dixerunt: Oníæ sacerdóti grátias age: nam propter eum Dóminus tibi vitam donávit. Tu autem a Deo flagellátus, nún-tia ómnibus magnália Dei et potestátem. Et his dictis, non comparuérunt. Heliodórus autem, hóstia Deo oblata, et votis magnis promissis ei qui vívere illi concessit, et Oníæ grátias agens, recepto exercitu repedábat ad regem. Testabátur autem ómnibus ea quæ sub óculis suis víde-rat, ópera magni Dei. Cum

autem rex interrogasset Heliodorum, quis esset aptus adhuc semel Jerosólymam mitti, ait: Si quem habes hostem, aut regni tui insidiatórem, mitte illuc, et flagellátum eum recipies; si tamen evaserit: eo quod in loco sit veré Dei quædam virtus.

R. Confundantur omnes, qui ostendunt servis tuis mala: * Et sciant quia tu es Dóminus Deus solus. V. Erige bráchium tuum sicut ab initio, et allíde virtútem illórum in virtúte tua; * Et. *Dan. 3. Judith, 9.*

Lectio III.

Ex Usuardo et aliis.

MATURINUS, ex óppido diocesis Senonensis, quod Liricantus dicitur, in agro Vastinensi, quarto vel quinto século paréntibus éthnicis ortus est. Adhuc adolescens fidem Christiánam amplexus, ipsos parentes suos assíduis ad Deum efflagitationibus, Christo peperisse tráditur. Tanta virtúte eníruit et morum integritáte, ut ab Episcopo Senonensi Sacerdos fuerit ordinátus. Cumque ministérii sui partes fidéliter adimplevisset, omni virtútum cumulátus génere, vitæ hujus ærumnas cum æterna felicitáte commutávit. Celeberrimus est Maturínus miraculis, quæ ipsíus intercessióne variis temporibus patrata sunt.

R. Accédens ad altáre, * Immolávit holocausti víctimam

pro peccáto pópuli, et extendens manus ad pópulum, benedixit ei. V. Fidélis dispensátor et prudens, quem constituit Dóminus supra familiam suam, * Immolávit. Glória. * Immolávit. *Levit. 9. Luc. 12.*

Oratio Brev. Paris.

DEUS, qui in Ecclesiæ tuæ decus et subsidium beátum Maturínus verendo Sacerdotii ministério decorasti: præsta, ut, per quem pópulus tuus Evangélii verbum et Domínici córporis sacramentum suscepit, ejus patrocínio dignos, utriusque fructus percípiat; Per Dóminum.

Vesperæ de sequenti.

DIE X.

S. LEONIS MAGNI,

PAPÆ ET ECCLESIE DOCTORIS.

Duplex-minus.

Lectio I. Lib. II. Cap. 5.

Ex Libris Machabæorum.

SUSPICATUS est rex Antiochus societátem desertúros Judæos: et ob hoc profectus ex Ægypto efferátis ánimis, civitátem quidem armis cœpit. Jussit autem milítibus interficere, nec párcere occurrántibus, et per domos ascendentes trucidáre. Sed nec ista suffíciunt: ausus est étiam intráre templum universa terra sánctius, Meneláo ductóre qui legum et pátriæ fuit pró-

ditor : et scelestis manibus sumens sancta vasa, quæ ab aliis regibus, et civitatibus erant posita ad ornatum loci et gloriam, contrectabat indigne, et contaminabat. Ita alienatus mente Antiochus, non considerabat quod propter peccata habitantium civitatem, modicum Deus fuerat iratus; propter quod et accidit circa locum despectio: alioquin nisi contigisset eos multis peccatis esse involutos, sicut Heliodorus, etiam hic statim adveniens flagellatus, et repulsus utique fuisset ab audacia. Verum non propter locum, gentem: sed propter gentem, locum Deus elegit. Igitur Antiochus mille et octingentis ablatis de templo talentis, velociter Antiochiam regressus est; existimans se præ superbia terram ad navigandum, pelagus vero ad iter agendum deducturum, propter mentis elationem. Reliquit autem et præpositos ad affligendam gentem.

¶ Robur datum est ei contra iuge sacrificium propter peccata: * Et prosternetur veritas in terra, et faciet, et prosperabitur. ✠ Datum est illi bellum facere cum sanctis, et vincere eos: * Et. *Dan. 8. Apoc. 13.*

Lectio II.

Ex ejus Vita et Operibus.

LEO, Romanus, factus Diaconus, Sixto Pontifici auctor fuit, ne reciperet Julianum

Pelagianum in communionem Ecclesiæ subdole irrepentem, ut sedem amissam recuperaret. Missus in Galliam, ut dissidentes inter se Albinum et Aetium Romanos duces conciliaret, publica legatione revocatur, ut Sixto succederet. Quatiebatur interim totus pene orbis christianus variis hæreticorum tempestatibus. Orientem Nestoriani, Occidentem Pelagianorum reliquiae infestabant. Manichæos, qui ex Africa a Vandalis devastata Romam confluxerant, cum Catholicæ communionis specie perfidiam suam tegerent, iis præsertim detexit indiciis, quod Dominica die et Feria secunda jejunarent in honorem solis et lunæ, et sanguinem redemptionis nostræ haurire omnino declinarent. Pelagianorum reliquias exstinxit, et de iis ad Ecclesiam redeuntibus ita statuit: Damnent apertis professionibus suis superbi erroris auctores; et quidquid in doctrina eorum universalis Ecclesia exhorruit, detestentur: omniaque decreta synodalia, quæ ad excisionem hujus hæreseos Apostolicæ Sedis confirmavit auctoritas, amplecti se et in omnibus approbare, plenis et apertis ac propria manu subscriptis protestationibus eloquantur.

¶ Dabo te, dicit Dominus, in murum æreum fortem, et bellabunt adversum te; et * Non prævalébunt, quia ego

tecum sum. *ꝥ*. Exsurgent viri loquentes perversa, ut abdúcant discipulos post se. * Non prævalébunt. *Jer. 15. Act. 20.*

Lectio III.

PRISCILLIANISTARUM renaissance hæresim, congregata in Hispania Synodo, proscripsit. Præfuit per Legátos Concílio quarto œcuménico apud Chalcedonem celebrato; in quo perlecta est illius ad Flaviánum Epístola de Incarnationis mystério, quam ad se missam Galliárum Episcopí summis láudibus accéperant; et ab ómnibus acclamátum: Petrus per Leónem ita locútus est. Gensérico Romam invadenti persuásit, ut ab incéndio et cædibus abstinéret. Cánonom propugnátor fuit acérrimus; multa que sancte et utiliter decrevit. Plúrimis functus labóribus, multisque luculenter scriptis, cum Itáliam a barbarórum vastatione, et Ecclesiám ab hæreticórum labe vindicasset, explétis in Pontificátu viginti et ámplius annis, abiit ad Dóminum, annó quadringentésimo sexagésimo primo: propter pietátem, eruditiónem, eloquéntiam et tot res præcláre gestas, mérito Mag-ni nómine commendátus.

ꝑ. In hoc cognóscitur spíritus Dei; omnis spíritus qui confitétur Jesum Christum in carne venisse, ex Deo est, et * Omnis spíritus qui solvit Jesum, ex Deo non est, et

hic est antichristus. *ꝥ*. Nolíte omni spíritui crédere, quóniam multi pseudoprophætæ exiérunt in mundum. * Omnis. Glória. * Omnis. *I. Joan. 4.*

Oratio Brev. Paris.

DEUS, cujus dono beátus Leo sanctitátis doctrinæque laude ita excélluit, ut ad suprémam Ecclesiæ Sedem evectus, digne Magnus merúerit appellári: præsta, quæsumus, ut nos quoque ejusdem mónitis et exemplis instructi, ad summas virtútes strénue contendámus; Per Dóminum.

Vesperæ de sequenti.

DIE XI.

S. MARTINI,

TUROMENSIS EPISCOPI.

Duplex-majus.

(*Si occurrat Dominica, Festum S. Martini transfertur in diem sequentem, propter occurrentiam Dedicationis; nec habet I. Vesperas.*)

IN I VESPERIS.

Ant. 3. a. Nudus eram, et cooperuisti me. Quándiu fecisti uni ex frátribus meis minimis, mihi fecisti. *Matth. 25.*

Ant. 4. E. Præordinávit te Deus, ut vidéres justum, et audíres vocem ex ore ejus, quia eris testis illius. *Act. 22.*

Ant. 6. C. Quid moráris? Exsurge, et baptizáre, et

áblue peccáta tua, invocáto
nómine ipsíus. *Act. 22.*

Ant. 7. d. Labóra sicut bo-
nus miles Christi Jesu. Nemo
mílitans Deo ímplicat se ne-
gótiis seculáribus. *II. Tim. 2.*

Ant. 8. G. Sollicite cura te-
ipsum probáblem exhibére
Deo, operárium inconfusi-
bilem, recte tractantem ver-
bum veritátis. *II. Tim. 2.*

Capitulum. Jer. 9.

AD ómnia quæ mittam te
ibis; et universa quæcumque
mandávero tibi loquéris. Ne
tímeas a fácie eórum; quia
tecum ego sum ut éruam te,
dicit Dóminus.

Hymnus. S. V.

ECQUIS arduos rapitur per
auras?

Iste quis pauper petit astra
dives?

Cœlites plaudunt: comitê-
mur hymnis

Astra petentem.

Flore sub primo juvenlis
ævi,

Cæsarum jussu tulit arma
miles;

Moxque depónet: tibi,
Christe, nomen

Tiro professus.

Non furor belli bene chris-
tiánium

Pectus infrégit: pius inter
arma

Integros servat, semel obli-
gáto

Nómine, mores.

Páuperi pauper male mem-
bra nudo

Dívidit vestem, mediáque
Christus

Obtulit sese tunica mican-
tem,

Nocte sequenti.

Fonte lustratur; melióre tes-
tes

Se sacramento vovet inter
aras:

Induit Christum, simul ac
profána

Exuit arma.

Lúminis splendor, Patris una
Proles,

Christe, te pronus veneré-
tur orbis,

Qui sacerdótes per Amóris
almi

Flamen inungis. Amen.

✠. Irritavérunt in castris
Sanctum Dómini: R. Oblíti
sunt Deum qui fecit magná-
lia. *Ps. 105.*

Ad Magnificat. Ant. 5. C.
Constítuam te ministrum eó-
rum quibus apparébo tibi,
erípiens te de pópulo et gén-
tibus in quas nunc ego mitto
te aperíre óculos eórum, ut
accípiant remissionem pecca-
tórum, et sortem inter sanc-
tos, per fidem quæ est in me.
Act. 26.

AD OFFICIUM NOCT.

*Invit. Christum, Pastórum
príncipem, * Veníte, adoré-
mus. I. Petr. 5.*

Hymnus. S. V.

Quo fugis præceps? latitáre
nescit

Mille portentis manifesta
virtus:

Præsulem jam te feret in
suprémum
Turo tribúnal.
Non tumet fastu, neque splen-
det auro :
Sórdidam servat, velut an-
te, vestem :
Ora deformi dabat una vir-
tus
Unde nitéret.
Spréverit vili quis eum lacer-
na,
Cujus ad nutus elementa
parent ?
Scilicet jussu posuére, frac-
tis
Víribus, ignes.
Rédditur cæco sua lux, et
auris
Rédditur surdo, sua lingua
muto :
Impari qui vix pede clau-
dus ibat,
Ambulat æquo.
Imperat morbis, abigit ma-
lignos
Spíritus, divum simulácra
vertit :
Luce defunctos vocat ad
prióris
Múnera vitæ.
Fertur, immáni ruitúra mole,
Arbor excíso trepidasse
trunco :
Sústinet lapsum, capitíque
sacro a-
versa pepercit.
Lúminis splendor, Patris una
Proles,
Christe, te pronus veneré-
tur orbis,
Qui sacerdótes per Amóris
almi
Flamen inungis. Amen.

IN I NOCTURNO.

Ant. 7. d. Quid existis in
desertum vidére ? hóminem
móllibus vestimentis indú-
tum ? Ecce qui in veste pre-
tíosa sunt et delíciis, in dó-
mibus regum sunt. *Luc.* 7.

Ant. 8. G. Deus secundum
se vestívit illum virtúte, et
dedit illi potestátem eórum-
quæ sunt super terram. *Eccli.*
17.

Ant. 3. a. Certe vidétis
quem elégit Dóminus : filii
vero Bélial despexérunt eum.
I. Reg. 10.

✠. Pósuí vestimentum me-
um cilícium, et factus sum
illis in parábolam : *R.* Ego
vero oratióem meam ad te,
Dómine. *Ps.* 68.

Lectio I. Lib. I. Cap. 1.

Ex Libris Machabæórum.

ET misit rex libros per ma-
nus nuntiórum in Jerúsalem,
et in omnes civitátes Juda :
ut sequerentur leges géntium
terræ, et prohibérent holo-
causta, et sacrificia, et placa-
tiónes fieri in templo Dei, et
prohibérent celebrári sábbat-
tum, et dies solemnes : et
jussit coinquinári sancta, et
sanctum pópulum Israel.
Et jussit ædificári aras, et
templa, et idóla, et immolári
carnes suillas, et relínquere
filios suos incircumcísos, et
coinquinári ánimas eórum in
ómnibus immundis, et abo-
minatióibus, ita ut oblivis-
cerentur legem, et immutá-

rent omnes justificationes Dei. Et quicumque non fecissent secundum verbum regis Antiochi, morerentur.

¶. Miserere plebi tuæ, Domine, super quam invocatum est nomen tuum; * Miserere civitati sanctificationis tuæ Jerusalem, civitati requiei tuæ. ¶. Dixerunt: Hæreditate possideamus sanctuarium Dei. * Miserere. *Eccli. 36. Ps. 82.*

Lectio II. Lib. II. Cap. 6.

IGITUR Eleazarus unus de primoribus scribarum, vir ætate proventus, et vultu decorus, aperto ore hians compellebatur carnem porcinam manducare. At ille gloriosissimam mortem magis quam odibilem vitam complectens, voluntarie præbat ad supplicium. Intuens autem quemadmodum oporteret accedere, patienter sustinens, destinavit non admittere illicita propter vitæ amorem. Hi autem qui adstabant, iniqua miseratione commoti propter antiquam viri amicitiam, tollentes eum secreto rogabant asferri carnes quibus vesci ei licebat, ut simularetur manducasse, sicut rex imperaverat, de sacrificii carnibus: ut hoc facto a morte liberaretur: et propter veterem viri amicitiam, hanc in eo faciebant humanitatem.

¶. Polluent sanctuarium fortitudinis: et dabunt abominationem in desolationem. Et docti in populo docebunt

plurimos; et ruent in gladio, et in flamma, * Ut conflentur, et eligantur, et dealbentur. ¶. Datum est bellum facere cum sanctis, et vincere eos. * Ut. *Dan. 11. Apoc. 13.*

Lectio III.

AT ille respondit cito, dicens, præmitti se velle in infernum. Non enim ætati nostræ dignum est, inquit, fingere: ut multi adolescentium, arbitantes Eleazarum nonaginta annorum transisse ad vitam alienigenarum: et ipsi propter meam simulationem, et propter modicum corruptibilis vitæ tempus decipiantur, et per hoc maculam atque execrationem meæ senectutis conquiram. Nam etsi in præsentî tempore suppliciis hominum eripiar, sed manum Omnipotentis nec vivus, nec defunctus effugiam. Quamobrem fortiter vita excedendo, senectute quidem dignus apparebo: adolescentibus autem exemplum forte relinquam, si prompto animo, et sanctissimis legibus honesta morte perfungar. His dictis confestim ad supplicium traheretur. Sed cum plagis perimeretur, ingemuit, et dixit: Domine, qui habes sanctam scientiam, manifeste tu scis, quia cum a morte possem liberari, duos corporis sustineo dolores: secundum animam vero propter timorem tuum libenter hæc patior. Et iste quidem hoc modo vita

decessit, non solum juvenibus, sed et universæ genti memoriā mortis suæ ad exemplum virtutis et fortitudinis derelinquens.

¶ Propitius sit nobis Deus: non est nobis utile relinquare legem et justitias Dei. * Non audiemus verba regis Antiochi, nec sacrificabimus transgredientes legis nostræ mandata. † Obedire oportet Deo magis quam hominibus. * Non. Gloria. * Non. *1. Mach. 2. Act. 5.*

IN II NOCTURNO.

Ant. 5. a. Amplificatus est in mirabilibus suis. Et quis potest similiter sic gloriari tibi, qui sustulisti mortuum ab inferis in verbo Domini Dei? *Eccli. 48.*

Ant. 1. D. Augebatur orationum in Domino multitudo, ita ut in plateas ejicerent infirmos, et ponerent in lectulis; qui curabantur omnes. *Act. 5.*

Ant. 2. D. Multi eorum qui habebant spiritus immundos, clamantes voce magna exiebant: multi autem paralytici et claudi curati sunt. *Act. 8.*

† Mementote mirabilium Dei quæ fecit, ¶ Prodigia ejus, et judicia oris ejus. *Ps. 104.*

Lectio IV.

Ex Sulpitio Severo et Gregorio Turonensi.

MARTINUS Sabariæ in Pannonia, patre tribuno militum natus, Papiæ vero in Italia educatus, anno ætatis decimo,

invitis parentibus, in Ecclesiam confugiens, inter catechumenos nomen dedit. Adscriptus militiæ, et Imperatorum edicto quo veteranorum filii sua nomina profiteri cogebantur, sub Constantio stipendia meruit. Ambianis, ad portam urbis, pauperi nudo eleemosynam petenti, cum nihil haberet præter arma et vestimentum, partem chlamydis dedit. Cui sequenti nocte Christus dimediata illa veste indutus apparuit, circumstantes Angelos sic allocutus: Martinus adhuc catechumenus hac me veste contexit. Anno ætatis decimo octavo baptizatus, ejurata seculari militia, cœlestem amplecti cupiens, sanctum Hilarium Pictaviensem Episcopum adiit, a quo Diaconalis ordinis gradum jussus conscendere, in infirmo Exorcistæ officio, eodem permittente, subsedit. Inde ad suos reversus, matrem a qua mundo genitus fuerat, ab idolorum cultu vindictam, Christo peperit. Ab Episcopis Arianis, quod fere solus eorum perfidiam frangeret, varie exagitatus, publica verbera, vincula, exiliumque passus, Illyrico primum, deinde Mediolano, ubi monasterium sibi construxerat, ejectus, sedem Pictavii fixit, ibique sub Hilario, in cœnobio a se ædificato, monachis præfuit.

¶ Intendebant turbæ his quæ ab eo dicebantur, videntes signa quæ faciebat. * Cum

vero credidissent evangelizantí, baptizabantur viri ac mulieres. ✠. Deserentes cæremónias patrum suórum, quæ in multítudine deórum erant, unum Deum cœli coluerunt.* Cum vero. *Act. 8. Judith, 5.*

Lectio V.

TURONENSIS Episcopus ordinátus, secundo ab urbe lapide monastérium cóndidit, in quo discipulos octoginta, nihil proprium habentes, congregávit; ex quibus plures póstea Episcopi creati sunt. Non procul ab eo loco altáre diruit, quod falso putabátur erectum in memóriam Mátyris. Idolórum sana dejécit, et lucos succídit, non véritus aliquando vitæ adíre discrímen, ut eórum cultum pénitus aboléret. Ad comitátum ire coactus, a Valentiniáno repulsam passus est, qui tamen séptimo post die, redeunti Martíno, e sólio divínitus excussus, adsurrexit, ejusque postulátis annuit. Ithácium Episcopum ácritè reprehendit, quod contra leges Ecclesiásticas Priscilliánum in causa cápitis insecrarétur. Injuriárum fuit patientíssimus, ádeo ut impúne vel ab ínfimis cléricis læderétur; ac plerumquesibi obtrectántium peccáta desléret. Quodam in convívio páteram Presbytero prius porrexít, quam Imperatóri Máximo, a quo honóris grátia ut prior bíberet accéperat. Innúmeris

miráculis cláruit, quæ libris quátuor Gregórius Turonensis complexus est.

℞. Dilatávit glóriam pópulo suo, persecútus est iníquos: et omnes operárii iniquitátis conturbáti sunt; * Et directa est salus in manu ejus. ✠. Dóminus augébat qui salvi fíerent quotidie in idipsum.* Et. *I. Mach. 3. Act. 2.*

Lectio VI.

ANNIS demum gravis, dum Condatensis vici Ecclesiám in sua diocési visitáret, víribus defectum se sentiens, mortem sibi imminére discipulis indicávit. Tum mœror et luctus ómnium, una voce plangéntium: Cur nos, pater, deseris? aut cui nos desolátos relinquis? Invádent enim gregem tuum lupi rapáces. Tunc ille motus his flétibus, et conversus ad Dóminum, hac fléntibus voce respondit: Dómine, si adhuc pópulo tuo sum necessárius, non recúso labórem, fiat voluntas tua. Ingravescente febre, in cínere et cilício decumbens, ne vile quidem stramen sibi súbjici passus est. Rogátus a Presbyteris ut corpus in álterum latús reclinando subleváret: Sínite me, inquit, cœlum pótius respícere quam terram, ut suo jam itínere itúrus ad Dóminum spiritus dirigátur. Instante jam morte, viso dæmone: Quid hic adstas, inquit, cruenta béstia? nihil in me, funeste, repéries: Abra-

hæ me sinus récipit. Ea in voce, anno Christi trecentésimo nonagésimo séptimo, animam Deo réddidit.

R. Dedit Dóminus ipsi fortitudinem, et usque in senectutem permansit illi virtus; ut vidérent omnes filii Israel, * Quia bonum est óbsequi sancto Deo. V. Dóminus mihi ádstitit, et confortávit me; ut per me prædicatio impleátur, et áudiant omnes gentes, * Quia. Glória. * Quia. *Eccli.* 46. *II. Tim.* 4.

IN III NOCTURNO.

Ant. 3. c. Obtulit holocausta et pacifica, et invocávit Dóminum : et exaudivit eum in igne de cœlo super altáre holocausti. *I. Par.* 21.

Ant. 6. C. Glorificávit illum in conspectu regum, et ostendit illi glóriam suam : in fide et lenitate ipsíus sanctum fecit illum. *Eccli.* 45.

Ant. 4. d. Sicut Angelus Dei, sic est, ut nec benedictione, nec maledictione moveátur. *II. Reg.* 14.

V. Parátum cor ejus speráre in Dómino : R. Confirmátum est cor ejus, non commovébitur. *Ps.* 111.

Lectio VII.

Ex Sermóne sancti Bernardi Abbátis, in Festo sancti Martini. n. 12 et 13.

Ad mensam dívitis sedes hodie : diligenter considera quæ tibi apponuntur; quænam videlicet ad admirationem, quæ

vero ad imitationem. Dives est iste Martinus : dives in méritis, dives in miraculis, dives in virtútibus, dives in signis. Suscitávit mórtuos; réddidit visum cæcis, surdis audítum, mutis loquélam, claudis gressum, áridis sospitatem. Evásit divína virtúte perícula; próprii córporis óbice flammæ répulit; leprósum mundávit ósculo; curávit óleo paralyticum; dæmones vicit; Angelos vidit; futura prævidit. Noli in his sapórem quærere, sed miráre splendórem.

R. Pythónes et aríolos et figuras idolórum et immunditias et abominatiónes ábstulit, ut statúeret verba legis quæ scripta sunt : * Símilis illi non fuit ante eum, neque post eum surrexit. V. Fuit gratus Deo, et erat potens in verbis et in opéribus suis : * Símilis. *IV. Reg.* 23. *Act.* 7.

Lectio VIII. n. 13, 14, 15, 16.

Eum saltem non pígeat imitári; sed imitári in eo quod est imitábile, non autem quod mirábile exhibétur. Húmilis fuit et spíritu pauper iste Martinus; sicut evidentíssime probat effectus ipse divínæ gratiæ, quam profecto Deus tam multam nisi multum húmili non dedisset. Tantam adversus omnes injúrias patiéntiam adsúmpserat, ut, cum esset summus Sacerdos, impúne étiam ab ínfimis cléricis læderétur. Ad cœlum lácrymæ ejus

a maxilla ascendere consueverant; quibus sic abundabat, ut soleret pro illorum quoque, qui obtrectatores sui videbantur, flere peccatis. Sane quantum justitiam esurierit, tum in ceteris ejus actibus, tum specialiter in idololatriæ persecutione probatum est, in templorum destructione, in statuorum dejectione, in succisione lucorum: ubi se quoque aliquando non est veritus dare discrimini, ut occasio tanti criminis de medio tolleretur. Misericordem eum in paupere se expertum Salvator ipse apud Angelos gloriabatur, datam sibi medietatem vestis ostentans. Ceterum persecutiones quas sustinuit propter justitiam longum est numerare; pro quibus omnibus dubium non est multipliciter coronari eum, qui quidem etsi non semel effectum consummatæ passionis, sed toties martyr fuit affectu devotissimæ voluntatis.

R. Surrexit quasi ignis, et verbum ipsius quasi facula ardebat: * Irritantes illum pauci facti sunt; non enim poterant sustinere præcepta Domini. y. De die in diem animam justam iniquis operibus cruciabant: novit Dominus pios de tentatione eripere. * Irritantes. *Eccli. 48. II. Petr. 2.*

Lectio IX. Cap. II.

Lectio sancti Evangelii secundum Lucam.

Bona opera Pastorum lucerna populorum.

In illo tempore; Dixit Jesus turbis: Nemo lucernam accendit, et in abscondito ponit, neque sub modio, sed supra candelabrum, ut qui ingrediuntur, lumen videant. Et reliqua.

Homilia sancti Bernardi Abbatis. *In Festo S. Martini. n. 12, 13, 15, 17, 18.*

MARTINUS lucerna erat ardens et lucens: Ceterum ne putaveris ornatas quidem Martini lampades, sed vacuas inveniri: non est fatua virgo, habet in vasis oleum. Munditiam cordis ejus illud vel maxime indicat, quod non est confusus inimico loquens in porta: Nihil in me, funeste, reperies; Abraham me sinus recipiet. Domine, inquit, si adhuc populo tuo sum necessarius, non recuso laborem; fiat voluntas tua. O vere sanctissimam animam! o inestimabilem caritatem! o obediëntiam singularem! Bonum certamen certasti, cursum consummasti, fidem servasti; de reliquo superest tibi corona justitiæ, quam reddet tibi Dominus hodie justus iudex; et adhuc dicis: Non recuso laborem; fiat voluntas tua! Obtulisti plane Isaac; unicum illum quem diligis, quod in te est, jugulasti: immolasti singulare gaudium tuum pia devotione, paratus redire iterum in pericula, in-

novare certamina, denuo subire laborem, sustinere tribulationem, prolongare tentationem, et, quod maximum est, a Christo tuo peregrinari diutius, si modo ipse voluisset. Nec sane dubium, quin ampliorem gratiam mereatur, qui paratum se exhibeat etiam ante mandatum, quam qui obedire satagit post mandatum. Hæc ergo pars nostra sit, fratres, ut singuli quique Deo dicamus : Quia paratus sum, et non sum turbatus, ut custodiam mandata tua.

R. Sitivit anima mea ad Deum fortem, vivum : * Quando veniam, et apparebo ante faciem Dei? V. Verumtamen non sicut ego volo sed sicut tu. * Quando. *Ps. 41. Matth. 26.*

AD LAUDES.

Ant. 1. f. Ego a vobis debui commendari : nihil enim minus fui ab iis qui sunt supra modum Apostoli ; tametsi nihil sum. *II. Cor. 12.*

Ant. 8. c. Signa Apostolatus mei facta sunt super vos in omni patientia, in signis, et prodigiis, et virtutibus. *II. Cor. 12.*

Ant. 2. D. Etsi imperitus sermone, sed non scientia ; in omnibus autem manifestati sumus vobis. *II. Cor. 11.*

Canticum de Communi Pontificum.

Ant. 7. a. Usque in hanc horam cædimur, et instabiles sumus : maledicimur, et benedicimus ; persecutionem

pátimur, et sustinémus. *I. Cor. 4.*

Ant. 6. F. Ego libentissime impendam, et superimpendar ipse pro animabus vestris. *II. Cor. 12.*

Capitulum. Jer. 1.

Dixit Dominus ad me : Ego dedi te hodie in civitatem munitam, et in columnam ferream, et in murum æreum super omnem terram, regibus Juda, principibus ejus, et sacerdotibus, et populo terræ ; et bellabunt adversum te, et non prævalébunt.

Hymnus. S. V.

TURÆ fumantes quis hic
inter aras,
Vérticem cujus sacra flamma
lambit?
Intus ardébat melius sacrata
Pectoris ara.
Regis accumbens epulis tuetur
Præsulum Præsul bene par
honórem :
Ipsa tunc vilem minor ante
pannum
Púrpura pallet.
O virum, qualem pietas petébat,
Quem fides nullis labefacta
seclis
Non semel sensit medios
per enses
Sacra tuentem !
Læditur probris : sibi semper
idem
Nescit irasci : fera corda
placat ;

Et suos tantum cumulando
donis

Súbjicit hostes.
Nec truci quamvis caput im-
molandum

Pro Dei causa posuit sub
ense,

Mártiris palmam retulit,
vel isto

Dignus honóre.

Lætus æternum celebret Pa-
rentem

Orbis; æternum celebret
Parentis

Fílium: par sit tibi cultus
omni,

Spiritus, ævo. Amen.

✠. Loquébar de testimoniis
tuis in conspectu regum, R.
Et non confundébar. Ps. 118.

Ad Benedictus. Ant. 8. G.
Confitebor nómini tuo, Dó-
mine, quóniam protector fac-
tus es mihi, et liberasti cor-
pus meum a perditione, et in
conspectu adstantium factus
es mihi adjutor. Eccli. 51.

Oratio Brev. Paris.

DEUS, qui in beáto Martino
Pontífice, sive per vitam, sive
per mortem magnificátus es:
innova éadem grátie tuæ mi-
rácula in córdibus nostris; ut
neque mors, neque vita sepa-
ráre nos possit a caritate Dó-
mini nostri Jesu Christi; Qui
tecum.

AD PRIMAM.

Ant. 1. f. Ego.

AD TERTIAM.

Ant. 8. c. Signa.

Capitulum. Deut. 3.

DOMINE Deus, tu cœpisti
ostendere servo tuo magnitú-
dinem tuam, manumque for-
tissimam; neque enim est
álius Deus, vel in cœlo, vel
in terra, qui possit fácere
ópera tua, et comparári for-
titudini tuæ.

R. br. Filii hóminum * Us-
quequo gravi corde? Filii. ✠.
Scitote * quóniam mirificávit
Dóminus sanctum suum: *
Usquequo. Glória. Filii. Ps. 4.

✠. Exáudiet illum de cœlo
sancto suo: R. In potentáti-
bus salus dexteræ ejus. Ps. 19.

AD SEXTAM.

Ant. 2. D. Etsi.

Capitulum. I. Cor. 2.

CUM venissem ad vos, fra-
tres, veni, non in sublimitate
sermónis aut sapiéntiæ, an-
núntians vobis testimoniū
Christi; non enim judicávi
me scire áliquid inter vos,
nisi Jesum Christum, et hunc
crucifixum.

R. br. Veníte, filii, * Audíte
me. Veníte. ✠. Timórem Dó-
mini * docébo vos; * Audíte
me. Glória. Veníte. Ps. 33.

✠. Intelligite, insipientes
in pópulo: R. Et stulti, ali-
quando sápite. Ps. 93.

AD NONAM.

Ant. 6. F. Ego.

Capitulum. II. Cor. 12.

PLACEO mihi in infirmitati-

bus meis, in contuméliis, in necessitatibus, in persecutiōnibus, in angustiiis pro Christo : cum enim infirmor, tunc potens sum.

R. *br.* Propter te, Dómine, * Sustínui oppróbrium. Propter te. *✠.* Quóniam zelus domus tuæ * comédit me ; * Sustínui. Glória. Propter te. *Ps.* 68.

✠. Paulo minus consummaverunt me in terra ; *R.* Ego autem non dereliqui mandata tua. *Ps.* 118.

AD II VESPERAS.

Ant. 1. D. Cum majóres natu Ecclesiæ simul essent, dixit eis: Ecce ego scio quia ámplius non vidébitis faciē meam. *Act.* 20.

Ant. 8. G. Coarctor e duobus : desidérium habens dissolvi, et esse cum Christo, multo magis mélius : permanere autem in carne, necessariū propter vos. *Philip.* 1.

Ant. 4. d. Juxta est qui justificat me : ecce Dóminus Deus auxiliátor meus : quis est qui condemnet me? *Is.* 50.

Ant. 2. D. Opérui cinere carnem meam, ut detur locus voci meæ in cœlo ; quia ibi est testis meus, et cónseius meus in excelsis. *Job,* 16.

Ant. 6. F. Ego ad Dóminum adspiciam ; exspectábo Deum Salvátorem meum ; áudiet me Deus meus : edúcet me, vidébo justítiam ejus. *Mích.* 7.

Capitulam. II. Cor. 3.

Nos omnes reveláta faciē

glóriam Dómini speculantes, in eandem imáginem transformámur a claritáte in claritatem, tanquam a Dómini Spíritu.

Hymnus. Commir.

PERFUSUS ora lácrymis
Martínus astra súspicit :
Et in beáto pátriæ
Defixus obtútu gemit.

O mors, ait, quid tándiu
Differs leváre víncula?
Amóre Christi sáucium
Priváre vita munus est.

Quid tu mináci gútture,
Draco cruente, síbilas?
Redi sub umbras tártari :
Me lucis aula dévocat.

Et vos, flagrans quos cáritas
Mihi dat esse fílios,
Fletu molesto párcite
Tardáre patris gáudia.

Quod sitamen nostros adhuc
Tellus labóres éxigit,
Jam láuream prensans manu
Reddar libenter prælio.

Sic fortis et constans sibi
Martínus usque pérstitit,
Nec pro Deo timens mori,
Sed nec recúsans vívere.

Sit Trinitáti glória,
Sermónibus quam víndicans
Martínus et miráculis
Adeptus est in præmium.

Amen.

✠. In justítia apparebo
conspéctui tuo, Dómine : *R.*
Satiabor, cum apparúerit gló-
ria tua. *Ps.* 16.

Ad Magníficat. *Ant.* 3. a.
Mórtuus est servus Dómini,
jubente Dómino : et non sur-

rexit ultra prophéta in ómnibus signis atque portentis quæ misit Dóminus per eum, ut fáceret in terra. *Deut. 34.*

DIE XII.

S. LEONII,

PRESBYTERI.

Simplex.

(*Sis it Fer. II, fit Officium translatum S. Martini Tur. Nihil vero de S. Leonio.*)

Lectio I. Lib. II. Cap. 7.

Ex Libris Machabæorum.

CONTIGIT autem et septem fratres una cum matre sua apprehensos, compelli a rege édere contra fas carnes porcínas, flagris et táureis cruciátos. Unus autem ex illis qui erat primus, ait : Quid quæris, et quid vis discere a nobis ? paráti sumus mori, magis quam pátrias Dei leges prævaricári. Irátus itaque rex jussit sartáginés et ollas æneas succendi : quibus statim succensis, jussit, ei qui prior fúerat locútus amputári linguam; et cute cápitis abstracta, summas quoque manus et pedes ei præscindi, céteris ejus frátribus et matre inspicéntibus. Et cum jam per ómnia inútilis factus esset, jussit ignem admovéri, et adhuc spirantem torréri in sartáGINE : in qua cum diu cruciáretur, céteri una cum ma-

tre invicem se hortabantur mori fórtiter, dicentes : Dóminus Deus adspíciet veritátem et consolábitur in nobis, quemádmódum in protesta-tióne cántici declarávit Móyses : Et in servis suis consolábitur.

℞. Momentáneum et leve tribulatiónis nostræ * Æternum glóriæ pondus operátur. *℣.* Patiéntia Sanctórum qui custódiunt mandáta Dei, * Æternum. *II. Cor. 4. Apoc. 14.*

Lectio II.

SUPRA modum autem mater mirábilis, et bonórum memória digna, quæ pereuntes septem filios sub unús diéi témpore conspícens, bono ánimo ferébat, propter spem quam in Deum habébat : síngulos illórum hortabátur voce pátria fórtiter, repléta sapiéntia. Et semíneæ cogitatióni masculínium ánimum ínserens, dixit ad eos : Nescio quáliter in útero meo apparuistis : neque enim ego spíritum et ánimam donávi vobis et vitam, et singulórum membra non ego ipsa compégi : sed enim mundi Créátor, qui formávit hómínis nativitátem, quique ómnium invénit orígínem, et spíritum vobis íterum cum misericórdia reddet et vitam, sicut nunc vosmetipsos despícitis propter leges ejus.

℞. Non sunt condignæ passiones hujus témporis * Ad futúram glóriam quæ revelábitur in nobis. *℣.* Omnia quæ

desiderantur non valent comparari. * Ad. Rom. 8. Prov. 3.

Lectio III.

Rouillard in Hist. Melodun. Martyrol. Autissiod. Gall. Christ. t. XII. col. 172. etc.

LEONII presbyter, et Melodunensium cum sancto Aspasio patronus, apud ipsos in sæculo sexto, sanctitate floruit, vitamque meritis plenam felicissima morte consummavit. Exstabat ibidem, in suburbio ipsius nominis, ecclesia parochialis sub ejus invocatione ab antiquissimis temporibus exstructa, quæ impios ultimi labentis sæculi furoribus subivit. Sacrum ejus corpus circa finem sæculi decimi aut initium sequentis in prædicta ecclesia inventum est; et, procurante venerabili Valtério abbate, in basilicam monasterii sancti Petri Melodunensis translatum. Beatissimus autem sacerdos plurimis coruscavit miraculis, a febricitantibus præsertim invocatus. Unde Franciscus primus, Francorum rex, tali morbo apud Fontem-Bliaudi laborans, ipsum imploravit; et sanitate recuperata, a Leone decimo Papa petiit atque impetravit, ut dies ei sacra non Meloduni tantum, sed etiam duabus circum leucis, ex præcepto celebraretur: quod servatum suo tempore testatur Ruillardus, qui post centum circiter annos, Melodunensem histó-

riam scribebat. ¶ Eodem die tanquam Martyr honoratur beatus Paternus sancti Petri Senonensis monachus, sanctitate et miraculis percélebris; qui dum sylvam Sacernarum pertransiret, impie occisus est, anno septingentesimo sexto. Hujus corpus quoad insignem partem in ecclesia San-Salvatoris prope Brájacum ad Séquanam, cum aliquot óssibus sancti Pavacii Cenomansis Episcopi, etiamnum adservatur et reverenter colitur.

R. Qui seminant in lacrymis, * In exultatione metent. V. Euntes ibant et flebant, mittentes semina sua: * In. Glória. * In. Ps. 125.

Oratio Brev. Paris.

DOMINE Deus omnipotens, qui famulum tuum Leónium, ut sacerdotio tibi fungeretur, a populo segregasti: ejus nos intercessionem a peccatoribus ségrega; ut secundum vocationem nostram, gens sancta, et regale sacerdotium coram te efficiamur; Per Dóminum.

Pro Commem. S. Paterni,

Oratio Brev. Paris.

ADESTO, Dómine, supplicationibus nostris: ut qui beati Martyris tui Paterni natalitiis gloriamur, nec minis injuste persequentium, nec ullis perturbemur adversis; Per Dóminum.

Vesperæ de sequenti.

DIE XIII.

S. CHILLENI,

PRESBYTERI.

*Semiduplex.**Lectio I. Lib. II. Cap. 7.*

Ex Libris Machabæorum.

ANTIOCHUS contemni se arbitratús, simul et exprobrantis voce despecta, cum adhuc adolescentior superesset, non solum verbis hortabátur: sed et cum juramento affirmábat se dívitem et beátum factúrum. Sed ad hæc cum adolescens nequáquam inclinaretur, vocávit rex matrem, et suadebat ei ut adolescenti fieret in salutem. Cum autem multis eam verbis esset hortátus, promísit suasúram se filio suo. Itaque inclináta ad illum, irrídens crudélem tyrannum, ait pátria voce: Fili mi, miserére mei quæ te in útero novem ménsibus portávi, et lac triénio dedi et álui, et inætátem istam perduxí. Peto, nate, ut adspícias ad cælum et terram, et ad ómnia quæ in eis sunt; et intélligas quia ex níhilo fecit illa Deus, et hóminum genus: ita fiet, ut non tíneas carníficem istum; sed dignus frátribus tuis effectus párticeps, súscipe mortem, ut in illa miseratione cum frátribus tuis te recípiam.

R. Propítius sit nobis Deus: non est nobis útile relínquere legem, et justítias Dei; * Non

audiémus verba regis Antíochi, nec sacrificábimus transgredientes legis nostræ mandáta. ¶ Obedíre oportet Deo magis quam homínibus; * Non. *I. Mach. 2. Act. 5.*

Lectio II.

Cum hæc illa adhuc diceret, ait adolescens: Quem sustinétis? Non obédio præcepto regis; sed præcepto legis, quæ data est nobis per Móysen. Tu vero qui inventor omnis malitiæ factus es in Hebræos, non effúgies manum Dei. Nos enim pro peccátis nostris hæc pátimur: et si nobis propter increpationem et correptionem Dóminus Deus noster módicum irátus est; sed iterum reconciliábitur servis suis. Ego autem sicut et fratres mei, animam et corpus meum trado pro pátriis légibus, invocans Deum matúrius genti nostræ propítium fieri, teque cum tormentis et verbéribus confitéri quod ipse est Deus solus. Tunc rex accensus ira, in hunc super omnes crudélius desævít, indigne ferens se derisum. Et hic itaque mundus óbiit, per ómnia in Dómino confidens. Novíssime autem post filios et mater consumpta est.

R. Visi sunt óculis insipientium mori: * Spes illórum immortalitáte plena est. ¶ Beáti qui persecutiónem patiuntur propter justítiam; * Spes. *Sap. 3. Matth. 5.*

Lectio III.

*Gall. Christ. t. VIII. col. 1600.
Hist. Eccl. Meld. Lib. 72.*

CHILLENUS apud Scottas natus, Romam piæ peregrinationis causa adiit. Unde rediit, per Meldas transiit; ubi a Farone in monasterio sanctæ Crucis perhumaniter exceptus est. Accessit et ad eremum Fiaccii, ipsius virtutibus et miraculis perductus; quem sanctus Anachoréta sibi sanguine conjunctum agnoscens, spirituáli cognatione et gaudio suscepit, atque divino allóquio cum eo vacans, aliquándiu apud se detinuit in Dómino. Chillénus salutem animarum sitiens, piisque sancti Meldensis Episcopi mónitis libentissime obsecutus, provinciam petiit Atrebatensem, quam doctrina sua et miraculis Christo acquisiuit. Chillénus Episcopum fuisse nullo monumento constat: presbyterum vero ex ejus ad Atrebatenses missione et prædicatione verisimile est. Cólitur Albiníaci qui vicus est Atrebatensis agri. ¶ Eódem die Turónis, natalis sancti Brictii Episcopi, qui beátum Martinum, cujus discipulus fuerat diaconus et presbyter, non semel male habuit, postea vero successor ipsi datus, juxta ejus prædictionem, in multa patientia ministrum se Christi exhibuit. Osejus unum servatur in ecclesia sancti Medandi prope Domnum-Martinum.

R. Satágit, ut per bona ópera, certam vestram vocationem, et electionem faciatis: * Sic enim † Abundanter ministrábitur vobis intróitus in æternum regnum Jesu Christi. † Operámini opus vestrum ante tempus, et dabit vobis mercédem vestram in tempore suo. * Sic. Glória. † Abundanter. II. Petr. I. Eccli. 51.

Oratio Brev. Paris.

MAJESTATEM tuam, Dómine, supplices deprecámur; ut sicut agnitionem Unigéniti tui, per beáti Presbyteri tui Chilléni prædicationem, populórum córdibus infudisti, ita et nos, ipsius opitulántibus méritis, fidei stabilitate firmémur; Per Dóminum.

*Pro Commem. S. Brictii,
Oratio Brev. Lugd.*

DEUS, qui beátum Pontíficem Brictium, ad pascendum pópulum tuum, spíritu veritátis et dilectionis implevisti: præsta ut, cujus festivitatem venerando ágimus, ejus imitatione proficiámus, et intercessione sublevémur; Per.

Vesperæ de eodem.

DIE XIV.

S. MARTINI,

PAPE ET MARTYRIS.

Simplex.

Lectio I. Lib. I. Cap. 2.

Ex Libris Machabæorum.

IN diébus illis, surrexit Ma-

thathías sacerdos ex filiis Jóarib ab Jerúsalem, et consédit in monte Modin, et habébat filios quinque, Joannem, et Simónem, et Judam qui vocabátur Machabæus, et Eleázarum, et Jónathan. Hi vidérunt mala quæ fiébant in pópulo Juda, et in Jerúsalem. Et dixit Mathathías: Væ mihi, ut quid natus sum vidére contritiónem pópuli mei, et contritiónem civitátis sanctæ, et sedére illic, cum datur in má nibus inimicórum. Et scidit vestimenta sua Mathathías, et filii ejus: et operuérunt se ciliciis, et planxérunt valde. Et venérunt illuc qui missi erant a rege Antíocho, ut cogerent eos, qui confúgerant in civitátem Modin, immoláre, et accéndere thura, et a lege Dei discédere. Et multi de pópulo Israel consentientes accessérunt ad eos; sed Mathathías et filii ejus constanter steterunt.

R). Dixit Mathathías filiis suis: Nunc confortáta est supérbia, et castigatio, et tempus eversiónis. Nunc ergo, o filii, æmulátóres estóte legis; et * Date ánimas vestras pro testamento patrum vestrórum. ⁊. Imitátóres eórum qui fide et paciéntia hæreditábunt promissiónes, * Dáte. *I. Mach. 2. Hebr. 6.*

Lectio II.

Et respondentes qui missi erant ab Antíocho, dixerunt Mathathíæ: Princeps et cla-

rissimus, et magnus es in hac civitáte, et ornátus filiis et fratribus: ergo accéde prior, et fac jussum regis, sicut fecérunt omnes gentes, et viri Juda, et qui remansérunt in Jerúsalem: et eris tu, et filii tui, inter amícos regis, et amplificátus auro et argento, et munéribus multis. Et respondit Mathathías, et dixit magna voce: Etsi omnes gentes regi Antíocho obédiunt, ut discédant unusquisque a servitúte legis patrum suórum, et conséntiat mandátis ejus; ego et filii mei, et fratres mei, obediémus legi patrum nostrórum. Et ut cessávit loqui verba hæc, accessit quidam Judæus in ómnium óculis sacrificáre idólis super aram in civitáte Modin, secundum jussum regis: et vidit Mathathías, et dóluit, et contremuérunt renes ejus, et accensus est furor ejus, secundum judícium legis; et insiliens trucidávit eum super aram: sed et virum, quem rex Antíochus míserat, qui cogébat immoláre, occidit in ipso témpore, et aram destruxit, et zelátus est legem, sicut fecit Phínees Zamri filio Salómi.

R). Cogitáte quia omnes qui sperant in Dóminum non infirmantur: * Et a verbis viri peccatóris ne timuéritis; quia glória ejus stercus, et vermis est. ⁊. Confortámini, filii, et viriliter ágite in lege; quia in ipsa gloriósi éritis: * Et. *I. Mach. 2.*

*Lectio III.**Ex Surio et aliis.*

MARTINUS Theodóro in Sede Romána successit anno Christi sexcentésimo quadragésimo nono. Eódem anno Concílium centum et quinque Episcopórum in Lateráno coégit, in quo Monothelitárum príncipes, qui in duábus Christi natúris unicam voluntátem et operatióem admittébant, damnáti sunt: proscrip্তaque duo Imperatórum de hac quæstióne edicta, Ecthesis videlicet Heráclii, et Typus Constantis. Quid in ea Synodo gestum esset omnes Ecclesiás per Epístolam encyclicam admónuit, ejusque Acta ad sanctum Amandum, Trajectensem Episcopum, misit, eum hortátus ut ipsíus ópera Episcopi Gállíæ suo illa consensu confirmárent. Interim Constans, ut suo Typo ab ómnibus subscriberétur, silentiumque in eo de quæstióne Cathólicos inter et Monothelitas agitáta indictum observaréturet, primum Olympium Exarchum Ravennátem Romam misit, tum Calliopam Olympii successórem, a quo Martinus, cum edicto impio resisteret, Roma vi abductus est ac in insulam Naxum deportátus. Inde duetus Constantinópolis, in cárce'rem trúditur. Hinc Chérsonem relegátus est, ubi quátuor post menses, décima sexta die Septembris, anno sexcentésimo quinquagésimo quinto, ærum-

nis confectus cessit e vita, ante et post mortem clarus miraculis. Corpus ejus póstea Romam illátum, in ecclesiá sancti Martíni in Móntibus, Turonensis Episcopi nómine dedicáta, cónditum est. Exsul scripsit duas Epístolas de calamitátibus suis.

℞. Qui vicerit, fáciam illum columnam in templo Dei mei; * Et foras non egredié-
tur ámplius: et † Scribam super eum nomen Dei mei, et nomen civitátis novæ Jerúsalem. ✕. Plantábo eum, et non turbábitur ámplius; nec addent filii iniquitátis ut affligant eum sicut prius, * Et. Glória. † Scribam. *Apoc. 3. II. Reg. 7.*

Oratio Brev. Petroc.

OMNIPOTENS, sempiterno Deus, qui beátum Martinum Apostólici principátus prærogatíva conspicuum, Martyrii coróna illustriorem effecisti: da Ecclesiæ tuæ ejus patrocíniis adjuvári, ejus labóribus exulta flóruit, et ságuine crevit fœcundáta; Per.

Vesperæ de sequenti.

DIE XV.

S. BERTILLÆ,

VIRGINIS.

*Semiduplex.**Lectio I. Lib. I. Cap. 2.*

Ex Libris Machabæórum.

ET exclamávit Mathathías

voce magna in civitate, dicens: Omnis, qui zelum habet legis statuens testamentum, exeat post me. Et fugit ipse, et filii ejus in montes, et reliquerunt quaecumque habebant in civitate. Tunc descendérunt multi quærentes iudicium, et justitiam in desertum: et sedérunt ibi ipsi, et filii eorum, et mulieres eorum, et pecora eorum: quoniam inundavérunt super eos mala. Et renuntiátum est viris regis, et exercítui, qui erat in Jerúsalem: et statim perrexérunt ad eos, et constituérunt adversus eos prælium in die sabbatorum, et dixerunt ad eos: Resístitis et nunc adhuc? exíte, et fácite secundum verbum regis Antíochi, et vivétis. Et dixerunt: Non exhibimus, neque faciémus verbum regis, ut polluámus diem sabbatorum. Et concitavérunt adversus eos prælium. Et non responderunt eis, nec lapidem miserunt in eos, dicentes: Moriámur omnes in simplicitate nostra: et testes erunt super nos coelum et terra, quod injuste perditis nos.

Rj. Multi de pópulo Israel definierunt apud se, ut non manducarent immunda,*Et elegerunt magis mori quam coinquinari. ¶. Noluérunt infringere legem Dei sanctam.*Et. *I. Mach. I.*

Lectio II.

ET appropinquavérunt dies Mathathíæ moriendi, et dixit filiis suis: Nunc confortata

est supérbia, et castigatio, et tempus eversiónis, et ira indignationis. Nunc ergo, o filii, æmulatōres estote legis, et date ánimas vestras pro testamento patrum vestrorum, et mementote óperum patrum, quæ fecérunt in generationibus suis: et accipiétis glóriam magnam, et nomen æternum. Et ecce Simon frater vester, scio quod vir consilii est: ipsum audíte semper, et ipse erit vobis pater. Et Judas Machabæus fortis viribus a juventute sua, sit vobis princeps militiæ, et ipse aget bellum pópuli. Et adducétis ad vos omnes factōres legis: et vindicare vindictam pópuli vestri. Et benedixit eos, et appósitus est ad patres suos.

Rj. Surrexit Judas Machabæus, et persecútus est iníquos, et qui conturbábant pópulum suum, eos succendit flammis; * Et directa est salus in manu ejus. ¶. Lætificábat Jacob in opéribus suis, pérdidit ímpios, et avertit iram ab Israel.* Et. *I. Mach. 3.*

Lectio III.

Godesc. Gall. Christ.

BERTILLA Virgo Suessionensis, adjuyante beáto Audóeno, in cœnóbio Jotrensi recepta monásticen professæ est; ibíque admirábilem habuit conversatióem. Tum parthenóni Calensi recens instaurato, jam miraculis clara, ex Bathildis Reginæ

voto et Theodechildis mandáto, prima præfecta est abbatisa. Sub ejus regimine sanctissime obiérunt sancta Regína Bathildis, et sancta Aldegundis Bathildis filiola, necnon venerábilis Hereswita mater sanctæ Adalbergæ. Inter vírgines ad disciplinam regulárem ab ipsa informatas emínuit sancta Mildréda e régio Francórum et Anglórum ságuine, quæ in Anglia óbiit abbatisa, necnon, juxta quosdam, sancta Hildelíta in Anglia páriter abbatisa, quæ tamen ab áliis in Farensi monastério institúta fuisse dicitur. Cœnóbio quadraginta et sex annis cum summa pietáte et sapiéntia gubernáto, ad cœlestem Sponsum migrávit Bertilla, anno círciter septingentésimo. Corpus ejus in ecclésia sancti Andréæ Calensis reverenter cólitur, maxilla autem ejus inférior in ecclésia Jotrensi.

R. Venit Sponsus; et * Quæ parátæ erant † Intravérunt cum eo ad nuptias. ✠. Beáti qui ad cœnam nuptiarum Agni vocáti sunt, * Quæ. Glória. † Intravérunt. *Matth.* 23. *Apoc.* 19.

Oratio Brev. Senon.

Deus, qui nos hódie sanctæ Virginis tuæ Bertillæ ánnua festivitáte lætificas: concéde propítius ut ejus adjuvémur précibus, cujus castitátis instrúimur exemplis; Per Dóminum.

Vesperæ de sequenti.

DIE XV.

S. EDMUNDI,

EPISCOPI.

Semiduplex.

Lectio I. Lib. I. Cap. 3.

Ex Libris Machabæórum.

ET surrexit Judas, qui vocabátur Machabæus, et dilatávit glóriam pópulo suo; et protegébat castra gládio suo. Et audívit Seron princeps exercitus Syriæ, quod congregávit Judas congregatió-nem fidélium, et ecclésiám secum, et ait: Fáciám mihi nomen, et glorificábor in regno, et debellábo Judam, et eos qui cum ipso sunt, qui spernébant verbum regis. Et exívit Judas óbviám illi cum paucis. Ut autem vidérunt exercitum venientem sibi óbviám, dixerunt Judæ: Quómodo potérimus pauci pugnáre contra multitudínem tantam? Et ait Judas: Fá-cile est conclúdi multos in manus paucórum: et non est différentia in conspectu Dei cœli, liberáre in multis, et in paucis: quóniam non in multitudíne exercitus victória belli, sed de cœlo fortitúdo est. Ut cessávit autem loqui, insí-luit in eos súbito, et contrítus est Seron, et exercitus ejus in conspectu ipsius.

R. Illi quidem armis confídunt et audácia: * Nos in omnipotente Dómino qui potest

et venientes adversum nos et universum mundum uno nutu delere, confidimus. ✕. Hæc est victória, quæ vincit mundum, fides nostra : * Nos. *II. Mach. 8. I. Joan. 5.*

Lectio II.

ET vidit Judas et fratres ejus, quia multiplicata sunt mala, et exercitus applicabant ad fines eorum : et cognoverunt verba regis, quæ mandavit populo facere in interitum et consummationem: et dixerunt unusquisque ad proximum suum: Erigamus dejectionem populi nostri, et pugnemus pro populo nostro, et sanctis nostris. Et congregatus est conventus ut essent parati in praelium; et ut orarent, et peterent misericordiam et miserationes. Et clamaverunt voce magna in cælum dicentes: Sancta tua conculcata sunt, et contaminata sunt, et sacerdotes tui facti sunt in luctum et in humilitatem. Et ecce nationes convenérunt adversum nos, ut nos disperdant: tu scis quæ cogitant in nos. Quomodo poterimus subsistere ante faciem eorum, nisi tu, Deus, adjuves nos?

R. Miserere plebi tuæ, Domine, super quam invocatum est nomen tuum; * Miserere civitati sanctificationis tuæ, Jerúsalem, civitati requiei tuæ. ✕. Deus, venerunt Gentes in hæreditatem tuam, polluerunt templum sanctum tuum. * Miserere. *Eccli. 36. Ps. 78.*

Lectio III.

Brev. Senon. Gall. Christ. t. XII. col. 206.

EDMUNDUS in Anglia natus est paréntibus pietate conspicuis. Cantuariensis Ecclesiæ Póntifex canónice electus et consecratus, de consueta a teneris annis vitæ duritia et austeritate nihil dimisit. Cum totum se animarum salutí ac tuendis Ecclesiæ libertatibus impenderet, multa ei adversa et molesta tum a rege, tum a procéribus regni, ab ipso étiam Cantuariensis Ecclesiæ collégio illata sunt. Quare cum multóties promissam, totiesque procrastinatam legum antiquarum observatió-nem frustra exspectasset; cum multas Ecclesias ob minus liberas electiones pastóribus simul et ópibus doléret spoliatas, ipsamque Anglicanam Ecclesiam magis ac magis in dies conculcari cérneret; aliaque ejusmodi quamplúra fieri quotidie animadverteret in regni damnum et religionis: eum se non esse arbitratus qui tantis malis medelam asferre posset salutarem, voluntarium amplexus exsiliium, in Gállias ad Pontiniacum Cisterciensis Ordinis monastérium se recepit, assiduus pro Angliæ saluté orationibus et jejúniis vacaturus. Demum váriis corporis et ánimo confectus ærumnis, in Sosciacensi, prope Prævinum, Canonicorum regularium priorátu, quo paulo ante salubrioris aeris causa secésse-

rat, diem obiit extrémum, decima sexta Novembris, anno millésimo ducentésimo quadragésimo primo. Ipsi animam exhalanti adfuit et últimam excépit exomologésim piíssimus Guido de Villonixa Abbas sancti Jacóbi Pruvínensis. In quo monastério usque ad ipsíus eversiónem, serváta sunt sancti Edmundi cásula et píléum láneum, quæ nunc in ecclésiâ sancti Quiríaci habentur.

R. Erat Deus cum eo, * Et † Erípuít eum ex ómnibus tribulatióibus ejus. ✕. Operátus est bonum et rectum, et verum coram Dómino Deo suo; * Et. Glória. † Erípuít. Act. 7. II. Par. 31.

Oratio Brev. Senon.

QUESUMUS, Dómine, cleméntiam tuam, ut in hac die quam tránsitu sacro beáti Pontificis Edmundi consecrasti, des nobis illam sequi doctrínam quam verbo dócuit, et viam tenére quam exemplo monstrávit; Per Dóminum.

Vesperæ de sequenti.

DIE XVII.

S. ANIANI,

EPISCOPI.

Semiduplex.

Lectio I. Lib. I. Cap. 4.

Ex Libris Machabæórum.

CONGREGAVIT Lysias vi-

rórum electórum sexaginta míllia, et équitum quinque míllia, ut debelláret eos. Et venérunt in Judæam, et occurrit illis Judas cum decem míllibus viris. Et vidérunt exércitum fortem, et orávit, et dixit: Benedictus es, Salvátor Israel, qui contrivisti ímpetum potentis in manu servi tui David, et tradidisti castra alienígenárum in manu Jónathæ filii Saül, et armígeri ejus. Déjice illos gládio diligéntium te: et collaudent te omnes, qui novérunt nomen tuum, in hymnis. Et commiserunt prælium: et ceciderunt de exércitu Lysię quinque míllia virórum. Videns autem Lysias fugam suórum, et Judæórum audáciam, et quod paráti sunt aut vívere, aut mori fórtiter, ábiit Antiochiám, et elégit mílites, ut multiplicáti rursus venírent in Judæam. Dixit autem Judas, et fratres ejus: Ecce contríti sunt inimíci nostri: ascendámus nunc mundáre sancta, et renováre.

R. Et si nobis propter increpationem, et correptionem Dóminus Deus noster módicum irátus est, * Sed íterum reconciliábitur servis suis. ✕. Nos propter nosmetipsos hæc pátimur, peccantes in Deum nostrum. * Sed. II. Mach. 7.

Lectio II.

ET congregátus est omnis exércitus, et ascenderunt in montem Sion. Et vidérunt

sanctificatióem desertam, et altáre profanátum, et portas exustas, et in átriis virgulta nata sicut in saltu. Et scidérunt vestimenta sua, et planxérunt planctu magno, et imposuérunt cínerem super caput suum : et cecidérunt in fáciem super terram, et clamavérunt in cœlum. Tunc ordinávit Judas viros, ut pugnárent adversus eos, qui erant in arce, donec emundárent sancta. Et 'elegit sacerdótes sine mácula, voluntátem habentes in lege Dei : et mundavérunt sancta, et obtulérunt sacrificium secundum legem super altáre holocaustórum novum, quod fecérunt. Et cecidit omnis pópulus in fáciem, et adoravérunt, et benedixérunt in cœlum eum, qui prosperávit eis.

R. Deus ómnium créator, terríbilis et fortis, justus et miséricors, qui fecisti patres electos, et sanctificasti eos ; * Accipe sacrificium pro pópulo tuo, custódi partem et sanctifica. ✠. Dómine, qui solus es bonus rex, solus præstans, solus justus, et omnípotens et æternus, qui líberas Israel de omni malo, * Accipe. II. Mach. 1.

Lectio III.

Ex Sidonio Apoll. et S. Greg. Turon.

ANIANUS Præsul Aurelianensis, Germáno et Lupo Episcopis coætáneus, ipsis nec zelo nec doctrína inférior flóruit. Mul-

ta jam senex in Ecclesiæ suæ administratióne, exímia non solum sanctitátis, sed étiam sapiéntiæ specímína déderat, cum Attila, Hunnórum rex, ad devastandas Gállias Rhenum transgressus, ad Aureliános pervénit, urbemque tota vicepit oppugnáre. Cumque inclúsi pópuli suo Pontífici quid ágerent acclamárent, ille fisus in Deo, monet omnes in oratióem proster-ni, et cum lácrymis præsens semper in necessitatibus Dóminiauxílium imploráre. Factum id íterum ac tértio, ardentíori semper desidério atque uberióri fletu, donec his ut præcéperat deprecántibus, post tértiam oratióem, de muro juxta senis impérium adspicientes, vidérunt a longe quasi nébulam de terra consúrgere. Quod ut renuntiavérunt, ait Sacerdos : Dómini auxílium est. Interím expugnáta civitáte, ingressi Hunnórum próceres, ad eamdem diripiendam sese accingébant, cum ecce Románi Gothique ex improvísio supervéniunt, imparatosque ex urbe expellunt. Biénnio post, juxta traditionem Aurelianensis Ecclesiæ, Aníanus plenus bonis opéribus obdormívit in Dómino, anno salutis quadringentésimo tértio.

R. Venit contra civitátem rex magnus et vallávit eam, extruxitque munitiões pergyrum et perfecta est obsídio, inventusque est in ea vir pauper et sapiens, et * Liberávit

urbem per sapiéntiam suam.
 ✕. Erat vir bonus et plenus
 Spíritu sancto et fide,* Libe-
 rávit. Glória. Liberávit. *Eccli.*
 9. *Act.* 11.

Oratio Brev. Aurel.

AD ESTO, quæsumus, omní-
 potens Deus, famíliæ tuæ pré-
 cibus, quas in beáti Aniani
 festivitáte tuæ offérimus ma-
 jestáti: et præsta ut, sicut ad
 supplicatiónes sancti hujus
 Pontíficis ipsíus civitáti in af-
 flictióne pósitæ succurrísti, ita
 et nos, ipso apud te inter-
 cedente, ab hóstium nostró-
 rum visibílium et invisibílium
 insidiis potenter erípias; Per
 Dóminum.

Vesperæ de eodem.

DIE XVIII.

S. ALDÆ,

VIRGINIS.

Simplex.

Lectio I. Lib. II. Cap. 9.

Ex Libris Machabæórum.

EODEM témpore, Antíochus
 inhoneste revertébatur de Pér-
 side. Intráverat enim in eam
 quæ dicitur Persépolis, et
 tentávit exspoliáre templum,
 et civitátem opprímere: sed
 multitudíne ad arma concur-
 rente, in fugam versi sunt:
 et ita cóntigit ut Antíochus
 post fugam túrpiter redíret.
 Elátus autem in ira, arbitra-

bátur se injúriam illórum qui
 se fugáverant, posse in Judæ-
 os retorquére: ideóque jussit
 agitári currum suum, sine
 intermissiône agens iter, cœ-
 lesti eum judício perurgente,
 eo quod ita superbe locútus
 est se ventúrum Jerosólymam,
 et congériem sepulcri Judæ-
 órum eam factúrum. Sed qui
 universa cónspicit Dóminus
 Deus Israel, percussit eum
 insanábili et invisíbili plaga.
 Ut enim finívit hunc ipsum
 sermónem, apprehendit eum
 dolor dirus viscerum, et amá-
 ra internórum tormenta. Su-
 per hoc autem supérbia replé-
 tus, ignem spirans ánimo in
 Judæos, et præcípíens accele-
 rári negótium, cóntigit illum
 ímpetu euntem, de curru cá-
 dere, et gravi córporis colli-
 sióne membra vexári.

¶. Interficiet robustos, et
 pópulum sanctórum, secun-
 dum voluntátem suam,* Et
 sine manu conterétur. ✕. Ad-
 versus Deum deórum loqué-
 tur magnífica, et dirigétur,
 donec compleátur iracúndia;
 * Et. *Dan.* 8 et 11.

Lectio II.

ISQUE qui sibi videbátur
 étiam flúctibus maris impe-
 rráre, nunc humiliátus ad ter-
 ram, in gestatório portabá-
 tur, manifestam Dei virtútem
 in semetipso contestans: ita
 ut de córpore ímpii vermes
 scaturírent, ac viventis in do-
 lóribus carnes ejus efflúerent,
 odóre étiam illíus et fœtore

exercitus gravaretur. Hinc igitur coepit ex gravi superbia deductus ad agnitionem sui venire, divina admonitus plaga, per momenta singula doloribus suis augmenta capiētib. Et civitatem, ad quam festinans veniebat, ut eam ad solum deduceret ac sepulcrum congestorum faceret, nunc optat liberam reddere. Et Judæos æquales nunc Atheniensibus facturum pollicetur. Templum etiam sanctum quod prius exspoliaverat, optimis donis ornatum, et sancta vasa multiplicatum, et pertinentes ad sacrificia sumptus de reditibus suis præstatum: super hæc, et Judæum se futurum, et omnem locum terræ perambulatum, et prædicatum Dei potestatem. Igitur homicida, et blasphemus pessime percussus, et ut ipse alios tractaverat, peregre in montibus miserabili obitu vita functus est.

R. Antiochus ait: Justum est subditum esse Deo, et mortalem non paria Deo sentire. * Orabat autem hic sceleratus Dominum, a quo non esset misericordiam consecutus. V. Non invenit poenitentiae locum, quanquam cum lacrymis inquisisset eam: * Orabat. II. Mach. 9. Hebr. 12.

Lectio III.

Brev. Paris.

ALDA, quæ et Auda, ex pago Meldiciāno, ubi vicum et pa-

rochiam sui nominis habet, orta creditur, et sanctæ Genovæ, dum apud Meldas aliquando moraretur, adhæsisse; a qua postea Parsios adducta, pietatis, castimonie, abstinētiæ et humilitatis exemplis, quibus ab ipsa informata fuerat, Ecclesiam et civitatem illustravit; et defuncta, prope eandem in basilica Apostolorum sepeliri meruit. Aliquot ejus reliquie coluntur in ipsius ecclesia Dioceseos Meldensis.

R. Gaudeamus, et exultemus, et demus gloriam Deo; * Quia venerunt nuptiæ Agni, et uxor ejus præparavit se. V. Virgines laudent nomen Domini; * Quia. Glória. * Quia. Apoc. 19. Ps. 148.

Oratio Brev. Senon.

DEUS, castitatis amator, auxiliare nobis, quæsumus, per sanctæ Virginis Aldæ merita gloriosa, ut ejus precibus ab adversis liberemur, et ad cœlestia perducamur; Per Dominum.

Vesperæ de sequenti.

DIE XIX.

S. COLUMBANI,

ABBATIS.

Semiduplex.

Lectio I. Lib. II. Cap. 10.

Ex Libris Machabæorum.

TIMOTHÆUS qui prius a

Judæis fúerat superátus, convocato exercitu peregrinæ multitudinis, et congregato equitatu Asiáno, advénit quasi armis Judæam captúrus. Machabæus autem, et qui cum ipso erant, appropinquante illo, deprecabantur Dóminum, caput terra aspergentes, lumbosque ciliiciis præcincti, ad altáris crepidinem provoluti, ut sibi propitiús, inimicis autem eórum esset inimicus, sicut lex dicit. Primo autem solis ortu utríque commiserunt. Sed cum véhemens pugna esset, apparuerunt adversáriis de cœlo viri quinque in equis, frænis áureis decóri, ducatum Judæis præstantes: ex quibus duo, Machabæum médium habentes, armis suis circumseptum incolumem conservabant. In adversários autem tela et súlmina jaciébant, ex quo et cæcitate confúsi et repléti perturbatióne cadébant. Interfecti sunt autem viginti míllia quingenti, et équites sexcenti.

¶. Fácile est conclúdi multos in manus paucórum: * Et non est differentia in conspectu Dei cœli, liberáre in multis, et in paucis. ✠. Quod infirmum est Dei, fórtius est homínibus, * Et. *I. Mach.* 3. 7. *Cor.* 1.

Lectio II. Cap. 12.

ET post Pentecosten, abiérunt contra Górgiam præpositum Idumææ. Exívit autem

cum pedítibus tribus míllibus, et equitibus quadringentis. Quibus congressis, cóntigit paucos rúere Judæórum. Invocávit Judas Dóminum adjutórem et ducem belli fieri: incípiens voce pátria, et cum hymnis clamórem extollens, fugam Górgiæ míltibus incussit. Invenérunt autem sub tunicis interfectórum de donáriis idolórum, quæ apud Jámniam fuérunt, a quibus lex próhibet Judæos: ómnibus ergo manifestum factum est, ob hanc causam eos corruisse. At vero fortíssimus Judas facta collatióne, duódecim míllia drachmas argenti misit Jerosólymam offerri pro peccátis mortuórum sacrificium, bene et religióse de resurrectione cógitans. Nisi enim eos qui ceciderant, resurrectúros speráret, superfluum viderétur, et vanum oráre pro mórtuis. Et quia considerábat quod hi, qui cum pietáte dormitiónem acceperant, óptimam habérent repósitam grátiam. Sancta ergo et sálubris est cogitatio pro defunctis exoráre, ut a peccátis solvantur.

¶. Simon Mathathíæ fílius, et fratres ejus dedérunt se pérículo, et restitérunt adversáriis gentis suæ, ut starent sancta ipsórum, et lex; * Et glória magna glorificavérunt gentem suam. ✠. Fortes facti sunt in bello, castra vertérunt exterórum, omnes testimónio fídei probáti: * Et. *I. Mach.* 14. *Hebr.* 11.

Lectio III.

Brev. Paris. Hist. Eccles. Meld. etc.

COLUMBANUS Hibernus, adhuc adolescens, Psalmos expósuit; múltaque de divína psalmódia et pietáte christiána utiliter scripsit. Cum per plures annos vitam monásticam in cœnóbio Bencorensi sub sancto Comogallo egisset, venit in Gállias. Ibi, accepta a Sigeberto rege licéntia, Luxoviense monastérium in Burgúndia extruxit, quo tanta monachórum confluit multitúdo, ut succedéntibus vicissim sibi choris, in decantandis Dei láudibus dies nóctibus continuarentur. Ædificáto póstea Fontanensi cœnóbio, Régulam monásticam primus Francis trádidit. Luxóvio pulsum a Theodórico rege, quod dissolútos ejus mores libere argúeret, Clotárius humaniter excépit; cui prædixit Columbánus post tres annos futúrum ut Theodeberti ac Theodórici regna ditióni ejus accéderent. Parísii, ad portam urbis, energúmenum ab immundo spírítu liberávit. Per diocésim Meldensem iter fáciens, Faram, mox Ordinis sui primítias in sexu muliebri futúram, in domo Agnérici benedixit; similiter et in domo Autérii, filios ejus Audoénus et Adónem. In Itáliam profectus, Medioláni Ariános voce et scriptis expugnávit; et in ea

regióne Bobiense monastérium erexit, ubi anno vertente felíciter mórtuus est.

R). Exeámus ad Jesum extra castra, impropérium ejus portantes; * Non enim habémus hic manentem civitátem, sed futúram inquírimus. ✠. Peregríni sumus coram te, Deus: dies nostri quasi umbra super terram; * Non. Glória. * Non. *Hebr. 13. I. Par. 29.*

Oratio Brev. Nem.

DEUS, qui beáti Columbáni præceptis et exemplis innúmeros ad perfectiónem Evangelicam elevasti: accende, quæsumus, in nobis ardens sanctitátis desidérium; Per Dóminum.

Vesperæ de eodem.

DIE XX.

S. FELICIS VALESII,

ANACHORETÆ.

Simplex.

Lectio I. Lib. II. Cap. 15.

Ex Libris Machabæórum.

ET Nícanor quidem cum summa supérbia erectus, cogitáverat commúne trophæum statuere de Juda. Machabæus autem hortabátur suos ne formidárent ad adventum natiónum, sed in mente habérent adjutória sibi facta de cœlo. Singulos autem illórum armávit, non clypei et hastæ

munição, sed sermónibus óptimis et exhortatióibus, expósito digno fide sómnio, per quod universos lætificávit. Erat autem hujuscémodi visus : Oníam qui fúerat summus Sacerdos, virum bonum et benignum, verecundum visu, modestum móribus, et elóquio decórum, et qui a púero in virtútibus exercitatus sit, manus protendentem oráre pro omni pópulo Judæórum : post hoc apparuisse, et álium virum ætáte et glória miráblem, et magni decóris habitúdine circa illum : respondentem vero Oníam dixisse : Hic est fratrum amátor, et pópuli Israel : hic est qui multum orat pro pópulo, et universa sancta civitate, Jeremías prophéta Dei. Extendisse autem Jeremíam dexteram, et dedisse Judæ gládium áureum, dicentem : Accipe sanctum gládium munus a Deo, in quo dejicies adversários pópuli mei Israel.

℞. Surrexit Judas Machabæus, et adjuvábant eum fratres ejus, et præliabantur prælium Israel cum lætítia, et repulsi sunt inimíci ejus,* Et directa est salus in manu ejus. †. Operáti sunt justítiam, fortes facti sunt in bello, castra vertérunt exterórum,* Et. *I. Mach. 3. Hebr. II.*

Lectio II.

EXHORTATI itaque Judæ sermónibus bonis valde, statuérunt

dimicáre et configere fórtiter, ut virtus de negotiis judicáret; eo quod civitas sancta et templum periclitarentur. Erat enim pro uxóribus et filiis, itemque pro frátribus et cognátis, minor sollicitúdo : máximus vero et primus pro sanctitáte timor erat templi. Nícanor autem, et qui cum ipso erant, cum tubis et cánticis admovébant. Judas vero, et qui cum eo erant, invocáto Deo, per oratiónes congressi sunt : manu quidem pugnantes, sed Dóminum córdibus orantes, prostravérunt non minus triginta quinque míllia, præsentia Dei magnífice delectáti. Cumque cessassent, et cum gaudio redírent, cognovérunt Nicanórem ruisse cum armis suis. Facto itaque clamóre, pátria voce omnipotentem Dóminum benedicébant. Præcepit autem Judas caput Nicanóris, et manum cum humero abscissam, Jerosólymam perferri : ut évidens esset, et manifestum signum auxílii Dei. Igitur his erga Nicanórem gestis, et ex illis temporibus ab Hebræis civitate possessa, ego quoque in his fáciám finem sermónis.

℞. Ait Judas : Accingimini, et estóte fílii potentes : * Quóniam mélius est nos mori in bello, quam vidére mala gentis nostræ, et sanctórum. †. Sicut fúerit voluntas in cœlo, sic fiat.* Quóniam. *I. Mach. 3.*

Lectio III.

*Gall. Christ. t. VIII. col. 1732
et seq. Godesc. etc.*

FELIX, cognomento Valé-
sius, pétiit adhuc adolescens
erémum diocésis Meldensis,
ubi ab omni hóminum adspec-
tu secrétus, pane et aqua víc-
titans, sola conversatióne in
cœlis delectabátur. Erat ex
illórum número qui, ut sanc-
tus Augustínus jampridem
observávit, videntur nonnul-
lis res humanas plus quam
oportet deseruisse; non intel-
ligéntibus quantum nobis eó-
rum ánimus in oratióibus
prosit, et vita ad exemplum.
Verum caritas quæ nunquam
vacáre potest, Felícem coégit
in suam erémum et societa-
tem admíttere Joannem de
Matha, presbyterum, doctó-
rem Parisiensem. Quem mirí-
fice adjúvit in fundatióne et
propagatióne Ordinis sanctís-
simæ Trinitátis ad redempti-
onem captivórum institúti, do-
nec méritis consummátus, oc-
toginta et quinque annis ma-
jor, plácidam Deo ánimam
réddidit, anno ducentésimo
et décimo secundo supra mil-
lésimum, adstantes fratres ad
caritatem erga páuperes et
captivos adhortans. Primá-
ria domus prædicti institúti
habebátur in diocési Melden-
si, videlicet apud Cerfrédum,
qui locus nunc ad Suessio-
nensem pértinet.

R. Vocávi te * Ut edúceres
de conclusiône vinctum, de

domo cárceris sedentes in té-
nebris. ⁊. Dedi te ut díceres
his qui vincti sunt : Exíte : *
Ut. Glória. * Ut. *Is. 42 et 49.*

Oratio Brev. Petroc.

DEUS, qui beátum Felícem
ab erémo ad munus captivos
redimendi cœlitus vocáre dig-
nátus es : præsta, quæsumus,
ut ipso intercedente, a pecca-
tórum vínculis solúti, ad cœ-
lestem pátriam perducámur ;
Per Dóminum.

Vesperæ de sequenti.

DIE XXI.

PRÆSENTATIO,

SIVE

COMMEMORATIO

SANCTI PROPOSITI

BEATÆ Mariæ

VIRGINIS.

Duplex-majus.

IN I VESPERIS.

Ant. 5. C. Fíliæ Jerúsalem,
nuntiáte dilecto meo quia
amóre lángueo. *Cant. 5.*

*Ant. 6. F. Totus desiderá-
bilis, talis est dilectus meus ;
et ipse est amícus meus. Cant. 5.*

*Ant. 2. D. Indica mihi, quem
diligít ánimá mea, ubi pascas.
Cant. 1.*

*Ant. 4. d. Quis mihi det te,
ut invéniam te? Apprehendam
te, et me docébis. Cant. 8.*

Ant. 3. E. Trahe me : post

te currémus in odórem un-
guentórum tuórum. *Cant. 1.*

Capitulum. Is. 56.

HÆC dicit Dóminus : Qui
elégerint quæ ego vólui et te-
núerint fœdus meum, dabo
eis in domo mea et in muris
meis locum : nomen sempi-
ternum dabo eis, quod non
peribit.

Hymnus. Sem. S. Sulp.

QUAM pulchre graditur filia
Príncipis,
Templi cum properat lími-
na tângere!
Prælúdit melióri,

Quam mox ófferet hóstiam.
E matris gremio, Núminis in
sinum

Infans non dubiis pássibus
ádvolat;

Virgo Núminis ara,
Aris víctima sístitur.

Sponso membra Deo móllia
dévovet;

Cordis virginei dédicat ín-
tima:

Verbo débita mater,
Verbo víscera cónsecrat.

Tecum cuncta Deo pródiga
dum voves,

Numen, Virgo, tui pecto-
ris íncola,

Quanto fœnore pensat
Terræ quæ bona déspicis?

Quid nos illaqueant improba
gáudia?

Cur nos jam pigeat víncula
rúmpere?

Dux est Virgo sacerdos,
Fas sit quo properat sequi.

(*Strophe sequens dicitur a so-
lis Sacerdotibus.*)

Ergo nunc tua gens se tibi
cónsecrat,

Ergo nostra manes pórtio,
tu, Deus,

Qui de Vírgine natus

Per nos sæpe renásceris.

Sit supréma tibi glória, Trín-
nitas;

Quo Virgo teneram se vo-
vet hóstiam,

Puri Flámen amóris,

Fac nos jam tibi vívere.

Amen.

✠. Unam pétii a Dómino,
hanc requíram; ✠. Ut inhá-
bitem in domo Dómini. *Ps.*
26.

Ad Magnificat. Ant. 1. J.
Circuibam, quærens sapién-
tiam, ut mihi illam adsúme-
rem; et ádii Dóminum. *Sap. 8.*

AD COMPLET. Hymnus,
Virgo, hodie et cras.

AD OFFICIUM NOCT.

Invit. Ducem virginitátis
Dóminum, * Veníte, adoré-
mus. *Jer. 3.*

Hymnus. Sem. S. Sulp.

INFANS pulsa recens matris
ab úbere,

Abscondi tacítis quærit in
átriis;

Templum Virgo futúra,

Templi crescit in ædibus.

In blanda requie, plena ne-
gótio,

Uni nota Deo vívere cógi-
tat:

Hic pro lacte parentis

Sugit Núminis úbera.

Sic auróra, novi núntia lúmi-
nis,

Primo mane latet núbibus
óbsita;

Mox solem paritúra,
Plenum qui referat diem.

Sol in virgineo pectore præ-
viis

Ardórem radiis súscitat in-
timum :

Hoc fœcunda calóre
Virtus ínsita gérminat.

Ut fert prima novis múnera
fróndibus

Arbos irrigui fontis in ál-
veo;

Fructum Virgo datúra
Sese flóribus induit.

Sit supréma tibi glória, Trí-
nitas;

Quo Virgo teneram se vovet
hóstiam,

Puri Flamen amóris;

Fac nos jam tibi vívere.

Amen.

IN I NOCTURNO.

Ant. 1. f. Præcépit mihi qui
creávit me; et in habitatióne
sancta coram ipso ministrávi.
Eccli. 24.

Ant. 3. a. Exaltáta sum
quasi cypressus in monte
Sion : et quasi terebinthus
extendi ramos meos; et rami
mei houóris et grátiz. *Eccli. 24.*

Ant. 6. C. Quasi vitis fruc-
tificávi suavitátem odóris; et
flores mei fructus honóris et
honestátis. *Eccli. 24.*

✠. Ego sicut olíva fructí-
fera in domo Dei, R). Sperávi
in misericórdia Dei. *Ps. 51.*

Lectio I. Cap. 1.

Incipit Liber Apocalypsis
beáti Joannis Apóstoli.

APOCALYPSIS Jesu Christi,
quam dedit illi Deus palam
facere servis suis, quæ opor-
tet fieri cito : et significávit,
mittens per Angelum suum
servo suo Joanni, qui testi-
mónium perhibuit verbo Dei.
et testimónium Jesu Christi,
quæcumque vidit. Beátus qui
legit et audit verba prophe-
tiæ hujus, et servat ea quæ
in ea scripta sunt : tempus
enim prope est. Joannes sep-
tem Ecclesiis, quæ sunt in
Asia. Grátia vobis, et pax ab
eo, qui est, et qui erat, et
qui ventúrus est : et a septem
spiritibus, qui in conspectu
thróni ejus sunt : et a Jesu
Christo, qui est testis fidélis,
primogénitus mortuórum, et
princeps regum terræ, qui
dilexit nos, et lavit nos a pec-
catis nostris in ságuine suo,
et fecit nos regnum, et sacer-
dótes Deo et Patri suo : ipsi
glória, et impérium in sécula
seculórum. Amen.

R). Ecce venit cum núbibus,
* Et vidébit eum omnis ócu-
lus, et qui eum pupugérunt.
Et plangent se super eum
omnes tribus terræ : Etiam.
Amen. ✠. Stat ad judicandum
Dóminus, et stat ad judican-
dum pópulos; * Et. *Apoc. 1.*
Is. 3.

Lectio II.

Ego Joannes frater vester, et

párticeps in tribulatióne, et regno, et patientia in Christo Jesu; fui in ínsula, quæ appellátur Pathmos, propter verbum Dei, et testimónium Jesu. Fui in spíritu in Domínica die, et audiui post me vocem magnam tanquam tubæ dicentis: Quod vides, scribe in Libro: et mitte septem Ecclésiis quæ sunt in Asia, Epheso, et Smyrnæ, et Pérgamo, et Thyatiræ, et Sardis, et Philadélphiæ, et Laodiciæ.

℞. Factum est regnum hujus mundi Dómini nostri et Christi ejus. * Et regnabit in sécula seculórum. ✕. Ejus regnum, regnum sempiternum est; et omnes reges sérvient ei, et obédient, * Et. *Apoc.* 11. *Dan.* 7.

Lectio III.

Et conversus sum ut vidérem vocem, quæ loquebátur mecum. Et conversus vidi septem candelábra áurea: et in medio septem candelabrórum aureórum, símilem Filio hóminis, vestítum podére, et præinctum ad mamillas zona áurea: et habébat in dextera sua stellas septem: et de ore ejus gládus utrâque parte acútus exibat: et facies ejus sicut sol lucet in virtúte sua.

℞. Ego sum Alpha et Omega, princípium et finis, * Dicit Dóminus Deus, qui est, et qui erat, et qui ventúrus est, omnípotens. ✕. Ego primus, et ego novíssimus, et absque me non est Deus, *

Autumnalis.

Dicit. Glória. * Dicit. *Apoc.* 1. *Is.* 44.

IN II NOCTURNO.

Ant. 5. C. Quam pulchra es, amica mea, quam pulchra es! Oculi tui columbárum.

Cant. 4.

Ant. 8. c. Ostende mihi faciém tuam, sonet vox tua in áuribus meis; vox enim tua dulcis, et faciés tua decóra.

Cant. 2.

Ant. 2. D. Favus distillans, lábia tua: mel et lac sub lingua tua; et odor vestimentórum tuórum sicut odor thuris. *Cant.* 4.

✕. Myrrha, et gutta, et cássia a vestimentis tuis: ℞. Ex quibus delectavérunt te filiæ regum. *Ps.* 44.

Lectio IV.

Ex sancto Bernardo Abbáte de Láudibus Vírginis Matris. *Hom.* 2. *super Missus.* n. 1.

Deo hujúsmodi decébat natívitás, qua non nisi de Vírgine nascerétur: talis congruébat et Vírgini partus, ut non páreret nisi Deum. Proinde Factor hóminum, ut homo fieret, nascitúrus de hómine, talem sibi ex ómnibus débuit delígere, immo cóndere matrem, qualem et se decére sciébat, et sibi nóverat placitúram. Vóluit itaque esse vírginem, de qua immaculáta immaculátus procederet, ómnium máculas purgatúrus: vóluit et húmitem, de qua mitis et húmilis corde prodí-

ret, harum in se virtutum necessarium omnibus saluberrimumque exemplum ostensurus. Dedit ergo Virgini partum, qui ei jam ante et virginitatis inspiraverat votum, et humilitatis prærogaverat meritum.

R. Audi, filia, et inclina aurem tuam, et * Obliviscere populum tuum, et domum patris tui: et concupiscet Rex decorem tuum, quoniam ipse est Dominus Deus tuus. ✠. Dominus tecum, Maria; ne timeas; * Obliviscere. Ps. 44. Luc. 1.

Lectio V. Hom. 3. n. 3.

MERITO autem concupivit Rex decorem Virginis. Fecerat enim quidquid longe antea præmonita fuerat a patre suo David, dicente sibi: Audi, filia, et vide, et inclina aurem tuam, et obliviscere populum tuum et domum patris tui: et si hoc feceris, Concupiscet Rex decorem tuum. Audivit quippe, et vidit, non ut quidam qui audientes non audiunt, et videntes non intelligunt: sed audivit et credidit, vidit et intellexit; et inclinavit aurem suam ad obedientiam, et cor suum ad disciplinam: et oblita est populum suum, et domum patris sui; quia nec populum suum augere prolis successione, nec domui patris sui relinquere curavit hæredem.

R. Quod relinqueris parentes tuos, reddat tibi Dominus pro opere tuo: et * Plenam

mercedem recipies a Domino Deo tuo, ad quem venisti, et sub cujus confugisti alas. ✠. Benedicta tu, et beata quæ eredidisti: * Plenam. Ruth, 2. Luc. 1.

Lectio VI. n. 7.

O Virgo prudens! quis te docuit Deo placere virginitatem? Ubi audieras, Volo vos omnes esse sicut et meipsum? et, Bonum est homini, si sic permaneat secundum meum consilium? De virginibus, inquit, præceptum non habeo, consilium autem do. Tu vero, non dicam præceptum, sed nec consilium, nec exemplum: nisi quod unctio docebat te de omnibus; ac Sermo Dei vivus et efficax, ante tibi factus magister quam filius, prius instruxerit mentem quam induerit carnem. Christo ergo devoves te exhibere virginem; et nescis quod ipsi exhiberi te oporteat etiam matrem. Eligis in Israel esse contemptibilis, et ut illi placeas cui te probasti, maledictum incurrere sterilitatis: et ecce maledictio benedictione commutatur, sterilitas fecunditate recompensatur.

R. Custodiet Dominus Deus pactum tibi, * Et misericordiam quam juravit patribus tuis, † Benedicetque fructui ventris tui. ✠. Invenisti gratiam apud Deum, * Et. Glória. † Benedicetque. Deut. 7. Luc. 1.

IN III NOCTURNO.

Ant. 3. a. Sub umbra illius

quem desideráveram, sedi; et fructus ejus dulcis gútturi meo. *Cant. 2.*

Ant. 7. c. Introduxit me Rex in cellária sua: ordinávit in me caritátem. *Cant. 1 et 2.*

Ant. 4. E. Ego dilecto meo, et dilectus meus mihi, qui páscitur inter lília. *Cant. 6.*

✠. Defécit caro mea et cor meum: *R.* Deus cordis mei, et pars mea Deus in æternum. *Ps. 72.*

Lectio VII.

Ex Libro sancti Augustíni Epíscopi, de sancta Virginitáte. *Cap. 4.*

VIRGINITAS Mariæ ideo grátior et accéptior, quia eam, priusquam conciperétur Christus, jam Deo dicátam, de qua nascerétur elégit. Hoc índicant verba, quæ sibi foetum annuntianti Angelo María réddidit. Quómodo, inquit, fiet istud, quóniam virum non cognosco? Quod profecto non díceret, nisi Deo vírginem se ante vovisset. Sed quia hoc Israelítarum mores adhuc recusábant, desponsáta est viro justo, non violentè ablatúro, sed pótius contra violentos custoditúro, quod illa jam vóverat.

R. Dictum est a Dómino per Prophétam: Ecce Virgo in útero habébit, et páriet fílium: * Et vocábunt nomen ejus, Emmánuel, quod est interpretátum, Nobiscum Deus. ✠. Dícite fíliæ Sion: Ecce Salvátor tuus venit: * Et. *Matth. 1. Is. 62.*

Lectio VIII.

POTERAT et jubéri virgo permanére; sed exemplo sanctis futúra virgínibus, ne putarétur sola virgo esse debuisse, virginitátem Deo dicávit, cum adhuc quid esset conceptúra nescíret, ut in terréno mortalíque corpore, coelestis vitæ imitátio voto fieret, non præcepto; amóre eligendi, non necessitáte serviendi. Ita Christus nascendo de Vírgine, virginitátem sanctam approbáre máluit quam imperáre. Ac sic étiam in ipsa Fémina in qua formam servi accépit, virginitátem esse líberam vóluit.

R. Dixit Deus: Benedícam ei, et ex illa dabo Fílium; * Et ait Deus: Páriet Fílium, et constítuam pactum meum illi in fœdus sempiternum. ✠. Dixit María: Virum non cognosco. * Et. *Gen. 17. Luc. 1.*

Lectio IX. Cap. 11.

Léctio sancti Evangélíi secundum Lucam.

Maríæ beatitudo.

IN illo témpore; Loquente Jesu ad turbas, extollens vocem quædam múlíer de turba, dixit illi: Beátus venter qui te portávit. Et réliqua.

Homília sancti Augustíni Epíscopi. *De sancta Virg. Cap. 3 et 5.*

BEATIOR María percipiendo fidem Christi, quam concí-

piendo carnem Christi. Nam et dicenti cuidam, Beátus venter qui te portávit, ipse respondit : Innuo beáti qui áudiunt verbum Dei, et custódiunt. Dénique frátribus ejus, id est, secundum carnem cognátis, qui nōn in eum crediderunt, quid prōfuit illa cognátio? Sic et materna propinquitás nihil Mariæ profuisset, nisi felicius Christum corde quam carne gestasset. Non est ergo cur Dei vírgines contristentur, quod étiam ipsæ, virginitáte serváta, matres carnis esse non possunt. Illum enim solum virginitás decenter párrere posset, qui in sua nativitate parem habere non posset. Verúm tamen ille unius sanctæ Virginis partus ómnium sanctárum víginum est decus. Et ipsæ cum Mariá matres Christi sunt, si Patris ejus faciunt voluntátem. Hinc enim et Mariá laudabilius atque beátius Christi mater est, secundum supra memorátam ejus senténtiam : Quicumque facit voluntátem Patris mei, qui in cœlis est ; ipse mihi frater, et soror, et mater est.

R. Múlier de turba dixit Jesu : Beátus venter qui te portávit, et úbera quæ suxisti. At ille dixit : Quinimmo, * Beáti qui áudiunt verbum Dei, et custódiunt illud. *Immortalitas est in cognátione sapiéntiæ, et præclaritas in communicátione sermónum ipsius : * Beáti. Glória. * Beáti. Luc. 11. Sap. 8.*

AD LAUDES.

Ant. 5. a. Pars mea Dóminus, dixit ánima mea ; bonus est ánimæ quærenti illum. Thren. 3.

Ant. 2. D. Quæslvi sapiéntiam palam in oratióne mea : ante templum postulábam pro illa. Eccli. 51.

Ant. 4. E. A juventúte mea investigábam eam : inclinávi módice aurem meam, et excépi illam. Eccli. 51.

Canticum. Zach. 2.

LAUDA et lætare, filia Sion ; * quia ecce ego vénio, et habitábo in médio tui, ait Dóminus.

Et applicabuntur gentes multæ ad Dóminum in die illa, * et erunt mihi in pópulum, et habitábo in médio tui.

Et scies quia Dóminus exercítuum * misit me ad te.

Et possidébit Dóminus Judam partem suam in terra sanctificáta ; * et éliget adhuc Jerúsalem.

Sileat omnis caro a facie Dómini, * quia consurrexit de habitáculo sancto suo.

Ant. 7. d. Multam inveni in meipso sapiéntiam, et multum profeci in ea : danti mihi sapiéntiam dabo glóriam. Eccli. 51.

Ant. 6. F. In voce laudis immolábo tibi : quæcumque vovi reddam Dómino. Jonæ, 2.

Capitulum. Eccle. 4.

CUSTODI pedem tuum ingré-
diens domum Dei, et appropinqua ut áudias.

Hymnus. Brev. Clun.

O Sancte sanctórum Deus,
Quam pura sese dévovet,
Ignóta prisco fœderi,
Tuas ad aras hóstia!

Afflata puro Númine,
Tædas jugales réspuens,
María vincolo pérpetis
Se castitátis óbligat.

Prolis coæternæ Patri
Futúra mater, sic sui
Paráre Sponso Vírginum
Festínat aulam péctoris.

Exósa pompas séculi,
Latére, nescíri studet,
Solo, placére cui cupit,
Deo frui beátior.

Hinc quanta posthac Vírgi-
num

Surrexit in terris seges!
Laus quanta, despectæ prius
Adjecta continéntiæ!

Quotquot pudóris æmulæ,
Matris prement vestigia,
Tót illa post se Fílii
Dux sistet ad Regis thronum.

Sit laus Patri, laus Fílio
Qui Vírgines sponsat sibi;
In quo litantur hóstiæ
Par sit tibi laus, Spíritus.

Amen.

✠. Dóminus abscondit me
in tabernáculo suo: R. Pro-
textit me in abscondito taber-
náculo sui. Ps. 26.

Ad Benedictus. Ant. 3. a.
Dábitur illi fidei donum elec-

tum, et sors in templo Dei
acceptíssima; bonórum enim
labórum gloriósus est fructus,
et quæ non cóncidat radix
sapientiæ. Sap. 3.

Oratio Brev. Rom.

Deus, qui beátam Mariam
semper vírginem, Spíritus
sancti habitáculum, in templo
præsentári voluisti: præsta,
quæsumus, ut ejus interces-
sione in templo glóriæ tuæ
præsentári mereámur; Per
Dóminum..... in unitáte ejus-
dem Spíritus sancti Deus.

Si sit Dom. de ea fit Commem.

AD HORAS, Doxologia:

¶ Qui natus es de Vírgine,
Jesu, tibi sit glória,
Cum Patre, cumque Spíritu,
In sempiterna sécula.

Amen.

AD PRIMAM.

Ant. 5. a. Pars mea.

In R. br. ✠. Qui natus es *
de María Vírgine. Matth. 1.

AD TERTIAM.

Ant. 2. D. Quæsívi.

Capitulum. Sap. 6.

CURA disciplinæ diléctio est,
et diléctio custódia legum il-
líus est: custodítio autem le-
gum consummátio incorrup-
tiónis est: incorruptio autem
facit esse próximum Deo.

R. br. Propter innocentiam
* Suscepisti me, Deus. Prop-

ter. *Ÿ.* Et confirmasti me in conspectu tuo * in æternum.* Suscepisti. Glória. Propter. *Ps.* 40.

Ÿ. Adhæsit ánima mea post te; *Ŗ.* Me suscepit dextera tua. *Ps.* 62.

AD SEXTAM.

Ant. 4. E. A juventúte mea.

Capitulum. Eccli. 17.

COGNOSCE justitias et iudícia Dei, et sta in sorte propositionis et orationis altissimi Dei. In partes vade sæculi sancti, cum vivis et dántibus confessionem Deo.

Ŗ. *br.* Exaudi, Dómine, vocem deprecationis meæ,* Dum oro ad te. Exaudi. *Ÿ.* Dum extollo manus meas * ad templum sanctum tuum;* Dum. Glória. Exaudi. *Ps.* 27.

Ÿ. Circumdabo altáre tuum, Dómine; *Ŗ.* Ut áudiam vocem laudis, et enarrem universa mirabilia tua. *Ps.* 25.

AD NONAM.

Ant. 6. F. In voce.

Capitulum. Judith, 10.

DEUS patrum nostrórum det tibi grátiam, et omne consílium tui cordis sua virtúte corroboret; ut gloriétur super te Jerúsalem, et sit nomen tuum in número sanctórum et justórum.

Ŗ. *br.* Apud te laus mea * In ecclésia magna. Apud. *Ÿ.* Vota mea reddam * in con-

spectu timéntium eum; * In. Glória. Apud. *Ps.* 21.

Ÿ. Innocentes et recti adhæsérunt mihi; *Ŗ.* Quia sustinui te. *Ps.* 24.

AD II VESPERAS.

Ant. 6. F. Lauda et lætare, filia Sion; quia ecce ego vénio, et habitábo in médio tui, ait Dóminus. *Zach.* 2.

Ant. 8. G. Rex Israel Dóminus in médio tui; non timébis malum ultra. *Sophon.* 3.

Ant. 1. J. Dóminus Deus tuus in médio tui fortis, ipse salvábit. *Sophon.* 3.

Ant. 5. C. Gaudébit super te in lætítia: silébit in dilectióne sua: exultábit super te in laude. *Sophon.* 3.

Ant. 4. E. Applicabuntur gentes multæ ad Dóminum in die illa, et erunt mihi in pópulum, et habitábo in médio tui. *Zach.* 2.

Capitulum. Apoc. 3.

ECCE tabernáculum Dei cum homínibus, et habitábit cum eis: et ipsi pópulus ejus erunt, et ipse Deus cum eis erit eórum Deus.

Hymnus, Quam pulchre, ut in *I Vesperis,* 479.

Ÿ. Sanctificávit tabernáculum suum Altíssimus: *Ŗ.* Deus in médio ejus. *Ps.* 45.

Ad Magnificat. *Ant.* 3. a. Manus Dómini confortávit te; et ideo eris benedicta in æternum. *Judith,* 15.

DIE XXII.

S. CÆCILIAE,

VIRGINIS ET MARTYRIS.

*Semiduplex.**Lectio I. Cap. 1.*

Ex Libro Apocalypsis beati Joannis Apóstoli.

ET cum vidissem eum (sí-
mílem Fílio hóminis), cécidi
ad pedes ejus tanquam mór-
tuus. Et pósuit dexteram su-
am super me, dicens : Noli
timére : Ego sum primus, et
novíssimus, et vivus, et fui
mórtuus, et ecce sum vivens
in sécula seculórum, et hábeo
claves mortis et inferni. Scri-
be ergo quæ vidisti, et quæ
sunt, et quæ oportet fieri post
hæc. Septem stellæ, Angeli
sunt septem Ecclesiárum : et
candelábra septem, septem
Ecclesiæ sunt.

R. Ecce vicit leo de tribu
Juda, radix David : * Dignus
est Agnus, qui occísus est,
accípere virtútem et honó-
rem et glóriam. *V.* Ipse est
Deus vivens et æternus in sé-
cula : ipse liberátor atque sal-
vátor. * Dignus. *Apoc. 5. Dan. 6.*

Lectio II. Cap. 2.

ANGELO Ephesi Ecclesiæ
scribe : Hæc dicit qui tenet
septem stellas in dextera sua,
qui ámbulat in médio septem
candelabrórum aureórum :
Scio ópera tua, et labórem,
et patiéntiam tuam, et quia

non potes sustinére malos :
et tentasti eos, qui se dicunt
Apóstolos esse, et non sunt ;
et invenisti eos mendáces : et
patiéntiam habes, et susti-
nuisti propter nomen meum
et non defecisti. Sed hábeo
adversum te, quod caritátem
tuam primam reliquisti. Me-
mor esto itaque unde excide-
ris ; et age pœniténtiam, et
prima ópera fac. Sin autem,
vénió tibi, et movébo cande-
lábrum tuum de loco suo,
nisi pœniténtiam égeris. Sed
hoc habes, quia odisti facta
Nicolaitárum, quæ et ego odi.
Qui habet aurem, áudiat quid
Spíritus dicat Ecclesiis : Vin-
centi dabo édere de ligno vi-
tæ, quod est in paradíso Dei
mei.

R. Converte nos, Dómine,
* Innova dies nostros sicut a
princípio. *V.* Spíritum sanc-
tum tuum ne áuferas ; * In-
nova. *Orat. Jer. Ps. 50.*

*Lectio III.**Brev. Paris. et Nem.*

CÆCILIA in virginitátis pro-
pósito, et in fídei confessióne,
Dei múnere sic roboráta est,
inquit sanctus Gregórius Mag-
nus in Sacramentário, ut
nec ætátis lúbrico ab inten-
tíone mutaréturet, nec blan-
dimentis carnálibus demul-
ceréturet, nec sexus fragilitáte
detereréturet, nec tormentó-
rum immanitáte vinceréturet ;
sed, servando córporis ac
mentis integritátem, cum vir-
ginitátis et martyrii palma,

æternam mereretur adipisci beatitudinem. Hæc una est ex quatuor celeberrimis Ecclesiæ Occidentalis Virginitibus martyrio coronatis, quarum nomen antiquitus insertum est in Cānone Missæ. Corpus ejus in cœmetério Prætextati, extra Urbem via Appia, vel insitio sepultum est, vel illuc translatum. Eam Dómini laudes cauendo, sociare vocis sue musicum ex órganis concentum solum esse ferunt; hinc in ipsius tutelam se commendant múfici, eamque ut patrónam venerantur.

R. Misericórdiam et iudicium * Cantábo tibi, Dómine; psallam in via immaculata. V. Confitebor tibi in cithara, Deus, Deus meus; * Cantábo. Glória. * Cantábo. Ps. 100 et 42.

Oratio Sacr. Greg.

DEUS, qui nos ánnua beátæ Cæcilie Virginis et Mátyris tuæ solemnitate lætificas: da, ut quam venerámur officio, étiam piæ conversatiónis sequámur exemplo; Per Dóminum.

Vesperæ de sequenti.

DIE XXIII.

S. CLEMENTIS,

PAPE ET MARTYRIS.

Semiduplex.

Lectio I. Cap. 2.

Ex Libro Apocalypsis beáti Joannis Apóstoli.

ET Angelo Smyrnæ Ecclesiæ

scribe: Hæc dicit primus, et novissimus, qui fuit mórtuus et vivit: Scio tribulatióem tuam, et paupertátem tuam, sed dives es: et blasphemáris ab his, qui se dicunt Judæos esse, et non sunt, sed sunt synagóga sátanæ. Nihil horum timeas quæ passurus es. Ecce missurus est diábolus áliquos ex vobis in cárcerem, ut tentémini: et habébitis tribulatióem diébus decem. Esto fidélis usque ad mortem, et dabo tibi corónam vitæ. Qui habet aurem, áudiat quid Spíritus dicat Ecclesiis: Qui vicerit, non lædétur a morte secunda.

R. Tu, * Dómine, labórem et dolórem considéras. V. Beáti qui persecutióem patiuntur propter justítiam. * Dómine. Ps. 9. Matth. 5.

Lectio II.

ET Angelo Pérgami Ecclesiæ scribe: Hæc dicit qui habet romphæam utrâque parte acutam: Scio ubi hábitas, ubi sedes est sátanæ: et tenes nomen meum, et non negasti fidem meam. Et in diébus illis Antipas testis meus fidélis, qui occísus est apud vos, ubi sátanas hábitat. Sed hábeo adversus te pauca; quia habes illic tenentes doctrinam Bálaam, qui docébat Balac mittere scandalum coram filiis Israel, édere et fornicári: ita habes et tu tenentes doctrinam Nicolaitarum. Similiter pœniténtiam age: si quóminus, véniam tibi cito, et pug-

nabo cum illis in gladio oris mei. Qui habet aurem, audiat quid Spiritus dicat Ecclesiis: Vincenti dabo manna absconditum, et dabo illi calculum candidum: et in calculo nomen novum scriptum, quod nemo scit, nisi qui accipit.

¶ Ego quos amo, arguo et castigo: * Emulare ergo, et poenitentiam age. † Si non vigilaveris, veniam ad te tanquam fur, et nescies qua hora veniam ad te: * Emulare. *Apoc.* 3.

Lectio III.

Ex * sancto Irenæo Episcopo et ex ** ipso sancto Clemente Papa et Martyre. * *Lib. 3. adv. hæres. Cap. 3.* ** *Epist. I. ad Cor. Cap. 7, 21 et 38.*

Post Anacletum tertio loco ab Apostolis episcopatum sortitur Clemens, qui et vidit ipsos Apostolos, et contulit cum eis, cum adhuc insonantem prædicationem Apostolorum et traditionem ante oculos haberet. Non solus; adhuc enim multi supererant tunc ab Apostolis docti. Sub hoc igitur Clemente, dissensione non modica inter eos, qui Corinthi essent fratres facta, sic scripsit eis quæ est Romæ Ecclesia, ad pacem eos congregans..... Hæc, dilecti, non tantum ut vos admoneamus, scribimus; sed etiam ut nos ipsi commonefaciamus: in eodem enim stadio versamur, et certamen idem nobis impositum est. Quocirca relinquamus inanes et vanas curas,

atque veniamus ad gloriosam et venerabilem sanctæ vocationis nostræ regulam. Dominum Jesum Christum, cujus sanguis pro nobis datus est, veneremur. Præpositos nostros revereamur; seniores nostros honoremus; juvenes doceamus disciplinam timoris Dei; uxores nostras ad id quod bonum est, corrigamus. Liberi nostri disciplinæ Christi participes sint; discant quid humilitas apud Deum valeat; quid casta caritas apud Deum possit; quomodo timor ejus bonus est ac magnus, et servans omnes qui in ipso sancte versantur in pura mente. Scrutator est enim cogitationum, et consiliorum mentis. Fortis ne contumelia afficiat imbecillem, imbecillis vero fortem revereatur; dives pauperi largiatur, pauper vero gratias agat Deo, quod ei dederit per quem inopia ejus suppleatur. Sapiens ostendat sapientiam suam, non in verbis, sed in bonis operibus; humilis non sibi testimonium ferat, sed sinat ut alter ipsi perhibeat testimonium; qui carne castus est ne insolescat, sciens alium esse qui ei continentiam donat.... De eo tanquam peregrinationis suæ cômite et adjutore, loquitur Paulus ad Philippenses. Multiplicato suis curis et laboribus fidelium numero, fidem a Petro acceptam et aliis traditam martyrio consignavit, tertio Trajani anno, Christi centesimo.

R). Quæ pacis sunt, sectémur; et * Quæ ædificatiónis sunt, in ínvicem custodiámus. ✕. Unánimes, idipsum sentientes, nihil per contentiónem; * Quæ. Glória.* Quæ. *Rom. 14. Philip. 2.*

Oratio Brev. Petroc.

OMNIPOTENS sempiternæ Deus, qui beátum Clementem Apostólici principátus prærogatíva conspicuum, Martyrii coróna illustriórem effecisti: da Ecclesiæ tuæ ejus patrocíniis adjuvári, cujus labóribus exulta flóruit, et ságuine crevit fœcundáta; Per Dóminum.

Vesperæ de eodem.

DIE XXIV.

SS. CHRYSOGONI

ET

ANASTASIÆ, MARTYRUM.

Simplex.

Lectio I. Cap. 2.

Ex Libro Apocalypsis beáti Joannis Apóstoli.

ET Angelo Thyatírae Ecclesiæ scribe: Hæc dicit Fílius Dei, qui habet óculos tanquam flammam ignis, et pedes ejus símiles aurichalco: Novi ópera tua, et fidem, et caritatem tuam, et ministérium, et patiéntiam tuam, et ópera tua novíssima plura prióribus. Sed hábeo adversus te pauca: quia permittis mulíerem Jé-

zabel, quæ se dicit prophétæ, docére et sedúcere servos meos, fornicári et manducáre de idolóthytis. Et dedi illi tempus ut pœniténtiam ágeret: et non vult pœnitére a fornicatióne sua. Scient omnes Ecclesiæ, quia ego sum scrutans renes et corda: Et dabo unicuique vestrum secundum ópera sua. Id quod habétis tenéte, donec véniam. Et qui vicerit, et custodierit usque in finem ópera mea, dabo illi potestátem super Gentes, et reget eas in virga férrea, et tanquam vas figuli confringentur, sicut et ego accepi a Patre meo. Et dabo illi stellam matutinam. Qui habet aurem, áudiat quid Spíritus dicat Ecclesiis.

R). Ecce vénio cito; * Et merces mea mecum est, reddere unicuique secundum ópera sua, ✕. Ego Dóminus, scrutans cor, et probans renes, * Et. *Apoc. 22. Jer. 17.*

Lectio II. Cap. 3.

ET Angelo Ecclesiæ Sardis scribe: Hæc dicit qui habet septem Spíritus Dei, et septem stellas: Scio ópera tua, quia nomen habes quod vivas, et mórtuus es. Esto vígilans, et confirma cétera quæ moritúra erant. Non enim invénio ópera tua plena coram Deo meo. In mente ergo habes quáliter accéperis, et audieris, et serva, et pœniténtiam age. Si ergo non vigiláveris, véniam ad te tanquam fur, et

nescies qua hora véniam ad te. Sed habes pauca nómína in Sardis, qui non inquináverunt vestimenta sua: et ambulábunt mecum in albis, quia digni sunt. Qui vícerit, sic vestiétur vestimentis albis, et non delébo nomen ejus de Libro vitæ, et confitébor nomen ejus coram Patre meo, et coram Angelis ejus. Qui habet aurem, áudiat quid Spíritus dicat Ecclésiis.

℞. Ego quos amo, árguo et castígo: * Æmuláre ergo, et pœniténtiam age. ✠. Ecce vénio sicut fur: * Æmuláre. *Apoc. 3 et 16.*

Lectio III.

Brev. Paris. Noviom. etc.

CHRYSOGONUS post longa víncula et cárceres Romæ pro Christi confessióne tolerátos, jubente Diocletiano, Aquiléiam perductus, postquam ejusdem nec blanditiis, nec minis a propósito deterréri pótuit, ad Aquas-Gradatas secúri percussus est. Corpus ejus projectum in mare, paulo post inventum, Zóilus Présbyter sepelívit in ædibus suis. ¶ Una cum ipso cólitur sancta Anastásia vídua Romána, quæ ab eódem in fide, ut tráditur, erudíta, vitam similiter martyrio consummávit. Utriusque nomen Ecclésia Romána in altáris sacrificio quotidie eommémorat.

℞. Nos stulti propter Christum, maledícimur, et benedícimus: * Persecutióne

pátimur, et sustinémus: blasphemámur, et obsecrámus. ✠. Propter te, Dómine, mortificámur tota die: æstimásumus sicut oves occisiónis: * Persecutióne. Glória. * Persecutióne. *I. Cor. 4. Ps. 43.*

Oratio Brev. Paris.

DEUS invisibilis fortitúdo certántium, adesto, quæsumus, nobis supplicántibus; ut qui hodierna die sanctórum Mártyrum tuórum Chrysógoni et Anastásie gloriósum triumphum recólimus, eórum méritis et précibus contra spirituália nequitiæ muniámur; Per Dóminum.

Vesperæ de Feria.

DIE XXV.

S. CATHARINÆ,
VIRGINIS ET MARTYRIS.

Simplex.

Lectio I. Cap. 3.

Ex Libro Apocalypsis beáti Joannis Apóstoli.

ET Angelo Philadélphiæ Ecclésiæ scribe: Hæc dicit Sanctus et Verus, qui habet clavem David: qui áperit, et nemo claudit; claudit et nemo áperit: Scio ópera tua. Ecce dedi coram te óstium apertum, quod nemo potest claudere: quia módicam habes virtútem, et servasti verbum meum, et non negasti nomen

meum. Ecce dabo de synagoga sathanæ, qui dicunt se Judæos esse, et non sunt; sed mentiuntur: ecce faciam illos ut veniant, et adorant ante pedes tuos: et scient quia ego dilexi te, quoniam servasti verbum patientiæ meæ, et ego servabo te ab hora tentationis, quæ ventura est in orbem universum tentare habitantes in terra. Ecce venio cito: tene quod habes, ut nemo accipiat coronam tuam. Qui vicerit, faciam illum columnam in templo Dei mei, et foras non egrediatur amplius: et scribam super eum nomen Dei mei, et nomen civitatis Dei mei novæ Jerúsalem, quæ descendit de cœlo a Deo meo, et nomen meum novum. Qui habet aurem, audiat quid Spiritus dicat Ecclesiis.

R). Ego sum initium et finis: ego sitiienti dabo de fonte aquæ vitæ gratis: * Qui vicerit, ero illi Deus, et ille erit mihi filius. †. Certa bonum certamen fidei, apprehende vitam æternam in qua vocatus es. * Qui. *Apoc.* 21. *I. Tim.* 6.

Lectio II.

ET Angelo Laodiciæ Ecclesiæ scribe: Hæc dicit: Amen, testis fidelis et verus, qui est principium creaturæ Dei. Scio opera tua, quia neque frigidus es, neque calidus: utinam frigidus esses, aut calidus! Sed quia tepidus es, et nec frigidus, nec calidus, incipiam te evomere ex ore

meo. Quia dicis: Quod dives sum, et locupletatus, et nullus ego: et nescis quia tu es miser, et miserabilis, et pauper, et cæcus, et nudus. Suadeo tibi emere a me aurum ignitum probatum, ut locuples fias, et vestimentis albis induaris, et non appareat confusio nuditatis tuæ; et collyrio inunge oculos tuos, ut videas. Ecce sto ad ostium, et pulso: si quis audierit vocem meam, et aperuerit mihi januam, intrabo ad illum, et coenabo cum illo, et ipse mecum. Qui vicerit, dabo ei sedere mecum in throno meo: sicut et ego vici, et sedi cum Patre meo in throno ejus. Qui habet aurem, audiat quid Spiritus dicat Ecclesiis.

R). Respicit Dominus vias hominis, et * Omnes gressus ejus considerat. †. Homo videt ea quæ parent; Dominus autem intuetur cor; * Omnes. *Prov.* 5. *I. Reg.* 16.

Lectio III.

Brev. Paris.

CATHARINÆ Virginis et Martyris memoriam singulâri cultu jampridem veneratur Orientalis Ecclesiâ; ejusque corpus in Sina Arabiæ monte religiose servatur. Paulus Lattensis nobilis Anachoréta, qui medio sæculo decimo obiit, ejus festum diem summa imprimis solemnitate celebrabat. Sequenti sæculo, Simeon in monte Sina monachus, consuetam Richardi

Normánniæ ducis eleemósy-
nam quæsiturus, Rothóma-
gum venit; ac secum allátas
beátæ Catharínæ reliquias in
monastério supra montem ur-
bi vicinum ædificáto depósuit.
Inde cœpit beátæ Mártiris
cultus per Gállias propagari.
Obiit Simeon, apud Tréviros
reclúsus, et inter Sanctos có-
latur.

R. Factus es mihi adjutor,
Dómine, * Et † Liberasti me
a rugiéntibus præparátis ad
escam, de mánibus quæren-
tium ánimam meam. † Per-
cussisti superbum, vulnerasti
dracónem, * Et. Glória. † Li-
berasti. *Eccli. 51. Is. 51.*

Oratio Brev. Paris.

OMNIPOTENS sempiternæ
Deus, cujus múnere beáta
Catharina Virginitátis et Mar-
tyrii palmam adepta est: da
nobis ejus précibus, ita cór-
poris ac mentis servare puri-
tatem, ut nec blanditiis car-
nis, nec malórum acerbitate
vincámur; Per Dóminum.

Vesperæ de Feria.

DIE XXVI.

S. GENESII,

EPISCOPI.

Simplex.

Lectio I. Cap. 7.

Ex Libro Apocalypsis beáti
Joannis Apóstoli.

ET vidi álterum Angelum as-

cedentem ab ortu solis, ha-
bentem signum Dei vivi: et
clamávit voce magna quátuor
Angelis, quibus datum est
nocére terræ et mari, dicens:
Nolíte nocére terræ et mari,
neque arbóribus quoadusque
signemus servos Dei nostri in
fróntibus eórum. Et audívi
númerum signatórum, cen-
tum quadraginta quátuor míl-
lia signáti, ex omni tribu fi-
liórum Israel.

R. Signa Thau super frontes
* Virórum geméntium et do-
léntium super cunctis abomi-
nationibus quæ fiunt in médio
Jerúsalem. †. Nomen Dei et
Agni in fróntibus eórum, *
Virórum. *Ezech. 9. Apoc. 22.*

Lectio II.

Post hæc vidi turbam mag-
nam, quam dinumeráre nemo
póterat ex ómnibus géntibus,
et tribubus, et pópulis, et
linguis: stantes ante thro-
num, et in conspectu Agni,
amicti stolis albis, et palmæ
in mánibus eórum; et clamá-
bant voce magna dicentes:
Salus Deo nostro, qui sedet
super thronum, et Agno. Et
omnes Angeli stabant in cir-
cúitu thróni, et seniórum, et
quátuor animálium; et ceci-
derunt in conspectu thróni
in fácies suas, et adoravérunt
Deum, dicentes: Amen: Be-
nedictio, et cláritas, et sa-
piéntia, et gratiarum áctio,
honor, et virtus, et fortitúdo
Deo nostro in sécula seculá-
rum. Amen.

R. Audivi vocem dicentium : Alleluia : quoniam regnavit Dominus Deus noster omnipotens, * Gaudeamus, et exultemus, et demus gloriam ej. V. Factum est regnum hujus mundi, Domini nostri et Christi ejus. * Gaudeamus. *Apoc. 19 et 11.*

Lectio III.

Gall. Christ. t. IV. col. 47, 48.
Brev. Lugd.

GENESIUS, vir sanctitatis eximiae, ab Eleemosynis fuit reginae Bathildi, quae per ipsius manus largissime ministrabat sacerdotibus et pauperibus; dirigebatque ad cenobia virorum ac mulierum auri et argenti non modica pondera. Lugdunensis ordinatus Episcopus, sanctae Bathildi nihilominus in piis operibus aderat; qua jubente, e monasterio Jotrensi sanctam Bertillam eduxit, quae Calensi recens instaurato praeficeretur. Totis viribus et cum ingenti periculo vitae, Leodegarium contra Ebroini furores tutatus fuit. Ad Superos evolavit, circa annum sexcentésimum septuagésimum séptimum : corpus ejus reverenter apud Calam colitur, ubi creditur obisse. Servatur una ejus maxilla in ecclesia sancti Clari de Suppis, olim in monasterio sancti Antonii Senonensis honorata.

R. Quae seminaverit homo, haec et metet. Quoniam qui seminat in carne sua, de carne et metet corruptionem : * Qui

seminat in spiritu, de spiritu metet vitam aeternam. V. Benedictio Dei in mercedem justis festinat; et in hora veloci processus illius fructificat. * Qui. Glória. * Qui. *Gal. 6, Eccli. 11.*

Oratio Brev. Lugd.

DEOS, qui tibi serviéntium nos imitari desideras famulatum : da nobis in mansuetudine ópera nostra perficere, et beati Pontificis Genésii caritatis exemplo et intercessione tuae placere majestati; Per Dominum.

Vesperae de Feria.

¶ *Die XXVII prima sedes Adventus; quo occurrente, ad Partem Hiemalem transitur, relictis omnibus quae supersunt hujusce Partis Autumnalis, tum in isto Proprio Feriarum et Festorum, tum in Proprio Dominicarum.*

DIE XXVII.

DE FERIA.

Lectio I. Cap. 12.

Ex Libro Apocalypsis beati Joannis Apóstoli.

ET factum est praelium magnum in caelo : Michael et Angeli ejus praeliabantur cum dracóne, et draco pugnabat et angeli ejus : et non valuerunt, neque locus inventus est eorum amplius in caelo. Et projectus est draco ille mag-

nus, serpens antiquus, qui vocatur diabolus et sátnas, qui sedúcit universum orbem : et projectus est in terram, et ángeli ejus cum illo missi sunt.

℞. Consurget Mícheael princeps magnus, qui stat pro filiis pópuli tui.* Et in témpore illo salvábitur omnis qui inventus fúerit scriptus in Libro. ✠. Erit tunc tribulatio magna, qualis non fuit ab iníto mundi, usque modo, neque fiet; * Et. *Dan.* 12. *Matth.* 24.

Lectio II.

ET audívi vocem magnam in cœlo dicentem : Nunc facta est salus, et virtus, et regnum Dei nostri, et potestas Christi ejus : quia projectus est accusátor fratrum nostrórum, qui accusábat illos ante conspectum Dei nostri die ac nocte. Et ipsi vicérunt eum propter sánguinem Agni, et propter verbum testimónii sui, et non dilexérunt ánimas suas usque ad mortem. Proptérea lætámini, cœli, et qui habitátis in eis. Væ terræ et mari, quia descendit diabolus ad vos, habens iram magnam, sciens quod módicum tempus habet.

℞. Hi, qui amicti sunt stolis albis, qui sunt? * Hi sunt, qui venérunt de tribulatióne magna, et lavérunt stolas suas, et dealbavérunt eas in ságuine Agni. ✠. Vidi ánimas decollatórum propter testimónium Jesu, et propter verbum

Dei, et qui non adoravérunt béstiam, nec accepérunt caractérem ejus.* *Hi. Apoc.* 7 et 20.

Lectio III. Cap. 14.

ET vidi áterum Angelum volantem per médium cœli, habentem Evangélium æternum, ut evangelizáret sedéntibus super terram, et super omnem gentem, et tribum, et linguam, et pópulum : dicens magna voce : Timéte Dóminum, et date illi honórem, quia venit hora judícii ejus : et adoráte eum, qui fecit cœlum et terram, mare et fontes aquárum. Et álius Angelus secútus est, dicens : Cécidit, cécidit Bábylon illa magna, quæ a vino iræ fornicatiónis suæ potávit omnes gentes.

℞. Exsulta super Babylónem, cœlum, et sancti Apóstoli, et Prophætæ : * Quóniam judicávit Deus judícium vestrum de illa. ✠. Cécidit, cécidit Bábylon, et ómnia sculptília deórum ejus contrítasunt in terram,* Quóniam. Glória. * Quóniam. *Apoc.* 18. *Is.* 21.

DIE XXVIII.

DE FERIA.

Lectio I. Cap. 14.

Ex Libro Apocalypsis beáti Joannis Apóstoli.

ET tértius Angelus secútus est illos, dicens voce magna :

Si quis adoraverit bestiam et imaginem ejus, et accéperit caractérem in fronte sua, aut in manu sua : et hic bibet de vino iræ Dei, quod mistum est mero in cálice iræ ipsius, et cruciabitur igne et sulfure in conspectu Angelorum sanctorum, et ante conspectum Agni : et fumus tormentorum eorum ascendet in sæcula sæculorum : nec habent requiem die ac nocte, qui adoraverunt bestiam, et imaginem ejus, et si quis accéperit caractérem nominis ejus. Hic patientia sanctorum est, qui custodiunt mandata Dei, et fidem Jesu. Et audívi vocem de cælo dicentem mihi, Scribe : Beati mórtui qui in Dómino moriuntur. Amodo jam dicit Spíritus, ut requiescant a laboribus suis : ópera enim illorum sequuntur illos.

R). Fúgite de médio Babylonis, et salvet unusquisque animam suam : * Nolíte tacere super iniquitatem ejus ; quóniam tempus ultiónis est a Dómino, vicissitudinem ipse retribuet ei. ✕. In ea sanguis Prophetarum et Sanctorum inventus est ; et ómnium qui interfecti sunt in terra. * Nolíte. *Jer. 51. Apoc. 18.*

Lectio II. Cap. 18.

Vidí alium Angelum descendentem de cælo, habentem potestatem magnam, et terra illuminata est a glória ejus. Et exclamávit in fortitudine, dicens : Cécidit, cécidit Bá-

bylon magna : et facta est habitatio dæmoniorum, et custodia omnis spíritus immundi, et custodia omnis volucris immundæ et odibilis : quia de vino iræ fornicationis ejus bibérunt omnes gentes : et régēs terræ cum illa fornicati sunt : et mercatores terræ de virtute deliciarum ejus divites facti sunt.

R). Ecce dies véniet succensa quasi caminus ; * Et erunt omnes superbi, et omnes facientes impietatem, stipula : et inflammabit eos dies véniens. ✕. In igne Dóminus judicabit ; * Et. *Malach. 4. Is. 66.*

Lectio III.

Et audívi aliam vocem de cælo, dicentem : Exíte de illa, pópulus meus, ut ne participes sitis delictorum ejus, et de plagis ejus non accipiátis. Quóniam pervenérunt peccata ejus usque ad cælum, et recordatus est Dóminus iniquitatum ejus. Réddite illi sicut et ipsa réddidit vobis : et duplicáte duplicia secundum ópera ejus : in poculo, quo miscuit, miscéte illi duplum. Quantum glorificávit se, et in deliciis fuit ; tantum date illi tormentum et luctum : quia in corde suo dicit : Sédeo regína : et vídua non sum : et luctum non vidébo. Ideo in una die vénient plagæ ejus, mors, et luctus, et fames, et igne comburétur : quia fortis est Deus, qui judicabit illam.

R). Judicabit in justitia páu-

peres,* Et † Spíritu labiôrum
suôrum interficiet impium.
✠ De ore ejus procedit glâ-
dius, ex utrâque parte acû-
tus, ut in ipso percûtiat gen-
tes.* Et. Glória. † Spíritu. *Is.*
21. *Apoc.* 19.

Vesperæ de Feria.

DIE XXIX.

S. SATURNINI,

EPISCOPI ET MARTYRIS.

Simplex.

Lectio I. Cap. 20.

Ex Libro Apocalypsis beâti
Joannis Apóstoli.

Cum consummâti fuerint
mille anni, solvêtur sâtanâs
de cárcere suo, et exîbit, et
sedúcet gentes quæ sunt su-
per quâtuor ângulos terræ,
Gog, et Magog, et congregâ-
bit eos in prælîum, quorum
númerus est sicut arêna ma-
ris. Et ascenderunt super la-
titudinem terræ, et circuié-
runt castra Sanctôrum, et
civitâtem dilectam. Et descen-
dit ignis a Deo de cœlo, et
devorâvit eos: et diâbolus,
qui seducébat eos, missus est
in stagnum ignis et súlfuris,
ubi et béstia et pseudopro-
phéta cruciabuntur die ac
nocte in sêcula seculórum.

R. Ecce Dóminus in igne
veniet, et quasi turbo quadrí-
gæ ejus,* Réddere in indig-
natione furórem suum, et in-
crepationem suam in flamma

ignis. ✠ Hic Jesus qui adsump-
tus est in cœlum, sic veniet,*
Réddere. *Is.* 66. *Act.* 1.

Lectio II.

ET vidi thronum magnum
cándidum, et sedentem super
eum, a cujus conspectu fugit
terra et cœlum, et locus non
est inventus eis. Et vidi mór-
tuos, magnos et pusillos,
stantes in conspectu throni,
et libri aperti sunt: et álius
Liber apertus est qui est vitæ:
et judicâti sunt mórtui ex his
quæ scripta erant in libris,
secundum ópera ipsórum. Et
dedit mare mórtuos, qui in
eo erant: et mors et infernus
dederunt mórtuos suos qui in
ipsis erant: et judicátum est
de singulis secundum ópera
ipsórum. Et infernus et mors
missi sunt in stagnum ignis.
Hæc est mors secunda. Et qui
non inventus est in Libro vi-
tæ scriptus, missus est in stag-
num ignis.

R. Parávit Dóminus in ju-
dício thronum suum: * Et
ipse judicábit orbem terræ in
æquitâte, judicábit pópulos
in justítia. ✠ Sedébit super
sedem majestátis suæ. Et con-
gregabuntur ante eum omnes
gentes; * Et. *Ps.* 9. *Matth.* 25.

Lectio III.

Brev. Paris.

SATURNINUS a Románo Pon-
tífice una cum sex áliis Epís-
copis missus in Gállias, et
Tolósæ Póntifex constitútus

anno consulátus Décii et Grati, multos ab idólis ad Christum convertit : dæmónibus qui ibi colebantur ádeo terríbilis, ut frustra sacrificiis animálum evocáti, orácula réddere cessáverint. Tam inexpectátó siléntio commóti Gentíles, impetu facto, Saturnínus in Capitólium urbis traxérunt, comminátí duríssimam mortem, nisi more pátrio diis sacra fáceret. Quod cum renuisset, pedes ejus tauro alligárunť : qui sanctum Præsulem per declíves gradus Capitólíi raptátum, colliso cápíte, excusso cérebro, membrisque discerpťis, interémít. Exánime corpus tándiu á tauro distractum est, quoad, rupto fune, acceptum et líneo immissum féretro, mulieres duæ in alta scrobe tumultuário condidérunt. Inventum est póstea ab Hilário Tolosáno ; qui effossa circum humo, sacras véritus relíquias commovére, túmulum superimpósuit, et oratórium exstruxit.

R. In paucis vexáti, in multis bene disponentur; † Quóniam * Deus tentávit eos, et invénit illos dignos se. † Omnes qui placuérunť Deo, per multas tribulatiónes transiérunť fidéles. * Deus. Glória. † Quóniam. Sap. 3. Judith, 8.

Oratio Brev. Paris.

Deus, qui per beátum Saturnínus Mártirem tuum atque Pontíficem infidéles pó-

pulos de ténebris ad lucem veritátis veníre tribuisti : da nobis ejus intercessióne, in fide stábiles, et a spe Evangelíi quod prædicávit immóbiles permanére ; Per Dóminum.

Vesperæ de sequenti.

DIE XXX.

S. ANDRÆ,

APOSTOLI.

Duplex-majus.

(*Si hoc Festum incidat in Dom. I Adv. transfertur in diem sequentem, ut in parte Hiemali præscribitur.*)

IN I NOCTURNO.

Lectio I. Cap. 21.

Ex Libro Apocalypsis beáti Joannis Apóstoli.

Ego Joannes vidi sanctam civitátem Jerúsalem novam descendentem de cœlo a Deo, parátam, sicut sponsam ornátam viro suo. Et audívi vocem magnam de throno dicentem : Ecce tabernáculum Dei cum homínibus, et habitábit cum eis. Et ipsi pópulus ejuserunt, et ipse Deus cum eis erit eórum Deus. Et absterget Deus omnem lácrymam ab óculis eórum ; et mors ultra non erit, neque luctus, neque clamor, neque dolor erit ultra, quia prima abiérunt. Et dixit qui sedébat in throno : Ecce nova fácio ómnia.

R. Præcipitabit Dóminus mortem in sempiternum, et áuferet Dóminus Deus lácrymam ab omni fácie, * Et oppróbrium pópuli sui áuferet de universa terra : quia Dóminus locútus est. ⁊. Oblivióni tráditæ sunt angústie prióres; non audiétur ultra vox fletus et vox clamóris. * Et. *Is. 25 et 65.*

Lectio II.

VENIT unus de septem Angelis habéntibus phialas plenas septem plagis novíssimis, et locútus est mecum, dicens: Veni et ostendam tibi sponsam, uxórem Agni. Et sústulit me in spíritu in montem magnum et altum, et ostendit mihi civitátem sanctam Jerúsalem descendantem de cœlo a Deo, habentem claritátem Dei; et lumen ejus símile lápidi pretiósó tanquam lápidi jáspidis, sicut crystallum. Et habébat murum magnum et altum: habentem portas duódecim; et in portis Angelos duódecim, et nómina inscripta, quæ sunt nómina duódecim tríbuum filiórum Israel. Ab Oriente portæ tres, et ab Austro portæ tres, et ab Occásu portæ tres.

R. Non audiétur ultra iniquitas in terra tua, vástitas et contritio in términis tuis; * Et occupábit salus muros tuos, et portas tuas laudátio. ⁊. Ponam universos fílios tuos doctos a Dómino; et multitudinem pacis fílius tuis, * Et. *Is. 60 et 54.*

Lectio III.

ET templum non vidi in ea: Dóminus enim Deus omnípotens templum illús est, et Agnus. Et civitas non eget sole, neque luna, ut lúceant in ea: nam cláritas Dei illuminávit eam; et lucerna ejus est Agnus. Et ambulábunt Gentes in lúmine ejus; et reges terræ áfferent glóriam suam et honórem in illam. Et portæ ejus non claudentur per diem: nox enim non erit illic. Et áfferent glóriam et honórem Géntium in illam. Non intrábit in eam áliquod coinquinátum, aut abominatióem fáciens et mendácium, nisi qui scripti sunt in Libro vitæ Agni.

R. Non erit tibi ámplius sol ad lucendum per diem, nec splendor lunæ illuminábit te: * Sed erit tibi Dóminus in lucem sempiternam, et Deus tuus in glóriam tuam. ⁊. Non occidet ultra sol tuus, et luna tua non minuétur; * Sed. Glória. * Sed. *Is. 60.*

IN II NOCTURNO.

Lectio IV.

Ex Evagr. Euseb. Lib. 3. Hist. Greg. Nazianz. etc.

ANDREAS Bethsáidæ natus, qui est Galilææ vicus, frater Petri, discípulus Joannis Baptistæ, cum eum de Christo dicentem audisset, Ecce Agnus Dei, secútus est Jesum. Ad quem étiam fratrem suum

Simónem adduxit, ipsi nuntiando a se inventum Messíam, quod est interpretátum, Christus. Cum póstea, una cum fratre piscarétur in mari Galilææ, ambo a prætereunte Christo vocáti illis verbis, Veníte post me, et fáciam vos fieri piscatóres hóminum, continuo relictis rétibus secúti sunt eum.

R. Invénit Andræas fratrem suum Simónem, et dicit ei : * Invénimus Messíam. ⁊. Erant Petrus et Andræas piscatóres, et ait illis Jesus : Veníte post me et fáciam vos fieri piscatóres hóminum. * Invénimus. *Joan. 1. Matth. 4.*

Lectio V.

Post Christi resurrectionem et ascensionem, Andræas in Scythia Europæ, quæ ei provincia ad Christi fidem disseminandam obtigerat, Evangelium prædicavit. Cumque in Græciam pervenisset, multis ab idolórum cultu ad Christum colendum adductis, urbem Patras in Acháia, cruci seu árbori affixus, sua morte nobilitávit. Ejus reliquias Constantius Imperátor, ex voto Constantíni patris, anno vigésimo regni sui Constantinópolis transferri, et in augustissimo Apostolórum templo collocári curávit; unde póstea decerpta pignora diversis locis quasi vitæ sémína dispersa sunt.

R. Ecce ego et púeri mei, quos dedit mihi Dóminus,

* In signum et in portentum Israel. ⁊. Pater, sicut tu me misisti in mundum, et ego misi eos, * In. *Is. 8. Joan. 17.*

Lectio VI.

Exsancto Petro Chrysólogo in sanctum Andréam Apóstolum. *Serm. 133.*

SANCTUS Andræas hódie, moriendo, toto virtútis gradu Domínicis incumbit hærére vestígiis; ne eum cursus fáciat dísparem fratri, quem natúra símilem, vocatio sócium, parem grátia ipsa perfecerat. Ad unam vocem Dómini, sicut ille, patrem, pátriam, censum reliquit. Solum est quod témpore Domínicæ passiónis fugit; sed neque hoc impar, quia non est grávius fúgere quam negáre. Sed tacenda sunt ália : æquávit fratres vénia, quos sic discrèverat culpa. Nam crucem quam refúgerant, póstea conjunctis víribus, ardentèr invádunt, ut unde reátum sumpserant, inde conscénderent cælum, inde præmium súmerent et coronam. Petrus namque crucem, árborem conscendit Andræas; ut qui Christo cómpati gestiébant, in semetipsis figúram, formamque ipsíus exprímerent passiónis; et redempti ligno consummarentur ad palmam. Sic Andræas noster, etsi cedit órđini, præmio tamen non cedit et labóri.

R. In nullo confundor : * Sed in omni fidúcia magnificábitur Christus in corpore

meo, † Sive per vitam, sive per mortem. ✠. Improperium expectavit cor meum, et miseriam : * Sed. Glória. † Sive. *Philip. I. Ps. 68.*

IN III NOCTURNO.

Lectio VII.

Ex sancto Bernardo Abbate.
Serm. in Vig. et Fest. S. Andræ.

VULTIS ut de beati Andréæ Apóstoli passióne, quam nimirum hódie celebrámus, loquámur áliquid ad laudem Christi, et ædificatióem vestram? Terrendumeumputat(Judex), crucis supplicium mñitans; sed accénditur magis in verbo hoc, et libere clamat: Ego si patíbulum crucis expavéscerem, crucis glóriam non prædicárem. Cum ducerétur ipse beátusAndréas ad crucem, pópulus qui sanctum et justum dolébat injuste damnári, prohibére vóluit ne punirétur; sed magis ipse instantíssima prece prohibuit eos, ne non coronarétur, immo ne non paterétur. Desiderábat síquidem dissolvi, et cum Christo esse, sed in cruce quam semper amáverat. Desiderábat regnum intráre, sed per patíbulum. Quid enim dicit illi amátæ suæ? Per te, inquit, me recipiat, qui per te meredémit.

℞. Gloriosíssimam mortem complectens, * Voluntárie præbat ad supplicium. ✠. Desidérium habens dissolvi et esse cum Christo, * Voluntárie. *II. Mach. 6. Philip. I.*

Autumnalis.

Lectio VIII.

VIDENS ergo parátam éminus crucem, nequáquam (ut exigere vidétur mortális infirmitas) fácies ejus expálluit, non contrémuit corpus, nec mens turbáta est, non recessit, ut ádsolet, intellectus. Ex abundantia cordis os locútum est. O crux, inquit, diu desideráta, et jam concupiscenti ánimo præparáta: secúrus et gaudens vénio ad te, ita ut et tu exultans suscípias me discipulam ejus qui pependit in te, quia amátor tuus semper fui, et desiderávi amplecti te. Obsecro, fratres, homo est qui lóquitur hæc, an non est homo, sed Angelus, aut nova áliqua creatúra? Fratres, ignis vibrans est, non lingua loquens: et si lingua, certe ígnea est. Carbónes sunt ignis illius quem de excelso Christus miserat in óssibus meis. Atque útinam desolatórii sint nobis, consumentes, et exurentes quidquid in nobis est carnális affectiúnis. Unde ergo in hómine nova hæc exultátio et lætítia háctenus inaudíta? Absit ut a seipso tantam ei credámus inesse virtútem: Donum perfectum est, descendens a Patre lúminum, ab eo útique qui facit mirabília magna solus.

℞. Mihi absit gloriári nisi * In cruce Dómini nostri Jesu Christi. ✠. Mihi vívere Christus est, et mori lucrum, * In. *Gal. 6. Philip. I.*

Lectio IX. Cap. 4.

Lectio sancti Evangelii secundum Matthæum.

Andræe vocatio.

In illo tempore; Ambulans Jesus juxta mare Galilææ, vidit duos fratres, Simónem qui vocatur Petrus, et Andréam fratrem ejus, mittentes rete in mare. Et reliqua.

Homília sancti Gregórii Papæ. 5. in *Evang. n. 1, 2, 4.*

AUDISTIS, fratres caríssimi, quia ad unius jussiónis vocem Petrus et Andréas, relictis rétibus, secúti sunt Redemptórem; et ad unum Dómini præceptum, hoc quod possidere videbantur, oblíti sunt. In cœlo jam sedet, qui de conversióne nos admonet; jam districti sui judicii diem propinquantem denútiat: et tamen superba mens nostra non vult hoc sponte desérere, quod quotidie perdit invíta. Quid ergo, fratres caríssimi, quid in ejus judicio dictúri sumus, qui ab amóre præsentis sæculi, nec præceptis fléctimur, nec verbéribus emendámur? Sed fortasse áliquis táctis sibi cogitatiónibus dicat: Ad vocem Domínicam uterque iste piscátor quid aut quantum dimísit, qui pene nihil hábuit? Sed hac in re, fratres caríssimi, affectum debémus pótius pensáre quam censum. Multum relíquit, qui sibi nihil retínuit. Multum ergo Petrus et Andréas dimísit, quando uterque étiam

desidéria habendi derelíquit. Quia ergo, fratres caríssimi, beáti Andréæ Apóstoli natalítia celebrámus, debémus imítari quod cólimus. Despiciámus quæ terréna sunt. Si autem necdum póssumus relínquere própria; saltem mens nostra, in ambitióne sua hábeat frænum timóris; ut dum ab alienórum appetítu compéscitur, quandóque ad própria contemnenda perducátur, adjuvante Dómino Jesu.

R. Magister,* Sequar te. V. Súfficit discípulo ut sit sicut magister ejus: * Sequar. Glória.* Sequar. *Matth. 8 et 10.*

Oratio Brev. Clun.

CHRISTE Jesu, qui beáto Andréæ Apóstolo tuæ Cruci confígi tribuisti: præsta, quæsumus, eódem intercedente, ut terréna in nobismetipsis desidéria crucifigentes, tibi firmiter adhærere valeámus; Qui vivis.

Vesperæ de eodem, nisi sit Sabbatum; in hoc posteriori casu dicuntur ut in Sabbatis Adventus in parte Hyemali.

MENSE DECEMBRI.

DIE I.

S. ELIGII,

EPISCOPI.

*Semiduplex.**Lectio I. Cap. 22.*

Ex Libro Apocalypsis beáti Joannis Apóstoli.

ET ostendit mihi flúvium

aquæ vitæ, splendidum tanquam crystallum, procedentem de sede Dei et Agni. In medio plâteæ ejus, et ex utraque parte flûminis lignum vitæ, áfferens fructus duódecim, per menses singulos reddens fructum suum, et sólia ligni ad sanitátem géntium. Et omne maledictum non erit ámplius : sed sedes Dei et Agni in illa erunt, et servi ejus sérvient illi. Et vidébunt fáciem ejus; et nomen ejus in fróntibus eórum. Et nox ultra non erit; et non egébunt lúmine lucernæ, neque lúmine solis, quóniam Dóminus Deus illuminábit illos, et regnábunt in sécula seculórum.

℞. A século non audiérunt, neque áuribus percepérunt; * Oculus non vidit absque te, quæ præparasti exspectántibus te. √. Quam magna multitúdo dulcédinis tuæ, Dómine, quam abscondisti timéntibus te. * Oculis. *Is. 64. Ps. 30.*

Lectio II.

Et dixit mihi Angelus : Hæc verba fidelíssima sunt et vera. Et Dóminus Deus spirítuum Prophetárum misit Angelum suum osténdere servis suis quæ oportet fieri cito. Et ecce vénio velóriter. Beátus qui custódit verba Prophetiæ libri hujus. Et ego Joannes, qui audívi et vidi hæc. Et postquam audissem et vidissem, cécidi ut adorárem ante pedes Angeli, qui mihi hæc ostendebat : et dixit mihi : Vide ne

féceris : conservus enim tuus sum, et fratrum tuórum Prophetárum; et eórum qui servant verba Prophetiæ libri hujus. Deum adóra.

℞. Ego sum inítium et finis; * Ego sitiénti dabo de fonte aquæ vitæ gratis. √. Omnes sitiéntes, veníte ad aquas. * Ego. *Apoc. 21. Is. 55.*

Lectio III.

Ex ejus vita apud S. Audoe-num, etc.

ELIGIUS LÉMOVIX, aurífaber indústrius, relicta pátria, Parísios se cóntulit; ubi perítie suæ fama Clotário secundo innótuit. Sanctióriis vitæ desiderio accensus, ómnium ab adolescéntia delictórum exomologési facta, in pietátis ópera totus incúbuit. Cum artem exercéret suam, sacros subinde in códices óculos intendébat, ut mens Deo vacáret, cum manus úsibus serviébant humánis. Quidquid vero arte sua comparábat, illud totum fovendis egénis, captívis rerum étiam necessariárum dispéndio redimendis, exornandisque templis erogábat. Hinc tantus ad eum páuperum concursus, ut quærenti domum Elígii dicerétur : Ubi páuperum cœtum conspéxeris, illic et Elígium repéries. Ad Noviomensem episcopátum adsumptus, in eó múnere non modo salúti gregis sibi commissi consúluit, sed et Flandros ac Frísios aliosque ad Septentriónem

pópulos, non sine magno labore et vitæ discrimine, ad Christum adduxit. Multis præclare scriptis et gestis, méritis et miraculis clarus, in pace quíevit. Ecclesiæ Resbacensis monasterií dedicatióni interfúerat. Caput ejus, quod olim in monasterio Calensi, nunc in ecclesiá baptismáli sancti Andréæ ejusdem, cum veneratióné servátur.

R). Erogávit pecúnias multas * Justítiam et fidem conservávit genti suæ. ✠. In pace et in æquitáte ambulávit; et multos avertit ab iniquitaté; * Justítiam. Glória. * Justítiam. *1. Mach. 14. Malach. 2.*

Oratio Brev. Noviom.

DEUS, Sanctórum tuórum splendor mirábilis, qui hunc diem beáti Pontíficis Elígii assumptióné consecrasti: da Ecclesiæ tuæ in ejus natalítio exsultanti, ut apud misericórdiam tuam, et exemplo ejus et méritis adjuvétur; Per Dóminum.

Vesperæ de eodem, nisi sit Sabbatum.

DIE II.

Omnia de B. M. V. in Sabbato, exceptis quæ sequuntur.

Lectio I. Cap. 22.

Ex Libro Apocalypsis beáti Joannis Apóstoli.

EGO Jesus misi Angelum meum, testificári vobis hæc, in Ecclesiis. Ego sum radix

et genus David, stella spléndida et matutína. Et spíritus et sponsa dicunt: Veni. Et qui audit, dicat: Veni. Et qui sitit, véniat: et qui vult, accípiat aquam vitæ, gratis.

R). Dóminus Deus spírituum Prophetárum misit Angelum suum osténdere servis suis quæ oportet fieri cito. * Et ecce vénio velóciter. ✠. Beátus qui legit, et audit verba prophetiæ hujus, et servat ea quæ in ea scripta sunt: tempus enim prope est: * Et. *Apoc. 22 et 1.*

Lectio II.

CONTESTOR enim omni audienti verba Prophetiæ libri hujus: Si quis apposúerit ad hæc, appónet Deus super illum plagas scriptas in libro isto. Et si quis diminúerit de verbis libri Prophetiæ hujus, áuferet Deus partem ejus de Libro vitæ, et de civitaté sancta, et de his quæ scripta sunt in Libro isto. Dicit qui testimónium pérhibet istórum. Etiam vénio cito: Amen. Veni, Dómine Jesu. Grátia Dómini nostri Jesu Christi cum ómnibus vobis. Amen.

R). Sóbrie, et juste, et pie vivámus in hoc século; * Expectantes beátam spem, et adventum glóriæ magni Dei, et Salvatóris nostri Jesu Christi. ✠. Cum exárserit in brevi ira ejus, beáti omnes qui confidunt in eo, * Expectantes. *Tít. 2. Ps. 2.*

Lectio III. de B. M. V. in Sabbato, pro mense Decembri.

COMMUNE SANCTORUM.

PARS AUTUMNALIS.

PRÆNOTANDA.

1° *Commune Apostolorum fit sub ritu Duplici-majori; ac proinde dicuntur Psalmi de Feria in toto Officio.*

2° *Cetera Communia pro Duplicibus-minoribus et infra inserviunt.*

3° *Simplicia incipiunt a Nocturno, et terminantur ad Nonam; ac proinde nullas habent Vesperas.*

In iisdem ad Laudes, unica dicitur Antiphona, quæ est quarta de Laudibus Communis.

4° *In Hymnis, Signum ¶ ante Doxologiam, indicat illam Doxologiam dicendam esse ad Hymnos utriusque Completorii et Horarum, in Duplicibus et supra.*

5° *Ad quamlibet Horam, exceptis Prima et Completorio, dicitur Oratio ut in Laudibus Festi de quo fit.*

6° *In Festis intra Octavas Annualium occurrentibus, additur bis Alleluia in R. R. R. br. Tertiæ, Sextæ et Nonæ.*

COMMUNE APOSTOLORUM.

IN I VESPERIS.

Ant. 1. D. Vocavit Jesus discipulos suos, et elegit duodecim ex ipsis, quos et Apostolos nominavit. Luc. 6.

Ant. 3. a. Vocavit ad se quos voluit; et dedit illis potestatem curandi infirmitates, et ejiciendi dæmonia. Marc. 3.

Ant. 4. E. Hos misit Jesus, præcipiens eis: Ite ad oves quæ perierunt domus Israel. Matth. 10.

Ant. 5. C. Euntes prædicá-
Autumnalis.

te, dicentes: Quia appropinquavit regnum cælorum. Matth. 10.

Ant. 7. d. Egressi autem, circuibant per castella, evangelizantes, et curantes ubique. Luc. 9.

Capitulum. Hebr. 2.

CUM initium accepisset salus enarrari per Dominum, ab eis qui audierunt in nos confirmata est, contestante Deo signis et portentis, et

váriis virtútibus, et Spíritus sancti distributió nibus secundum suam voluntátem.

Hymnus. C.

LÆTARE, cœlum; pláusibus
Tellus resultet æmulis :
Apostolorum glóriam
Solemnis instaurat dies.

Vos, ceu tubis sonántibus,
Christum per orbem spárgi-
tis :

Vos illa sacris vátibus
Prædicta mundi lúmina.

Qui, dante Christo, pándi-
tis,

Qui cláuditis cœli fores,
Nos criminum tenácibus
Vinculis ligátos sólvite.

Potente qui nutu graves
Morbos fugátis córporum,
Desiderátam póscite
Ægris medélam móribus ;

Sublímis ut cum vénerit,
Vobis simul sedéntibus,
Ad dexterum Judex latus
Nos inter agnos cóllocet.

¶ Uni sit et trino Deo
Supréma laus, summum de-
cus,

De nocte qui nos ad suæ
Lumen vocávit glóriæ. Amen.

✠. Dóminus dabit verbum
evangelizántibus, R. Virtúte
multa. *Ps. 67.*

Ad Magnificat. Ant. 1. f.
Prædicábant ut pœniténtiam
ágerent : et dæmónia multa
ejiciébant ; et ungébant óleo
multos ægros, et sanábant.
Marc. 6.

AD OFFICIUM NOCT.

Invit. Christum Apostoló-

rum Magistrum et Dóminum,
* Veníte, adorémus. *Joan. 13.*

Hymnus. S. V.

SUPREME, quales, Arbiter,
Tibi ministros éligis,
Tuas opes qui vílibus
Vasis amas commíttere!

Hæc nempe plena lúmine
Tu vasa frangi præcipis :
Lux inde magna rúmpitur,
Ceu, nube scissa, fúlgura.

Totum per orbem núntii,
Nubes velut, 'citi volant :
Verbo graves, Verbo Deo,
Tonant, coruscant, pérplu-
unt.

Christum sonant : versæ
ruunt

Arces superbæ dæmonum.
Circum tubis clangéntibus,
Sic versa quondam mœnia.

Fac, Christe, cœlestes tu-
bæ

Somno graves nos éxcitent :
Accensa de te lúmina
Pellant tenébras méntium.

Uni sit et trino Deo
Supréma laus, summum de-
cus,

De nocte qui nos ad suæ
Lumen vocávit glóriæ. Amen.

IN I NOCTURNO.

Ant. 1. g. Convocátis Jesus
duódecim Apóstolis, cœpit
illos mittere binos prædicare
regnum Dei. *Luc. 9. Marc. 6.*

Ant. 2. D. Præcípiens, di-
cébat eis : Infirmos curáte,
mórtuos suscitáte, dæmones
ejícite : gratis accepistis, gra-
tis date. *Matth. 10.*

Ant. 3. c. Nolíte possidére

aurum, neque argentum, neque pecuniam in zonis vestris: dignus enim est operarius cibo suo. *Matth. 10.*

✠. Custodiébant testimónia ejus, R. Et præceptum quod dedit illis. *Ps. 98.*

Post Pater noster et quamque Benedictionem (ut in Ordinario Breviarii), dicuntur tres Lectiones cum suis R. R. R. ut in Proprio Feriarum et Festorum; quod servatur in aliis Nocturnis, et pro quolibet Communi.

IN II NOCTURNO.

Ant. 4. E. In quamcumque domum intravéritis, dicite: Pax huic dómui; et si ibi fúerit filius pacis, requiescet super illum pax vestra. *Luc. 10.*

Ant. 5. a. Qui vos audit, me audit; et qui vos spernit, me spernit: qui autem me spernit, spernit eum qui misit me. *Luc. 10.*

Ant. 6. F. Quod dico vobis in ténebris, dicite in lúmine; et quod in aure audíitis, prædicáte super tecta. *Matth. 10.*

✠. Annuntiáte inter Gentes glóriam Dómini, R. In ómnibus pópulis mirabília ejus. *Ps. 95.*

IN III NOCTURNO.

Ant. 8. G. Príncipes génitum dominantur eórum; et qui majóres sunt, potestátem exercent in eos: non ita erit inter vos. *Matth. 20.*

Ant. 7. d. Quicumque volúerit inter vos major fieri, sit vester minister: sicut Fí-

lius hóminis non venit ministrári, sed ministráre. *Matth. 20.*

Ant. 3. à. Cum fecéritis ómnia quæ præcepta sunt vobis, dicite: Servi inútiles sumus; quod debúimus fácere, fécimus. *Luc. 17.*

✠. Non nobis, Dómine, non nobis, sed Nómini tuo da glóriam, R. Super misericórdia tua et veritáte tua. *Ps. 113.*

AD LAUDES.

Ant. 8. G. Jesus locútus est úndecim discípulis, dicens: Data est mihi omnis potestas in cœlo et in terra; euntes ergo, docéte omnes gentes. *Matth. 28.*

Ant. 6. F. Prædicáte Evangelíum omni creatúræ, baptizantes eos, docentes serváre ómnia quæcumque mandávi vobis. *Marc. 16. Matth. 28.*

Ant. 2. D. Quorum remisérítis peccáta, remittuntur eis; et quorum retinuérítis, retenta sunt. *Joan. 20.*

Canticum. Is. 66.

PONAM in eis signum,* et mittam ex eis, qui salváti fúerint, ad gentes in mare;

In Africam, et Lydiam, tendentes sagittam; * in Itáliam et Græciam, ad ínsulas longe:

Ad eos qui non audiérunt de me,* et non vidérunt glóriam meam.

Et annuntiábunt glóriam meam Géntibus,* et addúcent omnes fratres vestros de cunc-

tis g ntibus donum D mino,
ad montem sanctum meum
Jer salem;

Qu modo si inferant filii
Isr el munus in vase mundo *
in domum D mini.

Et ads mam ex eis in Sa-
cerd tes et Lev tas, * dicit
D minus.

Quia sicut c eli novi, et
terra nova, qu  ego facio
stare coram me, dicit D mi-
nus; * sic stabit semen ves-
trum, et nomen vestrum.

Ant. 4. D. Accipi tis virtu-
tem supervenientis Spiritus
sancti in vos; et  ritis mihi
testes usque ad  ltimum ter-
r . *Act. 1.*

Ant. 1. a. Ecce ego vobis-
cum sum  mnibus di bus us-
que ad consummationem s -
culi. *Matth. 28.*

Capitulum. Ephes. 4.

CHRISTUS dedit quosdam
quidem Ap stolos, quosdam
autem Proph tas,  lios vero
Evangelistas,  lios autem
Past res, et Doct res, ad
consummationem sanct rum
in opus minist rii, in  difi-
cationem c rporis Christi.

Hymnus. S. V.

C lestis aul  Pr ncipes,
Sacri Duces ex rcitus,
Biss na mundi l mina,
Olim futuri i dices:

Mersis gravi cal gine,
Per vos dies ren scitur:
Quos vanus error l serat,
Illustrat alma v ritas.

Non vi, nec armis militum,

Fandi nec ullis artibus;
Verbo sed irr s  Crucis,
Christo rebelles s bditis.

Quibus gem bat s bditus,
Rumpuntur orbis v ncula:
Jam gaudet excusso jugo,
Liber Dei sub l gibus.

Vulgata terris  mnibus
Per vos Dei myst ria:
Sic vestra terris  mnibus
Pr clara facta p sonant.

¶ Uni sit et trino Deo
Suprema laus, summum de-
cus,

De nocte qui nos ad su 
Lumen vocavit gl ri . Amen.

✠ Pr ncipes popul rum
congregati sunt  . Cum Deo
Abraham. *Ps. 46.*

Ad Benedictus. Ant. 1. D.
Vos qui secuti estis me, in
regeneratione, cum s derit
Filius h minis in sede majes-
tatis su , sed bitis et vos ju-
dicantes duodecim tribus Is-
rael. *Matth. 19.*

AD HORAS, Doxologia:

¶ Uni sit, ut ad Laudes.

*Ant. de Laudibus, quarta
pr termissa.*

AD PRIMAM.

Ant. 8. G. Jesus.

Cetera ut in Ordinario.

AD TERTIAM.

Ant. 6. F. Pr dic te.

Capitulum. II. Cor. 2.

DEO gr tias, qui semper tri-
umphat nos in Christo Jesu,
et odorem not ti  su  mani-
festat per nos in omni loco.

 . br. In omnem terram *

Exívit sonus eórum. In. ✠. Et in fines orbis terræ * verba eórum : * Exívit. Glória. In.

✠. Non sunt loquelæ neque sermões, R̃. Quorum non audiantur voces eórum. Ps. 18.

AD SEXTAM.

Ant. 2. D. Quorum.

Capitulum. II. Cor. 5.

POSUIT in nobis Deus verbum reconciliatiónis. Pro Christo ergo legatióne fúngimur, tanquam Deo exhortante per nos. Obsecramus pro Christo, reconciliámini Deo.

R̃. br. Dóminus excelsus * Subjécit pópulos nobis. Dóminus. ✠. Elégit nobis * hæreditatem suam : * Subjécit. Glória. Dóminus. Ps. 46.

✠. Nimis honorificati sunt amici tui, Deus : R̃. Nimis confortatus est principatus eórum. Ps. 138.

AD NONAM.

Ant. 1. a. Ecce.

Capitulum. II. Thess. 2.

STATE, et tenéte traditiónes quas didicistis sive per sermónem, sive per epístolam nostram. Ipse autem Dóminus noster Jesus Christus, et Deus, et Pater noster, qui dilexit nos, et dedit consolatiónem æternam, et spem bonam in grátia, exhortétur corda vestra, et confirmet in omni ópere et sermóne bono.

R̃. br. Confitébimur tibi, Deus : * Invocabimus nomen tuum. Confitébimur. ✠. Narrábitus * mirabilia tua : * Invocabimus. Glória. Confitébimur. Ps. 74.

✠. In generatióem et generatióem R̃. Annuntiábitus laudem tuam. Ps. 78.

AD II VESPERAS.

Ant. 6. F. Injecerunt manus in Apóstolos, et posuerunt eos in custódia. Act. 5.

Ant. 2. D. Cæsis denuntiáverunt ne omnino loquerentur in nómine Jesu. Act. 5.

Ant. 4. E. Ibant gaudentes a conspectu concilii, quóniam digni hábiti sunt pro nómine Jesu contuméliam pati. Act. 5.

Ant. 1. g. Loquebantur verbum Dei cum fidúcia; et virtute magna reddébant testimoniúm resurrectionis Jesu Christi. Act. 4.

Ant. 3. a. Tradiderunt ánimas suas pro nómine Dómini nostri Jesu Christi. Act. 15.

Capitulum. I. Cor. 4.

DEUS nos Apóstolos novissimos ostendit, tanquam morti destinátos; quia spectáculum facti sumus mundo, et Angelis, et homínibus.

Hymnus. S. V.

QUEM misit in terras Deus
Ut morte nos servet sua,
Amóris hic fidos sui
Vos éligit vicários.
Occísus Agnus a lupis,

Vos misit agnos ad lupos :
Mores ferinos éxuunt,
Agni repente de lupis.

Quæ victimarum cædibus
Tellus madébat impiis,
Vestris eam sudoribus
Vestro piastis sanguine.

Hoc rore facta pinguior,
Quot illa fructus protulit!
Quæ, quanta surrexit seges!
Et ista nos seges sumus.

Quam si bonus respéxeris,
Qui das rigátis crêscere;
Frumenta nos cœlestibus
Matúra condes hórreis.

¶ Uni sit et trino Deo
Suprema laus, summum decus,

De nocte qui nos ad suæ
Lumen vocavit glóriæ. Amen.

✕. Pro pátribus tuis nati
sunt tibi filii : R. Constitues
eos principes super omnem
terram. Ps. 44.

Ad Magnificat. Ant. 5. C.
In fundamentis civitátis sanctæ
Jerúsalem nómina duódecim
Apostolorum Agni : et
lucerna ejus est Agnus. Apoc.
21.

COMMUNE UNIUS S. MARTYRIS,

ETIAM PONTIFICIS, AUT DOCTORIS, ETC.

IN I VESPERIS.

Ant. 8. G. Fortitúdo simp-
plicis via Dómini : justus in
æternum non commovébitur.
Prov. 10.

Ant. 4. E. Qui timet Dómi-
num, nihil trepidábit, et non
pavébit; quóniam ipse est spes
ejus. Eccli. 34.

Ant. 3. a. Qui audit sapién-
tiam, permanébit confidens;
quóniam in tentatióne ámbu-
lat cum eo, et in primis éli-
git eum. Eccli. 4.

Ant. 6. C. Timórem, et me-
tum, et probatiónem indúcet
super illum, donec credat
ánimæ illús; et firmábit il-
lum. Eccli. 4.

Ant. 1. D. In tentatióne De-
us illum conservábit, et libe-
rábit a malis; et non illidétur
quasi in procella navis, Eccli.
33.

Capitulum. Josue, 1.

ECCE præcipio tibi: Confor-
tare, et esto robustus. Noli
metúere, et noli timére; quón-
iam tecum est Dóminus De-
us tuus.

Hymnus. S. V.

Ex quo, salus mortálium,
Fluxit sacer Dei cruor,
Homo redemptus æmulum
Deo litávit sanguinem.

Non jam crucis Christi pu-
det :

Quin surgit ingens glória
Deum fatéri mórtuum,
Pro mórtuo mori Deo.

Hoc iste plenus spíritu
Ridet minas, ridet neces;
Tuáque fretus dextera,
Tibi, Redemptor, militat.

Paráta spectans præmia,
Secúrus ad pœnas volat :

Sic pugnat, ut speret mori,
Et morte mortem vincere.

Unus tot armatas manus
Stupente lassat iudice;
Et tortus ipsis qui cadit
Torquentibus fit fortior.

Da, Christe, tanti militis
Æquare facta fortia :
Da sustinere pro tuo,
Quodcumque durum, Nomi-
ne.

¶ Fortem coronans mili-
tem,
Jesu, tibi sit gloria
Cum Patre, cumque Spiritu,
In sempiterna secula. Amen.

✠ In Deo speravi, R. Non
timebo quid faciat mihi caro.
Ps. 55.

Ad Magnificat. Ant. 8. G.
Ecce Deus salvator meus, fidu-
cialiter agam, et non timebo;
quia fortitudo mea et laus mea
Dominus, et factus est mihi
in salutem. *Is. 12.*

AD NOCTURNUM.

*Invit. Deum patientiæ et
solatii, * Venite, adoremus.*
Rom. 15.

*Hymnus. S. V.**

FELIX morte tua, qui crucia-
tibus
Cælo difficilem rumpere
amas viam;
Et signare cruore,
Quam Christo dederas fi-
dem!
Pœnis victa quibus deficeret
fides,
Tu pœnas avida mente præ-
occupas :
Cui non sufficit una,

Ambis innumeras neces.
Te pro lege sua magnanimum
mori,
Te Christus pugilem spec-
tat ab æthere :
Neu palmam auferat hostis,
Tecum prælia sustinet.
Et nos delicias, vana per otia,
Gens infida Deo, quærimus
anxii :

Quid torpemus? inertes
Sanguis Martyris excitat.
Semper maxima laus ingenito
Patri :

Semper laus genito maxima
Filio :
Sacri nexus amoris,
Sit laus par tibi, Spiritus.
Amen.

Ant. 1. f. Etsi in præsentī
tempore supplicii hominum
eripiar, manum Omnipoten-
tis nec vivus, nec defunctus
effugiam ; quamobrem forti-
ter vita excedendo, exem-
plum forte relinquam. *II.*
Mach. 6.

Ant. 7. d. Prompto ánimo
pro gravissimis ac sanctissi-
mis legibus honesta morte
perfungar. *II. Mach. 6.*

Ant. 8. c. E cælo membra
ista possideo ; sed propter
Dei leges hæc ipsa despicio,
quoniam ab ipso me ea recep-
turus spero. *II. Mach. 7.*

✠ Fortitudinem meam ad
te custodiam ; R. Quia Deus
susceptor meus es. *Ps. 58.*

AD LAUDES.

Ant. 3. à. Dominus mecum
est, quasi bellator fortis : id-
circo qui persequuntur me,
cadent, et infirmi erunt. *Jer. 20.*

Ant. 1. f. Circumdedérunt me úndique, et non erat qui adjuváret : memorátus sum misericórdiæ tuæ, Dómine, quóniam éruis sustinentes te. *Eccli. 51.*

Ant. 2. D. Bonus Dóminus, et confortans in die tribulatiónis, et sciens sperantes in se. *Nahum, 1.*

Canticum. Eccli. 51.

CONFITEBOR tibi, Dómine, Rex,* et collaudábo te Deum salvatórem meum.

Confitébor Nómini tuo ; * quóniam adjútor et protector factus es mihi.

Et liberasti corpus meum a perditíone, a láqueo linguæ iníquæ, et a lábiis operántium mendácium ; * et in conspectu adstántium factus es mihi adjútor.

Et liberasti me secundum multitudínem misericórdiæ Nóminis tui,* a rugiéntibus, præparátis ad escam ;

De mánibus quæréntium ánimam meam,* et de portis tribulatiónum, quæ circumdedérunt me.

Ant. 4. A. Cantáte Dómino, laudáte Dóminum ; quia liberávit ánimam páuperis de manu malórum. *Jer. 20.*

Ant. 7. d. Eripuisti me de témpore iníquo ; proptérea confitébor, et laudem dicam tibi, et benedicám nómini Dómini. *Eccli. 51.*

Capitulum. Apoc. 3.

QUI vicerit, vestiétur vestimentis albis ; et non delébo

nomen ejus de libro vitæ : et confitébor nomen ejus coram Patre meo, et coram Angelis ejus.

Hymnus. S. V.

JAM non te lacerant carnificum manus,

Inter qui recubas Cœlituum choros :

Nunc pro cárcere cæco
Fulgentes habitas domos.

Non jam vincla manus, non
cohibent pedes ;

Tu liber Superum regna
perámbulas :

Quot plagis laniátus,
Cœlo tot radiis nites.

Nec te dira fames, nec sitis
ámplius,

Nec probrósa premit te
modo núditas :

Nunc te lúmine puro
Pascit Christus et induit.

Sic tu Martyribus dexter ades,
Deus,

Ut quos mors perimit, gló-
ria vindicet ;

Confundisque tyrannum,
Dum quos déprimit, éle-
vas.

Semper máxima laus ingenito
Patri :

Semper laus genito máxima
Filio :

Sacri nexus amóris,
Sit laus par tibi, Spíritus.
Amen.

✠. Adjútor meus, tibi psal-
lam ; R. Quia Deus susceptor
meus es. *Ps. 58.*

Ad Benedictus. Ant. 1. D.
Bonum certámen certávi, cur-
sum consummávi, fidem ser-
vávi : in réliquo repósita est
mihi coróna justitiæ. *II. Tim. 4.*

*AD HORAS et ad Complet.
in Duplicibus et supra, Doxol.*

¶ Fortem coronans militem,
Jesu, tibi sit glória
Cum Patre, cumque Spíritu,
In sempiterna sécula. Amen.

AD PRIMAM.

Ant. 3. à. Dóminus.

AD TERTIAM.

Ant. 1. f. Circumdederunt.

Capitulum. Is. 41.

ERUNT quasi non sint, et véluti consúptio, hómines bellantes adversum te; quia ego Dóminus Deus tuus apprehendens manum tuam, dicensque tibi: Ne tímeas, ego adjúvi te.

℞. *br.* In Deo salutáre meum,* Et glória mea. In. ✕. Deus auxílii mei,* et spes mea in Deo est,* Et. Glória. In. *Ps. 61.*

✕. Deus meus adjútor meus, et sperábo in eum: ℞. Protector meus, et cornu salutis meæ. *Ps. 17.*

AD SEXTAM.

Ant. 2. D. Bonus Dóminus.

Capitulum. II. Tim. 4.

PATIOR, sed non confundor: scio enim cui crédidi; et certus sum quia potens est depósitum meum serváre in illum diem.

℞. *br.* Si consistent adversum me castra,* Non timébit cor meum. Si. ✕. Si exsurgat

adversum me prælium,* in hoc ego sperábo: * Non. Glória. Si. *Ps. 26.*

✕. Dóminus mihi adjútor, ℞. Non timébo quid fáciat mihi homo. *Ps. 117.*

AD NONAM.

Ant. 7. d. Eripuisti me.

Capitulum. Tob. 3.

Post tempestátem tranquillum facis, Dómine; et post lacrymationem et fletum, exultationem infundis. Sit nomen tuum, Deus Israel, benedictum in sécula.

℞. *br.* Factus es, Dómine,* Susceptor meus. Factus. ✕. Et refúgium meum * in die tribulationis, * Susceptor. Glória. Factus. *Ps. 58.*

✕. Tu, Dómine, adjuvisti me, ℞. Et consolátus es me. *Ps. 85.*

AD II VESPERAS.

Ant. 8. G. Propter opus Christi usque ad mortem accessit, tradens ánimam suam. Philip. 2.

Ant. 3. a. Patienter sústiens, destinávit non admíttere illícita propter vitæ amorem. II. Mach. 6.

Ant. 7. a. Divítias æstimans impropérium Christi, adspiciébat in remuneratióem. Hebr. 11.

Ant. 5. C. Gloriosíssimam mortem magis quam odibilem vitam complectens, voluntárie præbat ad supplicium. II. Mach. 6.

Ant. 1. D. Hoc modo vita

a.

decessit, universæ genti memoriam mortis suæ ad exemplum virtutis et fortitudinis derelinquens. *II. Mach. 6.*

Capitulum. Jac. 1.

BEATUS vir qui suffert tentationem; quoniam cum probatus fuerit, accipiet coronam vitæ, quam repromisit Deus diligentibus se.

Hymnus, Ex quo salus, in I Vesperis, VI.

✠. Posuisti, Dómine, in capite ejus coronam ꝑ. De lapide pretioso. *Ps. 20.*

Ad Magnificat. Ant. 4. D.
Justum non dereliquit Deus, donec afferret illi potentiam adversus eos qui eum deprimebant; et dedit illi claritatem æternam. *Sap. 10.*

COMMUNE PLURIUM SS. MARTYRUM.

IN I VESPERIS.

Ant. 2. D. Venit hora, ut omnis qui interficit vos, arbitretur obsequium se præstare Deo. *Joan. 16.*

Ant. 3. c. Injicient vobis manus suas, et persequentur, trahentes ad reges et præsidēs propter nomen meum. *Luc. 21.*

Ant. 4. D. Tradet autem frater fratrem in mortem; et insurgent filii in parentes, et morte eos afficient. *Matth. 10.*

Ant. 1. D. Eritis odio omnibus propter nomen meum; qui autem perseveraverit usque in finem, hic salvus erit. *Matth. 10.*

Ant. 8. G. Dabo vobis os et sapientiam, cui non poterunt resistere et contradicere omnes adversarii vestri. *Luc. 21.*

Capitulum. I. Petr. 4.

SI exprobramini in nomine Christi, beati eritis; quoniam quod est honoris, gló-

riæ, et virtutis Dei, et qui est ejus Spíritus, super vos requiescit.

Hymnus. C.

CHRISTI Martyribus debita nos decet,
Virtutis memores, promerere cántica;
Quos nec blanditiis, nec potuit minis
Fallax vincere sæculum.
Cœlestis Patriæ mens inhians bonis,
Mundi spernit opes fluxaque gaudia:
Vitæ quin etiam, præ Domini lucro,
Jacturam facilem putant.
Non vultus metuunt carnificum truces:
Fœtas suppliciiis despiciunt manus:
Enses, flagra, rotas, omnia perpeti
Victrix edocuit fides.
O incredibilem vim patientiæ!
Non artus laceros qui cruciat dolor

Extorquet gemitum, non
querimóniam
Agnis mītibz elicit.
Ergo nunc propior, Christe,
tibi sedet
Palmis turba nitens usque
viréntibus,
Victorumque gerens præ-
mia, nóbiles
Multo sáanguine láureas.
Sit laus summa Patri, súm-
maque Fílio :
Sit par, sancte, tibi glória,
Spíritus ;
Cujus præsidio prælia sús-
tinent,
Contempta nece, Mátyres.
Amen.

✠. Viriliter ágite, et con-
fortétur cor vestrum, R. Om-
nes qui sperátis in Dómino.
Ps. 30.

Ad Magnificat. Ant. 8. G.
Cum vos óderint hómines, et
exprobráverint propter Fí-
lium hóminis, gaudéte et ex-
sultáte : ecce enim merces
vestra multa est in cœlo.
Luc. 6.

AD NOCTURNUM.

Invit. Dóminum legítimè
certantes coronantem,* *Ve-*
níte, adorémus. *II. Tim. 2.*

Hymnus. S. V.

FORTES cadendo Mátyres,
Quos empta fuso sáanguine
Cœlestis ornat púrpora,
Junctis canámus vóçibus.

Acti procellis ómnibus,
Sui cruóris flúmine
Vehuntur, et, Christo duce,
Portus beátos óccupant.

Sævít tyrannus, adlicit :

Temnunt minas, temnunt
preces,
Deum minantem dum timent,
Dum munerantem díligunt.
Quem lictor insánus sitit,
Quem cæcus effundit furor,
Amor sacerdos pródigum
Christo cruórem cónsecrat.
Et ille mixtus sáanguini
Quem fudit in ligno Deus,
Fundéntibus placábilem
Oráre non cessat Deum.

Implére vos omnes decet
Passo Deo quod defúit :
Per tot neces læso Patri
Fit plena Christus hóstia.
Sit laus Patri, laus Fílio,
Par sit tibi laus, Spíritus,
Qui præliantes róboras
Palmisque donas Mátyres.
Amen.

Ant. 7. b. In mortem trá-
dimur propter Jesum, ut et
vita Jesu manifestétur in car-
ne nostra mortáli. *II. Cor. 4.*

Ant. 3. b. Paráti sumus mo-
ri, magis quam pátrias Dei
leges prævaricári. *II. Mach. 7.*

Ant. 6. F. Propítius sit no-
bis Deus : non est nobis útile
relínquere legem et justítias
Dei, ut eámus áltera via. *I.*
Mach. 2.

✠. In Deo faciémus virtú-
tem ; R. Et ipse ad níhilum
dedúcet tribulantes nos. *Ps.*
59.

AD LAUDES.

Ant. 8. G. Datum est béstiae
bellum fácere cum sanctis,
et víncere eos. *Apoc. 13.*

Ant. 7. d. Elegérunt magis
mori, et noluérunt infrígere
legem Dei sanctam ; et truci-
dátí sunt. *I. Mach. 1.*

Ant. 1. f. Si coram hominibus tormenta passi sunt, spes illorum immortalitate plena est. *Sap. 3.*

Canticum. Sap. 5.

STABUNT justī in magna constantia adversus eos qui se angustiaverunt, * et qui abstulerunt labores eorum.

Videntes turbabuntur timore horribili, * et mirabuntur in subitacione insperata salutis,

Dicentes intra se, poenitentiam agentes, et praangustia spiritus gementes : * Hi sunt quos habuimus aliquando in derisum, et in similitudinem improperii.

Nos insensati vitam illorum aestimabamus insaniam, * et finem illorum sine honore :

Ecce quomodo computati sunt inter filios Dei, * et inter sanctos sors illorum est.

Ergo erravimus a via veritatis, et iustitiae lumen non luxit nobis, * et sol intelligentiae non est ortus nobis.

Ant. 2. D. In paucis vexati, in multis bene disponentur; quoniam Deus tentavit eos, et invenit illos dignos se. *Sap. 3.*

Ant. 7. d. Tanquam aurum in fornace probavit illos; et quasi holocausti hostiam accepit illos; et in tempore erit respectus illorum. *Sap. 3.*

Capitulum. Jac. 1.

OMNE gaudium existimate,

fratres mei, cum in tentationes varias incideritis : scientes quod probatio fidei vestrae patientiam operatur; patientia autem opus perfectum habet.

Hymnus. S. V.

QUAM, Christe, signastiviam

Primus, profuso sanguine,
Per hanc tui te fortiter
Ducem sequuntur milites.

Fossus manus, fossus pedes,

Ovans ad astra transvolas;
Et membra trunci Martyres
Addunt triumpho se tuo.

Omnes in ostro splendori
Tuum tribunal ambiunt:
Accepta monstrant vulnera,
Et per tot ora supplicant.

Audire si nos respicis,
Quos criminum moles gravat;
Audi tuos, qui sanguinem
Fudere pro te, Martyres.

Fac, si tyrannus deficit,
Ne blandiendo mollius
Frangat voluptas pectora,
Ipsis tyrannis saevior.

¶ Sit laus Patri, laus Filio:
Par sit tibi laus, Spiritus,
Qui praeliantes roboras
Palmisque donas Martyres.

Amen.

✠. Multae tribulationes justorum; R^l. Et de omnibus his liberabit eos Dominus. *Ps. 33.*

Ad Benedictus. Ant. 1. J. Beati qui persecutionem patiuntur propter iustitiam; quoniam ipsorum est regnum caelorum. *Matth. 5.*

AD HORAS, et ad Complet.
in Duplicibus et supra, Doro-

logia: ¶ Sit laus, ut ad Laudes.

AD PRIMAM.

Ant. 8. G. Datum est.

AD TERTIAM.

Ant. 7. d. Elegérunt.

Capitulum. Sap. 3.

JUSTORUM ánimæ in manu Dei sunt, et non tanget illos tormentum mortis. Visi sunt óculis insipientium mori, et æstimáta est afflictio éxitus illórum; et quod a nobis est iter, exterminium: illi autem sunt in pace.

*Rl. br. Custódit Dóminus * Animas sanctórum suórum. Custódit. ¶. De manu peccatóris * liberábit * Animas. Glória. Custódit. Ps. 96.*

¶. Dóminus loquétur pacem in plebem suam, Rl. Et super sanctos suos. Ps. 84.

AD SEXTAM.

Ant. 1. f. Si coram.

Capitulum. II. Cor. 4.

QUOD in præsentí est momentáneum et leve tribulatiónis nostræ, supra modum in sublimitáte æternum glóriæ pondus operátur in nobis, non contemplántibus nobis, quæ videntur, sed quæ non videntur: quæ enim videntur temporália sunt; quæ autem non videntur, æterna sunt.

*Rl. br. Præbasti nos, Deus, * Et eduxisti nos in refrigérium. Præbasti. ¶. Igne nos*

*examinasti * sicut examinátur argentum, * Et. Glória. Præbasti. Ps. 65.*

¶. Lætáti sumus pro diébus quibus nos humiliasti, Rl. Annis quibus vídimus mala. Ps. 89.

AD NONAM.

Ant. 7. d. Tanquam.

Capitulum. Is. 9.

LÆTABUNTUR coram te, sicut qui lætantur in messe, sicut exsultant victóres capta præda, quando dívidunt spólia.

*Rl. br. Qui sémant in lácrymis, * In exsultatióne metent. Qui. ¶. Euntes ibant et flebant, * mittentes sémina sua; * In. Glória. Qui.*

¶. Venientes vénient cum exsultatióne, Rl. Portantes manípulos suos. Ps. 125.

AD II VESPERAS.

Ant. 2. D. Vidi ánimas interfectórum propter verbum Dei, et propter testimónium quod habébant. Apoc. 6.

Ant. 4. D. Stabant ante thronum in conspectu Agni; et palmæ in manibus eórum. Apoc. 7.

Ant. 8. G. Venérunt de tribulatióne magna; et lavérunt stolas suas, et dealbavérunt eas in ságuine Agni. Apoc. 7.

Ant. 1. D. Ante thronum Dei sunt, et sérviant ei die ac nocte in templo ejus; et qui sedet in throno, habitábit super illos. Apoc. 7.

Ant. 3. a. Non esúrient, ne-

que sítient ámplius; nec cadet
super illos sol, neque ullus
æstus. *Apoc.* 7.

Capitulum. Apoc. 21.

ABSTERGET Deus omnem
lácrymam ab óculis eórum,
et mors ultra non erit; neque
luctus, neque clamor, neque
dolor erit ultra, quia prima
abiérunt.

*Hymnus, Christi Martyribus,
ut in I Vesperis, x.*

†. In æternum exultá-
bunt, Rj. Et habitábis in eis.
Ps. 5.

Ad Magnificat. Ant. 8. G.
Datæ sunt illis síngulæ stolæ
albæ; et dictum est illis ut
requiércerent, donec com-
pleantur conservi eórum, qui
interficiendi sunt sicut et illi.
Apoc. 6.

COMMUNE UNIUS S. PONTIFICIS,

NON MARTYRIS AUT DOCTORIS.

IN I VESPERIS.

Ant. 3. a. Suscitábo mihi
Sacerdótem fidélem, qui iuxta
cor meum et ánimam meam
faciet. *I. Reg.* 2.

Ant. 8. G. Elégi eum ex
ómnibus mihi in Sacerdótem;
ut ascénderet ad altáre meum,
et adoléret mihi incensum.
I. Reg. 2.

Ant. 2. D. Ædificábo ei do-
mum fidélem; et ambulábit
coram Christo meo cunctis
diébus. *I. Reg.* 2.

Ant. 5. C. Erit ipsi pactum
sacerdótii sempiternum; quia
zelátus est pro Deo suo, et
expiávit scelus filiórum Israel.
Num. 25.

Ant. 1. f. Quemcumque
elégerit Dóminus, ipse erit
sanctus. *Num.* 16.

Capitulum. Hebr. 5.

Nec quisquam sumit sibi
honórem, sed qui vocátur a

Deo, tanquam Aaron. Sic et
Christus non semetipsum cla-
rificávit ut póntifex fieret,
sed qui locútus est ad eum :
Filius meus es tu, ego hódie
génui te; quemádmódum et
in álio loco dicit : Tu es Sa-
cerdos in æternum, secun-
dum órđinem Melchisedech.

Hymnus. G. Ep. S.

CHRISTE, Pastórum caput
atque princeps,
Præsulis festam veneráta
lucem,
Débitis supplex tua templa
votis
Turba frequentat.

Ille non vano tenuit tremen-
dam
Spíritu sedem, proprio nec
ausu :
Sed sacrum jussus, Domi-
no vocante,
Sumpsit honórem.
Strénum bello pugilem su-
perni

Chrismatis pleno tuus un-
xit intus
Spiritus cornu, posuitque
sanctam
Pascere gentem.

Fit gregis pastor, pater atque
forma :

Lætus impendit sua, se-
que ; servus

Omnium, curis gravis,
omnibusque

Omnia factus.

Pro reis orat, reficit gemen-
tes,

Erigit lapsos, tenebrasque
pellit,

Fit potens verbo, docet al-
ta, pravum

Cónterit hostem.

Fac ut illius precibus juvé-
mur,

Christe ; fac Patrem, pari-
terque tecum

Spiritus jugi celebrémus
hymno

Omne per ævum. Amen.

✠. Beatus quem elegisti et
adsumpsisti : R. Inhabitabit
in atriis tuis. Ps. 64.

Ad Magnificat. Ant. 4. f.
Elégit ipsum Dóminus ab om-
ni vivente offerre sacrificium
Deo, incensum et bonum
odórem pro pópulo suo.
Eccli. 45.

AD NOCTURNUM.

Invit. Christum Pastórum
príncipem, * Veníte, adoré-
mus. *I. Petr. 5.*

Hymnus. S. V.

CHRISTE, decréto Patris in-
stitútus

Póntifex summo, tibi, qui
fidèles

Quos legis, formas populis
regendis

Ipse ministros.

Hunc juvat festo celebráre
cantu,

Qui licet magnis meritis
abundans,

Flens et invítus, duce te,
tremendum

Sumpsit honórem.

Nóverat quantis pateat pe-
ríclis

Ille, qui summos apices
adeptus,

Omnium curas, sibi raptus
uni,

Sústinet omnes.

Fécerat fervens amor inquié-
tum :

Quo gregis cari pia cura
poscit,

Advolat promptus : mora
non euntem

Ulla retardat.

Dux iter, vita præeunte,
monstrat ;

Cómprobat factis sua dicta
magnis ;

Et domum sanctam bene-
olente Christi

Implet odóre.

Lux erat cæco, columen la-
banti,

Una spes lapso, misero
levámen,

Próvidus cunctis pater,
omnibusque

Omnia factus.

Christe, Pastórum bonus ipse
Pastor,

Qui greges pascis proprio
cruóre,

Fac ut æternæ subeant opí-
ma

Pásqua vitæ. Amen.

Ant. 4. A. In omni ópere
dedit confessiónem Sancto
et Excelso in verbo glóriæ.
Eccli. 47.

Ant. 7. d. Erogávit pecú-
nias multas: justítiam et fidem
conservávit genti suæ; et ex-
quisívit omni modo exaltáre
pópulum suum. *I. Mach. 14.*

Ant. 1. a. Non recédet me-
mória ejus, et nomen ejus
requirétur a generatióne in
generatióne. *Eccli. 39.*

✠. Justítia ejus manet in
séculum séculi: R. Cornu
ejus exaltábitur in glória. *Ps.*
III.

AD LAUDES.

Ant. 7. a. Qui intrat per
óstium, pastor est óvium:
huic ostiárius áperit; et oves
vocem ejus áudiunt. *Joan. 10.*

Ant. 2. D. Próprias oves
vocat nominátim, et edúcit
eas, et ante eas vadit. *Joan. 10.*

Ant. 7. d. Oves illum se-
quuntur, quia sciunt vocem
ejus; aliénium autem non se-
quuntur, sed fúgiunt ab eo.
Joan. 10.

Canticum. Ezech. 34.

Ego pascam oves meas: * et
ego eas accubáre fáciam, dicit
Dóminus Deus.

Quod perierat, requíram;
et quod abjectum erat, re-
dúcam; * et quod confractum
fúerat, adligábo;

Et quod infirmum fúerat,
consolidábo, et quod pingue

et forte, custódiam: * et
pascam illas in judício.

Et suscitábo super eas
Pastórem unum, qui pascat
eas, servum meum David:
* ipse pascet eas, et ipse erit
eis in pastórem.

Ego autem Dóminus ero
eis in Deum: et servus meus
David princeps in médio eó-
rum: * ego Dóminus locútus
sum.

Et scient quia ego Dómi-
nus, cum contrívero caténas
jugi eórum,* et erúero eos de
manu imperántium sibi.

Et non erunt ultra in ra-
pínam in géntibus, neque
béstiæ terræ devorábunt eos:
* sed habitábunt confidenter
absque ullo terróre.

Vos autem greges mei,
greges pásquæ meæ, hómines
estis: * et ego Dóminus Deus
vester, dicit Dóminus Deus.

Ant. 6. F. Si perdiderit
unam ex illis, vadit ad illam
donec invéniat eam; et cum
invénierit, impónit in húme-
ros suos gaudens. *Luc. 15.*

Ant. 8. G. Fur venit ut per-
dat; mercenárius videt lu-
pum, et fugit: bonus pastor
ánimam suam dat pro óvibus
suis. *Joan. 10.*

Capitulum. I. Petr. 5.

PASCITE qui in vobis est
gregem Dei, providentes non
coacte, sed spontánee secun-
dum Deum; neque turpís
lucri grátia, sed voluntárie;
neque ut dominantes in Cle-
ris, sed forma facti gregis ex
ánimo.

Hymnus. G. Ep. S.

JESU, Sacerdótum decus,
In hac die, qua glória
Sanctum corónas Præsulem,
Votis adesto súpplicum.

Sui probátus præmíum
Amóris, et pignus tui,
A Patre tráditos tibi
Accépit agnos páscere.

Hos novit, et præit vocans
In tuta quemque páscua,
Victumque præbet : ádiunt,
Sequuntur, et vivunt oves.

Quam sentit errantem ju-
gis,
Hanc nocte quærit ac die;
Et gaudet inventam suo
Portans ovili réddere.

Arceat frementes béstias,
Lupi retundit ímpetus,
Dolosque fallit, vel mori
Caro parátus pro grege.

Offert frequentem vícti-
mam

Cum plebe Pastor ínnocens;
Secumque devótum gregem
Pius Sacerdos ímmolat.

¶ **S**uprême Christe Pónti-
fex,

Jugis tibi sit glória
Cum Patre, cumque Spíritu,
In sempiterna sécula. Amen.

✠ Elégit Dóminus servum
suum, R. Páscere hæreditá-
tem suam. *Ps. 77.*

Ad Benedictus. Ant. 1. D.
Ego sum óstium : per me si
quis introierit, salvábitur; et
ingrediétur, et egrediétur, et
páscua invéniet. *Joan. 10.*

AD HORAS et ad Complet.
in Duplicibus et supra, Doxo-
logia : ¶ Suprême, ut ad
Laudes.

AD PRIMAM.

Ant. 7. a. Qui intrat.

AD TERTIAM.

Ant. 2. D. Próprias oves.

Capitulum. Prov. 27.

DILIGENTER agnosce vultum
pécoris tui, tuosque greges
consídera; non enim habébis
júgiter potestátem; sed coró-
na tribuétur in generatióem
et generatióem.

R. *br.* Deus protector meus,
* In ipso sperávi. Deus. ✠. Qui
subdit * pópulum meum sub
me, * In. Glória. Deus. *Ps. 143.*

✠. Nisi Dóminus custodié-
rit civitátem, R. Frustra vígi-
lat qui custódit eam. *Ps. 126.*

AD SEXTAM.

Ant. 7. d. Oves.

Capitulum. Jer. 3.

INTRODUCAM vos in Sion, et
dabo vobis Pastóres juxta
cor meum; et pascent vos
sciéntia et doctrína.

R. *br.* Deduxit eos * In viam
rectam. Deduxit. ✠. Ut irent
* in civitátem habitatióis,
* In. Glória. Deduxit. *Ps. 106.*

✠. Abstulit sicut oves pó-
pulum suum, R. Et deduxit
eos in spe. *Ps. 77.*

AD NONAM.

Ant. 8. G. Fur venit.

Capitulum. Act. 20.

ADTENDITE vobis, et uni-

verso gregi, in quo vos Spíritus sanctus pósuit Episcopos régere Ecclesiám Dei, quam acquisívit ságuine suo.

R. *br.* Pavit eos * In innocentia cordis sui. Pavit. *✠.* Et in intellectibus mánuum suárum * deduxit eos, * In Glória. Pavit. *Ps.* 77.

✠. Nos pópulus tuus et oves páscae tuæ, *R.* Confitébitur tibi in séculum. *Ps.* 78.

AD II VESPERAS.

Ant. 3. a. Ecclesiæ factus sum ego minister secundum dispensationem Dei, quæ data est mihi in vos, ut impleam verbum Dei. *Coloss.* 1.

Ant. 4. E. Scitis quómodo nihil subtráxerim utilium quóminus annuntiárem vobis, et docérem vos públice, et per domos. *Act.* 20.

Ant. 1. D. Mundus sum a ságuine ómnium; non enim subterfúgi quóminus annuntiárem omne consílium Dei vobis. *Act.* 20.

Ant. 8. G. Nihil véreor, nec fácio ánimam meam pretiosiórem quam me, düm-

modo consummem cursum meum, et ministérium verbi quod accépi a Dómino Jesu. *Act.* 20.

Ant. 7. c. Absit a me hoc peccátum in Dóminum, ut cessem oráre pro vobis; et docébo vos viam bonam et rectam. *I. Reg.* 12.

Capitulum. *Act.* 20.

NOCTE et die non cessávi, cum lácrymis monens unumquemque vestrum : et nunc commendo vos Deo, et verbo grátiae ipsíus, qui potens est ædificáre, et dare hæreditátem in sanctificátis ómnibus.

Hymnus, Christe Pastórum, ut in *I Vesperis*, xiv.

✠. Salvum fecit Dóminus Christum suum : *R.* Exáudiet illum de cœlo sancto suo. *Ps.* 19.

Ad Magnificat. *Ant.* 5. C. Sacerdótes tui induantur salutem : Dómine Deus, ne avérteris faciém Christi tui : memento misericordiárum servi tui. *II. Par.* 6.

COMMUNE UNIUS S. DOCTORIS,

ETIAM PONTIFICIS, AUT PRESBYTERI.

IN I VESPERIS.

Ant. 4. E. A Deo perfecta est sapiéntia : et in ore fidéli abundábit ; et dominátor dabit eam illi. *Eccli.* 15.

Ant. 5. C. Denudábit absconsa sua illi, et thesaurizá-

bit super illum sciéntiam et intellectum justítiae. *Eccli.* 4.

Ant. 8. G. Firmábitur in illo, et non flectétur ; et continébit illum, et non confundétur ; et exaltábit illum apud próximos suos. *Eccli.* 15.

Ant. 3. a. In médio Ecclésiæ apériet os ejus, et adimplébit illum spiritu sapiéntiæ et intellectus. *Eccli.* 15.

Ant. 1. D. Stola glóriæ véstiet illum; et nómine æterno hæreditábit illum. *Eccli.* 15.

Capitulum. *Eccli.* 15.

ANIMAM meam direxi ad sapiéntiam, et in agnitióne invéni eam: possédi cum ipsa cor ab inítió; propter hoc non derelinquar.

Hymnus. S. V.

O qui perpetuus nos monitor doces,

Vox æterna Patris, Christe, vicários

Doctóres, patrias cum remeas domos,

Nobis quam bene súppetis!

Hi semper vigilant, ne quid adúlterum

Corrumpat fidei virgineum decus:

Lædi vel leviter non patitur fides,

His custódibus íntegra.

Infámes abolent relliquias deúm:

Erróres abigunt, crímina dédocent:

Christo restituunt, quos male crédulos

Mendax lúserat hæresis.

Patrum canitiem, tot venerábiles

Rugas objiunt, unde nitet fides:

Quæ sunt prisca, docent; quæ nova, súbruunt:

Servant depositum Dei.

Sit supréma tibi glória, Véritas,

Quæ per scripta Patrum quando foris sonas, Mentés interius muta docés, simul

Et te córdibus ínseris.

Amen.

✠. Beátus homo quem tu erudíeris, Dómine, R. Et de lege tua docúeris eum. *Ps.* 93.

Ad Magníficat. *Ant.* 7. G. Beátus qui excógitat vías sapiéntiæ in corde suo, vadens post illam quasi investigátor: protegétur sub tégmine illíus a fervóre, et in glória ejus requiescet. *Eccli.* 14.

AD NOCTURNUM.

Invit. Fontem sapiéntiæ Dóminum, * Veníte, adorémus. *Eccli.* 1.

Hymnus. S. V.

JAM nunc, quæ numeras tot tibi víndices,

Effer sidereum, Relligio, caput:

Quot sunt mota tibi prælia, nóbiles

Tot nectis tibi láureas.

Cum per mille neces impietas furit,

Oppónis valido pectore Mártýres:

Cum per mille dolos decipit hæresis,

Doctóres tibi súscitas.

Quando sparsa lues úndique críminum,

Hi gliscens vitium prótinus ámputant:

Quando plúrima nox mén-
tibus incubat,
Hi plenum revehunt diem.
Firmant instabiles, et dubios
regunt :

Monstrant tuta prócul lít-
tóra náufragis :

Nobis, qui vehimur cæca
per æquora,

Lucent perpetuæ faces.

Quæ dixere tuis cónsona sên-
sibus,

Nostris illa, Deus, córdibus
ímprimas :

Quos terris colimus, quos
sequimur duces,

Fac nos móribus ádsequi.

Sit supréma tibi glória, Vé-
ritas,

Quæ per scripta Patrum,
quando foris sonas,

Mentes interior muta do-
ces, simul

Et te córdibus ínseris.

Amen.

Ant. 7. ç. Ecce dedi verba
mea in ore tuo; ecce consti-
tui te ut evellas, et déstruas,
et disperdas, et ædífices, et
plantes. *Jer. 1.*

Ant. 8. G. Ne retíneas ver-
bum in témpore salutis : in
lingua enim sapiéntia dig-
nóscitur; et sensus, et scién-
tia, et doctrína in verbo sen-
sáti. *Eccli. 4.*

Ant. 2. D. Depósitum cus-
tódi, devítans profánas vo-
cum novitátes, et oppositió-
nes falsi nóminis sciéntiæ.
I. Tim. 6.

†. Deus, docuisti me a ju-
ventúte mea : †. Pronuntiábo
mirabilia tua. *Ps. 70.*

AD LAUDES.

Ant. 2. D. Dóminus dedit
mihi linguam eruditam, ut
sciam sustentáre eum qui las-
sus est, verbo. *Is. 50.*

Ant. 6. F. Sermo meus non
in persuasíbilibus humánæ
sapiéntiæ verbis; sed in osten-
sióne Spíritus, et virtútis. *I. Cor. 2.*

Ant. 3. c. Auxílio adjútus
Dei sto, testíficans minóri
atque majóri, nihil extra di-
cens quam ea quæ Prophétæ
locúti sunt. *Act. 26.*

Canticum. Eccli. 15.

CIBABIT illum Deus pane vi-
tæ et intellectus; * et aqua
sapiéntiæ salutáris potábit il-
lum :

Et firmábitur in illo, et non
flectétur; * et continébit il-
lum, et non confundétur.

Et exaltábit illum apud
próximos suos; * et in médio
Ecclésiæ apériet os ejus.

Et adimplébit illum spíritu
sapiéntiæ et intellectus, * et
stola glóriæ véstiet illum.

Jucunditátem et exsultatió-
nem thesaurizábit super il-
lum : * et nómine æterno hæ-
reditábit illum.

Ant. 4. f. Non judicávi me
scire áliquíd inter vos, nisi
Jesum Christum, et hunc
crucifixum. *I. Cor. 2.*

Ant. 5. a. Si nóverim mys-
téria ómnia, et omnem sci-
éntiam; caritátem autem non
habúero, nihil sum. *I. Çor. 13,*

Capitulum. Sap. 7.

MISI dedit Deus dicere ex
sententia, et præsumere dig-
na horum quæ mihi dantur;
quoniam ipse sapientiæ dux
est, et sapientium emendator:
in manu enim illius et nos,
et sermones nostri, et omnis
sapientia, et operum scientia,
et disciplina.

Hymnus. S. V.

Vos succensa Deo splendida
lúmina :

Vos sal, nos homines quo
sapimus Deum;

Ævum, puri animo, móri-
bus íntegri,

Quo condímur in álterum.

Per vos Relligio, tútaque Vé-
ritas;

Per vos virgineis fulget ho-
nóribus :

Per vos Christus amat pán-
dere dívites

Thesaurus sapientiæ.

Vestris unda fluit pura caná-
libus;

Christi floret ager; munda
nitet seges :

Lac aptum pueris, et soli-
dum viris

Cauti sufficitis cibum.

Hi sunt, summe Deus, qui
tibi militant;

Hi sunt, qui stabiles ædifi-
cant domos :

Una docta cohors arma te-
net manu,

Muros cónstruit áltera.

Vicistis stygias vos quibus
hæreses,

Hæc nos accipimus tela su-
pérstites :

His pugnámus adhuc, nec
dubio éxitu

His armis quoque víncimus.
Sit supréma tibi glória, Vé-
ritas,

Quæ per scripta Patrum
quando foris sonas,
Mentes interius muta doces,
simul

Et te córdibus ínseris.
Amen.

✠. Annuntiávi justítiam
tuam in ecclésia magna; *rl.*
Ecce lábia mea non prohi-
bébo : Dómine, tu scisti. *Ps.*
39.

Ad Benedictus. Ant. 1. J.
Sapiéntia et fortitúdo Dómini
sunt : tibi, Deus, confíteor,
teque laudo ; quia sapiéntiam
et fortitúdinem dedisti mihi.
Dan. 11.

AD HORAS et ad Complet.
in Duplicibus et supra Doxol.

¶ Qui vera lux es méntium,
Jesu, tibi sit glória
Cum Patre, cumque Spíritu,
In sempiterna sécula. Amen.

AD PRIMAM.

Ant. 2. D. Dóminus.

AD TERTIAM.

Ant. 6. F. Sermo meus.

Capitulum. I. Cor. 12.

UNICUIQUE datur manifes-
tatio Spíritus ad utilitátem :
álii quidem per Spíritum da-
tur sermo sapientiæ : álii au-
tem sermo sciéntiæ secundum
eumdem Spíritum.

rl. br. Da mihi intellectum,
* Et scrutabor legem tuam.
Da. ✠. Státue servo tuo * eló-

quium tuum, Dómine, * Et. Glória. Da. *Ps.* 118.

✠. Os meum loquétur sapiéntiam, R. Et meditatio cordis mei prudéntiam. *Ps.* 48.

AD SEXTAM.

Ant. 3. c. Auxílio.

Capitulum. II. Joan. 9.

OMNIS qui recédit, et non pérmanet in doctrína Christi, Deum non habet: qui pérmanet in doctrína, hic et Patrem et Fílium habet.

R. *br.* Viam veritátis elégi, * Judícia tua non sum oblítus. Viam. ✠. Adhæsi * testimoniis tuis, Dómine; * Judícia. Glória. Viam.

✠. A judiciis tuis non declinavi; R. Quia tu legem posuisti mihi. *Ps.* 118.

AD NONAM.

Ant. 5. a. Si nóverim.

Capitulum. I. Tim. 1.

FINIS præcepti est caritas de corde puro, et consciéntia bona, et fide non ficta: a quibus quidam aberrantes, conversi sunt in vanilóquium, volentes esse legis doctóres, non intelligentes neque quæ loquuntur, neque de quibus affirmant.

R. *br.* Veritátem tuam * Et salutáre tuum dixi. Veritátem. ✠. Non abscondi misericórdiam tuam, * et veritátem tuam; * Et. Glória. Veritátem. *Ps.* 39.

✠. Pronuntiavi ómnia ju-

dícia oris tui: R. In via testimoniórum tuórum delectátus sum. *Ps.* 118.

AD II VESPERAS.

Ant. 1. f. Fuit gratus Deo, eruditus omni sapiéntia; et erat potens in verbis et in opéribus suis. *Act.* 7.

Ant. 5. C. Juxta manum Dei sui bonam super se, parávit cor suum, ut investigáret legem Dómini, et fáceret, et docéret. *I. Esdr.* 7.

Ant. 8. c. Postquam se ámplius dedit ad diligéntiam lectionis Legis et Prophetárum, voluit et ipse scribere quæ ad doctrínam et sapiéntiam périnent. *Prolog.* *Eccli.*

Ant. 3. a. Cum esset sapientíssimus, dócuit pópulum: quæslvit verba utilia, et conscripsit sermónes rectíssimos ac veritáte plenos. *Eccle.* 12.

Ant. 4. E. Sapiéntiam ejus enarrábunt gentes; et laudem ejus enuntiábit Ecclesiá. *Eccli.* 39.

Capitulum. Prov. 3.

BEATUS homo qui invénit sapiéntiam, et qui áffluit prudéntia: mélior est acquisitio ejus negotiatióne argenti et auri primi; et puríssimi fructus ejus: pretiósior est cunctis ópibus; et ómnia quæ desiderantur, huic non valent comparári.

Hymnus, O qui perpetuus, *ut in I Vesperis,* XIX.

✠. Beátus vir qui dispónet sermónes suos in judicio:

8). In æternum non commovébitur. *Ps.* 111.

Ad Magnificat. Ant. 6. F. Qui docti fuerint, fulgébunt

quasi splendor firmamenti ;
et qui ad justítiam erúdiunt
multos, quasi stellæ in per-
pétuas æternitátes. *Dan.* 12.

COMMUNE UNIUS S. PRESBYTERI, NON MARTYRIS, DOCTORIS, AUT ABBATIS.

IN I VESPERIS.

Ant. 7. a. Locútus est Dóminus : Sanctificábor in iis qui appropinquant mihi : et in conspectu omnis pópuli glorificábor. *Levit.* 10.

Ant. 3. a. Ingredientur tabernáculum fœderis, ut sérvant mihi pro Israel, et orent pro eis, ne sit in pópulo plaga. *Num.* 18.

Ant. 4. D. Holocausta eórum, et víctimæ eórum placébunt mihi super altári meo. *Is.* 56.

Ant. 5. C. Invocabunt nomen meum super filios Israel, et ego benedicam eis. *Num.* 6.

Ant. 1. g. Inebriábo ánimam Sacerdótum pinguédine, et pópulus meus bonis adimplébitur. *Jer.* 31.

Capitulum. *Num.* 16.

NOTUM fáciat Dóminus qui ad se pertineant, et sanctos applicábit sibi ; et quos elégerit, appropinquábunt ei.

Hymnus. Rob.

TARTARI diræ paveant cohortes,

Bella divínium meditátur agmen :

In suis unctis Deus ipse miles

Prælia tentat.

Pródeunt tecti galea salútis,
Cum crucis signo gladió-
que verbi,

Intonant Christum, ruit
ecce præceps

Hostis in umbras.

Sústinent curas gregis, et
quiescit ;

Léniunt flendo lacrymas
gementum :

Quas sibi duri rapiunt,
egénus

Páscitur escis.

Cœlitum cantus imitando,
Numen

Laude ter sanctum cele-
brant perenni :

Mente jam cœlo, sua mem-
bra casti

Vix sua credunt.

Si reo vindex minitátur ira,
Inferunt blanda prece vim
Tonanti ;

Vincitur votis Deus, et vi-
bráta

Tela coerces.

Quæ tuis formas populis mi-
nistros,

Laus tibi jugis, Deitas su-
préma :

Fac ut in Clero sua prima
virtus,
Christe, resurgat. Amen.

Ÿ. Stabit in loco sancto
Dómini, R. Innocens máni-
bus et mundo corde. *Ps.* 23.

Ad Magnificat. Ant. 8. G.
Quasi thus ardens in igne, in
ascensu altáris sancti, gló-
riam dedit sanctitátis amicitum. *Eccli.* 50.

AD NOCTURNUM.

Invit. Sacerdótem in æter-
num Jesum Christum, * Vení-
te, adoremus. *Hebr.* 6.

Hymnus. Rob.

O Sacerdótum veneranda
jura!

Cum reum solvunt, Deus
ipse solvit;

Cum ligant sontem, Deus
ipse sontis

Víncula nectit.

Verba dum promunt, popu-
lus fidéls

Excipit vocem, cupidus
docéri,

Atque divínæ sacra verba
legis

Mente recondit.

Dum Sacerdótes tua sacra
tractant,

Christe, fac sacris quibus
applicasti

Cónsonent mores, populi-
que fiat

Forma Sacerdos.

Lúminis splendor, Patris una
Proles,

Christe, te pronus veneré-
tur orbis,

Quí Sacerdótes per Amóris
almi

Flamen inungis. Amen.

Ant. 4. A. Zelo zelátus sum
pro Dómino Deo exercítuum,
quia dereliquerunt pactum
tuum filii Israel. *III. Reg.* 19.

Ant. 7. c. Quis infirmátur,
et ego non infirmor? quis
scandalizátur, et ego non
uror? *II. Cor.* 11.

Ant. 1. f. Annuntiábam ut
pœniténtiam ágerent, et con-
verterentur ad Deum, digna
pœniténtiæ ópera facientes.
Act. 25.

Ÿ. Vidi prævaricantes, et
tabescébam; R. Quia elóquia
tua non custodiérunt. *Ps.* 118.

AD LAUDES.

Ant. 7. a. Vir Dei es tu,
et verbum Dómini in ore tuo
verum est. *III. Reg.* 17.

Ant. 2. D. Ecce docuisti
multos : et manus lassas ro-
borasti : vacillantes confir-
mavérunt sermónes tui. *Job.* 4.

Ant. 6. F. Scriptus es in ju-
diciis téporum lenire ira-
cúndiam Dómini. *Eccli.* 48.

Canticum. Malach. 2.

PACTUM meum fuit cum eo,
vitæ et pacis; * et dedi ei tí-
mórem, et tímuit me, et a
fácie nóminis mei pavébat.

Lex veritátis fuit in ore
ejus; * et iniquitas non est
inventá in lábiis ejus.

In pace et in æquitáte am-
bulávit mecum, * et multos
avertit ab iniquitáte.

Lábia enim Sacerdótis cus-

tódiēnt sciēntiam ; et legem
requirēnt ex ore ejus ; * quia
Angelus Dómini exercítuum
est.

Ant. 7. d. Tu adsecútus es
doctrínam, fidem, longanimi-
tátem, dilectiónem, patien-
tiam. *II. Tim. 3.*

Ant. 8. G. Beátus ille ser-
vus, quem, cum vénerit Dó-
minus ejus, invénit sic fa-
cientem : super ómnia bona
sua constituet eum. *Matth. 24.*

Capitulum. I. Tim. 5.

QUI bene præsunt Presbye-
ri, dúplici honóre digni ha-
beantur ; máxime qui labó-
rant in verbo et doctrína.

Hymnus. Rob.

QUOS sibi, nostram medi-
tans salútem,
Néxibus sanctis Deus adli-
gávit,
Audiant Christum docili
monentem
Aure Ministri.

Vos gregi Pastor voluit præ-
ire :

Inter et servos numeráre
cessans

Intimos vobis animi reces-
sus

Pandit amícus.

Vos decet pacem populis præ-
cári,

Móribus sanctis decet hanc
meréri.

Sancta, dum legem popu-
lus requíret,

Vita loquátur.

Víctimam sese dedit ipse
Christus,

Autumnalis.

Víctimam rursum litat hic
Parenti,

Et manu vestra cadit im-
molátus

Ipse Sacerdos.

Sacra divínus cruor ora tin-
git,

Totus et vestro sedet ore
Christus :

Totus ah ! vestro sedeat re-
fúsus

Péctore Christus.

Laus tibi detur, Genitor, pe-
rennis ;

Juge sit Nato decus, et pe-
rennem

Múneris laudem referat su-
perni

Spiritus auctor. Amen.

Y. Sacerdótes ejus induam
salutári ; R. Et sancti ejus ex-
sultatiónē exsultábunt. *Ps.*

131.

Ad Benedictus. Ant. 1. D.
Euge, serve bone et fidélis ;
quia super pauca fuisti fidé-
lis, super multa te constitú-
am ; intra in gáudium dómini
tui. *Matth. 25.*

AD HORAS et ad Complet.
in Duplicibus et supra, Doxol.

¶ Jesu, Sacerdótum decus,
Jugis tibi sit glória
Cum Patre, cumque Spíritu,
In sempiterna sécula. Amen.

AD PRIMAM.

Ant. 7. a. Vir Dei.

AD TERTIAM.

Ant. 2. D. Ecce.

Capitulum. I. Tim. 4.

AD TENDE tibi, et doctrínæ :

b

insta in illis; hoc enim faciens, et teipsum salvum facies, et eos qui te audiunt.

R. br. Os meum annuntiabit * Justitiam tuam, Domine. Os. V. Pronuntiabo * mirabilia tua, * Justitiam. Glória. Os. Ps. 70.

V. Ecce labia mea non prohibebo, R. Domine, tu scisti. Ps. 39.

AD SEXTAM.

Ant. 6. F. Scriptus es.

Capitulum. I. Tim. 1.

GRATIAS ago ei, qui me confortavit, Christo Jesu Domino nostro, quia fidélem me existimavit, ponens in ministerio.

R. br. Tribuat tibi * Secundum cor tuum. Tribuat. V. Impleat Dominus * omnes petitiones tuas, * Secundum. Glória. Tribuat.

V. Memor sit omnis sacrificii tui; R. Et holocaustum tuum pingue fiat. Ps. 19.

AD NONAM.

Ant. 8. G. Beátus.

Capitulum. I. Tim. 3.

QUI bene ministráverint, gradum bonum sibi acquirant, et multam fidúciam in fide, quæ est in Christo Jesu.

R. br. Hic accipiet * Benedictionem a Domino. Hic. V. Et misericórdiam a Deo salutári suo; * Benedictionem. Glória. Hic. Ps. 13.

V. Beátus quem elegisti, et adsumpsisti; R. Inhabi-

tábit in atriis tuis. Ps. 64.

AD II VESPERAS.

Ant. 3. a. Fidélis servus et prudens, quem constituit Dominus super familiam suam. Matth. 24.

Ant. 4. E. De omni corde suo laudavit Dominum: et dedit in celebrationibus decus. Eccli. 47.

Ant. 1. D. Obtulit holocausta super altáre; odoratusque est Dominus odórem suavitátis. Gen. 8.

Ant. 6. F. Confirmavit omnes húmiles pópuli sui, et legem exquisivit, et abstulit omnem iníquum et malum: sancta glorificavit. I. Mach. 14.

Ant. 7. d. Cógnotus est in verbis suis fidélis: et invocavit Dominum omnipotentem, in oppugnando hostes circumstantes úndique, in oblatione Agni inviolati. Eccli. 46.

Capitulum. Eccli. 44.

BEATIFICAVIT illum Deus in glória, et circumcinxit eum zona glóriæ, et induit eum stolam glóriæ, et coronavit eum in vasis virtútis.

Hymnus. Brev. Cadurc.

QUANTIS micis honoribus, Cælo Sacerdos áddite; Cum, præmiórum pródigus, Totum tibi dat se Deus!

Partis labóre plurimo Quot clarus es virtútibus; Tot fulgurantem glória Ornant coronæ vérticem.

Quos parturisti Númini,

Te filii nunc ambiunt :
Tuóque lætis cántibus
Certant triumpho pláudere.

Christus tuum fit præ-
mium,

Quem consecrasti víctimam;
Dehinc, aperto Númine,
Te pascet esca Cœlitum.

Adhuc Sacerdos, hóstiam
Gratam Deo, nos dévole;
Undisque mersos náufragis,
Duc ad salútis líttora.

¶ Jesu, Sacerdótum decus,
Jugis tibi sit glória
Cum Patre, cumque Spíritu
In sempiterna sécula. Amen.

✠. Dómine, dilexi decórem
domus tuæ: R. Et locum ha-
bitatiónis glóriæ tuæ. Ps. 25.

Ad Magnificat. Ant. 5. C.
Ubi sum ego, illic et mini-
ster meus erit. Si quis mihi
ministráverit, honorificábit
eum Pater meus. Joan. 12.

COMMUNE

SS. ABBATUM, MONACHORUM, COENOBITARUM
ET ANACHORETARUM.

IN I VESPERIS.

Ant. 2. D. Quid prodest hó-
mini, si ~~mundum~~ universum
lucrétur, ánimæ vero suæ de-
trimentum patiátur? Matth. 16.

Ant. 8. c. Si vis perfectus
esse, vade, vende quæ habes,
et da paupéribus; et habébis
thesaurum in cœlo. Matth. 19.

Ant. 6. F. Nemo est qui re-
liquerit domum, aut agros
propter me, qui non accipiat
cénties tantum in témpore
hoc, et in século futúro vi-
tam æternam. Marc. 10.

Ant. 3. b. Salva ánimam
tuam: noli respícere post
tergum; salvum te fac, ne pér-
eas. Gen. 19.

Ant. 7. c. Séquere me, et
dimitte mórtuos sepelíre mór-
tuos suos. Matth. 8.

Capitulum. II. Cor. 6.

EXITE de médio eórum, et

separámini, dicit Dóminus,
et immundum ne tetigéritis:
et ego recípiam vos; et ero
vobis in patrem, et vos éritis
mihi in filios.

Hymnus. S. V.

FELICES nemorum pángimus
íncolas,
Certo consilio quos Deus
ábdidit,
Ne contágio secli
Mores læderet íntegros.
Ut te possideant, quem si-
tiunt Deum,
Urbes, regna, suos, se quo-
que désérunt:
Totus víluit orbis,
Dum cœléstia cógitant.
Nudi, prompti, alacres, líberi
ab ómnibus,
Ad luctam pugiles ócius
ádvolant;
Ut vastum mare tranent,
Prudentes onus éxuunt.

Æternas ut opes, cætaque
 gaudia
 Securi rapiant, omnia lú-
 dicra
 Sano pectore temnunt,
 Confisi meliõribus.
 Illis summa fuit glória, dé-
 spici;
 Illis divitiæ, pauperiem
 pati;
 Illis summa voluptas,
 Longo supplicio mori.
 Fac nos, summe Deus, quæ
 patimur mala,
 In pœnam scelerum ferre
 libentius;
 Et, tellure relicta,
 Immortalia quærere.
 Æternus sit honos ingenuito
 Patri;
 Sit par unigenæ glória Fí-
 lio:
 Sacri nexus amoris,
 Laus compar tibi, Spíritus.
 Amen.
 ✠. In umbra alarum tuarum
 sperábo, R. Donec transeat
 iniquitas. *Ps. 56.*
Ad Magnificat. Ant. 4. D.
 Reliquisti parentes tuos: ple-
 nam mercédem recípias a Dó-
 mino Deo, ad quem venisti,
 et sub cujus confugisti alas.
Ruth, 2.

AD NOCTURNUM.

Invit. Remuneratórem in-
 quiréntibus se, Deum, * Ve-
 nite, adorémus. *Hebr. 11.*

Hymnus, Felices, ut supra.

Ant. 3. c. Ecce nos relíqui-
 mus omnia, et secúti sumus
 te. *Matth. 19.*

Ant. 7. c. Esurimus, et sití-
 mus, et nudi sumus, et labo-

ramus operantes má nibus
 nostris. *I. Cor. 4.*

Ant. 2. D. Non defícimus:
 sed licet is qui foris est, nos-
 ter homo corrumpátur; ta-
 men is qui intus est, renová-
 tur de die in diem. *II. Cor. 4.*

✠. Rédimit Dóminus in in-
 térítu vitam tuam: R. Reno-
 vábitur ut áquilæ juvenus
 tua. *Ps. 102.*

AD LAUDES.

Ant. 7. d. Perféctio tua,
 Dómine, et doctrína tua viro
 sancto tuo, qui dixit patri
 suo et matri suæ, Nescio vos;
 et fratribus suis, Ignóro vos.
Deut. 33.

Ant. 1. g. Non sedí in con-
 cílio ludéntium; solus sedé-
 bam, quóniam comminatiõe
 replesti me. *Jer. 15.*

Ant. 3. b. Exui me stola
 pacis, indui autem me sacco
 obsecratiõis; et venit mihi
 gaudium a Sancto. *Baruch, 4.*

Canticum. Thren. 3.

PARS mea Dóminus, dixit
 ánima mea; * propterea ex-
 spectábo eum.

Bonus est Dóminus sperán-
 tibus in eum, * ánima quæ-
 renti illum.

Bonum est præstolari cum
 siléntio * salutáre Dei.

Bonum est viro * cum por-
 táverit jugum ab adolescéntia
 sua.

Sedébit solitárius, et tacé-
 bit; * quia levávit super se.

Ponet in púlvere os suum,
 * si forte sit spes.

Ant. 4. a. Mihi mundus crucifixus est, et ego mundo!
Gal. 6.

Ant. 8. G. In voce laudis immolábo tibi: quæcumque vovi, reddam pro salute Dómino. *Jonæ, 2.*

Capitulum. Is. 51.

CONSOLABITUR Dóminus Sion, et consolábitur omnes ruínas ejus: et ponet desertum ejus quasi delicias, et solitúdinem ejus quasi hortum Dómini. Gáudium et lætítia inveniétur in ea, gratiarum áctio, et vox laudis.

Pro S. Abbate, Monacho et Cænobita,

Hymnus. S. V.

Opulchras acies, cástraque fórtia,

Quæ spes, una fides, unus amor regit!

Omnes lege sub una,
Uno sub duce militant.

Heu! quantis rapiunt astra labóribus!

Pulsant perpetuis quéstibus æthera;

Per jejúnia longa
Vires córporis ádterunt.

Votis unanimes, vi quoque flétuum

Instant, et socias ingeminant preces;

Et concórdibus armis
Vim cælo simul íferunt.

Hæc vis grata Deo; sic amat óptimus

Vinci per lacrymas, per gemitus, Pater:

Sic duris reserátur

Cœlum conditiónibus.

Fervent quando die cuncta tumúltibus,

Altum turba silet; cétera dum tacent,

Hi per cántica rumpunt
Noctis longa siléntia.

Exercet vigiles continuus labor;

Incumbunt operi non resides manus;

Tellus culta colónis
Victum suppeditat suis.

Quin regína sui mens quoque súbditur,

Rectorisque studet nútibus óbsequi;

Nil servat sibi juris,
Capto liberior jûgo.

Æternus sit honos ingenito Patri;

Sit par unigenæ glória Fílio:

Sacri nexus amoris,
Laus compar tibi, Spíritus.
Amen.

Pro sancto Anachoreta et Solitario,

Hymnus. S. V.

QUID tu, relictis úrbibus,
Mortálium consórtia

Timens fugis? quid tu vides,
Solusque tecum cógitas?

Mentis volátu libero,
Percurris æternas domos;

Et quæ negas mortálibus,
Transfers Deo commércia.

Præsens choris cœléstibus,
Sacro quiétus ótio,

Totus tuendo Númini,
Totus colendo tu vacas.

Quam pura, qui te díligunt,
O Christe, libant gáudia!

Te propter antris ábditos

Sinu recondis in tuo.

Qui sponte desertum petis,
Jesu, tibi sit glória
Cum Patre et almo Spíritu,
In sempiterna sécula.

Amen.

✠. Clamávi ad te, Dómine,
dixi: Tu es spes mea, R. Pór-
tio mea in terra vivéntium.
Ps. 141.

Ad Benedictus. Ant. 5. C.
Bonum est præstolari cum si-
léntio salutáre Dei. *Thren. 3.*

AD HORAS, et ad Complet. in Duplicibus et supra, Doxol.

¶ Æterna laus et glória
Uni sit et trino Deo,
Terréna qui calcántibus
Se pródigus dat præmium.
Amen.

AD PRIMAM.

Ant. 7. d. Perféctio.

AD TERTIAM.

Ant. 1. g. Non sedi.

Capitulum. I. Joan. 2.

SI quis diligit mundum, non est caritas Patris in eo; quóniam omne quod est in mundo, concupiscéntia carnis est, et concupiscéntia oculórum, et supérbia vitæ, quæ non est ex Patre, sed ex mundo est. Et mundus trans- it, et concupiscéntia ejus; qui autem facit voluntatem Dei, manet in æternum.

R. br. Elongávi fúgiens: * Mansi in solitudine. Elongávi.
✠. Quóniam vidi iniquitatem
* et contradíctiõnem in civi-

tate, * Mansi. Glória. Elongá-
vi. *Ps. 54.*

✠. Confige timóre tuo car-
nes meas, R. A judíciis enim
tuis tímui. *Ps. 118.*

AD SEXTAM.

Ant. 3. b. Exui me.

Capitulum. Hebr. 12.

OMNIS disciplína in præsentí quidem vidétur non esse gáu-
dii, sed mœroris; póstea au-
tem fructum pacatíssimum
exercitátis per eam, reddet
justitiæ.

R. br. Propter verba labi-
orum tuórum * Ego custodívi
vias duras. Propter. ✠. Pér-
fice gressus meos * in sémitis
tuis: * Ego. Glória. Propter.
Ps. 16.

✠. Induébar cilício: R. Hu-
miliábam in jejúnio ánimam
meam. *Ps. 34.*

AD NONAM.

Ant. 8. G. In voce laudis.

Capitulum. Eccli. 51.

VIDETE óculis vestris quia
módicum laborávi, et invéni
míhi multam réquiem. Adsú-
mite disciplínam in multo
número argenti, et copiósum
aurum possidéte in ea. Læté-
tur ánima vestra in miseri-
córdia ejus; et non confun-
démini in laude ipsíus.

R. br. Sépties in die * Lau-
dem dixi tibi. Sépties. ✠. Su-
per judícia * justitiæ tuæ,
Laudem. Glória. Sépties.

Ÿ. Cantabiles mihi erant
justificatiões tuæ, R. In loco
peregrinatiõnis meæ. *Ps. 118.*

AD II VESPERAS.

Ant. 2. D. Sumus hũmiles
in universa terra, Dómine :
sed in ánimo contrito et spí-
ritu humilitátis suscipiámur;
quóniam non est confusio
confidentibus in te. *Dan. 3.*

Ant. 8. G. Non derelinqui-
mur, semper mortificatiõnem
Jesu in córpore nostro cir-
cumferentes; ut et vita Jesu
manifestétur in carne nostra
mortáli. *II. Cor. 4.*

Ant. 6. F. Quasi morientes,
et ecce vívimus; quasi tris-
tes, semper autem gaudentes;
tanquam nihil habentes, et
ómnia possidentes. *II. Cor. 6.*

Ant. 7. d. Omnes unánimes,
compatientes, fraternitátis
amatóres, misericordes, mo-
desti, hũmiles. *I. Petr. 3.*

Ant. 4. D. Teneámus spei
nostræ confessiõnem indecli-

nábilem, (fidélis enim est qui
repromísit,) et considerémus
ínvicem in provocationem
caritátis et bonórum óperum.
Hebr. 10.

Capitulum. Deut. 7.

DOMINUS Deus ipse est for-
tis et fidélis, custódiens pac-
tum et misericórdiam diligen-
tibus se, et his qui custódiunt
præcepta ejus in mille gene-
ratiões.

Hymnus, Felices, xxvii.

Ÿ. Plantáti in domo Dómi-
ni, florébunt; R. Ut annún-
tiant quóniam rectus Dómi-
nus. *Ps. 91.*

Ad Magnificat. Ant. 3. E.
Scimus quóniam si terrestris
domus nostra dissolvátur,
ædificatiõnem ex Deo habé-
mus æternam in cœlis: nam
et in hoc ingemíscimus, habi-
tatiõnem nostram quæ de cœ-
lo est, superíndui cupientes.
II. Cor. 5.

COMMUNE JUSTORUM,

CLERICORUM AUT LAICORUM.

IN I VESPERIS.

Ant. 7. a. Dicébat Jesus ad
omnes: Si quis vult post me
veníre, ábneget semetipsum,
et tollat crucem suam quotí-
die, et sequátur me. *Luc. 9.*

Ant. 2. D. Dico vobis: Nisi
abundáverit justítia vestra
plusquam Scribárum et Pha-
risæórum, non intrábitis in
regnum cœlórum. *Matth. 5.*

Ant. 6. C. Nisi conversi fué-
ritis, et efficiámini sicut pár-
vuli, non intrábitis in reg-
num cœlórum. *Matth. 18.*

Ant. 8. G. Non omnis qui
dicit mihi, Dómine, Dómine,
intrábit in regnum cœlórum;
sed qui facit voluntátem Pa-
tris mei qui in cœlis est, ipse
intrábit in regnum cœlórum.
Matth. 7.

Ant. 4. D. Conténdite intráre per angustam portam ; quia multi , dico vobis , quærent intráre , et non póterunt.
Luc. 13.

Capitulum. Eccli. 2.

QUI timétis Dóminum , créдите illi ; et non evacuábitur merces vestra. Qui timétis Dóminum , speráte in illum ; et in oblectatióem véniet vobis misericórdia. Qui timétis Dóminum , dilígite illum ; et illuminabuntur corda vestra.

Hymnus. G. Ep. S.

SUMMI pusillus grex Patris ,
Timóre mentem sólvite ;
Sui paternus vos amor
Vult esse regni cómpotes.

En regnat inter Cœlites ,
Qui vixit olim século
Ignótus , exósus sibi ,
Qui pauper , et sciens pati.

Angusta pœniténtiæ
Ingressus , et viam crucis ,
Per dura Christum prælia ,
Per damna non timet sequi.

Carnem terit jejúniis ;
Linguam domat siléntio ;
In páuperum , parcus sibi ,
Abscondit et spargit sinu.

Sapóre verbi páscitur ;
Totóque legem pectore
Scrutátus , orat pèrvigil ;
Mens celsa versátur polo.

Hac surgit ad cœlum via :
Et nos eádem da , Pater ,
Da , Nate , da cum Spíritu ,
Ad te veníre sémita. Amen.

✠. Sperent in te qui novérunt nomen tuum ; R̃. Quó-

niam non dereliquisti quærentes te , Dómine. *Ps. 9.*

Ad Magnificat. Ant. 1. J.
Qui confidunt in Dómino ,
intélligent veritátem : et fidéles in dilectiône acquiescent illi ; quóniam donum et pax est electis ejus. *Sap. 3.*

AD NOCTURNUM.

*Invit. Diligentem justos Dóminum ,** Veníte , adorémus.
Ps. 145.

Hymnus. S. V.

NON parta solo ságuine
Ornat Beátos púrpura :
Sunt incruenta , quæ suos
Habent triumphos , prælia.

Non iste flammas , non
cruces ,

Non sensit uncós pectines :
Crudélis et durus sibi
Se morte lenta cóncifit.

Si lictor illi défuit ,
Si vincla , fustes , úngulæ ;
Paráta pro Christo mori ,
Hoc supplet omne caritas.

Corpus subégit cástitas ,
Et líberam mentem fides ;
Amor supernis ígnibus
Totam litávit hostiam.

Venis apertis ómnibus ,
Qui vellet ultro erúmpere ,
Fraudátus optáta via ,
It fusus in fletum cruor.

Da , Christe , sic nos vívere ,
Discámus ut semper mori :
Da , post brevis vitæ dies ,
Vitæ perennis gáudia.

Fons sanctitátis , o Deus ,
Æterna Justórum quies ,
Honor tibi , laus , glória ,
Nunc et per omne séculum.
Amen.

Ant. 1. a. Qui vult vitam diligere, et dies vidēre bonos, declinet a malo, et faciat bonum. *I. Petr. 3.*

Ant. 4. D. Cum ingressus fueris semitas æquitatis, non arctabuntur gressus tui; et currens, non habebis offendiculum. *Prov. 4.*

Ant. 7. d. Inhabitabis cum iustitia et proteget te in sempiternum; et in die agnitionis invenies firmamentum. *Eccli. 27.*

✠. In nomine tuo exsultabunt iusti, Domine, R. Et in iustitia tua exaltabuntur. *Ps. 88.*

AD LAUDES.

Ant. 1. f. Ante Dominum qui elegit me, vilior fiam plusquam factus sum; et ero humilis in oculis meis. *II. Reg. 6.*

Ant. 8. c. Semper quasi tumentes super me fluctus timui Deum, et pondus ejus ferre non potui. *Job, 31.*

Ant. 4. d. A mandatis labiorum ejus non recessi, et in sinu meo abscondi verba oris ejus. *Job, 23.*

Canticum. Prov. 10 et 11.

BENEDICTIO Domini super caput iusti: * os autem impiorum operit iniquitas.

Memoria iusti cum laudibus: * et nomen impiorum putrescet.

Opus iusti ad vitam; * fructus autem impii ad peccatum.

Argentum electum, lingua

iusti: * cor autem impiorum pro nihilo.

Quasi tempestas transiens non erit impius: * iustus autem quasi fundamentum sempiternum.

Timor Domini apponet dies: * et anni impiorum breviabuntur.

Expectatio iustorum lætitia: * spes autem impiorum peribit.

Non proderunt divitiæ in die ultionis: * iustitia autem liberabit a morte.

Iustitia simplicis dirigit viam ejus: * et in impietate sua corruet impius.

Iustitia rectorum liberabit eos: * et in insidiis suis capiuntur iniqui.

Ant. 5. a. Ambulavit pes meus iter rectum: zelatus sum bonum, et non confundar. *Eccli. 51.*

Ant. 3. à. Donec superest hálitus in me, non loquentur lábia mea iniquitatem, nec lingua mea meditabitur mendacium. *Job, 27.*

Capitulum. II. Cor. 1.

GLORIA nostra hæc est, testimonium conscientiae nostræ, quod in simplicitate cordis et sinceritate Dei, et non in sapientia carnali, sed in gratia Dei conversati sumus in hoc mundo.

Hymnus. S. V.

QUI te, Deus, sub íntimo Amans recepit pectore,
Non ille terras amplius

b.

Suspírat, oblítus sui.

Quid ergo gaudes néctere
Tristes moras amántibus?
Terris retárdas éxsules,
Cives polo quos déstinas.

Hinc fervet in dies amor;
In vota toti diffluunt:
Ad astra festinántibus
Fit pœna vita lóngior.

Vix iste tardi córporis
Pondus molestum sústinet;
Præ mortis óccupat diem,
Ardens Deo se júngere.

¶ Fons sanctitátis, o Deus,
Æterna Justórum quies,
Honor tibi, laus, glória,
Nunc et per omne séculum.
Amen.

✠. Proba me, Deus, et vide
si via iniquitátis in me est;
R. Et deduc me in via æterna.
Ps. 138.

Ad Benedictus. *Ant. 1. D.*
Qui facit veritátem venit ad
lucem, ut manifestentur ópe-
ra ejus; quia in Deo sunt fac-
ta. *Joan. 3.*

AD HORAS et ad Complet.
in Duplicibus et supra, Doxolo-
gia: ¶ Fons sanctitátis, ut ad
Laudes.

AD PRIMAM.

Ant. 1. f. Ante Dóminum.

AD TERTIAM.

Ant. 8. c. Semper.

Capitulum. Philip. 2.

CUM metu et tremóre ves-
tram salútem operámini; De-
us est enim qui operátur in
vobis et velle et perfícere, pro
bona voluntáte.

R. br. Convertantur mihi*
Timentes te, Dómpine. Con-
vertantur. ✠. Et qui nové-
runt * testimónia tua, * Ti-
mentes. Glória. Convertantur.

✠. Particeps ego sum óm-
nium tíméntium te, R. Et
custodiéntium mandáta tua.
Ps. 118.

AD SEXTAM.

Ant. 4. d. A mandátis.

Capitulum. Jac. 1.

QUI perspéxerit in legem
perfectam libertátis, et per-
mánserit in ea, non audítor
oblivíus factus, sed factor
óperis; hic beátus in facto
suo erit.

R. br. Lucerna pédibus me-
is * Verbum tuum, Dómpine.
Lucerna. ✠. Et lumen * sémi-
tis meis, * Verbum. Glória.
Lucerna.

✠. Servávi mandáta tua
et testimónia tua; R. Quia
omnes viæ meæ in conspectu
tuo. Ps. 118.

AD NONAM.

Ant. 3. à. Donec súperest.

Capitulum. Eccli. 15.

JUSTITIA longe abest a supér-
bia et dolo: viri mendáces
non erunt illíus mémores; et
viri veráces invenientur in il-
la, et successum habébunt
usque ad inspectiónem Dei.

R. br. Justítia tua, Dómpine,
* Justítia in æternum. Justi-
tia. ✠. Et lex tua, * véritas;
Justítia. Glória. Justítia.

✠. Ne áuferas de ore meo

verbum veritatis usquequaque; *R.* Quia in iudiciis tuis supersperavi. *Ps.* 118.

AD II VESPERAS.

Ant. 6. F. Ecce vere Israelita, in quo dolus non est. *Joan.* 1.

Ant. 4. f. Erat vir simplex, et rectus, ac timens Deum, et recedens a malo. *Job.* 1.

Ant. 1. D. Custodivit animam suam, et memor fuit Domini in toto corde suo. *Tob.* 1.

Ant. 3. a. Non prateriit de universis mandatis, nec unum quidem verbum quod jusserrat Dominus. *Josue.* 11.

Ant. 5. C. Immobiles in Dei timore permansit, agens gratias Deo omnibus diebus vite suae. *Tob.* 2.

Capitulum. Gal. 6.

FRATRES, quæ seminaverit homo, hæc et metet. Quoniam qui seminat in carne sua, de carne et metet corruptionem: qui autem seminat in spiritu, de spiritu metet vitam æternam.

Hymnus, Summi pusillus, ut in *I Vesperis*, xxxii.

✠. Innocens manibus et mundo corde, *R.* Hic accipiet benedictionem a Domino. *Ps.* 23.

Ad Magnificat. *Ant.* 7. G. Tu fecisti, Domine, cum servo tuo misericordiam magnam, sicut ambulavit in conspectu tuo in veritate, et iustitia, et recto corde tecum. *III. Reg.* 3.

COMMUNE SS. VIRGINUM,

MARTYRUM VEL NON MARTYRUM.

IN I VESPERIS.

Ant. 3. a. Quid Domini bonum est, et quid pulchrum ejus, nisi frumentum electorum, et vinum germinans Virgines? *Zach.* 9.

Ant. 6. F. Laudabunt, et confluent ad bona Domini; et ultra non esurient: tunc lætabitur Virgo in choro. *Jer.* 31.

Ant. 5. a. Non dicat, Ecce ego lignum aridum; quia hæc dicit Dominus: Qui tenuerint fœdus meum, dabo eis in domo mea locum. *Is.* 56.

Ant. 1. D. Dabo eis nomen melius a filiis et filiabus: nomen sempiternum dabo eis, quod non peribit. *Is.* 56.

Ant. 7. a. Non omnes capiunt verbum istud, sed quibus datum est. *Matth.* 19.

Capitulum. I. Cor. 7.

UNUSQUISQUE proprium donum habet ex Deo: alius quidem sic, alius vero sic. Dico autem non nuptis, et viduis: Bonum est illis, si sic permaneant.

Si sit Martyr,

*Hymnus. S. V.**

O vos, cum citharis dulce sonantibus,
 Coetus Angelici, dicite Virginem,
 Nunc aptate tubas, sumite tympana,
 Christi dicite Martyrem.
 Vestris illa fuit debita cœtibus,
 Quæ mortalis adhuc, nobilis æmula,
 Ut vos exprimeret, dedidit genus,
 Virgo corporis immemor.
 Quid non cogis, amor? fortiter ambiit
 Sponso virgineum fundere sanguinem:
 Obliti meminit tunc bene corporis,
 Præclaræ sitiens necis.
 Sic qua parte minor, vos supereminet,
 Immortale genus, quæ potuit mori,
 Et per damna sui corporis, integram
 Testari Domino fidem.
 Patri maxima laus, maxima Filio,
 Amborumque sacro maxima Flâmini:
 Cujus præsidio prælia sustinent,
 Spreto funere, Virgines.
 Amen.

Si non sit Martyr,

Hymnus. Brev. Senon.

Vos, o Virginei, cum citharis chori,

Agni deliciæ, pars gregis optima,
 Sponsum Virgineo progenitum sinu
 Puris tollite laudibus.
 Hæc est sacra dies, obvia qua suo
 Cum plena rutilans lâmpade jungitur
 Sponso, stansque throno proxima concinit
 Virgo cantica Virgini.
 Solo digna Deo conjuge, respuit
 Mortales thalamos; ut semel obligat
 Sese fida suo, quem bene deperit,
 Ultro se Deus obligat.
 Purum ne maculent pectus imagines,
 In se tota sui corporis immemor
 Mens sese recipit; nil oculi vident,
 Surdis nil sonat auribus.
 Ægro vix sua sunt pabula corpori,
 Ardet mille modis ante diem mori:
 Quidquid mors rapiet, jam sibi præripit;
 Unus fit Deus omnia.
 Fac, o Christe, tuæ Virginis æmulos
 Hac nos ire tibi, qua graditur, via:
 Qui gens sancta sumus, moribus integris
 Fac soli tibi vivere.
 Da te, summe Pater, tollere laudibus:
 Da te, Christe, sequi, laurea Virginum;

Fac incensa tuis, Spíritus,
árdeant
Flammis frígida pectora.
Amen.

✠. Audi, filia, et vide, et
inclína aurem tuam : R. Obliviscere pópulum tuum, et domum patris tui. *Ps.* 44.

Ad Magnificat. Ant. 8. G.
Complácuít Dómino in te :
et gaudébit super te Deus tuus. *Is.* 62.

AD NOCTURNUM.

Invit. Agnum quem sequuntur Vírgines, * Veníte, adorémus. *Apoc.* 14.

Si sit Martyr,

Hymnus. S. V.

VIRGINUM robur, Deus, atque custos :

Sexus imbellis, medios perenses,

Dum faves, quas non superat viríli

Pectore mortes !

Pro tuis aris animósa Virgo

Molle dat pœnis laceráre corpus;

Non suos sentit, memor o ! tuórum,

Christe, dolórum.

Non graves plagæ, validi nec ictus

Integram possunt violáre mentem ;

Quin sacri crescit magis obstinátus

Ardor amoris.

Sponsa dilecto placitúra

Sponso,

Déspicit ruptum laniáta corpus :

Est suus truncis honor, et venustas

Est sua membris.

Omnis a Recto fluit ille splendor :

Christe, sic olim cruce tensus alta,

Obsequens Patri, laceros placébas

Hórridus artus.

Summa laus Patri, genitóque Verbo ;

Et tibi compar, utriusque Nexus :

Fac tibi semper placeámus uni

Móribus æquis. Amen.

Si non sit Martyr,

Hymnus. S. V.

Cœlestis aula pánditur :

En Sponsus; omnes óbviæ

Exíte Sponso Vírgini,

Exíte, sponsæ Vírgines.

Hæc nuptiális est dies,

Quæ, longa post suspíria,

Dat ómnibus, dat singulis

Jam plénius frui Deo.

Quæ casta vobis gáudia,

Quos afflet ignes, dícite,

Ab ore cujus púrior

Torrens voluptas éffluit?

Hunc propter unum viluit

Superba regum púrpura :

Dotáta quæ sponso Deo,

Quid Virgo terris ámbiat?

O virgináles nuptiæ,

Per quas caro fit spíritus!

O dulce vinclum, júngitur

Quo mens Deo, menti Deus !

Sit laus Patri, laus Filio;

Sit par tibi laus, Spíritus,

Divína qui perénnihus

Firmas sigillis fœdera. Amen.

Ant. 6. F. Grátia cum ómnibus qui diligunt Dóminum nostrum Jesum Christum in incorruptióne. *Ephes.* 6.

Ant. 3. à. Incorrúptio facit esse próximum Deo. *Sap.* 6.

Ant. 1. a. Omnis ponderatio non est digna continenti animæ. *Eccli.* 26.

✠. Beáti immaculáti in via,
R. Qui ámbulant in lege Dómini. *Ps.* 118.

AD LAUDES.

Ant. 1. g. Dilectus meus descendit in hortum suum ad aréolam arómatum, ut lília cólligat. *Cant.* 6.

Ant. 5. a. Inveni quem diligit ánima mea : ténui eum, nec dimittam. *Cant.* 3.

Ant. 2. D. Ego dilecto meo, et dilectus meus mihi, qui páscitur inter lília. *Cant.* 6.

Canticum. Is. 61.

GAUDENS gaudébo in Dómino,* et exsultábit ánima mea, in Deo meo.

Quia induit me vestimentis salutis : * et indumento justitiæ circúmdedit me,

Quasi sponsum decorátum coróna, * et quasi sponsam ornátam monilibus suis.

Sicut enim terra profert germen suum, * et sicut hortus semen suum germinat;

Sic Dóminus Deus germínabit justítiam, * et laudem coram universis géntibus.

Ant. 6. C. Dilectus meus ordinávit in me caritátem :

fulcíte me flóribus ; stipáte me malis. *Cant.* 2.

Ant. 3. a. Sub umbra illius quem desideráveram, sedi ; et fructus ejus dulcis gútturi meo. *Cant.* 2.

Capitulum. Sap. 8.

SCRVI quóniam áliter non possem esse cótinens, nisi Deus det ; et hoc ipsum erat sapiéntiæ, scire cujus esset hoc donum.

Si sit Martyr,

Hymnus. S. V.

QUID sacram, Virgo, generósa Martyr,
Ambiunt frontem duplices corónæ ?

Nempe non unum gemino reportas

Hoste triumphum.

Móllior fregit neque te voluptas,

Impotens flexit neque te tyrannus :

Tu graves pœnas, pariterque blandos

Vincis amóres.

Líliis Sponsus recubat, rosi- que ;

Tu, tuo semper bene fida Sponso,

Et rosas Martyr, simul et dedisti

Lília Virgo.

Summa laus Patri, genitóque Verbo ;

Et tibi compar, utriusque Nexus :

Fac tibi semper placeámus uni

Móribus æquis. Amen.

Si non sit Martyr,

Hymnus. G. Ep. S.

NON vana dilectum gregem
Pavere mundi gaudia,
Nec pura fallax pectora
Imago lusit seculi.

Sed hæc tuarum propria
Sunt, Christe, Sponsarum
bona,

Te semper, et tecum tuis
In te potiri gaudiis.

Castis vicissim tu tibi
In cordibus thorum struis;
Interque flammæ intimo
Amans quiescis in sinu.

Hic unus est Sponsis amor,
Unusque tecum spiritus;
Beasque sponsus singulas,
In teque transformas, Deus.

Te deprecamur supplices,
Nostris ut addas sensibus
Nescire prorsus omnia
Corruptionis vulnera.

Sit laus Patri, laus Filio;
Par sit tibi laus, Spiritus,
Divina qui perennibus
Firmas sigillis foedera. Amen.

℣. Sitivit in te anima mea:
℞. Quam multipliciter tibi
caro mea! *Ps. 62.*

Ad Benedictus. Ant. 7. G.
Exultabit anima mea in Deo
meo; quia induit me vesti-
mentis salutis, quasi sponsam
ornatam monilibus suis. *Is.*
61.

AD HORAS et ad Complet.
in Duplicibus et supra, Doxol.

¶ *Æterne Sponse Virgi-*
num,
Jesu, tibi sit gloria
Cum Patre, cumque Spiritu,
In sempiterna secula. Amen.

AD PRIMAM.

Ant. 1. g. Dilectus meus.

AD TERTIAM.

Ant. 5. a. Inveni.

Capitulum. I. Cor. 7.

DE Virginitate præceptum
Domini non habeo; consilium
autem do, tanquam miseri-
cordiam consecutus a Dô-
mino, ut sim fidelis.

℞. *br.* Lætetur mons Sion:
* Exsultent filiae Judæ. Lætetur.
℣. Propter iudicia tua, *
Dômine, * Exsultent. Glôria.
Lætetur. *Ps. 47.*

℣. Audivit, et lætata est
Sion; ℞. Et exultaverunt
filiae Judæ. *Ps. 96.*

AD SEXTAM.

Ant. 2. D. Ego.

Capitulum. I. Cor. 7.

MULIER innupta, et Virgo
cogitat quæ Domini sunt, ut
sit sancta corpore et spiritu:
quæ autem nupta est, cogitat
quæ sunt mundi, quomodo
placeat viro.

℞. *br.* Quid mihi est in
cælo? * Et a te quid volui
super terram? Quid. ℣. Deus
cordis mei, * et pars mea
Deus in æternum: * Et. Glô-
ria. Quid. *Ps. 72.*

℣. Concupiscit, et deficit
anima mea in atria Domini:
℞. Cor meum et caro mea
exultaverunt in Deum vi-
vum. *Ps. 83.*

AD NONAM.

Ant. 3. a. Sub umbra.*Capitulum.* II. Cor. II.

ÆMULOR vos Dei æmulatione; despondi enim vos uni viro Virginem castam exhibere Christo.

R. br. Afferentur Regi Virgines * In lætitia et exultatione. Afferentur. *Ÿ.* Adducuntur * in templum Regis, * In. Glória. Afferentur.

Ÿ. Delectaverunt te filiae regum, *R.* In honore tuo. *Ps.* 44.

AD II VESPERAS.

Ant. 4. D. Virgines accipientes lampades suas, exierunt obviam Sponso et sponsæ. *Matth.* 25.

Ant. 3. a. Prudentes acceperunt oleum in vasis suis cum lampadibus, et ornaverunt lampades suas. *Matth.* 25.

Ant. 7. d. Média nocte clamor factus est: Ecce Sponsus venit, exite obviam ei. *Matth.* 25.

Ant. 2. D. Venit Sponsus; et quæ paratæ erant, intraverunt cum eo ad nuptias. *Matth.* 25.

Ant. 1. D. Virgines sequuntur Agnum, quocumque ierit: sine macula enim sunt ante thronum Dei. *Apoc.* 14.

Capitulum. Apoc. 19.

REGNAVIT Dóminus Deus noster omnipotens: gaudeamus, et exultemus, et demus glóriam ei; quia venerunt nuptiæ Agni, et uxor ejus præparavit se.

Si sit Martyr, Hymnus, O vos, ut in *I Vesp.*, XXXVI.

Si non sit Martyr,

Hymnus. Mur.

O Virgo, pectus cui sacrum, Amóris expers improbi, Intus suis ardóribus Sanctus perussit Spíritus! Non te voluptas dulcibus Fallax venénis molliit, Solas amantem persequi Cœlestis Agni nuptias.

Sic ille natus Virgine Suo decóre céperat, Ut ejus ardens ignibus Mundána cuncta témneres.

Beáta cui nunc Cœlitum Inter canéntium choros, Cœlo licet perénnibus Sponsi potiri gaudiis.

¶ *Æ*terne Sponse Virginum, Jesu, tibi sit glória Cum Patre, cumque Spíritu, In sempiterna sécula. Amen.

Ÿ. Virgines laudent nomen Dómini; *R.* Quia exaltátum est nomen ejus solius. *Ps.* 148.

Ad Magnificat. *Ant.* 1. f. In resurrectione neque nubent, neque nubentur; sed erunt sicut Angeli Dei in cœlo. *Matth.* 22.

COMMUNE SS. MULIERUM.

IN I VESPERIS.

Ant. 6. F. Dómine, qui habes ómnium sciéntiam, tu scis quod nunquam lætáta sit ancilla tua nisi in te, Dómine Deus. *Esther*, 14.

Ant. 2. D. Ad te, Dómine, óculos meos dírigo : tu scis quia mundam servávi ánimam meam ab omni concupiscén-tia. *Tob.* 3.

Ant. 8. c. Nunquam cum ludéntibus míscui me ; neque cum his qui in levitáte ámbu-lant partícipem me præbui. *Tob.* 3.

Ant. 3. a. Dómine Pater, omne desidérium averte a me, et ánimæ irreverenti et in-frunítæ ne tradas me. *Eccli.* 23.

Ant. 5. C. Adjuva me an-cillam tuam, nullum áliud auxílium habentem, nisi te, Dómine, qui nosti quia óde-rim glóriam iniquórum. *Es-ther*, 14.

Capitulum. Ephes. 5.

RELINQUET homo patrem et matrem suam, et adhærébit uxóri suæ ; et erunt duo in carne una. Sacramentum hoc magnum est ; ego autem dico in Christo et in Ecclésia. Ve-rúm tamen et vos sínguli unusquisque uxórem suam sicut seipsum díligat ; uxor autem tímeat virum suum.

Hymnus. G. Ep. S.

Ad nuptias Agni Pater

Matres et innuptas vocat :
O te beátam, cui thorus
Interque sponsas sors datur !

Lex nuptiárum caritas ;
Dos magna, paupertas, tibi
Calcáre falláces opes,
Cadúca corde spérnere.

Te multus oblectat labor,
Fusæque jejúnam preces :
Te pœnitentem lácrymæ,
Te cura páuperum juvat.

Quacumque confixam sibi,
Per probra sponsam, per cru-
ces

Trahit Magister ; et sequi
Despecta gaudes, et pati.

Beáta quæ sponso Deo
Castis adhæret vínculis :
Sic corpus unum póssumus,
Sic unus esse spíritus.

Hoc præstet almo cum
Patre,
Natóque nobis Spíritus,
Qui trinus ac unus Deus
Regnat per omne séculum.

Amen.

Ÿ. Averte óculos meos ne
videant vanitátem : *Ŗ.* In via
tua vivífica me. *Ps.* 118.

Ad Magníficat. *Ant.* 1. A.
Exsultávit cor meum in Dó-
mino, et dilatátum est os
meum, quia lætáta sum in
salutári tuo. *1. Reg.* 2.

AD NOCTURNUM.

Invit. Deum in quo sperant
sanctæ Mulieres, * Veníte,
adorémus. *1. Petr.* 3.

*Hymnus. S. V.**

ADESTE, sanctæ Cónjuges;
En illa fortis Fémína,
Ornata quæ virtútibus
Inter triumphat Cœlites.

Blandos ut hostes vinceret,
Hanc fortitúdo véstiit:
Ut prosit intuéntibus,
Cœlestis ornávit decor.

Non vana pompa séculi
Sensus sefellit, nec malis
Gliscens voluptas ártibus
Virile pectus mólliit.

Non illa luxu véstium,
Non crine torto splénduit:
Cultu nitens sed simplici,
Puris placébat móribus.

Se sub serénis vúltibus
Austéra virtus ócculit:
Timet vidéri, ne suum,
Dum prodit, amittat decus.

Pascenda cœlesti cibo,
Sacris studébat Lítteris;
Templo frequens, sed sédula
Redibat ad curam domus.

Agni vocans ad nuptias,
Tibi, Pater, sit glória:
Sit æqua Nato, nec minor
Laus utriusque Flámini.

Amen.

Ant. 4. E. Deprecabátur
Dóminum, dicens: Dómine
mi, qui rex noster es solus,
áduva me, cujus præter te
nullus est auxiliátor álius.
Esther, 14.

Ant. 3. a. Ostende quóniam
non derelinquis præsumen-
tes de te; et præsumentes
de se, et de sua virtúte glo-
riantes, humílias. *Judith, 6.*

Ant. 6. F. In consílium eó-
rum non véniat ánima mea,

et in cœtu illórum non sit
glória mea. *Gen. 49.*

†. Non habitábit in médio
domus meæ, qui facit super-
biam: R^l. Qui lóquitur ini-
qua, non direxit in conspectu
oculórum meórum. *Ps. 100.*

AD LAUDES.

Ant. 1. a. Sicut sol óriens
mundo in altíssimis Dei, sic
mulieris bonæ species in or-
namentum domus ejus. *Eccli. 26.*

Ant. 2. D. Múlier fortis
oblectat virum suum; et an-
nos vitæ illius in pace implé-
bit. *Eccli. 26.*

Ant. 3. c. Múlier sensata,
et tácita: non est immutatio
eruditæ ánimæ. *Eccli. 26.*

Canticum. Prov. 31.

MULIEREM fortem quis in-
veniet? * procul et de últimis
fínibus prétium ejus.

Confídit in ea cor viri sui,
* et spóliis non indigébit.

Reddet ei bonum, et non
malum, * ómnibus diébus
vitæ suæ.

Quæsvit lanam et linum,
* et operáta est consílio má-
nuum suárum.

Facta est quasi navis insti-
tóris, * de longe portans
panem suum.

Et de nocte surrexit; * dedit-
que prædam domésticis suis,
et cibária ancillis suis.

Considerávit agrum, et
emit eum; * de fructu má-
nuum suárum plantávit vi-
neam.

Accinxit fortitudine lumbos suos, et roboravit brachium suum.

Gustavit et vidit quia bona est negotiatio ejus : * non exstinguetur in nocte lucerna ejus.

Manum suam misit ad fortia, * et digiti ejus apprehenderunt fusum.

Manum suam aperuit inopi, * et palmas suas extendit ad pauperem.

Date ei de fructu manuum suarum ; * et laudent eam in portis opera ejus.

Ant. 4. d. Os suum aperuit sapientiae, et lex clementiae in lingua ejus. *Prov. 31.*

Ant. 5. a. Non discedebat de templo, jejuniis et orationibus serviens nocte ac die. *Luc. 2.*

Capitulum. I. Petr. 3.

MULIERES subditae sint viris suis ; ut et si qui non credunt verbo, per mulierum conversationem sine verbo lucrifiant, considerantes in timore castam conversationem vestram.

Hymnus. S. V.

ARDET Deo quae Femina,
Latere frustra cogitat :
Quot indigos haec sublevat,
Tot proditur praeconiis.

Prodesse quaerit omnibus,
Curis honestis anxia ;
Patrona custos virginum,
Secunda mater orphanis.

Pannis latentem vilius
Christum fovebat hospitem :
Quas dura subtraxit sibi,

Opes refundit prodiga.

Pacem domi, pacem foris
Alto colit silentio :

Lites amat componere,
Ut una mens sit omnibus.

¶ Sit laus Patri, laus Filio ;
Par sit tibi laus, Spiritus :
Qui robur addis feminis,
Tu nostra firma pectora.

Amen.

✠. Humiliabam animam meam, R. Et oratio mea in sinu meo convertetur. *Ps. 34.*

Ad Benedictus. Ant. 6. F.
Oratio humiliantis se nubes penetrabit ; et non discedet, donec Altissimus adspiciat. *Eccli. 35.*

AD HORAS et ad Complet. in Duplicibus et supra, Doxologia : ¶ Sit laus, ut ad Laudes.

AD PRIMAM.

Ant. 1. a. Sicut sol.

AD TERTIAM.

Ant. 2. D. Mulier fortis.

Capitulum. Ephes. 5.

MULIERES viris suis subditae sint, sicut Domino ; quoniam vir caput est mulieris, sicut Christus caput est Ecclesiae, ipse salvator corporis ejus.

R. br. Doce me facere voluntatem tuam, * Quia Deus meus es tu. Doce. ✠. Spiritus tuus bonus * deducet me, * Quia. Gloria. Doce. *Ps. 142.*

✠. Ab omni via mala prohibui pedes meos ; R. Ut custodiam verba tua. *Ps. 118.*

AD SEXTAM.

*Ant. 3. c. Múlier.**Capitulum. I. Tim. 2.*

MULIER in siléntio discat cum omni subjectione. Docere autem mulieri non permitto, neque dominári in virum, sed esse in siléntio.

Rl. br. Custódiam vias meas, * Ut non delinquam in lingua mea. Custódiam. *ŷ.* Pósui ori meo * custódiam, * Ut. Glória. Custódiam. *Ps. 38.*

ŷ. Apud me oratio Deo vitæ meæ : *Rl.* Dicam Deo, Susceptor meus es. *Ps. 41.*

AD NONAM.

*Ant. 5. a. Non discedébat.**Capitulum. I. Tim. 2.*

VOLO orare mulieres in hábitu ornáto, cum verecúndia et sobrietáte ornantes se, et non in tortis crínibus, aut auro, aut margarítis, vel veste pretiósa; sed quod decet mulieres, promittentes pietátem per ópera bona.

Rl. br. Exspectávi Dóminum, * Et intendit mihi. Exspectávi. *ŷ.* Et exaudivit * preces meas, * Et. Glória. Exspectávi. *Ps. 39.*

ŷ. Veníte, et vidéte ópera Dei, *Rl.* Qui pósuit ánimam meam ad vitam. *Ps. 65.*

AD II VESPERAS.

Ant. 2. D. In ancilla sua adimplévit Dóminus misericórdiam suam. *Judith, 13.*

Ant. 4. E. Erat hæc in ómnibus famosíssima, quóniam timébat Dóminum valde; nec erat qui loquerétur de illa verbum malum. *Judith, 8.*

Ant. 7. c. Considerávit sémitas domus suæ, et panem otíosa non comédit. *Prov. 31.*

Ant. 1. D. Filios educávit, hospítio recépit, sanctórum pedes. lavit, tribulatiónem patientibus subministrávit, omne opus bonum subsecúta est. *I. Tim. 5.*

Ant. 6. F. Surrexérunt filii ejus, et beatíssimam prædicavérunt : vir ejus, et laudávit eam. *Prov. 31.*

Capitulum. I. Tim. 2.

MULIER salvábitur per filiórurum generatióem, si permanserit in fide, et dilectione, et sanctificatióne cum sobrietáte.

Hymnus. S. V.

O jam beáta quæ suo Tandem solúta corpore, Vinculis perennióribus Uni Deo conjúgitur!

Per quos gradus cœlum petit,

Hac ire vos omnes docet, Junctæ jugáli vínculo, Et vos solútæ Cónjuges.

Insignis et nos Fémínæ, Sequi decet vestígia, Magnum vel ipsis quæ fuit Virtútis exemplum viris.

Queis arsit illa, fac, Deus, Flagrémus et nos ignibus; Eoque, quo te vis coli, Amóre fac mens te colat.

Agni vocans ad nuptias,

Tibi, Pater, sit glória;
Sit æqua Nato, nec minor
Laus utriusque Flámini.

Amen.

✠ Anima mea Dómino
vivet; R. Et semen meum
sérviet ipsi. *Ps. 21.*

Ad Magníficat. Ant. 5. C.
Fortitúdo et decor indumen-
tum ejus : date ei de fructu
mánuum suárum; et laudent
eam in portis ópera ejus.
Prov. 31.

OFFICIUM BEATÆ MARIÆ

IN SABBATO.

*Hoc Officium fit sub ritu
Simplici; ac proinde incipit a
Nocturno, et terminatur ad No-
nam. Cedit Officio dierum intra
Octavam Nativitatis B. M. V.,
et cuilibet alii Officio Simplex
excludenti.*

AD NOCTURNUM.

Invit. Jesum de María na-
tum, * Veníte, adorémus.

Hymnus. Colb.

O quam glorifica luce co-
ruscas,
Stirpis Davidicæ régia pro-
les;
Sublímis residens, virgo
María,
Supra Cœligenas ætheris
omnes!
Tu cum virgineo mater ho-
nóre
Cœlórum Domino pectoris
aulam
Sacris visceribus casta de-
disti :
Humános Deus hinc induit
artus.
Quem cunctus venerans orbis
adórat,
Cui nunc rite genu flécti-
tur omne;

A quo, te precibus sub-
veniente,
Æterni petimus gáudia
regni.

Divinæ Soboli qui dare ma-
trem

In terris voluit, glória Pa-
tri :

Cujus Virgo parens, glória
Nato :

Quo fœcunda, tibi glória,
Flamen. Amen.

Psalmi de Sabbato.

*Ant. 1. a. Ave, grátia plena;
Dóminus tecum : benedicta
tu in muliéribus. Luc. 1.*

*Ant. 8. c. Ecce concípies
in útero, et páries Fílium,
et vocábis nomen ejus Jesum.
Luc. 1.*

*Ant. 2. D. Quod nascétur
ex te Sanctum, vocábitur
Fílius Dei. Luc. 1.*

✠ Descendet sicut plúvia
in vellus : R. Et replébitur
majestáte ejus omnis terra.
Ps. 71.

Pater noster, etc.

Bened. de B. Maria Virgine.

*Lectio I et II de Scriptura
juxta diem mensis cum suis
R. R. in Proprio Feriarum et
Festorum.*

Lectio III ut sequitur juxta mensem.

MENSE SEPTEMBRI.

Lectio III.

Ex sancto Joanne Damas-
ceno in Dormitiōnem Beatæ
Mariæ. *Hom. 2. n. 19.*

CUREMUS, ut mens memo-
riaque nostra, Dei Genitricis
promptuārium fiat. Quo au-
tem pacto id adsequemur? Virgo ipsa est, et virginum
amans; casta est, et castitatis
amans. Quocirca si cum cor-
poris, tum etiā memoriæ
castitatem colamus, grātiā
ipsius adipiscemur. Lutum
siquidem omne fugit, ac cœ-
nōsas affectiōnes, tanquam
genimina viperarum. Inglū-
viem exsecratur, turpes ser-
mōnes et cantus propellit: iræ
tumorem odit; inhumanitā-
tem, invidiam et simultates
non admittit; inanem gloriā
vāriis se laboribus frangen-
tem aversatur; superbiam fās-
tui hostili animo resistit; vī-
tium denique omne tanquam
lethale venenum reputat. Ho-
rum autem contrariis delec-
tatur; jejūnio, continētia,
Psalmorum cāntibus gaudet;
pacem et animi lenitatem
complēctitur; caritatem, mise-
ricordiam, et humanitatem,
tanquam alumnas suas, ulnis
fovet; quālibet virtute, uti
proprio suo mūnere, lætatur.
Quamobrem, si vicia ālacri
animō vitēmus, et virtutes
omni stūdio persequāmur,
frequens ipsa ad nos fāmulos

suos veniet, et secum bono-
rum omnium agmen trahet.

R. Invoca Dōminum, et *
Lōquere Regi pro nobis. γ.
Nunc ergo ora pro nobis quō-
niam sancta es: * Lōquere.
Glōria. * Lōquere. *Esther, 18.*
Judith, 8.

MENSE OCTOBRI.

Lectio III.

Ex sancto Joanne Damas-
ceno in Annuntiatiōne Beatæ
Mariæ. *Hom. 2.*

SALVE sis, o Dōmina Dei
Génitrix, per quam Altis-
simus puer fit; per quam
lacte nutritur, qui universa
procurat, alit et administrat
Deus. Salve sis, sola Dei
Mater, quæ radio omni luci-
dior es, et omni puritate pū-
rior; quæ primæ parentis
Hevæ lapsum restaurasti;
quæ sola Christum, Deum si-
mul et Hōminem, sine viri
ōpera concepisti, et sine dolo-
re peperisti; per quam nōs a
maledictiōne redempti sumus.
Ave, grātia plena, quōniam
refūgium facta es nobis, et
pro nobis interpellatricem
agis apud Filium, Deumque
tuum, ac Deum nostrum.
Optima Dōmina, misericōr-
diam extendas tuam in eos
qui te novērunt; ac respice in
servos tuos, et in ōpera tua,
et cunctos dirige in viam pa-
cis; quōniam omnium ōculi
in te sperant.

R. Benedicta es tu, Fīlia, a
Dōmino Deo excelso, * Præ
ōmnibus mulieribus † Super

terram. ✠. Benedixit te Dóminus in virtúte sua, * Præ. Glória. † Super. *Judith*, 13:

super terram : Fémina circumdabit Virum.

MENSE NOVEMBRI ET DECEMB.

Hymnus. S. V.

Lectio III.

Ex sancto Augustíno Epíscopo ad Catechúmenos. *Serm.* 3. n. 4.

PER féminam mors, per féminam vita; per Hevam intéritus, per Mariám salus. Illa corrupta secúta est seductórem, hæc íntegra péperit Salvatórem. Illa póculum a serpente propinátum libenter accépit, et viro trádidit, ex quo simul mererentur occídi : hæc, grátia cœlesti désuper infúsa Vitam prótulit, per quam caro mórtua possit resuscitári. Quis est qui hæc operátus est, nisi Vírginis Fílius et vírginum Sponsus, qui ádtulit fœcunditátem, sed non ábstulit integritátem?

¶. Adamávit eam Rex; et * Hábuít grátiam coram eo super omnes mulíeres. ✠. Péperit Fílium másculum qui recúrurus erat omnes gentes : * Hábuít. Glória. * Hábuít. *Esther*, 2. *Apoc.* 12.

AD LAUDES.

Psalmi et Canticum de Sabbato, sub unica Ant. 4. A. Benedicta tu inter mulíeres, et benedictus fructus ventris tui. *Luc.* 1.

Capitulum. Jer. 32.

CREAVIT Dóminus novum

NUNC auróra, novæ nántia lucis,

Tristes orbe procul díssipat umbras.

O quam lucidior, nocte sepultis

Portans ipsa diem, Virgo, refulges!

O quæ nunc habitas lúcida regna,

Mittas inde tuæ múnera lucis :

Te si terra dedit munus Olympo,

Quæ non dona memor reddet Olympus?

Inter perpetuos Núminis haustus,

O Regína, tibi sángine junctum

Ne dedisce genus : nostra fuisti,

Summi facta parens, Virgo, Tonantis.

Divinæ Soboli qui dare matrem

In terris voluit, glória Patri :

Cujus Virgo parens, glória Nato :

Quo fœcunda, tibi glória, Flamen. Amen.

✠. Recordátus est Dóminus misericórdiæ suæ, ¶. Et veritátis suæ dómui Israel. *Ps.* 97.

Ad Benedictus. Ant. 3. à. Beáta quæ credidisti; quóniam perficientur ea quæ dicta sunt tibi a Dómino. *Luc.* 1.

Oratio Sacr. Greg.

CONCEDE nos fámulos tuos, quæsumus, Dómine Deus, perpétua mentis et córporis sanitate gaudere; et gloriósa beatæ Maræ semper vírginis intercessióne, a præsentí liberári tristítia, et æterna perfrui lætítia; Per Dóminum.

De Simplici occurrente fit Commemoratio.

AD HORAS, Dorologia:

¶ Qui natus es de Vírgine, Jesu, tibi sit glória
Cum Patre, cumque Spíritu,
In sempiterna sécula. Amen.

AD PRIMAM.

Ant. 2. D. Fílius Dei factus est ei ex sémine David secundum carnem. Rom. 1.

*In Rl. br. ¶. Qui natus es * de María Vírgine. Matth. 1.*

AD TERTIAM.

Ant. 4. d. De María natus est Jesus, qui vocátur Christus. Matth. 1.

Capitulum. Is. 7.

DABIT Dóminus ipse vobis signum: Ecce Virgo concipiet, et páriet Fílium; et vocábitur nomen ejus, Emmánuel.

*Rl. br. Deus in médio ejus; * Non commovébitur. Deus. ¶. Adjuvábít eam * mane dilúculo: * Non commovébitur. Glória. Deus. Ps. 45.*

¶. Elégít eam Dóminus Rl. In habitatióne sibi. Ps. 131.

AD SEXTAM.

Ant. 7. d. Péperit fílium másculum, qui rectúrus erat omnes gentes. Apoc. 12.

Capitulum. Mich. 5.

EGREDIETUR qui sit dominátor in Israel, et egressus ejus ab infítio, a diébus æternitátis.

*Rl. br. Homo * Natus est in ea. Homo. ¶. Et ipse fundávit eam * Altíssimus. * Natus est. Glória. Homo.*

¶. Ipse tanquam sponsus Rl. Procedens de thálamo suo. Ps. 18.

AD NONAM.

Ant. 1. g. Beátus venter qui te portávit, et úbera quæ suxisti. Luc. 11.

Capitulum. Gal. 4.

UBI venit plenitúdo téporis, misit Deus Fílium suum, factum ex muliere, factum sub Lege; ut eos qui sub lege erant redímeret, ut adoptiõem filiórum reciperémus.

*Rl. br. Misericórdia et veritas * Obviavérunt sibi. Misericórdia. ¶. Justítia et pax * osculatæ sunt, * Obviavérunt. Glória. Misericórdia.*

¶. Véritas de terra orta est, Rl. Et justítia de cælo prospexit. Ps. 84.

DE FESTIS PATRONALIBUS

PRO PARTE AUTUMNALI.

DE DIE QUA CELEBRARI DEBET FESTUM PATRONALE.

1° *Ex Indulto dato die IX Aprilis anno 1802 a Cardinali Caprara, Legato a Latere Papæ Pii VII, Solemnitas Festorum Patronalium intra Hebdomadam occurrentium transferri debet in Dominicam proxime sequentem.*

2° *In diœcesi Meldensi, Festum Patronale fieri debet Dominica sequenti, non solum quoad Solemnitatem, (seu Officium in Choro,) sed etiam quoad Officium privatum.*

3° *Attamen celebrari debet Dominica præcedenti, si occurrat in sequenti Solemnæ-majus aut supra, videlicet: Nativitas B. M. V. (8 Sept.) Festum SS. Dionysii et Soc. (intra dies 6 et 14 Oct.) Festum Omnium SS. (1 Nov.) Anniversarius dies Dedicationis, (intra dies 8 et 16 Nov.)*

4° *Sive transferatur sive anticipetur Festum Patronale, de eo fit ipsa die qua occurrit, juxta ritum pro ipso per totam diœcesim servatum, si habeat Officium in Proprio Sanctorum et Feriarum.*

5° *Solemne-minus, vel Duplex-majus eadem Dominica occurrens cum Festo Patronali, transfertur in diem sequentem. In eodem tamen casu anticipantur in Sabbatum præcedens Exaltatio S. Crucis (14 Sept.) Festum S. Lucæ (18 Oct.) Festum SS. Simonis et Judæ (28 Oct.) et Octava Omnium SS.*

6° *Attamen ubi Festum Nativitatis B. M. V. est Patronale, de ea fit Dominica præcedenti, quando occurrit in FERIA II; et Festum Exaltationis S. Crucis, Dominica sequenti celebrandum.*

COMMUNE PATRONORUM.

PRIMARIUM FESTUM,

ANNUALE-MINUS.

¶ *Omnibus quæ reperiuntur in sequenti Patronorum Comuni, semper præferri debent, quæ fuerint de Proprio.*

IN I VESPERIS.

Psalmi de Feria.

Cetera ut in Proprio, vel in Comuni.

Si non habetur R. in Proprio, dicitur sequens

R. Ait Móyses ad Dóminum : Dimitte, óbsecro, peccátum pópuli hujus secundum magnitudinem misericórdiæ tuæ.* Dixitque Dóminus : Dimísi juxta verbum tuum. V. Dómine, ne státuas illis hoc peccátum.* Dixitque. Glória.* Dixitque. Num. 14. Act. 7.

peccátum máximum : ascendam ad Dóminum, si quo modo quívero eum deprecári pro scélere vestro. Exod. 32.

Ant. 3. a. Reversusque ad Dóminum ait : Obsecro; dimitte eis hanc noxam, aut si non facis, dele me de libro tuo. Exod. 32.

Ant. 4. A. Cum leváret Móyses manus, vincébat Israel : sin autem páululum remisisset, superábat Amalec. Exod. 17.

V. Réspice, Dómine, in servos tuos, R. Et dirige filios eórum. Ps. 89.

AD COMPLETORIUM.

Psalmi de Feria; cetera ut cras.

Lectio I. Cap. 12.

Ex Libro Tobíæ.

AD OFFICIUM NOCT.

Invit. Qui super nos constituit Custódes, Dóminum, Veníte, adorémus. Is. 62.*

Psalmi de Dominica.

Hymnus ut in Proprio, vel in Comuni; si véro non habeatur in Antiphonario, cantari potest Hymnus de I Vesperis.

IN I NOCTURNO.

Ant. 1. f. Locútus est Móyses ad pópulum : Peccastis

VOCÁVIT ad se Tobías filium suum, dixitque : Quid póssumus dare viro isti, qui venit tecum? Et rogáre cœperunt ut dignaréetur dimídiam partem ómnium quæ adtúlerant, acceptam habére. Tum dixit eis occulte : Benedícite Deum cœli, et coram ómnibus vivéntibus confitémini ej, quia fecit vobiscum misericórdiam suam. Etenim sacramentum regis abscondere bonum est : ópera autem Dei reveláre et

confitēri honorificum est. Bona est oratio cum jejūnio, et eleemōsyna magis quam thesauros auri recondere. Manifesto ergo vobis veritatem, et non abscondam a vobis occultum sermōnem. Quando orābas cum lācrymis, et sepe liēbas mōrtuos, et derelinquēbas prāndium tuum, et mōrtuos abscondēbas per diem in domo tua, et nocte sepe liēbas eos; ego obtuli orationem tuam Dōmino. Et quia acceptus eras Deo, necesse fuit ut tentatio probāret te. Et nunc misit me Dōminus ut curārem te, et Sarām uxōrem filii tui a dēmōnio liberārem. Ego enim sum Rāphael Angelus, unus ex septem, qui adstāmus ante Dōminum.

R). Data sunt Angelo incensa multa, ut daret de orationibus Sanctōrum ōmniū super altāre quod est ante thronum Dei : * Et ascendit fumus incensōrum de orationibus Sanctōrum coram Deo. ✠. Oculi Dōmini super iustos, et aures ejus in preces eōrum. * Et. Glōria. * Et. *Apoc.* 8. *Ps.* 33.

Lectio II. Cap. 15.

Ex Libro secundo Machabeōrum.

MACHABEUS semper confidebat cum omni spe auxiliū sibi a Deo adfutūrum. Et hortabātur suos ne formidarent ad adventum nationū, sed in mente habērent adju-

toria sibi facta de cōelo, et nunc sperarent ab Omnipotente sibi adfuturam victoriam. Et adlocūtus eos de Legge et Prophētis, admonens etiā certamina quæ fecerant prius, promptiōres constituit eos : et ita animis eōrum erectis, simul ostendēbat gentiū fallāciam, et juramentōrum prævaricationem. Sīngulos autem illōrum armāvit, non clypei, et hastæ munitione, sed sermōnibus optimis, et exhortationibus, expōsito digno fide sōmnio, per quod universos lætificāvit.

R). Deus, auribus nostris audivimus. Tu es ipse Rex meus et Deus meus qui mandas salutes Jacob ; * Et † In nōmine tuo spernemus insurgentes in nobis. ✠. Deus glorificātur in concilio Sanctōrum. Confitebor tibi, Dōmine, in concilio iustōrum, * Et. Glōria. † In. *Ps.* 43, 88 et 110.

Lectio III.

ERAT autem hujuscemodi visus : Onīam, qui fūerat summus Sacerdos, virum bonum et benignum, verecundum visu, modestum mōribus, et elōquio decōrum, et qui a pūero in virtūtibus exercitatus sit, manus protergentem, orāre pro omni pōpulo Judæōrum. Post hoc apparuisse et aliū virum, ætate et glōria mirābilem, et magni decōris habitūdine circa illum. Respondentem vero Onīam dixisse : Hic est fra-

trum amátor, et pópuli Israel; hic est qui multum orat pro pópulo, et universa sancta civitáte, Jeremías Prophéta Dei. Extendisse autem Jeremíam dexteram, et dedisse Judæ gládium áureum, dicentem: Accipe sanctum gládium munus a Deo, in quo deiecies adversários pópuli mei Israel. Exhortáti itaque Judæ sermónibus bonis valde, de quibus extolli posset ímpetus, et ánimi júvenum confortári, statuérunt dimicáre et confli gere fórtiter, ut virtus de negótiis judicáret.

℞. Illi * Viri misericórdiæ sunt, quorum pietátes non defuérunt. √. In conspectu Dei sedent in sédibus suis; * Viri. Glória. *Repet. ℞. Illi, usque ad √. Eccli. 44. Apoc. 11.*

IN II NOCTURNO.

Ant. 8. G. Ite ad servum meum, et offerte holocaustum pro vobis. Job, 42.

Ant. 5. a. Servus meus orábit pro vobis: faciém ejus suscépíam. Job, 42.

Ant. 6. F. Semen benedictórum Dómini est et nepótes eórum cum eis. Is. 65.

√. Exáudiat te Dóminus, ℞. In die tribulatiónis. *Ps. 19.*

Lectio IV.

Ex sancto Basílio Cæsariensi Episcopo. *Hom. in SS. quadrag. Martyres. n. 8.*

HI sunt qui regiónem nostram obtinentes, véluti densæ quædam turres ipsam ad-

versus hóstium incursum tuto commúniunt, regiónes multas adornantes. Sunt beneficéntia ubérrima, donum quod non absúmitur, parátum auxílium Christiánis. Qui angústia áliqua prémitur, ad hos cónfugit; qui lætátur recurrit ad eosdem: ille quidem ut a malis liberétur, hic vero ut res sibi secundæ esse pergant. Hic múlter pia pro líberis orans deprehénditur; peregrinanti maríto réditum, infirmo salútem petit. O chorus sanctus, o sacer ordo, o confertíssimum et infractum agmen, o commúnes géneris humáni custódes, boni curárum sócii, precum fautores, legáti potentíssimi, stellæ orbis terrárum, Ecclesiárum flores! Non vos terra opérui, sed cælum suscepit: apertæ sunt vobis paradísi portæ; dignum spectáculum exercitu Angelórum, dignum Patriarchis, Prophétis, justis, quí viri, contempta vita, præ paréntibus, præ líberis Dóminum dilexérunt.

℞. Nos in omni témpore mémores sumus vestri, sicut et decet meminisse fratrum: * Lætámur itaque de glória vestra. √. Accessistis ad Sion montem, et civitátem Dei viventis, Jerúsalem coelestem: * Lætámur. Glória. * Lætámur. *I. Mach. 12. Hebr. 12.*

Lectio V.

Ex sancto Clemente Papá

et Mártyre ad Corinthios.

Epist. I. Cap. 32, 33.

SANCTI glóriam et amplitúdinem consecúti sunt, non per seipsos aut ópera sua, aut justas actiões quas fecérunt; sed per voluntátem Dei. Et nos igitur ex voluntáte illius in Christo Jesu vocáti, non per nos ipsos justí effícimur, neque per sapiéntiam nostram, aut intelligéntiam, aut pietátem, aut ópera quæ in cordis sanctitate operáti sumus; sed per fidem, per quam cunctos, qui unquam justí fuérunt, justificávit Deus omnipotens. Quid igitur faciémus, fratres? Cessábimus a bonis opéribus, et caritátem derelinquémus? Néutiquam hoc a nobis fieri permittat Dóminus: sed cum diligéntia et alacritáte festinémus omne opus bonum perficere. Videámus quod in bonis opéribus ornáti fuérunt omnes justí. Et ipse Dóminus cum se opéribus decorasset, gávisus est. Habentes itaque hoc exemplar, ímpigre ad voluntátem ejus accedámus: ex totis víribus nostris operémur opus justitiæ.

n. Bonum facientes non deficiámus, tēpore enim suo metémus non deficientes; ergo * Dum tempus habémus, operémur bonum. *γ.* Tantam habentes impósitam nubem téstium, deponentes omne pondus et circumstans nos peccátum; * Dum. Glória. * Dum. *Gal. 6. Hebr. 12.*

Lectio VI.

Ex sancto Joanne Chrysóstomo. *Hom. 44. in Genesim. n. 1.*

Is Sanctórum mos est, ut plúrimum affectu moveantur et compatiantur. Et ut dóceat nos divína Scriptúra Spíritus grátiam statim Abrahámo hujus rei notítiam concessisse, et justum cura, quam pro Lot gerébat, liberasse, inquit: Cum contéret Dóminus civitátes regiónis illius, recordátus est Deus Abrahæ, et emísit Lot e média subversióne. Cur igitur, díxerit aliquis, propter oratióem Patriarchæ justus servátus est, et non propter suam justitiam? Ita certe, étiam propter oratióem Patriarchæ: quando enim quod ex nobis est simul afférimus, ipsa étiam intercessio Sanctórum plúrimum nobis confert. Quod si ipsi negligentes fuérimus et spem in illis solis nostræ salutis collocavérimus, nihil ámplius nobis prodest; non quod minus váleant justí, sed quia propter nostram desidiam nos ipsos pródimus. Id scientes, dilecti, confugiámus ad Sanctórum preces, et orémus ut pro nobis intercedant; at non illórum préci-bus tantum confidámus, sed et ipsi nostra, ut oportet, dispensémus recte, et ad melióra semper converti nitámur, ut locum demus oratióni quæ pro nobis fúnditur.

Rj. Dóminus voluntátem timentium se fáciat, et deprecationem eórum exáudiet; * Obediente Dómino voci hóminis. ✠. Multum enim valet deprecátio iusti assídua; * Obediente. Glória. *Repet. Rj. Dóminus, usque ad ✠. Ps. 144. Josue, 10. Jac. 5.*

IN III NOCTURNO.

Ant. 7. d. Accessérunt omnes a parvo usque ad magnum; dixeruntque: Cadat orátio nostra in conspectu tuo. Jer. 42.

Ant. 4. D. Ora pro nobis ad Dóminum Deum tuum. Jer. 42.

Ant. 2. D. Homo Dei, noli despícere ánimam meam et ánimas servórum tuórum. IV. Reg. 1.

✠. Exáudiat Dóminus Rj. De cælo sancto suo. *Ps. 19.*

Lectio VII.

Ex sancto Bernardo Abbáte. *Serm. 1. in Festo Omnium Sanctorum. n. 1.*

FELICI retributióne Sanctórum ágnita, abundantióri sollicitudine ipsórum inhærere vestigiis, ac ferventióri desiderio ad eórum suspiráre consórtia, propensióri quoque devotióne eorundem nos commendáre patrociniis studeámus. Fidélis quippe sermo, et omni acceptione dignus, ut quos solemní veneratióne proséquimur, étiam simili conversatióne sequámur: quos beatíssimos prædicá-

mus, ad eórum beatitúdinem tota aviditáte currámus: quorum delectámur præconiis, sublevémur eórum patrociniis. Nec sane parum fructuósa invenstur memória festíva Sanctórum, languórem, tepórem, erroremque depellens: cum eórum intercessi-one juvétur infirmitas nostra, consideratióne beatitúdinis excitétur negligéntia nostra; ignorántia quoque nostra ipsórum erudiátur exemplis.

Rj. Cúpimus * Ut segnes efficiámini, verum imitátóres eórum, qui fide et patientia hæreditabunt promissiones. ✠. Conténdite intráre per angustam portam; * Ut. Glória. * Ut. *Hebr. 6. Luc. 13.*

Lectio VIII.

Ex sancto Cæsário Arelatensi Episcopo. *In Append. S. August. Serm. 230. n. 1, 2; et 265. n. 4.*

QUANDO festivitátes cólimus, fratres caríssimi, diligenter debémus adténdere, et totis víribus laboráre, ut quod in templis visibíliter cólitur, in nobis invisibíliter compleátur. Qui nec castitátem custódit in córpore, nec puritátem tenet in mente, quótiens sanctæ Solemnitátes advéniunt, in córpore vidétur habére gáudium, in corde non célebrat nisi luctum. Quale enim gáudium potest habére, in cujus ánima multis vítiis occupáta magis diabolus probátur habitáre quam

Christus? Fílios et omnes famílias vestras admonéte, fratres, semper ut caste et juste ac salúbriter vivant: nec solum eos verbis, sed étiam exemplis ad bona ópera provocáte. Ante ómnia ubicumque fuéritis, sive in domo, sive in itinere, sive in convivio, sive in consessu, verba túrpia et luxuriósa nolíte ex ore vestro proferre, sed magis vicinos et próximos vestros júgiter admonéte, ut semper quod bonum est et honestum loqui stúdeant; ne forte detrahendo, male loquendo, et in sanctis festivitátibus choros ducendo, cántica luxuriósa et túrpia proferendo de lingua sua, unde debúerant Deum laudáre, inde sibi vúlnera videantur inflígere. Isti enim infelices et míseri hómines, qui balatíones et saltatíones ante ipsas basilícas Sanctórum exercére nec métuunt, nec erubescunt, etsi Christiáni ad Ecclesiám vénerint, Pagáni de Ecclesiá revertuntur; quia ista consuetúdo balandi de Paganórum observatióne remansit.

R. Servíte Dómino in timóre, et * Exsultáte ei, cum tremóre. V. Gaudéte in Dómino semper; modéstia vestra nota sit ómnibus homínibus: Dóminus enim prope est. * Exsultáte. Glória. * Exsultáte. *Ps. 2. Philip. 4.*

Lectio IX. Cap. 4.

Léctio sancti Evangélíi secundum Lucam,

Socrus Petri ad suorum preces sanata.

IN illo témpore; Surgens Jesus de Synagóga, introívit in domum Simónis. Socrus autem Simónis tenebátur magnis fébribus; et rogavérunt illum pro ea. Et réliqua.

Homília sancti Ambrósii Epíscopi. *Lib. de Viduis. Cap. 9. n. 54, 55, 56.*

MAGNIS, inquit Evangelista, tenebátur fébribus, et rogavérunt Jesum pro ea. Et tu habes próximos, qui pro te súpplicent. Habes Apóstolos próximos, habes Mártyres próximos, si in ipsa Martyribus devotiónis societáte, misericórdiæ quoque munéribus appropinques; próximos est enim qui misericórdiam facit. Obsecrandi sunt Angeli pro nobis, qui nobis ad præsidium dati sunt: Mártyres obsecrandi, quorum vidémur nobis quodam córporis pignore patrocínium vindicáre. Possunt pro peccátis rogáre nostris, qui próprio ságuine, etiam si qua habuérunt peccáta, lavérunt: isti enim sunt Dei Mártyres, nostri præsules, speculatóres vitæ actuumque nostrórum. Non erubescámus eos intercessóres nostræ infirmitátis adhibére; quia ipsi infirmitates córporis étiam cum víncerent, cognovérunt. Invénit ergo Petri socrus qui pro se rogarent. Et tu ínvenis qui pro te súpplicent.

R. Oráte Deum ómnium,

qui magna fecit in omni terra: det nobis jucunditatem cordis, et fieri pacem in diebus nostris in Israel,* Per dies sempiternos. *℟.* Oráte pro nobis ut sermo Dei currat, et clarificetur, sicut et apud vos,* Per. Glória. *Repet. ℟.* Oráte, usque ad *℣.* Eccli. 50. *Thess. 3.*

AD LAUDES.

Psalmi de Dominica; cetera ut in Proprio vel in Communi, exceptis quæ sequuntur.

Deficiente Oratione propria, dicitur sequens

Oratio Sacr. Greg.

DA quæsumus, omnipotens Deus; ut qui beāti (*vel* beátæ) N. solémnia cólimus, ejus apud te patrocínia sentiámus; Per Dóminum.

Fit sola Commemoratio de Dominica occurrente.

AD HORAS, Psalmi de Dominica.

Doxologia atque cetera ut in Proprio, vel in Communi, addito duplici Allelúia ad ℟. ℟. ℟. br. Tertie, Sextæ et Nonæ.

AD PRIMAM.

Canon.

Ex Concílio Cameracensi.

¶ Festa secundaria Patroni, qualis Ordinatio, Inventio, Translatio, etc., vulgo celebrantur sub ritu Solemni-majori; in hoc casu servantur Rubricæ, supra pro Festo primario præscriptæ, dempto ritu Annuali.

An. 1565. Tit. 19. de Sanctis. Cap. 4.

PRÆCES fidélium analógiám et proportiónem fidei sequantur. Quare admoneantur popúlæres minus docti, ut, cum Sanctórum Memórias visitant, et eórum auxiliúm implórant, ac christiána consuetúdi-ne oratió-nem Domí-nicam récitant, intélligant se eam, non ad Sanctos, sed ad Deum dirígere, adjunctis sibi comprecatóribus Sanctis.

AD II VESPERAS.

Quatuor primi Psalmi de Dominica; quintus vero, Laudáte Dóminum, omnes gentes, 116.

Cetera ut in Proprio vel in Communi.

AD COMPLETORIUM.

Psalmi de Dominica.

Ant. 2. A. Absit a me ut cessem oráre pro vobis. 1. Reg. 12.

Ad Hymnum, Doxologia ut in Proprio vel in Communi, pro Duplicibus et supra.

Ad Nunc dimittis. Ant. 7. G. Et nunc commendo vos Deo et verbo grátie ipsíus. Act. 20.

LITANIÆ SS. NOMINIS JESU,

QUAS DEVOTE RECITANTIBUS SIXTUS IV CONCESSIT
300 INDULGENTIARUM DIES.

Turris fortissima, Nomen Domini; ad ipsum curret justus, et exaltabitur. Prov. 18.

K YRIE, eléison. Christe,	Jesu bone Pastor,	mis.
eléison. Kyrie, eléison.	Jesu lux vera,	mis.
Jesu, audi nos.	Jesu sapiéntia æterna,	mis.
Jesu, exaudi nos.	Jesu bonitas infiníta,	mis.
Pater de cœlis, Deus, mise-	Jesu via et vita nostra,	mis,
rére nobis.	Jesu gáudium Angelórum	
Fili Redemptor mundi, Deus,	miserére nobis.	
miserére nobis.	Jesu rex Patriarchárum,	mis.
Spiritus sancte, Deus, mis.	Jesu inspirátor Prophetá-	
Sancta Trínitas, unus Deus,	rum, miserére nobis.	
miserére nobis.	Jesu magister Apostolórum,	
Jesu Fili Dei vivi,	miserére nobis.	
Jesu splendor Patris,	Jesu doctor Evangelistárum,	
Jesu candor lucis æternæ,	miserére nobis.	
miserére nobis.	Jesu fortitúdo Mártýrum,	mis.
Jesu Rex glóriæ,	Jesu lumen Confessórum,	
Jesu sol justítiæ,	miserére nobis.	
Jesu Fili Mariæ Vírginis,	Jesu puritas Vírginum,	mis.
Jesu admirábilis,	Jesu coróna Sanctórum óm-	
Jesu Deus fortis,	nium, miserére nobis.	
Jesu Pater futúri séculi,	Propítius esto, parce nobis,	
Jesu magni consílii Angele,	Jesu.	
miserére nobis.	Propítius esto, exaudi nos,	
Jesu potentíssime,	Jesu.	
Jesu patientíssime,	Ab omni malo, líbera nos,	
Jesu obedientíssime,	Jesu.	
Jesu mitis et húmilis corde,	Ab omni peccáto,	líbera.
miserére nobis.	Ab ira tua, líbera nos, Jesu.	
Jesu amátor castitátis,	Ab insídiis diaboli,	líbera.
Jesu amátor noster,	A spíritu fornicatiónis, líbera.	
Jesu Deus pacis,	A morte perpétua,	líbera.
Jesu auctor vitæ,	A neglectu inspiratiónum tuá-	
Jesu exemplar virtútum,	rum, líbera nos, Jesu.	
Jesu zelátor animárum,	Per mystérium sanctæ Incar-	
Jesu Deus noster,	natiónis tuæ,	líbera.
Jesu refúgium nostrum,	Per Nativitátem tuam, líbera.	
Jesu Pater páuperum,	Per Infántiam tuam,	líbera.
Jesu thesaurus fidélium,		

c.

Per divinissimam Vitam tuam,
libera nos, Jesu.

Per Labóres tuos, libera.

Per Agóniam et Passiónem
tuam, libera nos, Jesu.

Per Crucem et derelictiónem
tuam, libera nos, Jesu.

Per Languóres tuos, libera.

Per Mortem et Sepultúram
tuam, libera nos, Jesu.

Per Resurrectiónem tuam, li-
bera nos, Jesu.

Per Ascensiónem tuam, libe-
ra nos, Jesu.

Per Gáudia tua, libera.

Per Glóriam tuam, libera.

Per dulcíssimam Virginem
Mariam Matrem tuam, li-
bera nos, Jesu.

Agnus Dei, qui tollis peccáta
mundi, parce nobis, Jesu.

Agnus Dei, qui tollis peccáta
mundi, exaudi nos, Jesu.

Agnus Dei, qui tollis peccáta
mundi, miserére nobis,
Jesu.

Jesu audi nos.

Jesu exaudi nos.

✠. Confitébimur tibi, Deus;
R. Et invocábimus nomen
tuum. Ps. 74.

Oratio Brev. Paris.

DOMINE Jesu, cujus Nomen
nemo dicere potest, nisi in
Spíritu sancto; concede, qua-
sumus, ut in eódem Spíritu
sacratíssimum Nomen tuum
invocantes salvos fácias a pec-
cátis; Qui vivis et regnas.....
in unitate.

LITANIÆ BEATÆ MARIÆ VIRGINIS,

QUAS DEVOTE RECITANTIBUS PIUS VII CONCESSIT
300 INDULGENTIARUM DIES.

Totum nos habere voluit Deus per Mariam. S. Bern.

KYRIE, eléison. Christe,
eléison. Kyrie, eléison.

Christe audi nos.

Christe exaudi nos.

Pater de coelis, Deus, mise-
rére nobis.

Fili Redemptor mundi, Deus,
miserére nobis.

Spiritus sancte, Deus, mise-
rére nobis.

Sancta Trínitas, unus Deus,
miserére nobis.

Sancta María, ora pro nobis.

Sancta Dei Génitrix, ora.

Sancta Virgo Vírginum, ora.

Mater Christi, ora.

Mater divínæ grátiae, ora.

Mater puríssima, ora.

Mater castíssima, ora.

Mater invioláta, ora.

Mater intemeráta, ora.

Mater amábilis, ora.

Mater admirábilis, ora.

Mater Creatóris, ora.

Mater Salvatóris, ora.

Virgo prudentíssima, ora.

Virgo veneranda, ora.

Virgo prædicanda, ora.

Virgo potens, ora.

Virgo clemens, ora.

Virgo fidélis,	ora.	Agnus Dei, qui tollis peccáta
Spéculum justítiae,	ora.	mundi, parce nobis, Dó-
Sedes Sapiéntiae,	ora.	mine.
Causa nostræ lætítiae,	ora.	Agnus Dei, qui tollis peccáta
Vas spirituále,	ora.	mundi, exaudi nos, Dó-
Vas honorábile,	ora.	mine.
Vas insigne devotiónis,	ora.	Agnus Dei, qui tollis peccáta
Rosa mystica,	ora.	mundi, miserére nobis.
Turris Davidica,	ora.	Christe, audi nos.
Turris ebúrnea,	ora.	Christe, exaudi nos.
Domus áurea,	ora.	Ÿ. Ora pro nobis, sancta
Fœderis arca,	ora.	Dei Génitrix; ꝑ. Ut digni
Jánua cœli,	ora.	efficiámur promissionibus
Stella matutína,	ora.	Christi.
Salus infirmórum,	ora.	
Refúgium peccatórum,	ora.	<i>Oratio Sacr. Rom.</i>
Consolátrix afflictórum,	ora.	D A, quæsumus, Dómine,
Auxílium Christianórum,	ora.	pópulo tuo inviolábilem fidei
Regína Angelórum,	ora.	firmitatem; ut, qui Unigéni-
Regína Patriarchárum,	ora.	tum tuum in tua tecum glóriâ
Regína Prophetárum,	ora.	sempiternum, in veritate nos-
Regína Apostolórum,	ora.	tri cörperis natum de matre
Regína Mártyrum,	ora.	Virgine confitentur, per ejus-
Regína Confessórum,	ora.	dem sanctíssimæ Vírginis in-
Regína Vírginum,	ora.	tercessiõem, et a præsentí-
Regína Cleri,	ora.	bis liberentur adversis, et
Regína Sanctórum ómnium,		mansúris gáudiis inserantur;
ora pro nobis.		Per eundem Christum.

LITANIÆ SANCTORUM.

K YRIE, eléison. Christe,	Sancta María, ora pro nobis.
eléison. Kyrie, eléison.	Sancta Dei Génitrix, ora.
Christe, audi nos.	Sancta Virgo Vírginum, ora.
Christe, exaudi nos.	Sancte Mícheal, ora.
Pater de cœlis, Deus, mise-	Sancte Gábriel, ora.
rére nobis.	Sancte Ráphael, ora.
Fili Redemptor mundi, Deus,	Omnes sancti Angeli et Ar-
miserére nobis.	chángeli, oráte pro nobis.
Spirítus sancte, Deus, mise-	Omnes sancti beatórum Spi-
rére nobis.	rituum Ordines, oráte.
Sancta Trínitas, unus Deus,	Sancte Joannes Baptista, ora.
miserére nobis.	Sancte Joseph, ora.

Sancte Jóachim,	ora.	Sancte Athanási,	ora.
Omnes sancti Patriarchæ et		Sancte Básili,	ora.
Prophætæ, oráte pro nobis.		Sancte Gregóri Nazianzéne,	ora.
Sancte Petre, ora pro nobis.			ora.
Sancte Paule,	ora.	Sancte Ambrósi,	ora.
Sancte Andréa,	ora.	Sancte Joannes Chrysóstome,	ora.
Sancte Jacóbe (<i>Zeb.</i>),	ora.		ora.
Sancte Joannes,	ora.	Sancte Hierónyme,	ora.
Sancte Thoma,	ora.	Sancte Augustíne,	ora.
Sancte Jacóbe,	ora.	Sancte Cæsari,	ora.
Sancte Philippe,	ora.	Sancte Bernarde,	ora.
Sancte Bartholomæe,	ora.	Sancte Thoma Aquinas,	ora.
Sancte Matthæe,	ora.	Omnes sancti Doctóres et	
Sancte Simon,	ora.	Confessóres Christi, oráte.	
Sancte Thaddæe,	ora.	Sancte Sanctíne,	ora.
Sancte Matthía,	ora.	Sancte Antoníne,	ora.
Sancte Bárnaba,	ora.	Sancte Rigómere,	ora.
Sancte Marce,	ora.	Sancte Faro,	ora.
Sancte Luca,	ora.	Sancte Hildeverte,	ora.
Omnes sancti Apóstoli et E-		Sancte Ebrigísile,	ora.
vangelistæ, oráte pro nobis.		Sancte Gilberte,	ora.
Omnes sancti Discípuli Dó-		Sancte Germáne (<i>Paris.</i>),	ora.
mini,	oráte.	Sancte Lupe,	ora.
Omnes sancti Innocentes,		Sancte Martíne,	ora.
	oráte.	Sancte Rémigí,	ora.
Sancte Stéphane,	ora.	Sancte Nicolæ,	ora.
Sancte Clemens,	ora.	Sancte Audoéne,	ora.
Sancte Fabiáne,	ora.	Sancte Fortunáte,	ora.
Sancte Irenæe, cum Sóciis		Sancte Edmunde,	ora.
tuis,	ora.	Sancte Norberte,	ora.
Sancte Diónysi, Pater fidei		Sancte Cárole,	ora.
nostræ,	ora.	Sancte Francisce Salési,	ora.
Sancti Saviniáne et Poten-		Omnes sancti Pontífices, oráte.	
tiáne,	oráte.	Sancte Paule,	ora.
Sancte Laurenti,	ora.	Sancte Antóni,	ora.
Sancte Vincenti,	ora.	Sancte Maturíne,	ora.
Sancte Mauríci, cum Sóciis		Sancte Severíne,	ora.
tuis,	ora.	Sancte Aspási,	ora.
Sancte Sebastíane,	ora.	Sancte Leóni,	ora.
Sancti Felix et Felicíssime,		Sancte Benedicte,	ora.
	oráte.	Sancte Fiácri,	ora.
Omnes sancti Mártýres, oráte.		Sancte Chilléne,	ora.
Sancte Leo,	ora.	Sancte Geróchi,	ora.
Sancte Gregóri (<i>Papa</i>),	ora.	Sancte Fursæe, cum Disci-	
Sancte Hilári,	ora.	pulis tuis,	ora.

Sancte Agile, ora.
 Sancte Patúsi, ora.
 Sancte Blandíne, ora.
 Sancte Theobalde, ora.
 Sancte Bruno, ora.
 Sancte Joannes de Matha, ora.
 Sancte Domínice, ora.
 Sancte Francisce Assísinas, ora.

Sancte Francisce Xáveri, ora.
 Sancte Ignáti Lóyolæ, ora.
 Sancte Vincenti a Paulo, ora.
 Omnes sancti Sacerdótes, orá-
 te pro nobis.

Omnes sancti Mónachi et
 Eremítæ, oráte.
 Sancte Autári, ora.
 Sancte Ludovíce, ora.
 Sancte Roche, ora.
 Sancte Alóysi Gónzaga, ora.
 Omnes sancti Cléríci et Láici,
 oráte.

Sancta Anna, ora.
 Sancta María Magdaléne, ora.
 Sancta Thecla, ora.
 Sanctæ Perpétua et Felícitas,
 oráte.

Sancta Agatha, ora.
 Sancta Lúcia, ora.
 Sancta Agnes, ora.
 Sancta Cæcília, ora.
 Sancta Fides, ora.
 Sancta Catharína, ora.
 Sancta Celínia, ora.
 Sancta Alda, ora.
 Sancta Genovéfa, ora.
 Sancta Fara, cum Sodálibus
 tuis, ora.

Sancta Theodechildis, ora.
 Sancta Bertilla, ora.
 Sancta Therésia, ora.
 Sancta Mónica, ora.
 Sancta Paula, ora.
 Sancta Clotildis, ora.
 Sancta Bathildis, ora.

Sancta Joanna Francisca, ora.
 Omnes sanctæ Virgines et
 Víduæ, oráte pro nobis.
 Omnes Sancti et Sanctæ Dei,
 intercédite pro nobis.

DEPRECATIONES.

Propítius esto, parce nobis,
 Dómine.

Propítius esto, exaudi nos,
 Dómine.

Ab omni malo, líbera nos,
 Dómine.

Ab omni peccáto, líbera.

Ab ira tua, líbera.

A subitánea et improvísá
 morte, líbera.

Ab insidiis diáboli, líbera.

Ab immundis cogitatiónibus,
 líbera.

A spírítu fornicatiónis, líbera.

Ab ira, et ódio, et omni

mala voluntáte, líbera.

A fúlgure et tempestáte,

líbera nos, Dómine.

A morte perpétua, líbera.

OBSECRATIONES.

Per mystérium sanctæ Incar-
 nationis tuæ, líbera.

Per Adventum tuum, líbera.

Per Nativitátem tuam, líbera

nos, Dómine.

Per Baptismum et sanctum

Jejúniúm tuum, líbera.

Per Crucem et Passiónem

tuam, líbera.

Per Mortem et Sepultúram

tuam, líbera.

Per sanctam Resurrectiónem

tuam, líbera.

Per admirábilem Ascensiónem

tuam, líbera.

Per adventum Spírítus sancti

Paracléti, líbera.

In die judícii, líbera.

PETITIONES.

Peccatores, te rogamus, audi nos.
 Ut ad veram poenitentiam nos perdúcere digneris, te rogamus, audi nos.
 Ut remissionem peccatorum nostrorum nobis dones, te rogamus, audi nos.
 Ut compunctionem cordis, fontemque lacrymarum nobis dones, te rogamus, audi nos.
 Ut fidem, spem et caritatem nobis dones, te.
 Ut Ecclesiam tuam sanctam regere et conservare digneris, te rogamus.
 Ut Domnum Apostolicum, et omnes gradus Ecclesiae in sancta religione conservare digneris, te.
 Ut Antistitem nostrum, et omnes congregationes illi commissas, in tuo sancto obsequio conservare digneris, te.
 Ut Regem nostrum custodire digneris, te.
 Ut inimicos sanctae Ecclesiae humiliare digneris, te.
 Ut Régibus et Principibus Christianis pacem et veram concordiam donare digneris, te.
 Ut cuncto populo Christiano pacem et unitatem largiri digneris, te.
 Ut nosmetipsos in tuo sancto servitio confortare et conservare digneris, te.
 Ut mentes nostras ad coelestia desideria erigas, te.
 Ut omnibus benefactoribus

nostris sempiterna bona retribuas, te.
 Ut animas nostras, fratrum, propinquorum, et benefactorum nostrorum ab aeterna damnatione eripias, te.
 Ut fructus terrae dare et conservare digneris, te.
 Ut omnibus fidelibus defunctis requiem aeternam donare digneris, te.
 Ut nos exaudire digneris, te.
 Fili Dei, te rogamus, audi nos.
 Agnus Dei, qui tollis peccata mundi, parce nobis, Domine.
 Agnus Dei, qui tollis peccata mundi, exaudi nos, Domine.
 Agnus Dei, qui tollis peccata mundi, miserere nobis.
 Christe, audi nos.
 Christe, exaudi nos.
 Kyrie, eléison. Christe, eléison. Kyrie, eléison.
 Pater noster, *usque ad* γ.
 Et ne nos inducas in tentationem; ϩ. Sed libera nos a malo.
 γ. Domine, non secundum peccata nostra facias nobis: ϩ. Neque secundum iniquitates nostras retribuas nobis. *Ps.* 102.
 γ. Esto nobis, Domine, turris fortitudinis, ϩ. A facie inimici. *Ps.* 60.
 γ. Oremus pro universa Ecclesia. ϩ. Memor esto congregationis tuae, quam possedisti ab initio. *Ps.* 73.
 γ. Pro Papa nostro *N.* ϩ. Notam faciat, Domine, filiis hominum gloriam mag-

nificentiæ regni tui. *Ps.* 144.

†. Pro Antistite nostro *N.* R. Dominus conservet eum, et vivificet eum. *Ps.* 40.

†. Pro Rege nostro *N.* R. Domine, saluum fac Regem; et exaudi nos in die qua invocaverimus te. *Ps.* 19.

†. Pro cuncto Pópulo. R. Saluum fac Pópulum tuum, Domine, et benedic hæreditati tuæ. *Ps.* 27.

†. Pro Benefactoribus nostris. R. Deus omnem grátiam abundare faciat in illis, et augeat incrementa frugum justitiæ illórum. *II. Cor.* 9.

†. Pro Infirmis, Afflictis, Captivis et Peregrinis. R. Libera eos, Deus, ex ómnibus tribulationibus suis. *Ps.* 24.

†. Pro Fratribus nostris abséntibus. R. Benefac, Domine, bonis et rectis corde. *Ps.* 124.

†. Pro cunctis Fidélibus defunctis. R. Educat eos Dominus in lucem, et videant justitiam ejus. *Mich.* 7.

†. Domine, exaudi orationem meam; R. Et clamor meus ad te véniat. *Ps.* 101.

†. Dominus vobiscum; R. Et cum spíritu tuo.

Orationes Brev. Præm. Sac. Greg.

OMNES sancti tui, quæsumus, Domine, nos ubique adjuvent, ut dum eórum mérita recólimus, patrocínia sentiámus.

OMNIPOTENS, sempiternæ

Deus, qui vivórum domináris simul et mortuórum, omniumque miseréris, quos tuos fide et ópere futúros esse prænoscis: te supplices exorámus, ut pro quibus effúndere preces decrevimus, quosque vel præsens séculum adhuc in carne rétinet, vel futúrum jam exátos oórpore suscepit, intercedéntibus ómnibus Sanctis tuis, pietátis tuæ cleméntia, ómnium delictórum suórum véniam consequantur; Per Dóminum.

PSALMI POENITENTIÆ.

Ps. Domine, ne in furóre, 40.

Ps. Beáti quorum remissæ sunt, 57.

Ps. Domine, ne in furóre, cum sua divisione, 109.

Ps. Miserére mei, Deus, 126.

Ps. Domine, exaudi orationem meam, cum suis divisionibus, 103.

Ps. De profundis, 73.

Ps. Domine, exaudi.... áuribus, cum sua divisione, 118.

Ant. Domine, memor esto mei, et ne vindictam sumas de peccátis meis, neque reminiscáris delicta mea, vel parentum meórum. *Tob.* 3.

Oratio Sac. Gelas.

EXAUDI, quæsumus, Domine, supplicum preces, et confiténtium tibi parce peccátis; ut quos consciéntiæ reátus accusat, indulgéntia tuæ propitiatiónis absolvat; Per Dóminum.

ORDO

COMMENDATIONIS ANIMÆ

ANTE DECESSUM.

Primum dicuntur Litaniz breves in hunc modum :

K YRIE , eléison. Christe ,	Omnes sancti Pontífices et
eléison. Kyrie , eléison.	Sacerdótes, oráte.
Sancta María, ora pro eo (<i>vel</i>	Sancte Fiácri, ora.
ea).	Omnes sancti Mónachi et
Sancte Mícheal, ora pro eo	Eremítæ, oráte.
(<i>vel</i> ea).	Sancta Anna, ora.
Omnes sancti Angeli et Ar-	Sancta María Magdaléne, ora.
chángeli, oráte.	Sancta Genovéfa, ora.
Sancte Abel, ora.	Sancta Cellínia, ora.
Omnis chorus Justórum, ora.	Sancta Fara, ora.
Sancte Abraham, ora.	Sancta Bathildis, ora.
Sancte Joannes Baptista, ora.	Omnes sanctæ Vírgines, oráte
Sancte Joseph, ora.	pro eo (<i>vel</i> ea).
Omnes sancti Patriarchæ et	Omnes Sancti et Sanctæ Dei,
Prophétæ, oráte.	intercéдите pro eo (<i>vel</i> ea).
Sancte Petre, ora.	Propítius esto, parce ei, Dó-
Sancte Paule, ora.	mine.
Sancte Andréa, ora.	Propítius esto, ádjuva eum
Sancte Joannes, ora.	(<i>vel</i> eam), Dómine.
Omnes sancti Apóstoli et	Propítius esto, libera eum
Evangelistæ, oráte.	(<i>vel</i> eam), Dómine.
Omnes sancti Discípuli Dó-	Ab ira tua, libera.
mini, oráte.	A mala morte, libera.
Omnes sancti Innocentes ,	A potestáte diáboli, libera.
oráte pro eo (<i>vel</i> ea).	A pœnis inferni, libera.
Sancte Stéphané, ora.	Per Nativitátem tuam, libera
Sancte Diónysi, ora.	eum (<i>vel</i> eam), Dómine.
Sancti Saviniáne et Poten-	Per Crucem et Passiónem tu-
tiáne, oráte.	am, libera.
Omnes sancti Mátyres, oráte	Per Labóres tuos, libera.
pro eo (<i>vel</i> ea).	Per sanctam Agóniam tuam,
Sancte Sanctíne, ora.	libera eum (<i>vel</i> eam), Dó-
Sancte Augustíne, ora.	mine.
Sancte Martíne, ora.	Per Angústias cordis tui in
Sancte Faro, ora.	Cruce, cum te a Patre de-
Sancte Maturíne, ora.	relictum clamasti, libera.

Per Mortem et Sepulturam
tuam, libera.
Per gloriósam Resurrecti-
onem tuam, libera.
Per admirábilem Ascensió-
nem tuam, libera.
Per grátiam Spíritus sancti
Paracléti, libera.
In die iudícii, libera.
Peccatóres, te rogámus, audi
nos.
Ut ei parcas, te.
Ut moriátur morte Justórum,
te.

Ut, destructa terrestri hujus
habitatiónis domo, domum
non manufactam hábeat in
cœlis, te.
Agnus Dei, qui tollis peccáta
mundi, miserere ei.
Kyrie, eléison. Christe, eléi-
son. Kyrie eléison.

*Deinde, cum in agone sui exi-
tus anxietur anima, dicitur :*

PROFICISCERE, ánima Chris-
tiána, de hoc mundo, In nó-
mine Dei Patris omnipoten-
tis, qui te creávit; In nómine
Jesu Christi Fílii Dei vivi, qui
pro te passus est; In nómine
Spíritus sancti, qui in te ef-
fusus est. Egredienti de cór-
pore áditus tibi páteat ad Si-
on montem, civitátem Dei
viventis, Jerúsalem cœlestem,
et multórum Angelórum fre-
quéntiam, et Ecclésiám pri-
mitivórum qui conscripti
sunt in cœlis. Exsurgat Deus,
et dissipentur omnes potes-
tates tenebrárum; fúgiant
cuncta spirituália nequítiae
in cœlestibus, et ovem pre-
tíoso Christi ságuine re-

demptam violáre non áude-
ant. Líberet te a cruciátu
Christus, qui pro te cruci-
fixus est. Líberet te ab æterna
morte Christus, qui pró te
mori dignátus est : ovem su-
am te bonus Pastor agnoscat,
atque in electórum suórum
grege constituat. Redemptó-
rem tuum fácie ad fáciem ví-
deas; et præsens semper ad-
sistens manifestíssimam beá-
tis óculis adspicias Veritátem
in sécula seculórum. *R.* Amen.

COMMENDAMUS tibi, Dómi-
ne, ánimam fámuli tui (*vel*
fámulae tuæ); precamurque
te, Dómine Jesu Christe, Sal-
vátor mundi, ut, propter
quam ad terram misericór-
diter descendisti, eam in pace
suscípias, et in sinu Abrahæ
per manus sanctórum Ange-
lórum collocáre dignéris. Ag-
nosce, Dómine Jesu, creatú-
ram tuam, per te renátam ex
aqua et Spíritu sancto, cou-
secrátam signo Crucis tuæ,
nutrítam Córpore et Sanguine
tuo, et in Ecclésiæ tuæ sinu
verbo veritátis instructam.
Ne péreat prétium quod pro
ejus æterna redemptione per-
solvisti. Delicta juventútis
ejus et ignorántias clementer
indulge. Ne memíneris ini-
quitátum ejus antiquárum,
quas suscitávit furor malí
desidérii : sed memento mi-
seratiónum tuárum, et glóriæ
Nóminis tui. Licet enim pec-
cáverit, tamen in te sperávit
et crédidit, teque Deum et
Salvátorem suum una cum

Patre et Spíritu sancto fídeliter adorávit. *R.* Amen.

Líbera, Dómine, ánimam ejus ex ómnibus periculis inferni, et de láqueis pœnarum, et ex ómnibus tribulatióibus. *R.* Amen.

Líbera, Dómine, ánimam ejus, sicut liberasti Enoch et Elíam de commúni morte mundi. *R.* Amen.

Líbera, Dómine, ánimam ejus, sicut liberasti Noe de dilúvio. *R.* Amen.

Líbera, Dómine, ánimam ejus, sicut liberasti Abraham de Ur Chaldæórum. *R.* Amen.

Líbera, Dómine, ánimam ejus, sicut liberasti Job de passióibus suis. *R.* Amen.

Líbera, Dómine, ánimam ejus, sicut liberasti Isaac de hóstia, et de manu patris sui Abrahæ. *R.* Amen.

Líbera, Dómine, ánimam ejus, sicut liberasti Lot de Sódomis, et de flamma ignis. *R.* Amen.

Líbera, Dómine, ánimam ejus, sicut liberasti Móysen de manu Pharaónis regis Ægyptiórum. *R.* Amen.

Líbera, Dómine, ánimam ejus, sicut liberasti Daviélem de lacu leónum. *R.* Amen.

Líbera, Dómine, ánimam ejus, sicut liberasti tres púeros de camíno ignis ardentis, et de manu regis iníqui. *R.* Amen.

Líbera, Dómine, ánimam ejus, sicut liberasti Susannam de falso crímine. *R.* Amen.

Líbera, Dómine, ánimam ejus, sicut liberasti David de

manu regis Saül, et de manu Góliath. *R.* Amen.

Líbera, Dómine, ánimam ejus, sicut liberasti Petrum et Paulum de carcéribus. *R.* Amen.

Kyrie, eléison. Christe, eléison. Kyrie, eléison.

Pater, *etc.* *Ÿ.* Et ne nos indúcas in tentatióem; *R.* Sed líbera nos a malo.

Ÿ. Salvum me fac, Deus; *R.* Quóniam intravérunt aquæ usque ad ánimam meam. *Ps.* 68.

Ÿ. In multitudine misericórdiæ tuæ exaudi me, *R.* In veritate salútis tuæ. *Ps.* 68.

Ÿ. Eripe me de luto, ut non infígar: *R.* Líbera me ab iis qui odérunt me, et de profundis aquárum. *Ps.* 68.

Ÿ. Non me demergat tempestas aquæ, neque absórbeat me profundum: *R.* Neque úrgeat super me púteus os suum. *Ps.* 68.

Ÿ. Exsurge in adiutoriúm mihi: *R.* Dic ánimæ meæ, Salus tua ego sum. *Ps.* 34.

Ÿ. Fac mecum signum in bonum, ut vídeant qui odérunt me, et confundantur; *R.* Quóniam tu, Dómine, adjuvisti me, et consolátus es me. *Ps.* 85.

Orémus.

UNIGENITE et dilecte Fili Dei vivi, qui pro redemptióne mundi voluisti inter acerbíssimos dolóres expirare: quæsumus, ut per has sanctíssimas pœnas tuas, et per crucem ac mortem tuam,

liberare digneris famulum tuum *N.* (*vel famulam tuam N.*) a pœnis inferni, et perducere quo perduxisti latronem tecum crucifixum; Qui cum Patre et Spiritu sancto vivis et regnas Deus. *R.* Amen.

✠. Cor meum conturbatum est in me: *R.* Et formido mortis cecidit super me. *Ps.* 54.

✠. Timor et tremor venerunt super me: *R.* Et contexerunt me tenebræ. *Ps.* 54.

✠. Ego autem in te speravi, Domine; *R.* Dixi: Deus meus es tu; in manibus tuis sortes meæ. *Ps.* 30.

✠. Illumina oculos meos, ne unquam obdormiam in morte; *R.* Nequando dicat inimicus meus: Prævalui adversus eum. *Ps.* 12.

✠. Custodi animam meam, et erue me: *R.* Non erubescam; quoniam speravi in te. *Ps.* 24.

Orémus.

DOMINE Jesu Christe, clementiam tuam humiliter imploramus, per illam animæ tuæ tristitiam usque ad mortem, et per agóniam quam, instante Passione, pertulisti, quando factus est sudor tuus sicut guttæ sanguinis decurrentis in terram: succurre famulo tuo (*vel famulæ tuæ*) *N.* in agóne mortis constituto (*vel constitutæ*): tuere eum (*vel eam*) in hac hora contra diabólicos incursus: libera eum (*vel eam*) a mortis imminentis terróribus, et de

peccatorum suorum consciéntia formidantem, fac eum (*vel eam*) de misericórdiæ tuæ immensa largitáte secúrum (*vel secúram*); Qui vivis et regnas Deus. *R.* Amen.

✠. Vide, Dómine, humilitatem meam et labórem meum: *R.* Et dimitte universa delicta mea. *Ps.* 24.

✠. Quis dabit mihi pennas sicut columbæ? *R.* Et volabo, et requiescam. *Ps.* 54.

✠. Moriátur ánima mea morte Justórum: *R.* Et fiant novíssima mea horum simília. *Num.* 23.

Orémus.

MEMOR esto, piíssime Dómine Jesu, illius horæ in qua de cruce pendens, clamasti voce magna: Deus meus, Deus meus, ut quid dereliquisti me? et iterum: Pater, in manus tuas commendo spiritum meum; et hæc dicens exspirasti. Per istam ergo pretiosissimam mortem quæ vita nostra fuit, obsecramus clementiam tuam, ut non derelinquas in hac hora famulum tuum (*vel famulam tuam*) *N.* cujus præter te nullus est auxiliátor álius; sed suscipere digneris spiritum ejus, et introducere in regnum tuum, ubi te, cum Deo Patre et Spiritu sancto, perpétua caritáte diligit, et cum Sanctis et electis in æternum cantet misericórdias tuas. *R.* Amen.

Finita præcedenti Oratione, et egressa anima, statim dicitur R. In te, Dómine, speravi, cum

versibus et Oratione, ut infra.

Si autem adhuc anxiatur anima, recitantur sequentes Psalmi, vel eorum pars, prout necesse erit.

Ps. Dómine, quid multiplicati sunt, 2.

Ps. Deus in adiutorium meum intende, 8.

Ps. Voce mea ad Dóminum... voce mea ad Dóminum, 56.

Ps. Deus, Deus meus, respice in me, cum sua divis. 105.

Ps. Júdica, Dómine, nocentes me, cum suis divis. 48.

Ps. Deus, in nómine tuo, 97.

Ps. Miserere mei, Deus, quóniam, 110.

Ps. In te, Dómine, sperávi... in iustitia, 67.

Ps. Inclína, Dómine, aurem tuam, cum sua divisione, 127.

Ps. Dómine Deus salutis, 117.

Ps. Qui hábitat in adiutorio, 22.

Ps. Dómine, probasti me, cum sua divisione, 107.

*Egressa autem anima, dicitur R. In te, Dómine, sperávi; non confundar in æternum: accélera ut éruas me: in manus tuas commendo spíritum meum: * Redemisti me, Dómine Deus veritátis: illustra*

*fáciem tuam super servum tuum (vel ancillam tuam); salvum (vel salvam) me fac in misericórdia tua. V. Dómine Jesu, súscipe spíritum meum: * Redemisti. Ps. 30. Act. 7.*

Kyrie, eléison. Christe, eléison. Kyrie, eléison. Secreto, Pater. Alta voce, V. Et ne nos indúcas in tentatió-nem. R. Sed libera nos a malo.

V. Non intres in iudícium cum servo tuo (vel ancilla tua), Dómine; R. Quia non justificábitur in conspectu tuo omnis vivens. Ps. 142.

V. Ne tradas béstiis ánimas confitentes tibi: R. Et ánimas páuperum tuórum ne obliviscáris in finem. Ps. 73.

V. Dómine, exaudi oratió-nem meam.

V. Dóminus vobiscum.

Orémus.

TIBI, Dómine, commendamus ánimam fámuli tui (vel fámulæ tuæ) N. ut defunctus (vel defuncta) século, tibi vivat: et quæ per fragilitatem humanæ conversationis peccáta commísit, tu, vénia misericordíssimæ pietátis absterge; Per Christum Dóminum nostrum. R. Amen.

OFFICIUM DEFUNCTORUM.

Quælibet Hora sequentis Officii inchoatur absolute.

In hoc Officio, in fine Psalmorum et Canticorum, loco Gló-ria Patri, dicitur versus: Ré-

*quiem æternam dona eis, Dómine; * et lux perpétua luceat eis.*

AD VESPERAS.

In Ps. Dilexi, 38.

Ant. 3. c. O Dómine, libera ánimam meam.

In Ps. Ad Dóminum, cum tribulárer, 55.

Ant. 2. D. Heu mihi, quia incolátus meus prolongátus est!

In Ps. Levávi óculos meos, 38.

Ant. 8. d. Auxílium meum a Dómino, qui fecit cælum et terram.

In Ps. De profundis, 73.

Ant. 8. G. Si iniquitátes observáveris, Dómine; Dómine, quis sustinébit?

In Ps. Confitébor tibi, Dómine... quóniam audisti, 89.

Ant. 2. D. Opera mánuum tuárum, Dómine, ne despicias.

Continuo dicitur :

Ad Magnificat. Ant. 1. a. Omne quod dat mihi Pater, ad me véniet; et eum qui venit ad me, non ejíciam foras. Joan. 6.

Secreto, Pater : clara voce : ✠. Et ne nos indúcas in tentatiónem; R. Sed líbera nos a malo.

✠. In memóriá æterna erunt justí; R. Ab auditióne mala non timébunt. Ps. 111.

✠. A porta ínferi R. Erue, Dómine, ánimas eórum. Ps. 88.

✠. Credo vidére bona Dómini, R. In terra vivéntium. Ps. 26.

✠. Requiescant in pace. R. Amen.

✠. Dómine, exaudi oratió-nem meam; R. Et clamor meus ad te véniat. Ps. 101.

✠. Dóminus vobiscum; R. Et cum spíritu tuo.

Pro Papa :

Oratio Miss. Rom.

DEUS, qui inter summos Sacerdótes, fámulum tuum *N.* ineffábili tua dispositiõe connumerári voluisti : præsta, quæsumus, ut, qui unigéniti Fílii tui vices in terris gerébat, sanctórum tuórum Pontíficum consórtio perpétuo aggregétur; Per Dóminum nostrum Jesum Christum Fílium tuum, qui tecum vivit et regnat in unitáte Spíritus sancti Deus; per ómnia sécula seculórum. R. Amen.

Pro DD. Episcopo Meldensi :

Oratio Brev. Petroc.

DEUS, qui fámulum tuum *N.* Pontíficem nostrum ad ápicem Sacerdotií evectum, de corpore mortis hujus educere voluisti : súscipe propítius preces nostras; et præsta ut ánima ejus tremendi óneris póndere liberáta, ad thronum glóriæ tuæ récipi, et tecum in eo sedére mereátur; Per Dóminum.

Pro alio Episcopo :

Oratio Sacr. Leon.

DEUS, qui inter Apostólicos Sacerdótes fámulum tuum *N.* Pontificáli fecisti dignitáte vigére : præsta, ut eórum quoque perpétuo aggregétur consórtio; Per Dóminum.

Pro Sacerdote :

Oratio Brev. Petroc.

DEUS, qui fámulo tuo *N.*

Sacerdóti, onus ipsis angélicis Spíritibus formidandum imposuisti; præsta, quæsumus, ut qui gravi múnere functus est in terris, uberiori misericórdiæ tuæ beneficio sublevétur in cœlis; Per Dóminum.

Orationes præcedentes dicentur in plurali, si dicantur pro pluribus.

Pro Defuncto :

(Pro Diacono, ad litteram N. additur Diáconi.)

Oratio Sacr. Gelas.

INCLINA, Dómine, aurem tuam ad preces nostras, quibus misericórdiam tuam supplices deprecámur; ut ánimam fámulí tui *N.* quam de hoc século migráre iussisti, in pacis ac lucis regiône constituas, et Sanctorum tuorum júbeas esse consortem; Per Dóminum.

Pro Defuncta :

Oratio Miss. Rom.

QUESUMUS, Dómine, pro tua pietáte miserere ánimæ fámulæ tuæ *N.* et eam a contágiis mortalitátis exútam, in æternæ salvatiónis partem restítue; Per Dóminum.

Pro pluribus diversi aut ejusdem sexus :

Oratio Miss. Paris.

DEUS, in cujus óculis non est innocens étiam laudábilis hóminum vita, si remóta mi-

sericórdia discútias eam; ne exquíras peccáta animárum quas tibi commendámus; sed quam fiduciáliter sperámus ac pétimus, fac eas apud te indulgéntiam inveníre; Per Dóminum.

Pro Fratribus, Sororibus, Propinquis et Benefactoribus :

Oratio Sacr. Grimold.

DEUS, véniæ largítor, et humanæ salutis amátor : quæsumus cleméntiam tuam, et nostræ congregatiónis fratres, propinquos, et benefactóres, qui ex hoc século transiérunt, beáta María semper vírgine intercedente cum ómnibus Sanctis tuis, ad perpétuæ beatitúdinis consórtium perveníre concédas; Per Dóminum.

Pro omnibus defunctis :

Oratio Sacr. Gelas.

FIDELIUM Deus ómnium cónditor et redemptor, animábus famulórum famularumque tuárum remissionem cunctórum tríbue peccatórum; ut indulgéntiam quam semper optavérunt, piis supplicatióibus consequantur; Qui vivis.

IN ANNIVERSARIIS, loco præcedentium Orationum, dicitur sequens

Oratio Sacr. Gelas.

DEUS indulgentiárum, Dó-

mine, da ánimæ* famuli tui *N.* (Sacerdotis, vel Pontificis) (vel famulæ tuæ *N.*) cujus (vel animabus famulorum tuorum *N.* et *N.* quorum) (vel famularum tuarum *N.* et *N.* quarum) anniversarium depositionis diem commemoramus, refrigerii sedem, quietis beatitudinem, et luminis claritatem; Per Dóminum.

¶ *Privatim pro Patre et Matre, etiam in Anniversariis. (Si pro Patre, vel Matre tantum, dicitur animæ.... ejusque.... eum vel eam.)*

Oratio Miss. Rom.

Deus, qui nos Patrem et Matrem honorare præcepisti: miserere clementer animabus Patris mei ac Matris meæ, eorumque peccata dimitte; meque eos in æternæ claritatis gaudio fac videre; Per Dóminum.

✠ Dóminus vobiscum; *R.* Et cum spíritu tuo.

✠ Requiescant in pace. *R.* Amen.

AD VIGILIAS.

*Invit. Deum cui omnes vivunt, * Veníte, adorémus. Luc. 20.*

*Ps. Veníte, 129. in cujus fine, loco Glória Patri, dicitur: Réquiem æternam dona eis, Dómine; * et lux perpétua luceat eis.*

Quando unicum dicitur Nocturnum, sumitur primum, pro Feria II et V; secundum pro

Feria III et VI; et tertium pro Feria IV et Sabbato.

Tempore Paschali, Vigiliæ dicuntur semper cum uno Nocturno.

IN I NOCTURNO.

FERIA II ET V.

In Ps. Verba mea áuribus percipe, 64.

Ant. 7. c. Dómine, deduc me in justítia tua: propter inimicos meos dirige in conspectu tuo viam meam.

In Ps. Dómine, ne in furore tuo.... Miserere, 40.

Ant. 8. G. Salvum me fac propter misericórdiam tuam; quóniam non est in morte qui memor sit tui.

In Ps. Usquequo, Dómine, 57.

Ant. 3. c. Illúmina óculos meos, ne unquam obdormiam in morte.

✠ Ne tradas béstiis ánimas confitentes tibi; *R.* Et ánimas pauperum tuorum ne obliviscáris in finem. *Ps. 73.*

Submissiori voce dicitur, Pater noster; continuatur secreto; clara voce, ✠. Et ne nos inducas in tentationem; R. Sed libera nos a malo.

Lectiones leguntur, sine Benedictionibus et sine titulo.

Lectio I. Job, 7.

PARCE mihi, nihil enim sunt dies mei. Quid est homo, quia magnificas eum? aut quid appónis erga eum cor tuum? Vísitas eum dilúculo,

et súbito probas illum. Usquequo non parcis mihi; nec dimittis me, ut glútiám salívam meam? Peccávi: quid fáciám tibi, o custos hóminum? Quare posuisti me contrárium tibi, et factus sum mihi-metipsi gravis? Cur non tollis peccátum meum? et quare non aufers iniquitátem meam? Ecce nunc in púlvere dórmiam; et si mane me quæ-síseris, non subsistam. *In fine Lectionum nihil additur.*

R. Defecérunt sicut fumus dies mei, et ossa mea sicut crémium aruérunt: * Dies mei sicut umbra declinavérunt. †. Quæ est vita nostra? Vapor est ad módicum parens. * Dies. *Ps. 101. Jac. 4.*

Lectio II. Job, 10.

TÆDET ánimam meam vitæ meæ: dimittam adversum me elóquium meum, loquar in amaritúdine ánimæ meæ. Dicam Deo: Noli me condemnáre; índica mihi cur me ita júdices. Numquid bonum tibi vidétur, si calumniéris me, et ópprimas me opus mánuum tuárum, et consílium impiórum ádjuves? Numquid óculi cárnei tibi sunt? aut sicut videt homo, et tu vidébis? Numquid sicut dies hóminis dies tui, et anni tui sicut humana sunt témpora; ut quæras iniquitátem meam, et peccátum meum scrutéris? Et scias quia nihil ímpium fécerim, cum sit nemo qui de manu tua possit erúere. Ma-

nus tuæ fecérunt me, et plasmavérunt me totum in circúitu; et sic repente præcípitas me? Memento, quæso, quod sicut lutum féceris me, et in púlverem redúces me. Nonne sicut lac mulsisti me, et sicut cáseum me coagulasti? Pelle et cárnibus vestisti me, óssibus et nervis compegisti me. Vitam et misericórdiam tribuisti mihi, et visitátio tua custodívit spíritum meum.

R. Peccávi valde; sed * Precor, Dómine, ut transféras iniquitátem servi tui, quia stulte egi nimis. †. Deus, propítius esto mihi peccatóri. * Precor. *II. Reg. 24. Luc. 18.*

Lectio III.

QUARE de vulva eduxisti me? qui útinam consumptus essem, ne óculus me vidéret. Fuissem quasi non essem, de útero translátus ad túmulum. Numquid non páucitas diérum meórum finietur brevi? Dimitte ergo me, ut plangam páululum dolórem meum, ántequam vadam, et non revertar, ad terram tenebrósam et opertam mortis calígine, terram misériæ et tenebrárum, ubi umbra mortis, et nullus ordo, sed sempiternus horror inhábitat.

R. Ad Dóminum adspiciam; expectábo Deum Salvatórem meum; consurgam cum sédero in ténebris: * Iram Dómini portábo, quóniam peccávi ei. †. Flagellat Dóminus

omnem filium quem recipit :
* *Iram. Mich. 7. Hebr. 12.*

IN II NOCTURNO.

FERIA III ET VI.

In Ps. Dominus regit me,
86.

*Ant. 6. F. In medio umbræ
mortis non timebo mala, quoniam
tu mecum es, Domine.*

*In Ps. Ad te, Domine, le-
vavi, 33.*

*Ant. 8. G. Delicta juventutis
meæ, et ignorantias meas ne
memineris, Domine.*

*In Ps. Dominus illuminatio
mea, 85.*

*Ant. 4. E. Credo videre bo-
na Domini in terra viventium.*

✠. Unam petii a Domino,
hanc requiram; ✠. Ut inhá-
bitem in domo Domini. *Ps. 26.*

Lectio IV. Job, 13.

QUANTAS hábeo iniquitates
et peccata, scélera mea et de-
licta ostende mihi. Cur fá-
ciem tuam abscondis, et ar-
bitráris me inimicum tuum?
Contra fólium quod vento
rápitur, ostendis poténtiam
tuam, et stípulam siccam per-
séqueris. Scribis enim contra
me amaritúdines, et consúme-
re me vis peccátis adolescén-
tiæ meæ. Posuisti in nervo
pedem meum, et observasti
omnes sémitas meas, et ves-
tígia pedum meórum conside-
rasti; qui quasi putrédo con-
sumendus sum, et quasi ves-
timentum quod coméditur a
tinea.

Autumnalis.

✠. Ecce ánimam meam por-
to in manibus meis: * Etiam-
si occiderit me, in ipso sperábo,
et ipse erit Salvátor meus.
✠. Sive vívimus, sive móri-
mur, Domini sumus: * Etiam-
si. *Job, 13. Rom. 13.*

Lectio V. Job, 14.

HOMO natus de muliere,
brevis vivens témpore, replé-
tur multis misériis. Qui quasi
flos egréditur et contéritur,
et fugit velut umbra, et nun-
quam in eódem statu pérma-
net. Et dignum ducis super
hujuscémodi aperíre óculos
tuos, et addúcere eum tecum
in judícium? Quis potest fá-
cere mundum de immundo
conceptum sémine? Nonne
tu qui solus es? Breves dies
hóminis sunt, número mén-
sium ejus apud te est: consti-
tuisti téminos ejus, qui præ-
teríri non póterunt. Recéde
páululum ab eo, ut quiescat;
donec optáta véniat, sicut
mercenárii, dies ejus.

✠. Hi qui cum pietáte dor-
mitionem acceperunt, ópti-
mam habent repósitam grá-
tiam. * Sancta ergo et salúbris
est cogitatio pro defunctis
exoráre, ut a peccátis solvan-
tur. ✠. Si quis superædificat
super fundamentum, et opus
ejus árserit, detrimentum pa-
tiétur; ipse autem salvus erit,
sic tamen quasi per ignem. *
Sancta. II. Mach. 12. I. Cor. 3.

Lectio VI.

QUIS mihi hoc tríbuat, ut in

d

inferno prótegas me, et abscondas me, donec pertráns-eat furor tuus, et constituas mihi tempus in quo recordé-ris mei? Putasne mórtuus ho-mo rursum vivat? Cunctis diébus, quibus nunc mílito, exspecto donec véniat immu-tatio mea. Vocábis me, et ego respondébo tibi : óperi má-num tuárum pórriges dèx-teram. Tu quidem gressus meos dinumerasti : sed parce peccátis meis.

R. Dómine omnípotens, Deus Israel, * Audi nunc ora-tiónem mortuórum Israel : noli meminisse iniquitátum patrum nostrórum; sed me-mento manus tuæ et nóminis tui. ✠. Occísus es, Dómine, et redemisti nos Deo in sán-guine tuo : * Audi. *Baruch*, 3. *Apoc.* 5.

IN III NOCTURNO.

FERIA IV ET SABBATO.

In Ps. Dixi : Custódiám vias meas, 91.

Ant. 2. D. Amove a me pla-gas tuas, Dómine : áuribus pèrcipe lácrymas meas.

In Ps. Beátus qui intélligit, III.

Ant. 3. b. Numquid qui dormit, non adjíciet ut re-surgat? Dómine, miserére mei, et resúscita me.

In Ps. Quemádmódum de-síderat, 68.

Ant. 8. G. Sitívit ánima mea ad Deum fortem, vivum : quando véniám, et apparébo ante faciém Dei!

✠. Quare tristis es, ánima

mea, et quare conturbas me? R. Spera in Deo, quóniam adhuc confitébor illi. *Ps.* 41.

Lectio VII. Job, 16 et 17.

BREVES anni tránseunt; et sémitam per quam non rever-tar, ámbulo. Spíritus meus adtenuábitur, dies mei bre-viabuntur, et solum mihi sú-perest sepulcrum. Nón pec-cávi, et in amaritudínibus morátur óculus meus. Libera me, Dómine, et pone me juxta te; et cujusvis manus pugnet contra me.

R. Scio quod Redemptor meus vivit, et in novíssimo die de terra surrectúrus sum, * Et in carne mea vídebo Deum meum. ✠. Oportet cor-ruptibile hoc induere incor-ruptiónem, et mortále hoc induere immortalitátem; * Et. *Job*, 19. *I. Cor.* 15.

Lectio VIII. Job, 17.

DIES mei transiérunt; cogi-tatiónes meæ dissipátæ sunt, torquentes cor meum. Noc-tem vertérunt in diem, et rursum post ténebras spero lucem. Si sustinúero, infer-nus domus mea est; et in té-nebris stravi léctulum meum. Putrédini dixi : Pater meus es; mater mea et soror mea, vérmibus. Ubi est ergo nunc præstolátio mea? et patien-tiam meam quis considerat?

R. Qui dórmunt in terre púlvere, * Evigilábunt; álíi in vitam æternam, et álíi in oppróbrium, ut vídeant sem-

per. *¶* Omnes quidem resurgemus, sed non omnes immutabimur : * Evigilabunt. *Dan. 12. I. Cor. 15.*

Leotio IX. Job, 19.

PELLI meæ, consumptis carnibus, adhæsit os meum; et derelicta sunt tantummodo labia circa dentes meos. Miseremini mei, miseremini mei, saltem vos amici mei; quia manus Domini tetigit me. Quare persequimini me sicut Deus, et carnibus meis saturamini? Quis mihi tribuat ut scribantur sermones mei? Quis mihi det ut exarentur in libro, stylo ferreo et plumbi lamina; vel æelte sculpantur in sílice? Scio enim quod Redemptor meus vivit, et in novissimo die de terra surrecturus sum : et rursum circumdabor pelle mea, et in carne mea videbo Deum meum; quem visurus sum ego ipse, et oculi mei conspecturi sunt, et non alius. Reposita est hæc spes mea in sinu meo.

R. Libera me, Domine, ab iis qui odérunt me : non absorbeat me profundum, neque urgeat super me puteus os suum : * Exaudi me, quoniam † Benigna est misericordia tua : § Intende animæ meæ, et libera eam. *¶* Domine Deus, Rex seculorum, solus pius es : * Exaudi me, quoniam benigna est misericordia tua : Intende animæ meæ, et libera eam. *¶* Mise-

rere mei, Domine, fili David : Domine, adjuva me : † Benigna est misericordia tua : intende animæ meæ, et libera eam. *¶* Proposuit te Deus propitiationem per fidem propter remissionem delictorum : § Intende animæ meæ, et libera eam. *Repetitur R.* Libera usque ad *¶*. Domine. *Ps. 68. Apoc. 15. Matth. 15. Rom. 3.*

(Si continuo celebrandæ sint Laudes, statim inchoantur, sequentibus prætermisissis.)

¶. Réquiem æternam dona eis, Domine; *R.* Et lux perpétua luceat eis.

¶. Requiescant in pace. *R.* Amen.

¶. Domine, exaudi orationem meam; *R.* Et clamor meus ad te veniat.

¶. Dominus vobiscum; *R.* Et cum spiritu tuo.

Orémus.

ABSOLVE, quæsumus, Domine, animam * famuli tui *N.* (Sacerdotis vel Pontificis) (vel famulæ tuæ *N.*) (vel animas famulorum tuorum *N* et *N.* vel famularum tuarum *N* et *N.*) et animas omnium fidelium defunctorum, ab omni vínculo delictorum; ut in resurrectionis glória, inter Sanctos et electos tuos resuscitati respirent; Per eum qui venturus est iudicare vivos et mortuos, et seculum per ignem. *R.* Amen.

℣. Requiescant in pace.
℞. Amen.

AD LAUDES.

In Ps. Miserere mei, Deus, secundum, 126.

Ant. 1. g. Secundum multitudinem miserationum tuarum dele iniquitatem meam.

In Ps. Te decet hymnus, 65.

Ant. 8. G. Exaudi, Deus, orationem meam : ad te omnis caro veniet.

In Ps. Domine, exaudi.... auribus percipe, 118.

Ant. 4. E. Propter nomen tuum, Domine, vivificabis me.

Canticum. Baruch, 3.

DOMINE omnipotens, Deus Israel, * ánima in angústiis, et spíritus ánxius clamat ad te :

Audi, Domine, et miserere, quia Deus es miséricors ; * et miserere nostri, quia peccávimus ante te.

Quia tu sedes in sempiternum, * et nos persévimus in ævum ?

Domine omnipotens, Deus Israel, * audi nunc orationem mortuórum Israel,

Et filiórum ipsórum qui peccavérunt ante te, et non audierunt vocem Dómini Dei sui : * et agglutináta sunt nobis mala.

Noli meminisse iniquitátum patrum nostrórum ; * sed memento manus tuæ, et nóminis tui in témpore isto :

Quia tu es Dóminus Deus noster ; * et laudábimus te, Domine.

Ant. 2. D. Miserere nostri, Domine ; quia peccávimus ante te.

In Ps. Laudáte Dóminum in sanctis ejus, 47.

Ant. 7. b. Omnis spíritus laudet Dóminum.

Ad Benedictus. Ant. 1. a. Ego sum resurréctio et vita : qui credit in me, etiamsi mórtuus fúerit, vivet ; et omnis qui vivit et credit in me, non moriétur in æternum.

Joan. 11.

Pater etc, ut supra in Vesperis, LXIX.

PRÆPARATIO AD MISSAM,

Ad Libitum Sacerdotis.

Ps. Quam dilecta, 86. Benedixisti, 46. Inclína, Domine, cum sua divis. 127. Crédidi, 89. De profundis, 73.

Ant. Domine, memor esto mei ; et ne vindictam sumas de peccátis meis, neque reminiscáris delicta mea. Tob. 3.

PRÆCES.

KYRIE, eléison. Christe, eléison. Kyrie, eléison.

Pater noster, etc.

℣. Et ne nos indúcas, etc.

℣. Ego dixi, Domine, miserere mei : ℞. Sana ánimam

meam, quia peccavi tibi.
Ps. 40.

✠. Convertere, Dómine; úsquequo? R. Et deprecábilis esto super servos tuos. *Ps. 89.*

✠. Fiat misericórdia tua, Dómine, super nos, R. Quem ádmodum sperávimus in te. *Ps. 32.*

✠. Sacerdótes tui induantur justítiam, R. Et sancti tui exsultent. *Ps. 131.*

✠. Ab occultis meis munda me, Dómine, R. Et ab aliénis parce servo tuo. *Ps. 18.*

✠. Dómine, exaudi, etc.

Orémus.

Orationes Sacr. Leon. etc.

AURES tuæ pietátis, mitísime Deus, inclína précibus nostris, et grátia sancti Spíritus illúmina cor nostrum; ut tuis mystériis digne ministrare, teque æterna caritate diligere mereámur.

DEUS, cui omne cor patet, et omnis voluntas lóquitur, et quem nullum latet secrétum: purifica per infusiónem sancti Spíritus cogitationes cordis nostri, ut te perfecte diligere et digne laudare mereámur.

URE igne sancti Spíritus renes nostros et cor nostrum, Dómine; ut tibi casto corpore serviámus, et mundo corde placeámus.

MENTES nostras, quæsumus, Dómine, Paraclétus qui a te procedit illúminet, et indúcat

in omnem, sicut tuus promísit Fílius, veritátem.

ADSIT nobis, quæsumus, Dómine, virtus Spíritus sancti; quæ et corda nostra clementer expurget, et ab ómnibus tueatur adversis.

DEUS, qui corda fidélium sancti Spíritus illustratióne docuisti: da nobis in eódem Spíritu recta sápere, et de ejus semper consolatióne gaudere.

CONSCIENCIAS nostras, quæsumus, Dómine, visitando purifica; ut véniens Dóminus noster Jesus Christus Fílius tuus, parátam sibi in nobis invéniat mansiónem; Qui tecum vivit et regnat Deus. R. Amen.

FORMULA INTENTIONIS.

Gregorius Papa XIII concessit cuilibet Sacerdoti, hanc formulam devote ante Missam recitanti, quinquaginta annorum Indulgentiam.

Ego volo Missam celebrare, et conficere Corpus et Sanguinem Dómini nostri Jesu Christi, juxta ritum sanctæ Románæ Ecclésiæ, ad laudem omnipotentis Dei, totiusque Cúriæ triumphantis; ad utilitatem meam, totiusque Ecclésiæ militantis et patientis; pro ómnibus qui se commendaverunt oratióibus meis in genere et spécie, et pro felici statu sanctæ Románæ Ecclésiæ. Amen.

Gáudium cum pace, emendationem vitæ, spátium veræ pœnitentiæ, grátiam et consolationem sancti Spíritus, perseverántiam in bonis opéribus, cor contrítum et humiliátum, atque felícem vitæ meæ consummationem tríbuat mihi omnípotens et miséricors Dóminus. Amen.

Sacerdos dicat, cum manus lavat:

Da, Dómine, virtútem mánibus meis, ad abstergendam omnem máculam, ut sine pollutione mentis et córporis váleam tibi servíre.

Ad Amictum.

Impóne, Dómine, cápiti meo gáleam salútis, ad expugnandos diabólicos incursum.

Ad Albam:

Dealba me, Dómine, et munda cor meum; ut in sanguine Agni dealbátus, gaudiis pérfruar sempiternis.

Ad Cingulum.

Præcinge me, Dómine, cingulo puritátis, et exstingue in lumbis meis humórem libí-

dinis; ut máneat in me virtus continétiæ et castitátis.

Ad Manipulum.

Mérear, Dómine, portáre manipulum fletus et dolóris; ut cum exsultatione recipiam mercédem labóris.

Ad Stolam.

Redde mihi, Dómine, stolam immortalitátis, quam pérdidi in prævaricatione primi parentis: et quamvis indignus accédo ad tuum sacrum Mystérium, mérear tamen gáudium sempiternum.

Ad Casulam.

Dómine, qui dixisti: Jugum meum suáve est, et onus meum leve; fac ut istud portáre sic váleam, quod conséquar tuam grátiam. Amen.

IN MISSA MAJORI,

Subdiaconus ad Tunicam.

Túnica jucunditátis, et indumento lætitiæ índnat me Dóminus.

Diaconus ad Dalmaticam.

Indue me, Dómine, indumento salútis, et vestimento lætitiæ, et Dalmática justitiæ circumda me semper.

GRATIARUM ACTIO POST MISSAM.

Ps. Dóminus regit me, 86. Ps. Benedícam Dóminum, cum sua divisione, 87. Ps. Benedic, ánima mea, Dómino, et ómnia, cum sua divisione, 70.

Ant. O quam suávis est,

Dómine, Spíritus tuus! qui, ut dulcédinem tuam in filios demonstráres, pane suavisimo de coelo præstito, esurientes replebis bonis, dívites dimittens inánes. *Sap. 12 et 16. Luc. 1.*

PRECES.

KYRIE, eléison. Christe, eléison. Kyrie, eléison.

Pater noster, etc.

✠. Et ne nos indúcas, etc.

✠. Memóriam fecit mirabílium suórum miséricors et miserátor Dóminus : *R.* Es-
cam dedit tíméntibus se. *Ps.*
110.

✠. Quid est homo, quod memor es ejus? *R.* Aut fílius hóminis, quóniam vísitas eum? *Ps.* 8.

✠. Sicut ádipe et pinguédine repleátur ánima mea; *R.* Et lábiis exsultatiónis laudábit os meum. *Ps.* 62.

✠. Non nobis, Dómine, non nobis; *R.* Sed Nómini tuo da glóriam. *Ps.* 113.

✠. Nunc dimittis servum tuum, Dómine, secundum verbum tuum, in pace; *R.* Quia vidérunt óculi mei salutare tuum. *Luc.* 2.

✠. Dómine, exaudi oratió-
nem meam; *R.* Et clamor meus ad te véniat. *Ps.* 101.

Orémus.

Orationes Sacr. Gelas. etc.

VISITA, quæsumus, Dómine, famíliam tuam : et corda sacris dicáta mystériis pervígili tuére pietáte; ut remédia salútis æternæ, quæ te miserrante percipiunt, te protegente custódiant.

MENSA tua nos, Deus, a delectatióibus terrénis ex-

pédia; et cœléstibus semper instruat alimentis.

COGNOSCIMUS, Dómine, tuæ circa nos cleméntiæ largitatem; et ideo fiduciálus implorámus, ut quos páscere non desistis imméritos, et digne tibi servíre perficias, et donis uberióribus prosequáris.

TUA nos, Dómine, medicinalis operátio et a nostris perversitatibus expédia; et tuis semper fáciat hærere mandátis.

MAJESTATEM tuam, Dómine, suppliciter exorámus, ne perírre patiáris quibus tanta remédia providisti; sed cum divíni frequentatióne mystérii crescat nostræ salútis effectus.

ACTIONES nostras, quæsumus, Dómine, adspirando præveni, et adjuvando prosequere; ut cuncta nostra oratio et operátio a te semper incípiat, et per te semper finiátur.

ADJUVET nos grátia tua, omnípotens Deus; ut qui officium Sacerdotále suscepimus, digne ac devóte tibi in omni puritáte, et consciéntia bona famulári valeámus : et si non póssumus in tanta innocéntia vitæ conversári, ut debémus; concéde nobis tamen digne flere mala quæ gessimus; et in spíritu hu-

militatis, ac bono voluntatis cétero deservire; Per Christum, propósito, tibi fervéntius de

tum.

ORATIO PRÆPARATORIA

AD SACRAMENTUM QUODLIBET MINISTRANDUM.

✠. Veni, sancte Spíritus;
 R. Reple tuorum corda fidélium, et tui amoris in eis ignem accende.

✠. Emittere Spíritum tuum et creabuntur, R. Et renovabis faciém terræ.

Orémus.

DOMINE Deus omnípotens,

qui me, licet indignum, propter tuam misericórdiam ministrum fecisti Sacerdotális officii: propítius esto mihi peccatóri, ut condigne possim divínæ cleméntiæ tuæ sacramenta fidélibus ad ea confugiéntibus ministráre; Per Christum Dóminum nostrum.

GRATIARUM ACTIO

POST SACRAMENTI CUJUSLIBET ADMINISTRATIONEM.

KYRIE, eléison. Christe, eléison. Kyrie, eléison.

Pater noster, etc.

✠. Dómine, exaudi orationem meam; R. Et clamor meus ad te véniat.

Orémus.

OMNIPOTENS et miséricors Deus, qui mihi indigno fá-

mulo tuo, ad sacrum ministerium peragendum adesse dignátus es: ne respicias delicta mea, sed fidem Ecclesiæ tuæ; et præsta ut in fámulis tuis grátia tua illud intérius perficiat quod extérius a nobis ópere exercétur; et si quid in ipso per nostram fragilitatem defuit, tua benignus misericórdia supplére dignéris; Per Christum.

ORDO MINISTRANDI

SACRAMENTUM POENITENTIÆ.

Antequam ad Tribunal accedat Confessarius, sequentibus vel similibus aliis se muniat precibus.

✠. Cormundum crea in me, Deus, R. Et spíritum rectum innova in viscéribus meis.

✠. Ne projicias me a fácie tua, R. Et Spíritum sanctum tuum ne áuferas a me.

✠. Redde mihi lætítiam salutáris tui, R. Et spíritu principalí confirma me.

✠. Docébo iníquos vias tuas,

R. Et impii ad te convertentur. Ps. 50.

Ÿ. Dómine, exaudi orationem meam; R. Et clamor meus ad te véniat.

Orémus.

DEUS, sub cujus óculis omne cor trépídat, et consciéntiæ cunctórum pavesunt; propitiáre fámulis et famulábus tuis, et cunctórum malórum et peccatórum medére languóribus; ut sicut nemo liber est a culpa, ita nemo sit aliénus a vénia; Per Christum.

Dicit Pœnitens :

BENEDIC mihi, Pater, quia peccávi.

Sacerdos subjungit :

Dóminus sit in corde tuo, et in lábiis tuis; ut íntegre, et ánimo contríto confiteáris ómnia peccáta tua; in nómine Patris, et † Fílii, et Spíritus sancti. Amen.

Deinde Pœnitens dicit :

Confíteor Deo, etc., usque ad mea culpa; et post Confessionem reliqua prosequitur.

Tum Sacerdos, aperto capite, dicit :

MISEREATUR tui omnípotens Deus, et dimissis peccátis tuis, perdúcat te ad vitam æternam. Amen.

INDULGENTIAM, absolutiónem, † et remissionem peccatórum tuórum tríbuat tibi omnípotens et miséricors Dóminus. Amen.

Injuncta vero pœnitentia, aperto capite, dextera super caput Pœnitentis extensa, eum absolvit hoc modo :

DOMINUS noster Jesus Christus qui est summus Póntifex, per suam piíssimam misericórdiam, te absolvat; et ego, auctoritáte ipsíus, mihi licet indigníssimo concessa, absolvo te, in primis, ab omni vínculo excommunicatiónis (suspensiónis), et interdicti, in quantum possum, et tu indiges : Deinde, Ego te absolvo a peccátis tuis; in nómine Patris, et † Fílii, et Spíritus sancti. Amen.

Si Pœnitens sit laicus, omittitur vox suspensiónis.

Deinde manum removens, aperto capite, subdit : Pássio Dómini nostri Jesu Christi, mérita beátæ Mariæ Vírginis et ómnium Sanctórum, suffrágia sanctæ matris Ecclesiæ, quidquid boni féceris, et mali sustinúeris, váleant tibi in remissionem peccatórum, augmentum grátiae, et præmium vitæ æternæ. Amen.

ITINERARIUM.

Viator in ipso itineris ingressu, dicat preces quæ sequuntur.

In Cant. Evangelicum, Benedictus, 133.

Ant. Dóminus custódiat rectórum salútem, et protéget gradientes simplici-ter, vias Sanctórum custódiens. Prov. 2.

Kyrie, eléison. Christe, eléison. Kyrie, eléison.

Secreto, Pater noster.

✠. Et ne nos indúcas in tentatiónem, R. Sed libera nos a malo.

✠. Bene ambulémus, et sit Deus in itinere nostro, R. Et Angelus ejus comitétur nobiscum. Tob. 5.

✠. Prósperum iter fáciat nobis Deus, R. Deus noster, Deus salvos faciendi. Ps. 67.

✠. Dóminus rectos fáciat gressus nostros; R. Itinera autem nostra in pace producat. Prov. 4.

✠. Vias tuas, Dómine, demonstra nobis; R. Et sémitas tuas édoce nos. Ps. 24.

✠. Dirige sémitam pédibus nostris, Dómine; R. Et omnes viæ nostræ stabilientur. Prov. 4.

✠. Duc nos, Dómine, per sémitam; R. Et currentes non habébimus offendículum. Prov. 4.

✠. Non nobis pláceat, Dómine, malórum via; R. Nec transeámus per illam. Prov. 4.

✠. Pedes nostri non descendant in mortem; R. Et ad

inferos gressus nostri non pénentrent. Prov. 5.

✠. Oculi nostri recta vídeant; R. Et pápebræ nostræ præcédant gressus nostros. Prov. 4.

✠. Dómine, exaudi oratió- nem meam; R. Et clamor meus ad te véniat. Ps. 101.

✠. Dóminus vobiscum; R. Et cum spíritu tuo.

Orationes Sacr. Gelas. etc.

Deus, qui fílios Israel per maris médium sicco vestigio ire fecisti, quique Magis iter ad te, stella duce, pandisti: tríbue nobis, quæsumus, iter Prósperum, tempusque tranquillum; ut, Angelo tuo sancto cómite, ad eum quo pèrgimus, locum, ac demum ad æternæ salútis portum pervenire feliciter valeámus.

Deus, qui Abraham puerum tuum de Ur Chaldæórum eductum, per omnes suæ peregrinatiónis vias illæsum custodisti; quæsumus, ut nos famulos tuos custodire dignéris: esto nobis, Dómine, in procinctu suffrágium, in via solátium, in æstu umbráculum, in plúvia et frígore tegumentum, in lassitúdine vehículum, in adversitaté præsidium; in lúbrico báculo, in naufrágio portus; ut, te duce, quo téndimus, prospere perveniámus, et demum in-

cólumes ad própria redeámus.

Oratio Brev. Nem.

DEUS, qui ineffábili providéntia sanctos Angelos tuos ad nostram custódiam mittere dignáris: largíre supplicibus tuis ut in te sperantes custódiant, et ab ómnibus itinerum periculis tueantur; Per Dóminum.

Benedictio.

IN viam pacis et prosperitátis dírigat nos omnipotens et miséricors Dóminus, et Angelus Ráphael comitétur nobiscum in via, ut cum pace, salúte et gáudio revertámur ad própria. *Tob. 5. R. Amen.*

Si per loca hæretica iter habetur, addatur quod sequitur:

✠. Illumináre his qui in ténebris et in umbra mortis sedent; R. Ad dirigendos pedes nostros in viam pacis.

Luc. 1.

OMNIPOTENS et miséricors Deus qui amas ánimas, et néminem vis períre, immensam cleméntiam tuam suppliciter implorámus pro animábus fratrum nostrórum, qui pravitátis hæreticæ falláciis decepti, a via veritátis aberrant. Exaudi quas pro illórum obcæcacióné preces deférimus. Aufer velámen a córdibus eórum: ut omni pravitáte depósita resipiscant; ágnita veritátis tuæ luce, a suis ténebris eruantur; eandemque nobiscum unam, sanctam, Cathólicam et Apostólicam Ecclésiám matrem agnoscen-tes, sincéram sectentur doctrínam Dómini nostri Jesu Christi Fílii tui, qui solus est via, véritas et vita, cui sit glória et impérium per infinita sécula seculórum. R. Amen.



CANONES

PARTIS AUTUMNALIS.

PRÆNOTANDA DE QUIBUSDAM CONCILIIS IN HAC PARTE BRÉVIARII CITATIS, QUIBUS INTERFUERUNT EPISCOPI MELDENSES.

1° Anno 829. Concilium Parisiense sextum; cui aderant S. Aldricus Senonensis et Hubertus I Meldensis. In eodem Concilio specialiter approbatum fuit Cabilonense secundum, anno 813 celebratum.

2° An. 845. Concilium Meldense primum; cui interfuit Hubertus I Meldensis cum Metropolitanis et aliis Episcopis Provinciarum Senonensis, Remensis et Bituricensis. Hoc Concilium anno sequenti terminatum fuit Lutetiæ; unde dictum est et Parisiense.

3° An. 1485. Concilium Senonense; cui aderat Joannes Lhuillier, Episc. Meldensis. Præerat vero Tristandus de Salazar Senon. Archiepisc. olim Episc. Meld. In eodem Conc. innovata sunt Decreta alterius Conc. Senon. habiti an. 1461, cui adfuerat Joannes du Drac, Meld. Episc.

4° Ab an. 1545 ad 1563. Concilium Tridentinum. Huic sacrosanctæ Synodo interfuit Ludovicus de Brezé, Meldensis Episcopus, sub Papa Pio IV, quo regnante habitæ sunt Sessiones XVII et sequentes usque ad ultimam, videlicet a die 18 Januarii 1562 usque ad diem 4 Decembris, 1563.

MENSE SEPTEMBRI.

De Pastorum Residentia.

DIE I.

Ex Statutis Synodalibus * Jacobi Benigni Bossuétii, Meldensis Episcopi, et ** Bysuntinæ Ecclesiæ. * An. 1688. ** An. 1573.

PAROCHIS Diocesis nostræ

inhibemus a sua paróchia abesse ultra unam hebdomadam (septem nempe dies integros et continuos), nisi propter causas a nobis vel a Vicariis nostris Generalibus approbatas, et post obtentam licentiam. Ipsi autem sibi viderint pro aliquot diérum absentiis, quæ juxta Cáno-

num decreta, rarióres esse debent..... Perinde est Curátos non residére, et in residéntia otíósos esse.

De Zelo salutis animarum,

DIE II.

Ex Concílio Aquisgranensi.
An. 816. Lib. I. Cap. 34.

OMNIS spiritalis zelus Doctoris, ánimum frigit : quia valde cruciátur, dum infirmos quosque æterna desérere, et rebus temporalibus delectári cónspicit. Nullum quippe omnipotenti Deo tale est sacrificium, quale est zelus animárum, sicut Psalmista ait : Zelus domus tuæ comédit me. Et non solum sacrificium, sed étiam holocaustum Dómino esse deputátur.

DIE III.

Ex Concílio Aquisgranensi.
An. 816. Lib. I. Cap. 36.

ATROCITER arguuntur qui peccantem non recípiunt, sed despíciunt et spernunt : nec altérius delictum, tanquam próprium, ingemiscunt. Boni Pastóres pópuli debent delicta deffére, et totos se pláncibus trádere ; imitantes Jeremíam Prophétam dicentem : Quis dabit cápiti meo aquam, et óculis meis fontem lacrymárum : et plorábo die ac nocte interlectos pópuli mei ?

DIE IV.

Ex Concíliis * Tolosáno, et ** Aquensi. * *An. 1590. Part. I. Cap. 3.* ** *An. 1585. Tit. de Parochis.*

QUAM anxie sollicitéque commissæ sibi animárum salutí invigiláre Párochi debeant, is fácte intélliget, qui iis de pópuli peccátis ratió nem reddendam esse nóverit. Id ne áccidat, super gregis custódiám perpétuo stent : sacris hortatió nibus concionibusque, diébus Domínicis et áliis Festivitatibus habendis, pópulum de salute commonefá ciant, ad crebram confessionem communionemque incitent..... Sit accuráta eórum instántia in Festórum diérum cultu observando. Sit diligens eórum cura in scholis doctrinæ Christiánæ. Sint eórum mónita salutária. Sit magna vigilántia in réliquis Parochiális múnerys partibus.

DIE V.

Ex Concílio Burdigalensi.
An. 1583. Tit. 18.

OBSERVENT Párochi sui gregis vítia, et commúnia vel própria cujusque peccáta ; iisque corrigendis, cum omni mansuetúdine et caritate, cum públice omnes, tum privátim singulos admonendo, diligéntiam adhíbeant. Si qui contentió ne discordes fuerint, vel ódia in se vicissim suscepérint, aut simultátes

exercuerint, curent eos quamprimum ad pacem et fraternam concordiam revocare.

DIE VI.

Ex Concilio Mediolanensi quarto, sub sancto Carolo. *An. 1576. Part. 2. Cap. 2.*

DIVINA contestatione obsecramus Ecclesiastici Ordinis homines, eos praesertim qui in Sacerdotii gradu constituti sunt, quive animarum curam gerunt; ut quos in vitiorum faece versari animadverterint, caute et sapienter studeant a peccatis flagitiisque deterre, et ad virtutem cohortari; eisdemque in scelerum gurgite laborantibus opem ferre verbis, consiliis, exemplis; atque ita quidem, ut dum illos juvare conantur, ne se familiaritate inquinent.

DIE VII.

Ex Concilio Aquisgranensi. *An. 816. Lib. 1. Cap. 12.*

REVOCABO ovem errantem, requiram perditam; et si me inquirentem laniant vepres sylvarum, per omnia angusta me coarctabo. Omnes sepes excutiam, quantum mihi virium terrens Dominus donat. Omnia peragrabō, revocabo errantem, requiram pereuntem.

DIE VIII.

IN NATIVITATE B. M. V.

Ex Concilio Tridentino.

An. 1547. Sess. 6. Can. 23. Decret. de Justif.

† **S**I quis hominem semel justificatum dixerit posse in tota vita peccata omnia, etiam venialia vitare, nisi ex speciali Dei privilegio, quemadmodum de Beata Virgine tenet Ecclesia; anathema sit.

DIE IX.

Ex Concilio Liptinensi. *An. 743. Cap. 3. in adlocutione.*

VIDETE, filii carissimi, quale nobis incumbit periculum, si tacemus. Absit, absit, ut nostrum silentium vestrum fiat exitium. Si vos amamus, prout debemus quod laedit, ne veniat quod occidit.

Zelus actibus commendetur.

DIE X.

Ex Concilio Aquisgranensi. *An. 816. Lib. 1. Cap. 27.*

SUNT nonnulli, qui solerti cura spiritalia praecepta perscrutantur: sed quae intelligendo penetrant, vivendo conculcant. Repente docent, quae non opere, sed meditatione didicerunt: et quod verbis praedicant, moribus impugnant. Per Prophetam Dominus contra contemptibilem Pastorum scientiam queritur, dicens: Cum ipsi limpidissimam aquam biberetis, reliquam pedibus vestris

conculcabátis; et oves meæ,
quæ pedes vestri turbáverant,
hæc bibébant.

*In Zelo proprii motus
vitentur.*

DIE XI.

Ex Constitutionibus Poóre
Sarum Episcopi. *An. 1217.
Cap. 73.*

SACERDOTIBUS injungimus,
ut in exercendo officio suo
proprius motus, scilicet ran-
côres, ódia, carnâles affec-
tiones non sequantur: sed
ádeo sint discreti et providi
in præciendo, ut sub præ-
textu debite sibi obedientiæ,
súbditos suos nullâtenus scan-
dalizent.

*Zelus sit prudens et pa-
ternus.*

DIE XII.

Ex Concilio Aquisgranensi.
An. 816. Lib. 1. Cap. 34 et 134.

QUI zelo rectitudinis mové-
tur, sic culpas delinquentium
córrigat, ut ante ipse qui
córrigit, per patientiam cres-
cat: ut fervorem suum trans-
cendendo dijúdicet; ne in-
temperanter excitatus, ipso
zelo rectitudinis, longe a rec-
titudine aberret.... Rectóres
sint críminum persecutores,
et hóminum liberatores. Ode-
rint vitia, diligant hómines.
Oderint quod instinctu diá-
boli ingestum est; diligant
quod Dei bonitáte creatum est.

DIE XIII.

Ex Concilio Parisiensi sex-
to. *An. 829. Cap. 23.*

QUIA sunt plerique, qui non
paternum affectum circa gre-
gem sibi commissum, sed
quemdam exercere videntur
dominatum; eumque non ut
Domínicum, sed flatibus ven-
tósæ arrogantiæ infláti, ut
suum proprium tractare non
verentur; quantum a pater-
nitatis officio aberrant, de-
clárat Dóminus in Evangelio:
Si diligis me, pasce oves meas:
Meas, inquit, non tuas.

DIE XIV.

Ex Concilio Tridentino.
*An. 1551. Sess. 13. Decret. de
Reform. Cap. 1.*

SE Pastóres memínerint ita
præesse sibi súbditis opor-
tere, ut non in eis dominan-
tur, sed illos tanquam filios
et fratres diligant: elaborent-
que, ut hortando et monendo
ab illicitis detérreant; ne, ubi
desiquerint, debitis eos pœnis
coercere cogantur. Quos ta-
men si quid per humanam
fragilitatem peccare contige-
rit, illa Apóstoli est ab eis
servanda præceptio, ut illos
arguant, obsecrent, increpent
in omni bonitate et patiën-
tia; cum sæpe plus erga cor-
rigendos agat benevolentia
quam austeritas, plus exhor-
tatio quam comminatio, plus
caritas quam potestas. Si
autem ob delicti gravitatem
virga opus fuerit, tunc cum
mansuetudine rigor, cum mi-

sericórdia iudícium, cum lenitáte severitas adhibenda est.

Zelus sit humilis et ad Deum unum referatur.

DIE XV.

Ex Concílio Aquisgranensi.
An. 816. Lib. 1. Cap. 22.

QUI præficitur ad régimen, taliter erga disciplinam subditorum præstare se debet, ut non solum auctoritáte, verum étiam humilitáte clarescat. Hæc est in Dei Sacerdotibus vera discrétio, qua nec per libertátem superbi, nec per humilitátem fiunt remissi.

DIE XVI.

Ex Concílio Aquisgranensi secundo. *An. 836. Cap. 1. Can. 10.*

NECESSE est ut Rector solerter invígilet, ne hunc cupidó placendi homínibus pulset; ne cum studiósè interióra pénétrat, cum próvide exterióra subministrat, se magis a súbditis díligi quam veritátem quærat: ne quum bonis áctibus fultus, a mundo vidétur aliénus, hunc auctóri reddat extráneum amor suus.

DIE XVII.

Ex sancto Cypriáno Episcopo ad Cornélium. *Epist. 55. contra hæreticos.*

SACERDOTIBUS labor major incumbit in adserenda et procuranda Dei majestáte, ne

quid videámur in hac parte negligere, quando admóneat Dóminus et dicat: Et nunc præceptum hoc ad vos est, o Sacerdótes: Si non audieritis, et si non posueritis in corde vestro, ut detis honórem Nómini meo, dicit Dóminus, immittam in vos maledictiónem, et maledícam benedictiónem vestram.

DIE XVIII.

Ex Concílio Aquisgranensi.
An. 816. Lib. 1. Cap. 19.

SI glóriam non Christi, sed suam, decepti vulgi adulantis honóribus, quærant; plusque de se aliénæ linguæ, quam suæ consciéntiæ credant; si omne gáudium suum, non in futurórum remuneratióne, nec in sanctitáte vitæ, sed in sua tantum dignitáte constituant; et dum tales esse, quales credunt, amantur, nunquam sibi displiceant; ac placentes sibi, non sint de sua correctiósne solliciti: quis non intélligat tales, si in talibus perseverent, nec se ante finem præsentis vitæ emendent, contemplatívæ vitæ partícipes esse non posse?

De amanda Paupertate, et Avaritia detestanda.

DIE XIX.

Ex Concilio Mediolanensi quarto, sub sancto Cárolo.
An. 1576. Part. 3. Cap. 7.

PAUPERELEM dilexit et dócuit cœlestis magister Christus, qui nascens in præsepio

pónitur, et nudus in cruce móritur. Scitóte paupertáti sócias adjungi sobrietátem, abstinentiam et réliquas virtútes, quibus prælucére oportet ministros Dei.

DIE XX.

Ex sancto * Isidóro Hispalensi Epíscopo, et ** Concílio Moguntino. * *De Offic. Ecclesiast. Lib. 2. Cap. 1.* ** *An. 813. Can. 10.*

OPORTET ut qui Deum hæreditáte pössident, absque ullo impedimento séculi, Deo servíre stúdeant, et páuperes spírítu esse contendant; ut cóngrue illud Psalmistæ dicere possint: Dóminus pars hæreditátis meæ..... Amórem pecúniæ Cléríci, quasi matériam cunctórum criminum fúgiant; secularia officia, negotiaque abjiciant.

DIE XXI.

Ex Concílio Aquisgranensi. *An. 816. Lib. 1. Cap. 94.*

OBSECRO te, et répetens iterum, iterumque monébo, ne officium Clericátus genus antiquæ militiæ putes, id est, ne lucra séculi in Christi quæras militiæ: nec plus hábeas, quam quando Clérícus esse cœpisti, et dicátur tibi: Cleri eórum non próderunt eis.

DIE XXII.

Ex Concílio Parisiensi sexto. *An. 829. Lib. 1. Cap. 18.*

CONSTAT sanctíssimos Pon-

tífices qui cum Christo remuneratóre suo regnant, quorum nos indigni locum tenemus, res Ecclesiæ non sibi sed áliis possedisse; et non ad suam glóriam et delectatiónem, sed pótius ad Dei honórem, et fidélium commoditátem eos his usos fuisse. Quicumque secundum eorumdem Sanctórum exempla, res sibi créditos dispensáverit, ad eórum consórtium se pertinére dubitare non póterit.

DIE XXIII.

Ex Concílio Mediolanensi quarto, sub sancto Cárolo. *An. 1576. Part. 3. Cap. 7.*

EXEMPLO Sanctórum, vos in Ecclesiástico Ordine constitúti, paupertáte, sobrietáte ac parcimónia ita ágite, ut non modo a supervacaneárum rerum úsibus abstinentes, sed vestro étiam defraudantes victu, ecclésiās vestras et altária exornétis, aliénis item necessitatibus subveniátis, et paupéribus opitulémini.

DIE XXIV.

Ex Concílio Aquisgranensi. *An. 816. Lib. 1. Cap. 108.*

SACERDOS fidéliter dispensat accepta, qui ómnia sua aut reliquit, aut Ecclesiæ rebus adjunxit, et se in número páuperum paupertátis amóre constituit; ita ut unde paupéribus subministrat, inde et ipse tanquam pauper voluntárius vivat.

DIE XXV.

Ex Concilio Parisiensi sexto. *An. 829. Lib. 1. Cap. 18.*

MISERABILIORES plane cunctis mortalibus nonnulli existunt Pontifices qui in brevissimo hujus mortalitatis intervallo, suæ miseræ fragilitatis immemores, amore mundi decepti, cupiditate terrenarum rerum illecti, pro caducis et cito præterlabentibus rebus, quas utiliter fideliterque expendere negligunt, sanctorum Sacerdotum consortio se privant.

DIE XXVI.

Ex Concilio Parisiensi sexto. *An. 829. Lib. 1. Cap. 13.*

CUM nullus Christianus thesauros in terra, sed potius, secundum Domini sententiam, in cælo recondere debeat; cavendum summopere Sacerdotibus est, ut ab avaritiæ peste, quæ est idolorum servitus, et cupiditate, quæ radix omnium malorum est, suosque sectatores a regno Christi excludunt, se compescant.

DIE XXVII.

Ex Theodulpho Episcopo Aurelianensi, et * Concilio Cabilonensi secundo. * *An. 813. Can. 6.*

OMNI peccato peior est avaritia et amor pecuniarum; nihil est scelèstius, quam amare pecuniam: Cupiditas omnium criminum materia

est, unde et Apostolus ait: Radix omnium malorum est cupiditas: Si ergo succiditur radix criminum, non pullulant ceteræ sordes peccatorum..... Animarum salutem inquirere Sacerdos, non lucra terræna, debet.

DIE XXVIII.

Ex Concilio Mediolanensi quarto, sub sancto Carolo. *An. 1576. Part. 3. Cap. 7.*

NON sæculi vos mercatores, non mammonæ ministri estis, sed Christi mercatores: nolite thesaurizare vobis thesauros in terra: sed bonorum operum abundantia cum caritate conjuncta, facite thesauros in cælis.

DIE XXIX.

Ex Synodo Ebroicensi. *An. 1576.*

IMPRIMIS caveant omnes Ecclesiastici ab illis vitiis propter quæ irritatur Deus, et nomen ejus blasphematur inter Gentes, atque Ecclesia Dei affligitur. Sint mores eorum sine avaritia; pro quocumque officio contenti his quæ sibi vel jus ipsum, vel laudabilis consuetudo constituit: ac ne quidem avidius, sive inhumanius, quod sibi debetur exigant; atque in omnibus pauperiorum rationem habeant.

DIE XXX.

Ex Concilio * Moguntino, et ** Synodo Ebroicensi. * *An.*

1549. *Cap. 92. ** An. 1664.*

EXSECRABILIS quorundam Sacerdótum avarítia usque ad sacramentórum ipsórum contemptum et injúriam nonnunquam irrumpit, dum sine numeráto pretio conferre sacra-

menta detrectant..... Párochi et Presbyteri dum éxigunt jura quæ suis redítibus accrescunt, ita se gerant, ut, subláta specie vel mínimæ avarítie, de illis dicátur vere : Dóminus pars hæreditátis eórum est.

MENSE OCTOBRI.

De humano affectu erga propinquos.

DIE I.

Ex Concílio Tridentino. *An. 1563. Sess. 25. Decret. de Reform. Cap. 1.*

QUAM máximè potest, Pastóres et Cléricos omnes sancta Synodus monet, ut omnem humánum erga fratres, nepótes, propinquosque carnis affectum, unde multórum malórum in Ecclesiá seminárium exstat, pénitus depónant.

DIE II.

Ex Concílio Mediolanensi primo, sub sancto Cárolo. *An. 1563. Part. 2. Cap. 62.*

QUI (réditus Ecclesiásticos) obtinent, memínerint ea bona non esse sibi crédita ad luxum, neque ad augendos consanguíneos; sed ad vitam honeste, ut pietátis Christiánæ magistrum decet, traducendam. Ex eo vero quod supérerit, si necessária paupéribus alimenta denegárint, intélligant se

quos non páverint occidisse.

De Cura Páuperum.

DIE III.

Ex Concílio Bituricensi. *An. 1584. Tit. 43.*

PRÆCIPUUM Christiáni officium post cultum divínus est adimplére ea quæ ad secundam legis tábulam pertainent : ejus summa est, caritátem et delectiónem in próximos observáre et totis víribus amplecti, in páuperes præsertim. Frustra enim alia ómnia étiam quæ videntur sanctióra, ópera exhibentur, nisi in caritáte fiant.

DIE IV.

Ex Concílio Parisiensi sexto. *An. 829. Lib. 1. Cap. 12.*

QUI non dat óvibus substantiam suam, quando pro eis datúrus est ánimam suam? Primum itaque nostrum est exterióra nostra óvibus impéndere; póstmodum vero, si necesse sit, pro iisdem óvibus ánimam pónere.

DIE V.

Ex Concilio Avenionensi.
An. 1594. Cap. 44.

STUDIOSE Párochus sit sollicitus de paupéribus suæ Paróchiæ, præsertim puellis nubilibus, víduis, órphanis, pupillis, ægrótiis, sénio confectis, aliisque persónis utrâque misericórdia indigéntibus, quibus et ipse opitulétur, et álios hortátu suo ad id officium invitet. Præcípue de iis Episcopum certiorem fáciat; ut qui commúnis eórum pater est, iisdem paternam curam præstet.

De Cura Ægrotorum.

DIE VI.

Ex * Sacramentáli Ambrosiáno sancti Cároli Mediolanensis Archiepiscopi, et ** Concílio Tolosáno. * *Cap. 5. de Visit. et Cur. Infirm.* ** *An. 1590. Part. 2. Cap. 9.*

ÆGRÓTIIS máxime visitandis et consolandis assíduam caritátem Párochus navábit, qui rerum ómnium indigéntia et morbi acerbitáte miserábilem in modum afflicti, curatiónem difficíllimam experiuntur, quorum paupertátem, commótus zelo pietátis, ita sublevábit, ut et ipse, si per facultátes potest, de suo éroget, et aliorum eleemósynas conquírat..... Ægrótos Párochi quanta máxima fieri póterit caritáte, visitábunt, conso-

labuntur, instruent, ultro sese étiam non vocáti iis ófferent.

DIE VII.

Ex Concílio Mediolanensi quinto, sub sancto Cárolo.
An. 1579. Part. 2. Cap. 4.

PARÓCHI, animarumve curatóres, tantum abest ut necessário eo témpore (pestilentíæ) pópulum cujus curam gerunt, áliquo modo destítuant, ut fixa ánimi deliberatióne sibi statuendum putent, ómnia prorsus étiam mortis perícula paratíssimo ánimo subíre, pótius quam fidéles Christi sanguine redemptos, ac sibi præcípue in curam tráditos, in summa pene ómnium adiumentórum necessitáte desérere.

DIE VIII.

Ex Statútis Synodálibus Stéphani de Pontécáro Parisiensis Episcopi. *An. 1508. Tit. de Pænitentia.*

CUM sit ánima multum pretiósior corpore, præcípimus medicis córporum, ut cum eos ad infirmos vocári contígerit, ipsos ante ómnia móneant et indúcant ut medicos ádvocent animárum; ut postquam fúerit infirmo de spirituáli salúte provisum, ad corporális medicínæ remédium salúbrius procedátur. Ne quis étiam medicórum pro corporáli salúte áliquid ægróto suádeat, quod in perículum animæ convertátur.

DIE IX.

Ex Concilio Nannetensi.
An. 895. Cap. 4.

CUM Sacerdos audierit aliquem infirmari in sua plebe, quam citius ad eum pergat; et eum blande leniterque adloquatur, ut omnem spem suam in Deo ponat, ut flagellum Dei patienter toleret, ut hoc ad purgationem et castigationem suam provenire credat. Cum his et hujusmodi adlocutionibus fuerit mens infirmi relevata, data benedictione, recedat Sacerdos, non post multum reversurus; deque locum ut aegrotus de peccatis suis possit cogitare.

DIE X.

Ex Concilio Rothomagensi.
An. 1581. de Curat. Offic. Can. 27.

SI Curati in visitandis infirmis fuerint negligentes, anima morientium sine Sacramentis de eorum manibus repetetur, et ad Episcopum deferantur.

De Confessione Infirmorum.

DIE XI.

Ex Statutis Synodalibus Claramontensis Ecclesiae. *An. 1268. Cap. 7. de Acedia.*

AB infirmis in mortis articulo constitutis pia est inquirenda peccatorum confessio. Est

eis intimandum ut conterantur, ut doleant de peccatis suis universis et singulis; non tam timore poenae quam peccando meruerunt, sed quod Deum et Patrem Creatorem et Redemptorem suum offendere praesumpserunt. Inducantur infirmi, ut acerbitates aegritudinis quasi flagella pii Patris, quemadmodum ei placuit, cum gaudio tolerare laborent.

DIE XII.

Ex Epistola sancti Coelestini Papae ad Episcopos Galliae.
An. 428. n. 2.

VERA ad Deum conversio in ultimis positurum, mente potius est aestimanda quam tempore; Propheta hoc taliter adserente: Cum conversus ingemueris, tunc salvus eris. Cum ergo sit Dominus cordis inspector, quovis tempore non est deneganda poenitentia postulanti, cum ille se obliquet Iudici cui occulta omnia noverit revelari.

DIE XIII.

Ex Concilio Carthaginiensi quarto. *An. 398. Cap. 76.*

Is qui poenitentiam in infirmitate petit, si casu, dum ad eum Sacerdos invitatus venit, oppressus infirmitate obmutuerit, vel in phrenesim versus fuerit, si continuo creditur moriturus, reconcilietur per manus impositionem: si supervixerit, admoneatur a testibus petitioni suae satis-

factum; et subdatur statútis pœnitentiæ légibus, quâmdiu Sacerdos, qui pœnitentiam dedit, probaverit.

De Sacro Viatico.

DIE XIV.

Ex * Concilio Burdigalensi, et ** Epístola Innocéntii Papæ ad Exsupérium Tolosânium Episcopum. * *An. 1583. Tit. II. ** An. 407. Cap. 2.*

ÆGROTI, ii præsertim, qui periculose labórant, Eucharistiæ salutári Viático non cæreant Quæsitum est quid de his observári opóreat, qui post baptismum omni témpore incontinentiæ voluptátibus dediti, in extrémó fine vitæ suæ pœnitentiam simul, et reconciliatiónem communiónis exposcunt. Tribúitur cum pœnitentia extrémá Commúnio, ut hómines hujúsmodi vel in suprémis suis pœnitentes, miserante Salvatóre nostro, a perpétuo exítio vindicentur.

DIE XV.

Ex Concíliis * Rothomagensi, et ** Burdigalensi. * *An. 1581. de Curat. Offic. Can. 29. ** An. 1583. Cap. II.*

CURATI stúdeant cum omni reveréntia ac cautióne Eucharístiam ad ægrótos deferre, et in hóminum fréquentia, si fieri potest; nec sine præeúntibus lumínibus ac tintinná-

bulo, quo omnes admoneantur ad veneratióem tanti Sacramenti, et orandum pro infirmo..... Pópulus moneatur ut tum in viis públicis sanctíssimum Christi Corpus adorét, et ægróti usque domum, quoad fieri póterit, magna cum veneratióne atque pietáte prosequátur.

De Extrema Unctione.

DIE XVI.

Ex Concíliis * Tolosáno, et ** Remensi. * *An. 1590. Part. 2. Cap. 9. ** An 1583. De Extrema Unctione. n. 2.*

PÁROCHI dabunt sédulo óperam, ne in id témpus, Sacram Extremamque Uñtiónem differant ægróti, quo tam profutúri Sacramenti cómmoda, quod frequenter nímium accidit, satis agnóscere non possint... Párochus non exspectet ut rogétur de Sacramento Extrémæ Uñtiónis; caveatque ne vel mors Uñtiónem prævéniat, vel morbo invalescente, semimórtuus non séntiat.

DIE XVII.

Ex Concílio Burdigalensi. *An. 1583. Tit. 13.*

CURRENT Párochi, crebris moutiúnibus, imperítum vulgus ab illa ináni et ímpia opiñióne abdúcere, qua pleríque sinistre de Sacramenti Extrémæ Uñtiónis virtúte séntiunt, perinde ac si mortem

ægris accéleret; cum certum sit ex Apóstoli doctrína, Deum, non ánimæ tantum, verum étiam córpori, si expedierit, virtúte hujus Sacramenti, salutem conferre. Párochis præcípimus, ut omnes curæ suæ créditos frequenter moneant, ne sint hac in re lentióres aut negligentióres, cum inter eos áliquis periculose laboráre videbitur.

DIE XVIII.

Ex véteri Synodáli diocésis Albiensis. *An. 1553. Part. 1. Cap. 26.*

SI infirmus qui petit Sacramentum Extrémæ Unctiónis, amiserit notítiam vel loquélam; nihilóminus, dum tamen vitam hábeat, concedátur eidem. Præcípimus itaque ut doceant pópulum Sacerdótes, ut omnes postquam ad annos discretiónis pervenerint, tóties quóties infirmitas supervenerit, hoc Sacramentum Unctiónis Extrémæ recipiant.

DIE XIX.

Ex Concílio Mediolanensi tertio, sub sancto Cárolo. *An. 1573. Cap. 9.*

SI quis morbi vi vel repentinó aliquo casu sensum omnem amiserit, ut nihil plane intélligat, Extrémæ Unctiónis Sacramentum ei ministráriliceat, si modo, dum usum ratiónis habéret, pii ánimisignificatiónem déderit, ut inde judicári possit, eum Sa-

cramentum petitúrum, si adhuc íntegra menté esset.

— — —

De Cura infirmorum post ultima Sacramenta.

DIE XX.

Ex Concílio Burdigalensi. *An. 1583. Tit. 13.*

NON putent Párochi, se omnino officio suo satisfacisse, si ægrótis Eucharístiæ et Extrémæ Unctiónis Sacramenta solum impenderint: sed eos præterea adesse oportet morientibus, eosque sanctis admonitióibus et piis præcibus omni ratióne juvare; ut quod eis súperest vitæ, in vera et Cathólica fide possint explere.

DIE XXI.

Ex Concílio Mediolanensi quarto, sub sancto Cárolo. *An. 1576. Part. 2. Cap. 6.*

SACERDOS, dum ægrótus sensuum usum non amisit, eum brevibus et suávis ardentibusque verbis excitare ad desiderium vitæ æternæ et ad spem de divína misericórdia concipiendam, ne opportunè desistat; tum, cum prope moribundus est, in illius animæ Commendatióne, quam máxima potest íntima ánimi pietate, stas religiósas sanctasque preces récitet.

DIE XXII.

Ex Statútis Synodálibus Andréæ Hérculis de Fleury,

Forojuhensis Episcopi. *An.*
1714. n. 8.

HORTAMUR Párochos ut sé-
dula caritatē visitent infirmos,
præsertim in extrémis vitæ
momentis, unde pendet ali-
quando eórum salus æterna.

*De iis qui pœnitentiam
differunt.*

DIE XXIII.

Ex Epístola decretáli sancti
Leónis Papæ ad Rústicum
Narbonensem Episcopum.
An. 443. *Resp.* 7 et 9.

EORUM qui in ægritudine
pœnitentiam accipiunt, et
cum revalúerint, agere eam
nolunt, culpanda est negli-
géntia, sed non pœnitus dese-
renda; ut crebris cohortati-
onibus incitáti, quod necessariè
expetiérunt, fidéliter exse-
quantur. Nemo enim despe-
randus est, dum in hoc cór-
pore constitútus est. Unde
Pœniténtia quæ diláta est,
cum studiósius petíta fúerit,
non negétur, ut quoquómodo
ad indulgéntiæ medicínam
ánima vulneráta pervéniat.

*De Cura Ægrotantium in
Hospitalibus.*

DIE XXIV.

Ex Concílio Burdigalensi.
An. 1583. *Tit.* 28.

PROSPICIENDUM imprímis,

ut in Hospitalibus dómibus,
quæ ad animárum salútem
pértinent, mínime negligan-
tur: sed ante ómnia, de Sa-
cramentórum administrati-
one paupéribus et ægrótis pro-
videátur. Quanto enim ani-
mus pretiósior est córpore,
tanto diligéntior de illo habé-
ri cura debet.

*De Cœmeteriis, de Fune-
ribus et de Precibus
pro defunctis.*

DIE XXV.

Ex * Concílio Burdigalensi,
et ** Statútis Synodálibus
Eustáchii de Belláio Parisien-
sis Episcopi. * *An.* 1624. *Cap.*
20. ** *An.* 1557. *Can.* 3 et 9.

IN hoc convéniant omnes
pópuli, ut de sepultúris sit
illis præcípua cura: sed præ-
sertim Christi Fidélibus, ut
uno in loco religióso, bene
septo, et rite benedicto, ab
ómnibus sórdibus aliéno,
membra, Spíritus sancti
quondam templa, in resur-
rectionem vitæ e púlvere pro-
cessúra, sepeliantur.... In Cœ-
meteriórum médio crux fír-
miter érecta sit. Cœmeteria
Rectóri aut étiam áliis úsui
ne sint, res profánas onérave
adsportántibus, hacque et il-
lac per Ecclésiám sácræque
loca, quasi per viam públi-
cam transeúntibus.

DIE XXVI.

Ex Statútis Synodálibus

Eustáchii de Belláio Parisiensis Episcopi. *An.* 1557. *Can.* 8 et 9.

CŒMETERIUM, ubi mortuorum corpora ad extrémum usque iudicium dormiunt, in honore est habendum. Proinde prohibemus in cœmèteriis, plebiscita, ac laicorum publica concilia, ac chœreas exerceri, necnon nundinas et cantiones impudicas decantari. Cœmèteria étiam a sordibus et stercoribus mundari jubemus. Ecclesiæ quoque pœdôres et ceteræ immunditiæ excutiantur.

DIE XXVII.

Ex * Concilio Remensi, et ** Statutis Synodâlibus Eustáchii de Belláio Parisiensis Episcopi. * *An.* 1583. *Tit. de Sepult. n.* 1 et 2. ** *An.* 1557. *Can.* 8.

PARŒCI in hanc officii sui partem diligenter incumbant, ut piôrum funera Christianæ simplicitatis ac modestiae lîmites non excédant. Id autem fiet, si ipsi primum mercède consueta et honesta contenti; deinde superfluas expensas quæ propter ambitionem et fastum fiunt, vel hæredibus relinqui, vel pauperibus erogari suadeant.... Superflua funeris et exsequiarum pompa vitetur, quæ ad vivorum potius quam defunctorum solatium inventa est. Defunctis enim subveniunt preces, elemosynæ, jejûnia, oblationes, et Missæ sacrificium.

Autumnalis.

DIE XXVIII.

Ex Conciliis * Remensi, et ** Narbonensi. * *An.* 1583. *Tit. de Sepult. n.* 3. ** *An.* 1609. *Cap.* 24.

PAUPERES, quibus ádeo ténues fuere facultates, ut propriis impensis humari nequeant, gratis ac honeste tamen sepeliant Parœci; alióqui pœnas arbitrarias exsoluturi.... Sórdidas exactiões, et pro exsequiis defunctorum illicitas pactiões a Sacerdotibus fieri non permittant Episcopi; et in hoc deprehensos Sacerdotes qua decet severitate puniant.

DIE XXIX.

Ex Conciliis * Burdigalensi, et ** Tolosano. * *An.* 1624. *Cap.* 20. §. 3. ** *An.* 1590. *Part.* 2. *Cap.* 10. *n.* 12.

In funeribus, fúnebres orationes haberi, sine Episcopi licentia prohibemus: quæ tamen si unquam fieri concedantur, cæveant concionatores, ne vana vane commendare censeantur.... Concio tamen aliqua haberi poterit, qua humanæ tantum miseriæ status, mortis iudicii necéssitas, qualitasque describétur.

DIE XXX.

Ex Conciliis * Tridentino, et ** Burdigalensi. * *An.* 1563. *Sess.* 25. *Decret. de Purgatorio.* ** *An.* 1583. *Tit.* 30. *de Sepult.*

CURRENT Episcopi ut fidélium

e

vivórum suffrágia, Missárum scilicet sacrificia, oratiónes, eleemósynæ, aliæque pietátis ópera, quæ a fidélibus pro aliis fidélibus defunctis fieri consuevérunt, secundum Ecclésiæ institúta pie et devóte fiant; et quæ pro illis ex testatórum fundatió nibus, vel alia ratióne debentur, non perfunctórie, sed a Sacerdó tibus et Ecclésiæ ministris, et aliis qui hoc præstáre tenentur, diligenter et accuráte persolvantur..... Móneant sæpe Párochi pópulum sibi súbditum, ut supréma defunctórum judícia fidéliter exsequenda curent; legátæque ab illis piis locis summa fide persolvant.

DIE XXXI.

Ex Tractátu Jonæ Aurelia-

nensis Epíscopi, de Institútióne Laicali. *An. 83o. Lib. 3. Cap. 15.*

NULLATENUS audiendi sunt illi qui dicunt quod nullæ aliæ eleemósynæ opitulári possunt defunctis, nisi solummodo quæ Sacerdó tibus dantur, et sacrificia quæ per eos Deo offeruntur. Hoc qui credunt et dicunt, aut ignorántia aut certe aliórum persuasióne falluntur. Credibile sane est quod hæc persuásió qua simplices id crédere et dicere videntur, ex fonte avaritiæ processerit: sancta quippe mater Ecclésia pro defunctis suis non solum sacrificia altáris, sed étiam quascumque alias eleemósynas offerre consuevit.

MENSE NOVEMBRI.

De Sanctorum Invocatióne, Imaginibus, et Reliquiis.

DIE I.

Ex Concílio Tridentino. *An. 1563. Sess. 25. Decret. de Invoc. SS.*

MANDAT sancta Synodus ómnibus docendi munus curamque sustinentibus, ut juxta Cathólicæ et Apostólicæ Ecclésiæ usum, a primævis Christiánæ Religiónis temporibus receptum, sanctorumque Patrum consensiónem, et

sacrórum Conciliórum decretá, fidéles diligenter instruant; docentes eos, Sanctos una cum Christo regnantes, oratiónes suas pro homínibus Deo offerre, bonum atque útile esse suppliciter eos invocáre, et ob benefícia impetranda a Deo per Fílium ejus Jesum Christum Dóminum nostrum, qui solus noster Redemptor et Salvátor est, ad eórum oratiónes, opem auxiliúmque confúgere.

DIE II.

Non dicitur Canon.

DIE III.

Ex Concilio Burdigalensi.

An. 1624. Cap. 4. n. 2.

OMNIBUS Párochis nostræ provinciæ, ut dièbus Festis vitam Sanctórum, quórum memória in benedictióne celebrátur, hora commodióri, ad pópulum de suggestu legant, et familiáribus verbis explicent, præcipimus : quæ véluti sacro ánimæ férculo plebs fidélis erudíta, Sanctórum vitam et mores utiliter imitétur.

DIE IV.

Ex Concilio * Mediolanensi

primo, sub sancto Cárolo, et

** Statútis Henríci de Gondíaco Parisiensis Epíscopi.*

*An. 1565. Part. 1. Cap. 7. ****An. 1608.*

CAVEANT Epíscopi ne quid pingátur aut sculpátur quod veritáti Scripturárum, traditiónum aut Ecclesiasticárum historiárum adversétur; ne cujus léctio prohibétur, ejus imágo pópulo proponátur..... Uniuscujusque imáginis os, corpus, córporis hábitum et statum, ornátum et locum inspiciendum curent Epíscopi; ut hæc ómnia ad protótypi dignitátem et sanctitátem apta sint et decóra, atque imáginis inspectiône píetas excitétur. Si quæ porro minus decentes reperiantur, eas auferri omníno vólumus, et si quæ prætérea insigni álqua sui parte minútæ sint et fœdátæ.

DIE V.

Ex Concilio Moguntíno.

An. 1549. Can. 43 et 44.

RELIQUIAS Sanctórum, velut divínæ grátix olim receptácula, et veríssima Christi membra, et pura Spíritus sancti domicília, monémus in ecclésiis vel ob id proponendas et religiósá pietáte venerandas; ut per eas fidéles commóniti, discant virtútem et fidem Sanctórum imitári. Peregrinatiónes étiam ad certas Sanctórum Relíquias vel ob id Christiáno pópulo censémus permittendas, ut hómines ad imitandam Sanctórum pietátem et constántiam vehementióre affectu incitentur, et ut majóri devotióne se méritis Sanctórum sociári, et précibus eórum adjuvári póstulent; dúmmodo sédulo cèveant Pastóres ne concursus superstitiósí fiant.

DIE VI.

Ex Concilio Tridentíno. *An.**1563. Sess. 25. Decr. de Invoc. SS.*

STATUIT sancta Synodus nulla étiam admittenda esse nova mirácula, nec novas Relíquias recipiendas, nisi recognoscente et approbante Epíscopo : qui simul atque de iis áliquid compertum habúerit, adhibitis in consílium Theólogis, et álíis piis viris, ea fáciat quæ veritáti et pietáti consentánea judicáverit.

DIE VII.

Ex Concilio Tridentíno.

An. 1563. Sess. 25. Decret. de
Invoc. SS.

OMNIS superstítio in Sanctórum invocatióne, Reliquiárum veneratióne, et imáginum sacro usu, tollátur : omnis turpis quæstus eliminétur, omnis dénique lascívia vitétur ; ita ut Sanctórum celebratióne, ac Reliquiárum visitatióne, hómines ad comessatiónes atque ebrietates non abutantur, quasi festi dies in honórem Sanctórum per lulum ac lascíviám agantur.

DIE VIII.

Ex Concílio Burdigalensi.
An. 1624. Cap. 3. n. 10. *Desacris Reliquiis.*

DOLENDUM, nostrórum téporum memoria immanitatem hæreticæ pravitatis ita sæviisse, ut divína simul et humana conculcans, sacras Sanctórum Reliquias, misericórdiæ Dei erga singulas plebes testimónia, vel igni admóverit, vel alias disjécerit profanandas. Præcipimus igitur, omnes singulárum úrbium et diocésium sacras Reliquias, quæ ex tanta impietatis sævitia supersunt, semel ab Episcopis recognosci ; et in libro descriptas, qui in archívia Cathedralium adservétur, in singulis ecclésiis, loco conspícuo, bene septo ac decenter præparáto, recondi et constitui : e quo, cum pro more solémnibus diébus veneratiónis causa edúci, et

in altáribus collocári par erit, id cum omni honóre et reveréntia fieri mandámus.

De Sanctificatione diæ Dominicæ, aliarum- que Festivitatum.

DIE IX.

Ex Concílio Parisiensi sexto. An. 829. Lib. 1. Cap. 50.

SACERDOTES, reges, príncipes, cunctique fidèles summóperè procúrent, ut diéi Domínici débita observatió, nunc usque magna ex parte neglecta, devótius exhibeatur. Si Judæi Sábbatum carnáliter custodientes, eo die ab opéribus se ábstinent ; quanto magis Christi grátia redemptis cónvenit ut eo die, quo Auctor vitæ resurrexit, eisque spem resurgendi concessit, ab his se abstíneant, et laudibus cœléstibus toto cordis annísu vacáre sátagant !

DIE X.

Ex Concílio Matisconensi secundo. An. 585. Can. 1.

CUSTODITE diem Domínicam quæ nos denuo péperit, et a peccátis ómnibus liberávit. Nullus vestrum lítium fomítibus vacet ; nullus causárum actiões exerceat : nemo sibi talem necessitatem exhibeat, quæ jugum cervícibus juvencórum impónere cogat. Non quia hoc Dóminus noster a nobis éxpetit, ut corporáli

abstinéntia diem Domínicam celebrémus : sed quærit obediéntiam per quam nos, cal-cátis terrénis áctibus, ad cœ-lum usque misericórditer pró-vehat. Si quis itaque vestrum hanc salubrem exhortatió-nem parvipéndèrit, aut contéptui tradiderit; sciat se pro qualitátis mérito a Deo puníri.

DIE XI.

Ex Concílio Aurelianensi tertio. *An. 538. Can. 28.*

DE ópere ruráli, id est ará-to, vel vínea, vel sectióne, messióne, excutióne, exarto, vel sepe, censúimus abstinen-dum; quo facílius ad Ecclé-siam convenientes oratiónis grátiae vacent.

DIE XII.

Ex Synodo Trecensi. *An. 1459. Lib. 3. Fol. 93.*

INHIBERANT Sacerdótes suis Parochiánis, ne diébus Domí-nicis negótia secularia exér-ceant, sive núnquinas, sive mercáta frequentent, propter quod a servítio divíno impe-diantur; sed ad Ecclésiám vé-niant præcepta Ecclesiástica auditúri, ut sciant quáliter in hebdomada opórteat eos ví-vere, sicut festa cólere, et jejúnia celebráre.

DIE XIII.

Ex Concílio Coloniensi. *An. 1536. Part. 9. Cap. 9.*

DILIGENTER pópulus admo-

nendus est, cur Fériæ, et po-tíssimum dies Domínicus, qui a tempóribus Apostolórum in Ecclésia Dei semper céle-bris fuit, institútæ sint. Nem-pe ut tum in unum omnes páriter convenírent ad au-diendum verbum Dómini, ad audiendum quoque sacrum, et communicandum : brévi-ter, ad vacandum Deo soli, ut dies illa tantum oratióni-bus, hymnis, psalmis, et cán-ticis spirituálibus transigá-tur; hoc enim est sanctificáre Sábbatum.

DIE XIV.

Ex Concíliis *Vaurenísi, et
**Aquensi. **An. 1368. Cap. 84.*
***An. 1385. Tit. de Fest. cultu.*

PARROCHIANI diébus Domí-nicis et Festívis ad suam Pa-rochiálem Ecclésiám véniant, Missas íntegras auditúri. Doceantur pópuli ut præter Missam, quæ diébus Domí-nicis et Festívis sine gravíssimi peccáti culpa prætermitti non potest, præter Vésperas item, quibus fidélem quemque nisi impeditum interesse má-xime cónvenit, in doctrínæ Christiánæ rudimentis om-nes, tam mares quam fé-minæ, tam viri quam púeri, vel perdiscendis si illa ignó-rent, vel álios perdocendis versentur.

DIE XV.

Ex Synodo generáli Ródo-mi. *An. 878. Cap. 14.*

ADMONERE debent Sacerdó-

tes plebes súbditas sibi, ut pastóres vel aratóres qui in agris assídue commorantur vel in sylvis, et ídeo velut more pécudum vivunt, in Domínicis et in áliis Festis diébus, saltem vel ad Missam fáciant vel permittant veníre: nam et hos Christus pretióso suo ságuine redémit. Quod si negléxerint, pro animábus eórum absque dúbio ratiónem se redditúros sciant.

DIE XVI.

Ex Concílio Aquileiensi. *An. 1596. Can. 14.*

TEMPUS diéi Festi in audiendis conciónibus, Missæ sacro, et divínis Officiis ponendum est, non in commensationibus: multo minus, peracto prándio, ad saltationes et lusus declinandum; cum sit in eccléas ad Horas vespertínas audiendas divertendum, et nomen Dei concórditer et devóte, vel siléntii meditatióne vel vocis exaltatióne laudandum.

DIE XVII.

Ex Concílio Senonensi. *An. 1485. Art. 4. Cap. 1.*

FESTIVITATIBUS præcípui, Parochiáles Presbyteri pópulos hortentur páriter et móneant piis commonitióibus et devótis, et sua confitéri peccáta, et se ad celebritátem et devotióem in ipsis solemnitátibus præparáre, dictas commonitióes die Domínica

ante ipsárum celebritátem Festivitatúum débite faciendo.

DIE XVIII.

Ex Concílio Aurelianensi. *Ante sec. XI: apud Yvon. Canon. Decret. p. 2. c. 120.*

DIEBUS Domínicis vel Festis post sermónem Missárum intra solénnia hábitum, plebem Sacerdos admóneat, ut juxta Apostólicam institutióem in commúni pro diversis necessitatibus preces fundant ad Dóminum pro Rege, et Episcopis, et Rectóribus Ecclesiárum, pro pace, pro peste et pro infirmis qui in ipsa Paróchia lecto decumbunt, pro nuper defunctis. Sacerdos vero oratiónes ad hæc pertinentes solénniter expleat, et post hæc sacra celebrétur oblátio.

De Potestate Civili et Ecclesiastica, et Obsequio illis debito.

DIE XIX.

Ex Concílio Parisiensi sexto. *An. 829. Lib. 1. Cap. 3.*

PRINCIPALITER totíus sanctæ Dei Ecclésiæ corpus in duas exímias persónas, in Sacerdotálem vidélicet et Regálem, sicut a sanctis Pátribus traditum accépimus, divisum esse nóvimus. De qua re Gelásius Románæ Sedis venerabilis Episcopus ad Anastásium

Imperatorem ita scribit: Duo sunt quippe, inquit, Imperator Auguste, quibus principaliter mundus hic regitur; auctoritas sacrata Pontificum, et Regalis potestas: in quibus tanto gravius pondus est Sacerdotum, quanto etiam pro ipsis Regibus hominum in divino reddituri sunt examine rationem.

DIE XX.

Ex Capitularibus Herardi Turonensis Archiepiscopi. *An. 858. Cap. 39.*

DOCEANTUR plebes Episcopis humiliter ac reverenter in cunctis obedire, et quod eorum injuria referatur ad Deum, cujus summa legatione funguntur; et ut reges vel principes, pro quibus orare, quibusque propter Deum subdi precipimur, nullus maledicere vel detrahere praesumat.

DIE XXI.

Ex Capitularibus Ecclesiasticis Caroli magni. *Circa 801. Lib. 5. n. 170.*

EPISCOPOS et Sacerdotes quibus omnis terra caput inclinatur, per quos et nostrum pollet Imperium, admodum honorari et venerari omnes monemus: nec eos lacerari, aut blasphemari, vel detrahi a quoquam volumus: quia detractio Sacerdotum ad Christum pertinet, cujus vice,

legatione funguntur in Ecclesia.

DIE XXII.

Ex Concilio Meldensi. *An. 845. Can. 15.*

SI quis potestati regiae quae non est, juxta Apostolum, nisi a Deo, contumaci ac inflato spiritu contra auctoritatem et rationem, pertinaciter contradicere praesumpserit, et ejus justis et rationalibus imperiis, secundum Deum et auctoritatem Ecclesiasticam ac jus civile obtemperare irrefragabiliter noluerit, anathematizetur.

DIE XXIII.

Ex Tertulliani Libro ad Scapulam.

CHRISTIANUS nullius est hostis, nedum Imperatoris: quem sciens a Deo suo constitui, necesse est ut et ipsum diligat, et reveatur, et honoret, et salvum velit. Colimus ergo Imperatorem sic, quomodo et nobis licet et ipsi expedit, ut hominem a Deo secundum, et quidquid est a Deo consecutum, solo Deo minorem.

De Fraternitatibus et Sodalitibus.

DIE XXIV.

Ex * Concilio Remensi, et
** Statutis Synodalibus E-

e.

clésiæ Carnotensis.* *An.* 1583.

** *An.* 1526.

NULLE deinceps fraternitâtes sine Episcopi licentia instituantur; quæ autem sunt institutæ hæctenus aut approbentur ab eo, aut aboleantur..... Fraternitatum societates ne dièbus Domînicis hora Missæ parœcialis quæ competenti hora celebrètur, fiant. Juramenta, in ingressu maxime, super observatiõe Statutorum prædictarum Confratriarum, ne a cetero præstentur aut exigantur; prohibemus imprimis, ne in ipsarum Congregationibus fiant dissoluta convivia, maxime ex denariis earundem, computationes ad ebrietatem inducentes, chœræ, tripudia, et cetera id genus.

De Hæreticis.

DIE XXV.

Ex sancto Hilário Pictaviensi Episcopo ad Constantium Augustum. *Lib.* I. n. 6.

DEUS cognitionem sui docuit potius quam exegit; et operationum cœlestium admiratione præceptis suis concilians auctoritatem, coactam confitendi se adspernatus est voluntatem. Si ad fidem veram vis adhiberetur, Episcopalis doctrina obviam pergeret, diceretque: Deus universâti est Dôminus, obséquio non in-

diget necessârio, non requirit coactam confessionem; nostra potius, non sua causa venerandus est. Non possum nisi volentem recipere, nisi orantem audire, nisi profitentem signare.

DIE XXVI.

Ex Concilio Coloniensi primo. *An.* 1536. *Part.* 6. *Cap.* 12.

Non intendat his Párochus quæ magis quæstiones præstant quam ædificationem, quæ est ex caritate. Proinde, ubi cum hæreticis res est, corripiet cum modestia eos qui resistunt veritati; nequando Deus det illis poenitentiam ad cognoscendam veritatem, et respiscant. Nequâquam autem ad populum verbis contendat; (ad nihil enim utile est nisi ad subversionem audiëntium,) memor Apostólici sermonis: Si quis vult contentiosus esse, nos talem consuetudinem non habemus, neque Ecclesia Dei.

DIE XXVII.

Ex Synodo Ebroicensi. *An.* 1576.

PASTORES orent assidue (pro hæreticis,) demonstrent se de eorum perditione ex ánimo dolere, pro eorum conversione omnia paratos esse agere, ut agnoscantur filii Patris sui qui solem suum oriri facit super bonos et malos.

DIE XXVIII.

Ex Concilio Laodiceno.

An. 373. Can. 7.

QUI ab hæreticis convertuntur, non ante suscipiantur quam omnes hæreses anathematizent, et præcipue illam qua detinebantur. Tunc mostræ doceantur fidei symbolum, et sic mystériis communicent sacrosanctis.

De Excommunicatione.

DIE XXIX.

Ex Concilio Meldensi. *An. 845. Can. 56.*

NEMO Episcoporum quemlibet, sine certa et manifesta peccati causa, communionē privet Ecclesiastica. Anathema autem, quia æternæ est mortis damnatio, nōnnisi pro mortali debet imponi

crimine, et illi qui aliter non potuerit corrigi.

DIE XXX.

Ex Conciliis * Tridentino, et Bituricensi. * *An. 1563. Sess. 25. de Reform. Cap. 3. ** An. 1584. Tū. 31. Can. 2.*

QUAMVIS excommunicatiōnis gladius nervus sit Ecclesiasticæ disciplinæ, et ad continendos in officio pópulos valde salutáris; sóbrie tamen magnáque circumspectiōne exercendus est, cum experiéntia dóceat, si témere aut lévibus ex rebus incutiátur, magis contemni quam formidári, et perniciem pótius parere quam salutem..... Excommunicatiōnem semper præcedat trina monitio, ne témere decernátur; cum omnium poenarum, quas peccatoribus Ecclesia infligit, sit máxima.

MENSE DECEMBRI.

Ultima monita.

DIE I.

Ex Concilio Aquisgranensi. *An. 816. Lib. 1. Cap. 145.*

QUI divinis officiis se manciparunt, studeant hæc breviter collecta sédula meditatione perlégere, et memoriæ commendáre, et divína adjuvante grátia, juxta vires adimplére. Vocatiōne ergo

qua vocáti sunt, nec ad dexteram, nec ad sinistram declinantes ámbulent; quatenus divinis jussiōnibus obtemperantes, ad Christum in cujus sorte esse noscuntur, qui via, véritas et vita est, eo opitulante, pervenire mereantur.

DIE II.

Ex Concilio Tridentino. *An.*

1562. *Sess. 22. Cap. 1. Decret. de Reform.*

Si qua ex his (quæ a sacris Canonibus sancita sunt de Clericorum vita) in desuetudinem abiisse compérint Episcopi; ea quamprimum

in usum revocari, et ab omnibus accuratè custodiri studeant; non obstantibus consuetudinibus quibuscumque: ne subditorum neglectæ emendationis ipsi condignas, Deo vindice, pœnas persolvant.

NOTULÆ CRITICÆ.

Ad diem 4 Septembris, in Festo S. Aigulfi. In omnibus Breviariis Ecclesiæ Gallicanæ, in quibus fit mentio de Corporis S. Benedicti in Gallias adsporatione, hæc translatio S. Aigulfo tribuitur. De hoc tamen facto vide Baillet et Godescard (in not.) ad diem 21 Martii.

Ad diem 11 Octobris, in Festo SS. Sanctini et Antonini. In Historia Diœc. Paris, Lebœuf, Tom. 14, pag. 171, autumat S. Antoninum Meldensem fuisse primitus Patronum primarium Castrorum in Bria, *Chastres en Brie*, ubi nunc honoratur S. Antoninus Apamien-sis. Prædictus autem locus olim ad Parisiensem nunc ad Meldensem diœcesim pertinet.

Ad diem 3 Novembris. Hac die S. Firminius absque fundamento tanquam Episcopus Meldensis in Martyrologio Romano commemoratur; vide Gall. Christ. Tom. 13. Col. 830 et 831.

Ad diem 13 Novembris, in Festo S. Chilleni. Hic Sanctus ut Episcopus honoratur apud Atrebatenses, et ita nominatur apud Breviarium Parisiense in Legenda S. Faronis, die 28 Oct. Sed in Martyrologio Parisiensi, (An. 1727,) et in veteri Meldensi Breviario tanquam Presbyter commemoratur.

Ad diem 15 Novembris, in Festo S. Bertillæ. Inter Sanctos *Cellenses* falso a quibusdam computatur Philippus *Cellensis*, in Palatinatu ad Rhenum; vide Godescard, 3 Febr. in not. ad vitam S. Hadelini Abbatis *Cellensis*.

DISTRIBUTIO

LECTIONUM E SCRIPTURA

PRO PARTE AUTUMNALI.

IN PROPRIO DOMINICARUM.

- Dom. XII et XIII, continuatur Epistola ad Colossenses, quæ incipit in Parte Æstiva.
Dom. XIV et XV, Epist. I ad Thessalonicenses.
Dom. XVI, Epist. II ad Thessalonicenses.
Dom. XVII, XVIII, XIX, XX et XXI, Epist. I ad Timotheum.
Dom. XXII, XXIII, XXIV et XXV, Epist. II ad Timotheum.
Dom. XXVI et XXVII, Epist. ad Titum.
Dom. XXVIII, Epist. ad Philemonem.

IN PROPRIO FERIARUM ET FESTORUM.

Mense Septembri.

- Die 1, continuatio Libri Ezechielis, qui incipit in Parte Æstiva.
Die 8, in Nativitate B. M. V. Lectiones propriæ ex Canticis Cantorum, Cap. 1, 4 et 5.
Die 9, incipit Liber Æsther, (quæ fuit B. M. V. adumbratio.) Hic Liber continuatur per totam Octavam.
Die 16, incipit Liber Baruch.
Die 19, incipit Daniel. Hic Liber interrumpitur die 29, in Festo S. Michaelis, per Lectiones proprias ex Apocalypsi, Cap. 5, 8 et 10.

Mense Octobri.

- Die 1, continuatur Daniel.
*Dom. post diem 6 Octobris, in Festo SS. Dionysii et Soc., Lectiones propriæ ex Epist. I ad Thessalonicenses, Cap. 1 et 11.
Die 8, incipit Osee.
Die 10, incipit Joel; hic Liber interrumpitur die 11 in Festo S. Sanctini, per Lectiones proprias ex Epist. ad Romanos, Cap. 4 et 10.
Die 13, incipit Amos.
Die 14, incipit Abdias.
Die 15, incipit Jonas.
Die 16, incipit Michæas.

- Die 17, incipit Nahum.
 Die 18, incipit Habacuc.
 Die 19, incipit Sophonias.
 Die 20, incipit Aggæus.
 Die 21, incipit Zacharias.
 Die 27, incipit Malachias.
 Die 28, in Festo SS. Simonis et Judæ, Lectiones propriæ dicuntur,
 videlicet tota Epistola B. Judæ.
 Die 29, in Festo S. Faronis, incipit Liber I Æsdræ.

Mense Novembri.

- Die 1, in Festo Omnium SS., Lectiones propriæ ex Libro Apocalypsis, Cap. 4 et 5.
 Die 2, in Commemoratione omnium Fidelium Defunctorum ad I Noct., Lectiones propriæ ex Libro Job, Cap. 7, 14 et 19; ad III Noct., Lectiones propriæ ex Epist. ad Thessaloniceenses, Cap. 4 et 5.
 Die 3, continuatur Liber I Æsdræ.
 Die 4, in Festo S. Caroli, incipit Nehemias qui et Æsdræ dicitur secundus.
 Die 7, incipiunt Libri Machabæorum.
 * Dom. post Octavam Omnium SS. in Anniversario Dedicationis, Lectiones propriæ ex Libro II Paralipomenon, Cap. 7.
 Die 21, in Festo Præsentationis B. M. V., incipit Liber Apocalypsis qui continuatur usque ad Adventum.

Sic terminatur annus Ecclesiasticus per Libros Machabæorum et Apocalypsim, in quibus præfigurantur aut prædicantur ultima Ecclesiæ Christi prælia et victoria.

DE LECTIONIBUS PATRUM

PRO PARTE AUTUMNALI.

In Tabula sequenti exhibetur per varia Argumenta juxta quem ordinem distributæ fuerint Lectiones Patrum, in Proprio Dominicarum, ante Evangelium dispositæ. Quæ quidem Lectiones ab Evangelio non pendent; ac proinde cum Homilia non concordant, nisi quando specialiter notatur.

¶ Signa abbreviationis quibusdam ex illis Argumentis addita indicant ubinam sit reperire, in variis Breviarii locis, Homilias aut alias Lectiones Patrum quæ de eadem Materia habentur.

A. significat Partem Autumnalem; H. Partem Hiemalem; V. Partem Vernam; Æ. Partem Æstivalem.

Numerus vero postpositus indicat paginam illius Partis, ad quam recurrendum est.

ARGUMENTA.

DOM. POST PENTECOST.

- DOM. XII. De Psalmorum cantu, de Horis Canonicis.
- DOM. XIII. De Humilitatis necessitate et motivis. *Vide etiam, A. 168. H. 148. V. 134. 182. Æ. 225. 421.*
- DOM. XIV. Deum toto corde, nos et proximum propter Deum diligamus. *Vide etiam A. 172. 147.*
- DOM. XV. Quomodo Deus diligendus. V. 443.
- DOM. XVI. In omni conditione salus possibilis; præ ceteris beati qui consilia Evangelica servant.
- DOM. XVII. Sancti Ludovici Regis ad filium monita.
- DOM. XVIII. Qui Justus est, justificetur adhuc. *Vide Exemp. perfectionis Evangelicæ. V. 446.*
- DOM. XIX. De Patientia. *Vide exempl. patientiæ Christi in Pass. V. 282. et B. M. V. 275. 458.*
- DOM. XX. Alia de Patientia... (*In III Noct.*) Necessaria licet patientia, corruptores tamen corripienti et fugiendi. *Vide etiam A. 214. H. 190.*
- DOM. XXI. Christianus injurias tolerat et dimittit, invidiæ vitium fugit. *Vide etiam A. 191. V. 208. 256. 450. Æ. 200. et exemp. S. Steph. H. 313. 314. Æ. 445.*
- DOM. XXII. Qui diligit fratrem non detrahit; in dissidiis pacem requirit.
- DOM. XXIII. De fraterna correptione. *Vide V. 210. 234.*
- DOM. XXIV. Eleemosyna etiam laicis præcipitur: quanto magis Sacerdoti, qui vitam omnino simplicem agere debet! *Vide etiam A. 158. H. 146. V. 173. 184. 289. Æ. 206. 219.*
- DOM. XXV. Duæ vitæ: insanus qui temporali non æternam præfert. *Vide etiam A. 418. 502. V. 399. 408. 417.*
- DOM. XXVI. Christianis laborandum est ut mercedem accipiant. (*In III Noct.*) Quinam Dei, quinam diaboli. *Vide etiam A. 181. 232. 327. 396. 425. 426. V. 366.*
- DOM. XXVII. Christiano pugnandum, quia miles; (*In III Noct.*) Exsulans super terram, quid timeat pati, quid timeat mori?
- DOM. XXVIII. De Sanctorum resurrectione, et immensa in cælis remuneratione. *Vide etiam. A. 403. 404. V. 174. 412. 482.*

INDEX PSALMORUM.

A

<i>Psalmi.</i>	<i>Pagina.</i>
119 Ad Dominum, cum tribularer.....	55
27 Ad te, Domine, clamabo.....	5
24 Ad te, Domine, levavi.....	33
122 Ad te levavi oculos meos.....	72
28 Afferte Domino, filii Dei.....	118
77 Adtendite, popule meus.....	60
48 Audite hæc, omnes gentes.....	111

B

118 Beati immaculati in via.....	11
127 Beati omnes qui timent Dominum.....	123
31 Beati quorum remissæ sunt.....	57
40 Beatus qui intelligit.....	111
1 Beatus vir qui non abiit.....	1
111 Beatus vir qui timet Dominum.....	19
33 Benedicam Dominum in omni tempore.....	87
103 Benedic, anima mea, Domino : Domine Deus.....	23
102 Benedic, anima mea, Domino ; et omnia.....	70
143 Benedictus Dominus Deus meus.....	125
84 Benedixisti, Domine, terram tuam.....	46
91 Bonum est confiteri Domino.....	28

C

95 Cantate Domino canticum novum : cantate.....	34
149 Cantate Domino canticum novum : laus ejus.....	120
97 Cantate Domino canticum novum, quia.....	35
18 Cœli enarrant gloriam Dei.....	42
74 Confitebimur tibi, Deus.....	113
110 Confitebor tibi, Domine... in concilio.....	19
9 Confitebor tibi, Domine... narrabo.....	59
137 Confitebor tibi, Domine... quoniam audisti.....	89
104 Confitemini Domino, et invocate.....	24
135 Confitemini Domino, quoniam... Confitemini.....	28
106 Confitemini Domino, quoniam... Dicant qui.....	44
117 Confitemini Domino, quoniam... Dicat nunc.....	10
105 Confitemini Domino, quoniam... Quis loquetur.....	26
15 Conserva me, Domine, quoniam speravi in te.....	75

INDEX PSALMORUM.

<i>Psalmi.</i>	<i>Paginae.</i>
115 Credidi, propter quod locutus sum.....	89
4 Cum invocarem, exaudivit me Deus.....	21

D

129 De profundis clamavi ad te, Domine.....	73
43 Deus, auribus nostris audivimus.....	100
49 Deus deorum Dominus locutus est.....	50
62 Deus, Deus meus, ad te de luce vigilo.....	7
21 Deus, Deus meus, respice in me.....	105
69 Deus, in adiutorium meum intende.....	8
53 Deus, in nomine tuo salvum me fac.....	97
71 Deus, iudicium tuum regi da.....	42
108 Deus, laudem meam ne tacueris.....	53
66 Deus misereatur nostri.....	84
45 Deus noster refugium et virtus.....	120
82 Deus, quis similis erit tibi?.....	114
59 Deus, repulisti nos.....	122
81 Deus stetit in synagoga deorum.....	71
78 Deus, venerunt gentes in hæreditatem tuam.....	58
93 Deus ultionum Dominus.....	71
114 Dilexi, quoniam exaudiet Dominus.....	38
17 Diligam te, Domine, fortitudo mea.....	3
38 Dixi : Custodiam vias meas.....	91
109 Dixit Dominus Domino meo.....	18
35 Dixit injustus, ut delinquat.....	64
52 Dixit insipiens... in iniquitatibus.....	36
13 Dixit insipiens... in studiis suis.....	74
140 Domine, clamavi ad te.....	55
7 Domine Deus meus, in te speravi.....	40
87 Domine Deus salutis meæ.....	117
8 Domine, Dominus noster.....	32
142 Domine, exaudi orationem meam : auribus.....	118
101 Domine, exaudi orationem meam ; et clamor.....	103
20 Domine, in virtute tua lætabitur rex.....	69
6 Domine, ne in furore tuo... Miserere.....	40
37 Domine, ne in furore tuo... Quoniam.....	109
130 Domine, non est exaltatum cor meum.....	73
138 Domine, probasti me.....	107
3 Domine, quid multiplicati sunt.....	2
14 Domine, quis habitabit in tabernaculo tuo?.....	41
89 Domine, refugium factus es nobis.....	84
23 Domini est terra, et plenitudo ejus.....	45
26 Dominus illuminatio mea.....	85
22 Dominus regit me.....	86
92 Dominus regnavit, decorem indutus est.....	88
96 Dominus regnavit, exsultet terra.....	46
98 Dominus regnavit, irascantur populi.....	35

INDEX PSALMORUM.

E

<i>Psalmi.</i>	<i>Pagine.</i>
133 Ecce nunc benedicite Dominum.....	22
132 Ecce quam bonum.....	55
58 Eripe me de inimicis meis.....	94
139 Eripe me, Domine, ab homine malo.....	108
44 Eructavit cor meum verbum bonum.....	119
144 Exaltabo te, Deus meus rex.....	90
29 Exaltabo te, Domine, quoniam.....	6
19 Exaudiat te Dominus in die tribulationis.....	76
60 Exaudi, Deus, deprecationem meam.....	95
63 Exaudi, Deus, orationem meam, cum deprecor.....	113
54 Exaudi, Deus, orationem meam, et ne despexeris.....	93
16 Exaudi, Domine, justitiam meam.....	115
39 Expectans expectavi Dominum.....	102
80 Exsultate Deo adiutori nostro.....	81
32 Exsultate, justi, in Domino.....	76
67 Exsurgat Deus, et dissipentur.....	77

F

86 Fundamenta ejus in montibus sanctis.....	121
---------------------------------------------	-----

I

85 Inclina, Domine, aurem tuam.....	127
125 In convertendo Dominus.....	38
10 In Domino confido.....	74
113 In exitu Israel de Ægypto.....	20
70 In te, Domine, speravi..... et eripe me.....	97
30 In te, Domine, speravi... in justitia.....	67

J

65 Jubilate Deo, omnis terra, psalmum.....	6
99 Jubilate Deo, omnis terra : servite.....	8
34 Judica, Domine, nocentes me.....	48
42 Judica me, Deus, et discerne.....	69
25 Judica me, Domine, quoniam.....	50

L

121 Lætatus sum in his.....	55
145 Lauda, anima mea, Dominum.....	99
147 Lauda, Jerusalem, Dominum.....	83
148 Laudate Dominum de cœlis.....	9
150 Laudate Dominum in sanctis ejus.....	47
116 Laudate Dominum, omnes gentes.....	116
146 Laudate Dominum, quoniam bonus.....	66
134 Laudate nomen Domini.....	30
112 Laudate, pueri, Dominum.....	19
120 Levavi oculos meos in montes.....	38

INDEX PSALMORUM.

Psalmi.

Paginae.

M

47	Magnus Dominus, et laudabilis.....	121
131	Memento, Domine, David.....	124
56	Miserere mei, Deus, miserere mei.....	115
55	Miserere mei, Deus, quoniam.....	110
50	Miserere mei, Deus, secundum.....	126
100	Misericordiam et iudicium.....	43
88	Misericordias Domini in æternum.....	79

N

126	Nisi Dominus ædificaverit domum.....	73
123	Nisi quia Dominus erat in nobis.....	38
36	Noli æmulari in malignantibus.....	51
61	Nonne Deo subjecta erit.....	112
75	Notus in Judæa Deus.....	114

O

46	Omnes gentes, plaudite manibus.....	35
----	-------------------------------------	----

P

107	Paratum cor meum, Deus.....	81
-----	-----------------------------	----

Q

72	Quam bonus Israel Deus.....	36
83	Quam dilecta tabernacula tua.....	86
2	Quare fremuerunt gentes.....	2
41	Quemadmodum desiderat cervus.....	68
124	Qui confidunt in Domino.....	73
51	Quid gloriaris in malitia.....	93
90	Qui habitat in adiutorio Altissimi.....	22
79	Qui regis Israel, intende.....	88

S

128	Sæpe expugnaverunt me.....	106
68	Salvum me fac, Deus.....	95
11	Salvum me fac, Domine.....	91
57	Si vere utique iustitiam.....	103
136	Super flumina Babylonis.....	39

T

64	Te decet hymnus, Deus, in Sion.....	65
----	-------------------------------------	----

U

12	Usquequo, Domine.....	57
73	Ut quid, Deus, repulisti in finem?.....	122

94	Venite, exsulemus Domino.....	129
5	Verba mea auribus percipe, Domine.....	64
76	Voce mea ad Dominum... voce mea ad Deum.....	32
141	Voce mea ad Dominum... voce mea ad Dominum.....	56

TABULA

RERUM QUE IN HAC PARTE BREVIARII CONTINENTUR.

Rubricæ generales. Tabulæ Paschales et Calendarium.

Psalterium.....	I
Ordinarium Breviarii.....	128
Proprium Dominicarum.....	144
Proprium Feriarum et Festorum.....	225

Commune Sanctorum.....	I
Officium B. Mariæ in Sabbato.....	XLV
Commune Patronorum.....	XLIX
Litanie SS. Nominis Jesu.....	XLII
Litanie B. Mariæ Virginis.....	LVIII
Litanie Sanctorum.....	LIX
Psalmi Pœnitentiales.....	LXIII
Ordo Commendationis animæ.....	LXIV
Officium defunctorum.....	LXVIII
Præparatio ad Missam.....	LXXVI
Gratiarum actio post Missam.....	LXXVIII
Oratio ante et post administrationem cujuslibet Sacramenti.....	LXXX
Ordo ministrandi Sacramentum Pœnitentiæ.....	LXXX
Itinerarium.....	LXXXII
Canones.....	LXXXIV

Notulæ criticæ.....	CVI
Distributio Lectionum e Scriptura sacra in Parte Autumnali.....	CVII
De Lectionibus Patrum.....	CVIII
Index Psalmorum.....	

In Parte Hyemali reperitur Mandatum; in Verna autem habetur Index locorum in Brevario citatorum, cum aliis variis.

INTONATIONES ET TERMINATIONES

PSALMORUM ET CANTICORUM,

SECUNDUM OMNES CUJUSQUE MODI DIFFERENTIAS.

In hocce Breviario ad Antiphonas quisque Tonus suo numero notatur : variae etiam cujusque Toni species, seu-modi, suis litteris designantur; *completi*, majusculis; minusculis vero *incompleti*. Modus autem *completus* ille est qui in singulis Psalmi versibus desinit in legitimam Toni sui finalem; *incompletus* vero qui non in Psalmi versibus, sed in sola Antiphona perfecte terminatur. Solae vocales *e, u, o, u, a, e*, infra particulares terminationum variationes, brevitatis causa, ponuntur : inveniuntur in his verbis, *seculorum amen*, et quaecumque verba representant. Duæ claves significant Tonum duplici modo oculis subjici posse.

Cum intonatio Canticorum Evangelicorum sit eadem ac Psalmorum in Tonis imparibus, non hic specialiter notatur.

PRIMUS MODUS.

D Lau-da - te Do-minum, omnes gentes; * lau-

da-te, eum, omnes po-puli.

D J e u o u a e. e u o u a e.

f. g e u o u a e. e u o u a e.

Antumnalis.

g a. a

e u o u a e. e u o u a e.

A

Lau-da-te Dominum, omnes gentes;*

lau-da-te eum, omnes po-pu-li.

Quo-niam confir-ma-ta est super nos

mi-se-ri-cor-dia ejus.* Spi-ri-tu-i

sancto. Et in se-cu-la secu-lorum.

Amen.

SECUNDUS MODUS.


D

Lauda-te Dominum, omnes gentes. Credi-di


propter quod lo-cu-tus sum.* e u o u a e.

In Canticis Evangelicis.


Be-ne-dic-tus Do-mi-nus De-us




Is-ra-el. Mag-ni - ficat * a - nima.




Lau-da - te Dominum, omnes gentes. e u



o u a e.



Mi-se-re-re mei De-us.




se-cu-la e u o u a e.

*In monosyllabis hebræisque
vocibus non declinabilibus.*



Cre-di - di propter quod
Me - men - to, Do -




locutus sum.
mine, Da - vid.

*In Cant.
Evangel.*




Nunc di-mittis servum tuum Do - mine.

TERTIUS MODUS.



Lauda - te Dominum, omnes gentes. e u



o u a e.


a. a  à. à 
 e u o u a e. e u o u a e.
 a*  b 
 e u o u a e. e u o u a e.
 c. c 
 e u o u a e.

QUARTUS MODUS.


E 
 Lau-da-te Dominum, omnes gentes. e u

 o u a e.
 f  D 
 e u o u a e. e u o u a e.
In monosyllabis hebræisque
vocibus non declinabilibus. 
 Cre-di-di propter quod
 Me-men-fo, Do-


 lo-cu-tus sum.
 mine, Da-vid.
 a. a 
 Lau-da-te Dominum, omnes gentes.*



e u o u a e,




Lau-da-te Dominum, omnes gentes. e u



o u a e.


e u o u a e.




e u o u a e,

e u o u a e.

*In Canticis
Evangelicis.*




Bene-dic-tus Domi-nus De-us




Is-rael. *

QUINTUS MODUS.




Lau-da-te Dominum, omnes gentes. e u




o u a e.




e u o u a e. frumenti sa-ti-at te.




Lauda-te Dominum, omnes gentes.*



e u o u a e.




e u o u a e.




Memento Do-mine Da-vid e u o u a e.

*In monosyllabis hebræisque
vocibus non declinabilibus.*




Cre-di-di propter
Memento




quod lo-cu-tus sum.*
Do - mine, Da - vid.


SEXTUS MODUS.



Lau-da-te Dominum, omnes gentes.*



e u o u a e.




e u o u a e.

*In Canticis
Evangelicis.*




Be-ne-dictus Dominus Deus



Is - ra - el.



Lau-da-te Dominum, omnes gentes.*



Et in se-cu-la e u o u a e.


*In Canticis
Evangelicis.*



Be-ne-dictus Do-mi-nus Deus




Is-ra-el. Mag-ni-fi-cat.



Lau-da-te Dominum, omnes gentes.*



Et in se-cu-la. e u o u a e.




e u o u a e.

*In Canticis
Evangelicis.*







Be-ne-dictus Dominus De-us.








Is - ra - el.


SEPTIMUS MODUS.

G 
 Lau-da-te Dominum, omnes gentes.* e

 u o u a e.
 a.  b. 
 e u o u a e. e u o u a e.
 c.  c. 
 e u o u a e. e u o u a e.
 d.  d. 
 e u o u a e. e u o u a e.


OCTAVUS MODUS.

G 
 Lauda-te Dominum, omnes gentes.* e u

 o u a e.
 G  c. 
 e u o u a e. e u o u a e.
 d. 
 e u o u a e.


*In Canticis
Evangelicis.*




Be-ne-dic-tus Dominus De-us



Is-ra-el.




Magni-fi-cat* a-ni-ma. magna qui po-




*Hæc quatuor verba dicuntur sub eodem cantu in
secundo tono.*

tens est.

*In monosyllabis hebraïisque
vocibus non declinabilibus.*



Cre-di-di propter quod
Memento, Do-



lo-cu-tus sum.*
mine, Da-vid.

Notandum intonationes supra notatas servari tantum in primo
cujusque Psalmi versu; ceteros vero versus a Dominante in directum
inchoari; quod et observatur in Canticis Evangelicis, nisi organa
pulsentur: tunc enim versus qui canuntur a choro, eodem modo
inchoantur quo primus.

Mediatio autem in iisdem Canticis eadem semper est ad singulos
versus quæ ad primum. Quia vero in primo versu Cantici *Magnificat*,
propter brevitem, mediatio compleri nequit, in ceteris ejus versibus
ad eam recurrendum est quæ ad *Benedictus* supra notatur.

NEUMATA.



1
Toni.

2 in A.

2 in D.

3

4 in E.

4 in A.

5 in C.

5 in F.

6.

7.

8.

MODUS INCHOANDI OFFICIUM.

Celebrans.

Do-mine, la-bi-a me-a a-pe-ri-es,




Deus, in ad-ju-to-rium meum in-tende.



Chorus.

Do-mi-ne, ad ad-juvandum.....al-le-luia.



vel Laus ti-bi, Domine Rex æternæ gloriæ.

MODUS CANTANDI

BENEDICTIONES ET LECTIONES.



Celebrans.

Pater noster. ⁊. Et ne nos... tenta-



ti-onem. R. Sed li-be-ra nos a ma-lo.




Lector.

Jube, Domne, be-ne-di-ce-re.




Benedictio.

Deus... spi-ri-tum sa-pien-ti-æ.



Lectiones.

In-ci-pit liber I-sa-i-æ Prophe-



tæ. Vi-si-o I-sa-i-æ, fi-li-i Amos, etc.


*Ad singula
puncta.*




*Si verbum desinens
sit dactylicum.*



*Si punctum præcedit vox hebraica
non declinabilis, vel monasyllaba.*



*Ad punctum in-
terrogationis.*



*Ad punctum
admirationis.*




*Ad duo
puncta.*



*Sic termi-
nantur.*



Chorus.



*[Isaïæ
in Adv.]*





1	2	3	4	5	6	7	8	9	10	11	12	13	14	15	16	17	18	19	20	21	22	23	24	25	26	27	28	29	30	31	32	33	34	35	36	37	38	39	40	41	42	43	44	45	46	47	48	49	50	51	52	53	54	55	56	57	58	59	60	61	62	63	64	65	66	67	68	69	70	71	72	73	74	75	76	77	78	79	80	81	82	83	84	85	86	87	88	89	90	91	92	93	94	95	96	97	98	99	100
---	---	---	---	---	---	---	---	---	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	-----

Et si mane me quæsi - e-ris,




Celebrans.



Be-ne-dictus.... in Christo Je-sū.

*In monosyllabis aut vocibus
hebræis non declinabilibus.*




Gau-de-te..... enim prope




est. Melchi-se-dech. R). Deo gra-tias.

Celebrans.




Dominus vo-biscum. R). Et cum



spi-ri-tu tuo.


Celebrans.



Orémus. Deus, qui nobis... Per



om-nia se-cu-la se-cu-lorum. *vel* Per




Christum Dominum nostrum. *R.* Amen.


*Ad Horas minores et ad Com-
plet., necnon pro Defunctis.*



Dominus vobiscum;




R. Et cum spi-ri-tu tu-o. Per Christum Do-



minum nostrum.

Celebrans.




Benedicamus Do-mi-no. *R.* Deo gratias.

AD BENEDICTIONEM SS. SACRAMENTI.




℣. Adjuto-rium nostrum in no-mi-ne Domini.

R. Qui fecit, etc.



℣. Sit nomen Do-mi-ni be-nedictum.

R. Ex hoc nunc, etc.



Benedicat vos omnipotens Deus; Pater,



et Fi-li-us, et Spi-ri-tus Sanctus. ꝛ. Amen.

MODUS CANTANDI EPISTOLAS ET EVANGELIA.


In Epistola, Syllaba omnis cui hæc figura (v) supereminet, deprimitur ad tertiam minorem. Cui vero hæc alia (A) superposita est, adtollitur ad tertiam pariter minorem, sic :



Lec-ti-o E-pis-to-læ be-a-ti Pauli A-




posto-li ad Romanos. Fratres... de



somno sur-ge-re..., cūm cre-didi-mus


Ad punctum interrogationis vel admirationis (?) (!) idem observatur quod in Lectionibus.

Asteriscus () circa finem indicat conclusionem, sic :*




Curam ne fe-cē-ri-tis in deside-ri-is.


In cantando Evangelio eadem observantur, quæ in Epistola; nisi quod loco hujus notæ (A) sequens est (v), quæ significatur syllabam subjacentem protrahi oportere per diaptosin, sic :




Dominus vo-bis - cum. Sequentia sancti Evan-



ge-li-i secundum Lū-cam. In il-lo tempore;



loquente Jēsu ad turbas.... dixit il - li : ...



At il-le di - xit.

In parte Hyemali reperitur modus inchoandi Gloria in excelsis, Credo, etc., pro Annualibus, Solemnibus et Dominicis.

FINIS.

CORRIGENDA

IN PARTE AUTUMNALI.

Pag. 8. col. 2. lin. 2. adde et generationem. — 22.-2.-7. nomen, lege nomen. — 73.-2.-20. intendente, lege intendentes. — 104.-1.-39. Despexit, lege Respexit. — 111.-2.-8. mos, lege meos. — 116.-1.-11. conculcantes, lege conculcantes. — 140.-1.-4. dele et in Simplicibus. — 177.-1.-18. et, lege ut. — 185.-2.-21. quam, lege quam. — 198.-1.-14. esse, lege sese. — 247.-2.-33. hominem, lege hominem. — 250.-1.-12. hospitii, lege hospitii. — 321.-1.-14. qui, lege quia. — 326.-1.-24. cui, lege cui. — 332.-2.-36. suos, lege tuos. — 360.-2.-19. ante ejus, adde ossa. — 361.-2.-15. sordibus, lege sordidus. — 364.-1.-5. voci, lege voce. — 380.-2.-7. Crispiani, lege Crispiniani. — 443.-2.-33. post tum silens, adde tum loquens. — xxxv.-1.-35. perfecta est, lege profecta est. — 216.-2. post Lectio IV, adde Ex Sancto Cypriano Episcopo et Martyre. Lib. de Mortalitate.

Si quæ et alia menda Typographicis curis, rara admodum, in punctis et apicibus effugere, studiosa indagine compertum est vix ullum inesse, quod scalpello expungere, aut calamo, lector benevolus emendare non possit.





b. B.